



Ex Bibliotheca
majori Coll. Rom.
Societ. Jesu


212.43
2
2
8
35 18

S. 30 C. 27

Imprimatur.

JOANNES BRUNETTI
Vic. Offic.

Vratislaviae Die 19. Febr.
Anno 1691.



DEO

Omnipotenti ac Sapientissimo
mundarum Mentium Custodi

Talenti fœnus præsentat Author.



Uncta cum Deo incipienda esse antiquus Usus tradidit juxta illud : à Jove principium : Similiter & sine Deo nil esse , nil fieri debere unice declamat Sapientia. Libri, quos Turba Literatorum solet Luci exponere, ut plurimum inchoant à dedicatione eo propemodum sine, quò patrocini non & alio congaudeant fructu, eoq; interesse videtur, ut sit respectus am Operis ad patrocinium : hinc venit commodè dicendum, doctrinam entia habere respectum ejus à quo derivat ipsa Sapientia. Hoc Opus cum nil in se contineat, quo fortè illicit animos, quin potius antiqua comatur obsoleta profundissima fundamenta Sapientia Columnis Sacra, id est, itatem sive humanæ Vitæ perfectionem, non est ut longè vagetur animus itatum, unde sit conquirenda operis protectio, ubi contendam ad Viridarium ens flosculos coronandæ Sapientia dicatos. Ipsa namq; Sapientia non et sermo, cum Virgo non sit, minus peplo cum non decrepita sit, insuper djectitii tolerat, cum septa sit Circulo finem non nisi in principio habente. s ejus cum inexhausti æterni Luminis fons sit, occasus itidem abyssus in : Bonitatis, hæc ratione ubicunq; incipit aut finit, cum Deo incipit vel sapientia. Hactenus non numeratur inter habitus virtuosos per usum & ientiam acquisitos, quia est singulare donum Dei, quod cui vult inspirat sine respectu personæ, & quid sit, docetur Ecclesiast. i. nempè dilectio onorabilis Sapientia. Sapientiam solebant Antiqui depingere per Iconi. i Juvenis cæruleo indumento amicti obscurâ nocte tenentis librum in ma- istrâ, in dextrâ Oleo plenam & accensam ampullam, quâ significabatur Intellectus quod instar singularis doni Dei ardet in spiritu nostro sine ex- tinctione,

tinſione, quanquàm ſapè magnà ex parte offuſcetur à Vitiis, quæ ſunt tenebræ in animâ ſuperabundantes & extinguentes ſapientiam. Per Librum denotabatur S. Codex velut liber librorum, quatenùs in eo invenitur omnis Sapiencia, quæ ad ſalutem eſt neceſſaria. Sedes Sapienciæ obſcuritas eſt, utpotè in quâ eſt aded involuta, ut hætenùs difficilis ſit ejus adeptio, quâ de cauſâ Rex ſapiens comparabat eam theſauro abſcondito Prov. c. 2. dicens: Si quæſieris eam quali pecuniam & ſicut theſauros effoderis illam, tunc intelliges timorem Domini & ſcientiam Dei invenies. Conſtat tamen, non ided tam occultam, ſigillatam atqve divinam eſſe ſapientiam, ut eâ priventur homines, ſed in eo ſitam eſſe Cauſam, ut cum indiſtriâ quærant eam, hoc ided ne ſuperbiendo glorientur de eâ tanquàm de proprio, ſed ut agnoſcant tantum donum eſſe velut ſummæ ſapientię didactron. Sine Sapiencia non poteſt beatitas ſeu Vitæ humanæ perfectio doceri eoq; nec acquiri: hæc itaq; eſt, quæ animum perducit ad Deum, quò religetur (adunetur) ei, atq; dehinc eſt concinnata ejus facies (inſcriptio). De eâ ſcriptum eſt: qui invenerit me, inveniet Vitam & hauriet ſalutem à Domino. Quid quod non indiget Ornatu & divitiis, veraciter dici poteſt, quod qui eandem poſſidet, portet ſecum omne bonum, quoniam qui poſſidet Deum per intelligentiam & Charitatem, poſſidet etiam principium, in quo inveniuntur cuncta creata longè perfectius quàm in iſtis iisdem. Mundanæ res impediunt, quo minus homo accedat ad ſapientiam, aſt hujus cum ſit illuminare, earum eſt obtenebrare mentem. Cæterum quæ in hoc vetuſtarum rerum libro continentur, niſiſi farrago ſunt totaq; ſupellex ſapientię, quæ hætenùs nec plus nec minus habent quàm ipſa habet ſapientia, ubiq; ſcil. concomitantem Deum, cujus quæ fecit, dedit cuncta ſunt propria. Cum itaq; tùm res, tùm cogitationes, verba & opera cuncta debeant offerri ei, cujus ſunt, non eſt quod Te præteream ipſam increatam ſapientiam. Tibi Deus potentiſſime humiliſſe offero ac dedico laborem ſublimis eas res tractantem, quas homo de tuâ gratiâ capere poteſt, quas vel ided tantoperè averſantur, quorum ad pravitatem reflexus eſt animus, quod ſunt tam neceſſariæ, quia cum Deo uniri volentes. A te, Deus, ſunt pateſacta Myſteria fidei æternæq; ſalutis, in te quoq; nobiſcum revolvuntur oblata omnium rerum fini. Tu ergò Clemens Domine da fruſtui accepto benedictionem, ut ſeminis inſtar proventu uberrimo creſcat in Cordibus tuorum Ekeſtorum, fac deniq; ut ipſa cum offerente Oblatio ſub Umbrâ alarum tuæ ſapientię protectionem habeat & Complacentiam.

PRÆFATIO AD LECTOREM.

S Paulus Apostolus dividit hominem in animale[m] & spirituale[m], qualem divisionem non facit gentiliu[m] Philosophia. Divisionem hanc jubet fides Christiana assumere, nec prohibet ea quæ hinc sequuntur admittere. Differunt sic amor & voluntas, tum ratio & intellectus, consequenter etiam exercitia virtuosa quæ ad excolendam pietatem impenduntur, annon dehinc & Cultus & Religio? Id sanè videtur admittendum, quia Spiritus non quod Caro, neq[ue] Caro potest id quod Spiritus facere. Novum quid hoc videbatur olim tam Gracis quàm Judæis, eratq[ue] ingrata doctrina spiritus castigantis illecebrosos Carnis sensus, adeoq[ue] dabatur ea in adversum. Consimile quid nostra ferunt tempora, eò quod Apostoloru[m] Turba simili propemodum de causâ censet antiquatam eam divisionem, per quam authentica redditur Spiritus contra Carnem pugna, ideoq[ue] si possent exauthorare Spiritum hominis post Corporis dysfunctionem in abstracto perennantem, nihil quod eò conferrent, intactum relinquerent. Alii verò refragantur huic Paulinæ divisioni, quatenus obauditâ eâ admittunt paganam Confusionem circa indaginem Originis potentiarum humanarum hucusq[ue] protensam committendo pietatis exercitium soli homini animali dehinc visi quàm dedignentur Regimen Spiritus & in hunc simul influxum caelestem. Ast inter alios Johannes Taulerus Vir summè spiritualis, sui temporis Taurinurgus redegit Paulinam Spiritus doctrinam in quendam Ordinem ac disciplinam, reddiditq[ue] celebre pietatis Exercitium, eò quod docuit cum eo comparatum esse sicut cum opificio vel artificio, quod ope regularum, informationis ac industria debet prius memoria mandari ac imprimi, postea longo tempore diligenter exerceri, donec discipulus

naculum Humanitatis Christi & in similitudine ejusdem, quæ impetratur per medium vivæ sequelæ. 4. in firmâ adhesionem per meritum Christi productâ. Paucis quidem dictum, est non aq̃ paucis intellectum. Ad Cognitionem ducit uberior explicatio, ad effectum autem crebrior ejus repetitio: Utrumq; benevolus Lector inveniet quod boni consulat. Quisquis autem tantum eruditionis hauserit, tantum quoq; gratiæ & virtutis acquisiverit, ut in effectum præfata deduxerit, is cuncta credat hujus libri contenta complevisse, eoq; à Deo illuminatum & ad divina opera præparatum esse, ut taceam, eum hætenus vivam S. Scripturæ Veritatem cognoscere juxta Lumen illuminatorum hominum, hoc est, in rectâ sequelâ imaginis & vitæ Christi Domini nostri.

Ut autem Liber doctrinæ Theosophicæ ad usum desiderantium recusarum facilius intelligatur, liceat eum mundo revocare in memoriam, sed modo alio, id est, juxta superiorem divisionem instituto, ita ut ab initio ad finem usq; tradatur in formâ questionum & responsionum exaratarum quasi à personis invicem decertantibus sub nomine hominis animalis & spiritualis, quatenus dicit scriptura animalem hominem non quæ sunt spiritus percipere, spiritum quoq; esse promptum (ad pugnam) carnem autem infirmam. Omisi autem ea, quæ solent ordinem perturbare, verba variata, repetita & dicta idem significantia, quatenus moderno seculo non placent quæ euphoniâ non habent, utut aliâs ad rei impressionem utilia esse videantur. Adjunxi quoq; paucula quæ videbantur adjectu digna, insuper quæ difficiliora erant verba mutavi repositis aliis idem significantibus, quamvis omnia mea ab Authoris verbis & sententiis brevitatis causâ non separatim notaverim, quò totum hoc institutum relatum volo.

Vale Lector benevole & fave.



PARS SECUNDA.



IN primâ hujus libri parte ostensum est, quid homo sit, quot, qualibusvè partibus constituatur, undè & propter quid sit conditus, & dictum est, quod ad Gloriam Dei: Hæc autem conditio relationem habet ad immortalitatem non obstante mortis interventione, quatenùs hæc tantum est terminus à quo, qui transitionis quendam modum describit ad inaccessible aliàs Regnum, quod gloriâ Dei plenum est. In hac igitur Secundâ parte agitur res nostri Authoris, cujus doctrina collimat eò, ut homo cognoscat, qualiter suum finem queat adipisci, nimirum Regnum Dei, ut tunc & ibi æternum decantet gloriam Dei, celebrando nomen ejus Sanctissimum. Enimverò ad possidendum Regnum Cœleste inspirat Deus homini Spiritum immortalem, cujus operâ corpus humanum unâ præparetur, dignumq; reddatur gloriosâ Resurrectione. Tractat ergò Author noster per cuncta sua opera varios modos & vias, in quibus ambulando homo queat pervenire ad Regnum Dei: hos omnes concludit termino veris Christianis satis noto, id est, etymo perfectionis, quam Dominus noster ipse injungit. Perfectio, uti difficillima est, ità in sensu Notitiæ latissima, atq; dehinc refertur ad sapientiam Christianam, ad quam sapientia increata invitat omnes homines in libris Sapientiæ, Proverbiorum & apud *Isai c. 55*. Perfectionis hujus causâ exposita est regula, norma, Speculum, quod Vita Christi est: nam juxta hoc exemplum conformamur

in Vitâ novâ & perfectâ. Hæc nova vita incipit à Pietatis exercitio & addisci debet juxtâ ordinem quendam, non multum ab similem ei, quo artes docentur & opificia, proindè monstratur in hoc libro, qualiter quis incipere debeat, ac velut per gradus progredi semper discendo, exercendo, renovando, donec juxtâ Talentum suum propius ad Magisterium accesserit, id quidem sinè aliquâ sui præparatione non posse fieri censendum est, quam Author etiam diversificat. Ut ergò ordo in primâ parte prænominatus servetur, eoq; citius aliquis ad hujus artificii, aut exercitii cognitionem, si non habitum, perveniat, initium arbitror faciendum esse de iis, quæ jam proposita sunt, nimirum de Regno Dei, de perfectione, de Vitâ Christi &c. Hæc reliqua sequentur.

SECTIO PRIMA.

CAP. PRIMUM.

De Regno Dei.

Q. Si Regnum, de quo dicis, est Dei, quî convenit hominibus? **R.** Quia Regnum Cæleste est hæreditas, quam Deus Electis suis promisit, hæc ratione convenit iisdem vivere in æternum. Sunt ergò Synonyma Regnum Dei, Hæreditas Cælestis & Vita æterna. Incipit autem hoc Dei Regnum in Electis Dei amicis adhuc in tempore, qui & dehinc vocantur beati.

Q. Regnum Dei quid est? **R.** Est Deus ipse cum omnibus suis divitiis in suâ ipsius essentiâ & naturâ.

Q. Ubi quærendum est Regnum hoc? **R.** Ubi est, ibi quærendum est. Est autem in intimo fundo animæ (mente) ubi Deus proximior est animæ, quàm anima ipsa sibi. Quisquis ergò

hoc Regnum quærit, debet intrare in eam domum, hoc est, erit eum exulare ab omnibus sensibus & sensibilibus, quoad in phantasiâ per Sensus illata sunt idealiter, quin etiam in omnibus Ideis intellectualibus, quæ in ipsum Scrinium Intellectus deportatæ sunt modo rationabili sive intellectualiter. quidem naturæ adeo est exoticum, inexpectatum, imò abominabile, ut verbis satis exprimi nequeat.

Quid sequitur tùm, cùm homo in eam domum intrat quærere Deum? R. Tunc ea domus everritur & quasi subvertitur. In posteaquàm homo quæsivit Deum in profundissimo fundamento) venit unà Deus quæsitum hominem, & vertit totam domum eo ferè modo, quo homo, dum quid amissum quærere projicit ista horsum, illa aliorsum, donec quæsitum invenerit.

De modo passivo, quo homo quæritur à Deo, quid habes? Hic modus, ut est in suo sensu, non debet omnibus traditus, quia non omnes capiunt eum; illis autem tradere licet, quid datum est nosse Regnum Dei, quibus aliquandò illuxit lumen. De introitu autem in animæ fundum (mentem) non tam, ut sic quis capiat, quasi liceat semel, & quandoq; introire, & exire ad commercium Creaturarum usurpandum. Minimè!

Quid agitur tunc cum homine, cùm domus everritur, id est, quomodo homo à Deo quæritur? R. Id, quod tunc fit, est id, quod in ista objecta, quibus mediantibus Deus seipsum objicit, quantum in mentem venit, auferuntur homini, isq; ipse adeo introvertitur, ac si nec unquam profecisset, aut recepisset aliquid, quin in illuminationes, aut revelationes omnes, quæ unquam venerunt ei, invertuntur sub istâ visitatione. Ast istiusmodi reversio ingens affert emolumentum, quoniam si plenâ cum reversione tolerari potest, provehitur homo longè ulterius, & per quævis alia instituta, modos & opera alias provehitur. Qui taliter se benè gerunt homines, fiunt omnium gratissimi, quatenus quod sunt illuminati, objecta cuncta transcendunt se in momento introvertunt, quotiescunq; volunt.

Q. Si Regnum Dei homini inest, quamprimùm fit voluntas Dei, dic qualiter advenit? **R.** Postquàm indefesso pietatis exercitio tractus est externus homo in internum, adeò ut uterq; (hoc est mens cum sensitivâ) unanimi oblatione sui penetrent in abyssum divinam, tunc se paterna abyssus immergendo demittit in fundum humanum ad se conversum, atq; sic velut in Unum colliquescit. Quærere ergò ante omnia Regnum Dei & Justitiam ejus in hoc consistit, ut in omnibus contingentibus Deus verè præfigatur, ut scopus omnis intentionis externæ & internæ, quoniam non minor Charitate debet esse fiducia.

Q. Ast cùm natura in se sit valde aspera, in multis quoq; hominibus usq; adeò viscosa, ut semper quid appetat, cui tenaciter adhæreat, an non hinc magna intercedit difficultas? **R.** Sane quàm magna: asperitas enim est capax adhæisionis, non item lævitas; attamen quod asperum est, limâ tolli, aut scopis duris potest abradi, viscidum quoq; resolvi, perlui & ablui, quamvis glabrum nihilo horum indigeat, quod facilè abstergitur. Sic quidem inveniuntur homines sylvestres, asperi & inæquales, quibus opus est, ut Deus eos limâ vel duris scopis variarum passionum & tentationum expurget, donec veram resignationem edocti perpoliantur. Ast probi homines, qui jam sunt læves ac æquales facti, ad omnia sunt prompti, quâ ratione eorum multi fiunt sancti, qui manent in paupertate nudi, cæci & oblati, nimirum sic, qualiter Deus vult eos habere, nam hætenus cunctis iis elabuntur, remoris, quibus aliàs natura cupit adhærere. Et hi sunt nummus ophiricus, denarius pretiosus, de quo dicit Parabola Evangelica: qui abnegârunt seipsos & omnia, quæ verum progressum poterant impedire.

Q. Compertum autem est, quod inæquales homines cum sub tentationibus purgantur duris scopis, malo facilè cedant, eoq; prolabantur in subitanæam eoq; extremam tristitiam, metu ad desperationem usq; perculsi. Quid ergò, cùm ajunt: de nobis actum est, cùm simus omni gratiâ & luce privati? **R.** Hi si in ve-

ra constituti essent resignatione, nunquàm sic prosperarentur, non commodè adeò viverent. Quocunq; enim modo Deus eos quærat, acceptum illis esse debet in verâ pace; sive cæcos eos velit, obscuros, pauperes, sive det, sive demat, ut sit perindè, tales inveniri eos ubilibet, quales quærentur: siquidem hæc est via, quâ quis transcendit omnia. Hortandi ergò sunt pusillanimes, ne pavidì tam leviter animo perdantur, sed aliorum exemplo erudiantur. Quod si quis ultrò provehi nequeat, cõmittat se fideli suo Creatori, nec animum hætenùs despondeat.

Q. Liceat hîc ad denarium redire inventum, quem adduxisti pro simili, quid est intelligendum de pondere ejus? R. Pondus habere debet ideò, ut in id fundum mergendo recidat, similiter ac indè elapsus est, in omni puritate, hoc est, sine maculâ aut notâ impuritatis.

Q. Siccinè aliquid de effigie ejus? R. Notandum per effigiem non hîc intelligi Imaginem Dei, quæ anima ipsa est per denarium denotata, sed singulariter hîc per effigiem intelligi Deum ipsum, cui tam esse unita debet anima, quàm est unita effigies nummo. Ipse Deus est hîc Imago, in quâ amat, cognoscit, & usurpat se ipsum. Deus est, vivit, & operatur in animâ, hinc fit ea Deiformis, sive ad summum depurata, Deo adhærens.

Q. Dic ergò, qualis vicissim sit apparatus animæ impuræ? R. Quicunq; animam contueri posset, quæ fundum & amorem suum volenter Creaturarum coloribus variegavit, procul dubio videret eam apparere Diabolo similem, cùm tamen Diabolus tam teter sit & abominabilis, ut si quis eum obtueretur in propriâ specie, non posset fieri, quin illicò exspiret: inde advertendum est, in istiusmodi abominandâ tetricitate oportere animam aspicere seipsam incessanter & in æternum.

Q. Dic, qualiter Author noster confert hæreditatem cum Regno Dei, & qualis eorum hæreditas sit, qui viam perfectionis percurrere satagunt? R. Hæc dicit Author: Qui cupiunt intrare in adytum Archivorum Dei, non potentur hæreditate

aliâ, præterquàm divinâ, informi, innominatâ, occultâ essentiâ Dei, quamobrem non debet flecti caput eorum aliò, nec foras, nec intrò, cùm alioquin evadat verminosum. Nec etiam est attendendum ei, quod simplex & suave sit, quoad perceptioni huic longè præferendum est crudum & inæquale, undè non quiescendum, nec suum proprium quærendum. Deus intendendo Creationem rerum non habebat coràm se aliud quid, præterquàm nihil, hinc non creabat omnia ex aliquo, creabat autem ex nihilo, in documentum nobis, quod ubi simpliciter vult operari, non alio indigeat, quàm nihilo. Nihil est opus ejus modo passivo, magisq; capax alicujus, quàm aliquid. Qvicumq; vult incessanter capax esse omnis ejus Vitæ & essentiæ, quam Deus donare vult & facere in suis electis Amicis, est operæ pretium ubiq; eò allaborare, ut suo in fundo veraciter sit Nihil: siquidem Egoitas nostra & affectatio impediunt Deum, quò minus Opus suum in nobis absolvat. Job, quem Deus ipse laudando pronuntiabat justum, simplicem, sui similem non habentem, qui nec unquàm Verbum stultum eloquutus est, prorupit in hæc verba dicens: In profundissimum infernum descendent omnia mea. Sanctus iste Vir intelligebat hîc seipsum & suum, non in sensu creati sui Nihili, in quantum homo eâ in parte nihil est; sed in Sensu Nihili sui promeriti: & tametsi Vir justus erat, nihilominus ob culpam suam cupiebat descendere in profundissimum, obscurissimum, summè cruciantem infernum, quasi dicere voluisset: fortè pro meis peccatis, mea q; promeritâ culpâ vix erit ibi tortura satis valida. Ejusmodi cruciatum inferni volebat sustinere in omnium maximâ torturâ sine ullâ evadendi spe, donec pro culpâ promeritâ satisfacisset. Gregorius dicit: quod ejusmodi homines quærunt mortem & non inveniunt eam. Taliautem Charitati atq; profundæ abnegationi respondet Vita in Veritate inadvertenter, quoniam quò profundius, eò celsius, quò minus, eò magis.

Q. Cum autem Eccles: 24. scriptum legatur: in hæreditate
Do-

Domini habitabo, dic, quid inde discendum sit? R. Hæreditas, quam inhabitare debemus, est duplex, una temporalis, & hæc est venerabilis vita, passio & exemplum Domini nostri Jesu Christi, altera, quam expectamus, est clarificata hæreditas omnium maximè exhilarantis Deitatis, cujus causâ nobis est à Christo promissum, fore, ut simus cohæredes, atq; domestici ejus in æternum. Hæreditatem temporalem cum Charitate & gratiarum actione possidendo fideliter, quò excellentius exercitati sumus in eâ, hoc opulentiùs atq; beatiùs possidebimus hæreditatem æternam. Sanata sunt omnia vulnera Domini, exceptis quinque majoribus, quæ à Claritate Deitatis inde elucentis servantur aperta ad usq; novissimum diem, ineffabilis ergò beatitudo est, quam Sancti & Angeli hinc adipiscuntur.

Hic nostra hæreditas sint quinque istæ portæ, per quam intremus in hæreditatem æternam, hoc est in patriam nostram. Earum quinque portarum Custos est Spiritus Sanctus, cujus dulcissima Charitas parata est, nos, cum pulsamus, intromittendi per eas in paternam hæreditatem, & quicumq; intrat per eas ordinatè, non deviabit.

Q. Quid ea vulnera discendum nobis exhibent? R. Discendas exhibent quinque Lectiones, quæ nos à cunctis mediis abstrahendo introducunt, & hæc consistunt nominatim in his, passione scilicet, fugâ, contemptu & abnegatione sui ipsius, in verâ resignatione. Proinde necessum est, ut homo se demittat in vulnus pedis sinistri, indeq; exfugat potentiam vitandi omnem delectationem & sufficientiam, quam homo potest habere, aut obtinere sine Christo. Deinde opus est, ut totum se demergat in vulnus pedis dextri, cujus Virtute animatus, discat pati accidentia unde quaq; foris ac intus irruentia. Postea exugat è manu dextrâ Nectar divinum rogando, ut concedatur ei silentium internum, & externum. Qui tantâ polleret lætitiâ, ut posset tacere ad omnia, certum est, nil mali posse ei obvenire. Consequenter è manu sinistrâ fugat rerum temporalium, externarum, & internarum

ternarum, sicut & omnium fortuitorum accidentium aut incidentium contemptum. Quicquid adversus Dominum intendit & amat, quid ei incidit, caveat ne curet, sed cadere sinat, sinat & elabi. Porro cum omni-quod suum est, fugiat in aperturam cordis Christi, in thorum suavissimum, quem suis illis, qui ei libenter corda offerunt, adaperuit, ut eos brachiis Charitatis ibi amplexetur, ipsi vicissim hinc eo potiantur in æternum. Hic est discendum, qualiter perpetuo quis abneget seipsum in omni modo, in prospero, in adverso, in sufficientiâ & carentiâ, in tempore & æternitate, qualiter Dominus vult, qualiter vè divino ejus Cordi placet in nobis, cunctisq; Creaturis. Cessent omnia, ut ei soli placeat: ad eum modum se gessit perfectissimè gloriosa ejus Genitrix, quam ut imitetur quilibet bonus Christianus, est summè necessarium. Et ut rem benè capiat, iterum dico Opus esse, ut Viam Vitæ suæ dirigat ad 5. Christi Vulnera, quò cum pertigerit, oportet eum subsistere, intueri, & osculari salutaria Vulnera atq; per ea penetrare ad ipsas eorū Virtutes essentielles. Interea noscendum est, quid gratiæ reportet è Vulneris cujuslibet aspectu, qualis quoq; sit cujuslibet Vulneris Via (transitus)

1. Et cum hoc salutare iter sit revelatum à Deo, sicut scriptum est: Hic est iter (via) in quo ostenditur salutare Dei (hoc est, Corpus dominicum) necessum est homini hanc Viâ contendere ad intuendum Salutare suum. Est autem Via per Vulnus pedis sinistri desideriosa defunctio sensualitatis naturæ ac inordinatæ Cupidinis nostræ, utpotè quæ finem suum assequitur in Usu deliciarum divinarum. Dum homo sinistri pedis Vulnus devotè considerat, flectitur ejusdem animus ad res spirituales & ad quævis Virtutum Opera mutata scil. Concupiscentiâ carnis in desiderium animi.

2. Dum Vulnus dextri pedis contuetur homo, acquirit robur sive Virtutem propter Deum cuncta patienter perferendi. Via autem per idem Vulnus est animi patientis penetratio in Deum, qui cunctos externos Casus & afflictiones mediantibus piis Cogitationibus perrumpit Deumq; laudat in omnibus. 3. Dum

3. Dum homo devotus sinistrae manus Vulnus aspicit, nanciscitur Scutum & protectionem adversus omnis generis tentationes. Via per idem Vulnus est Exercitium omnium Virtutum, Obedientiae & subjectionis perpetuae, eaq; exercitatio est juxta impulsus S. Spiritus sub Carentia internae Oblectationis, sensationis & solatii, estq; talis cum molestia, passione & Oblatione sui in divinam Voluntatem.

4. Dum homo devotus Contemplatur Vulnus dextrae manus, datur ei liberatio, libertas & abundans Dei gratia. Via per idem Vulnus est paupertas Spiritus, utpotè cui datur esse liberum à formis, Ideis & speciebus, haecenus Capacem mediante essentiali amore penetrandi in clarissimam essentialem nuditatem divinae simplicitatis.

5. Dum Vulnus Lateris Conspicatur, adipiscitur anima incrementum omnium Virtutum flagranti sub amore. Via per idem Vulnus est Usus Sacramentorum cum exercitio tam Operum externorum quam desiderii interni seipsum in amore Consumendi sive (alio modo loquendi) seipsum in essentiali amore submergendi sine medio sensorum discriminum in obscuram tranquillitatem divinae Unitatis.

Quotiescunq; homo praefata divini amoris signa devotè Considerat, toties renovantur & augentur praescripta dona. Ut autem fructum hujus doctrinae Capiat, praestat singulis diebus ea ter Contemplari, mane scil. Vesperis & noctu.

1. quidem humili Confessione quâ homo se inculpat vixisse adversus hujus doctrinae formam.

2. Sincerâ Confidentia, quâ homo sollicitat Vulnerum interventionem, exorando Deum pro Virtutum praefatarum elargitione.

3. Summo Conatu, quo homo ad 5. Christi Conversus Vulnera Conatur per ea ardenti desiderio, imò Cunctis Viribus ejus, Corde, animâ & mente in Deum penetrare.

Quicumq; hanc exercitationem Continuant, acquirunt inde artificium, imò & à sedulitate Virtutem. Exercitium namq;

est ea pulsatio, sedulitas scrutatio, cujus ratione scriptum est: qui quærit, invenit & qui pulsat, ei aperitur, & sic è Contrario. Gratia datur desideranti, & Vita Æterna amanti. Ità in variâ sanctâ devotione est exercenda suavissima ea hæreditas, ut per-securam eam portam ingrediatur ad æternam hæreditatem. Offerat Cœlesti Patri innocentem Filii passionem pro suâ pro-meritâ passione, ejus innocentes cogitationes pro suis nocenti-bus, ejus sancta verba pro suis fonticis, & sic porro, cuncta ejus facta, humilitatem, patientiam, mansuetudinem & Charitatem pro omni eo quod hætenùs deest ei foris ac intus. Nam quis-quis hanc rectè cum eo possidet hæreditatem, securus redditur de futurâ Domini hæreditate, ut habitet in eâ cum omnibus San-ctis sinè fine.

Q. De temporali hæreditate, quæ possidenda hîc est, dignare, quæso, superaddere aliquid in sensu eodem, attamen sermone variato, dic quid est hæreditas Electorum? **R.** Ipse Dei filius est Merces, ac hæreditas eorum.

Q. Quomodo hanc impetrant hæreditatem? **R.** Eo modo, quo Filius à Patre habet omnia.

Q. Quomodo Filius Dei habet sua à Patre? **R.** per modum re-ceptionis & redditionis. Ut enim Pater omnia dedit Filio; ità quoq; Filius cuncta, quæ à Patre recepit, obtulit ei, sicut dixit: quæ dedisti mihi, reddidi tibi. Non enim rapinam duxit Deo si-milis esse, hoc est, nil sibi servavit, nil appropriavit Filius, qui potius in omnibus & per omnia solam Patris sui quæsit glori-am. Ideò convenit Electis imitari Filium Dei juxtâ eundem modum, nimirum offerendo Patri cuncta quæ habent, sunt ac possident; cautela quoq; adhibenda, ne quicquam quod unquâ à Deo acceperunt sive extrinsecùs, sive intrinsecùs sibi attribu-ant. Cùm Dei sint omnia, solus Deus quærendus est; cùm o-mnia sint Dei, Deo relinquenda sunt omnia, sive mediatè, sive im-mediatè occurrant homini. Quid quod cuncta sint Dei, cuncta in Deo & per Deum sunt ordianda, & finienda, quæcunq; nobis per annum per diem & noctem, per horas & momenta sunt per-

peragenda : in omnibus divina vox, voluntas & jussus observentur necessum est, cum alioquin omnis neglectus peccatum sit.

Q. Si sensus, vires, imò tota natura corrupta est, contagiosa & attractiva, sic ut se ipsam in omnibus & pro seipsa omnia quaeratur, annon hæreditas præfata valde operè obscuratur? R. Non est negandum, divina dona obscurari & in Creaturas mutari, quam primum homo sibi ea vendicat, vel attribuit. Quicunq; sic faciunt, Judæis similes sunt, de quibus constat, quod omnem fiduciam Operibus, mandatis, & Ceremoniis eorum superstruebant, eoq; in crassâ caligine versabantur. Christiani verò ut multa habent, & potiora Judæis peragenda; nil tamen habent, quò suam collocent fiduciam, præter solam gratiam & misericordiam Dei : hæc sustinaculum est, hæc merces est, quia gratia pro gratiâ, de quâ plura alibi.

Q. Quod si hæreditas Cœlestis juxta Authorem nostrum est vita æterna, dic qualiter quis possit pervenire ad eam? R. Per Imitationem Christi : per passionem & mortem præivit Salvator noster ad Patrem suum, simulq; ad eum traxit, & adhuc trahit post se veros Imitatores ejus, qui cum viam obviationis absolverunt, suavissimè à Christo excepti perducuntur ad Patrem suum. Id autem revelavit Dominus per parabolam Pastoris & ovium : Ipse enim cum Agno ad maçtationem perducto fuit comparatus intuitu passionis & patientiæ suæ ; ita quoq; quos sibi amore fraterno conjunxit velut compatibles nomine ovium insignivit, nevé disperderentur congregavit in ovile numero unum. Cæterum quod Ipse non solum Pastor ovium, sed etiam ostium ovilis est ; idcirco dicit ; quicunq; aliundè introit in ovile &c : est fur & latro : his verbis indicans, quod qui intrare cupit, per ostium introëat, hoc est, per ipsum Dominum nostrum. Joh: 10.

Q. Quid Dominus noster vult intellectum per ovile in sensu Spirituali? R. In hoc sensu ovile nil aliud est quam Cor paternum, quod antecederet clausum & absconditum erat hominibus, à Christo, verò qui ostium ejus est, patefactum est. In

hoc ovili est Congregatio sive Communio Sanctorum omnium, & oves ad id ovile pertinentes sunt animæ beatæ pariter & Spiritus Angelici.

Q. Quâ de causâ Dominus vocat oves Amicos suos ? R. Propter eam causam, ob quam Salvator Ipse comparatur Agnus, nimirum propter innocentiam & mansuetudinem, quæ proprium quid sunt naturæ agninæ. Hoc mediante fit, ut oves auditâ voce Pastoris obediant, ac præ euntem sequantur. Mediante hâc proprietate ductus est Agnus Dei innocens ad immolandum, auditâ Patris voce factus obediens usq; ad mortem. Quin etiam quotidianus mos naturæ hujus prodit proprietates, cum quilibet innocens libenter auscultet mandato, mansuetus pareat præcepto.

Q. Nunquid non majoris interest nôsse naturæ hujusmodi necessitatem, quàm quod hodiè observatur ? R. Tanti non solum nôsse, verum etiam eâdem præditum esse, inter est, ut nemo audiat vocem Dei, tantominus obsequatur ei, nisi qui mansuetus sit, hâc ratione etiam per simile docuit Christus mansuetudinem, ut tantò attentius audiant, tantovè diligentius observent mandata Dei, cum nec audiri vox, eoq; nec expediri possit mandatum, ubi procellosi animi resonant toni, aut fulmina subitus succutiunt omnia.

Q. Annon & feri, petulantes, iracundi, imò & omnes impii, quibus sunt aures ad audiendum, pollent facultate audiendi Verbum Dei prædicatum ? R. Habent facultatem externè audiendi externum verbum, verum ad audiendum internè verbum internum facultatem habent nullam; sunt enim surdi, rudes, incapaces, feri, imprudentes ac stolidi, & siquidem externis auribus Voluntatem Dei audiunt eam tamen expediri posse non credunt, fit, ut pari quâ audiverunt facilitate eam obaudiant, seq; reos cognitæ ac transgressæ voluntatis reddant: Secus faciunt mansueti, qui peccata sua confitendo amplius ea non perpetrant, utpotè qui Virtutem Verbi sive verbum Patris Secretum in fundo interno eorum cum omni promptitudine & mansue-

mansuetudine percipiunt, hoc est, eo modo, quo Christus Vocem Patris sui profert eis, hunc modum aliqui vocant aurem internam, quâ omnes destituuntur, qui oves non sunt. Mansveti implent Verbum Domini dicentis: quod in vijs ejus ambulant, neq; recedent ab illis.

Q. Quid, quæso, illis, qui verbum Dei intus audiunt, & mundum habent contemptui, parvum videtur? **R.** Id omne, quod magnum mundanis videtur: magnum autem dicitur de his, quæ excessivè vel offendunt, vel exhilarant animum: Sic dicitur magnus amor, magnum solatium, magnus honor, magnus itidem labor, magna passio, magna ignominia. Ista quipè temporanea sunt in propinquo, eoq; apparenter magna, quæ tamen in recessu remotissimo, nimirum ad æternitatem collata minutia sunt perexiguæ. Idcirco cum Deus non nisi cognoscatur in æternitate, sequitur ei, qui Deum cognoscit ex animo, evanuisse totum mundum, ac ejus contenta omnia, vicissim, quoq;, non cognosci Deum ab animo, cui nondum creata omnia parva videntur.

Q. Quando, quæso, cognoscitur Deus ab homine mortali? **R.** tunc solum, cum in Spiritu tractus homo elevatur supra tempus & locum, tunc, dico, videt Deum, cum cæcus est, cognoscens nec tempus nec modum, nec quæ in eo apparent minutias, ideoq; solemus dicere; extrâ mundum & extrâ tempus cognoscitur Deus.

Q. Quænam anima est capax visionis beatificæ? **R.** Ea, quæ à corporis familiaritate recedit, & in spiritu trahitur.

Q. Annon humanus Intellectus & ratio tanti censenda est, cui tribuatur capacitas recipiendi Luminis æterni? **R.** Quàm magna cuiquam videatur Majestas intellectûs, nulla tamen est in comparatione ad lumen æternum, undè necessum est exaltari eum per lumen gratiæ, si Deum cognoscere velit, cum impossibile sit sine tali magnificatione immensum capi ab eo quod est minutum.

Q. Undè minuitur vis intellectûs, quo minùs capax sit hujus

magnificentiae? R. Omne adventitium, quod à naturae ejus est alienum, puta, quivis vanus cogitatus, quodvis parvum peccatum, vel quicquid peccato consymbolum est, est medium, quod minuit Intellectus potestatem, quod haftenus etiam impedit receptionem tanti boni, tantiq; luminis, hinc Deus videri nequit, quamdiu lux heterogenea cujusdam Creaturae, etiamsi exigua sit, in homine lucet. Oportet, ut in horâ suavisimae contemplationis Dei recedant cuncta media, peccatorum scilicet, defectuum & Idearum omnium. Per exemplum: si inter animam & corpus interponeretur medium minutum, hoc ipsum tolleret veram utriusq; Unionem. Cum autem corporeis rebus id proprium sit, quanto magis spiritualibus? Et sicut oculus per medium aëris impeditur, quominus Caelum exactè contueatur; ita & animae obsistunt Ideae, quominus obtueatur Deum. Equidem & oculus & anima sunt specula, in quibus repraesentantur species sive imagines omnium rerum earum, quae illis obijciuntur, ideoq; cum manum aut lapidem obtueor in speculo non video ipsam manum aut lapidem, sed tantum speciem sive imaginem manus vel lapidis, sicut in speculo imaginem meam conspicio. Cum verò sine speculo lapidem vel manum aspicio, hæc certè visio non fit per medium alterius imaginis, sed prorsus sine medio, absq; imagine: ipsa quippè visa species est medium, quod à manu aut lapide in oculum recipio, ita etiam comparatum est cum Visione spirituali. Est namq; verbum æternum illa ipsa imago seu medium, quod anima sine Imagine & sine medio intueri, recipere & cognoscere debet.

Q. In quo consistit vita æterna? R. In cognitione Dei: ita enim dixit Dominus noster: Hæc est vita æterna, ut te verum Deum & quem misisti JESUM Christum cognoscant. Nemo ergo melius cognoscit vitam æternam, nisi qui eam habet ex Cognitione Dei.

Q. Cognitio cum actio sit mentalis ejus potestatis, quam Intellectum vocamus, quæritur, quid boni recipiat Intellectus, cum per Dei gratiam sic illuminatur, ut ipsum Deum velut gustando

stando percipiat? R. Indubium est Intellectum illuminatum quintuplici proprietate imbui, quarum

Prima est, quod separat se à loco & tempore. Tempus & locum reddidit antiquus usus hîc & nunc. Momentum temporis præsentis, quod nunc vocamus, est minutissimum, nullam trahens moram, sed ocyssimè præteriens, hinc nec pars temporis est nec finis ejus, imò nec perceptio, nec communicatio, nec sequestratio temporis. Cùm tamen sit tempus, quàm minutum id etiam ac incomprehensibile est, oportet separari ab Intellectu. Nec tempus solùm, sed etiam locus, qui voculâ hîc indigitatur, separandus est. Locus, quo Corpus hominis stantis circumscribitur, parvus est, verùm quàm parvus sit, necessum tamen est, eum cum omnibus locis & imaginibus è memoriâ proscribi: & hæc est prima proprietas.

Secunda est, quod Deo similis, dissimilis verò est cunctis aliis rebus. Scriptum est: Filii Altissimi vocabimini. Oportet Deo Joh: 3. similem esse, qui Filius Dei meretur esse. Verùm cùm nil Essentiæ Dei simile sit, intelligendum hîc est, hominem assimilari Deo juxta prænominatam illuminatam potestatem, cui cùm nil in mundo simile sit, censemus eam hætenùs privilegio similitudinis Dei solùm potiri sic, ut comparative dicere liceat: quemadmodum Deo nil simile est; ità & huic potestati nil simile est. Quid quod docetur à quibusdam, cunctas Creaturas, imò totam naturam naturaliter eo fine operari, ut similes Deo evadant, quanquàm id ità fiat Secreto illis & incognito modo. Sic Cælum rotari dicitur, pariterq; hominis appetitum ferri ad Cibus, potum &c. omnia scilicet appetere, quærere, & perficere quæsitâ hoc fine, ut Deum in cunctis, rebus latenter existentem inveniant, quo fine si esset, tota natura desisteret ab actionis munere. Et hoc aliter esse nequit, si Deus omnium rerum principium & finis est. Nam Dominus jubet, ut talia fiant propter Deum, hic etiam jussus si non natura ipsa, saltem naturæ secretum initium est, & hætenùs natura quærit secretò, ut in rebus inveniat id, quod Deus est, qui quidem nullibi reperitur
mani-

manifestius, præterquam in Corde puro & animo seipsum & omnia abnegante.

Tertia est, quod Intellectus est sincerus, impermixtus, sive nulli rei participativè adhærens. Nam sicuti Deus nullam naturam patitur sibi admisceri; ita quoq; potestas prænominata nullam subit rerum permixtionem, cui cum nihil insit alieni, eatenus nil peregrini potest eidem accidere. Immotus ergo animus is verè dicitur, qui præterquam soli Deo nulli adhæret Creaturæ, quin & asseverandum est, eum datâ terræ Cœliq; submotione perstare immotum in eo, cui infixus est, Deo. Ut enim cymbâ vectus homo rapiente cymbam fluctu rapitur unâ, sic etiam spiritus motâ, cui se applicuit, naturâ, movetur & ipse; secus mens ea, quæ Deo solum adhæret, causâ movente movetur nullâ.

Quarta quod intellectus semper intus quærit. Perpetuæ hujus actionis Causa est, quod Deus solum habitat in intimo, & abscondito fundo, cujus ergo difficulter invenitur, & hæc ipsa cognitionis difficultas sollicitat intellectum, quo Deum indefinenter quærat, donec reperiat eum. Quæ quidem reperiendi Dei beatitudo si unquam concessa fuerit, accurrit voluntas ut requiescat in eo, quid quod & amor amplexatur obviantem Dominum, in hoc amplexu utriq; sufficit. Occursus Domini est ea mentis illuminatio, sinè quâ Deus videri (cognosci) nequit, & hinc solemus dicere: in animâ Deum cognoscente tanquam
 1. Cor: 13. in speculo tersissimo Deum contueri seipsum. Paulus ait, quod oportet Deum cognoscere (eo modo) sicuti ab ipso cogniti sumus, hoc est per modum præfatæ illuminationis, cujus ope videtur Deus, sicuti est. Eò collimat etiam dictum Johannis quoniam videbimus Deum sicuti est. Nam sicut colorata lucent mediante luminoso accidente, sive colorifico lumine; ita & anima divino lumine illuminata in, cum & per lumen illud videt
 1. Joh: 3. Deum, & sinè eo Deum non videt unquam. Ne verò quis terreatur à dicto Apostolico, quo dicitur Deum habitare in luce inaccessibili: oportet nôsse, quod eo Sensu indicatur difficultas
 1. Tim: 6. quæ

quæ Intellectum exercet, ac instigat, ut semper intus quærat. Interim autem contentus debet esse animus, dummodo in viâ habitet, perquam accessus monstratur ad Deum, id namq; valde bonum est atq; beatum, quanquam propter id, quod Deus non est, à veritate longo distet intervallo. Et si Deus nunquam videatur in mortalitate, quærendus tamen est indeclinenter, ut videatur, si Deo placuerit.

Quinta, quod est Imago. Diligenter hic notandum est, & Filium Dei esse imaginem Dei, & mentem hominis mortalis dici imaginem Dei. Utraq; Imago est Dei imago, quin & utraq; intimâ sociatione sibi invicem sic unita, ut nullum discrimen ab eo temporis puncto, quo anima Deo adunatur, subintelligere liceat. Uti diversa lucis proprietas est, lucere scilicet, & calefacere; ita Intellectus à Luce discernit calorem & lumen, quanquam nec lumen nec calor adfit a motâ luce. Non sic discernere licet præfatam consociationem, cum inter Imaginem divinam, & Imaginem Mentis humanæ nullum inter sit medium discriminans: Unum quippè non dividitur in partes, adeoq; non dat diversitatis rationem, sicut quidem Calor & Lumen, quâ non sunt ipsa lux, non nisi diversimodè considerantur.

Q. Quare Dominus noster vocatur Pastor ovium, & simul ostium ovilis? **R.** Quia naturæ divinæ, & humanæ una persona est; ita quoad verbum æternum Pastor est, quoad homo, ostium est. Verbum æternum monstravit Creaturis rationalibus viam, hinc verus est & bonus Pastor hujus ovilis.

Q. Quid significatur per Janitorem? **R.** Spiritus sanctus, quatenus omnis, quæ intelligitur, & pronunciat veritas à Spiritu Sancto provenit. Et homines, quorum animus in seipsum reflexus est, in veritate sentiunt, quàm Sanctus Spiritus corda eorum incessanter flectit, trahit, instigat & impellit.

Q. Quid circa aperturam ostii notandum venit? **R.** Id probe notandum est, quod Dei verbum æternum reſerato paterni Cordis ostio semper apertum teneat reconditum aliàs theſaurum Secretorum, & opulentia domûs istius, ita ut nemo satis

valeat cogitare nedum effari, quàm sit paratus Deus noster, quamvè sitiens ac desideriosus, imò quàm suavem semper atq; jucundum se gerat versus omnem hominem, qui falso amore excusso toto corde & animâ sese ad eum receperit, quasi omnis beatitudo ejus sita esset in salute hominis: tam promptè nobis occurrit singulis momentis exceptum amicissimè, quos fortè vigilantes invenerit, ac præparantes corda ad sui sequelam. Neq; respicit qualiter & quantum homo peccavit antea, sed potius attendit id, qualiter ex animo desideret se comparatum ergà Deum.

Q. Estnè Dei Clementia tantæ efficaciz, ut cunctos homines excitando præpararet ad imitandum Deum? **R.** Quantumvis ea sit satis efficax in bonæ voluntatis hominibus, tanta tamen multorum hominum est contumacia & excæcatio, ut potius resistent tractui, ac monitioni Dei salutem hominum valdè desiderantis, imò sæpe numero suavissimam Dei præsentiam superbè nimis contemnant, à Creatore averfi, & ad Creaturas voluptuosè conversi, quo factò Deum è cordibus suis violenter exturbant.

Q. Sed quid de nobis dicendum est, qui contumaces videri volumus? **R.** Quotusquisq; nostrum est, qui nesciat, Regem Ahasverum in perpetuum repudiâsse Reginam Vasthi semel tantum ei protervè in obsequentem, nesciat autem quàm sæpe negligit causam impulsivam, hoc est, monitionem divinam per spiritum sanctum, imò & percunctas Creaturas factam? adeò averfâ, quâ Deus ducere nos cupit viâ, aliò tendere nitimur velut oves, quæ proprio nomine vocatæ Pastoris vocem, obaudiunt, ac aliorum excurrunt. Bonus Pastor noster cum suas oves vocat, vocat quamlibet proprio suo nomine: beati ergò omnes, qui auditâ blandâ voce Domini sequuntur eum fideliter ad neminem præterquam ad eum conversi. Sic ille semper præcedit, hi semper sequuntur, ipse noscit hos, hi noscunt vocem ejus: propterea nil aliud intra se quærunt quàm solum Deum, ejusq; gloriam ac voluntatem, & hinc vocantur oves Dei propriæ.

Q. Dic ubi harum ovium habitatio est? **R.** In ovili. Quid est ovile?

ovile? R. Cor Dei paternum. Qualiter pertingunt eo? R. Per ostium patet ingressus, quod est æternum verbum juxta Imaginem humanitatis clarificatæ: Per ostium hoc oportet introire omnes, qui eo pertendunt. Christum autem esse ostium, per quem ad Patrem eundum est, ipse testatus est Dominus, unde videmus, quàm ipse sit via & quidem sola, vera. Patet hinc etiam, cunctos, qui non per ostium hoc, sed aliundè cupiunt ingredi, esse fures & Latrones.

Q. Quid datur per fures intelligendum in sensu Spirituali? R. Tales intelliguntur esse cuncti homines, quorum intentio non unicè spectat solum Deum, & qui non veraciter imitantur exemplum Suavissimi Domini Jesu Christi in humilitate perfectâ: dicuntur autem hi intrare aliundè, hoc est, per ostium falsum, quatenus proprio ac naturali ratiocinio insistentes non agnoscunt quàm fragiles & reprobî sint ipsi.

Q. Dic quid sit ille, qui intus in fure latet uncus nequam, quo mediante committitur furtum? R. Delectatio & philautia, quæ nullâ morâ interjectâ nihil non audet aggredi sub titulo proprietatis tam ijs in rebus, quæ de Deo, quàm etiam in alijs, quæ de cunctis creaturis sibi usurpare noverit & capere: hiscè se semper sociat corrupta natura, ut quæ eâdem proprietate stipata semper aliquid quod in eâ sit, & à se ipsa factum fuerit, satis gloriose prætexit, inde in dimanantibus Dei donis quærit Solatium, gaudium & voluptatem, insuper & taliter non solum multa scire & posse desiderat, verùm etiam beatam & sanctam se cupit esse.

Q. Quî fit, quod ea natura, quæ non sibi ipsa obstat mediante feriâ tum spiritus tum sui ipsius (naturæ) mortificatione semper & ubiq; sibi propria reddere nititur desiderabilia ea, quæ possidere non debet? R. Ideò fit, quoniam id quod interire dicimus & opprimi, est naturæ totaliter contrarium, similiter & id, quod dicimus necessum esse, ut emoriatur homo voluntati suæ tunc sive in omnibus ijs rebus, è quibus natura suam nôrit obtinere sustentationem. Et hoc ipsum est, quod in sensu Spirituali vocatur

tur fur latens, qui se continuo in homine occupat sic, ut Deo gloriam & laudem furtivo modo auferat, nec non divinâ veritate ac perfectione hominem simul privet penitus. Cum ergo damnum inde emergens sit omnium maximum, haud parvâ circumspeditione opus est, ut hoste fraudulento deprehenso custodiatur fructus æternæ salutis, nè furtim auferatur.

Q. Dic etiam, quid per Latrones in Sensu Spirituali intelligendum datur? R. Latrones sunt judicia damnosa, quibus totus quasi homo quandoq; alitur, cum terè ubiq; inveniantur tales, qui suapte naturâ præsumunt alios noscere & judicare, se ipsos noscere non valentes. Quid autem solent dicere de primo homine ijs obviante, nisi quod nimium loquatur, de secundo, quod parum admodum, de tertio, quod supra modum, de quarto, quod nec istum nec illum observârit, & talis est quintus, sextus autem qualis? Septimus hoc patravit, neglexit id octavus &c. Quis, quæso, enumeret tot tamq; gravia judicia, noxia scilicet peccata, quibustanta hominum caterva se velut proprio jugulat ense?

Q. Quid latrocinij inest ejusmodi judicijs? R. Nil aliud certocertius subest ijsdem, quam proximi contemptus nefarius qui ipsum fundum Cordis occupat; ita advertimus in conventiculis sæpenumerò flammæ instar prorumpere verba dirissima, quæ sunt venenum, quo inter ficiuntur non solum homines præsentiausculantes ceu medio tali, quo pravum judicium eorum animis fortiter imprimitur, verum etiam perimitur una is qui judicatur. O Cæcitas? quâ cum quis nequit se ipsum sufficienter perscrutari, non tamen non audet, quæ omnino latent, abditissima Cordis scrinia referare. Nam cum Deo soli cognitum sit, quomodo cupiat hominem ad suam trahere gratiam, & per quam viam vocatum eum ad se sequendum compellat, sequitur, hominem qui alterum juxta merum suum arbitratum judicat, non solum esse impudentem ac protervum, verum etiam talem, qui voluntatem divinam (sic loquendo) occidit, quia judicia quæ solius Dei potestati reservantur, violenter prædatur.

Q. Nun-

Q. Nunquid damnum, quod è tali latrocinio emergit, est tanti momenti? **R.** Imò vel maximi, cum scriptum sit: Nolite judicare, & non judicabimini, quâ enim mensurâ mensuratis, eâdem metietur & vobis. Quod si verò qui judicat, occidit, & hâc ratione ipse occidetur, annon hoc damnum, quod in perditione Vitæ consistit, maximum est? Hinc itaq; apparet, quod nihil sit temerè judicandum excepto peccato mortali.

Q. Annon sententia hæc opponitur eorum officio, qui alijs ideò præpositi sunt, ut corripiant ac puniant vitiosos? **R.** Officium inspectionis & correptionis, quâ tale non officit dicto Christi, quatenus per verba Christi reprehenditur tantum invidiosa aliorum traductio, atq; maligna discriminatio, quæ valde vulgaris est, hanc cum & illi, qui alijs præsunt, committere possint, hinc & ad eos extenditur Christi sententia. Supponitur enim ijs qui præsunt, sat cognitum esse, quod eorum iudicium atq; correptio fieri debeat per Spiritum Sanctum cum mansuetudine, loco opportuno, sive quod dici solet, cum tempus postulat aut res, nè quis plus obstitit importunè quam profit. Idcirco in fratris iudicio est differentia cuius observanda, cum iudicium unum sit pravum ac vetitum, alterum utile ac licitum, hoc solum resultat ab amore divino, Charitate fraternâ & corde mansueto, in quo qui deficit, tutus non est, nec ambulat in lumine Veritatis, sed palpat in tenebris.

Q. Quid factu opus est, ut quis deponat hanc pravitatem? **R.** Oportet se ipsum observando iudicare, cum certo certius sit, sarcinam plenam peccatorum circumportari quamdiu vivitur, corruptam scilicet naturam, quæ in seipso semper & iudicanda est, & castiganda; at fratris iudicium est relinquendum Deo, cum sit verissimum, quot modis aliquis contemnit suum proximum, tot eum ipsum ea propter contemptum, suppressum ac iudicatum iri.


Q. Quid autem, si quis misso aliorum iudicio se ipsum veraciter ac intimâ sui observatione iudicet? **R.** Id ipsum si factum fuerit, futurum est, ut latro reperiat furem in fundi latibulo latentem.



tem, hoc est, iniquam delectationem, quatenus natura callida non solum furtim aufert prænobilem Spiritum, sed etiam aufert unà Deum, divinam gratiam & spiritûs thesaurum, in quo repositæ sunt divitiæ Dei. Quapropter expenso damno tam grandi solet fieri, ut fur capiatur à latrone & interficiatur.

Q. Si autem facto prælio se mutuò interficiant? **R.** Si quâ contingat (qualiter non nunquam contigit) ut tam fur, quam lātro simul occidatur, hoc est naturæ delectatio & proximi iudicium, ita quidem, ut homo se ipsum humiliter sistat iudicio, ac voluntati Dei nunc & in æternum, in spiritu & naturâ, facillimè hinc sequitur vita sancta. Quicunq; eò perveniunt, intrant in vitam æternam per verum ostium Jesum Christum, hoc aperit Janitor destinatus ad intromittendum eos immediatè in (cor) paternam abyssum, quæ plena est pascuo pingui, ibi quoq; semper intrandi & exeundi libertas est.

Q. Quid per introitum & exitum hunc intelligitur? **R.** Id datur hîc intelligendum, quòd Sancti homines per vices gaudio pleni in Deitatem immerfi, iterumq; emerfi remeant cum super-excellentem amore ad sanctam atq; suavissimam humanitatem Christi, ut inde opimo pascantur pascuo, quod Dominus promissit dicens: in pascuo pingui pascam eos super montes Israël &c. Hinc etiam scriptum est: quod Pastor bonus (verbum æternum) præcedit, & oves sequuntur eum & non alium. Hâc ratione datur iis pabulum pretiosissimum, quo plenâ vescantur mensurâ, hoc est, ut per gratiam utantur, ac fruantur beatitudine, quâ ipse Deus utitur natura tenus in æternum.



CAP.

CAP. II.

De Perfectione.

Quam Regni cœlestis adeptio videatur requirere perfectionem vitæ, hæc autem pro tempore rarissime inveniat, quæritur, an omnes Christiani teneantur esse perfecti? R. Omnes in Universum Christiani sunt obligati omni conatu ac Zelo aspirare ad perfectionem, quod ipsum SS. Trinitas testatum nobis reliquit, nam Deus Pater à Patriarchis id requisivit, Deus Filius in Evangelio iussit inclusive, & Deus Spiritus Sanctus id per Apostolos docuit, & ideo spectat perfectio divinæ voluntatis expeditionem. Unusquisq; eorum, qui cupiunt salvari, est obligatus ad nil volendum, nil cupiendum, quod est adversum voluntati divinæ, hinc toties promittit Christus Salutem his, qui faciunt voluntatem Patris sui, iussit quoq; rogare Patrem, ut ejus voluntas fiat in terrâ, sicut fit in Cœlo. Apparet hinc, quàm contradicant verbo Dei, qui ajunt, homines non posse facere juxta voluntatem Dei. Quomodo enim quis unum potest esse cum Christo, qui voluntati ejus refragatur? Etsi unitus non est Christo, quomodo potest salvari? Ad beatitatem requiritur cōformitas, diffinitas excluditur.

Q. Quid est perfectio? R. Perfectio est perfecti apprehensio possessio. Perfectum autem est id, undè quælibet imperfecta dimanarunt, quapropter nihil Cœleste, nil igneum, nihil terrenum, nihil quod sensus Corporeos attingit, habendum est pro perfecto: his forma formarum, forma formosissima, quæ sola bonum perfectum est, impressit Sigillum suum, easq; hætenus sine augmenti & decrementi mutabilitate fecit à se differre. Hoc bonum perfectum est Deus, quem S. Augustinus ita describit: quod sit stabilis & incomprehensibilis, immutabilis, mutans

AuguR.
meditat.
C. 19.

omnia,

omnia, invisibilis, videns omnia, immortalis, illocalis, intermi-
nus, incircumscriptus, nusquam finitus, ineffabilis, inscruta-
bilis, immotus, tangens omnia, impervestigabilis, metu-
endus atq; terribilis, honorandus atq; horrendus, veneran-
dus atq; verendus: nunquam novus, nunquam vetus, in novans
omnia, & in Vetustatem perducens, semper agens, semper quie-
tus: Colligans & non egens, omnia portans sine onere, omnia
implens sine inclusione: omnia creans, protegens, nutriendus, &
perficiens, opera mutans, sed non mutans consilium: ideo ve-
rè ac summè bonus, cuius voluntas opus est, cui velle posse est.

Id. ibid.

C. 12.

Et in alio loco confitetur Deum esse non Corpus, aut in
corpore positum, neq; ex diversis speciebus admixtum, aut
membrorum compaginibus effigiatum sed unius simplicis & in-
corporeæ, invisibilis, & incircumscriptæ naturæ: nihil majus
aut inferius in se habentem, sed per omnem modum ex omni
parte sine deformitate perfectum: Sine quantitate magnum, si-
ne qualitate bonum, sine tempore sempiternum, sine morte vi-
tam, sine infirmitate fortem, sine mendacio veracem, sine loco
ubiq; totum: sine situ ubiq; præsentem, sine extensione omnia
implentem, sine contractione ubiq; occurrentem, sine motu o-
mnia transcendentem, sine statu intra omnia manentem, sine in-
digi-entia omnia creantem, sine labore omnia regentem, sine sui
initio omnibus initium dantem: in magnitudine infinitum, in
bonitate summum, in sapientiâ inæstimabilem, in consilijs ter-
ribilem, in judicijs justum, in cogitationibus Secretissimum, in
verbis veracem, in operibus sanctum, in misericordijs copio-
sum, erga delinquentes patientissimum, erga pœnitentes pium,
semper eundem ipsum æternum ac sempiternum, immorta-
lem, ac incommutabilem, quem nec spatia dilatant, nec brevi-
tas locorum angustat, nec receptacula ulla coarctant, nec volun-
tas variat, nec necessitudo corrumpit, nec mœsta perturbant,
nec læta demulcent, cui nec oblivio tollit, nec memoria reddit,
nec præterita transeunt, nec futura succedunt, cui nec origo ini-
tium, nec tempora incrementum, nec casus finem dabit.

Ab
hoc

hoc perfectio bono initium habent cuncta finita, tanquam quæ à luce primum movente, disponente, ac efficiente producuntur, hæc quatenus de essentiâ Unius, veri, boni nihil participant, finita sunt hætenus, ac per consequens particularia, singularitatem, differentiam, ac diversitatem habentia, quoniam autem quâdam formâ prædita sunt, vocantur Creaturæ. Nihil imperfectorum perfectum est, cuncta mutationi subjecta sunt præter unum præfatum: ast quia finita cuncta sunt mutabilia, sunt hætenus cognoscibilia, contra infinitum cognosci nequit. Dictum autem est, quod nostra perfectio sit apprehensio perfecti atq; possessio ejus, quomodo ergo potest apprehendi, quod nequit cognosci? Respondetur, quod à nobis tanquam à nobis minimè, potest apprehendi, quia nec cognosci, utpotè quod nobis ipsis dediti sumus, nec extra sphaeram nostram proprio motu evolvimur. Oportet ergo, ut omnis Creatura moriatur in nobis, & evanescat è sensibus nostris, ut extra circulum hujus mundi rapta ab omnibus finitis, imperfectis objectis sese recipiat mens in immensitatem, & æternitatem Unius, solius, veri, boni, quam immutationem nostram operatur Spiritus Sanctus in suis, ditando eos sic præfatæ apprehensionis, & possessionis potentiâ. Hinc dicit Apostolus: Perfecto adveniente cessant imperfecta sive particularia. Id quod sic intelligendum est: Cuncta imperfecta, hoc est, creata in tempore ad bonum perfectum collata, nihil esse, comprimis quod sine hoc bono nihil est nec esse, vel subsistere potest. Proinde quisquis est, qui bonum perfectum in tempore pro suâ capacitate agnoscit, atq; gustat, is certè omnia & omne bonum jam agnoscit, ac possidet. Cur ergo imperfecta amet, curet, æstimet, non est operæ pretium, sed præstat agnoscere, quòd Dei sit omne, quod antea suum opinabatur homo, eo fine ut & Deus agnoscat & glorificetur.

Q. De Bono cum Verba fecisti, dic, quæso, quid sit noscendum de eo? R. Hoc tibi noscendum trado, quod Bonum est duplex perfectum & imperfectum: Bonum imperfectum est ideò tale, quia finitum, locale & temporale. Bonum æternum autem est

est infinitum, (interminabile) : idcirco imperfecta, quæ talia non sunt summum Bonum, & hoc vicissim nequicquam illorum. Bonum æternum est super omnia, eoq; imperscrutabile, non habet similitudinem per quam & in quâ cognoscatur. Est tamen Lux, cujus proprietas est lucere, illuminare, in se quidem essentialiter, in Creaturis verò effectivè (per modum efficientis). Hic probè considerandum est, quod Boni æterni in creaturis actio (illuminatio) sit effectus cognitionis, proindè cognitio hæc non potest esse alia, quàm sui ipsius summi Boni, quod Unicum est, quia omne est. Scriptura dicit Deum esse Voluntatem, Charitatem, Justitiam, Veritatem ac Virtutem; verùm hæc omnia de Deo dicuntur attributivè, qualiter efficiuntur per Creaturas, non, qualiter sunt in Deo essentialiter, ideoq; hæc omnes Virtutes cum summo Bono simul per effectum cognoscuntur, possidentur & per actum promoventur. Hic est modus quo Deus dicitur docere hominem Causâ solius Boni. Quicquid hoc Bonum Operatur in homine illuminato sive Charitatem, sive justitiam, hoc facit propter seipsum & non propter quid peregrinum. Nam justus est justus, quia justitia bona est, amans amat, quia Charitas bona est, atq; sic omnia quæ fluunt ex bono, refluunt ad eundem fontem Boni. Quid quod Bonum est bonum, hætenus bonum est velle & amare Bonum, & si quid melius esset bono, id magis amandum esset: hinc indè sequitur, nequicquam esse volendum vel amandum nisi Bonum. Qui bonum agnoscit, eo ipso cognoscit quid sit desiderandum, quid relinquendum: nam hoc ipsum totum est, undè homo divinus seu Deo adunatus dicitur. A Bono ergò & Luce sive Virtutibus ejus procul est omnis differentia, distinctio, divisio, undè partialitas & imperfectio: nam Bonum est Universale, dehinc sequitur, Virtutes ejus esse etiam universales, nec unquam nec quoquam limitabiles. Non est Voluntas quæ termino describatur, non est justitia respectûs gnara, non Charitas selectione modificata, sed Charitas in omnibus eadem, justitia ubicunq; æquissima, Voluntas semper promptissima. Habes hîc, undè hostes dicuntur amandi,

di, nimirum quia Charitas est infinita, non discernens, non senti-
 ens, sed æqualiter & simpliciter Operans. Exemplum hujus
 est Charitas æterna quæ hostes suos amavit datâ in mortem vi-
 tã pro illis. Similiter diffusa ea charitas in homine non nisi ope-
 ratur quod suum est, hoc est, Bonum in omnibus & versus o-
 mnes quibus occurrit, non agnoscit amicos vel inimicos, quia
 eadem est non discontinua Boni actio. Indè cognoscimus, cur
 Deus non concedit Vindictam homini, quin & cognoscimus,
 cur hominem non cogit sed potius ei concedit liberam Volun-
 tatem. Pari modo illuminatus homo neminem Vi cogit, plec-
 tit aut molestiam infert, quia nil horum in animo ejus est, sic nec
 succurrit homini ad explendam suam Voluntatem quâ suam, id
 est, malam: Sed si quâ hominem adjurat, hoc eâ ratione facit, quâ
 Deus promovet hominem ad id perfectum Optimum. Qui
 amat seipsum, is cupit servare seipsum, sed amor hic est Creaturæ
 non Dei, ergo non est bonus, hinc vetitus. Vicissim qui Deum
 amat, seipsum negligat oportet, per hoc expediet mandatum
 Domini volentis, ut imitatores ejus cuncta relinquant. Quisquis
 dominicò paret præcepto, salutis & adjuventi divini Capax est.

Q. Verum Bonum est omne in omnibus, quâ ratione etiam
 vocatur Charitas: sic ergò inferre licet, quia Deus Unus est &
 unum Bonum quod amat, non est quod amet nisi seipsum. R.
 Non potest nec vult Deus amare nisi summum Bonum & per
 consequens id ipsum unâ, in quo summum Bonum habitat. Id-
 circò cum aliud summè bonum non sit præter Deum, necessum
 est ut Deus amet seipsum, atq; hinc dicitur: Deum non posse ex-
 trà seipsum diligere quatenus summum Bonum non est extrâ
 Deum: quod si præter Deum esset aliud Bonum, quod sumum
 esset, amaret Deus hoc bonum & non se ipsum. Indè cognos-
 cimus cur Deus non amet seipsum quâ Deus est, sed quâ verum
 Unicum Bonum est, & ideò ab hoc amore proscribitur omnis
 arrogantia, ambitio, proprietas &c. Quicquid amatur, aman-
 dum tantum est propter hoc Bonum, quoad omnia bona finita
 ab hoc bono proveniunt, sunt, imò in eodem sunt Unum & idem

Bonum, nam extrà id Bonum datur nullum. Hâc ratione hoc Bonum amat seipsum in homine illuminato, homo autem id amat per Deum & in Deo: hic amor & amatum sunt Unum. Intelligè sic, quid sit Unum esse cum Deo.

Q. Quid sentis de his, qui in seipsis nullum desiderium, nullum favorem seu placitum, imò nec inclinationem vel assensum ullum versus id, quod bonum ac divinum est, sentiunt? R. Certissimo Signo id est non fore eos participes Dei atq; Bonorum Cœlestium, dicente Christo: Qui non est mecum contrà me est.

Q. Quid ergò sentis de his, qui in seipsis reperiunt paratam Voluntatem, favorem, desiderium, complacentiam, inclinationem & assensum ad omne bonum ac divinum? R. Id est certissimo indicio fore ut Bono æterno, quod in eorum fundo jam est, fruantur & potiantur olim perfectâ beatitudine.

Q. In quibus consistit omnis perfectio, quam homo mortalis assequi potest? R. In triplici requisito quorum.

Primum est, ut homo prudenter confiteatur Unum Deum, atq; id omne quod credit Sancta Catholica Ecclesia.

Secundum est, ut homo Unum Deum quem confitetur, ardentè ac dulciter amet.

Tertium est, ut tam in cordis submissione quàm Spiritûs submersione in omnibus quæ sunt & aguntur, homo se servet traditum voluntati unius crediti Dei: hoc namq; modo attingit infima humilitas apicem perfectionis, vicissim perfectio amittit discrimina virtutum, corpus pariter ac anima mundificatur ab omni contagio mundi, imò & liberatur ab omni fraude dæmonis.

Nemo autem confidat in suâ scientiâ, quoniam scientia sine timore Dei nihil est: hæc ideo vocatur stultitia, quia inflat & laudem quærit; ast tantò melior est cògnitio sui ipsius, quantò quis redditur per eam humilior. Humilis in veritate tranquillus, qui verò multa scit, semper irrequietus est. Præstat hinc seipsum cognoscere ob vitæ futurum judicium, ad hæc per hanc cognitionem tum frangitur voluntas, tum vitæ instituitur

tuitur Correctio, hæc ergò utilior est scientiis cunctis: cum vitæ evanescunt scientiæ, verba, ac discursus, fructus verò pietatis est animæ Salus & conscientiæ sinceritas, fiduciam quoq; suscitatur erga Deum perdurantem in æternum. Quod si iudicium est examen vitæ ante actæ, sequitur id fore tantò rigidius, quantò quis eam multâ scientiâ labefactavit. Humilitas sincerior est ac utilior, quia veritati proximior. Scientia dividit, disgregat non nisi dubia proponendo; humilitas verò congregat ad Unitatem reducendo. Sua cuiusq; humiliatio est maxima ejus sapientia, quia nemo est infirmior nisi sibi ipsi. Summè ergò cuilibet est necessaria isthæc sapientia, nè animum rebus inutilibus, ac detrimentosis applicet, post positis necessariis, cum alioquin in Cæcitate naturali permaneat. Quid ergò est omne genus controversiarum, nonnè errorum inventio? quid veri hauritur inde, si deest veri revelatio? Si cuncta ex uno & rursus in Unum, is cunctas disputationes abominabitur, cui omnia unum sunt, qui omnia in Uno perlustrat. Spiritus simplex per varietatem non distrahitur in diversum, è Luce namq; supernâ cognoscit, quantum sibi est necessarium, idq; omne impendit in gloriam Dei. Abstractus hic ab omni concupiscentiæ proprietate studet seipsum vincere, agenda præmeditatur, antequam perficiat, ea quoq; in ordinem reducit, nè flectant animam ad pravam concupiscentiam, hujusmodi Intellectus vocatur sanus & purus. Et quanquam humana perfectio non sit absoluta, sed adhuc multâ imperfectione castigata, ea tamen semper quærenda est, ut si non perfecti, reliquis tamen perfectiores evadamus. Humana perfectio dicitur talis ob summi boni perfectionem; quod cupimus attingere, ad hujus adeptionem miris modis perducit humilitas, hinc in possessione ejus latet perfectio communicativa suo nomine digna, quisquis autem hanc negat perfectionem, aufert unâ omnem perfecti boni possessionem: ast mirum non est, si unum cum altero negaverit, cum nunquam perfectioni incubuerit. Comperit enim est, quò doctiores, hoc magis erroribus obnoxios

imò onustos esse homines. Vana sic omnis industria, quæ non impenditur vitiorum extirpationi, scandalosa contentio ac disputatio, quâ populus offenditur sub incremento malitiæ. Noscat homo eas actiones, ob quas olim judicabitur, eamq; cognitionem judicet ipse reliquis utiliore, inveniet non ex literis esse magnum, sed parvum esse magnum, imò minimum esse maximum in Regno Cælorum. Minimus autem censetur hic, qui relictis Creaturis Christum quærit & amat. Nobis ergò relictis discamus obtemperare Voluntati Dei, id namq; Unum omnium est, Thesaurus scilicet in æternum permanens;

Q. Regula omnis perfectionis quæ? R. Parvum esse, ibiq; se deferere, ubi se homo invenit, siquidem per hoc miseretur sui ipsius adhuc in tempore gratiæ, si eo sic benè utitur, quia futurum est, ut Deus reposcat omne tempus, quod quis in vanitate aut aliàs inutiliter deperdidit. Ad veram ergò sapientiam revertendum est per Dei misericordiam, qui cupit salutem hominis, si humilis est: quin etiam in suam animam compellit Deum, quisquis ex corde est humilis. Ast si quis animam suam Deo dare, & propter Deum sibi ipsi & cunctis aliis rebus abrenunciare non vult, deceptum se sentiet eo tempore, quo redigetur in eum, quem in suâ vitâ non agnovit, comitem pulverem.

Ad vitam restrictam quod attinet, hæc magis spectat internum hominis statum, quàm externum: quisquis ergò secundum Deum cupit vivere, necessum est plùs vivat internè quàm externè. Permulti sunt, qui vivere sic cupiunt, non tamen omnes æqualiter nec viribus iisdem vivunt, imperfecti imperfectè, perfecti perfectè vivunt, mediï mediocriter. Quotquot tamen eorum sunt, præfixum quendam scopum habent, nimirum Creaturarum desertionem, quas ut imperfecti deferere queant, fugiant eas necessum est, quantumvis impari cum molestiâ, quatenus res adamatæ hominem, velit nolit, sollicitè admonent: Contrà perfectus homo non fugit externa opera, quoniam non possidet ea cum amore malè ordinato; quin ejus ad Deum inversio tam per amorem & observantiam Dei, quàm per

per exercitium crebrum est ei tam familiaris reddita, ut absq; conatu se possit introvertere ad Deum, quodcumq; voluerit. Et quanquam non adeo facile sit intento semper ad Deum esse animo, fit tamen, ut quotiescumq; observat se propendere ad actiones vel cogitationes inutiles, statim averat se abinde ingenti cum poenitudine suae inconstantiae. Deniq; si absq; adhaesione externas res contuetur, haud difficulter inde sensus avertit introrsum latus, quoniam tunc tanto magis concupiscit introversionem quam extraversionem.

Q. Quodsi perfectio consistit in absolutissimâ sui ipsius abnegatione, hæc autem est omnium rarissima, præsertim hoc tempore, quæritur, num hâc ratione imperfecta abrenunciatio sit potius despicienda, quam prosequenda tanquam vana ac inutilis animi, corporisq; tortura? **R.** Neutiquam! quin imò in ipsâ imperfectione perficitur cujuslibet beatitudo juxta gradum sui cursûs (conatûs). Cursores omnes in stadio currunt causâ propositi diadematis; sed non omnes currunt æqualiter, nec omnes attingunt metam, non currentes non capiunt præmia, quæ solis Cursoribus sunt destinata juxta gradum conatûs; ita qui hodiè seipsum abnegat, molitur cursum suum, currat ergò quousq; potest, quanquam multi præcurrant ei, ipse verò in viâ deficiat. Quodsi bona ejus & constans est voluntas, non desinet impenso toto Spiritu cursum toties repetere, donec laboris sui, si non diadema, saltè demensum ei præmium acquisiverit. Taliter cernimus nonnullos resignationem integro anno produxisse, postea verò seipsos redinvenisse semel per errorem; hi autem invento errore statim dolent, eoq; abjecto ingemunt dicendo: vae mihi, qui nolens meipsum redinveni, vivonè adhuc ego? nonnè mihi mortuus sum, ut vivat in me Christus? Alii verò per mensem, alii per septimanam, alii per diem semel se per errorem quærunt & inveniunt, quin & non nulli singulis diebus immemores boni sui cæpti multoties ad se redeunt, & hi prioribus tantò sunt imperfectiores, quanto dissimiliores, hiq; communiter sunt ex incipientium sive Tyronum numero.

Q. Cùm

Q. Cùm id negari nequeat, vicissim communis Christianorum inconstantia tantam includat contrarietatem, ut plurimi derideant, multi horreant perfectionem, quæritur, quomodo gravis istæ difficultas tolli queat? **R.** Quanquam negandum sit minimè, notam imperfectionis etiam quàm minimam obstare, quo minus perfectum sit aliquid, sicut non est integrum vitrum, quod rimulam habet minimam, interim tamen nemo det locum derisioni, nemo etiam terreatur: nam difficultas ea tollitur solâ distinctione, quæ superiùs facta est inter Christianos incipientes, proficientes & absolutos. Quanquam enim solus Deus cognoscit eos, qui absolutè perfecti sunt, nobis tamen in tantâ turbâ hominum licet cognoscere egregium proficientium numerum, numerosiorem incipientium, otiosorum (impiorum) numerosissimum, & in hoc ipso viventium discrimine latet ratio iudicii unâ & beatorum diversissima beatitudo (gloriâ). Enimverò uti mortalium interrâ, quidam procerâ imò & Gigantæâ staturâ eminent, multi vicissim humili, ac infirmo corpusculo prorepunt, omnes tamen humanâ Specie complexi cernuntur; ita quoq; in Cœlo distincti sunt beati in magis & minùs excellentes (gloriosos) similiter in Republicâ Ecclesiasticâ reperiuntur magis & minùs perfecti, perfectorum quidem parvus, imperfectorum ingens numerus est, & inter myriades bonorum vix unus invenitur perfectus.

Q. Quid, quæso, incumbit facere his, quorum pudibunda imperfectio sumam inculpat negligentiam & pigritiam? **R.** Incumbit istis corde gembundo conqueri, ac dicere: Heû mihi, Domine, quàm vanus ego sum! quid sibi vult, quovè cessurum est, quod toties me miserum reperio? **Restat** nè aliud quidpiam, quàm ut incipiam toties, quoties non valeo? De novo me aversum abjicio, imposterum quoq; toties me deferam, quoties me inveniam

Q. Siccinè ad inter necionem spiritualem, uti ad naturalem conspirant omnia? **R.** Etiam: imò hæc spiritualis defunctio
suprema

prema lex esto. Oportet scilicet mori (disperdi) iterum atq;
 erum (toties) donec ad ipsum unum contendas.

Q. Quid de eorum conatu censendum, qui satis esse putant, si se-
 mel, bis, tervè, quater vè, imò decies & quod super est, sibi interdi-
 erunt, an ista est, quæ sumè prædicatur perfectio? **R.** Minimè!
 sed tamen de illis benè speratur, qui sæpe sæpiùs sese deponunt
 vari modo, quo Lectionem objectam solemus toties relegere,
 ac recitare, donec tota inhæserit memoriæ: futurum namq; est,
 ut qui sic faciunt, indies proficiant in melius.

Q. Verùm cùm ratio Comparationis supponat non minus
 insignem industriam, quàm firmum propositum, quæritur,
 annon & idem suppositum conveniat comparato ob naturæ pa-
 ritatem? si non, quæritur, quid his deficiat, qui sine ullâ per-
 fectionis notâ & sine fructu se aliquoties abnegant? **R.** Id ipsum
 suppositum quod comparato æq; atq; comparationi convenit,
 nimirum propositum firmum & industria deest iis, qui sine eâ
 nil benè vel rectè instituunt, quanquàm & incuria prodesset illis,
 si rectè noscent eam impendere: hîc namq; requiritur & dili-
 gentiâ & negligentia, diligentia quidem, ut non solum seriò quis
 incipiat, verùm etiam impendio pergat sine cessatione, negli-
 gentia verò, ut nullarum rerum præterquàm debitarum, ullam
 curam habeat. Taliter delectus atq; neglectus (debito modo
 intellectus) nobis incumbit, cujus, proh pudor, summa ubiq; e-
 gestas est. Carentes sunt omnes, qui nihil proficiendo, quin
 minimo verbo offensi nec mundum nec Creaturas, nec seipsos
 deseruerunt, quos tamen non pudet in summam perfectionem
 inquirere.

Q. Quid tandem consequitur sincera Resignatio? **R.** Pauper-
 tatem Spiritûs unâ & reliquas virtutes omnes, de quibus singil-
 latim in sequentibus.

Q. Perfectio summa in quo consistit? **R.** In paupertate pro-
 prietatis humanæ, nimirum cùm homo locum non habet, quo
 caput suum reponat, hoc ita dictum est juxtâ attributionem sive
 appropriationem. Cùm omnia sint Dei, nil restat homini

E

quod

quod verè suum proprium dicat præter peccatum, adeoq; in Veritate homo in seipso miser & pauper est, quod si in super suam paupertatem agnoscit, vult & amat sic, ut nil sibi tribuat, tunc Voluntatè sive spiritu pauper dicitur. Paupertas hæc vastum illud desertum est, ubi locum non invenias cudendis Imaginibus bonis aut malis aptum. In tali paupertate posset Rex regere Regnum suum, quia quo minus bonum sibi quis applicat, hoc minus etiam sibi applicat possessionem rerum externarum, quibus quasi suis utitur, hoc modo & Dives potest esse pauper Spiritu, quanquam ejusmodi exemplum nunc perquam rarum sit. Bonum exercitium est, si sibi quis eligat dies aliquot, quo tempore se tantum exerceat in illâ occultâ Cupidine cunctamundana spernendi, sic mediante assiduâ contemplatione poterit transcendere cuncta dona, lumina, delicias, tandem etiam amittere omnem actum intellectualem & omne bonum, quod anima sibi fingere poterat causâ suæ oblectationis. Et hic est modus, quo Spiritus ad paupertatem perducitur. Hoc modo fides, spes & amor sensibilibus operantur. Præstat autem ut homo semper interroget cum Paulo & dicat: Domine quid me vis facere? Hoc ipsum quæsitum semper renovandum, sicq; constanter ad mortem usq; interrogandum est.

Q. Cum Deus sit simplex, eoq; perfectus, quæritur, annon conveniat Domino se coram nobis talem exhibere, qualis est? R. Imò Scriptura S. docet, Christum se præbuisse mansuetum, humilem, benignum, amabilem, simplicem, obedientem, & egenum: hæc ergo ejus exhibitio fuit perfectionis præstitio.

Q. Cur autem hæc omnium Virtutum specimina coram oculis Turbæ peregit Dominus? R. Ideò, ut ad Imitationem promiscuè convocaret totum genus humanum: qua propter etiam ad similitudinem sive exemplum suum sæpius provocavit hortatus omnes, ut tales forent, qualis ipse est, hinc dixit: perfecti estote, sicut Pater vester perfectus est. Discite à me, quia mansuetus & humilis sum. Diligite vos, sicut ego dilexi vos: Estote Simples: obedite &c. si quis perdit animam suam &c. sequi-

sequimini me. Qui deserit Patrem suum &c. hæc & hujusmodi Christi dogmata cuncta comprehenduntur sub verbo sermonis ejus, quem custodiendum præcepit, hoc observationis præceptum mediante Spiritûs Sancti afflatu tradidit Discipulis suis toti mundo prædicandum, cum ait: & docete eos servare omnia, quæ dixi vobis: eò collimat etiam dictum ejus: qui custodierit sermonem meum, non videbit mortem in æternum.

Q. Quâ de Causâ injungit Deus nobis conatum & aspirationem ad perfectionem? R. Quia suis mediantibus donis fâneratur Dominus, cupiens pari bonitate tam naturam, quam Spiritum ad se trahere, undè quoq; fit, quod inventâ bonâ, flexiliq; naturâ opus suum juxtâ modum in eâ coaptando ordinet. Neq; enim Dominus vult dona sua carere effectu, cum tanta munera eo fine largiatur hominibus, ut simul Spiritus ac natura confortetur, & reducatur in Vigorem, Vigor autem efficit, ut tantò potentius ac juxtâ ordinem sese imposterùm exerceat: hoc per exemplum illustravit à pluvîâ desumptum, cum dicit: quemadmodum pluvia decidens terram fœcundat, nec revertitur ad locum suum; itâ futurum, ut verbum ejus (dona omnia) non revertatur ad se vacuum.

Q. Quid porro requiritur ad perfectionem? R. Ut homo magna ac dura superet onera. De novem perfectionis gradibus dicitur alibi: hîc tantum quatuor inferiores contemplandi sunt, quos minori negotio transcendere potest, qui à Criminibus liber cum Christo cupit resurgere. Sunt ergo

1. Superandi sensûs, sensibilia & sensualitas. 2. Superandæ sunt naturales corporis Vires. 3. Superanda sunt cuncta desideria. 4. Superandæ sunt cogitationes, Ideæ & Imaginatio.

Quantum ad primum, constat per multos homines loqui de rebus sublimibus non aliundè cognitâ præterquam è sensuum Venatione, undè error sæpè & fallitas obrepit. Hæc sensuum extra vagatio est præpediendâ ac superandâ, si quis perfectus esse cupit, eò quod ferè nunquam quiescunt, qui sensibus cursim negotiantibus connivent, quàm bona etiam videatur causa

eorum. A specie sensibili, si fortè per sensus illata fuerit ad rationem usq; , est statim descendendum ad internam occultam Ideam & properandum ad lumen vultûs divini cursu concitato, frequenti, nisuq; forti: quoniam sic unicâ horâ plus boni ac utilis comparatur, quàm quod à multis annis deperditum erat. Quicunq; nesciunt cum Deo conversari aliter nisi per medium sermonis vel lecti, auditi vel inventi, eorum cæptum dubii plenum est; qui verò ex intimo Spiritûs Deum quærun, tanquàm Spiritum per Spiritum, eorum sermo essentialis est, Deoq; satis cognitus.

Quantum ad secundum, superandæ sunt etiam naturæ vires externæ & potentiæ internæ, sic nè quâ doleat homo de earum inter conandum exantlatione, cum fiat rarissimè, imò vix unquam fieri queat, ut dignè quis operetur sub conservatione Virium. Multa quippè egregia Ecclesiæ lumina sub cultu Dei, succursu proximi, & sub peccati devictione detriverunt cum sanitate & formam & habitum Corporis. Quicquid corpus non afficit, ab eo remotum est, quod autem remotum & incognitum est, id homo non habet, idcirco non est, ut falsò gloriatur, de possessione ejus quod non habet; Cum quod nihili constat, nil valeat, consequens est, tantò quid magis constare, quanto nobilius est. Interna exercitatio compensatur Virium pretio, imò vix & ne vix, quoniam minoris sunt Vires corporis, quam quod sufficiat tanto bono comparando, quod autem deest ad æqvum Virium, à Deo emendicatur. Emoriendum est omni quod est humanum, ut resurgat quod novum est, idcirco non solum externus Corporis habitus est impendendus, verum etiam sensus internus, quem vocant Communem tradendus & superandus est, puta, cum feriantibus externis sensibus homo multum intus imaginatur; Cum etiam cufas intus Ideas volvendo, ac revolvendo, miscendo & segregando tumultuariè cogitat, hæc omnia opus est simpliciter sepeliat in Deum ipsum, bonum sincerissimum. Quisquis hæc omnia sequestrando ejicit, is Deum solum in se abundè invenit. Superanda quoq; & mor

mortificanda est ratio, quæ non rarò satis superq; dominatur, sic, ut sæpe etiam sæviat, ausitvè Cælos perrumpere: ratione Gentiles Philosophi, iisq; similes quidam Christiani naturam obfirmârunt, quorum Virtus quæcunq; est vel fuit, solius rationis motu exerta est. Quodsi è rationalibus Christianis est aliquis convertendus, conversio ejus est valdè difficilis, & cum eorum natura sit magno conatu subigenda, non minus cautè imposterum de diligentia prospiciendum est. Attamen si semel ritè subacta est natura, fiunt tales magis constantes ac perfecti quàm simplices, qui quod accipiunt, facilè deserunt, sicut impressa ceræ sigilla levi compressione pereunt, secùs quæ gemmis difficulter insculpta perdurant resistendo.

Quantum ad tertium, superanda quoq; sunt desideria proprietatis, optatus scilicet donorum divinorum, gratiæ, revelationis, sanctitatis, vel similitudinis &c. ut homo cuncta Deo committat nil præter solum Deum desiderando, sed dicendo: Non mea, Domine, sed tua fiat Voluntas. Enim verò hæc oratio est potentissima, quia Deo gratissima, si ab internâ mentis devotione profertur, præterea & utilissima est, quia in omnibus necessitatibus aptissimè Deo offertur, ideò etiam singulari privilegio semper exauditur. Hujus exemplum ipse Dominus noster præbuit, qui præter Voluntatem Patris nil aliud precatus cuncta tormentata diu patiebatur, donec omnium consumationem senserit ipse. Quodsi homo tenetur Christum veraciter imitari, tenetur & hætenùs eum sequi per passionem, donec se derelictum, consummatamvè vel vitam vel tormentum senserit. Vita quidem hominis non sine desiderio est, requiritur autem, ut supprimatur statim, è quo id observatur, cum Deo tempus omne donorum, & cuncta alia sint committenda. Quicunq; fert ægrè, quæ sua sunt, & optata aliena, is Deo deditus non est; qui verò semper & ubiq; Deo deditus est, is verè homo consecratus est. Quodsi quid licitè restat optandum, id reor esse, ut Deus auferat homini omnia media, quo semper & ubiq; Deo immediate uniatur: sic namq; delentur peccata & beatitudo obintrat.

Quantum ad quartum, superandæ sunt imagines seu cogitationes, quarum ingens confurgit caterva etiam in bonis hominibus. Superantur autem, cum eas homo simpliciter transportat in Deum cum humili defectuum suorum confessione ac pœnititudine: quod si quâ cedere sic noluerint, linquat se Deo necessum est eam sustinendo passionem. Cum autem & homines boni sint, qui hâc ratione, quod in Cœlestibus sive Spiritualibus per diem multum cogitant, noctu multum somniant (irritatâ scilicet phantasiâ, ac Imaginibus Angelorum vel animarum procreandis occupatâ) noscendum est, speciosa ea somnia non admodum curanda nec penitus contemnenda esse, quatenus eorum plurima naturæ ludentis figmenta sunt. Aliàs si homo sibi temperat à cogitationibus diurnis, non molestatu somniis.

Q. Quid si quis Visiones habeat? R. Hæc res non caret fraude nedum periculo, quia ex se non potest homo discernere, unde & an puræ sint, an mixtæ & seductoriæ. Dentur autem veræ visiones, nihilo secius fatendum est fore, ut Angelus falsæ Lucis tandem vel unicâ vice suam admisceat farraginem, atq; tunc fieri nequit, quin homo seducatur. Incertis huiusmodi vel somniis vel visionibus, imò & sæpenumero insulsis seducuntur multi, sicut à Deo deflectant ad Stultitias. Si quâ verò Visio sit apparenter vera, probanda est Lydio S. Scripturæ, cui si convenit, esto, sin minus, supprimitur; non enim sine damno Salutis curantur mendacia, stultitia, ludibria, quæ vel manifesta sunt, vel saltem privata Dæmonis artificia.

Q. Annon ergo licet animum applicare ad Revelationem Dei vel Sanctorum? R. Minimè: sic namq; declinat homo ad devia. Est autem animus firmandus in Voluntate Dei non tantum sub hâc vel illâ Calamitate, sed indiscriminatim in cunctis necessitatibus, imò etiam in prosperitate, sive quis habeat, sive careat, sive adjutus sit, sive desertus, necessum est, ut se in omnibus habeat juxta exemplar Christi & juxta ejus Ideam in mente formatam, revelatam, & incessanter perpensam. Convenit enim, ut cujus Imaginem refert natura, ejus quoq; exemplo vita congruat

gruat humana, quia exinde discimus id quod perditum est, in eo ac per eum consequimur rem perditam, adeoq; restat, ut formam Vitæ Christi non temerè obtueamur, sed humili mentis oculo perpetim contemplemur, animo revolvendo, quàm fuerit perfectæ ejus vita, quàm simplex, modestus, humilis, patiens & obediens, quàm deniq; omnium Virtutum plenus erat Dominus: nevé commemoratio ejus exempli excidat memoriâ, opus est, ut ipsum Dominum recipiamus in nostrum consortium, sic ut sive sedemus, ambulamus, dormimus, sive edimus, loquimur, sive agimus aliquid, sit nobis Socius & adjutor, qui contemplatur actiones nostras, attendit verbis nostris, imò qui scrutatur cogitationes nostras. Imago Domini est imprimenda cordibus, quoniam & ipsa veraciter in nobis est, quatenus in eo omne bonum, solatium lætitia, gratia & Veritas est.

Q. Cum secularis homo rei familiaris curæ immerfus sit, qui potest ea modo prædicto observare? R. Propalàm est, negotiis mundi implicatos communiter ea non nisi difficulter vel parum observare, quanquàm etiam inventi sint, qui magnis curis obruti, admirabili tamen puritate & perfectione claruerint: attamen hæc omnia vel maximè iis persuasa esse debent, qui relicto mundo vivunt absq; curâ Oeconomix ac Domesticorum soli Deo consecrati, quanquàm in verso ordine nunc imutata cuncta videantur.

Q. Cum multos sollicitet cura imaginationis, dic quonam modo Imago Christi sit imaginanda, nè falsum pro vero recipiatur? R. duplici modo Imago Christi est menti imprimenda, nimirum Ideali & virtuali.

Q. Siccinè modus, quem Idealem nuncupas, est modus ille communis, quo homo, cum Deum cogitat, sibi intus fingit Ideam boni hominis, summi benefactoris, crucem passi, ejusq; Ideæ præfixæ sive præcurrentis causâ novas cudit Ideas commiserationis & gratitudinis? R. Minimè: nam iste modus est compar Creaturarum Imaginationi, præfatus autem Idealis est longè alius, nobilis scilicet, intellectualis ac divinus. Imaginatio JEsu Christi

sti non sit alia, nisi Filii Dei Θεανθρώπου, hominis Dei, sive Dei-hominis: talis imaginatio semper vera est, nunquam sine Deo, quia ubicunq; quidpiam Dei est, totus Deus ibi est, hoc modo bonum optimum non negligitur.

Q. Quinam est modus Virtualis imaginationis Christi? R. Virtualiter imaginatur Imaginem Christi, qui allaborat reddi similis ejus imagini quantum quidem fieri potest. Taliter Christum non imaginatur, quicunq; mandata ejus non servat, aut ejus obaudit consilia.

Q. Quid si mandata Dei servari nequeunt (sicut aliqui putant) qualiter quis observabit consilia Christi, qui suadet Charitatem hostium &c? R. Hic non agitur de Veritatis hostibus, qui Verbi divini sensum pervertunt, neque exosa iis mandata Dei custodire teneantur, ad adynaton provocant; sed tales solum hinc supponuntur homines, quibus jam parum videtur servare mandata, cum ipsa consilia Dei observare nituntur. Ad virtualement namq; Imaginationem Christi non pervenit, nisi qui sub observantia mandatorum ipsam virtutem perfectionis aggreditur, quam refert Imago Christi: ejusmodi autem homini sunt Christi consilia accepta & valde desiderabilia. Quod Christus dixit: diligite inimicos, tam gratum est fraternae Charitati, quam quod gratissimum, non obstante naturali hostilitatis sensatione: & ne quis dicat, ea non posse servari, adsunt Ecclesiae testimonia, imò praesenti saeculo sunt etiam visi homines, qui usq; adeo hostibus condonarunt, ut excusatis iis omnem opem tulerint. Et certè necessum est, amet hostes suos, quicunq; Christi exemplo conformari desiderat, is namq; pro hostibus mortuus est. Qui hostes non amat, non assimilatur Christo, qui non assimilatur ei, non observat Verbum ejus, qui non observat illud, inaniter ad id appellat.

Q. Annon & Christi Imago superanda est juxta praefatum quartum modum? R. Minimè: imò hæc sola est retinenda.

Q. Cum Dominus à nobis discedendo dixerit: Melius est Vobis ut vadam &c. annon hoc ipso indicare voluit Imaginis suae desertio-

CAP. III.

De Vitâ Christi.

Q. Quid docet Vita Christi? R. Per vitam Christi instruimur, quòd juxta morum Christi regulam & juxta ejus vitæ exemplar vivendum sit: nam sicut per id à cordis caligine liberamur, ita à Veritatis luce illuminamur. Hæc itaq; cura nostra sit omnium maxima, ut Christi vitam consideremus magnâ devotione. Ist hæc namq; doctrina quamcunq; superat aliam, quoad plus lucis, plus veritatis secum vehit, quàm omnium Sanctorum dogmata, quoad etiam facilis est captu, & ab unoquoq; tam prudenti quàm simplici comprehendendi potest, paucis his verbis expressa: qui sequitur me non ambulat in tenebris. Simples qui minus intelligunt, reperiuntur hujus doctrinæ magis capaces tam quoad naturam, quàm quoad sortem, reliquorum verò multi ex Evangelio parum fructiferi depromunt, etsi assiduè audiverint, siquidem Spiritus Christi deest mundiculis: contra sapidus Evangelii fructus est vita Christi, eiq; conformis vita Christianorum. Contentio & rixæ quæstionum de rebus divinis non sunt fructus arboris evangelicæ, sed sunt erucæ, papiliones, araneæ, variaq; insecta arborem depopulantia, quæ quidem non ex ipsâ arbore, sed aliundè proveniunt. Omnia hinc vanitas sunt præter amare & sequi Christum.

Q. Undè habetur doctrina de Christi Vitâ? R. Christus Dominus noster est Magister ac Doctor verus, factus nobis exemplar solum ac verum omnis perfectionis, & ipse est qui docuit tam vitâ quàm verbo: in ejus doctrinâ continentur omnes artes ac virtutes sub titulo charitatis, quæ cunctis hominibus scitu & factu necessaria est, quò fiant prudentes, sapientes atq; hætenus Dii, sancti sive filii, amici & servi Deo accepti. Christus non solum

solum venit in mundum ad redimendum eum, sed etiam inter homines est conversatus tanquam Doctor à Deo missus, ad informandum ignaros, ac in tenebris versantes homines qualiter se gerere debeant, quod ipsum est observatum à Judæis, scribis, pharisæis, militibus ac publicanis, qui sciscitabantur, quid facere oporteat ad conquiendam salutem. Ipsi autem Domino uti cum rudibus ac ignaris hominibus reserat, ita usus quoque fuit simplici doctrinæ genere, brevi & compendioso, attamen benè ordinato, nimirum complectendo totam beatæ Vitæ formam paucis regulis sub universali suasu & præcepto dilectionis, idque sic & non aliter fecit eo fine, ut tantò facilius ejus doctrinam tam intelligere quam discere possimus.

Q. Quænam est sumaria doctrinæ sanctæ lectio, quænam etiam tabula ejus vel liber, in quo descripta continetur? R. Tabula seu liber, cui digito Dei inserta est lectio, quam singuli fideles diligenter legere, intelligere, discere & ad usum deducere debent, est ipsa sanctitatis plena Christi humanitas, è quâ Virtutes singulæ elucent ad instar literarum majuscularum, docentes & vocantes quemcunque ad lectionem; ipsa verò lectio brevis, simplex & sumaria hæc est: discite à me, quia mitis sum & humilis corde. In istâ succinctâ lectione, quâ brevior, lectuque faciliior nulla esse potest, consistit ordo seu methodus informandi omnium maximè necessarius, quo solo rem Christianam promoveri, sine quo etiam nil profici cernimus. Hic ordo tam in docendo quam discendo servandus est continuo sive omni tempore, cum nihil sit unquam utilius ad hominem boni capacem reddendum, quam ipsa puræ humilitatis ac mansuetudinis amplexio, quæ est signaculum dilectionis veræ.

Q. Estne ea lectio tam facilis observatu quam brevis est lectu? R. Brevis quidem est, sed magna complectitur, quapropter homo superbus summam diligentiam adhibere debet non tam in legendâ, relegendâ & addiscendâ lectione, quam exercendâ & applicandâ eâ: hæc quidem difficultate non aggravatur homo, qui apprehenditur naturatenus simplex, pauper & hu-

miliatus. Cùm enim non solum in ipso vivendi, verùm etiam in toto genere docendi, in cunctis Verbis, factis, moribus ac modis Salvator humilitatem, ac mansuetudinem exhibuit, tantò facilius futurum est, ut eam addiscant ac imitentur, quorum capacitati, ac inclinationi naturali quodammodò convenit, tales autem sunt homines simplices, egeni, subjecti, quin & artium improbarum adhuc ignari, talium quoq; fuit prima, prisca & subsequenter magna caterva, qui hanc cœlestem doctrinam amplexi, postmodum clari ac miraculosi effecti sunt.

Q. Da exemplum interstinctæ hujus adeptionis, cùm queat interrogari, cur non æq; superbi ac sæculi hujus prudentes, qui alias ad capeffendas artes mundanas valdè habiles sunt, ad eandem praxin queant deducere facilem eam ac brevem lectionem, sicut simplices possunt? R. Ex ipsâ vocatione desumitur exemplum, quâ Christus tantum elegerat eos, quorum naturæ Deus ingenuerat capacitatem constantem sive à simplicitate non recedentem. Prout enim diviti aut prudenti valdè difficile est mutato statu rejectisq; artibus tanquam possessione sibi studiosè comparatâ sive à seipso deficere & ad exosam simplicitatem reverti eo scilicet fine, ut adhuc difficiliora ibi discat; ita homini simplici est perquam facile capere ac exercere ea, quæ suæ naturæ consymbola sunt: idcirco Christus reddebat Patri suo gratias, quod istam Sapientiam absconderat præ superbis mundi prudentibus & revelaverat minimis, hoc est, è paupertate jam humilibus factis, quos sic ad redocendum uti ad discendum aptos invenerat.

Eligebat ergò Christus piscatores & plebejos, quos faceret Apostolos & discipulos, Doctores qui Sponsam Christi præparent ac ornent consimili humilitate & mansuetudine. Ecclesiæ sic præparatæ exemplum præbuit Sancta Mater Christi, cùm dixit in hymno: respexit humilitatem Ancillæ suæ: hoc ipso indicatur, qualiter Ecclesia debeat esse comparata, quo digna sit societate Salvatoris sui: uti ergò sponsus, ita & sponsa, uti caput, ita membra comparata esse oportet, nimirum, ut unâ vivant vitâ & Virtute univocâ.

Q. Ec-

Q. Ecquid doctrinæ hauriendum est ex istâ electione pauperum piscatorum? **R.** Hoc ipso facto docemur, solos humiles esse capaces Mysteriorum sive sacrorum Dei secretorum, quæ hætenus in sensum obscurum involuta credimus, nè inflati superbi intelligant ac polluant ea: sic vetitum est, nè sanctum projiciatur Canibus.

Q. Annon & viros prudentes cernimus perquam humiliter sibi obviare, eoq; humilitatem suam contextis ac multiplicatis Verbis contestari, quos ideo & capaces & dignos meritò censeamus? **R.** Utinam non esset ficta ea humilitas, nec potius humanitas quàm humilitas vocanda, nam si ex puro corde proflueret, non esset spernenda: verùm cum videamus multos ad sui status evectionem tendere, paucos verò ad ejus humiliatorem, permultos quoq; verbosè his adulari quos æmulo animo vel despiciunt, vel impediunt, ecquis talibus concesserit hoc, quod interroganti visum est? Non à quovis cognoscitur vera humilitas, sed tantum ab illis, qui sectantur virtutem præfatâ lectione relectâ sæpius & observatâ.

Q. Quænam sunt signa veræ humilitatis, quæ nunquam est sine mansuetudine? **R.** Ejus signa hæc sunt: primum: si homo fidelis non afficitur pudore in rebus foris peragendis, quæ aliàs cordi humano videntur pudibunda. Hæc species humilitatis exhibet signum conversionis, & quod de peccatis suis verè doleat. Nam eum oportet se præparare, ut tam ubiq; quàm semper cupiat esse minimus ac vilissimus, quatenus dehinc est ultro progrediendum ad internam humilitatem, quæ mentis est solum: id quidem sine magnâ attentione fieri nequit, ut nec sine gratiâ Dei, quam Deus dat unicuiq;, qui se observat ipsum, quo præparatus progrediatur.

Secundum signum est: si homo agnoscit seipsum esse inferiorem cunctis aliis, & insuper obligatum ad serviendum illis. Hoc ipso signo humilitatis permovebit alios, non solum ut eum ament, sed etiam ut veram ejus humilitatem suscipiant pro virtuoso exemplo. Et tametsi homo non

sem-

semper de jure teneatur id facere, interest tamen agnoscere latissimam obligationem saltem vi Charitatis, cum vergat ad laudem & gloriam Dei, nam & Deus eventualiter peccata ei remisit, antequam ea patravit. An ergo agnitio debiti sui unquam erit immodica, si non immodica est gratia? Ea autem ingens gratia DEI est peccata dimittere, & simul à peccatis custodire.

Tertium Signum est: si amat cunctos homines amore æquali, simplici, id est, nullis modis interstincto, id quod eum sic facere cernimus, qui alio magis nullum, nec plus amicos & vicinos quam peregrinos amat. Nam Charitas libera postulat amare cunctos homines in Deo tanquam proximum absq; respectu bonitatis vel malitiæ cujusquam, postulat & quemlibet pro sua dignitate honorare.

Quartum Signum est: si homo subjectus Deo est, sic ut eidem unitus adhæreat, corde à cunctis rebus terrenis evacuato, cum fieri nequeat, ut Deus se cordi mundano communicet. Ea verò à rebus terrenis abstractio consistit in hoc, ut scilicet sub depositione suæ proprietatis abrenunciet sibi ipsi extrinsecus & intrinsecus. Quisquis hoc fecerit, subjicit se Deo, & Creaturis cunctis sicut nil restet, quod ei subjectum sit.

Quintum Signum est: si quamvis injuriam patitur ad gloriam Dei sperando confidenter in Dei misericordiam. Qui autem nescit pati, carere, sperare fidenter, is nescit esse humilis: Vera namq; humilitas quinq; his signis cognoscitur.

Q. Quò vergit omnis conatus, industria, doctrina & exemplum, quibus Dominus noster per totam Vitam suam se occupavit? R. Eò solùm vergit, ut charos suos Amicos in lumen Veritatis atq; introrsum in purum mentis fundum conducat. Quicunq; id negligunt, obaudiunt Christi doctrinam, ejusq; exemplum despiciunt, quapropter ad veritatis lumen non pertingunt.

Q. Annon & Christi discipulis accidit incuria gestorum Christi, quorum tamen & animus & oculi erant in hominem-Christum

stum fixi, quorum & salus vicissim erat potissima Christi cura?
 R. Tantam discipulorum curam habuit Salvator eo fine, qui ad præcedentem quæstionem propositus est, in quo & maxima omnium Salus pendet. Ast quoniam incurii discipuli ad solam præsentiam, & humanitatem Christi applicabant animum, taliterq; summi boni adeptionem præpediebant, hinc oportebat Christum secedendo evidens obstaculum hoc ab animis eorum remove.

Q. Quod si Sapiencia æterna, ipse cœlestis Patris Filius suis obstaculo erat discipulis, quid est censendum de creaturis aliis, imò etiam de modis & circumstantiis, quarum numerosa, ac speciosa suppellex est? R. Propterea docetur Sanctis obstare omnia, quæ præter Christum sunt vel fiunt, quominus summum bonum immediatè recipiant, & ratio desumitur indè cur omnia sint deferenda, ut ut speciosa sive utilia: hæc quippè desertio est & nuncupatur paupertas Spiritûs.

Q. Qualiter potest homo suam operari salutem? R. Cùm studiosè clementiam Christi contemplatur, quàm avidè scilicet per cunctas suas actiones salutem hominis consummavit, necessum est, ut tantum beneficium compenset reciprocâ passione voluntariâ, & ambulet taliter in eâ viâ, cujus angusta est porta, Deo sacra; hoc sanè modo ipse quoq; salutem pro parte suâ operatur, non obstante negativâ eorum, qui tametsi Evangelium debitè commendant, ipso tamen opere Viatores non conducunt ad portam angustam, indè fit, ut qui obaudiunt verba, sequuntur exempla, non advertant, quod latâ viâ progrediantur ad interitum, comprimis tùm, cùm somniant angusto se tramite pertendere.

Monendum ergò est, ut quilibet studeat dura quævis experi-
 ri, & si cum difficultate laborat, consideret mortem & passionem Domini amaram, quam pro peccatis alienis tanquàm sua fuissent, sustinuit, consideret simul collatum nobis fructum operum ejus, tanquàm ea essent nostra non sua opera, sic labor omnistum facilis erit tùm fructuosus. Etenim quoniam Christi
 stus

stus peccata nostra suscepit tanquàm sua forent ea, nobis quoq; sua vicissim reddidit opera, ut nostra sint, hâc ipsâ permutatione factum est, ut pœnas peccatorum dederit ipse, nos verò merita Operum ejus possideamus tam plenè, ac si nos ipsi redemptionem operati essemus. Quod ipse tulit & passus est, nostrum est; sed si cum eo patimur ipsi, jam confirmatum, sigillovè munitum est redemptionis pactum.

Q. Forma vivendi Deo gratissima quæ? R. Eam ad vivum delinçavit, atq; in speculo vitæ suæ proposuit nobis ipse Salvator, qui & nil aliud intellexit per verbum: sequimini me: præterquàm suam vitam pro inimicis in mortem traditam, quæ est opposita philavtiæ sive vitæ securæ ac liberæ sui amantium, circa quod notandum est, quod vita Christi tùm Deo gratissima est, tùm nobis charissima esse debet, quia per eam cognoscitur bonum optimum, hoc est, perfectum. Cùm autem cognitio perfecti sit perfectissima cognitio, non potest perfectum hoc bonum non amari super omnia, cætera verò imperfecta omnia rejici & amoveri: hæc ipsa cognitio tantò cariorè reddit Vitam Christi, nec minus hominem obsequentem indies promovet ad exercitium ejus, non obstante amaritudine, quia necessum quoq; est eam in homine esse & manere usq; ad mortem. Propterea refert quidam, quòd qui secus dicit vel docet, mendax est, & quod Veritas ac sumum bonum non est in eo, qui destituitur vitâ Christi. Indè sanè discimus, ad vitam Christi atq; cognitionem summi boni non posse perveniri, nisi per desertionem omnium Creaturarum, quæ possidentur ab intellectu, voluntate & desiderio, hoc est, à totâ mente, hîc nuditas sub intelligitur atq; paupertas Spiritûs: Hinc etiam sequitur, eos qui rebus mundanis adhærent, hoc Veritatis carere lumine. Totus ferè mundus nunc adeo inter se cohæret, ut vix inveniatur homo abstractus, cui mundus exosus est: nam quicquid mundiale est, est naturale, quod sine mundo est, est supermundiale, natura verò naturâ gaudet, hinc dici solet, natura naturam conservat, non mirum sic est, quod homo naturalis tantùm curat ea, quæ ejus naturæ con-

con-

veniunt; ast spiritualis homo non sua, sed quæ sunt Dei, cuncta vetat vitam suam odisse, sive exponere pro Dei gloriâ istum per hoc imitatus. Est autem cum Christi vitâ comparatum, sicut cum obedientiâ Christi, quod ferè idem est, quia Christi vita nil nisi obedientia erat, ad istam itur per viam eandem, par autem subest difficultas, quod non omnes æqualiter per vitam formam attingunt, sed unus in hoc, alter in illo gradu consistit, in Christo hinc erat perfectio, in nobis autem est imperfectio. Sed sicut unus imperfectior est altero; ita & unus in Christo est propinquior altero, super omnes autem est is, qui in nullo bono tenaciter adhæret & quantum possibile, vivit juxta exemplar Christi. Nam talis homo externas actiones, in quantum sunt necessariae, non fugit penitus, ast non necessarias ad id linquit, solum auscultando quid Deus jubeat, ut ipsum hoc velit, ac oporteat facere. Quicumque dicunt, voluntatem adesse, sed posse non adesse, hi plerumque omnem operam & exercitium tanquam rei desperatæ ac impossibilis intermittunt, & sic ad primum hujus vitæ gradum nunquam perveniunt, sic abundantur verbo Domini, ut suam excusent negligentiam. Aliter autem eos comparatos esse necesse est, de quibus dicitur: Qui Rom. 8. spiritu Dei ducuntur, hi sunt Filii Dei, nec sunt sub lege: hoc est, qui se spiritui dedicârunt, hi sunt impleti spiritu, & sicut à se ipsis exiverunt, sic potestatem spiritui reliquerunt ducendi, operandi & perficiendi per eos, quicquid ei visum fuerit ad eum ferè modum, quo dicimus eos, qui sunt mancipia mendacii, fraudis, malitiæ & iniquitatis, duci ac possideri à Diabolo, nec esse sui juris. Nam cum superbia & phylantia sit primum peccatum, & tam Adami quam Dæmonis lapsus, sequitur per id peccatum fieri defectionem à Deo ad diabolum, undè assimilatio dæmoniaca, cohabitatio quoque ac regimen in homine diabolicum. Expedit ergo homini se præparare, quò facilius ac felicius proprietatis suæ vinculis solutus liber, nudus & pauper Spiritu induat spiritum, & quod quærendum est bonum, possideat. Isthæc præparatio quadruplici medio impetratur, primò desiderio acqui-

G

rendi

rendi. Secundo fideli informatione. Tercio fervidâ attentione. Quarto indefessâ exercitatione. Cape desiderium, quære Regnum, & cætera adjicientur.

Q. Quæ sunt consideranda in desiderio acquirendi Vitam Christi? R. Hæc duo debent considerari, propter quæ potest homo desiderare eam, nimirum merces promissa, & amor boni; hoc ergo desiderium est duplex ac longè diversum. Quod si quis Vitam Christi habet, aut desiderat ex charitate, libenter ac facîle perfert eam, in causâ sic homo cum Christo convenit, adhæc si semel hanc vitam homo est assequutus, non cupit eam dimittere, quia est grata ei, quantumvis laboriosa ac tædiosa sit; secus facit, qui ob mercedem futuram habet eam, cui difficilis ac ingrata est tanquàm pro mercede conductâ, hinc finem ejus desiderat per modum mercenarii, qui laborem non gratis sed pro mercede suscipit: in talibus vita Christi rursus citò dimittitur, nec commodum nec mercedem post se relinquit. In homine divino hæc vita (quæ omnium rerum gratissima ei est) tantâ curâ servatur, ut totâ suâ Vitâ non dimittat eam, siquidem non propter aliquam Utilitatem diligit eam, sed propter nobilitatem ejus & complacentiam divinam: cui autem difficilis est, is ejus nequicquam degustavit. Pari ratione non propter mercedem, sed propter bonum amantur virtus, lex & instituta. Quicunq; vivit in verâ luce & charitate, is benè ac dignè ambulat, quoniam Charitas ea quoq;, quæ aliâs natura formidat, libentissimè perfert, dummodò prius ea sic esse cognoverit pro ratione boni quod amat: nil ergo durum, quod non toleret, nil grave, quod ferre recusset, per hoc sequuta exemplum Apostolorum, qui sustinendo afflictiones solam flagitabant constantiam, secundum quod scriptum erat: tu confirmasti columnas ejus, nè moveantur. Exindè intelligimus, quid sibi velint ea Christi verba, onus meum leve est. Charitas Dei reficit eos, qui onerati sunt, & vitam hanc tristem, onustam, afflictam amat Charitas suprâ omnia vitæ genera, quâ boni perfecti fructus est, in Christo ad perfectissimam Charitatem excoctus. Huic veræ vitæ oppo-

opponitur vita falsa, quæ naturalis, decepta ac decipiens est ad-
 instar lucis & charitatis falsæ, hinc ubi lux falsa, ibi quoq; Chari-
 tas & vita falsa est. Datur homo, cujus natura subtilis est, astuta,
 agilis, is certè diversissimis rebus est implicatus, in iis laborat
 attentè cum fraude, dolo & astutiâ sui commodi causâ, & quia
 sic & non aliter intelligit, amat, quod scit, & vivit juxta concu-
 piscentiam voluntatis suæ. Ecce hîc est perfectum mancipium
 Diaboli, instrumentum deceptum & decipiens, cujus omnia
 falsa sunt tum lux, tum amor & vita; hæc est naturæ proprie-
 tas, qualis & est Diabolo, & proprietatis Identitas aufert diffe-
 rentiam. Deceptus ergo Diabolus, decepta & natura, quia non
 cognoscunt se esse deceptos per hoc, quod putant se scire ac pos-
 sidere verum & bonum, & hæc deceptio est omnium pessima,
 quapropter ad alios dolosè decipiendum se juxtim occupant,
 nec unquam persuaderi possunt ad exuendum proprietatem su-
 am. Quisquis autem vincere cupit, necessum est, vincat unum
 ex his adversus se conjuratis, naturam scilicet aut Diabolum,
 quatenus devicto uno devictum est & alterum. Omnia quæ si-
 nè Deo aut contrâ Deum sunt, sunt in alterutro eorum, & vicis-
 sim, alterutrum in cunctis: victâ hinc naturâ victus Diabolus est,
 & cum his vetus Adam, homo naturalis, inobedientia, propria
 voluntas, ambitio, philantia, Egoitas, Commodum, Lux falsa,
 peccatum, quæ omnia sunt unum, nimirum naturæ atq; Diaboli
 proprietas. In quo autem Vita Christi est, ibi Christus est, sicut
 dicit Paulus: Vivo, ast non ego, vivit autem in me Christus. Gal. 2.
 Exindè sequitur, Christum non esse, ubi sine vitâ ejus est: quan-
 tum vitæ hujus inest homini, tantum etiam Christi in eo est, &
 vice versâ. Qui Christi vitam agnoscit, is Christum cognoscit,
 qui verò Christi vitam non agnoscit, ipsum nescit Christum, neq;
 credit in Christum, qui vitam Christi non credit optimam.
 Nunc autem cum per cognitionem fidei credimus vitam Chri-
 sti esse omnium absolutissimam, credendum quoq; est eam non
 posse abesse à novo homine, luce, amore & verâ obedientiâ, qua-
 tenus hæc omnia sunt unum in Deo vivente (summo bono)

quorum si unum amoveris, totum destruxeris, si unum posueris, omnia in Unitatem collecta & quasi confluenta videbis. Hanc ceterum virtutum diversitatem non in Essentiâ earum, quæ una simplex est, quærendam putes, sed tantum in ratione humanâ diversitatis capace. Interrogaret quispiam, quo medio vita Christi sit adipiscenda, quatenus est præmissis sequitur, ejusmodi medio solum adhærendum, cunctaq; fugienda esse, quæ eam impediunt? Ad hoc responderetur, eam nusquam esse conquirendam nisi in & cum Christo ipso: hinc si quâ Christum capere potes, non habes quod vitam ejus quæras, quia jam obtines eam in uno, vero & summo bono. Quæreret & simplex, quomodo & ubi Christus acquirendus? Non quæras homo: cape sacramentum, accepisti Christum & vitam ejus, quò sæpius, eò uberius. Nam vita Christi est sacramenti fructus, in eâ humilitas, obedientia, lux, amor & veritas inventa est, hæc in te inveniantur, & sapidus erit fructus.

Q. Cur Christus vocatus est Rabbi? R. Ideò, quod non solum docebat, sed etiam quæ docebat, ac tradebat, suo ipse exemplo adimplebat & confirmabat. Est enim verè Magister, Doctor, & Princeps boni supremi, eoq; super omnia amandus: est & Magister ac Doctor veritatis, eoq; sedulo contemplandus. Est & Magister summæ perfectionis, eoq; sine respectu imitandus.

Q. Quantum ad dilectionem, cum Deus sit infinitus, anima verò finita, & corporis limitibus circumscripta, quæ potest anima Deum & cognoscere & diligere? R. Desiderium animæ est abyssus, quæ non expleri potest nisi objecto infinito, quod Deus est, quia quò magis anima Deum desiderat, hoc magis eum diligit, & quò magis diligit, hoc magis desiderat ipsum fontem aquæ vivæ. Christus quoq; cum sit Magister summi boni, à quo dimanat charitas in corda hominum, anima verò creata sit ad Christi imaginem, ut agnoscat & diligat eum, consequens est, ut anima & possit & debeat diligere eum, cujus refert Imaginem. Fons vitæ charitas est, & hætenus, qui charitatem non habet, vitam non habet. Diligere Deum est proprium animæ, utq; diligatur

ligatur Deus, concreata est animæ potestas constitutiva ejus, quæ amor sive desiderium vocatur, cujus ope finitum creatum fit infinitum, & ipsa charitas requiritur esse sine fine, sine socio, sine silentio.

Q. Annon est modus, quo Deus diligitur, qui si quâ datur, finitus est? R. Est modus nimirum is, quo Deus dilexit mundum; sedis est sine fine, & sine mensurâ, quatenus Deus infinitus est, competit hinc animæ, ut amet infinitum sine fine & sine mensurâ. Dominus dilexit nos ad usq; finem vitæ, ut eum diligereamus sine fine: quod sic intelligi debet, ut scilicet desiderium nostrum augeatur per singulos dies mortalitatis hujus. Verum tamen hic sine fine modus diligendi Deum concernit tantum internum charitatis opus, non autem externum: illud semper augeri in infinitum, istud commensurari debet juxta limites discretionis, ut scilicet modo competenti externè sic agatur, nè destruat naturam, qui eam spiritui obsequiosam reddere studet.

Q. Quid charitas sine socio? R. sensus ejus dicti est hicut homo sollicitè caveat, nè ulla Creatura attingat eum charitatis gradum, quo Deum diligit anima: etenim charitas cum sola cum solo uniatur, solvit unitatem & solitatem, quicquid cum charitate, conscendit eundem gradum, excepto eo, cum anima diligit, Creaturas propter Deum, cum Deo, per Deum, & in Deo: hoc licitum est propter eam causam, quæ Deus ipse est, cujus respectu dicitur propter Deum: propter Deum aliquid amare est, cum quis in re amatâ amat id ejus bonum, quod optimum est; sed illud ipse Deus est. In Deo amare Creaturas est, cum quis in Creaturis non quærit alium finem, scopum, ac voluptatem præter unicum Deum: hoc modo amantur Creaturæ in Deo, & Deus in Creaturis. Sic facile intelligimus, quid sit amare Deum, ex toto corde, animâ, mente, cunctisq; viribus, quod Augustinus taliter exponit: ne, ait, anima ullam vim seu potentiam sibi servet amore Dei vacuum; sed ut omne quod anima sibi fingit, amandumq; proponit, amet propter Deum, ac in amore Dei usurpet, cum Dominus Deus noster sit ipse charitas: & hoc est diligere sine socio.

Q. Quid charitas sine silentio? **R.** Est ea, quæ vocatur non simulata, sed erumpens atq; vociferans, prout dicit anima: Vo-
Cant: 5. cavi eum &c.

Q. Quid ergò per vocem charitatis intelligendum datur? **R.** Cum alia vox sit oris, alia operis juxta Gregorium, indubium est, vocem charitatis prævalere clamori verbali: vox namq; **Pf: 68.** charitatis opus est, prout dicitur in psalmo: operatus sum vocando. Verbalis vox est, cum homo Amorem suum revelat Amicis suis, imò defectus ac peccata sua, quibus Deum offendit, sic namq; putat anxium relevare animum; at longe nobilior est vox operis, ut cum quis ipso opere externo exhibet internam charitatem, sic solet ignis charitatis erumpere, ut tanquam proprio sibi calore foveat objecta præsentia (id est, ubi est charitas, ibi multa & magna operatur) idcirco verissimum charitatis signum est exhibitio operum, & vicissim verissime dicendum, abesse charitatem, ubi defectus operum est,

Q. Quâ de causâ vocatur Christus omnis boni, imprimis charitatis Magister? **R.** Est & vocatur Magister charitatis potissimum eâ de Causâ, quia cum charitate, in charitate & ex charitate mercedem dat homini. Triplex est hominis meritum, unum operum externorum, alterum internæ contemplationis, tertium interni desiderii. Opus autem meritorium spectat internam charitatem tanquam effectus causam efficientem, præterquam opus quodlibet externum nihil habet meriti, utpotè quod finitum caducum ex se æternâ mercede planè indignum est. Qui Deum dignè amat, sequestrat ea quæ Deus non sunt: In charitate ergò divina bonitas mercedem suggerit operibus. Ex charitate quoq; confert mercedem, quia totum seipsum donat animæ, prout dixit ad Abraham: Ego sum merces tua magna valde. Est deniq; merces Domini cum charitate, quatenus in hoc ipso sita est merces divina, ut homo sine medio intueatur Deum, fruatur & potiatur eo.

Q. Cum autem superius dictum sit, Christum ideò esse contemplandum, quia est Magister veritatis, dic qualiter se habet
 istac

istæ contemplatio? R. Contemplatio Dei fit trifariam, nimirum mediante lumine naturæ, gratiæ & gloriæ? Ad primum, dicit Paulus: invisibilem Dei bonitatem percipi ex rebus visibilibus sive Creaturis. Quantum ergo ad contemplationem Dei in Creaturis, fide constat, Creaturas esse creatas ex nihilo, id quod certissimo documento est, Deum esse omnipotentem: patet etiam sensibus, Creaturas omnes saberrimè factas summo ordine locatas, compositas, & velut perpetuæ leginaturæ subditas, pulcherrimâ quoque harmoniâ sibi invicem consymbolas, quod certo documento est, non nisi summâ sapientiâ cuncta hæc in admirabilem istum ordinem redacta esse, quæ sapientia Filio Dei adscribitur. Testatur denique usus & experientia, Creaturas cunctas pollere Virtute & bonitate singulari, unde non satis laudata utilitas humano generi comparata est, quod ipsum & sancti spiritûs Clementiam indicat. Sic habes in ipsis Creaturis causam & modum contemplationis Dei.

Q. Contemplatio Dei in lumine gratiæ qualis? R. Propheta dicit: Domine, in lumine tuo videbimus lumen. Deus autem ^{Psalm: 35.} hoc lumen est primordiale & verum, cui non insunt tenebræ. Gratia est, cum lumen divinum illuminat hominem, lumen autem gratiæ, per quod cognoscit homo & contemplatur lumen ipsum in ipso eodem lumine.

Q. Contemplatio Dei in lumine gloriæ quæ? R. Est, cum in futuro cognoscemus Deum sine ullo medio prout est clarissimè: nam sicuti Magister est Veritatis; ita etiam Dominus omnem Veritatem ad plenum cognoscendam tradit.

Q. Denique cum dictum sit, Christum esse Magistrum omnis perfectionis: eoque imitandum, quaeritur, secundum quid nobis incumbat imitari Christum; nam constat, non juxta perfectionem, quia vel nudum perfectionis etymon hoc seculo exosum est, ac toties derisione probrevè prophanatum? Utut derisum à prophanis sit perfectionis etymon, est tamen divina voluntas, ut Christum sequamur secundum illam ipsam perfectionem, de qua scriptum est: perfecti estote, sicut & Pater vester perfectus
Etus

ctus est: perfectionis hujus regulam Salvator suo exemplo emensus est, ut juxta eam, non juxta aliam sequamur eum. Si quæris, cur ad perfectionem teneatur aspirare Christianus? nõris oportet, quia in solo Deo perfecta reperitur Unio, unitas, adunatio, & Universalitas, in quâ beatitudo hominis sita est, idcirco ait Christus, non posse esse Discipulum ejus, nisi qui deserit Patrem, matrem, fratrem, sororem, hoc est cunctas Creaturas.

Q. Si omnia hæc linquenda sunt, annon inde sequitur, obstantia esse & valde noxia homini, atq; salutem ejus? R. Obstant omnino cuncta, quæ amat homo præter Deum impediendo, quo tardè pertingat ad Deum, eoq; remorantur salutem istius, qui per ambages sic divagatur, hæc ratione vocantur inimici etiam qui sunt lectissimi, nimirum eo sensu, quod salutem efficiunt amicorum, & scriptum est: inimici hominis domestici ejus.

CAP. IV.

De Luce, divinâ, verâ, & falsâ.

Q. Cum ad divinæ Christi vitæ contemplationem requiratur Lucis veræ & falsæ Cognitio, cujus in superioribus fecisti mentionem, dic quæso, quid Author noster de eâ doceat, hoc enim censéo esse scitu necessarium, quia cohæret doctrinæ de Christi Vitâ? R. Rectè censés scitu necessarium esse, quatenus cohæret sic Vitæ Christi Lux, ut hæc illam repræsentet. Notato ergo, quæ tradit Author de Luce verâ & falsâ: Utramq; ait, esse considerandam, tum quoad esse suum, tum quoad interessè. Quoad esse sciendum est, Lucem veram esse aut Deum ipsum, aut divinam: falsam itidem esse aut naturam ipsam aut de naturâ. Qualiscunq; Lux, quæ neq; Deus est neq; divina, Lux falsa est, quia hætenus Deo contrariâ. Ideo autem lux naturalis falsa dicitur, quia decipi potest.

idei bonum optimum est, ipsum autem verum bonum nescit, ac deridet, quare? quia Natura, quæ natura non valet idem assequi. A quodam vate prædictum erat, futuros ultimis temporibus, qui dicerent, crimina quàm gravia sint, nihil tangere conscientiam hâc ratione, quod Christiana libertas præfecta sit conscientiæ: nec vatem fefellit præsagium, id siquidem complet vulgata libertatis Cantilena, quam Criminum Catalogo taliter innoxio quidam præfigunt. Sic falsum hoc lumen se fallit duplici modo, uno quidem, quod omnia fugit, quæcunq; naturæ adversa videt, altero quod arbitratur, opinionem suam esse tam veram, ut nulli cedat informationi: falsissimum ergo est ideò, quia neqvit converti. Notandum etiam, quod aliqui id lumen appellârunt Anti-Christum, quatenus Christo adversum sive contrarium invenitur exinde, quod, quæ ad Christum, ad vitam ejus & bonum optimum spectant, rejicit. Proinde, quicunq; cum & in hâc luce ambulant, decipiuntur ab ejus splendore: splendor autem, ut supra dictum, in hoc consistit, quod propria voluntas, commodum ac bonum naturale relicto bono æterno appareat id optimum esse, quod est quærendum. Sic etiam affecti sunt hujus lucis filii, proin quàm optimè lux convenit cum suis filiis, atq; per consequens lumen cum illuminatis decipitur. Hoc lumen est semen falsæ libertatis, cujus fructus est vita dissoluta, sine ordine, lege & subjectione. Quantum autem ad eos, quos verum lumen illuxit, hi nequeunt decipi, quin inter eos reperitur vita Christi Deo charissima: hoc namq; verum lumen est semen Dei, cujus fructus est bonum optimum; verum tamen si vita Christi non sit in iis perfecta, est tamen delineata juxtà exemplar ejus, proinde amatur unà cum lege, cum ordinibus, virtutibus, & quæ adhærent illis, externis ritibus.

Q. Cùm nunc cognoscam quid sit Lux vera & falsa, dignare, quæso, explicare, quid Lux divina sit, sive lumen Dei essentialle? R. Præter hæc quæ dicta sunt, est insuper lux divina obscuritas ineffabilis, quæ ideò vocatur desertum tenebrosum & inaccessum, quia nulla ibidem via, nullavè invenitur semita, aut vesti-

vestigium, adhæc quod nullum in se modum habet, hætenus nullâ re vel verbo explicari, nullâ similitudine depingi potest. Incomprehensibile hoc lumen non potest capi ab ullâ Creaturâ mortali, non ergo à ratione sive intellectu naturali, cum sensibus non pateat aditus, hinc inaccessum vocatur atq; abstrusum. Quodsi ex merâ gratiâ spiritus eò raptus est, dicimus eum tunc duci ac perduci in simplicissimam Unitatem, id etiam quod itineranti tunc revelatur, quâ rationem superat, potentias ac potestates interim quiescentes latet.

Q. Ergonè subitanea mentis in lucem hanc divinam immensio tam fructuosa est? R. Imò tantò melior ac fructuosior, quanto profundior, quoniam tunc fit confessio imperferutabilis Essentiæ divinæ, nimirum per quendam animi sensum & motum voluntarium, qui verbis aliter describi nequit, nisi quod sit præcipitatio interni principii in tenebras oblivionis sive annihilationis omnium rerum tum mundi, tum sui ipsius, imò & ipsius Dei. Ista verò obscuritas hominis, quæ subsistente eo obvenit in interiori Spiritûs, est tantò veracior, nobilior sive utilior, quanto liberior ea est sive à Causis suis remotior. Hinc intelligimus, qualiter lux gignatur è tenebris, ista insuper mentis Eclipsis tantò verius revelat lumen verum & clarum, quanto est obscurior eoq; excellentior. Deum enim quis vidit unquam? si lux illuxit mundo in temporis ævo, lux ea non luxit sibi antecedenter, quam potius in luminis mundi respectu tenebras fuisse, atq; tunc demum sibi luxisse percipimus, cum ipsa semetipsam manifestavit. Id Ethnicis fuit aliquomodo revelatum, ceu monumenta Chaldæorum versibus græcis apud synesium indicant hoc tenore: Ne tu despicias nigrum sine lumine mundum: cuiq; profunda etiam substernitur atra tenebra. Simile quiddam refert. Mysterium Orphicum de nocte, cælo & æthere Trinitati applicatum, velut de Patre dixit orpheus: Nox generatio Univerforum. Et: Nox quæ lumen emittis. In psalmis verò idem significatum invenimus, ut cum scriptum est: Qui posuit tenebras latibulum suum, in circuitu suo tabernaculum ejus. Item: Quia

tenebræ non obscurabuntur à te, & nox sicut dies lucebit; sicut tenebræ ejus, ita & lux ejus. Et Apostolus ait: Deus qui dixit de tenebris lucem splendescere, ipse illuxit in Cordibus nostris ad illuminationem notitiæ Claritatis Dei in personâ Jesu Christi.

Q. Dignare, quæso, paulisper immorari præfatæ mentis obscuritati, idq; quod Author noster de eâ habet, edisere? R. Ea mentis obscuratio est accessio, quâ nulla propior ad ipsam divinam Essentiam pro ratione Imaginis adumbrata, ad quam si homo jam pervenerit, sive rarò sive frequenter hæc eclypsatio cum obruat, non est ut eam aut fastidiat, aut desideratò ambiat, eam quippe revelationem esse cognoscit, qui ambit, ignorat verò, qui fastidit; verùm tamen & hîc appropriatio & bene placitum removeri debet; utatur eâ homo, sed sine commodo desiderii, sic namq; id quod electivè eligendum erat, non eligit, nec taliter suum efficit, sed potius id, quod Dei est, Deo linquit. Qvicumq; gustare cupit divinæ saporem suavitatis, aut qvî aspicere cupit lucem Dei, is nondum veraciter Deo relictus est in merâ tranquillitate, verùm prehensò aratro circumspicit, aut appetenter gustat, dum donum divini influxûs sentit, quî tamen ita in Deum cadere tenebatur, ne ullo studio attendat divinæ operationi. Enimverò per attentionem potest homo decipi, cum fieri nequeat, quin ejus quod desiderat, Ideam imageretur, eoq; Idea rem ipsam mentiatur (ut cum quis Ideam oblivionis imaginatur, Idea non est oblivio) per similes phantasiæ Ideas fuerunt multi decepti, adeò ut falsam pro verâ luce amplexi sint; quantò faciliùs decipientur, qvî hujusmodi obscuri recessûs Ideam concipiunt, cum ipsa nostra natura plus tenebrosa sit quàm luminosa? Doctrina ergò lucida hæc est, ut homo sub cunctis influxibus, quos aliquandò sentit, se gerat tanquam somno obrutus, id est, sine curâ, sine querelâ, sine quæstione, sive id sit sub actu spiritûs, sive in naturæ negotio: nevé unquam attentione naturali eos observet aut recogitet, opus est, ut tunc in Deum, tranquillè atq; humiliter se mergat abnegando seipsum, imò & abnegationi per extremam paupertatem spiritûs, paupertati verò

verò per annihilationem sui cedendo, sic namq; mergendo submergitur, & submergendo immergitur. Ista immersio vocatur alio nomine incrementum, quia extrà dubium est eum, qui totus sibi emoritur, in Deo crescendo magis magisq; augeri. Quidam accrementum vocant eam, quasi Deus tali homini tunc accrescat, cum penitus abnegando seipsum cadit in obscurissimas tenebras naturæ divinæ symbolicas, hinc ajunt, quò Deus tali homini in imperiscrutabili confessione fit obscurior, eoq; incomprehensibilior, hoc magis spiritus se ipsum abjiciendo annihilat, id quod juxta placitum Dei est, qui eo fine imagines & simulachra prohibuit, ne vana earum apprehensio periculosè tentet humanum animum; deniq; quò longius homo seipsum abjicit, eò profundius labendo in Deum penetrat, quæ transitio vocatur accretio, adhæsiō, adunatio Dei hominisq;. Hujus cognitio mensura est criminum, quā quilibet homo noscit emensurare magnitudinem Criminum: cæterum quàm salutaris est ista in Deum transitio, tam perniciosa est retrocessio atq; ad humanam possessionem reversio, hætenus irremediabilis est lapsus Luciferi, quia exuperavit ejus malitia quamcunq; aliam, cum imperiscrutabilem quandam societatem cum Deo habuerit, qualem nullus homo habuit unquam: quò propior ergò homo est Deo, eò gravior lapsus ejus, & quoad damnum Luciferi similior lapsui. Exin evadit perspicuum, cunctas actiones nostras esse super Petram Deum configendas cæmento firmissimo, id est, fundamento suo simili in paupertate Spiritûs: nam sic & non aliter paratur confidentia erga divinam Clementiam fore, ut hominem conservet, neq; in lapsum ejus consentiat. Verum de præfato influxu divino tenendum id est, nimirum, eum esse præparationem, ac exercitationem hominis, cujus finis est incrementum, atq; constantia amoris, humilitatis, abnegationis, aliarumq; virtutum, undè cognoscitur eum non esse opus naturæ, nec animi motum proprium, sed à superiori impellente causatum. Et huc apprimè applicandum venit dictum, quod à nobis tanquam à nobis nil tale possimus. Sed

Deus est, qui è singulari Clementiâ in hominibus bonæ voluntatis suscitatur id, quod præcipuè in suis amat amicis, nimirum Primo Confessionem actualem suæ exignitatis, Secundo præsentaneam sui subjectionem ad pedes Domini in abnegatione sui ipsius, Tertio Renovationem, sive Reiterationem submersionis in intimo ac vero fundo Spiritûs. Hæc hominis præparatio est singulare Dei donum requisitæ perfectionis causâ collatum, quod cunctis aliis acceptioribus donis est præterendum, quatenus longè utilius aliis, maximè, si homo internas tentationes utut impurissimas, quæ fortè eundem impetunt, vicerit. Nam & iste conflictus est passio, quâ unâ cum aliis homo præparatur, bonivè hujus præclari capax redditur, & ne quem offendant, cum observavit, hoc bonum esse sibi incognitum, informe, incomprehensibile, & momentaneum, sciat oportet, id magis esse verum, securum, simplex, utile, quò magis tale, quia donum intimum, ac supremum. In foro naturæ suo fertur homo desiderio ad ea, quæ sibi invenit utilia, necessaria, aut desiderabilia; hîc verò contrarium reperitur, cum tamen hoc bonum mereat esse desiderabilissimum, id tamen sic est, quia incomprehensibile est, Ideâ carens, per Ideas autem afficitur desiderium. Divinis ab hominibus est observatum, super naturale cœlestis desiderii lumen non nunquam obortum esse in animo eorum, à quo tamen desiderium non fuit affectum, tum quia fuit momentaneum, tum quod informe fuit ac penitus incomprehensibile: Tantum tamen effecit, ut è clarâ lētûs luminosi Veritate cognoverit, non nisi Deum fuisse. Ideò autem hic splendor vocatur lētus, quia perquam brevis est, & tantum momentaneus, sic quia informis est, non ejus, quod est, Ideam post se relinquit: diceret ergò quispiam, si transit absq; evidenti effectu, falsum est, cum dicatur Deum nil facere frustra; verum ad id respondetur, non ilicò falsum esse: Lumen dicendum, tamen si hominem non statim traxerit, aut sensibilem ejus renovationem effecerit, talis namq; effectus ideò subsequi nequit, quoniam ob incomparabilem subtilitatem ejus nec sensus nec

intelle-

fitivum, sensus ac potentiae hominis, imò & intellectuale mentis Lumen illuminatur à lumine superno, omnia scilicet ea lumina, quorum ope cunctae Creaturae ad suum remeant principium. *Q*uod si non omnia dixeris ad unum properare finem, certum est, quod lumina ad alium finem tendentia in se non lumen sunt sed tenebrae, quales potissimum sunt eorum lumina, qui obliti Verborum Christi non sibi abrenunciant suo lumine reddito atq; cum Christi vero lumine commutato.

Hoc namq; vult Christus, ut receptis ab hominibus tenebris reddat iis lumen suum atq; cum eo Coelestem Vitam, laetitiam, & beatitudinem. Hæc & alia cuncta in Unum collecta donare ac attribuere cupit Christus, in gratis hominibus, ut hiscè donis ditati ac permutati sint Unum cum Christo & habeant per gratiam id ipsum, quod Christus habet de naturâ. Mirari tamen satis nequimus, quod nobilissima ea Creatura, quæ mundi miraculum est, propter quam creavit Deus cælum & terram, & quæ in eâ sunt, ad serviendum necessitati ejusdem, sicuti & homo Deo servire obstrictus est, adhæreat tam tenaciter subjectis sibi Creaturis, non tendendo ad finem & originem suam, quæ verum Dei lumen est, cum tamen ignis, lapis, & cuncta elementa propriâ suâ naturâ ferantur ad suam Originem.

Q. Quid, quæso, hîc censes observandum? *R.* Duo sunt hoc loco observanda, unum est impedimentum obstand, quo minus homo ad finem suum & tendat & perveniat; alterum est medium, Via seu modus, quo quis ad eum perducatur.

Q. Cum fieri nequeat, quin magni momenti sit obstaculum, cujus culpâ homo se gregatur à bono ineffabili, quæritur, quod genus hominum impeditur tanto sui damno? *R.* Et secularium & spiritualium hominum genus distinetur eo impedimento vel per totam Vitam vel per multos dies & annos. Seculares planè contrarii sunt Lumini divino, quâ tenebris immerfi perpetuis, hi scilicet, qui tam Creaturis, quam sensibus externis suum affigunt desiderium, eoq; actu ac modo qui perpetuatus est, atterunt cunctas eorum potentias, Virtutes ac sensus, ut taceam
omne

tur cujusvis probi hominis animus, quæritur, quid faciendum est homini, qui hanc malitiam adeò damnosam de vitare cupit? R. Oportet hominem falsum suum fundum diligenter ac seriò observare, non per horas vel dies aliquot, sed totâ suâ vitâ, quoniam id nunquàm totaliter superatur qualicunq; adhibitâ diligentia. Summa hæc difficultas est sola impedimentum, quod homini pervicaciter obstat, quominus veniat ad suum æterni luminis principium: quod cum ita sit, desperant multi aut tædio capti revertuntur ad lumen naturale, quod tam desiderabile est, ut impar ei sit omnis mundana felicitas.

Q. Annon gentiles etiam versati sunt in naturali hoc sive rationis lumine? R. Eos omninò magno desiderio lumen naturale coluisse constat, cumq; is erat eorum scopus unicus atq; quæsitâ voluptas, hinc factum est, ut tam constanter in eo manendo non ultra processerint.

Quæritur nunc, quânam viâ rectissimè quis perveniat in lumen verum, originem rerum? R. Brevissima via est vera sui ipsius abnegatio, pura & simplex ergà Deum Charitas, immediatum solius divinæ Gloriæ desiderium, libera omnium occurrentium adversitatum è manu Dei susceptio & oblatio, sicut in hominis principio nobilissimo nil aliud sit quàm fluxus atq; refluxus à Deo in Deum. Hic habes succinctam viam perfectionis Christianæ, quæ incipit in vero animæ fundo (mente), rectaq; & immediate in eo terminatur, ad quem perducit, Deo; hic separantur veri Dei Amici à falsis, hicq; dignoscitur falsum fundum à vero. Nam quisquis hoc fundum in se gerit accuratè, potissimùm est verus Dei Amicus: ast si quis usq; ad mortem amorem suum reflectit ad seipsum & Creaturas, non Lumen Dei videbit in æternum.

Q. Cum fieri nequeat, quin falsum seu naturale Lumen occulto & noxio modo misceatur divino Lumini, sicut sæpenu-merò non advertente homine mera natura sit, ubi respectus Dei falsò supponitur, quæritur, quâ possit interstingui veri luminis à falsi præsentia? R. Hæc interstinctio redditur attento animo

superpassio, miseria, probrum, & paupertas (quæ cuncta propter nos, & propter nostram salutem passus est) nos revocet è tenebris nostris, & nos veraciter introeamus in domum Domini Dei nostri. Hæc omnia sunt nostra fortalitia, fulcra, & arma, quibus vincamus nos ipsos, atq; promoveamur in ipsam nostram Originem, Deum.

Q. Ecquis autem capax est divini Luminis? R. Non nisi is qui pauper est, non quidem bonis, sed spiritu; sunt enim multi pauperes, qui carent facultatibus seu bonis externis, qui etiam consenscunt in eâ paupertate, attamen nec semihorulâ unquam fuerunt pauperes spiritu. Neq; enim sequitur, quod ratio & sensus capiunt, fundatum esse in spiritu, cum res ratione comprehensa possit esse à spiritu prorsus aliena. Necessum ergo est, ut homines desideriosi, omni studio, cunctisq; tam spiritus quam naturæ viribus eò allaborent, quo luminis divini influxum modo quodam sensibili percipiant, taliterq; promoveantur ad suum principium. Utq; res prosperè succedat, rogandi sunt Amici Dei, qui unâ coadjuvent, rogantemq; secum unâ pertrahant ad Deum omnium Creatorem.

Q. Si Lumen divinum omnes illuminat, imò & intimum hominis fundum (mentem) radiat, dic, quæso, cur tot videantur homines quasi nihil illuminati? R. Divinum lumen etiam si splendore suo tangat intimum hominis, homo quoq; expectare ac dignè id observare debeat, nihilominus cum se avertat penitus inverso ordine hinc indè vagando, hæc sensualis extravagantia facit, ut lumen divinum non recipiat. Hæc ratione advertantur huic lumini, qui cor mundanum habent, de quibus dicit Christus, filii mundi oderunt Lucem & dilexerunt tenebras: Johannes verò æquiviparat eos generi Viperino. Et ita fieri nequit, quin tales sint etiam contrarii his, qui lumen divinum diligunt, qui & in magno versantur periculo, eò quod quasi tantum à limine hærent in lumine fidei. Probatur hinc facile, quam sit infirma natura, quamvè nil boni ab ipsâ profluat, idcirco largitus est ei Deus potentiam auxiliatricem, nimirum lumen gratiæ.

næ. Hoc lumen obtinet natura ad instar doni desuper accepti, quod secum fert omnia, quorum natura hætenus indiget. Lumen supremum increatum est Lumen gloriæ, divinum, Deus scilicet ipse. Enimverò cum Deum veraciter cognoscere debeamus, per Deum id fieri debet, cum Deo & in Deo, sicut Prophetæ dicit: In lumine tuo videbimus lumen, hoc est, super sub-
stantiale. Hoc lumen divinum illuminat omnem hominem venientem in hunc mundum, bonos scilicet & malos, similiter atq; Sol suum spargit lumen super omnes Creaturas, quarum quæ cæcæ sunt, proprio earum damno non vident; ita si homo in obscuro conclavi detentus tantum luminis impetrat, cujus ope fenestram reperiatur, futurum est, ut statim ac suum Caput per eam exporrigit, in eo lumine sit, atq; testetur de eo.

Q. Qualiter oportet hominem se gerere, ut lumen hoc veraciter recipiat? R. Oportet eum abstrahere se ab omni temporali & caducâ re. Nam hoc cæ lumen funditur tam in inferiores quàm superiores potentias, id est sensitivæ & Mentis.

Q. Quid vocas hoc loco potentias inferiores? R. Animæ sensitivæ facultates, videlicet concupiscibilem & irascibilem.

Q. Quomodo debet facultas concupiscibilis esse præparata ad receptionem divini luminis? R. Debet se ab initio separare ab omni voluptate naturæ, & ab omni eo, quod humanam cupiditatem & sufficientiam potest explere, sive consistat ea in hominibus, sive in vestibus, sive in quacunq; aliâ re oblectante, exceptis iis rebus, quæ ad necessitatem quotidianam requiruntur, quæ Deus etiam unicuiq; clementer largitur. Et hoc est desertum, in quo vox Domini personat, ideoq; vocatur vita abstracta.

Q. Quid irascibilis facultas inde acquirit? R. In eâ discit homo constantiam & fortitudinem, sic ut si dignè recipiat Lumen, reddatur impermotus atq; resistens quasi mons ferreus, contrarium exhibet, qui sicut arundo à vento agitata, facillè movetur querendo & amando commoditatem corporis. Utcunq; enim multi homines mundanas res contemnunt propter Deum, nihilominus se patiuntur subito moveri hinc inde & exarcerbari à

quovis vento malignorum verborum, quæ tamen non possunt nocere animæ. Ad quid enim noceret verbum? Non procul est spiritus malignus, qui insusurratum accedit, & exaggeratum talia, quibus augeat iram & excitet vindictæ cupidinem: per hoc tentatur homo mobilior arundine. Ast hæc & similia debent abesse, si res est integra, secus corrupta sunt omnia.

Q. Quid si divinum Lumen illuminat superiores potentias seu potestates mentis, Intellectum scilicet, voluntatem & amorem? R. Intellectus intuetur longè dissita. Sit homo illuminatus, tametsi nondum persistat in hoc fundo, nihilosecius, quam primum audit aliquid de rebus occultis divinis, statim assensum præbet dicendo in se ipso: Verum hoc est. Plus autem quam hoc intueri in Intellectu, non est hujus fundi, sed longè alterius, nimirum, quò nequit accedere intellectus. Ibi enim veraciter videtur lumen in lumine, hoc est, in lumine animæ interno intelligitur lumen divinum mediante lumine gratiæ, ab initio quidem occulto modo. Ad hoc divinum fundum non pertingunt potentiæ animæ propter immensam distantiam; præter id & ingens latitudo, quæ se in fundo divino repræsentat, non habet speciem, formam, nec modum, tempus nec locum: siquidem abyssus est profundissima in seipsâ pendens sine fundo. Quemadmodum fluunt maria, refluuntvè alterno ascensu descensuvè, sicut nunc quasi non adsit aqua, mox iterum in altum levata appareat, ac si omnia sint submersioni tradenda; ita quoq; in abyssum præcipitatur id omne, quod propius accedit. Hic Deus habitat propriissimè: Quicumq; huc veraciter contendere posset, inveniret Deum verè, seipsum autem purè in Deo, quoniam Deus nunquam se separat indè. Deus esset ibidem præsens, quin & æternitas fieret homini perceptibilis ac degustabilis. Ibi non est præteritum, non futurum, ad hoc divinum fundum nequit pertenderè creatum lumen ullum, neq; eò illucere, ast solum Dei mansio propria ibidem est. Deindè nequit ulla Creatura hoc fundum scrutari, implere, saturare, aut pacare; sed tantum solus Deus cum suis divitiis implet eam, propterea scriptum

tum est: abyssus abyssum invocat. Abyssus hæc alluceret etiam potentias sensitivæ, traheretq; tam mentis quàm sensitivæ potentias junctim ad originem earum, dummodò homo se ipsum unà cum fundo eo seriò observaret auscultando voci in deserto eidem acclamanti. Nam fundum hoc tam est desertum, ac solitarium, ut nulla cogitatio eò pertingere queat: hinc nullæ cogitationes, quas unquàm rationabiliter de SS. Trinitate haberunt homines (sicut id à multis factum esse constat) hoc fundum unquàm attigerunt; imò nec unica. Ob istam simplicitatem sive discriminis carentiam adeò in infinitum distans extenditur, ut locus & tempus perdatur, eoq; nihil percipiatur. Quicumq; hæc verè statueretur, putaret se ab æterno affuisse, etiamsi ejus duratio esset tantum momentanea, hoc ei restat, quod id momentum sentiat velut sonum sonantem in æternum.

Q. Quid hîc dicis longè à captu vulgari alienum? R. Audi, sed aure mentis intelligente. Hoc Lumen dehinc affulget, quod Deus in fundo eo (mente) testatur, antè Creationem fuisse hominem ab æterno in Deo & sicut Deus in Deo: hinc dicit Johannes: Omnia quæ sunt creata, erant in eo vita una. Sic Homo quà est in naturâ creatâ, eatenus fuit in Deo ab æterno in naturâ increatâ, una scilicet cum Deo essentia. Argumentum hinc tale desumendum: quamdiu homo non assequitur eam puritatem, juxtâ quam defluxit è suâ Origine, hoc est, ab increato in Creaturam, nunquàm sic, uti debet, revertetur in Deum. Nam omnis propensio, omnis adhæsió, omne arbitrium, & omne quod id fundum perturbat, ac deturpat in propriâ possessione, debet penitus exturbari, insuper & id, quod homo unquàm volenter cum voluptate possedit in Spiritu & naturâ velut accidens à cognitione & voluntate receptum, debet totaliter expelli, sic ut homo sit uti à Deo profluxit. Hoc ità persuasó nostræ cognitioni, nec quis non videat, quàm istiusmodi puritati nunquàm satis fieri possit, nî spiritus transformetur per lumen gratiæ, siquidem per hanc redditur capax majoris illuminationis? Quod si beatus homo secreto modo sæpè divertit in fundum suum

suum internum, non rarò continget ei momentanea quædam interni fundi affusio, ubi quid Deus est longè clarius manifestatur, quàm quid sol oculis est. Quin & nonnulli gentiles Philosophi simplex hoc fundum agnoverunt, cujus adeptionis causâ res quasvis temporaneas contemtui habuerunt, inter eos clauerunt Proclus & Plato, qui alios id per se non valentes indagare insigni distinctione docuerunt, propterea dicit S. Augustinus, Platonem suo tempore Verbis obscuris expressisse initium Evangelii S. Johannis: In principio erat verbum &c. usq; ad ea verba: Erat homo missus &c.

Quin & discriminatam SS. Trinitatis personalitatem adinvenierunt non alio Duce nisi eo, quod amabant, & semper observabant fundo.

Q. Cum Pagani agnoverint id, quod Christiani passim ignorant, dic, quæso, unde venire soleat, quod miseri, excæcati & neglecti homines (qui volunt Christiani & esse & nominari, qui & à nostrâ sanctâ fide, à gratiâ Dei uberrimâ inensum obtinent adminiculum) tam multos annos ad mortem usq; transigunt, nihilosecius tamen seipsos non cognoscunt, tantominus quod in iisdem latenter continetur fundum? **R.** Id nimium propudiosè aliundè non provenit nisi ab immensâ diversificatione, quâ semper ad externa prorumpens fertur animus, eoq; transformatus sollicitudine capitur, hoc est, quod homo semper nititur per sensûs externos operari, sua fingendo instituta, legendo, studendo orando &c. idq; suâ sponte, vel Authoritatis vel Commoditatis propriæ causâ. Seipsum hætenus possidendo detinetur in morâ, ne queat purè ac simpliciter in fundum animæ suæ divertere. Cum itaq; hæc imperfectio sit communissima, svadetur his, qui tam ignari & cæci sunt, ut si quâ perquam nobile vas animæ suæ nequeunt vino optimo implere, repleant id vili, aut si non vino, saltem cinere vel lapidibus, ne vanum & vacuum si manserit, Diabolus id possideat.

Q. Dicendum adhuc restat, quomodo divinum lumen perfundat potestatem, desiderii sive amoris, quò & voluntas unâ referri

præparatum est, ut verbum hoc in suâ excellentiâ queat capere, non ex parte, sed integrè, non potest fieri quin unum fiat fundum cum verbo, servante tamen fundo naturam suam creatam sub eâ Unione. Id ipsum testatur & Christus, cum dicit: volo Pater, ut hi sint unum, sicut & nos sumus unum. Huc nemo aliter potest pervenire, nisi per viam charitatis. De viâ autem est hoc notandum, quod semitæ sunt magis directæ, subtiles, quæ festinantibus distantiam reddunt longè breviorē, quàm communis & lata via regia. Idcirco si quis seipsum probè observando semitas directas posset invenire adhibitâ omni diligentia, (trames dico, qui sunt obscuri, peregrini, ignoti, at breves) certum est, non fore adversitatem tam parvam, pressuram tam gravem intus vel foris, aut defectus ei accidentes, quin junctim eum ducant, alliciant aut pellant in hoc fundum: & ideo est observanda via spiritûs ad Deum, & vicissim via Dei ad nos, quæ est occulta & ignota. Quam plurimi hoc iter faciendo aberrant valdè, dum currunt ad externa exercitia & curas, quapropter possunt assimilari viatoribus inexpertis, qui volendo contendere versus orientem, vadunt ad occidentem, sic namq; tantò plus viam elongant, quantò plus vadunt. Hi tandem aliud edocti revertuntur quidem ad directam, quâ tutius itur viam, sed nimis serò, quatenus in viâ aviâ consenuerunt deperditâ sanitate, tunc dolet caput, mox artûs, non possunt charitatem sequi, nec ei satisfacere actu impetuoso. Quapropter cum homo se deprehendit, constitutum in tali charitatis orgasmo, non debet respicere ad sensus, non ad humilitatem vel alia, sed solum imitando satis de charitati taliter operanti: solet autem & homo impetum charitatis sustinere in statu rigiditatis, seu frigiditatis, in resignatione, in duritie; tunc totum se debet mittere charitati ostensâ fidelitate, atq; se detinere in miseriâ, & carentiâ ejus, quod non est charitatis: in hoc habendum est incessabile desiderium ac fiducia in Deum, corde ad charitatem obverso. Nam etsi tantum sentiret, quantum nec ullus homo sensit, si fides ejus non sit integra, declinat desiderium, hinc nihil fit. Et certocertius est

na quæ Deum quærit anima habet tria observanda Primo desiderium quod quærit, Secundo modum perquisitionis, Tertio Inventionem geniti. Considerandum quoq; est, hominem constare tribus partibus, corpore sensibili, animâ sensitivâ, & spiritu immortali. Crassum & obscurum est sensuum corpus, subtilius sensitivum principium, subtilissimum intellectualis substantia, de quibus prima hujus libri pars sufficienter egit. Quod si subtiliatum sensibile transit in suum principium, hoc verò in ipsum spiritum, clarificantur cuncta per eundem spiritum, & sic mutatur diversitas in Uniformitatem, in quâ solum clarum lumen lucet in veritate excussâ obscuritate Idearum ac similitudinum, cum jam ipsum Luminosum divini partûs appa-ruerit. Exin cognoscitur, lumen naturale cum cunctis suis Ideis mergi in occasum oriente sole divino vel hoc modo; quatenus ratio separat Ideas rerum sensarum à sensualitate transmutando eas in rationales, deindè se ipsam quoq; abnegat mutata in ipsum spiritum: sic anima observat seipsam (desiderium quod quærit) postea observat etiam modum quærendi, qui itidem consistit in his tribus, utpotè

Primo in amaritudine sive mortificatione sensuum. Cum enim in principio antè omnia opus sit expulsionem concupiscentiæ, id sanè absq; magno tædio, labore, onere &c. esse nequit. Diligentiâ, vigiliantiâ, observantiâ opus est, cum tantò acerbior sit rerum omnium desertio, quantò dulcior fuit antea eorum Cupido (possessio). Non quidem deserit homo cibum, potum, somnum, quietem, fomentationem &c. ut quod ista ad vitam sunt necessaria: deserat autem necessum est earum voluptatem, gustum & delicias, ne intro surrependo inquinent animum. E vestigio transeant qualescunq; oblectationes cum suis Creaturis, quarum sunt, transeat quoq; bonæ conversationis cupiditas, quæ ad præfatam lautitiem pertinet. Est & calamitas atq; afflictio quædam species amaritudinis, è qua vel maximum tædium oritur minùs exercitatis, quæ tandem à Deo recipienda esset animitus, quatenus non nisi a Dei amore obvenit
ad instar

te animi, is longè; beator sic est, quàm si devotus esset valdè. Sensatio præfatæ amaritudinis est diversâ vel externa vel interna: qui sensibus externis degustant eam, sunt arbitrarii ac præsumptuosi, utpotè qui Deum præsumunt melioris informare, in causas dum inquirendo præventioni student, eoq; putant multa sic evenire casu, fato aut fortunâ prosperitatem felicioribus gratis impertiente, hætenùs solent prætexere nisi, ajendo, ô si sic vel sic præcautum esset &c. Verùm ~~sub~~ accidentia naturæ adversa non grato animo suscipiunt à Deo, exacerbatur eorum passio amaritudine in fel acutum conversâ. Ast qui interno sensu velociter transcurrente amaritudinem velut solo apice tangunt, hi se confestim ab eâ liberant per medium Idearum rationabilium; attamen nec hi proficiunt, sed palmam concedunt simplicibus, quorum inter est, quod sperant scire, appetere & consequi. Adeo non impendunt prudentes donum, quod Deus eorum naturæ concredidit eo impendendum, quò tanto ocyus provehantur ad summum bonum.

Secundo. In amore flagranti per medium orationis succenso, unde sancta inardescit devotio. Scriptum namq; est, quod oratio est cordis ad Deum elevatio, & hæc per simile flammæ hic exprimitur. Igitur se habet externa oratio nonnisi per modum accidentis, quatenùs excitat animum, ut sursum elevatus prorumpat instar flammæ in sanctæ devotionis incendium. Præter hoc nullum aliud commodum habet externa oratio, quæ & hinc remitti debet, quamprimùm suavis devoti animi odor rotatim sublimatur.

Tertio. In perfectâ ac humillimâ sui oblatione, quâ qui fruuntur sunt verè admirandi, singulares, læti, ac beati dicendi, siquidem à Patre sunt ab æterno implantati seu geniti in filium filii. Vel eâ de causâ verè dicuntur admirabiles, quod Deus in illis offert seipsum, imò etiam, quod nec à mundo nec à seipsis cognoscuntur, cum nihil unquam de se teneant. Ad hanc perfectionem cum difficillimè perveniatur, orant, qui cupiunt, ut eam Deus largiatur, verum invalida est oratio hæc, quia non nisi

nisi licita his, quorum fundum (mens) præparatum ac evacuat-
um est: quamprimùm id vacuum reperitur, reperitur simul
ibi genitum Patris verbum, idq; est tertium, quod bona anima
habet observandum, id est, inventionem geniti. Tunc enim
Deus utrumq; perficit tùm rogando tùm dando, quia præter
Deum ibi nil nisi nuda anima, adeoq; inter rogandum & dan-
dum non intercurrit actus humanus, sed opus omne solius Dei
est. Hic unà est observandum, quid liceat rogare, nimirum, quò
fiat, ut Deus largiatur nobis firmam aversionem & desertionem
nostri & omnium Creaturarum, pariterq; veram & essentia-
lem ad Deum conversionem.

CAP. V.

De sequela Christi.

Q. Cognitâ nunc divinâ Christi vitâ simul & luce ve-
râ, restat ut homo mediante gratiæ lumine ambulet
in vitâ Christi vestigia ejus calcando & usq; ad mor-
tem Crucis eum sequendo. Sequela autem Christi
requirit aliquam doctrinam, per quam noscatur, qualiter cum
fructu instituenda ea sit, tu ergo, trade eam, quæ est verissima
& purissima? R. Ea quæ tibi breviter tradenda est doctrina, con-
tinetur in epistolâ S. Pauli ad *Rom* : 6. atq; paucis his verbis
includitur, nimirum, quod per baptismum cum Christo mortui
sumus, ut cum eo resuscitati à mortuis in vitâ novâ ambule-
mus: Hæc est via omnium tutissima, brevissima. Nam quali-
tercunq; tractetur negotium Christiani per ambages, glossas,
amplificationes, logismos, ac perpolitatas orationes &c. redu-
cuntur tamen hæc omnia in brevem bullam mortis ac Resur-
rectionis Domini. Quisquis est Viatoribus, qui Christo cu-
pit adunari, necessum est ambulet eâdem viâ, quâ noster Præ-
cursor præivit.

Q. Cum

Q Cum Dominus noster, postquam è sinu Patris in hunc mundum venerat, in eo indicibiliter cunctis vitæ suæ diebus affligebatur, expers deliciarum crucifigebatur, mortuus sepeliebatur, & subsequenter resuscitatus in Claritate, impassibilitate, immortalitate ad Patrem in veram beatitudinem transferebatur, quæritur, an quicum ipso moriuntur, cum ipso resurgere, vel qui cum eo resurgunt, cum eo prius mori & sepeliri oporteat? Respondeo, quod sic: nam quomodò cum Christo resurget, qui non cum eo moritur? Num propriis viribus resurgere quis potest sine Christo? An etiam vel non mori vel sine Christo mori quis cupiat? Illud esse nequit, istud non decet. Si quis incedit in viâ Domini, in Christo emoriens naturæ suæ indubiè resurgit cum Christo, imò & aliquomodo resurgit immortalis, & impassibilis, eoq; unitus cum Christo coascendit in Cælum in sinum Patris, atq; eadem beatitudine cum eo fruitur. In nihilo differt ea beatitudo nisi in hoc, quod est Christi per naturam, hominis verò per gratiam, illius æterna, hujus tempore intercepta. Quisquis in eâ viâ perpetuò ambulat, beatus est antè mortem, ejusq; evectio tam eminens est, ut inter eum & homines vulgares idem discrimen inter-sit, quod est inter hominem & brutum, si comparantur.

Q. Dic undè tanta Christianæ vitæ differentia? **R.** E diverso conatu, diversavè hominum inclinatione: hîc namq; magni refert diligentia, cura, constantia, assiduitas, quarum causâ prosperè succedit labor & exercitium, ad eum propè modum, quo unus discipulorum evadit doctus Magister, alter vix discit rudimenta. Uti ergò una eademq; doctrina ignavum, incurium, inconstantem, negligentem, & indocilem discipulum non facit doctum, sicut quidem diligentem; ità eadem viæ, vitæq; Christi regula non promovet inobsequentes, somnolentos atq; vecordes ad altiore beatitudinis gradum, sicut promovet vigilantes ac sedulos: quamvis enim tarda ejusmodi ingenia laudabiliter incipiant, mox tamen lassati obdormiunt, & iterum ad naturam deflectunt.

Q Qua-

Q. Qualiter præfigit sibi homo salutariter Exemplum Christi? **R.** si desideranter contemplatur, quàm amabiliter ambulavit Dominus noster in dolorosissimâ passione, quoniam inter omnes homines qui unquam mortui sunt & morientur, non fuit nec erit, qui in totâ suâ vitâ tam pauper, miser, atq; solatii expers fuit, sicut Christus fuit; nec erit nec fuit, qui finivit aut poterit finire vitam morte tam acerbâ, atroci, funestâ, omnium immanissimorum dolorum societate incruciata, mente interim in suâ perstante beatitudine, sicut mortuus est Dominus noster. Quapropter quicumq; veraciter in purâ vitâ imitantur Christum sine interno solatio cum omnimodâ miseriâ, ac indigentia renuncians cuivis adjumento, in his simpliciter revelatur Regnum Dei.

Q. Quid habet vita Christi in se, quod imitari debemus? **R.** Obvium est in viâ Domini nostri Jesu Christi, eum perfecto modo vixisse. Cum autem perfectus modus sit omnium optimus, sequitur nos, qui perfecti esse tenemur, perfectum vitæ modum imitari debere, siquidem quo Christo similiores, eò sanctiores reddimur. Hoc loco solent mundani multa objicere sub naturalis imperfectionis prætextu eo solùm fine ut instituta ecclesiastica evertant. Verùm ut student semper contrarii esse; ita & hic mediâ aversatâ viâ excurrunt à tramite recto ad spatiosa campestria, ut tollant pro more usum cum ab usu. Equidem prout negari nequit, nos Christum quoad externum modum non posse in omnibus æq; imitari; ita concedendum est, nos eum in multis comprimis internè ac spiritualiter posse imitari. In hoc, quod Christus quadraginta dies jejunavit, non possumus imitari eum, neq; tenemur id imitari, siquidem prout in aliis, & in hoc est Christi voluntas, ut eum sequamur internè, hoc est, ut jejunemus spiritu, cum Corpore tamdiu jejunare nequeamus. Enim verò sequela Christi quanquàm in simplicitate cordis instituenda sit, vel maximè tamen requirit sapientiam, nimirum cognitionem ejus, quod in Imitatione sui ab eo plurimum amatur. Et nequis à suâ decipiatur imprudentiâ,
L
noscat

noscat oportet, Deum potissimum amare sequelam Amoris Dei & proximi, verum istæ sequela non corporis sed spiritus opus est, **internum non externum, adeoq; optimum.** Frustraneus omnis externus conatus, qui hoc movente interno caret, quin & nocivus, si alium finem habet præter solam Dei gloriam; fructuosum verò quodlibet exercitium ab amore sive dono interno præstitum. Ut causa non sine effectu; ita nec Virtus est absq; actu: à Virtute profluunt opera, ut ultima respondeant primis, & per effectus suos conservatur virtus, hinc homo tenetur virtutem edere per opera externa omni quo valet conatu. Quoad jejunium quadragesimale cum homo non possit imitari Christum externo opere, necessum est ut Spiritu jejundet, quod & tunc factum dicitur, cum à peccatis abstinet omnibus: quod autem & Virtus tenetur facere opera externa, necessum est, ut corpore etiam jejundet tantum quantum potest. In hoc negotio per pulchrè provisum est Ecclesiæ per successores Apostolorum, qui perspectâ humanâ impotentiâ non interdixerunt Universo Corporis cibo ad quadraginta dies, sed ne hoc loco sequela Christi saltem quoad Spiritum negligeretur, instituerunt tempore quadragesimali devotionem strictiorem, cujus adminiculo ab omnibus peccatis absteineamus in jejunio Spiritus. Cum autem istæ devotio non possit ritè peragi corpore à pleno victu infarto aut per jejunium rigidum exhausto, hinc sapienter cautum est, ut eo tempore absteineatur à largiori, eoq; & carnis esu. Nam sicut per observantiam hujus instituci promovetur devotio, nimirum spiritu non aggravato, sed magis libero & agili; ita externæ simul aliquâ ex parte observatur sequela Christi, idq; magis ob causam internam, sic ut dici possit hoc modo Unum observari & alterum non negligi. De hac autem quadragesimali devotione docet Author noster in hunc mundum, dicens: Quamprimum se homo observat extrâ Ordinem vagatum, atq; ad malum propensum necessum est, suæ inclinationi confestim resistat, id quod probe tenendum est semper, comprimis tempore Commemorationis, & celebrationis passionum Dominica-

quod pari conatu cum Christo & Apostolis ascendendum sit in montem oliveti? Quid per conatum Ascensionis indicatur nisi voluptuosæ naturæ resignatio? Permulti sanè sunt, qui Christum sequi vellent, si sine conatu, sine molestiâ esset, ast in seipsis hi quærunt solatium, pacem & lætitiâ, eoq; non sequuntur Christum, quamdiu non scandunt in montem, hoc est, per passionem & acerbam molestiâ, quam indicat Propheta, cum dicit: *Ps: 38.* locum suum posuit in valle lachrymarum. In dubium est nullius frugis esse, inq; nihilum abire, quotquot versantur extra hanc passionis vallem. Devotus homo desiderando desiderat Dominum suum, qui cum in altis habitat, tam absconditus redditus est ei, ut non nisi innotescat per vallem lachrymarum, cujus tanta est dignitas, ut ejus receptio in modo & gradu respondeat robori tactûs divini: & si quâ fortè citrà profundior rem tactum locus sit passioni, ea certè perquam necessaria est ratione sordidæ impuritatis in naturâ corruptâ latentis, quatenus homo per peccatum sæpe sæpius impeditur, quo minus ad Deum se magis magisq; vertat, quovè minus Deo res cunctas sincerè humiliterq; incessanter offerat (quod quidem per gratiam Dei fieri posset, ac deberet) & ideò hoc impedimentum tantò deterius est, quod sæpe sæpius naturæ corruptela dominatur latenter, ubi Deo convenit regnare.

Q. Siccinè aliàs non restat obstaculum impediens, quominus caput nostrum sequamur Christum? R. Nil prorsus est, quod impedire queat sequelam hanc: Ipse enim dixit: Vado ad Patrem meum & Patrem vestrum, ad Deum meum & Deum vestrum. Quod si autem is Pater & Deus noster est, qui Christi Pater & Deus est, annon ad Patrem nostrum eundo unum & eundem sequemur Christum, qui viam ostendit, imò qui trahit & conducit. Beatitudo Christi est eadem nostra in eo ipso, quatenus ex ipso ordimur, cum ipso sumus & in eundem, rursus terminamur, dummodo volumus. Et ideò præcessit Christus in Vitam æternæ beatitudinis cœlestis Patris, ut eum ponè sequamur ex integro.

Q. Cùm

Q. Cum Christus præcursor noster sit, sequentibus autem nobis conveniat ejus calcare vestigia, ne aberremus in viâ ascensionis in Cœlum, dicendum est, quâ regulâ quovē modo sit à Christo instituta longissima istæc ad Patris beatitudinem (Patriam Cœlestem) peregrinatio? **R.** Cum ipse sit viâ, ostium, & vita, consequens est hanc ipsam Domini vitam esse exemplar, modum & regulam quam teneamus oportet, ejusq; vestigia, in quibus pervadamus. Eadem via nobis eunda est, quam vita Christi annorum 33. ad amissim delineat, quæ sanè non nisi in miseriâ, paupertate, contemptu, amaritudine & morte absoluta est; hæc via est per quam præcursor nobis vestigia fecit, & per eandem ascenditur cum Christo in Cœlum.

Q. Id ita si est, annon hæc ipsa Christi vita perfecta doctrina est? **R.** Tam est perfecta doctrina, ut in casu carentiæ universi dogmatis, scriptorum & librorum, sola sanctissima hæc vita Christi sufficiat, nobisq; satis doctrinæ & eruditionis exhibeat. Sit ergo vita Christi absolutum compendium doctrinæ beatæ, sanctus terq; commendatus codex noster, cujus folia volvamus assiduo studio, cujus literas punctaq; exactius perpendamus, & cum is ipse Dominus noster sit viâ, veritas & vita, consequens est, per nullam aliam viam nos posse feliciter procedere & sequelam ad finem usq; perficere, nisi per eam ipsam, quâ Dominus eo tempore præivit conductum nos eò ad sequelam: sic namq; conduxit olim filios Israël 40 annis per desertum in paupertate, miseriâ, amaritudine, contemptu & morte.

Q. Annon hîc plurimum conferat sapientia, quâ quis in cunctis suis functionibus pernoscat interstinguere, quid Deus sit, quid natura, sive quid Deus in eo, quidve natura perficiat? **R.** Id dubio caret omni. Utinam saperent omnes, prout monet scriptura, non prævaleret peccatum; cum autem mundus jugiter appellet ad desipientiam, quî non dominetur iniquitas?

Q. Annon & solatium potest apud eos locum habere, qui versantur in valle passionis? **R.** Imperfectis est necessarium, ut consolatione obfirmentur ne quâ urgente gravitate passionis debiliores

debiliores redditī deficiant, sed tantō facilius tolerare valeant cruciatum.

Q. Cū homo intus & extus cruciatur amarissimē, sicut à Deo sēderelictum censeat, quid opus est factū in tali carentiā solatii? **R.** Oportet meminisse beneficiorum Dei juxta id quod desef: dicitur: Fili in diebus malis nē obliviscaris beneficia Dei. Hoc ii ipsum requirit status devoti hominis, ut spiritus pacem habeat, corpus afflictionem, quia & Dominus mundi in civitate pacis passus & mortuus est: ubi pax & quies, ibi solatium. Quicunq; se suamq; passionem subdit voluntati Dei, habet pacem cum Deo, & hoc ipsum satis est solatii. Deniq; oportet abnegare se ipsum tam in spiritu quā in naturā, futurum namq; est, ut homo bonus tradatur Judæis traditoribus, qui flagellatum, martyrizatum eum ejicient, & judicabunt vitam ejus modo scelerato, ut si possibile esset ex omnium viventium memoriā eum deleverent, & hoc ipsum est, quod oportet emori penitēs, ut Deus vivat in homine.

Q. An quod Judæi Christum subsannatum affecerunt martyrio, hinc est adscriptum consimile judicium sequacibus Christi? **R.** Qui Christum sequi cupiunt, judicio mundi æq; subiecti sunt atq; Dominus quem sequuntur, idcirco alii cum Domino suo coronantur diverso Martyrii genere, alii hominibus sceleratissimis comparati despiciuntur, atq; pro lubitu judicantur si non aliā, saltem eā causā urgente, quod putant se Deo præstare obsequia debita. Beati verò, quibus contingit in Civitate Jerusalem tanta pati tormenta (hoc est, in tam irrequieto statu pacem in se habere) neq; enim fieri potest, quin ipsa vera Dei pax in eo proignatur essentialiter.

Q. Cū Christus caput nostrum ad cælum ascenderit, annon & membra ejusdem decet ad caput quod in cælo est ascendere relictis in terrā fulcris solatii & lætitiæ &c? **R.** Tenentur omnia membra semper & ubiq; studiosè sequi desideratum Præcursores, eademq; procedere viā, quā ipse amabiliter præcessit non sine acerbā passione. Ipsa quippè ratio dictat, eundem esse

acerbâ tentatione & sine internâ obscuritate fieri posset? R. Si hoc esset, excreſceret Sanctorum Testium numerus in immensum, qui tamen nunc parvus admodum reperitur. Restat ergo dicere, non esse veraces Christi testes, qui statim in mores antiquos recidunt, quamprimum se foris vel intus sentiunt desertos. Eos autem duntaxat veros Domini sui testes dicendum est, quibus in pugna pax, in tristitia lætitia, in diversitate unitas, solatium in amaritudine est. Sed hæc omnia non nisi nascuntur, & permanent in iis, qui pacem semper studiosè quærunt sub turbis & tumultu: nec enim sanctitatem conquirunt, qui seipsos decipiunt, decipiunt autem se, qui quærunt pacem & requiem ubiq; in omnibus eorum actionibus, cupientes scilicet id utile & commodum, quod erat abnegandum.

Q. Quid datur per id intelligendum, quod Christus antè & post mortem suam frequenter pacem & pronunciavit & dedit discipulis suis, qui tamen externam pacem non habuerunt? R. Id datur intelligendum, quod modo dictum est, cum sit indubium, discipulos Christi præſenti semper animo pacem internam habuisse in cunctis adversitatibus, sumentes à morte Vitam, ab odio & condemnatione gaudium: Ecce testes Domini!

Q. Ergone potiores Christi testes hi sunt, quorum non solum anima divinâ consolatione (suavitate cœlesti) affecta est, verum etiam corpus, sic ut sibi medullas & ossa eadem perfusa censeant? R. Conſimiles non esse simpliciter hinc patet, quod plerumq; confunduntur, præprimis si passione tentantur & obscuritate: annon exempla multorum docent, quàm tales sint pusillamines, quàm nihil profint, quamprimum à Deo & Creaturis intus & extus deferuntur? quos enim leves procella invenit, prosternit impetus. Quid vehementius desertione internâ, externâ adversitate, tentatione enormi, quâ mundus, satanas, & propria caro exercet hominem? num poterit delicatulus & in expertus stare aut ire audentius in occursum? Qui hoc præstare nequit, nil proficit, nec unquam veram pacem invenit, hanc autem ubiq; inveniunt, qui mediante patientiâ frangunt impetum & resistendo vincunt.

Q. Quid

Q. Quid porro refertur ad testimonium præfatum? R. Amor Dei, Laus & gratiarum actio, quod Christus tacite per Etymologiam vocis (Judæa) indicavit, & istæ actiones respiciunt pariter statum tam adversum quam prosperum, sic ut vir nunquam cedat tentationis insultui.

Q. Siccinè non erunt testes Christi, qui quidem opportuno tempore sibi promittunt pacem, censes se Deum pro tantis beneficiis nunquam satis laudare & amare posse, importuno autem tempore se recolligere nesciunt, & hætenus cunctorum præactorum oblivione capiuntur, perterriti catervâ malorum junctim eos invadentium? R. Non sunt.

Q. Dic cur hi sunt tales, qui tamen aliis videntur esse boni homines? R. Ideò sunt tales, quia internum eorum fundum non respicit solum Deum, sed aliud quidpiam, hoc inde constat, quod suavis eorum sensatio est fundamentum debile quod posuerunt, nimirum fragilis eorum fiduciæ columna, quâ decipiuntur imperceptibiliter secus quam fieret, si omni tempore in solum Deum fiduciam ponerent. Veri testes Dei incessanter persistunt in Dei voluntate rebus tam adversis quam secundis, sic quia sunt semper contenti, sive dederit Deus sive abstulerit, nunquam gloriantur de suis factis & institutis, sicut aliàs hi faciunt, qui factis suis cum prosperè successerint, nimium fidunt.

Q. Cum autem compertum sit, Deum sæpenumerò subtrahere hujusmodi hominibus fiduciam in propria facta, puta, cum efficit, ut nihil valeant eo tempore, quo multa intentant facere, nimirum, ut dormiant cum vigilare volunt, comedant, cum jejuna volunt, conversentur, cum sese abstrahunt ab hominum commercio &c. quis, quæso, finis est talium contingentium, quæ sine censurâ Dei fieri nequeunt? R. Hæc & similia fieri permittit Deus eo fine, ut corruat columna seu fundamentum fragile fiduciæ in propria facta, utq; emineat, ad quam demandantur, humana exiguitas seu proprium Nihil, cum sic futurum tunc sit, ut (quod solum fieri debet) homo spretis caducis rebus soli Deo sincerè confidat, eum in fidei puritate ardentius a-

met, cum omnibus rebus in Deum ipsum remeet, ac tali oblatione debitas Deo gratias persolvat.

Q. An factis hinc nil tribuendum est, quoad de illis non glorandum est? R. Non sequitur, eò quod in facta non est ponenda fiducia, ergò iisdem nil tribuendum esse: hac aliàs consequentiâ tolleretur promissio divina, tolleretur quoq; pietatis Exercitium velut inanis & vani laboris. Verùm ideò non est ponenda in eo fiducia, quia non in suam proprietatem; ast facta meritoria primariò ad Deum pertinent, secundariò ad hominem, cui dona piarum actionum à Deo data sunt. Idcirco cum homo adunatur Deo, hoc est, cum spiritus hominis in Cœlum sublimatur (ubi sancti omnes Deo arctius uniti sunt) conquirit summam beatitudinem mediante suavi boni summi degustatione, quo facto trahuntur unà & reliquæ potentiæ animæ sursum, quantum quidem nunc fieri potest: & tunc, (quod benè notandum est) non licet abnegare dona singularia, quæ Deus gratis & clementer confert, quin potius æquum est ea confiteri, laudare & amare cum gratiarum actione: neq; enim tunc potest fieri, ut quis de iis tanquàm de propriis gloriatur, quatenus has omnes donorum laudes in ipso Deo confitetur.

Q. Dic, quid requiritur ad perfectam Christi imitationem? R. Eò requiritur tum naturalis donum fortitudinis, tum animi nobilitas, insuper & sanctus Spiritus superaddit dona gratiæ diversimodè, ista diversitas respicit captum cujuslibet pro ratione ordinis donorum tam naturalium quàm spiritualium: exinde sequitur, non omnes, qui cupiunt, obtinere hanc perfectionem, cum non omnes habeant Spiritum fortitudinis, imò & pleriq; sint naturatenus imbecilliores animo & corpore, cujus pro ratione adjicit Spiritus dona sua communiter juxta proportionem mensuræ (dico communiter, quia nonnunquàm dona majora largitur infirmioribus, hoc autem fit rarius) ideoq; scriptum est: non omnes capiunt Verbum. Item: Non omnibus datum est. Eorum autem qui sunt debiliores, duplex invenitur genus, unum eorum, qui Vitæ Christi sequelam

quelam prorsus negligunt visâ Christi vitâ acerbâ & laboriosâ, hinc solent naturalem prætexere imperfectionem ajendo, quod nemo ad impossibilia teneatur; ast hi nec unquam quod poterant præstare, faciendum sibi proponunt. Alterum genus eorum est, qui duræ ac asperæ Vitæ Christi respectu perdunt animuni, & cum se deprehendunt molles naturâ, impotentes, incapaces, cumq; nec à movente interno se sentiunt impulsos, autumant se à Deo procul remotos imò desertos esse. Quod primum genus attinet, hi titulo Christiani penitus indigni sunt, & hætenus de pravâ hâc sobole nil hîc dicendum est. Alterum verò genus versatur in tali errore, à quo mediante genuinâ doctrinâ qveunt liberari. Bonæ voluntatis homo non habet, quò se à Deo longius remotum censeat, sive defectus parvos consideret, sive naturæ imbecillitatem, sive impotentiam gravioris pœnitentiæ, sive imparitatem virtutis aut servitutis Domini. Restat enim remedium, quo se corroboret, id quod consistit, (ut alibi dictum) in studio ac exercitio, cujus ope sic potest defectus è medio tollere, ut nolit imposterum transgredi mandata Domini ullius Creaturæ gratiâ sive vitæ sive mortis amore. Inprimis autem non est, ut homo bonus reputet se procul à Dei gratiâ distare, licet nondum sit debito modo exercitatus, tunc enim proximus Deo est, cum voluntatem ac firmum ejus rei propositum habet, tamen si non valeat aliis parem sive duram præstare pœnitentiam, præstet tamen in cordis sinceritate tantum quantum potest. Attamen hi procul à Deo sunt, qui nec propositum verum habent, nec peragunt tantum quantum possunt. Sola operatio externa, etiamsi, quâ talis, parum prodest, prodest tamen, si è verâ pietate provenit; siquidem hæc ad omnia utilis est juxta effatum Apostoli, imò in omnibus optimum operatur. Sed in exactâ hujus dicti expensione multum est situm, quoniam citatione ejus utuntur multi ad obtegendam invidiam, quâ ardent adversus externa opera, si vel tantillum excessivi in iis cognoscant, qui hætenus etymon pietatis habent in ore contra terminum supererogationis operum, &

nihilofecius fructum sive virtutem pietatis fugiunt. Homo verò cognoscens pietatem & fructum ejus, si bonus est, studet utrumq; impetrare, idcirco quærit modum in rebus bonis, quo possit uti cunctis illis, è quibus aliquid boni effulget. Eâ de causâ bonus homo, quamprimùm videt proximum suum in opere bono occupatum, laudat Dominum pro gratiâ divinâ, per quam potitus est proximus Virtutem sequelæ dominicæ. Ad hæc & gratias reddit Domino tunc, cùm incapacem se reperit imitandi sanctos, hætenùs se reperit indignum virtute aliis elargitâ, sic autem abjiciendo se coràm Domino amat aliorum donum, quo caret ipse. Et certocertius est, eum posse per amorem & voluntatem (prout alibi dictum est) id ipsum impetrare, quod alius per opus impetrat, utpotè si quâ majori affectu strictissimam vitæ regulam desiderat, quàm is qui magna opera pœnitentiæ peragit, indubium est, quin coràm Deo parem mercedem sit obtenturus tam veraciter atq; ipse qui operatur. Et siquidem hoc ipsum inscripturâ satis testatum reperitur, tantò minus distat, qui vult cùm nequit, illo, qui potest cùm vult, quantò longius distat à Deo, qui non vult quandò potest. Enimverò cùm Deus non procul sit ab unoquoq;, dici tamen possit, eum esse procul à perverfis, expedit nôsse, qualiter possit procul esse, qui omnia implet penetrando. Propè est Deus unicuiq; per Essentiam, procul est ab aliquo per aversionem gratiæ, ideoq; dicitur Deus recedere, introire, aut præterire, qui quidem modus dicendi refertur ad hominis præparationem. Voluntas hominis est ostium, quo clauso dicitur Deum expectare pulsando, donec prætereant, aut ostio aperto introëat in hominis animam, puta per gratiam. Hinc facilè potest intelligi, quâ Deus nequeat procul esse ab eo, cujus ostium semper invenitur apertum. Scriptum namq; est, Deum intrare in animam apertam, cœnare ac requiescere in eâ, indè tranquillitas animæ provenit. Cùm & perspicuum sit, Dominum nostrum habitare ibi, ubi Imago Christi vitæ per patientiam, amorem, aliasq; virtutes in homine repræsentatur, hinc



quem modum occultè ducitur potissimùm, quo invento convenit, ut eum præ aliis teneat, siquidem futurum est, ut ejus in exercitio sentiat Dei gratiam, cunctosvè reliquos modos in hoc uno sibi comparet, modò volenter ac sincerè desideret cunctos piè vivendi modos. Ratio hujus doctrinæ hæc est, quod actio hominis hinc obfirmatur in bono infallibili, cum alioquin mutatio modorum solvat constantiam pariendo sæpè fallacem inconstantiam, id quod non est timendum sub certitudine unius boni modi, quatenus id quod bonum ac laudabile est, potest inveniri in alio atq; alio modo, sicut in eo, qui cuiquam communis est.

Sept. Per hoc etiam medium obtinent plebeji ac simplices homines majorem thesaurum bonorum cœlestium, quam modis diversis decepti hujus mundi prudentissimi, quia non infallibilibus. Id autem per quod & homo plebejus fit particeps cunctorum bonorum modorum, est, si purè Deum amando futurum optat, ut Deus cunctos amet homines in omnibus modis eorum. Nam per amorem id genus boni participabile est, quod in altero amatur, tametsi externa modorum via non sit eadem, nec omnibus trita, sufficit unam eandemq; omniū viam esse internam, hoc est, amoris viam. Modum autem non habet, qui Deum non amat.

Q. Spectatne ad Christi seqvelam dictum ejus: Nemo venit ad Patrem, nisi per me? **R.** Ad eam refertur & dictum & totum ejus negotium, siquidem Christus est ostium & via ad Patrem, præter quam non datur alia. Nunc opus est cognoscere, qualiter se sit gerendum, ut & ostium inveniamus & per id intromittamur. Per fidem invenimus ostium, per Christi seqvelam intromittimur. Quid est, si ostium invenero, clauso tamen eo foris relinqvor? Ardua ergò res est seqvela Christi, quam ut rectè instituere liceat, sciendum est prius, quod competit homini se observare res suas providè curando tam foris quam intus, proindè oportet, quantum possibile, contineat se, ne ulla intra se ipsum consurgat voluntas, inclinatio, concupiscentia, cogitatio, delectatio, quæ differt à voluntate divinâ sic, ut committatur hætenus actus, qui homini, non Deo possit adscribi, imò si talis quæ-

quæpiam sit excitata concupiscentia, subito cavendum est, ne veniat ad actum, sed ut quantocyùs suffocetur, & sicut hoc factum fuerit, ita peccati opus facile suppressum unà atq; extinctum erit. Desertio hæc est interna seu spiritûs, quæ si pro voto respondet, sequetur itidem externa, quæ in eo consistit, ut homo sibi caveat, ne se ad creaturam vertendo committat aut intermittat aliquid, quod Deo sit contrarium aut non gloriosum, decorum, eoq; non per ipsum Deum in naturâ humanâ factum: huc pertinent omnes actiones, præconceptiones, pacta, instituta, gesta, mores, sive omnis modus vivendi, quibus homo in loquelâ, silentio, somno, vigiliis, passione vel intermissione utitur tam ergà & cum se, quàm ergà alios & cum aliis. Quid sic homo volenter ageret intrinsecùs forinsecùs, non nisi Dei esset sive à Deo, & hoc modo (non alio) imitaretur vitam Christi, quæ talis erat in gradu perfectissimo.

Cognitâ Christi vitâ cognoscitur unâ, qualiter per Christum itur ad Patrem, nimirum per sequelam Christi consistentem in vitâ ejusdem: nam Christus dicit: qui servus meus cupit esse, sequatur me, qui etiam vult, ut servus ibi sit, ubi ipse est. Exemplum hujus præbet Dominus, qui servo eximio provisus est, quocunq; Dominus ierit, servus vestigia calcât, & ideò intromittitur servus ubiq; , ubi Dominus intrat. Pari formiter qui Christum è vestigio sequitur, cum Christo simul intrat in Regnum Cœlorum ad Patrem, & quisquis vult, agit, & patitur, quod Christus voluit & egit, is est susceptus à Christo in servum, qui sequatur ad Crucem usq; , quapropter in formâ servi fidelis cum sponso ambulat & intrat in Patris gloriam. Cognoscimus sic, qualiter per Christum, per ostium, per viam itur in ovile vitæ æternæ: cognoscimus etiam subsequenter, quod, quisquis graditur aliâ viâ, deceptus est, nec intrat per ostium Christum, tantò minus venit ad Patrem, ad æternam beatitudinem, sed foris manet cum insensatis virginibus tanquàm fur & latro. Quilibet ergò probet seipsum, atq; scrutetur, num sueta incuria, negligentia; impietas mundo per-

quàm

quàm familiaris, libertas malè ordinata &c. sit recta via vel ostium, per quod intrent in Regnum ad Patrem. Hoc certè non inveniet; imò quoad damnabilis hæc socordia & incuria non est via perducens ad vitam, in promptu est ratio, cur nec in Christo, nec in discipulis ejus unquàm inventa fuit. Verùm ut pessumeat præfata incuria, homo quoq; externus præparetur ad obsequium, necesse est, ut homo cognoscat Patrem tam Christi quàm nostrum, imò cognoscat oportet, quare Pater sit ac dicatur noster, siquidem Patris est deducere vel trahere filium, & scriptum invenimus, quod nemo venit ad Christum, nisi Pater traxerit eum. Est autem Pater id bonum perfectum extrà quod non est Ens aliud verè bonum, nec Opus ullum bonum, perfectum vel perficiendum. Hoc bonum quia est omne in omnibus, hætenus etiam est suprà omne bonum, eoq; optimum solum verum. Quod autem est infinitum, ideò non potest comprehendi ab ullâ creaturâ, quoniam nil aliud comprehendit Intellectus quàm speciem rei finitæ, quam anima hætenus cogitat, considerat ac denominat. Deum autem nec cogitare nec contemplari potest, adeoq; nec nominare, quatenus rem quamlibet non aliter apprehendit nisi per externam speciem terminis suis undiq; clausam idq; speciei objectum cum non habeatur de Deo infinito, hinc nulla datur Dei comprehensio. Quapropter quæcunq; [†]Deo de nobis concessa est cognitio, non est Essentiæ, sed virtutum ac attributorum ejus tantum, nec ista cognitio est scientiæ, sed fidei revelatæ, per quam cognoscimus (uti dictum) bonum optimum esse Deum, idq; bonum, si generat Filium suum Unigenitum in homine divino, appellatur relativo modo Pater. Deindè scriptum est etiam, hominem trahi à Patre ad Filium; ast non adeò manifestum est, quid sit & qualiter fiat istæc sublimis tractio. Scriptores divini ajunt, tractionem hanc esse Revelationem quandam summi ac perfecti boni, eamq; ut plurimum fieri ad modum tactûs, aut ictûs oculi, undè & etymon tractionis desumptum videtur, quia per eum commotionis seu infusionis modum trahitur, ac excitatur homo ad suscipiendum adu-

natio-

nationem summi boni. Testantur hoc factum ii, quibus divina benignitas fuit propitia, eosq; præfato modo docuit, excitavit & illuminavit: ajunt autem ex hoc tactu nasci in homine desiderium approximandi & uniendi se cum bono perfecto, undè sequitur, quò plus amoris, hoc plus revelationis, & quò plus revelationis, hoc plus amoris fuscitari in tali homine. Vide qualiter ad Christi vitam trahatur homo, nimirum per revelationem summi boni, quod ipsum quatenus trahit ad eam, testatur, neminem posse ad ejus unionem pervenire, nisi per vitam illam, ad quam trahit. Id autem bonum non nisi in personâ Christi spectandum se præbet, idcirco qui contemplatur illud in Christo, amet id quoq; in Christo necessum est. Ast quid amat homo in Christo, cum ei nil aliud innotescat de Christo præterquam vita & doctrina, quæ vitam ejus concernit? Certè in vitâ ejus invenit totum Christum & ipsum bonum perfectum, hinc ista tractio est manu ductio ad eam viam, quâ itur ad bonum ipsum. Sic homo per Patrem (bonum perfectum) tractus seu edoctus cum desiderio suscipit, ac veneratur vitam Christi, per quod probatur, bonum ipsum traxisse hominem eum, in quo vita Christi conspicitur, sicut & per hujus vitæ defectum comprobatur, hominem non esse tractum ad Christum, eoq; nec pervenire ad Patrem, nam scriptum est: nemo venit ad Patrem, nisi per me. Hinc etiam cognoscimus non posse sequi Christum, hoc est, pervenire ad vitam Christi, & consequenter ad Patrem, nisi tantum eum, quem traxerit bonum perfectum.

Quicquid de tractione, revelatione, seu illuminatione dictum est, pertinet adhuc ad vitam externam, nilq; aliud est, præterquam via sive aditus ad vitam internam, hinc licet merito eam vocare initium vitæ internæ. Et quoniam hoc ipsum est prægustus quidam sive sensatio boni perfecti, idcirco fertur homo in ejus desiderium, & subsequenter in meditationem profundiorum. Sub eo desiderio præparatur homo internè, cum omnes Creatura quoad Essentiam & bonitatem earum sentit unâ cum seipso colliquefcere in Chaos unius & summi boni, è quo ceperunt.

runt, in quo cæpta persistunt, ac terminantur, quapropter quicquid in illis amat, considerat, ac possidere cupit, est omnium earum atq; solum principium, bonum perfectum, in hoc principio defixum cunctatur desiderium, hinc quicquid est diversitatis & accidentium rerum creatarum, id pereundo annihilatur ibi, hoc ipsum & ratio comprehendit sic esse oportere, quoniam dato bono perfecto quod omne sit & solum ubiq; essentialiter, sequitur omne bonum, quod est in quâdam specie circumscriptum, non esse terminatum quoad esse, sed esse unum solum infinite bonum, soli ei hætenus tribuendum, non verò Creaturæ, nisi per modum inhæsionis, vel immanentiae. Hoc bonum supponitur verè bonum, sive demum sit Essentia, Vita, sive cognitio, intellectio, scientia, potentia &c. sub exclusivâ apparen- ter, sed falsò boni. Cùm autem nunc obvium sit, bonum omne sive in homine sit, sive extrâ eum esse solius Dei, de hinc constat, nil homini relinqui quod suum proprium diceret, nilq; attribuendum ei esse, quod verè bonum est. Quapropter dicat, qui velit, si homini nil remanet, quod verè dicat suum, num dives an pauper sit? certè sublatis cunctis, quæ potestatis ejus sunt, manet nudus, vacuus, atq; pauperrimus. Sic scriptum est: ad quid extollit se homo, cinis & pulvis? cape quod tuum est, cinis cinerem, pulvis pulverem: Nec hoc ipsum est hominis sed Dei. Homo cùm id cognoverit, correctâ est ejus vita externa. In primis hoc durante incipit vita interna: nam in statu paupertatis nil aliud est, vivit, intelligit, scit, cognoscit, amat, vult atq; agit nisi solum bonum, Deus, & quicquid potest attribui, alterius non est nisi Dei. Hic est spiritus, internus, novus, integer homo qui Christum sequitur, sanctus, impollutus, vivens, aptus ad omne opus bonum, humilis, patiens, obediens, filius Dei, frater Christi, quia non est ibi nisi unum, solum, verum, bonum perfectum.

Q. Si homo vacuus requiritur, ad quid bonum vel utile in Creaturis? R. Bonum est ideò, insuperq; & diversimodè in creaturis, ut homo discat in illis ac per illas agnoscere bonum, & agnoscere melius à bono electivè, sic enim futurum est, ut tan- dem

dem perveniat ad sequestrationem & cognitionem optimi. Ea propter autem sunt cuncta opera Dei bona, quoniam ceu digito monstrant industrio homini latens in iisdem bonum optimum, dicitur etiam per opera Dei parari homini aditum ad observantiam optimi. Valdè bonum hinc est, ut homo eligat optimum, cui se applicet per charitatis vinculum.

Q. Qvodsi bonum in Creaturis Deus est, bonum autem unum est, cur indicantur gradus bonitatis? R. Unum verum bonum effulget clariore lumine ex uno quam ex altero creato, propterea pro nostrâ capacitare dicimus, unum esse melius, excellentius vel perfectius altero: sic homo eruditionis cupidus quærit inter singula melius meliusq; , & quod melius est, magis amat; Imò si absq; errore pergit in tali pervestigatione, graditur de meliori in melius, hoc est, de virtute in virtutem, donec cognoscat tandem atq; intelligat æternum, solum perfectum, numero ac mensurâ carens esse optimum, atq; ob id cunctis creatis præferendum ac appetendum. Et sic cognoscimus, qualiter quærendo optimum per Creaturas progrediamur à principio ad Creatorem. Imò Initium hoc omnisq; progressus, quocunq; demum modo ad finem usq; fiat, non homini sed Deo adscribenda sunt, vel ideò solùm, quia bonus, bonum autem omne Dei Domini nostri est. Hæc est ad vitam internam spiritualem Via, in quâ quicquid agitur vel amatur, fieret in silentio sine gloriatione, quoniam non satis intelligi, ne dum, verbis exprimi potest. Solùm amandum, quod semel agnitum est optimum, solumq; curandum, quò adhæreamus ei, quantum possibile.

Q. Annon & in hac vitâ potest seduci homo sic, ut aberret, vel retrocedat ab eâ? Respondetur quod sic. Enim verò tametsi Spiritus aptus ac pronus, caro tamen infirma est, quicquid ergo carni possibile est quoad naturam, id semper spiritui timendum est, & hætenus injuncta est circumspèctio, ne qui modò stat, imposterum cadat. Potest autem homo ab hac viâ declinare per medium seductionis, utpotè per falsa dogmata, per lumen naturale, & per malè ordinatam libertatem. Nam qui

prætexit libertatem spiritûs, decipitur facillimè per rationem, ut opinetur quædam esse libera, quæ tamen non sunt licita. Verùm quàm lumen naturale seduxerit ac etiam num seducat viros cæteroquin prudentes ac virtuosos, magis constat, quàm quod verbis possit exprimi. De falso dogmate nemo ambigit, quàm facilè à viâ veritatis avocet ejus Auditores: undè qui mutuam naturæ & gratiæ cooperationem desiderat, is triplici remedio se præservabit à poculo seductionis.

Remedium primum est, cùm homo assiduè (incessanter) à Deo flagitat pœnitentiam veram tametsi graviolem, cùmq; unâ semper confitetur peccata sub agnitionis & satis dationis debitæ optatu. Sed hîc est probè observanda necessitas constantiæ, ut scilicet ista voluntas permaneat semper cum evitatione causarum & fugâ occasionum malarum: sine hâc enim si fuerit, subtrahitur Dei gratia, undè nequit fieri, quin homo labatur in falsam peccati libertatem.

Remedium secundum est, cùm proximi sui, id est, omnium hominum salutem æq; exoptat, desiderat, & à Deo flagitat atq; suam propriam, imò cùm ad ea, quæ possunt juvare, suam promptè adhibet operam absq; respectu hostilitatis. Hoc enim si fecerit, erit à luce naturali præservatus, quæ solet per hoc seducere, quod jubet amare amicos, odisse inimicos. Remedium hoc resultat ex amore communi, & hinc videtur è duplici pharmaco compositum, quorum hoc unum est, si homo Deum amans ex animo optat atq; desiderat futurum, ut omnes homines eodem amore prosequantur Deum, atq; eatenus per eos sive in eis voluntas Dei perficiatur. Hoc desiderium non est naturæ, sed gratiæ, hinc etiam divinæ voluntati conforme est, in hoc naturam superat, nec hætenus à luce ejus seducitur. Alterum est, si homo amat inimicos, juvando hos qui eum offendunt, quia & hîc natura cedit gratiæ: Hoc exercitium charitatis pertinet ad Christi imitationem.

Remedium tertium est, cùm homo incessanter cupit vivere juxta vivum Domini nostri exemplar, precatus Deum, ut intus

&

tum Deum offendit, ideoq; amor non est perfectus in eo, nec haecenus vocandus amor, quia hypocrisis. Amor est ignis, qui consumit quicquid est temporalis sive formalis creaturae, his exustis nil manet nisi perfectum per ignem probatum. Cognoscimus hinc, amorem divinum & maiora esse (velut dici solet) incompatibilia. Qui cupit solvi à compedibus peccati, exoneret se necessum est à sarcinâ bonorum terrestrium: nam exeundo è tuguriis temporalium introimus in aeterna tabernacula. Consideret homo seipsum, & cognoscat se esse partim temporalem partim aeternum, dehinc fatebitur, se tantò remotum ac alienum esse à bonis aeternis, tantò se cernit addictum temporalibus, quia taliter friget ac caecutit in divinis, imò etiam in rebus instabilibus ad quas conversus est, redditur inconstans ac deformis, nec unquam verâ pace fruitur. Idcirco antè omnia consideret Christianus homo, qualiter ad Christi vitam sive immutationem queat pervenire. Omnium primum medium est resignatio sive totalis abdicatio cunctarum creaturarum, cui succedit abnegatio sui ipsius, sine quibus si est, non pervenit ad Christi sequelam. In Christi sequelâ est illuminatio, clarificatio, & spiritus cum Deo adunatio. Hæc est perfectionis via, in quâ hîc ambulatur magis vel minus pro ratione accepti & observati domini, uti scriptum est, unum decem, alterum duo fœneratos fuisse talenta. Hîc itur de virtute in virtutem, sicut in psalmo expressum est, & additur ejus ratio, videlicet, quia videbitur El Elohîm. Expedit pio Christiano nôsse tum virtutes tum & virtutum catenam, quali scilicet modo eatur de virtute in virtutem, quarum summa est transitio vel potius commutatio voluntatis humanæ in divinam, id est, cum tantum volo quantum Deus vult, præterea nihil volo, quia quantum ego sic volo, tantum vult Deus ut ego. In hoc perficitur sequela Christi qui dicebat: non mea, sed tua voluntas fiat. Hæc voluntatis paupertas est apex in classe Virtutum, ad quem quis aliter non pertingit nisi per paupertatem spiritus. Proinde in quantum sum pauper spiritu, in tantum

Matth: nil omnium volo: eâ de causâ commendavit Christus paupertatē

tatem Spiritûs. Sed ad hanc non pervenitur, nisi per passionem opprobrii : nam in quantum tolero odia & convitia, in tantum sum pauper spiritu, quâ de causâ beatos prædicavit Christus eos, qui tolerant omne malum verbum innocentem. Sed ad hanc passionem non pervenitur, nisi per humilitatem : nam tantò sum humilis, quanto minus convello vituperantes me : quâ de causâ beatos prædicavit Christus humiles. Sed ad humilitatem non pervenitur, nisi per patientiam : nam quantò patientior, tantò sum humilior : propterea commendat Apostolus patientiam. Sed ad hanc non pervenitur, nisi per egestatis indolentiam : nam quantò minus inopiam sentio, tantò magis sum patiens : quapropter Christus pauperes appellavit fratres suos. Sed ad hanc non pervenitur nisi per voluntariam paupertatem : nam quò ad paupertatem proclivior sum, hoc tardior ad querelam inopiæ : verum tantò sum ad paupertatem pronior, quantò minus honoris & comodi cupio. Sed hoc minus bonorum sum cupidus, quò magis me ipsum contemno. Tantum autem me contemno, quantum me ipsum agnosco. In tantum me agnosco, in quantum postpositis externis intrâ me ipsum maneo. Sed in me ipso maneo tantum, quantum à peccatis abstineo, & hoc ipsum in tantum, in quantum Dei mandata observo. Eâ verò mensurâ teneo mandata Dei, quâ Deum amo, quoniam Deum amo tantum, quantum eum agnosco. Deum verò agnosco tantum, quantum Intellectus meus rectificatus est, hic autem sic in tantum, in quantum sensus per sapientiam sunt illuminati, quoniam & hitales in tantum, quantum cor meum tranquillum est. In tantum autem tranquillum est cor, quantum Deo obsequens sum. Tantum etiam Deo obedio, quantum mihi ipsi abrenuncio. Sed istæ abrenunciatio quæ est illuminatio à luce gratiæ influens, non potest obtineri, nisi homo mundanam sapientiam unâ cum ejus cupidine contemnendo vitaverit : istæ namq; Cupido est velum seu pulvis, quo mentis oculus obumbratur, obex quo tanquam in scrinio thesaurus virtutum obserratus deprehenditur, quem si amoveris, thesaurum obtinebis.

Q.

Q. Cum sic sit necessarium nôsse, quomodo sit imitandus Christus, nè qui vult imitari, aberret, dignare, quæso, docere, qualiter in veritate homo sequatur Dominum nostrum Jesum Christum? **R.** Præter ea quæ dicta sunt, noscas, in hoc totum esse situm, ut quis sequatur Deum in veritate; ast eò pertinet totalis desertio omnium rerum, quæ Deus non sunt, à quibus aliàs fundum hominis obsessum est. Deus namq; est Amator cordium, qui sine corde se non convertit ad externum. In vivâ devotâ benevolentia, quæ promptam habet inclinationem ad omne quod est divinum ac virtuosum, ubicunq; id reperitur, plus in est veritatis, quàm si oraret tantum, quantum totus mundus orare posset, aut si canticorum clangore totum cælum repleret, imò & plus inest quàm in omni opere externo, vigiliis, jejniis &c. siquâ sit, quod suum cor non simul Deo offerat. De Imitatione autem hoc habeto, quod ea fit aliquo modo secundum amabile exemplum Domini nostri, alio verò modo in devotis cogitationibus, sanctis desideriis, laudibus & gratiarum actione, rursus alio nonnunquam, hoc est, in viâ propinquiore sine omni modo, sine cogitationibus &c. non nisi interno silentio, animo vè in Deum verso, sic ut homo expectando observet, quid velit Deus operari in eo juxtâ suum beneplacitum, & ista via tutior ac brevior est. In altera quippè viâ inveniuntur non rarò homines, qui è bono externo exercitio tantam sibi capiunt complacentiâ, ut Deo dehinc reddantur in accepti, quin & ea oblectatio posset esse tanta, ob quam avertat Deus suam curam.

Q. Undè venit ea voluptas animi? **R.** Indè, quod homines faciunt opera sua à se ipsis cum insigni affectatione, & appropriatione (tanquam ea sua essent propria) cum alioquin omne bonum sit Dei usq; adeò, ut ejus nil propriè spectet ad hominē.

Q. Qualiter potest ea voluptas animi separari ab eo quod bonum est? **R.** Ea separatio potest quodamodò cognosci è figurâ V. T. quæ assignata est, ibi legitur, quod Sacerdotibus prohibita erat comestio adipis ex holocaustis extracti, præcepta verò ejusdem combustio per ignem Deo in oblationem. Ad eum

mo-

modum debet omnis delectatio habita in operibus & exercitio virtutum, in ignem charitatis conjici, Deoq; redofferri, quoniam ejus est. Ast oblectatio & sufficientia, quæ operibus (quæ bonis) adhærent naturaliter, potest homo simplici modo habere sine ullâ affectatione.

Q. Quid est præterea notandum circa verbum Christi, sequere me? R. Hoc est notandum, quod, cum homo deferit omnia, seq; ipsum in omnibus, oportet eum seqvi Dominum cum homine externo pariter & interno in verâ sui ipsius resignatione, in omnibus modis intus & foris. Ecquid enim habemus, quod Deus non est largitus? Si autem dedit omnia, tenemur cuncta ad eum referre tanquam non accepissemus. Hæc non dicuntur iis, qui sanctis imaginationibus, cogitationibus, modis, rebus & factis dediti sunt, nam qui sic occupantur, ad hos non spectat hic sermo; eos tantum attinet singulariter, qui tenebrosam viam calcare debent, ac perreptare angustam semitam, id quod non omnibus datum est, quoniam inter est his, ut longè aliter peregrinentur, quam ii, quorum jam mentio facta est. Dicendum hinc adhuc est, quomodo & ubi debeant res eas habere, cum quædam sint facienda, quædam intermittenda: habenda sunt, in potentiis sine appropriatione, quoniam natura humana inclinatur semper ad habendum, noscendum & volendum, hæc sunt potentiarum seu facultatum operationes. Sex modis perficitur imitatio Dei, quorum tres in potentiis inferioribus (sensitivâ) firmantur per humilitatem, mansuetudinem & patientiam, res alii in superioribus (mente) per fidem, spem & charitatem. Fides deprædatur rationem excæcando & privando eam omniscientiâ, sic ut cogatur se abnegare. Accedit & sanctus humilis timor, honestaq; sancta anxietas, cum spe permixta, quæ securitati aufert habentiam, seu habitudinem. Postremo se firmit & charitas, quæ voluntatem spoliatur ablatâ proprietate seu possessione ejus: hiscè in occursum properant humilitas, mansuetudo & patientia, quæ sensitivæ hospites sunt, ad dandum responsum tribus divinis virtutibus, Fidei scilicet, Spei & Charitati.

tati. Humilitas totaliter se mergit in abyssum, ubi nomen perdit spectando suum nihil, & ignorando humilitatem. Manfuetudo privat amorem voluntatis arbitrio, hinc omnium rerum paritatem notando nil habet contrarii, virtutis suæ possessionem ignorat, æquali pace in rebus fruitur, nam virtus essentialis facta nomen amisit. Simile quid est dicendum de patientiâ. Ejusmodi homines desiderando sitiunt passionem de hinc non recedentes propter patientiam.

Q. Quod si verò post talem resignationem elabatur durum verbum. R. Non terreatur homo hætenus: nam Deus ad bonum finem id ita permittit, ut tantò profundius submergatur in suum nihil; pari modo & ira accendit se nonnunquam, quæ & ipsa ceu digito monstrat continuandam esse abnegationem, quæ homo indignum se reputat bonarum cogitationum à Deo concessarum. Summatim totum est situm in profundissimâ immersione sui in nihil abstractissimum. Neq; enim talium hominum interest alligari externo exercitio, aut modis, aut imitationibus, sicut quidem eorum interest, qui hucusq; nondum pervenerunt, quibus hoc exercitium est necessarium, cum & his Deus peccata condonet, Regnumq; Cælorum ex gratiâ impertiat. Interim sciendum est hoc, quod per hos cæ modos & exercitia non tantum obtineant, quò fiant servi prædictorum hominum, cum sit futurum, ut eorum commercium, quocunq; pervenerint, sit valde gratum & suave ibidem, tamen si negari nequeat, quin plenum sit periculo, nempe non minus quàm hominis suo modo dissolutissimi. Hæc enim via est valde obscura, atq; de eâ scriptum est sic: via viro obscura, & tenebris circumdatus est. In viâ hâc tenebrosâ persistere debent viatores abrenunciando cunctis, quæ contrà objici possunt, verbis. Quin & ipse Salvator continuo dicit: sequimini me. Quod si quis diceret: Domine quis es tu, quem sequi oportet per vias tam profundas, sylvestres, & horrendas? Responderet ei Dominus sic: Ego sum Deus & homo, eoq; plus quàm Deus. Audi & nota quod sequitur. Si homo ad ea verba ex fundo essentiali

tiali posset replicare taliter : Domine, sic ego nihil sum & minus quàm nihil : jam penè actum esset. Innominata quippè Deitas nuspiam invenit locum tam appropriatum, ubi operetur, quàm in fundo annihilationis. Quod si ab ea essentiâ transformatio fieri debeat, oportet in homine evanescere omnes formas susceptas in potentiis, quarum sunt cognitio, scientia, arbitrium, operatio, objectatio, perceptio, appropriatio. Paulus nihil videntido videbat Deum. Discussis cunctis formis, quæ Spiritûs fulcimenta erant, fit, ut in momento transformetur homo, & ità progrediendum est semper.

Q. Annon huc spectat id, quod dicit Propheta : Patrem vocabis me, & post me ingredi non cessabis ? R. Imò aptissimè huc possunt ea referri verba, tanquàm quibus, vocamur propius accedere semper, mergiq; profundius in abyssum ignotam innominatam suprâ modos, Ideas & formas, quod fit, si transcendendo potentias totaliter amittimus, abnegamus, & deformamus nos : in istâ hominis deperditione nil aliud manet præterquàm fundum, quod essentialiter in seipsum redit una essentia, unum merum ubiq; ; hætenùs dicitur homo per abstractionem carere cognitione, charitate & spiritu.

Q. Nunquid hoc est de proprietate hominis, an aliundè paratur ? R. Non est de proprietate naturæ, sed provenit à transformatione quam Spiritus Dei largitus est Spiritui creato ob ejus profundam amissionem & resignationem, tunc dici potest, quod Deus in iis sese cognoscat, amet, seq; utatur, cum nil sit nisi una vita, una substantia, una operatio cum eo. Quod si quis prope-raret ad eum modum mediante injustâ libertate seu falso lumine, id summè periculosum esset. Via autem quæ ad hunc finem ducit, est talis per venerabilem vitam & passionem Domini nostri, quoniam ipse est via per quam eundum est, & veritas, quæ in hac viâ præluce debet, ipse quoq; vita & finis, ad quam oportet pervenire. Ipse quoq; cum ostium sit, quicumq; per aliud intrat, est fur & latro. Per placidum id ostium eundum est, rumpenda natura & exercitium faciendum cum humilitate,

mansuetudine & patientiâ. In veritate ergo notandum est, quod qui per hanc viam non ingreditur, errat & cæcus manet, etiam si Deus tum præcedat, tum pervadat eum : contra qui viam hanc perambulant, in eos nulla potestas agit, quia Deus ipse fecit eos liberos. Non iis est temporis otium, nec tædium ; Non sic mundani homines, qui de fastidio temporis queruntur sæpius. Qui firmitati insistent, horum substantia quoad partem superiorem (mentem) transcendit tempus, quoad inferiorem (sensitivam) ab omni re liberati, quaecumq; obvenit, non efficit, quominus continuâ (essentiali) pace fruatur, à Deo enim cuncta accipiunt, rursusq; Deo offerunt, etiam si externus homo plurimum patiatur & moveatur. Hi sunt beati homines, & ubi sunt, laudandi, verendum autem, nè valde rari sint.

Q. Qualiter simplices homines oportet se gerere, qui studium sapientiæ sibi comparare nequeunt ? R. Cum passio Domini nostri sit Codex, è quo desumitur omne solatium, omnis veritas, sapientia & studium omne, oportet eos librum hunc evolvere, diligenter legere, ac relegere, quod quidem si fecerint, dubium non est, quin totam scripturam intelligant, & noverint discernere bonum à malo, verum à falso pro requisito beatitudinis, adeoque dici solet : Qui Christum bene scit, satis est si cætera nescit. Scriptura proponit fidelibus exemplar vitæ & passionis Christi, ut habeant regulam, quâ metiantur omnes vitæ actiones, eò quod cunctis imposita est coæqvatio, assimilatio & imitatio Christi, idq; propter Symbolum beatitudinis, quæ uti singularis sive una est, ita quoq; confirmatam unius beati & beatitudine dignissimi hominis Jesu Christi per vitam ejus expressam requirit. Petrus
 1. Petrus dicit : Vobis relinquens exemplum, ut sequamini vestigia ejus.
 2. Qui Christum sequi cupit, sic eum sequatur oportet in amore ac vero respectu, ut nil desideret aliud præter solam ejus laudem & gloriam.

Q. Nunquid Præcursor noster Christus exemplum nobis factum est juxta internum, an juxta externum hominem ? R. Juxta utrumq; , id est, juxta omnes partes humanitatis. Etenim benignus

nignus Salvator obtulit Patri suo cuncta quæ unquam ab eo acceperat, nec ab eo quod solam Patris quærebat gloriam ullo unquam facto recessit, quanquam internus ejus homo erat divinæ naturæ unitus sic, ut ejus respectu non cessaverit cunctorum hominum verba & facta contemplari cum discretione; non tamen æstimabat rapinam Deo similem esse, nec quicquam suæ omnipotentiae seorsim sibi appropriando cuncta reddebat Patri suo quæ ea donaverat. Hanc ejus oblationem & spiritualis paupertatis documentum fideliter seqvi tenentur omnes Christi Amici & fideles, ut scilicet ea, quæ Deus iisdem committit donantur saltem Deo; ea ad majorem ejus gloriam sacrificent. Hæc est sequela interni hominis juxta Exemplum interni. Quantum autem ad hominem externum, sive ad potentias sensusve corporis, testatur scriptura exemplo suo nobis prævisse Christum in hoc, quod omnes pharisaicas traductiones, cavillos, omnesq; afflictiones quibus tentabatur, patientissimè perferebat, & hujusmodi ac similium passiones multæ exercebant externum ejus hominem, & hoc ipso exemplum dedit Amicis suis, ut solum eum sequantur sub cunctis mundi exactionibus, in opprobrio & persequutione &c. Cum aliter fieri nequeat cum veris Dei Amicis, quin ob hanc vitæ formam judicentur ab his qui pharisaismo affecti sunt, qui suis modis quærunt se ipsos non obstante eorum juratâ erga Deum obstrictione.

Q. Cum Dominus noster suum pro nobis effuderit sanguinem, annon hoc ipso præbuit exemplum imitationis? R. Sanguinis Christi profusio exemplo nobis est, ut, etiam nos fundamus sanguinem nostrum pro eo, quemadmodum ipse suum pro nobis effudit sanguinem.

* Q. Quot modis potest homo fundere sanguinem pro Christo? R. Profusio sanguinis pro Christo potest quatuor modis fieri, & quidem:

1. Fit in carne & spiritu per modum veræ poenitentiae Enimvero cum homo à Deo aversus cupidine suâ aberrat, animumq; caducis rebus applicat, necessum est se hinc aversum rursus ad

Deum convertat, hæc si quæ fit vera ejus averſio, veraq; converſio eſt, vocatur pœnitentia eſſentialis. Quis neget ſub tam acerbis & violentis verſionis actu fundi ſanguinem tantò quidem copioſius, quantò deſiderium creaturarum deſertarum eſt ardentius? Hæc quippè profuſio eſt ſanguinis inter luſtandum abſumtio, cùm fieri nequeat, quin omnes, qui veram eſſentialem pœnitentiam agunt, luſtamq; contra peccata viriliter aggrediuntur, tantum deperdant carnoſæ & ſanguineæ ſubſtantię, ut præmarcore pallescant, ac deformentur, utut formoſi ac robuſti antecederent apparuerint.

2. Fit in ſenſibus externis, ut cùm eorum (puta oculorum, aurium &c.) concupiſcentię cohibentur, ſenſusq; domiti in ditionem ſpiritus rediguntur, qualis converſio non ſine abſumtione carnoſi habitûs, nec ſine ſanguinis floridi deperditione fieri poſteſt. Huc etiam refertur ea ſanguinis effuſio, quæ electorum eſt, cùm hi ab Inimicis Dei variè affliguntur, & ſauciantur. Hic obiter oritur quæſtio: Num deceat talem perſeqvutionem, ubi facile fieri poſteſt, devitare? R. Dari quidem fictos ſanctos, audaces, & prudentes homines, qui nec hoc loco fugam paſſionis concedunt, cùm tamen nec ipſi noſcant quid fugiendum ſit. Verùm tamen electi Dei Amici, (quibus conſtat, quid & quamdiu id fugiendum ſit) concedunt fugam præfatæ perſeqvutionis vel eâ de cauſa, quod aliquandò ſub innocentium præſentiâ vulnera proximi exacerbatim reddantur deteriora, quo in caſu tutius eſt ad tempus ſe ſubducere, donec ceſſet furor proximi: & hæc etiam eſt vera imitatio Chriſti, qui ſe ſolebat abſcondere ab improbis Judæis, ne viſo vel audito Chriſto ſibi gravius peccandi cauſam ſumerent.

3. Fit in animâ verorum Dei Amicorum, ut cùm id quod vident malum peſſimum tolerare, quia non auferre tenentur. Ecquid enim deterius eſſe poſteſt eo, quod ſubditi Dominum, Creaturæ Creatorem, liberati Redemptorem, Filii Patrem tantâ ignominiâ afficiunt, quem tamen omni ſubmiſſione venerari debent? gladius utrinq; incidens diſſecat corpus & animam piorum

rum hominum, cum isthæc Dei prophanatio summo dolore eos afficiat : nec minus affligite eos communis membrorum Christi miseria, quatenus in propria sævitur viscera, cum proximus proximum persequitur, cum cogitatur quo modo alter alteri noceat, idq; sine ullâ perpensione ac pœnitudine. An potest tales homines ullum Christianæ fidei & sacramentorum documentum excusare unquam?

4. Fit in Spiritu puro & sincero, ut cum eidem intus proponitur bonum suum, quod Deus est, & rursus eidem subtrahitur, tanquam id quod à mortali ullâ creatura possidere nequit, attamen ex eâ revelatione tantum cognoscitur fore, ut omnis amor, honor, laus & jubilatio, quam sancti & angeli omnes Deo reddunt, impar sit dignissimo Dei cultu, hinc fit, ut spiritus tantò arctius se recondat in centrum sui nihil, quantum magis agnoscit supereminentem gloriam immensitatem & infinitatem Dei. An ergò possibile est Spiritui, ut seprehendat, quin potius se det præcipitem in eam abyssum quæ Deus est? In dubium autem est, eam effusionem, quâ scilicet creatura se totam fusissimè mergit in Dominum Deum suum esse omnium beatissimam.

Q. Sunt autem ignavi Christiani, qui nec ordinem nec modum discernendi, nec sensum, diversitatem, necessitatem, nec scopum credendorum, tantominus censum sublimium ac æternorum, præstantiam Mysteriorum, concatenatam seriem revelatorum, omnium minimè autem summi boni adeptionem curant, nec volunt considerare ea, quæ uti putant, eos non attinent vel de quorum cognitione vel adeptione desperant agentes, se tantum nōsse, tantumvè credere, quantum satis est, adeoq; manere se tales, quales sunt, comprimis quod nihil profit sive sciverint, sive nesciverint, idcirco quæritur: quid sentiendum sit de ejusmodi hominum incuriâ, quæ aliis non nisi summo scandalo esse potest? R. Hujusmodi hominum scandalo mediante totum mundum esse perversum, ac inquietum redditum constat: idcirco sentiendum est, ignaviam hanc certissimo indicio esse, quod nunquam sint bonum suum adepturi, vel saltem tamdiu eo carituri,

ri,

ri, quamdiu averso animo id non desiderando desiderant. Quod autem hoc bonum largiatur solum ad id conversis ac desiderio summo appetentibus, testatur S. Scriptura, quin & sancti Patres ejus rei testimonia luculentissime tradunt, quorum unum quod S. Bernardi est, hic subjunxisse sufficiat, cujus verba hæc sunt: si quis desiderat sanctissimam vitam, eaq; propter Deum incessanter exorat, is certo certius eam impetrabit, si non statim, saltem die vel hora mortis, vel deniq; in æternitate.

Q. Summa doctrinæ hujus quæ? R. Summaria doctrina sequelæ Christi est comprehensa in sequentibus Articulis. Tenentur homines, qui verbo Dei credunt

1. Subjicere se Deo, cunctisq; creaturis per humilem obedientiam. Cum enim qualiscunq; homo quoad defectus suos sit similis abjectissimo homini, sequitur eum non habere jus judicandi aliorum defectus.

2. Quæcunq; obtinuerunt bona dona præ aliis offerre ei cujus sunt, humiliter, atq; cum gratitudine.

3. Quantum in illis est, pacem habere cum omnibus suppressâ curiositate, & operis alieni traductione.

4. Evacuare se ab omni creaturarum curâ & attributione intus & extus.

5. Respicere ac in seipsos divertere ad operandum in omnibus quisq; suam beatitudinem.

6. Deum simpliciter atq; sincere, hoc est, ex indiviso toto corde amare & observare.

7. Cavere, ne per scrutationem rerum obscurarum aut captiosarum illaqueet se, & confundat, sed potius constanter persistat in humilitate, suiq; abnegatione.

8. Acceptare à manu Dei quæcunq; passionem sive internam sive externam, idq; ex amore ad Laudem & gloriam Dei.

9. Inculpationes, in simulationes sufferre patienter, nec accusare eas, aut si necessitas requirit, modestè tantum ac parcè non nisi animo simplici. Longè enim nobilius est insonter perferre in simulationem atrocioris delicti, quàm minimi defectus fontico coram Deo animo.

In

In hac compendiosa doctrinâ consistit primordium sanctitatis, quam discere, eoq; ad plenum exercere convenit ei, qui ad maiorem Sanctitatem seu perfectionem cupit ascendere. Quisquis eò pervenerit, aptus est ad progressum, sic ut scandat ad limina sublimium habitaculorum. Ibi occurrit ei adhæsiō sive adunatio cum Christo, per quam efficitur, ut homo semper cum Christo ambulet, nimirum in terrâ & in cœlo, sicut scriptura dicit, inter cives cœli, sanctos & Angelos scilicet, inter agmina perfectorum spirituum, inter primitias Agni in Civitate Dei. Istam conversationem spectant loca scripturæ de unitate Dei hominib; tractantia, sicut scriptum est: nec Judæus, nec Græcus, nec mas nec fœmina, sed omnes sumus unum in Christo.

Q. Cum jam ostensum sit, qualiter oporteat sequi Christum, quæritur insuper, num prostant exempla, & qui nam sint, qui vitam Christi ceperunt imitari? R. Exempla prostant, atq; eorum qui juxta normam vitæ Christi vixerunt, sunt primò Mater Domini nostri Jesu Christi, deindè Apostoli, horumq; Discipuli, postea Martyres confessores, ingensq; turba hominum bonæ voluntatis in priscâ Ecclesiâ & sic porro.

Q. Quia fecisti mentionem Beatissimæ Matris Mariæ, quæ plena fuit gratiæ atq; virtutum, speculum omnis Sanctitatis, dic, quæso, qualiter fuerit comparata vita ejus, ac digna esse speculū ad imitationem? R. Hæc beatissima Mater, quæ Domini Ancilla erat, tenebat se toto vitæ tempore conversam in charitate perfectâ erga Deum, sicut sine eo nullam unqvàm Creaturam dilexerit; quin inter charitatem ejus & Deum nulla species pro medio erat, adeò indivisa eacum Deo charitas, etiamsi omnes Creaturas in Deo amabat. In fundum internum, ubi latet Imago Dei, præcipitabat potentias suas ad habitandum in eo templo, & adorandum ibi Deum in spiritu & veritate. Noscebat, quàm Deum dignè laudare nequibat, eoq; desiderabat fore, ut Deus dignaretur seipsum in eâ laudare, tam Dei forme erat fundum ejus, ut nunquam à Deo usquàm diverteret.

Q. Qualia erant ejus exercitia, quæ propter infinitam gratiam

nem ad summum usq; . Primò namq; considerabat altitudinem & omnipotentiam immensi Dei, quam præ Angelis magis cognoscebat & hoc ipso humilimè se submittebat in suam exiguitatem. . Secundò pensitabat, quàm Dei judicia, quæ sunt profunda sicut abyssus in sapientiâ ejus, sunt creaturis abscondita. Tertiò quàm bonitas Dei immensa sit in æternâ ejus charitate merissima origo omnis boni omnisq; gratiæ. Quartò recogitabat superabundantem Dei suavitatem, in quâ acqvirebat tantam dulcedinem. Quintò lachrymabunda meditabatur humilitatem sui Filii, nimirum quantoperè immensa Deitas humiliaverit se tam excessivè abjectas vias perambulatum, ut se humiliorem reddere neq; viverit. . Sextò considerabat passionem Filii sui tam variam ac maximam, & hoc ipsum

Primò, Faciebat cum devotâ compassione, & istæc consideratio erat similis gladio scindent animam, indeq; Coronæ Martyrum tam particeps fiebat, quàm ullus unquàm Martyr. .

Secundò: Meditabatur passionem Filii sui vivâ sequelâ, siquidem in mente ejus versabatur, quàm charus ejus Filius continuo vixerat in passione & contemptu, ideoq; totam vitam exponebat passioni ac oppressioni tam constanter, ut nunquàm ejus abbreviationem expetendo æternam potius eam voluerit, si Deo sic visum fuisset. .

Tertiò: Circà passionem Filii sui pensitabat, quàm perfectâ patientiâ sustinuerit passionem sine reluctatione, nimirum ex ardenti charitate ergà nos sub spiritûs lætitiâ. Quæ omnia cùm beatissima Mater fecisset, ibat in templum recipiendo se in angulum submissis oculis extenso vè in æternitatem animo meditabatur mandata & verba Domini nostri: ibi conducebatur anima ejus in contemplationem divinam longè suprâ rationem, quin & in mente suâ simul clarificabatur per cunctas potentias animales. Memoria elevabatur in simplicitatem, & firmabatur in unitate spiritûs suprâ omnes sensibiles species.

Intellectus perfundebatur claritate, in quâ cunctas cognoscebat virtutes, modos & exercitationes, insuper & scripturæ obscuritates

securitates cum discretione. Voluntas erat accensa calore igneo in charitate tranquillâ & in transcensu creaturarum omnium : in hac elevatione sistebatur suprâ modum & discretionem. Hic accipiebat divinam attentionem abstracto modo & spiritus perfundebatur à superessentiali fonte suprâ omnem activitatem virium propriarum. Hic quiescebat in Deo præter alia cuncta amittendo seipsam in complexu charitatis immensæ, in abstractissima Deitatis obscuritate, hætenus immediate uniebatur unus cum Deo spiritus facta & exaltata super creata dona, gratias & lumina in simplicissimo lumine quod seipsam incessanter renovabat in intimo fundi ejusdem, hoc est, in supremâ spiritus excellentiâ. Quid quod in hoc ipso præsentiebat futuram beatitudinem, amabat Deum æterno increato amore, à quo creata dona, virtutes, opera & exercitia cum totâ naturalitate exulare debent, siquidem hic transformabatur à divinâ claritate super omnes Ideas & rationem. Intuebatur quoq; æterna lumina ac Ideas sic, prout videntur in æternitate, idq; ineffabili divinâ lætitiâ, ut si possibile esset totius mundi lætitiâs cunctas in unam colliquescere, nil nisi mera amaritudo essent in comparatione ad minimû gaudium divinû, quod Mater Domini nostri hic obtinebat. Insuper præ cunctis hominibus habebat Beatissima Mater decorem sive ornatum quendam sibi acceptum, siquidem utur in contemplativam vitam evehebatur, nil minus tamen res alias cernebat & observabat, externum hominem tam exactè regendo in omnibus sanctis modis & officiis, ut internus nil inde impediretur : erant enim superiores potentie (mens tota) immediate in suam originem conversæ, inferiores verò (sensitiva) superioribus perfectè obsequiosæ ad eum ferè modum, quo Adam in Paradiso consistebat in primâ justitiâ. Idcirco sub eâ contemplatione observabat æq; cultum externum cum magnâ devotione, profunda; cordis humilitate sine ullo fastidio. Sub meridiem tandem domum reversa accepit sæpè ab Angelis alimoniam. Post meridiem ad vespèram usq; laborabat benedictis suis manibus, quælibet autem opera sua quantumvis exigua perficiebat sub singu-

singulari respectu ad Dei gloriam: cum non laborabat, loquebatur aut loqui audiebat de Deo, de vitâ divinâ, aut scripturam legebat. Appropinquante nocte se conferebat ad meditationes & cogitationes sanctas, meditando scilicet perfectam vitam Filii sui, ejusq; suavem doctrinam, undè cor ejus implebatur perceptibili æterna dulcedine. Postremò flexis genibus incipiebat gratias Deo agere pro eo, quod eam tum illo ipso die tum cunctis aliis diebus tam benignè respexerit, quo factò placidè ad somnum se componebat copiis Angelorum stipata, ne spiritus malignus ad lectum ejus accedere potuerit: quapropter nunquam habebat vana insomnia, phantasmata, nec alias Ideas præterquam ipsius Dei illuminationem sub sanctissimæ Trinitatis custodiâ. Beatissima Mater Christi ad somnum se non disponebat, priusquam summo desiderio eum ad gloriam Dei ordinaverat, taliter autem Deo unita reponebat caput benedictum ad pectus Patris cœlestis suaviter quiescendo. Cum demum experge facta surgebat, transigebat diem consimili exercitio, quali transegerat præcedentem in omni scilicet sanctitate & virtute.

Hæc sunt ex parte dicta de sanctâ vitâ Matris Christi, quam, ideò nobis tanquam speculum præponere debemus ad imitationem, quò Deo fideliter serviamus, nosq; totos, quantum possibile, conferamus in templum animæ nostræ; huc inservire potest promotio, quæ aliter impetrari nequit nisi mediante oratione incessanti pro gratia & adjutorio divino, ut sequamur beatam hanc Matrem, & ejus infantem, sicq; porrò cum iisdem partem obtineamus in æternum.

Q. Nullusne restat prætereà modus, quo homines Christum imitentur? R. Imò etiam in hoc sequendus est Christus, ut quilibet antè omnia suam curet vocationem, qualis ea sit, quominus negligat vivere juxtà eam. Nam & juxtà suam quisq; vocationem sequuti sunt Christum Patriarchæ, Apostoli, Martyres, Confessores, Doctores, Virgines, & alii sancti homines usq; in hodiernum diem. Et hoc ipso honore afficimus unâ sanctos quoslibet, si in verâ abstractione cum iisdem immer-

gimur in fundum, in quo est omnium tam eorum, quam nostra beatitudo.

Q. Quid hîc conveniat nôsse, ne, quæso, averseris explicare?

R. Qualiter Beatissima Virgo Maria seqvuta sit Filium in suâ vocatione jam est propositum: de sanctis hîc loqui expediet, quali modo quælibet Classis seqvuta est Christum. Primæ Classis sunt Patriarchæ Vet: Testamenti, qui sunt seqvuti Messiam in desiderio anxio & fide in ejus Adventum. Hi erant Deo conjuncti in sanctâ charitate & spe, atq; intrinsecus evacuati ab omni eo, quod Deus non erat. Interea quod possidebant extrinsecus, participabant cum populo electo adhibitâ omni curâ, ne quâ deficeret, undè Messias nasceretur, adeò nil suo appropriabant corpori, quo minus adjuvâssent cunctos eos, è quorum genere is fructus erat nasciturus: hinc legitur: Eorum qui sic seqvuti sunt, è quolibet tribu fuisse signatos 12000. præter multos alios, quorum non erat numerus.

Apoc. 7.

Secundæ Classis sunt S. Apostoli, qui post Nativitatem Christi tales exstiterunt Imitatores vitæ Christi, qui & cum eo versati, ab eoq; conducti fuerunt in viam longè sublimiorem, nimirum ad majorem perfectionem. Nam hi non solum cuncta deseruerunt quoad internum fundum, sed etiam quoad externam possessionem professi totalem paupertatem tum corporis, tum spiritûs, idq; in supremo gradu.

Hos est seqvutus infinitus sanctorum Martyrum numerus, qui non solum deseruerunt bona externa, verum etiam vitam, nullo mortis modo unquam excepto, per quem placuerat Deo se glorificari.

Prægrandis est Classis ea, quæ seqvebatur, Confessorum scilicet, Eremitarum & Doctorum, qui multimodè vocationem suam seqvuti nomen Domini celebrârunt. Eorum nonnulli dilexerunt Deum in abstracto veritatem intus attentè observando, ac verbo æterno, quod in illis loquebatur, silentiosè auscultando; ideò quod ex re erat abstractè vivere, fugiebant in loca deserta, inq; speluncas: alii vicissim ædificando sanctam Christiani-

stianitatem prædicârunt, docuerunt, scripserunt, hæreses oppugnaverunt, semper parati ad sequendum Deum quocunq; voluerit, sub resignatione omnium rerum, quæ Deus non sunt.

Est alius cætus valdè celebratus, nimirum sanctarum atq; castarum Virginum, quoad corpus & animam immacularum. O quam admiranda est ista corporis immobilitas, virtus verè angelica, si quâ Deus tantoperè dignatur hominem, ut in eo vestitu inveniatur, in quo & ipse pariter ac Beatissima Mater ejus voluerunt incedere rejecto quo vis ornatu alio: dubium est, an talem hominem ulla res queat contristare, ullum damnum aut opprobrium confundere, quoad is ob suum quem possidet thesaurum semper exhilaratur. Hic obiter dicendum est, opus esse, ut, qui thesaurum hunc in suo pretio conservare desiderat, pugnet patiando nec averfando vulnera, quæ cordi ejus infligunt simul & sensus & naturæ, mundi hostiumvè perversitas. Noscendū quoq; circa hoc est, quod quilibet impulsus tentationis generat novam puritatem, si quâ seipsum tunc homo observat, & hæc est merces sive præmium tentationis: Utinam ad eam mercedem ac generationem attenderent homines.

Postrema cohors est reliquorum ex plebe hominum, qui in virtute vivunt & progrediuntur, quoniam & hi servantur per fidem, per passionem & meritum Christi atq; per comprecationes Amicorum Dei: verum & his opus est expurgari ac præparari per varias passiones.

CAP. VI.

De veris Dei Amicis & Servis.

Q. Cum in prætatis ostenderis, quod eorum qui Deo solum serviunt, & hætenus in Amicorum Dei numerum recipiuntur, officium consistat in vitæ Christi sequelâ, noscere cupere
rem

rem adhuc, quid habes testimonii (exempli) de S. Martyrum imitatione, quâ Christum glorificaverunt? R. Pater cœlestis singulariter dignatus est Martyres eo dono, quo facti sunt conformes Imagini Unigeniti sui Filii mediante cruciatu & amaritudine pretiosi calicis, è quo biberunt, sicut ipse bibiteum, hoc est, quod passi sunt Martyrium voluntariè propter gloriam nominis ejus, id quod iisdem singulari cessit honori, eò quod per gratiam pertigerunt ad eam dignitatem ad quam effectus est ipse Christus per Calicem dirissimæ passionis & mortis. De magnis iis Heroibus, Deoq; charissimis circumfertur adhuc testimonium priscum, quod Calicem Domini biberunt, & Dei Amici facti sunt.

Q. Quotuplices sunt qui mediante Martyrio sequuntur Christum? R. Duplicis generis sunt: Unum eorum est, qui Martyres fiunt extrinsecus per gladium, ignem, aut alterius modi occisionem: alterum verò eorum est, qui martyrizantur intrinsecus per charitatem morientem (mortificantem). Nam & hi fiunt Amici Dei, qui passionem Domini nostri probant mediante dignâ pœnitentiâ in vitâ moriente, ad quam est opus passione.

Q. Passio vitæ morientis quomodo dividitur? R. Bifariam: Una namq; est externa, qua quis resistit cunctis cupiditatibus reatum facientibus juxta id quod Paulus ait: Qui Christum continent, crucifixerunt carnem suam cum omnibus concupiscentiis ejus. Altera passio est Spiritualis anxietas, pressura, macilentia, ariditas seu privatio sensibilis gratiæ, ut cum homo se ipsum paulatim deperdit sic, ut nonnunquam cogatur ad Deum hætenus divertere. Ità censent nonnulli deperdita tunc esse omnia, cum intellectionem sublimem, comprehensionem, perceptionem & devotionem non habent. Ast sicut istiusmodi sensibilis sufficientia competit principistis seu infantibus; ità vicissim parvi æstimantur ab iis, qui nobilissimam charitatis virtutem habere desiderant. Tametsi autem verum sit, quod ea facit præparationem ad alteram, per se tamen ipsa est valde exigua.

exigua. Veri Amatores si quâ inveniuntur, sunt pauci; multi quidem cupiunt sequi Christum, ast solum propter suavitatem, quam ni degustent, niq; trahantur per vulneratam charitatem, non volunt sequi Deum. Notato historiam. Vidente Deo, eos ad se atq; sui sequelam trahi non posse nisi per suavitatem, allicit eos mediante vulneratâ charitate, ut sic conducti ad charitatem captivam nequeant evadere. Quo facto inflammantur â furiosâ charitate, quæ tam fortificat eos, ut nil non audendo ad gloriam Dei se dent præcipites in passionem & opprobrium, quod illis à Deo mitti potest, atq; sic offerant se in abyssum Deitatis summâ cum pœnitudine dicendo: O Domine, si nos servare vis, aut perdere sicut est in tuâ potestate, fiat voluntas tua in nobis. Quò cùm pervenerit homo, adeptus est totum id quod eo spectabat, quin etiam Deo perindè est, qvo modo quis eo venerit. Ut autem Deus omnem animam ad se traheret, hinc elargitur sua dona uberrimè, suaq; gratiâ tam amicè nobis inservit, undè oportet noscere, hoc tantum fieri ideò, qvo anima se Deo offerat in omni resignatione sine aliquo effugio aut contradictione, ex quo se sentit trahi per gratiam, & suavitatis perceptionem. Notandum est etiam, subtractâ suavitate si anima rursus in arida deserta statuatur, futurum esse, ut Deus eam super alium gradum constituat, utpotè quod Deo suetum sit auferre, quod largitus est, & sibi ipsi relinquere hominem in opem & miserum eo fine, ut discat resignare, & nuspiam acquiescere præterquam in solo Deo.

Q. Cùm passionis atq; Martyrii sequela consistat in verâ Dei charitate, dic qualiter homo ad eam perveniat? R. Via per quam homo tendit eò, duplex est: prior quidem habet delectationem (suavitatem) in gratia Dei. Placet hîc homini se fatigare in bono Exercitio, & Deus id sic efficit, qvo magis carnalis voluptas extinguatur, ipse autem ex charitate se obliget. Ea obligatio consistit in hoc, cùm animo virili contemnit quasvis delicias temporales, eas præ magnitudine charitatis tam pauci æstimando, ut alios homines qui hoc observant, in admirationem

Q

rationem

rationem rapiat: hujus exempla refert multorum sanctorum vita, de quibus legitur, quàm festinanter se à mundi gaudio & commoditate abstraxerint, ut aliis mirum visum sit: hoc procul dubio dicendum est à Spiritu S. factum per charitatem penitentem. Posterior via habet desertionem & passionem, quatenus homo (ut antè dictum est) omni privatur solatio. Exinde nascitur spirituale hujus materiæ robur, nimirum è sterilitate devotionis, ideoq; tametsi spirituales hujusmodi Martyres sint variis subjecti passionibus, nihilominus amant Deum, nec minus quàm alii veram intendunt virtutem.

Q. Quid agitur cum his pauperculis? R. Sollicitâ curâ anguntur in hac vitâ, cum nesciant, quò se ob eam calamitatem vertant, nihilominus innituntur fidei, spei & charitati in densâ caligine. Nolunt enim peccare ob qualemcunq; causam, cor contritum & humiliatum in se gerunt, ab aliorum hominum gratiâ cruciantur, non quod illis invideant eam, sed quia putant se propriâ suâ culpâ carere simili gratiâ, tanquàm quod non promereantur eam: quid quod & accidit his, ut quò majorem adhibent operam, hoc magis intus artefacti rigescant, sicut non nunquàm nequeant habere patientiam, siquidem de hinc magis excruciantur. Imprimis sibi videntur hætenus gratiam invidere aliis, undè augetur cruciatus; quin & defatigantur adeò, ut quid sit faciendum ignorent. In virtutibus nollent se Deo infidos exhibere, ast qualiter eò accedant, ignorant, ve etiam videtur iis, quasi Deum irritent per impatientiam, desperationem aut pusillanimitatem, cujus eos ex corde pœnitet, nam omnia peccata oderunt, eò quod noscant sola peccata esse Deo adversa. Tandem autem componunt se ad patientiam licet quàm difficulter; viso etiam quod ultra nequeant, linqvunt se perferendo, donec mittatur a Deo mutatio. Hic modus est quem Deus usurpat, cum resignationem docet in submissione, cum facit, ut homo se teneat sub Deo in cunctis rebus, quatenus per hoc fit illis æqualis qui abundant gratiâ, imò & aliquo modo præstantior, eò quod gradus hic est Christo similior, cujus vita semper erat plena

na passionis. Quapropter de Martyribus hiscè spiritualibus dicendum hoc est, quod censeant se esse omnium qui vivunt, pauperrimos, cum tamen apud Deum sint ditissimi, videntur sibi esse diffitissimi, cum Deo sint propinquissimi, quasi abjectissimi, cum Deo sint electissimi: sunt juxta sensum eorum Deo infidissimi, quanquam sint fidissimi, Zelum habent ad gloriam Dei promovendam, ejusq; contumeliam impediendam, tanquam propter quid hæc omnia patiuntur. Ob istam paupertatem tentatos se sentiunt vari modè, non tamen consentiunt, tametsi graviori passione afficiantur quam ipsa mors est, maximè si qua in parte se victos interea opinantur. Defectus suos cupiunt superare pariter & exercere virtutes; sed id perficere nequeunt: hæc & similia sæpè numero tantos in iis excitant cruciatûs, ac si infernû paterentur. Hoc ipsum autem non aliundè provenit nisi à magnâ fidelitate & charitate, quam erga Deum habent in corde suo, tametsi id nesciant ipsi. Etiam si pro omnium pessimis hominibus se habeant, sunt tamen coram Deo purissimi. Ast eo ipso non nunquam Deum contra se provocant, quod eam passionem immensum extendunt, id quod Deus quandoq; ulciscitur, cum eos permittit prolabi in impatientiam aut alium quemvis defectum, qui puræ adversatur charitati: eò sanè non proruerent, si verè resignâssent. Nam tenebantur in eâ acquiescere, eò quod sic præ aliis magis proficiunt, id autem cum sæcûs fiat, se ipsos privant eâ mediante angore, & malè ordinatâ tristitiâ. Hoc provenit partim ab ignorantia fructûs hinc pronascentis, partim à propria irrefignatione, quatenus sunt incapaces passionis aut durationis ejusdem impatientes. Proinde debent scire hoc, quod tantum passionem, nisi satis sustineant, prolongant majori sub aggravatione, præter id quod brevi se privant fructibus è voluntaria passione, & innocentia succrescentibus, qui tanto præstantiores essent illis, quanto se gerunt simplicius; siquidem verissimum est, quod hanc obscuram noctem sequitur lumen clarum, quod fundum internum illuminat cum veritate æternâ, & hujus doni redditur intus certus per Deum (non coram mundo)

ita ut queat pervenire ad summam puram charitatem, ubi se deferendo perdit propter Deum cum omni eo quod suum est, factus cum Deo una charitas, quam nemo destruere potest.

Q. Dignare his addere, quid adhuc restet nosse de Martyrum spiritualium beatitudine? **R.** Recogitandum est sæpe, quam sit immensa & ineffabilis lætitia, beatitudo & gloria, quam obtinebunt, qui clarè ac immediatè visuri sunt faciem Dei, ac fruituri summæ bonæ, quod Deus ipse est, quatenus in Deo est: & includitur omnis delectatio, potentia, lætitia, & pulchritudo. In Deo itaq; possidebunt, quod bonum & desiderabile est cum æternâ lætitiâ & securitate, immutabuntur, & nunquam à Deo separabuntur. Immensam oportet fore lætitiā, cum intuebuntur SS. Trinitatem, clarificatam Christi humanitatem, S. Mariam Matrem ejus cum exercitibus Angelorum juxta ordines eorum, omnes Patriarchas, Prophetas, Apostolos, Martyres, Confessores & Virgines cum sanctis omnibus tam inter se concordibus, ut etiam, si esset possibile sanctus in Cælo quam maximus libentissimè participaret suam lætitiā cum sancto minimo; vicissim & hic offerret suam sancto summo sine invidia: adeo non est concipiendum, quam potenter accendantur in Charitate Dei. Desumendum hinc est, quam sint dementes homines, qui animum applicando ad exiguam carnalem voluptatem, bonum temporale aut gloriam, obliviscuntur, perdunt, repellunt æternam beatitudinem. Addi quod voluisti, addidi, addere autem liceat & hanc monitionem: Anima perpende hoc summam industriam, quamdiu es in statu gratiæ, operare bonum; ne perdas æternam lætitiā, nulla in toto mundo res sit propter quam velis perdere æternam Amicitiam & Charitatem Dei. Festina, non dimorare, virtutes properanter exerce, nullius laboris te tædeat, in hoc momento temporis desuda fideliter ad acquirendum bonum æternum. Summam enim diligentiam est advertendum, quod omnis passio, tristitia, adversitas, & miseria hujus mundi est quam exigua in comparatione ad vitæ æternæ gaudium, ideo valde conveniens est, ut mediante sanctorum omnium

nescit servire aliter, nisi pro modo propriæ suæ institutionis, sive consideres orationem, sive spectes alia, inde enim oritur ea confusio, quod nihil præstare possunt, si absq; consueto eorum modo sit. Quin, etiamsi Deus eos vult trahere per aliam viam, figunt pedem, suosq; flectunt sensus ad res circumfatas, sibiq; proximè objectas. Non Servi Dei sunt, sed homines nondum præparati, qui sic à Deo se avertunt, cui è contrà servire debent ubiq;, omni modo & opere. Quodsi Deus in omnibus rebus est, isti verò homines non simpliciter in iisdem Deo serviunt, neq; intus eum veraciter sibi præfigunt, non potest fieri, quin diversificent Deum, atq; eatenus privent pacetum opera, modos, tum loca ipsosq; homines.

Q. Quæ nam est causa animi tam dispersi (humanæ confusio-
nis)? R. Ea, quod Deus non est essentialiter radicans in fundo
animæ (mente), & quod homo tantum habet excogitatum
(fictum) Deum, ad suos modos relatum, idcirco quamprimùm
ei modus excidit, elabatur quoq; præsentia Dei; hinc
autem constat, quod non est verus servus, qui Deum sequitur.
Est præter hanc & alia causa, nimirum, quæ homo se diffundit
adhærendo rebus, quæ sensibus ejus obversantur, cum tamen
hoc neutiquàm fieri debeat, quatenus is, qui à multiplicitate non
vult in diversum trahi, concedat opus est rebus sensibilibus suum
fluxum, transeatq; per eas tanquam per aliquid quod nihil æsti-
matur, quicquid accidit, excidat iterum, cum nil sit usq; affectan-
dum, præterquam sola necessitudo pro tempore præsentis re-
quisita; quid quod nec mora velut pro colloquio concedatur,
intus Creaturis nec locus, ubi non est ad Deum pura intentio,
liberum autem & vacuum se teneat quasi dicendo: Quæro, in-
tendo, venorq; solum Deum, quicquid venit obviam, salutet &
benedicat Dominus, ego pergo quò tendo; ast quid mihi magis
posset esse infernus aut Spiritus malignus, quam quod non amo
eum, ad quem contendunt cunctæ Creaturæ? Oportet cunctas
hominis potentias perrumpere casûs, eosq; in Deum detrudere,
sic ut quod tenet prosperum vel adversum, non eum attineat,
quod



Ecclef:

omnes homines, ad id conferrem me quàm humillimè; ast
 quod proximè perducit ad Deum, homo possit eligere, oportet
 eum recipere id in charitate eligendo fugam diversitatis, vi-
 busq; collectis viriliter sese vertendo intro in seipsum. Sic debet
 homo servire Domino non juxta suam, sed juxta Dei voluntatem
 in omnibus rebus, foris & intus, operando & non operando.
 Nam quisquis Deum non habet intus in fundo suo, tutus non
 est, sed in periculo versatur tanquàm solitarius juxta scriptum
 dictum: Væ huic, qui solus est, cum cadit, non habet, qui elevetur
 eum. Verè solus autem est homo, qui Deum non habet in
 animâ suâ, & in suo negotio: quisquis autem se benè munivit cum
 Domino nostro, ejus salva est munitio, id est, mensejus; sic
 nullus hostis valeat superare eum.

Q. Quid si homo Deum taliter præsentem trahit in animam
 suam, dic quid inde subsequitur? R. Ejusmodi homo habet
 cunctis rebus cum Deo sufficientiam, omnia quoque sunt hæc
 ei via ad Deum, quatenus sunt bona & suppletiva imparitatis, si-
 deniq; sive locus, sive opera, sive homines. Qui Deum rectè
 in se habet, proficit magis magisque, quin Deus ocyus acquiritur
 sic, quàm in paritate, quamvis natura magis aggravet. In dispa-
 ritate opus est magnâ diligentiam mentisq; conversione ad Deum,
 sit ut studiosè consideret, quale quid sit objectum suum in ope-
 rando, quiescendo, in prospero, in adverso, taliter non est in pa-
 ritate, sed quicquid ibi fit, fit suâ sponte per mortificationem &
 captivationem hominis. In eo disparitatis objecto advertit ho-
 mo quàm optimè, num sit fidelis Servus Dei, quin ejus insuper
 admonetur ibi; hinc si quâ sibi excideret in ipsâ paritate, non diu
 se sic detineat opus est, potiusq; id suæ tenuitati adscribendo se
 rursus in Deum subito vertat profundâ cum humilitate, quò ci-
 tius eò melius, nam brevi futurum est sic, ut sit æqualis. Neq;
 enim consultum est homini, ut suorum defectuum consideratio-
 ni incumbat diutius, qualiter scilicet eò delapsus sit, quid contra
 faciendum fuisset: nam hoc ipsum detinet eum in injustitiâ. Qui
 tutus vult esse, convertat animum ad Deum sine morâ: si dispar
 factus

factus est, quî poterit ad paritatem redire felicius quam in Deo? quomodò potest effugere mortem fidentius, quàm mediante verâ essentiali vitâ, quæ Deus ipse est? Et ubi potest homo magis incallescere, quàm si ad ipsum accedit ignem? ita est in Deo.

Q. Siccinè dicis, omnia esse simpliciter Deo commendanda? R. Tenetur homo cunctas res suas Deo simpliciter imponere, eiq; soli commendare, quoniam sic est futurum, ut Deus ei quam optimè provideat, sed huc requiritur fiducia, ut homo confidenter recipiat omnia tanquàm donum optimum, cum quo contentus sit. Quod si enim homo seipsum in verâ fiduciâ Deo offerret, futurum est certo certius, ut Deus eum intus & extus conservet infinites melius, quàm omnes Creaturæ facere possent, utpotè quod Deus plenus est gratiæ & veritatis, quicquid fiducialiter in eo quæritur, invenitur largius. Et sicut nemo Deum potest amare nimium, sic nec confidere potest nimium, dummodò fiducia & intentio est vera, simplex, & bona: Contrà verò, cum homo non fidet Deo simpliciter, fit etiam, ut eo tempore, quo multa curare & operari præsumit, Deus multoties eum tradat miseriæ, eo fine, ut videat, quousq; proprio suo peringat adjumento.

Q. Priusquàm in hiscè pergas, dignare, quæso, dicere, quid Author noster velit intellectum per paritatem & disparitatem?

R. Per paritatem hîc est intelligendum id, quod vocamus unum idemq;: sicut res quælibet, quæ nobis tractanda est, vel opus quodlibet quod alio plus æstimatur, non habet eam præcellentiam, pretium & æstimationis differentiam intus in mente, quam obtinet in sensu communi, sicut (per exemplum) vinum non præferatur aquæ, lautum epulum buccellæ panis, aurum ferro (quod simplex etiam natura edocet) pretiosum donum ignobili, ingens labor parvo &c. sed ut per omnia transeat mens tanquàm per umbram aut acervum, cujus partium diversitatem, sola noctis caligo tollit reddendo eum identicum. Nam cum nil judicet mens præferendum, dum solum Deum ubiq; quærit, pretium verò rerum notabilem faciat diversitatem, hâc ratione

R

diver-

diversitas ea dicitur menti inæqualitas, imparitas, quam dum ut summum impedimentum præterire, aut negligere satagit, subest hinc ratio paritatis, seu æqualitatis, quasi præter unum præteritum nullum intelligat aliud, nimirum respectu creati seu Creaturæ, cuncta alioquin inclusivè pro pari æstimando sic, ut omnia simul aut seorsim sint menti unum & idem, quæ aliàs naturæ sensuali diversa sunt, convenit ergo hîc naturæ imparitas, diversitas, menti verò paritas, identitas. Hæc obiter.

Q. Dic, ubi docetur, qualiter bona fides, pax & lætitia queat inveniri in cunctis operibus, modis & locis? R. Docetur & invenitur in intimo, hoc est, animo in fundum converso: hoc ipsum autem requirit à principio vacuitatem, tempus & locum, quatenus è vero interni hominis fundo crescit arbor cum ramis & fructibus. Enim verò in vacuitate internâ revelantur homini clarissimè tum viæ & modi ad Deum, tum etiam modi & viæ Dei ad hominem, quæ & tantò veracius cognoscuntur, quanto sunt frequentiores. Hinc ubi homo defectum horum vel in se ipso vel in aliis deprehendit, noscat, hanc viam ideò defecisse, quia nec tempore, loco, & vacuitate usus est eò, nec etiam intus eam viam vefaciter quæsit. Sunt autem nonnulli homines, qui toto vitæ de cursu sub spiritali apparentiâ vixerunt in spontaneis institutis parum curando, num in iisdem institutis Deum reperiant necnè; interim autem falsò putant se vivere in resignatione, quæ opinio est vana, pœnosa incuria, cui perfacile junguntur & alia, quæ Deo locum derogant, impedimenta, sive ipsi sint ejusmodi, sive quævis eorum alia. Quàm impossibile est, ut homo vivat sine animâ, tam impossibile est etiam homini nil intimioris habere quod amet, sive nôrit id, sive ignoret. Sic homo cæco modo progreditur, qui in fructuosè suæ inîtitur apparentiæ aut bonis, quæ facit, operibus non observato fundo suo, sic qualitercunq; putat rectâ se processisse viâ, si tamen sub vitæ exitum in peccato mortali obdormierit, vadit in mortem æternam, quia non ambulavit in viâ, quæ Christus est. Hic enim cum dixit: Ego sum Via, Veritas & Vita: certum est cum, qui non ingre-

ingreditur per hanc viam, esse deceptum. Est autem pergrande nefas & turpitudine, quod, cum tam multa alia cognoscit homo, se ipsum tamen unâ cognoscere non vult. Nemo enim salutem suam ponere debet in aleam dubitationis, si non aliâ saltem summi periculi causâ, nec opinari licet, sed certò scire oportet, quàm Deus sit ei familiaris in corde suo, quàm etiam sit ipse desideriosus versus Deum. Si quâ verò hæc certitudo deest ei, quærenda est inter sanctos & sapientes homines, ita ut eruditus non opinetur, sed certò sciat, qualiter cum eo sit comparatum, quoniam hoc est certissimum, quod quicquid homo hic negligit, in æternum non recuperabit, etiam si omnes sancti, ipsa Mater Dei & cunctæ Creaturæ Deum cruentis lachrymis exorarent, adeò non possent post hanc vitam vel tantillum mercedis essentialis promereri homini, præter id, quod homo ipse apud Deum suo tempore sibi commeruit. Ejus exemplum exhibet S. Scriptura: quoniam quæ præparatæ erant virgines, ibant cum sponso ad nuptias, quæ verò se tunc præparare volebant, his sponsus jurabat in veritate dicens: Non nescio vos. Quid, non noverat eas Dominus? Non sic eas noverat, sicut suos novit familiares, Amicos, qui proximè coram oculis ejus stant, quoniam nimis tardè venerant, idcirco utut pulsabant, non aperiabatur iis. Hinc dicit Augustinus: quod nulla res tam certa sit prout mors, nil tam incertum quàm hora mortis. Hoc ita cum sit, nil mage necessarium est, quàm semper eò paratum esse, ac scire, non opinari: non propter quædam opera solum sumus in hoc tempore, sed propter istam causam, id est, propter essentialiam eam, è quâ manare debent opera sicut ex arbore fructus.

Q. Dic ergò, qualis in tempore debeat esse maxima nostra cura & impendium? R. Eâ, quâ plus virtutum essentialium adipiscendo feramur propius ad perfectionem. Quotusquisque ergò est, qui prius se ipsum probè attritum in animo suo potest supra tempus extollere in voluntatem Dei, totamvè suam vitam ordinare in Dei Amicitiam, eum non diversificant, dis-

pergunt, aut impediunt res, quas tempus hoc habet, aut quæ à tempore accidunt, quatenus per eas tantum merito compellitur ire: Humanus animus, internaq; conversio, quo magis annexa sunt Deo cum sincerâ intentione, hoc magis redditur homo pacatus, æqualis ac ordinatus in suis negotiis insuperq; in bonis suis operibus manet expers confusionis. Nam veracissimum signum probi hominis est, si omnis ejus negotiatio sic instituta est, uti tunc vellet, cum corpus terræ mandatur, fore, ut etiam anima ejus sine morâ sepeliatur in Deitatem imperscrutabilem; siquidem tantum ejus rei causâ sumus in tempore, nullius prætereà: contra qui hoc hîc negligit, neglexit id in æternū, & cujus est inscriptio, ei traditur nummus absq; contradictione. Ut ergo non negligatur hoc oportet, ut quivis homo inspiciat sæpesæpius in fundum suum internum, quotidie diligenter pervestigando, qualis sit ejus inscriptio, quid sit quod eum plurimum solari, exhilarare, movere ac contristari queat, quid ibi sæpius reperiatur, quantus sit amor erga Deum, erga omnia divina, erga Amicos Dei, erga cultum Dei, quomodo animus, voluntas, verba, vita sua sit ad Deum conversa, num plus habet delectationis in proprio commodo, honore, bonis, amicis quam in divinis rebus; deinde etiam, quid majori respectu in eo diligatur, num Deus sit, à quo possidetur ejus animus, cor, anima, quod potissimum est objectum sui desiderii, intrinsecus forinsecus, ejusdem est cum suâ inscriptione, sive tradetur ei sine ullâ contradictione. Quisquis hæc perscrutatur mediante verâ discretionem, acquirit non opinionem, sed veram notitiam ejus, quò ipse pertineat. Verum enim verò in cujus fundo amatur aliud quid, quam solus Deus, aut cujus Deus non est vera causa, sive homo ipse sit, sive aliud quidpiam, quam parvum etiam sit, cum tamen persistat in homine cum voluntate & notitiâ, nunquam Deum anima veraciter accipiet, etiamsi possibile esset homini hætenus fundere tot lachrymas, quot aquæ guttas per grandis habet oceanus, nil planè juvat, quin potius carendum est, quam diu durat æternitas.

Q. Jam video, quæ sint commercia mundi, quàm miseri homines visupollentes aliàs, seipsos excæcant nolendo callidam obtueri (observare) naturam, quæ tam occultè obfessa est à Creaturis, tùm & à se ipsâ, hætenùs ubiq; se ipsam quærens in Deo & Creaturis, dic ergò, amabo, adhuc semel in compendio, quid tibi factu opus videatur? R. Conveniret homini imposte- rum festinare incessanter, cum tempus quod restat sit valdè exiguum, id autem quod Dei est, quàm parvum etiam sit, plus boni habeat in se, quam omne bonum habet, quod hic inferius est. Breviter hinc dico, prospice, circumspice foris intus, Deumq; sincerè intende offerendo ei, cor liberum, vacuum, expers curarum, quò Deus prænobile suum opus qveat exequi.

Q. Quí venit autem, quod Deus Amicos suos tam frequenter subjicit Cruci? R. Immensa Dei charitas & misericordia est ea causa, propter quam Deus electos suos temporaliter cruciat, angit, premit, multisq; occultis modis afficit cavendo, ne quid in tempore diligant nimium, sic enim impeditur Diabolus, ne potestatem in eos unquam obtineat. Quoad modum excruciat Deus etiam unum sic, alium aliter, unum plus minus alio, prout unicuiq; est necessàrium, prout etiam unusquisq; divinæ gratiæ Capax est, & hinc in unaquaq; passione debemus nos æqualiter habere, prout Deus permittit, adhæc non omnibus incidentiis nostris credere debemus, nî habeamus verum divinum testimonium à Deo aut ab Amicis ejus, undè plus pacis obtinetur. Sæpè cum volumus vitare dimidiam tentationem, (passionem), labimur in eam pronâ facie. Ast nisi tam insipientes essemus, sed nosceremus, quantoperè nos minima tortura (passio) religet Deo, quàm magnam æternam vè mercedem pro eâ conquiramus, & quàm citò Diabolum abigat, ne potestatem in nos habeat, procul dubio properaremus cruci in occursum, gratias iis, qui nos unâ premerent, agendo atq; ad viam eorum præ gaudio nos reflectendo, quo multas cruces invenire, ac portare valeamus ad exemplum S. Apostoli Andreæ, qui supra modum lætabatur in cruce, quàm tam ardenti charitate

ea propter desiderabat, ut suo cum Deo ac Domino aliquam paritatem haberet, qui crucifixus est propter nos. O quàm immensam gratiam possemus lucrari in tam brevi recessu, dummodò nos liberè ac hilariter divinæ voluntati subjiceremus: siquidem qualiscunq; passio tam fructuosa est, ut hominem suo similem, faciat creatori, & hujus ratione Deus non frustratur Amicos suos passione, quin antequàm Electos suos fineret impræparatos, crearet passionem ex nihilo, aut subjiceret eos irrationalibus sceleratis creaturis, quo ab iisdem exercitati præparentur. Nos autem hujusmodi fructuosis Dei donis hodie dum planè indigni sumus ac incapaces, quia incurii, ut qui iisdem quotiescunq; fieri potest, refragamur, sufferre nolentes correptionem aliorum, quàm aliàs premimur & exercemur; quin potius fieri solet, ut quamprimùm adest, qui increpat, ut canis æstro percitus oblatramus subito, adductâ verbosâ excusatione aut ad minimum intentionali, summatim sive justî sive injusti sumus, vetamus supprimi. O quàm adhuc indomita, tetrica est & nondum mortificata nostra natura! O quàm insipientes sumus adhuc, qui potius nos omnis penè passionis indignos, omnisq; pressuræ indigos reputare deberemus, adeoq; semper hæc magna Dei dona acceptare humili gratiarum actione silentiosâ sub patientiâ, uti B. Job fecit, quin etiam videri nobis posset, quasi nostro merito sit sustinenda qualiscunq; afflictio & injuriâ, quâ quis pro arbitrato nos posset afficere; nam sic perveniremus non solum ad veram pacem, verum etiam excitaremus proximum ad virtuosam vitam, & hoc ipsum tùm Deo acceptius esset, tùm nobis utilius, quàm cuncta externa affectata exercitia, quæ suâ sponte seu pro arbitrio nostro facere possumus.

Q. Quomodò possunt rudes ac ignari facere talia, quos nemo docet, qualiter dî scernere debeant? **R.** Tamen omnes Doctores defuncti essent, omnes libri combusti, sufficientem tamen doctrinam & discretionem invenimus in exemplo, imagine, speculo & vitâ Domini nostri Jesu Christi. Hic est liber, qui docet omnem modum nobis necessarium, dummodò is sedulò per-

pervolvatur; in eo invenimus, qualiter Christus nobis prævit in silentiosâ patientiâ, in mansuetudine, in adversitate, & tentatione à spiritu maligno, in resignatione, contemptu, paupertate, inq; omnis generis acerbâ passione & cruciatu, sic ut dicendum sit, si nos frequenter in salutari & fructuoso hoc speculo contue-remur, futurum esse, ut longè hilarius ac viriliter sustineamus omnem adversitatem & afflictionem, nec minus tentationibus & incidentiis undecunq; obviantibus longè efficacius resistamus, ut taceam labores, qui longè facilius sic perferuntur, ut & à visu & auditu percepta, quæ sic in bonam partem vertuntur. Nam si ad eximiè fructuosam pacem cupimus pervenire in Deo, naturâ & adversus mundum necessum est, summo studio discamus prius omnia benè vertere, ac perferre in mansuetudine, quosvis scilicet hominum mores, modosvè, quibus hætenùs urgemur, comprimimur, & excellemur sic, ut hi charitatis modi, ac mores sæpenumerò gignant tædium, aut displicentiam, hinc nostro insensu videtur nobis per sæpè, quod unus nimium, alter minimum loquitur, iste nimis Zelosus est, ille valdè clemens &c. & quæ sic vario atq; occulto modo incidunt nobis Critiria, sunt multiplicia, quibus tamen locus forti resistantiâ disputandus est, & si quâ habitus causâ, infirmitatis nondum acquisitus sit, ita ut firmiter in corde teneatur, ad minimum tamen potenter est resistendum, eruptioni verborum, ne quem corripiamus, judicemus, deq; vitâ modovè alicujus clam vel palàm nimium obloquamur, qualitercunq; videamur urgeri, quoniam sine dubio sic promeremur plurimum, præter id quod fracto obice longè facilius reddimur pacifici, mansueti, & patientes. Et hoc ipsum edoctum est per id, quod Dominus noster proditori Judæ, cunctisq; inimicis suis tam benignè (mansuetè) locum juxtà se concedebat charitate iis magnâ exhibitâ, cum tamen eorum odium ac perfidiam, quam exactè pernoscebat, tanquàm expers culpæ & peccati potuisset reprehendere. In tempore hoc nemo, qui se considerat penitus, tam est perfectus, ut in seipso non inveniat defectus quos deponat, hinc autem nec jus nec ansam habet carpendi
alios.

alios. **Q**ui aliorum defectûs videt, discat indè necessum est suos noscendo deponere, quapropter rogat Author noster omnes bonos homines, ut ejus doctrinæ velint attendere, quam dicit se didicisse ex libro priorum suorum defectuum, eo scilicet fine, ut blandâ hâc monitione cautiore redditi ad circumspeditionem excitentur. Est namq; impossibile, ut quis tentationibus potenter resistat ac veritatem simpliciter cognoscat, qui non secum sedulò habitat, hoc est animo recollecto in fundo sincero, veraq; humilitate: ideò paupertas voluntaria & unio cum Deo prævalet cunctis totius mundi thesauris.

Q. Suntne Amicorum Dei multi vel pauci? **R.** Quamquam S. Paulus nos omnes perfectos cupiat, eoq; nil intermittat doctrinæ, quâ mediante feramur ad perfectionem, per pauci tamen sunt homines adeò perfecti, ut mereant vocari Amici seu intimi Domini nostri; imò tam rari sunt, ut nec à nobis unquam cognoscantur, cum sic futurum esset, ut conversando cum iisdè obsequeremur eorum suavis, sicq; unâ cum illis pertraheremur in Dei Amicitiam. Hi namq; sunt absconditi Amici Dei precibus suis fulcientes Ecclesiam: compatiuntur peccatoribus ad subeundam pro iis mortem semper paratissimi; aliàs arctissimè Domino nostro adhærent, hinc gratia quæ è Vulneribus Christi in eos dimanat, ab iis rursus in eum remeat. Exindè innotescit causa, propter quam Deus semper exaudit eosdem. Enimverò cum gratia Dei cogat eos facere voluntatem Dei, hoc est, exorare Deum, sequitur eos hætenus cogere Deum ut eos exaudiat: hæc ratio est fluxus & refluxus gratiæ divinæ. Exuberans gratia (quæ olim nondum sic abundare volebat) tempore Evangelii perfundit corda fidelium puriora, eaq; amore suo cogit adhærere sibi, quapropter & ipse Deus cogitur ab illis. Dolenda autem & iterum dolenda est Amicorum Dei raritas, ut potè quam ex tam corrupto mundi statu colligere licet, cum sentiamus Deum tam esse remotum à nobis, ac si defecissent preces validæ quibus flectatur ad propitiationem. Quod si Deus parcere volebat Sodomitis, si decem animæ justæ fuissent inter eos inventæ,

inventæ, quot erunt Amici Dei, quorum preces toti nunc mundo subveniunt, quot electi quorum causâ Deus abbreviat tempora? Hoc quidem nimis certum est, eos non cognosci à dissimilibus, quia tantum à similibus, nam sanctitas eorum est invisibilis, & hætenus humano obtutui æq; abscondita atq; vena fodinæ aurea. Qui rebus temporalibus ac inventionibus modalibus deditus est, contrarius est hisce Dei Amicis, qui ergo cognosceret eos, quorum animus evacuatus, informis, silens, clarus, tranquillus, non nisi Vulneribus Christi appensus est? Modales hi non sunt, eo q; nec amantes non confessum, quapropter sunt omnium nobilissimi & venerabiles homines, non obstante, quod ab aliis quos formâ externa & verborum decipit, judicentur, aut contemnantur. Cum sapientia non hinc vel inde, sed tantum è passione Domini eruatur, sequitur hujusmodi homines ibidem inventos per eandem sapientiam tantum cognosci. Cum etiam quam utile sit Christianis cognoscere eos, quorum ad exemplum componantur & ipsi, hinc paucis hinc adjungenda sunt signa, quibus internoscantur ab aliis adverso Characterè signatis. Sunt enim Amici Dei

1. Cruciati validâ compassione erga eos, quos vident in peccatis defixos, olim se verè judicandos, nî resipiscant.
2. Observant Deum præsentem tam in minimo, quam in maximo, nec amplius eos cura inordinata rerum præteritarum aut futurarum mutat in diversum.
3. Quamvis non habeant legem, cui obligentur, nihilominus diuturnâ sui mortificatione, quæ vires solvit, debilitantur, & exiccantur; attamen ex amore & resignatione spontaneâ longè humiliter expediunt opera, quæ alii coactè seu causâ mandati ecclesiastici perficiunt.
4. Externè plus minus sunt exercitio Ecclesiæ dediti, id est, juxta capacitatem, majus tamen eorum opus est interna Dei observatio & evacuatio spiritûs.
5. Conversantur cum hominibus constrictis sensibus sive absq;

Idearum receptione, compatiuntur quoq; iisdem absq; sollicitudine, amant eos absq; adhæsione.

6. Confessio eorum longè nobilior est, quia fit ex amore, si culpa desit.

7. Orantes perrumpunt sensûs, diligenter observando, si quâ seipsos fortè per medium quæsierint, hinc à virtute divinâ erudiuntur facile, quod Deus quem adorant, sit vita & causa efficiens in illis.

8. Edunt, bibunt, dormiunt &c. externè, utendo Dei donis ad gloriam Dei & ad necessitatem eorum, internè autem jejunant.

9. Sensus habent quietos, ceremoniis & superfluitate sermonis carent inter se simpliciter conversantur, atq; concorditer fantentur opera ex illis ipsis manare sine illis.

Q. Ast si modales actiones exercent, quî possunt verè vocari evacuati, informes, modisq; carentes? R. Et perfectissimos homines per intervalla humanum quid pati indubium est, idq; tam ex se, quia homines sunt, quàm propter alios, quos non offendere, sed per Exemplum erudire oportet, & sic externè modos & exercitia usurpant unus quidem plus minus altero, tum etiam longiori vel breviori temporis intervallo, & hoc respectu sunt inter se diversi pro accidentium disparitate, quamvis in fundamento interno sint sibi pares, hætenus formis modisq; carentes. Eo igitur tempore, quo istiusmodi homines immorantur sibi ipsis, durat arbitratus eorum: ast eo temporis tractu, quo à seipsis in Deum transeunt, perit omne arbitrium, omnis attributio, quia sola tunc illis est veritatis apprehensio. Cæterum cum alibi dictum sit aliquid de inconstantia perfectionis, ea certè hîc etiam considerata venit; siquidem ea est vicissitudo mortalis, ut nil sub sole sit stabile, quantò minus perfectio in homine corruptibili, & multum imperfecto, cujus vel sola positio tantò est mirabilior, quantò per gratiam alternatim diuturnior. Qui ratione vicissitudinis utuntur ad subversionem perfectionis finitæ & transitoria, & dicunt, quicquid per vices alternat, esse instabile eoq; imperfectum, imperfectum autem non posse dici perfe-

perfectum, hi negligunt etiam rationem perfectionis plus minus absolutæ, eoq; recidunt à superlativo gradu ad positivum oppresso comparativo, fortè ideo quod vident, ad eam non posse pertingi nisi mediante vitâ sincerâ, oblatione humili & desiderio ferventi, sed talia nolunt degustare pharmaca. Hujusmodi homines non nisi res curant inutiles, hætenus liberam inversionem, & adunationem Dei (quam homines perfecti conservant) negligunt maximo eorum damno. Enimverò cum nota scriptura N. T. velit ut præparemur Deo in permanentem, vivam & acceptabilem hostiam (oblationem) sequitur nil eos proficere, qui in proprietate suâ se Deo subducunt, atq; impediunt, quo minus liberâ inversione dignè & integrè ad gloriam Dei sese offerre valeant, tametsi etiam totius S. Scripturæ sensum assequuti suâ doctrinâ alios ad Cælum perducere possent, nam bonum internum Spirituale per negligentiam amiserunt irreparabili damno eorum.

Q. Quænam est brevior (propinquior) via, quâ ambulandum est ei, qui Deo servire studet? R. Propinquior Deo serviendi via consistit in modis duobus, quorum prior est, cum quis in vulgari bonâ exercitatione ducit vitam, puta in obedientiâ, pauperare, castitate, aliisq; consuetudinibus, quarum Christus consiliam dedit in Evangelio, procul dubio eum in finem, quo homo externus redigatur in obsequium ac in virtutibus progrediatur: posterior modus est, quo quis exercet se in passione Domini nostri Jesu Christi, utpotè cum eam imitatur, quotidie meditatur, & in omnibus punctis vitam suam eidem comparat sive pro virili applicat, causas vel maxime observando, quas Deus ei mittit ideo, ut Christum imitatus taliter se totum Deo committat. Sic autem est advertendum quod soleat fieri, ut homo deprehendat, quàm Deus misericordiâ motus homini semper tales suggerat causas, quibus mediantibus ascendat sublimius, Christoq; fiat similis in passione, & actione. Adhæc necessum est, ut oculo mentis obtueatur cunctas suas actiones, quæ vergant ad gloriam Dei, suasq; sensus sic subigat, ut charitas mundi quan-

toctus exstinguatur in eo. Haftenus passio Christi comparari potest Margaritæ, quam homo pius custodire tenetur. Custoditur autem, cum homo quotidie meditatur totam dominicam passionem incipiendo à Coenâ Domini, & sic pergendo ad usq; Resurrectionem ejus; ast quomodo quis hanc acquirat Margaritam quæstio est? R. Oportet emere eam pretio omnis possessionis, adeptionis, operationum, gratitudinis, & desiderii: Annon sic facile possent vinci malignæ phantasie species (cogitationes) & prava naturæ concupiscentia? Imo sic facile potest homo pertingere ad sinceram defectuum suorum confessionem, & ad profundam dehinc humilitatem, & sic porrò fit facilis progressus ad compassionem ergà Dominum nostrum, & ergà cunctos homines in verâ charitate: contra qui se non vertit ad hoc, ut plurimum in hæret externo exercitio, nec discit intus cognoscere se, & etiamsi ab externis operibus plurimum defatigaretur, nil tamen inde suavitatis internæ obtinebit, nî se simul intrò vertat studiosè.

Q. Qualem reportant fructum, qui margaritam passionis Christi custodiunt? R. Acquirunt gratiam & animum se Deo offerendi in omni passione, quin etiam Deo fidendi in simplicitate. Deus autem regit insuper eos curam eorum gerendo, & quod homo hinc veram discit resignationem, datur Deo locus liberandi eum à suis defectibus. Hæc est charitas, quâ Deus nititur abstrahere hominem à creaturarum cupidine, homo quoq; sic incipit discere, qualiter rectè in rebus agendis & intermittendis discernat, hinc fidit Deo in hoc, quod intelligit quàm nihil de se tenere debeat, nec sibi sed gratiæ Dei tantum insistere. Fidenter autem credit se non deceptum iri, sicut aliàs decipiuntur, qui propriæ firmitati non cedunt, nec Deus desistit augere gratiam, cujus ergò fit, ut noscant discernere inter gratiam Dei, & inter sensibilem commotionem.

Q. Jam video, quid velis, nimirum, quod servitium Dei in respectu Dei debeat esse perfectum, eò quod in respectu humano servitium Dei valde imperfectum est & vix servitii divini nomi-



quâ discunt progressum in virtutibus. Orant futurum, ut Deus cum iis faciat juxta voluntatem suam eo fine, ut gloria ejus hîc & in æternum perficiatur in illis. Huc accedunt, qui Christi passionem rectè exercent, hoc est, ad finem consimilem, in quo constanter persistant: hi sunt exemplum, quod requisivisti, cape & fac cum illis comparisonem, quos vanos appellavi.

Q. Cùm admodum pauci perveniunt ad summum, dic unde proveniat hoc? R. Indè, quod saltem immorantur externæ activitati, neq; ad Deum purè se intus convertunt. Taliter in vitæ curriculo sunt homines sibi invicem valdè dissimiles, ex tali autem fundo procedit omne, quod unus non potest esse contentus sine externo labore sineq; interno exercitio, alteri verò sufficit tantùm externum servitium, quia propter hæc pretiosa margarita non datur iis uno, eodemq; modo, sed valdè dissimili, & indè fit, ut dum se comportare nesciunt, se invicem affligant.

Q. Quid si id faciunt ex ignorantia? R. Istiusmodi eorum cæcitas est patienter perferenda. Quin & haud rarò fieri assolet, quod Deus per similes homines plures alios doceat, & vocet ad veram viam, dummodò sufficienter intus in se diverterunt: nam constat, eos ipsos qui non satis deseruerunt se, antequàm introierunt, aut etiam qui nondum rectè introversi sunt, labi in plures errores priusquàm id pernoscant, facile enim inveniunt quod est naturæ conveniens & sensibus acceptum, hinc carent progressu spirituali. Deus autem, tametsi servitium eorum sensualiter perfert, non tamen per id vult sibi satisfactum, quoniam eximii fructûs omnes (de quibus antè dictum est) manent suppressi in iisdem æq; atq; in aliis qui poterant per eos corrigi, si primâ viâ devotionis sensualis relictâ se introvertissent. Igitur quod in servitio sensuali semper hæserunt, manent in fructuosi. Est autem necesse, ut homo se submittat divinæ voluntati, quantum potest, nimirum ut taliter glorificet Deum multosq; emendet homines, qui suis peccatis Deum irritant, aliosvè ad peccandum incitant.

Quod autem hujus Margaritæ fructum attinet, cum edoctum
nunc

nunc est, ab initio esse situm in suavitate, in perceptione, in charitate & exercitio; attamen à suavitate declinandum iterum est ad amaritudinem, resignationem & passionem ex charitate, quia quò magis homo resignat suæ voluntati & voluptati, hoc magis liberatur à laqueo Diaboli, à tentatione injuriæ temporalis & ab inferno. Cum gratia Dei adest homini, non faciliè labitur in peccata, nisi se volenter ad ea convertat, quod quidem non faciliè fit. Ast uti prior via devotionis requirit opera virtuosa in suavitate; ita posterior requirit opera virtuosa in duro labore, morfu conscientiae, dirisq; plagis, quæ sustinendæ sunt in patientiâ, in verâ fide & fiducia in Dei adjutorium. Et si quâ videretur homini, se derelinqui à Deo, nihilominus in firmâ spe persistere debet Deoq; fidere in omni, quod facit secum in tempore, & æternitate. Nostin igitur, quid subsequatur meditationem passionis dominicæ, quâ & ultimatim pertendit homo ad sublimiorem perfectionem factus cum Deo unus Spiritus?

C A P. VII.

De spirituali sive internâ, sanctâ vitâ.

Q. Cum veri Dei Amici non saltem sequantur vitam Christi externè, sed etiam internè in Spiritu, quo ipso vel maximè Laus Dei celebratur, de hoc quæ tua sit sententia ediffere? **R.** Laus atq; veneratio Jesu Christi augetur per verè spirituales sanctam vitam, quæ claruit in sanctis confessoribus.

Q. In quo consistit sancta vita? **R.** Consistit ea non solum in externo virtuosæ vitæ exemplari, verum etiam in cordis, sensuum animiq; verâ resignatione, in puro fundo mortificatæ sensualitatis, ut homo soli Deo sincerè serviendo semper complacet

Joh: ceat ei. Johannes Trithemius in epistolâ ad Capellarium, ad
Triche: illud Levit: Sancti estote, quia & ego sanctus sum &c. sic scribit:
in c. 12. Quid sanctitas esse putanda sit, Dionysius Areopag: de divinis
 nominibus non tacuit: Sanctitas, inquit, est, ut secundum nos
 loquamur, omni scelere libera, perfectaq; & penitus in coinqui-
 nata munditia. Deus noster Sanctus est, nos autem peccatores
 & immundi. Cùm ergo inter dissimilia non fiat unio, quomo-
 dō inter Deum & nos concordia fiet? Audiamus divinum Do-
 ctorem Augustinum: Nullus, inquit, sanctus & justus caret pec-
 cato, nec tamen ex hoc definit esse justus vel sanctus, cùm affe-
 ctu teneat sanctitatem. Dicit enim scriptura: septies in die ca-
 dit justus & resurget, impii autem corruent in malum. Si cadit,
 inquit Hieronymus, quomodō justus? Si justus, quomodō ca-
 dit? sed justus vocabulum non amittit, qui per pœnitentiam sem-
 per resurgit. Et non solum septies, sed etiam septuagies septi-
 es delinquenti, si convertatur ad pœnitentiam, peccata condo-
 nantur. Et quamvis nemo fiat sanctus viribus suis, cùm non
 sit volentis neq; currentis, sed Dei misipientis, voluntas tamen
 nostra bona ad nostri sanctificationem necessariō requiritur, ut
 Dei gratia in nobis sanctitatem operetur. Hæc ille

Q. In quo recedunt à vitâ sanctâ, qvi non vivunt sanctè, attamen videri volunt sancti? **R.** Moderno tempore non desunt, qui speciem præferunt sanctam & spirituales videri volunt, in hoc autem recedunt ab eâ viâ, quod sibi ipsis in rebus malè ordinatis vim inferunt mediante exercitio vehementi, quo ipso sperant se immutari per gratiam in tales, quales non sunt de naturâ. Consistit eorum exercitium in jejuniis, vigiliis, orationibus, in frequentiori Sacramenti usu, in meditatione venerabilis passionis Christi, in operibus misericordiæ, eleemosynis, aliisq; quæ in se quâ talia sunt valdè bona; nihilominus ab omnibus his proficiunt nihil, quin potius sine Deo suas atterunt vires, & sine animæ promotione, insuper ob falsam eorum intentionem in animæ periculum incurrunt. Quod autem sic cum illis comparatum sit, exim cognoscere licet: Convertunt se ad seipsos, non

non cognoscendo se ipsos, deficiunt inde unde proficere debent, siquidem putant se magnum quid esse, cum nihil sint, putant se Deum quærere cum id non faciant. Quoniam autem sic semper vivunt, hoc est, juxta proprium desiderium & phantasiam, unde erumpit arbitrium sensuale, hinc nequeunt ullum fructum capere e cunctis suis operibus. Quid quod sic consenescent, tanto magis fiunt impatientes ac negligentes defectuum in verbis & factis commissorum, qualiter & hi se gerunt, qui se jam credunt sublimatos.

Q. Unde hoc oritur in iis? R. E naturali concupiscentiâ & inordinato eorum desiderio. E.g. Cum surgit in iis appetitus faciendi bona opera, sæpenumero componunt se eo etiam excessivo modo ultra vires suas, volendo nunc facere hoc, mox aliud, & quasi unum promoveat, alterum impediat, incaute se vertunt ab uno exercitio ad alterum; interea putant hæc omnia servire illis intus, dummodo hinc sentiant quandam delectationem & complacentiam in sensibus, sicut e contra putant minus inservire id, quod non delectat intus sensibiliter; hinc sunt instabiles, mutabiles, tanquam quibus nulla diu placet exercitatio, adeoque; quamdiu taliter decurrunt, nihilominus non adipiscuntur verum fundum. Nam quò se quis applicat modo tam inepto (quam bona sit intentio) decipitur, idcirco frustra hi putant se Deum solum intendere. Ecquis nostrum est, qui cupiat servire Diabolo? Neminem reor esse qui cupiat hoc, nullus eam intentionem habet, dominium Diaboli nequaquam acceptamus, ast nihilominus voluntatem ejus adimplemus. Quamdiu animus est nobis servire Deo solum externis Operibus sine merâ ad Deum intentione, nondum incepta est servitus Dei, quæ talis est in veritate cum rectâ devotione.

Q. Dic ergo, in quo consistat, & non consistat verum fundamentum perfectæ vitæ Christianæ? R. Non consistit in solo externo exercitio, quatenus hoc solum est ejus adminiculum, sed consistit unâ in bonis internis operibus (quibus vel maxime opus est) horum ope fit, ut devitentur peccata, virtutes quoque; vi-

cissim generentur. Ut autem id velut per exemplum magis clarum reddatur, dignum consideratu est, quod passim obviam venit, nimirum: inveniuntur homines, qui corpus castigant jejuniis, Eleemosynis, aliisque exercitiis, quæ procul dubio sunt bona, nihilominus tamen non sunt conversi ad Deum cum verâ charitate, neque observant eorum fundum internum, ut à peccatis id repurgetur, quatenus manent iracundi, invidi, superbi, detractores, gloriæ cupidi &c. hoc est, implexi laqueis maligni spiritus. Se ipsos hi omnes decipiunt, eò quod putant, solummodo se propter opera externa justificatos salvari, id quod in æternum nequit fieri, cum Deus cor unum desideret. Tales possunt comparari simulachris, quæ aurea foris apparent, intus verò sunt lignum aut lapis. Christus autem comparat eos sepulchris mortuorum, quæ pulchra sunt extus, intus verò plena vermibus & ossibus. Ità dicendum est non satis esse, si quis jejunat, orat, aut alia bona opera per agit, cum sit necesse insuper & animum repurgatum esse à malitiâ. Rarò hoc tempore inveniuntur, qui vivant juxta quam decet & par est, nihilominus non est tam impossibile, ut aliquis vivat rectè, dummodo quædam adhibeatur industria, in qua totum consistit; verum tamen id in quo situm est omne, nemo cupit impendere, & in quo nihil consistit, eo mediante sperant salutem acquirere, cum nihilominus in eo sit grandis labor, magna molestia, quatenus Deum diutius querunt & non inveniunt, quem alias invenire deberent. Id omne autem provenit à defectibus, eò quod in se ipsis sunt nimis crassi, incapaces & inepti, dum ad impossibiles res se vertendo nolunt facere, quod sine impedimento facere possunt, averso inde & desiderio & charitate, adhuc habere cupiunt, quod impossibile est, applicando animum ad id, quod gratum illis est cum desiderio inordinato, maxime juxta commotionem externi hominis, tunc causam conjiciunt in id, quod nesciant, quid sit agendum vel intermittendum. Verum hæc excusatio est calva, cum tantum absit, ut nesciant, quod potius quam optimè noscant, dummodo in viâ veritatis ac justitiæ se rectè continerent. Non enim ex
igno-

ignorantiâ quam prætexunt, profluunt ea omnia, alioquin eorum conscientia non accusaret eos de negligentia, comprimis si facerent, quod sciunt & intelligunt id sive multum sit sive paucum, cum Deus ipse non plus requirat ab iis, quam quod aut revelavit, aut cognoscendum dedit iis.

Q. Dic, quæso, ultimatim, quid faciendum sit homini, qui cupit evadere in alium virum per gratiam, quam quod est per naturam? R. Oportet eum omnem impendere operam, quo Deum ex intimo suo corde quærat, intendat & diligat, seipsum verò nullo modo. Hæc est justitiâ, veraq; devotio, quæ attinet cunctos Christianos.

Q. Quid est hoc loco vera devotio? R. Nonnulli putant eam esse dulce desiderium, ast quamvis non nunquam ita sit, non tamen semper est sic, quin talis dulcedo quandoq; est de naturâ, & hinc tot homines errando decipiuntur. Est quidem vera devotio nil nisi voluntaria animi inflexio, seu submissio ad cultum Dei: ad veram verò spiritualitatem pertinet id, ut homo ad minimum semel interdum vel noctu in seipsum redeat serio pervestigatum suas cogitationes, verba, facta, totamq; vitam, quo discat suos cognoscere defectus. Nam ferè semper reperiet aliquid, qualecunq; etiam sit, quod cum ablatum vult, oportet id noscere prius, dehinc sequitur dolor, & pœnitudo super defectus cognitos. Tenetur ergo homo omnem impendere diligentiam eò, ut vitam antiquam deponendo vitia in se mortificet, mandata Dei custodiat, suæq; conscientiae testimonio satis faciat. In primis inserviet huc promotio dependens à bono exercitio, cujus sunt vigiliæ, jejunia, orationes, lectiones &c. & quanquam hæc omnia non sint ipsa vera spiritualitas & pietas, nihilominus sunt tanquam fulcimentum atq; conductus ad eam. Sic quoq; futurum est, ut Dominus misertus ejusdem obfirmet in eo veram pietatem, quam nullo unquam conatu sibi comparare poterat, hoc est, ut eum expurget à peccatorum radice, quò possit imposterum totâ suâ vitâ servire Deo cum corde puro & conscientia innocente.

Q. Quid porro debet facere homo, qui juxta Spiritum vult vivere? **R.** Is vivit juxta Spiritum, & induit novum hominem, qui juxta Deum formatus est, qui viriliter atq; constanter avertit se ab omnibus peccaminosis defectibus, simul etiam ab omni malè ordinato desiderio Creaturarum, & hoc est unum, alterum est, si animam quoq; cum omnibus potentiis convertit ad Deum mediante crebrâ oratione, virtuali discretionem & assiduo exercitio corpus subjugandi Spiritui. Nam homo spiritualis non verbis, sed innumerabilibus exercitationibus præparatur quò talis evadat, & tametsi multi fidem in ore habeant, non tamen habent eam in corde radicatam, utpotè quod fides non nisi in corde purgato, præparato seu benè exercitato obfirmatur. Cum omnium absolutissima fides ea sit, quâ homo fiduciam suam in Deum solum ponit, atq; (quod probè notandum) Deum suum constanter ac patienter expectat, id certè non reperimus nisi in homine multum exercitato, nugatores autem sibi arroganter adscribunt eam patientiam, qui potius malitiam aut inconstantiam suam accusare debebant, cum fides eorum verbalis tantum & absq; charitate sit. Is autem Deum veraciter amat, qui solum Deum novit, cætera cuncta nescit, adeoq; huic mortalitati emoritur & vivit æternitati. Is verè amat, qui Deum Deiq; regnum desiderat, qui averfando res caducas, externos suos sensus refrænare, internos relaxare, cunctas verò suas vires ad Deum potest convertere in Christo Domino nostro.

Q. Ast quid solet aliàs facere homo internus? **R.** Solet is collecto animo divertere in seipsum exclusis cunctis rebus sensibilibus, ibidem etiam solet cœlesti Patri offerre dilectum ejus filiū cum omnibus verbis, factis, passione & merito ejusdem pro omni eo quod desiderat & intendit, quò simul devotè trahit omnes homines, peccatores & oppressos, per id autem imitatur Sacerdotes, quod habet ignem devotionis & charitatis rogans Patrem ut faciat secum juxta voluntatem suam.

Q. Quod si quis se admodum hunc internū vertit, a non intercidunt subsequenter Ideæ passionis dominicæ? **R.** Non! sed hoc adverte

adverte notanter : In fundum, ubi gratia verè connascitur est divertendum, quia sic irruit una splendor quidam seu repræsentatio passionis & vitæ dominicæ per modum perceptivæ charitatis, & simplicis visionis, ac si præ oculis omnia sisterentur. Hoc ita Patri oblatum non juxta excogitatam diversitatem, sed per eum modum, quo quis obtutu unico aspicit multos tanquam unam personam, longè est utilius, quàm si quis mensibus aliquot persisteret in Cogitatione diversitatis. Interim sollicitus est de aggregatione sanctarum virtutum, puta humilitatis, mansuetudinis, patientiæ, modestiæ &c. quas qui non habet, aut non aggregat in supremo, medio vel in fimo gradu, ejus vita nil valet. Sub istiusmodi aggregatione nascitur accensio charitatis tanquam in ritione, undè fumus seu obscuratio, in quâ rapitur Spiritus hominis pauculum ad rationis & sensuum privationem usq; . Sub hac obscuritate alloquitur Deus hominem, & promittitur generatio multis exhilarans modis.

Q. Cum autem & ficti interni reperiantur homines, qui mundum decipiunt, qualiter à candidis queant discerni hoc loco exponito ? R. Accedunt prudentes ficti cum naturali eorum lumine in fundo suo vacuo & informi, ibidem possident lumen naturale tam propriè, ac si Deus ipse esset, quod tamen aliud nil est quàm nuda natura. In hoc majori afficiuntur delectatione, quàm ullâ sensibili voluptate ; posteaquàm autem id sibi proprium fecerunt, fiunt omnium pessimi, ac noxii homines. Signa quibus dignoscuntur, sunt ista : Non ambulârunt per viam virtutum, neq; per exercitia quæ requiruntur ad vitam sanctam, & ad mortificationem vitiorum, quia non curaverunt ea, eò quod suam falsam vacuitatem dilexerunt, quam tamen non actuali charitate foris & intus quæsierunt, cum & Ideas immature nimis deseruerunt. Hinc allicit eos Diabolus ad falsam suavitatem, & falso lumine insuper seducit, ut pereant in sempiternum ; sic quò naturam eorum proclivem invenit sive ad lasciviam, avaritiam sive ad superbiam, eò pertrahit eos malignus spiritus, ipsi verò ab interno sensu pariter ac lumine, quod eis diabolus

bolus obtendit, decepti ajunt, quod id veraciter Deus sit, & curant nequis id adimat, sed potius ut tanquam suum proprium id possidere queant. Verùm dehinc labuntur porro in falsam libertatem, ut solum naturæ ductam sequantur: hi autem sunt fugiendi magis quam ipse diabolus, quatenus externis suis modis tam similes sunt bonis hominibus, ut vix ab iis possint dignosci. Nihilominus discernuntur in hoc, quod boni homines ambulârunt per viam Virtutum, hoc est, humilitatis, timoris, resignationis, mansuetudinis &c. quod etiam semper vivunt in magno timore, nec audent confidere in quoquâ, adhæc sub quâlibet pressurâ & calamitate desiderant divinum auxilium; contrâ quàm faciunt spiritûs libertini, qui sunt audaces, petulantes ac pugnaces, qui cum tanguntur statim in Choleram rapiuntur contententes, superbiam ostendentes, quia contemptum pati nolentes. Ideò quàm mirè mutata videbuntur olim, quæ nunc tam pulchra apparent, ubi quò se vertant nec locus nec tempus erit, sed sempiterna permanens in igne torrente.

Cæterum nemo habet, quod interroget, qualiter sit secum comparatum, cum ex præfatis appareat differentia, unde quivis dijudicare potest, num ipse rectâ viâ ambulaverit necnè. Si quis autem est, qui securam hanc virtutum viam pertransivit, huic facile patebit, num eas habeat in infimo, medio aut supremo gradu. Enim verò cum talis generatio sit, tam ingens existit gaudium in Spiritu, ut dici nequeat; attamen hoc ipsum non est impediendum ullâ denunciatione, cum Deo sit committendum: non consulendi sunt Doctores imprudentes, ne quâ futurum, ut malè consulendo excursionem causentur, unde frustra regressum expectent. Se ipsos ergò observent necessum est, cum tam sit ingens gaudium, ut etiam intus effervescat sicut mustum in vasis: præstat quoq; erumpere, ne natura reddatur infirmior. Hoc quidem adhuc longè distat à gradu supremo, cum sensibilitatem nondum excedat, secus aliâ longè viâ ducitur is, in quo hæc generatio nasci debet in gradu supremo, & comparative terminantur gradus, bonus scilicet, melior, optimus. Ad sum-



persistere. Nam quod hîc sunt in tempore, est longè utilius quàm quod sunt cuncta totius mundi facta. Sunt enim hi, de
 Zach: 1. quibus dicit Dominus : qui tangit vos, tangit pupillam oculi mei.

Quod Author noster hîc triplicem ponit gradum, & quidem in positivo collocat lætitiā, in superlativo verò tristitiā sive contrariam affectionem, id puto posse exactius intelligi, si consideramus, quod mens in positivo gradu agit quidem quod suum est, sed tantum sic, ut eo ipso etiam sensitiva alliciatur tanquàm affecta beneficio, quatenus ea sibi species creditas unā promittit memoriā, & fingit quædam alia, quæ simul actu rationis discernit, eligit, & ad placitum sibi accommodat : id ergo omne, quod excessivè bonum est, & hætenus ceu proprium de futuro obijci-tur sensitivæ, facit, ut totus homo ad tempus rapiatur in lætitiā ferè fanaticā. Ast quod habet conjunctam specierum operationem, non est perfectum, eoq; non ad superlativum, sed tantum ad positivum gradum referendum, hæc est sententia Authoris. Alterum autem sic poterit intelligi, dum scilicet consideramus, qualiter mens sola agit, vel patitur sine sociâ sensitivâ, utpotè quod non habendo affectionem ullam quia nec speciem, manet in passione privationis, quæ est via obscura, tristis & angusta, hinc observamus corpus anxietatem ingentem pati, quoniam autem & ratio hîc nihil comprehendit, sed potius sub magnâ Idearum perturbatione fluctuat, subsequitur tristitia, confusio, imò & si ob fastidium imaginatio irritatur, consurgit ratio in adversum, tentando mentem ; hæc sanè desertio & afflictio, si Deus unā deserit mentem, est omnium maxima, horribilissima, idcirco verè dici potest, quod qui ad hanc pervenerunt passionis viam sibi relictī ferantur ad gradum tertium, supremum scilicet, de quo præfata noster Author protulit.

Q. Dic nunc, quo ordine incipiendum sit, quoque movente interno progrediendum ad vitam spiritualem ; quid etiam sit observandum de sermone & silentio ? R. Evangelium dicit, Judicē vivorum ac mortuorum sedentem pro judicio fore sequestraturum

turum bonos & malos, idq; propter merita operum, quæ fuerunt vel bona vel mala. Coram Deo sunt cuncti homines naturatenus mali, adeoq; per iudicium perituri; at quotquot eorū convertuntur sic, ut ex malis fiant boni, salvantur per gratiam. Expedit ergo nōsse, qualis sit homo bonus coram Deo. Bonus homo is est, cujus conscientia munda est, nec inculpatur à peccati mortalis reatu. Nōsse quoq; expedit, quo modo mediove malus & inculpatus homo reddatur bonus. Medium hoc triplex est, efficax quidem satis, at non nisi in supposito bonæ voluntatis, sinceritatis & industriæ: nam convenit homini

Primo Seipsum averfari, atq; ab eo tempore, quo peccavit, sese purgare mediante pœnitentiâ juxta præscriptum Ecclesiæ, quod ipsum facere debet cum summâ rerum suarum discretionē: neve à suis operibus inculpetur aut à metu, dubiis internâve anxietate crucietur necessum est.

Secundo Obsequiosum se reddat tūm Deo tūm sanctæ Ecclesiæ, tūm suæ ipsius discretioni. Quod si suorum operum sollicitudine insuper capiatur, eoq; non semper objectivè Deum solum respiciat, tenetur ad minimum

Tertio Constante permanere in desiderio ardenti vivendi juxta voluntatem Dei. Cuicunq; vel unum ex his deest, non est nec dici potest bonus, hætenus quoq; suâ Culpâ vivit sine gratiâ Dei: quisquis autem hæc tria media sibi firmiter proponit, ut furpanda sive explenda, quam malus etiam sit is eo ipso momento redditur bonus & capax adipiscendæ gratiæ divinæ. Hæc quidem sunt levissima & præliminaria tantum, quibus etsi nil insit perfecti, non tamen iisdem potest carere perfectio, sicut nec finis initio suo.

Facto nunc ad bonum initio dicendum est de statu progressus, seu qualiter homo sic bonus factus debeat progredi, & in internum seu spiritualem hominem præparari. Ad præparationem autem perfectam requiruntur tria sequentia: Primum vocatur Chaos mentis sive informitas, juxta quam quilibet homo potest se ipsum probare absq; aditu alterius, num spiritualis sit

U

nec

nec nè. Nam sicut Chaos dicitur carere omni formâ ; ita de corde simplici ac mundo requiritur consimilis vacuitas (nuditas) nimirum, ut ab omni creatura aversum nil possideat, neq; per voluntariam inclinationem, neq; per modum conversationis. Ut enim inclinatio hominis internè Cor diversificat ; ita quoq; qualiscunq; conversatio id dispergendo transformat externè : idcirco utraq; occasio prava vitanda est. Cùm qveritur aliquis de cogitationibus eum distrahentibus, id vitium est ex mala consuetudine, comprimis à conversatione Concausatum, ob eam quoq; assuetudinem difficulter eradicandum. Hæc Culpa est hominis, qvi tenebras magis amavit quam lucem, cum nec ad consuetudinem pravam, nedum ad subsequutam difformitatem ventum esset, si Deum quærendo possedisset. Quamprimùm homo linquere vult pravam Consuetudinem ne cogitationes diversificent eum, necessum est, ut vitam carnalem prorsus devitando non nisi Deo cum voluntate & amore adhæreat, quatenus per eam adhæSIONem omnis in universum transformatio, pariterq; amor Creaturarum inordinatus propellitur longius. In progressu multa decurrunt tempora, qvoad multa occurrunt impedimenta assiduitatem intercipientia : per assiduitatem autem paratur incrementum, sicut per remissionem decrementum, undè status diversitatis prolongatur, hinc multi vitam finiunt, anteqvam ad eam vacuitatem (informitatem) pervenerint. Verùm tamen ut qveant gradatim ad scopum desideratum pertingere, admissus est in statu progressus Idearum sanctarum usus, nimirum Crucis, Passionis & Vitæ Domini. Vitæ mortis ac Exempli sanctorum Martyrum, quibus exerceri ac promoveri potest ad intrinsecam tranquillitatem & sanctitatem : huc etiam pertinent media modorum simul ac ordinum observantia, sine quibus non pertingitur ab uno extremo ad aliud. Sed id quod spectat informitatem, ad statum internum spiritualem debet referri, ad quem per multa Exercitia (labores) tandem perveniunt hi, quos dicit S. Apostolus per assuetudinem habere sensûs exercitatos &c : Cùm autem in statu adhæSIONIS

hæfionis fundetur vita divina, sequitur hominem omni difformitate carere, & nudam Informitatem sibi objectam, quæ Deus est, respicere debere. Quæ verò in hac viâ interim dum cor everritur & à quisquiliis suis mundatur, sint observanda & exercenda, in subsequen- tibus tradetur.

Alterum requisitum est libertas interna quæ ab Apostolo vocatur libertas spiritûs, de quâ & alibi dictum. Hæc vera libertas à paucis cognoscitur, cum pro eâ libertas carnis venditur cum tanto Christianorum damno. Ast vera libertas est sita in hoc, ut in cunctis Exercitiis, hoc est in cogitationibus, meditationibus, orationibus, laudibus, imò in officiis publicis, privatis, præfidiis aut servitiis homo liberè, incunctanter, immediatè se ad Deum possit extollere, utq; per gratiam Dei cuncta sua facienda perficere queat, in amore ac desiderio flagrante erga cunctas actiones spirituales. Tertium requisitum est spiritualis Dei adhæfio subsequens præfatam informitatem & libertatem. Nam fieri nequit, quin homo degustet suavitatem clementiæ divinæ mediante internâ adunatione sui & Dei, qui sub internâ actione suâ liberum & momentaneum habet accessum ad Deum. In adunatione eâ observatur mira Circulatio, quatenus desiderium hominis fertur incessanter ad novam introversionem, neq; id solùm, verùm etiam amando & operando renovatur (excitatur) desiderium, ipse autem spiritus sic operando aggreditur cum Deo novum Exercitium, undè se magis magisq; Deo adunando Capit incrementum, cujus intuitu & opera innovantur. Hic probè notandum est, hanc internorum Operum renovationem & cum operibus Dei adunationem esse vitam spirituales quæ multis encomiis ornata variis, iisq; speciosis nominibus appellatur, quamquam rarissimè Idea ejus veniat in conspectum. Attamen cum ea non sit alia, quam quæ hîc & alibi passim descripta invenitur, hinc unusquisq; haud difficulter probare potest, quo modo, quibus auxiliis evadat homo spiritualis & subsequenter divinius, hoc est, cum humilitate, puritate, resignatione, patientiâ, obedientiâ, simplici & bona voluntate, internis exercitiis,

tiis, & adhæſione Dei. Per has virtutes quæ conſiſtunt in fide vivâ, fiducia firmâ & amore ſincero perficitur vita divina, unde concludendum eſt, eum eſſe ſpiritualem hominem, qvî per præſcriptas Virtutes præparatus atq; perfectus eſt, ſecus autem, qvî talis non eſt.

Q. Jam opus eſt, ut dicas qvomodo ſe homo poſſit liberare à rebus externis, quæ vitæ internæ (ſpiritali) contrariæ ſunt? R. Oportet ſuam ipſius vitam explorare, atq; inquirere in ſuum amorem, intentionem, verba, opera, imò examinare ſimul veſtitum, gemmas, Amicos, Sodales, Divitias et bona quæ poſſidet, honorem, commoditatem, voluptatem, quam habet & cupit, mores inſuper & geſtus, deniq; quicquid in ſuæ vitæ curriculo invenit, quod eum impedit, quo minus Deus vivat & operetur in eo tanquam vera & unica facti & faciendi cauſa, & ſi qva horû obſtaculorum unum vel plura invenerit, neceſſum eſt reſignet omnibus & ſingulis.

Q. Siccinè ſufficit, ut quis evadat in hominem internum? R. Minimè; qvî etiam oportet attendere externis ſuis devotionis exercitiis, quæ non exiguam ſpeciem virtutis habent, hæc tamen ſi fortè invenerit ſuo propoſito obſiſtere, relinquat ea opus eſt.

Q. An Vigilantia hîc atq; jejunium ſunt excipienda, tanquam quæ non ſunt obſtaculo? R. Imò jejunium & vigiliæ juvant notabiliter ad vitam internam & ſpiritualem, dummodo qvis qveat ea perferre. Sunt autem permulti homines tam debiles ac infirmi capitis, ut ea ſuſtinere nequeant. Hîc pro exceptione notandum eſt, quod cum quis deprehenderit naturam ſuam hîc prægravari ac deſtrui, præſtat jejunio ac vigiliis abrenunciare etiam in ipſo Die jejunii, nam corporis deſtructio eſt vitæ internæ impedimentum. Idcirco qvîcquid impedit, ne proximè contendat ad veritatis viam, linqvendum eſt, ſive ſit externum quid ſive internum, corporale vel ſpirituale, qualem cunq; demum habeat apparentiam. Hæc via brevis & certa eſt, modusq; tutò obſervandus.

Q. Hâc viâ abſolutâ, dic porrò qvîd ſeqvitur? R. Si quis impedimenda

dimenta omnia longius removerit, occurrunt ei varia rarioraq; objecta, quæ gaudium spiritus pariunt: tunc namq; insignis oblectatio (suavitas) pervadit spiritum simul & naturâ sensibili modo, atq; voluptuosa isthæc satietas (consolatio) superat omne gaudium.

Q. Quamdiu durat internum hoc gaudium? R. Gaudium spiritûs solet exiguo tempore durare, hoc est, donec eidem, talis quæ statim subsequitur, pressura & anxietas objiciatur, quæ totam voluptatem sic adiungit ei, ac si vel nunquam adfuisset.

Q. Quo ergo recedit hæc spiritûs tranquillitas sub extremorum tam subitâ Vicissitudine? R. Si quis in verâ pace & tranquillitate se constitutum cupiat, necessum est in eâ pressurâ (carentia) usq; adeò persistat, ut omnem despiciat similem voluptatem, dando se præcipitem in voluntatis divinæ abyssum sub intentione hanc paupertatem, si Deo placuerit, sustinendi ad usq; novissimum Diem.

Q. Cum talis pressura modum exuperet ac penè infinita sit, quis eam sustineat? num vires eo usq; suppetunt? R. Imò à multis superata est & adhuc superatur anxietas, quam magna etiam sit: inprimis naturæ Circulo inclusa est omnis anxietas, hinc etiam præ mærore arefcit corpus, abrepto scilicet incomparabili eo solatio.

Q. Dicergo, cur isti, quod illi possunt, sustinere nequeunt? R. Hujusmodi impossibilitatis causæ duæ cõmuniter assignantur: prima est, quod homo non totaliter sibiipsi emoritur; secunda, quod non perfectè Deo fidit, hætenus caret resignatione, quin erumpendo se sub pressurâ continere nequit, id quod credendū est nunquam sine ingenti damno factum. Homo pressus se teneat subiectum, Deoq; fidat, qui sine dubio est liberaturus eum, si humilem &c: invenerit. Tantum vergat suum desiderium ad eam causam essentialem, quæ sola Deus ipse est, nec aliudquid curet, quod minus Deo est: Contrarium facit, qui, quod à Deo accepit donum, vilipendit oblitus eum qui donavit.

Q. Quid si illuminatio quæpiam seu suavis infusio supervenerit,

rit, qualiter se sit gerendum dicit? R. Necessum est se gerat instar dormientis ad omne id, quod præter Deum illucet ei, sive sit rationale quidpiam sive non rationale: nam quicquid vicissitudinis notam aut characterem mortalitatis habet, ab eo se planè avertere debet animus, ac subito se concentrare in veram humilitatem, hoc est, in suum nihil, imò & in voluntatem Dei per modum resignationis.

Q. Cum verò hic tanta anxietas, quâ major esse nequit, corripit hominem, ac si sub torculari pressus fuerit, quid restat faciendum? R. Oportet eum persistere animo, quia brevi liberabitur.

Q. Finita verò tempestate dic qualiter se sit gerendum? R. Oportet, ut homo se gerat incuriè, quasi ad eum non spectet consolatio, utq; non nisi ad solam Dei voluntatem respiciat, juxta quam semper paratus sit sustinendi quamcunq; tempestatem; nam sic futurum est, ut Deus respiciat ejus miseriam & passionem, seq; desideriosissimo velut complexu effundendo participet ei supersubstantialem sancti Spiritus suavitatem. Sic dicitur Deum dividere Regnum suum, & dare ei potestatem regnandi super cælum & terram, imò super seipsum; dehinc ergo venit, quod talia hominum opera prævaleant cunctis aliis operibus, quatenus Deus ipse per eos ea perficit opera.

Q. An datum est cuiquam posse tam circumspectè negotiari cum Deo? R. Qui non progreditur in viâ præscriptâ, nunquam ad vivam perveniet veritatem, qui verò in eâ ambulat, ad scopum pertendit. Futurum quidem est, ut aliquis ad cognitionem intellectivam perveniat; ast sicuti æs nonnunquam splendore factitio mentitur aurum, ita etiam in ratione sæpè est falsa apparentia, quæ ideo longissimè distat à vivâ veritate, quam certè nemo usquam inveniet præterquam in modo hætenus præmonstrato.

Q. Dic qualiter homo spiritualis se tempore prosperitatis & adversitatis gerere debeat? R. Oportet adeo temperatum se gerere ut in statu prospero ad adversum se sentiat præparatum, vicissim

vicissim quoq; in hoc persistat animo immoto, quoniam sic omnia perferri debent æqualiter, ut in calamitate charitas, in gaudio dolor, in solatio disconsolatio adsit. Æqualitas hæc non reperitur in homine exteriori, hoc est, in miserâ naturâ, quam si quis cupiat præparare, oportet eam ut plurimum subjici tormentis mortiferis, quò in se ipsâ extus & intus emoriatur sub sævis cruciatibus: taliter namq; futurum est, ut se per gratiam habeat æqualiter juxta essentiam in prosperis & adversis. Non ad unam mortem homo se Deo noscat obligatum, quatenus tot vicibus, quot quis emoritur sibi, subsequitur alia prænobilis, divina vita, dummodò id fiat cum perspicaci observantiâ.

Q. Cum autem alterna isthæc mortificatio sit amarissima, vicissim vita jucundissima, dic, quæso, quænam ex observationibus sit homini circumspecto potissima? R. Omnia quæ nobis ad vitam perfectam desunt, sunt acquirenda mediante verâ, devotâ, ardenti prece & voto Spiritûs, & hoc ipsum sæpè ac virtualiter, quæ observatio omnium reliquarum potissima est. Spiritus clarificatus amat & intendit par in impari, hoc est, prosperum in adverso, atq; sic reperitur idem (æqualis) utrinq; , non contristatur, nec movetur, sive ametur, sive odio habeatur, de uno namq; & altero par ei ratio est.

Q. Annon sunt homines multi, qui Christum libenter sequerentur, dummodo id æqualiter, (prosperè) hoc est, sine adversitate & passione fieri posset, quatenus, quamprimum adest inæqualitas, hoc est, mutata prosperitas sive in Spiritu sive in naturâ, sive ab hominibus causata, confestim labuntur, atq; à Deo recedunt? R. Id quidem longè verissimum est, & valdè dolendum; ast insuper credendum, æqualitate multò meliorem esse inæqualitatem, quatenus hæc est, quæ ipsam affert essentiam veritatis: prosperitas hinc flos est, adversitas verò verus fructus, illa ancillatur huic, quâ & præcedit, adjuvat atq; confortat hominem, donec sit tolerandum onus adversitatis, sub quâ occulto modo nascitur homo in Deo, hoc est, æqualem se gerit utrimq;.

Q. Cum autem ferè nemo huc usq; Deum cupit sic imitari, unde

undè fit, quod Deus à plerisq; hominibus deferitur, quid, quæso, de his censendum est? R. Tales non sunt veri testes Christi, quem designabat olim serpens, qui in deserto erigebatur in signum salutis eorum, qui postquam à Serpentibus icti fuerant, aspecto serpente erecto mortem evadebant. Annon indefinenter oportet nos aspicere Serpentem verum Crucifixum accepto ejus testimonio, quod consistit in hoc, ut eum veraciter sequamur in paupertate spiritûs, in profundissimâ oblatione, Zelo igneo, in spontaneâ tolerantia tentationis, adversitatis, foris intus, in anxietate Spiritûs & naturæ, quam homines, propria caro & hostis malignus causantur.

Q. Si fructus tentationum tam est insignis, quid faciendum tunc, cum tentationes cessant? R. Oportet nos eas revocare, atq; rogare, ut revertantur abrasum rubiginem tempore malo superinductam, finem scilicet peccatorum, quem antecederant collegerant. Est enim omnino clarificato homini possibile peccata sua eò melius noscendo abominari, quò sæpius, quovè intensius ea perspicit, quovè vicissim ea sub motibus primis in carne, sanguine, & naturâ idealiter sese permutant. Cum certum sit, crassum sive in mediis peccatorum undis natantem peccatorem ignorare multiformitatem peccatorum, quam justificatus in se percipit, hinc uti peccator ille abit in perditionem; ita iste persistit in æquilibrio cum summâ istâc peccatorum tentatione, eoq; tanquam perfectus properat in vitam æternam.

Q. Undè venit insignis ea discrepantia inter homines tam diversos, quorum utrumq; genus semper à peccato tentatur? R. Hinc modus in utroq; diversus valde est, quia probus homo ab impari par recipit, hoc est, prosperum ab adverso, cum voluntati divinæ se usq; adeò dicaverit, ut Deus sit unica ejus intentio; secus comparatum est cum homine improbo, quoniam is Deum non respicit, sed labitur in peccata sine tentatione, sineq; conversione. Num autem Deus hujusmodi hominibus unquam & usquam satisfacit? Imò quò plus Deus illis dat, hoc plus desiderant, semper quid novum appetendo, & in perniciem hætenus celeri lapsuendo.

Q. An-

Q. Annon optarent tales probitatem, si sine labore fieri posset? **R.** Hoc votum inane est, quia improbum. Nam cum tentationes præparent hominem ad recipiendum dona sublimiora, hinc est necessum, ut homo, cui in veritate nihil nocere debeat, quærat Deum cum sinceritate & amore, utq; intendat in Deum toto suæ vitæ curriculo. Quod si quis non sua neq; seipsum quærit, sed solum Deum, acceptâ habitâ ejus voluntate in prospero & adverso, sic ut peccatum sit contra liberam ejus voluntatem, hoc est, absq; ullo consensu in peccatum, certum est, nil tali homini nocere posse, etiamsi animam ipsam pariter & corpus, carnem scilicet, & sanguinem ejus permearet totus exercitus infernalis cum omni malignitate & impuritate ejus, totus quoq; mundus cum universâ ejus perversitate, peccatis & immunditiâ.

Q. Nonne præter nominatum adversum, quod tantum extrinsecus afficit, restat aliquid, quod menti adversatur? **R.** Imò vel maximum est adversum, quod est internum: hoc quamvis à crasso illo generetur, nihilominus longè nobilius est, sic ut si quis in eo se rectè gerere noverit, futurum sit, ut ei veraciter reveletur ineffabilis ejus adversi cognitio, quod omnes Creaturæ nullatenus obtinere queunt. Hoc tantum accedit, quod Spiritus purus naturæ additur in externo adverso, qui solus efficit prosperum & adversum ex pari recipiendum. Quid quod subsequitur, est, quod talis homo plus veritatis sinceræ invenit in adverso, quam in qualicunq; prospero unquam reperibili. Hæc paritas tantò proximior est, quantò clarius impar & adversum internum agnoscitur. Imparitatem suam non agnoscebat Lucifer, cum moliebatur paritatem, quæ in æternam adversitatem hætenus cedebat ei: cæteri verò Angeli disparitatem agnoscences hinc mergebantur in ineffabilem quandam similitudinem Dei.

Q. Dic, qualis fructus nascatur ex isto fundo, ubi spiritus mediante adverso præfato clarificatus semper cum Dei amore demergitur in veram agnitionem sui adversi, sub quo per exerci-

tium purificavit se in Spiritu & naturâ ? R. Postquàm natura suâ perfecit ad summum, id est, quod potuit, videlicet sic, ut nequeat ultrò pertingere, tunc sui exercitii fructus is est, quod demum abyssus divina accedit sparsum sui ignis Scintillas in Spiritum purificatum, & supernaturale hoc Dei adjutorium est fructus, id est, ejusmodi virtus per quam clarificatus spiritus ex homine tractus elevatur in singularem, ac ineffabilem respectum Dei.

Q. Siccinè respectus hic posterior longè differt à priori ? R. Imò longissimè ! Nam cum conversio istæ fiat in virtute divinâ, hinc etiam transcendit omnes sensus, omnemq; intellectû, & hætenùs est incomprehensibilis, ac ineffabilis.

Q. Quid ergò antecedens conversio refert, si omnes alias excedat posterior ? R. Magni equidem refert prior conversio, quatenùs omnis bona voluntas, intentio, desiderium, omne bonum verbum & opus, omnisq; acerba passio, quam homo propter Deum patienter pertulit, pro suo modiolò plurimùm servaverunt promotioni ad posteriorem. Hæc omnia junctim dico, præparant hominem devotum ad puram istam veritatem.

Q. Annon hæc superexcellens conversio acquiri potest ab aliquo medio extraneo ? R. Minimè ! Quia omnis Spirit⁹ ex numero Angelorû & Sanctorum, aut quicquid in toto mundo est, reperitur impar impertiendo tanto dono, sed sola divina abyssus in suâ immensitate & infinitate efficit eam : tunc namq; immergitur purificatus Spiritus in obscuritatem divinam, in silentium, ut & in adunationem ineffabilem ; adeoq; sciendum est, sub istâ mersione perire omne prosperum, adversum omne, par impar, & omnem discretionem, quatenus Spiritus purus seipsum perdidit in abyssò nil noscens de Deo, de seipso, aut de quoquam alio, & hoc est sic de adunatione divinâ intelligendum.

Q. Repete, quæso, summam, quid incumbat homini ad istam abyssum itineranti vel exercitium facienti ? R. In summâ, quod collectivè dici potest, est, quod hominem oportet emori sibi ipsi, & cunctis Creaturis, in prospero, in adverso, in Spiritu & naturâ, in carne & sanguine, idq; quantum ad hominem, quantum



paratio, ubi tamen obiter nôsse supponitur, naturam, sensûs, mundum, diabolum conjunctis viribus eò incumbere, ut homo in inquietudine detineatur animo ad vanitatem externam, atq; ad difformitatem rerum mundanarum verso. Supponitur etiam nôsse, sanctum Spiritum contrario modo suos incessanter impellere, ac trahere ad tranquillitatem pervacuitatem, puritatem & simplicitatem animi. Id quidem homo externus (carnalis) non percipit, spiritualis autem homo cognito eo Spiritûs sancti tractum sentiendo observat, eoq; sui præparationem libentissimè recipit. Nunc ergò dicendum est, qualiter præparetur Spiritus ad divinam vitam (receptionem Dei). Sic autem aptus redditur homo, cum in se ipso habitare, ac in seipsum semper divertere discit, nimirum in ipsâ Imagine Dei, ubi lumen lucet in veritate, ubi impulsus & monitio sancti Spiritûs sentitur & auditur, cui sincerè pareat.

Cum Regnum Dei in homine sit, orandum est, ut adveniat nec minus sedulò est observandum, qualiter & quando insit, quando advenit, quando recesserit, & quando reversum fuerit. Homo spiritualis attentè observeat, quò Deum adventantem advertat, quâ ratione domi manendum, & expectandum imò & locus Deo parandus est, quo societatem ejus impetret intimam atq; plenariam possessionem. Mirum non est, quod hîc & ibi Regnum Dei non invenitur, nimirum ubi locus ei non conceditur, nec animus præfato modo præparatur, sed potius aditus animi occluditur, ne Regnum Dei possit introire.

Q. Si Regnum Dei est in homine, cur dicitur non adesse ei?
 R. Dicitur non adesse cum ad est, procul esse cum propè est, nimirum in respectu talis hominis, qui non habitat in seipso, sed sui oblitus longo recessu oberrando extravagatur in mundo, & hætenus non invenit, non sentit id, quod in seipso gestat. Propterea dicitur, ei, qui veritatem inquirat, incumbere, ut faxeum sui cordis fundum pertundat, atq; reconditam in eo venam vitæ quærat intento in eum oculo, quoniam futurum tunc est, ut flu-
 enta

enta divina perpetim scaturientia derivent in eum, modò supponat aptè suum receptaculum. Et hæc est præparatio hominis quantum in se, cui respondet alia præparatio, nimirum superveniens ex parte Dei, quam Taumaturgus noster per simile Actûs luminis solaris perspicuam reddere conatus est. Dicit namq; solem divinum perpetuâ irradiatione illuminare hominem spiritualem, immediatè inversum, Deoq; subjectum: per istam quoq; illuminationem, dicit, inclescere fundum aptum, & per calorem dispelli omnem impuritatem, eoq; extrahi omnem commoditatis mundanæ exhalationem, quo ipso in Actu separativo nequit fieri, quin Spiritus unâ paulatim rapiatur in sublime usq; ad circulum Divinitatis, quod aliquo modo explanatur per simile solis mundani, qui suis radiis subtus in terram Sparlis mundificat eam ab impuritate siccando & calefaciendo, imò & attrahit aquosam aporrhæam sursum usq; ad æthera, ubi divulsa & rarefacta aqua in tantum clarificatur, ut & ipsa lumen fundat, atq; transparens reddatur. Consimili ferè modo homo spiritualis per continuatam illuminationem redditur tandem totus divinus & lucens. Et si qvi sũnt, qui nolint id credere, eos convincit experientia, simul & testimonia talium hominum, qvi non semel, sed iterum atq; iterum sentiunt, se unum cum lumine divino constituere, imò qui plus Dei, quàm sui ipsius in se deprehendunt, cùm Deus longè clariori lumine luceat in illis, quàm in sensorio visûs mundi oculus.

Quod si quis per id terreatur, atquè ob hanc raritatem quæ plurim is inaccessibleis est, incipiat desperare, expedit nôsse, multos acquirere beatitudinem, tametsi in tempore ad ipsam præfatam Divinitatem non pervenerint; verùm & hoc oportet nôsse, tales, uti in hâc vitâ divinis hominibus in sanctitate impares fuerunt, ita quoq; tantò impares futuros sanctis Dei Amicis in gloriâ, ac in eo statu, in quo apparebunt, mansuros olim.

Q. Eja, dum modò Cælorum Regnum attingam, sufficit mihi custodire limina, non appeto diadema, si à tam gravi, ac intolerabili Sanctitatis jugo in hâc vitâ liberari queam? R. Non o-

lapsus satis perniciosi, passim obvii sunt, si Deus manum suam aufert. Cum autem non sit abbreviata manus Domini, superest remedium egregium, quo lapsis succurratur, nimirum patientia in tranquillâ perpessione. Huncnamquë lapsum permittit Deus

Primo amore conservationis ejus, quò scilicet homo imposterum majori attentione vigilet pro sui custodiâ, quemadmodum cautius aliàs solemus amissam rem conservare, si redinventâ fuerit.

Secundo Causâ eruditionis ejusdem, nimirum quo homo agnoscat gratiam non esse suam, quovè in humili confessione gratum Deo se præbeat, & cunctas res imposterum summâ cum industriâ, voluntate, cum omnibus sensibus & potentiis suis Deo reddat. Et talis homo pacificus est, tranquillus, periculo vacans, alii semper corripiuntur metu, ne prolabantur in judiciû. Sed quia dictum est superius, beatos esse quoad gloriam sibi impares, ipso scripturæ testimonio, proinde hic assignanda est aliqua ratio, propter quam eveniat ea disparitas. Hanc Author noster reddit, cum dicit: Hominem beatum tantò propius, dignius, intimius, gloriosius, ac excellentius frui Deo in æternitate, quantò clarior, potentior, perfectior fuit ejus conversio & inversio in mortalitate, cum tantum ejus esse conveniat, quantum hujus fuit in gradu comparativo (sivè pro ratione meriti): Et sicut Angeli omnem suam excellentiam, quam juxta gradus ordinum habent, à Deo impetrant per inversionem potentialem in Deum per modum illuminationis; ita & homo per millenas inversiones, quas potest habere in vitâ suâ donec salvetur, impetrat à Deo illuminationem & excellentiam juxta modum suæ inversionis: Ista inversio (conversio) tametsi sit mira & inexplicabilis, quia momentanea, tantum tamen efficit, ut homo crescat in Deo, hoc est, approximando Deo arctius uniatur, siquidem hic spiritûs humani Actus est ejus spontaneum, purum, idem & simplex exercitium juxta puritatem ejus à Deo æstimatum sic, ut quò verior & clarior est respectus Domini, hoc major gratia

gratia & gloria cum novo lumine, novaq; proximitate toties ingeneretur homini. Istam conversionis gloriam negligunt omnes, qui modos ac merita conversionis tum & iudicii rationem aut non observant, aut derident. Qui mediis destituuntur (cognitione scilicet & qualitate) si voluntatem habent, beatitudinem quidem possunt acquirere simpliciter ; ast qui divina omnia voluntario postponunt, suâ culpâ careant Deo necessum est in æternum, nam æq; hi atq; alii potuissent ad gloriam præfatam pervenire, si suam operam eò impendissent, adeò neminem salvabit calva excusatio impossibilitatis & fragilitatis suæ. Non enim tantum faciunt hi quantum possunt, sed similes facti servo Talentum defodienti, & hætenus reprobato, ac punito, negligunt corde desipiente omnem beatitudinis gloriam, eò quod non ex omnibus viribus volenter ac desideriosè se ad Deum convertunt, non voluntati divinæ se tradunt, nec post tot lapsus conversionem suam toties renovant, quoties possunt. Qui gloriam sive coronam æternitatis desiderant tenentur sæpe sæpius renovare inversionem (approximationem) seq; convertere à varietate ad simplicitatem, à tempore ad æternitatem, à mundano creato ad increatam Divinitatis abyssum, à se ipsis ad Deum solum, eaq; conversio ad (in) Deum tam potens ac fundamentalis esse debet, ut per eam multa annorum tempora impetrari queant. Illi autem, qui hanc immensam gloriam non appetunt, non nisi solum nomen ejus cognoscunt, tametsi beatitudinem quærent & impetrant simpliciter, attamen agnoscere debebant damnum irremediabile, quod sibi ipsis per oscitantiam & summum neglectum comparant. Neglectus eorum & somnolentia probatur per id, quod in curriculo humanæ vitæ observatur, siquidem constat, eos, qui Amici Dei proximi esse debebant ob electionis & officii prærogativam.

1. Non scrutari divinam Amicitiam, neq; suarum deliciarum oblectationem in solo Deo sed extrà eum quærere, cum tamen omnem voluptatem unà & solatium divinum essentiale in solo Deo obtinere poterant.

2. Nomi-

2. Nominis divini non comminisci in suis conventionibus, sed potius discursibus vanorum ac secularium gestorum se oblectare.

3. Tàm occupatos & impeditos inveniri, ut ipse Dominus noster eo quoq; tempore, quo venit secum amore & gaudio satiatum eorum animas, corda ac sensus, præ copiâ Idearum locum non inveniat, mæstusq; ab illis recedere cogatur.

4. Non amare nec respicere Deum simpliciter, taliterq; prode, se Deo non nisi sub specie spiritûs falsò ac segniter servire, comprimis si per Deum ac in Deo qværent utilitatem ac proprium honorem, non merè divinum.

5. Eos nolle servire Deo gratis seu propriis sumtibus, sed tantum ob meriti mercedem, qualiscunq; demum hæc sit, nî ipsa vita æterna, saltem aut solatium, aut degustatio summi boni, aut sensatio divina, aut scientia, cognitio, habitudo aut possessio aut adeptio, cujus ad nutum carnalis homo totus sistitur aut movetur.

6. Eos aut certè paucos admodum recipere dilectum Sponsū stantem & incessanter pulsantem præ foribus cordium, afferentem amorem, solatium, donaq; multa cœlestia, imò per semetipsum nec non per cunctas creaturas admonentem, quò hortantem & medicantem suscipiant. Summa istæc incuria exinde provenit, quod qværendo, volendo & amando non appetunt solum ipsum Dominum, sed tantum ejus bona & dona, nec sicut decet & par est, considerant Amorem ejus immensum, ut gratias ei agerent ex animo sincero, proinde incuria ea æternum, eoquè irreparabile damnum affert.

Qualiter autem præparatus homo constantiam acquirat, quam sanctitas requirit, alibi docebitur.

Q. Annon in certos gradus distingui potest vita interna, quos singillatim liceat conscendere? R. Imò in gradus tres, quos homo superare potest, dirimitur ea, utpotè in infimum, medium & supremum: quod ut probè intelligatur, sciendum est, primum gradum internæ virtuosæ vitæ, per quam homo informatur, ac

deducitur ad summam Dei proximitatem, esse, quò homo se vertit ad Contemplationem mirabilium Dei operum, & ineffabilem beneficiorum hominibus exhibitorum, indè prodit ea exercitatio, quam jubilationem vocant. Noscendum porrò est, secundum gradum esse paupertatem Spiritûs, hoc est, singularem privationem Dei in formâ cruciantis exspoliationis Spiritûs. Tertius gradus est, transitio in Essentiam Deiformem sive adunatio Spiritûs creati cum spiritu increato, quam liceat vocare inversionem essentialem, ad quam si quis pervenerit, vix unquam iterum elabi potest.

Q. Dic qualiter quis possit ad primum gradum vitæ internæ pertingere? R. Eò contendere poterit, quisquis industriâ summâ observat signa charitatis à Deo hominibus exhibita in cælo & in terra. Consideret quis innumera beneficia, quæ Deus homini præ cunctis aliis creaturis contulit, quàm omnia spirant, florent, vigent, plenaq; sunt Deo, qualiter incomprehensibilis Dei benignitas quascunq; creaturas perfundit donis suis admirandis, quàm patienter perversitatem humanam toleravit, quàm sollicitè hominem quæsit, dotavit, coëgit, quàm fideliter admonuit, quàm providè expectavit. Neq; solùm id, verùm quod longè majus est, quod propter hominem homo factus est, & pro salute ejus animam suam, seq; totum exponendo passus & mortuus est, quod hominem venatus est insequendo & impellendo ad ineffabilem proximitatem & adunationem cum ipso recipiendam, quamq; diu dudumq; sanctissima Trinitas expectavit æternam ejus usurpationem. His omnibus sub assiduâ meditatione in mente perspectis non potest fieri, quin ingens in eo nascatur lætitia, quam cùm infirmum corpus abscondere nequeat, prorumpit in qualiscunq; modi effusionem, sic ut sine majori infirmitate coërceri nequeat. Hæc est illa dulcedo, quâ Deus mentem ditat adeò, ut hominem interno & ut ità dicam perceptibili complexu sibi uniat. Iste est modus, quo Deus trahit, seu separat hominem à seipso & ab omni imparitate, quapropter nemini concessum est quovis crasso opere eum hætenus turbandi.

Q. Dic

Q. Dic porro, qualiter homo ad gradum secundum vitæ internæ perveniat? **R.** Id tantum tunc fieri potest, cum quis juxta Paulinam doctrinam superatâ pueritiâ in virum fortem adolescit, quod sic intelligendum est: cum Deus divino suo nectare hominem ab omnibus rebus procul abductum confortavit, tunc præbet ei manducandum panem durum secalinum, quatenus is adulto & forti viro est cibus valdè necessarius, & commodus, qualis non est lac & similia. Ostenditur ei via per quam ambulet, via obscura & terrifica, per quam ducatur miser, ut auferatur ibi omne, quod ei Deus unquam largitus fuerat. Sic in se ipso homo depauperatur ac deseritur adeò, ut in summâ anxietate constitutus de Deo nil noscat nilvè percipiat: nil inter creaturas reperit, quod arrideat, cum velut inter duos parietes suspensum se anticus posticus bipenni petendum sentiat, nec usquàm evadendi via detur. Quid, quæso, factu opus est, quàm quod confideat dicendo: ave amara passio, plena gratiâ? Quid si quis amet, ut ardeat, attamen non nisi careat dilecto, annon infernum ipsum hæc passio superet, si in hâc vitâ daretur infernus? De solatio, quod posset ab ullâ creaturâ obtinere, jam conclamatum est, cum aversetur consolationem sic, ut nec de eâ velit audire, nec emolliri cor patiatur; ita cum nostro comparatum est homine, cui tantò major ac intolerabilior est abominatio hujus desertionis, quantò perceptio suavitatis antecederet erat sublimior.

Q. Annon & superest spes aliqua liberationis à tam tenebrôsâ passione, quæ à desperatione haud multum differre videtur? **R.** Imò & hîc viriliter se gerat homo necessum est, apprehensâ scilicet fidei anchorâ, quoniam cum Deus nec tunc procul, sed propè est, vertuntur omnia in finem bonum.

Q. Cur autem tunc omne solatium abominatur homo? **R.** Ideò quod misera anima vix credere potest sub eâ torturâ posse fieri, ut intolerabilis ea obscuritas unquàm vertatur in lucem. Sed istæ desertio est ea præparatio, quæ vocatur incomparabilis ideò quod hominem præparat magis, quàm cuncta cuncto-

rum hominum exercitia valerent præparare. Ast postquam Deus sub tam incomparabili cruce præparavit hominem , quid ei tandem sit obfuturum dicito ? R. Tunc venit Dominus perductum sic præparatum hominem ad gradum tertium, ubi obortâ sibi luce ac revelatâ veritate liberatur à cunctis tormentis & curis, ut tunc sibi videatur à morte surrexisse.

Q. Dic quid in tertio gradu obveniat homini præparato ? R. Homine tandem sanato sive ab omni cruciату liberato fit, ut Deus trahat eum à seipso, æq; modis humanis, atq; perducatur in se ipsum inq; modum divinum, hoc est, ex maximâ miseriâ in securitatem divinam, indè tam redditur Deiformis, ut omnia quæ operatur homo, operetur Deus in ipso, tanquàm quod supernaturæ sphæram evectus homo id fit per gratiam, quod Deus est per naturam. Hic homo se reperit perditum, quatenus præter simplicem substantiam nescit, nec uspiam invenit seipsum. In hoc statu consistit fundum profundissimum veræ humilitatis, quæ sensibus unquam comprehendi potest, quoniam in eo est sita vera agnitio sui Nihili. Qui se quàm nihil sit, verè agnoscit, hoc ipso mergitur in abyssum humilitatis, & quò profundior descensio, sublimior hoc ascensio est, ascensus & descensus hic habet unum. Quod si quis relicta sublimitate hinc declinando ad se & sua mediante propriâ oblectatione resularet, caderet lapsu quo lapsus est Lucifer.

Q. Dic nunc summam, quisnam sit homo divinus ? R. Is est, ac dicitur homo divinus, qui est illuminatus per lumen divinum & accensus per Amorem divinum, siquidem ex illuminatione procedit cognitio, ex inflammatione amor. Sicut autem lucere & ardere sunt inseparabiles ignis proprietates, ita cognitio & amor junctim reddunt divinum hominem. Non enim sufficit cognoscere Deum ac divinum; si charitas deest cognoscenti, non redditur divinus: sed si charitatem habet, adunatur Deo inseparabiliter, hætenus cuncta spernendo ac averfando, quæ non ad Deum pertinent. Nam charitas non amat nisi id, quod ei cognitum est, idcirco si homo cognoscit verum esse bonum

bonum summum, cætera verò præter id falso dici bona, necessum est, amet bonum optimum verum, si decipi non vult, hinc dicit Propheta: In hoc gloriatur vir jactans se, quod intelligat, & ^{Jerem.} cognoscat me. Sic autem homo in uno amat omne, & in omni-^{9.} bus id unum: econtrà verò quisquis amat hoc vel hoc non in uno vel propter unum, amat aliquid, quod Deus non est; quatenus autem præter Deum amat aliudquid, non amat Deum, id quod dehinc verificatur, quod Deus vult super omnia solus amari, ideoq; ab homine illuminato non nisi solus Deus amatur, quia sic amatur propter bonum, quod est omne in uno & unum in omnibus. Quod si eò pervenit homo, ut missis aliis falsis hoc unicum amet optimum, tunc velut satiatus animus ejus quiescit, fileat, nec cupit, nec dolet nisi peccatum. Non cupit quidpiam, qui bonum hoc amat, quia cum omnia sic habeat, contentus est, velut scriptum est: satiabor cum apparuerit. Cui Deus sufficit, ad plenum satiatus est, adeoq; non appetit quidpiam, nisi tantum id, quod omne est in omnibus. Cui verò sufficit aliud, quod non est Deus, huic non sufficit Deus, nam, talis appetitus distinguit inter hoc & hoc electivè æstimando hoc, illud, aliquid præ nihilo, secus quam facit homo satiatus, cui Deus sufficit, qui unum est & tamen omne & super omnia amatus ac amandus solus in secula. Certè qui non contentus est cum ipso optimo quod est adeptus, est nimium avarus: in Deo reperitur omne quod bonum est, ac dicitur, imò, in Deo divitiæ imperscrutabiles reconditæ sunt. Si David dicit: Quis mihi est in cælo, & à te quid volui super terram, sufficiat Deus homini sic ut præterea se non nisi in vitâ sanctâ exerceat, quin & in passione placidâ, imò & in acerbâ morte. De merito ac mercede sit nemo sollicitus, sufficiat ei, quod sit futurum ut Deus juxta placitum suum cuncta bona opera clementer retribuatur. Desipit homo arrogans, qui putat se posse operari bonum tanto merito, quo Deus teneatur jure meriti reddere mercedem. Notandum autem est, hominem taliter peccare non nunquam citrà conscientiam suam ex merâ simplicitate, ideoq; peccatum tale nec pun-

nit, nec imputat Deus, quin potius è superabundanti suâ clementia confert ei dona, quæ in dies auget, non obstante simplicitate eâ, sic retribuit opus bonum sine merito. Verùm ejusmodi hominiparum profunt cuncta dona Dei, quia ob suam stultitiam non invenit nec adipiscitur, quod poterat obtinere suum bonum vel ideò, quod amor sui seu commodum proprium reddidit eum incapacem.

Dixi autem, quod homo divinus de nullâ aliâ re vel passione doleat nisi de peccato, hic autem dolor gravis est: ex vehementi enim dolore cognoscitur amor boni, quoad peccatum arguit pravam voluntatem, quæ bonæ voluntati contraria est, idcirco nisi dolor de peccato sit gravissimus usq; ad mortem, non erit homo verè divinus. Cæterum cum per hunc amorem omne verum bonum in uno tanquàm unum, vicissim verò hoc bonum in omnibus tanquàm unum & idem bonum amatur, sequitur, per hunc amorem amari unà omne id, quod bonum veraciter dicitur, sive sit virtus, justitia, veritas, sive lex, sive quicquid sit, quod ad verum bonum pertinet. Sequitur etiam ex opposito, omne id quod bono huic contrarium est, dolorem acutum inferre, ac conscientiam mordere, quapropter vocatur peccatum.

Q. Quæritur nunc, quibus signis sancti homines internoscantur ab aliis minus sanctis, num signo intellectûs, spiritûs elati, an exercitationis duræ & multæ, an ex habitu & specie externâ, an sint quærendi in Claustris aut extrâ ea, an divites vel pauperes sint? Respondetur, eos non agnosci ex ullo horum indiciorum; quales autem sint, apparet ex vitâ eorum planè divinâ, his namq; sufficit gratia divina, ideoq; in cunctis rebus fruuntur pace plenariâ, sic & in gravioribus calamitatibus parato atq; constanti sunt animo. contemplantur ipsam primam & æternam essentiam, insuper & proprium nihil eorum, se semper profundius mergendo in abyssum.

Adhuc in tempore ingrediuntur in Regnum beatitudinis, quod iis in Deo æternum est. Et cum nil aliud sibi retineant, præterquàm suum Nihil, quod proprium eis est, hinc & à Deo ditantur ablato scilicet eorum

rum

rum Nihilo ac permutato cum Dei omnipotentia, quâ scilicet redduntur tam potentes, ut Deus nil sine his, nec hi sine Deo quicquam perficiant.

Q. Comparatur nè vera sanctitas simpliciter aut conditionatè? R. Conditionatè saltem: nam nisi cum Christo quis mortuus sit suis desideriis ac defectibus, nisi etiam sic voluntati suæ resignaverit, ut propter Deum velit cuncta sibi contingentia, quàm aspera etiam sint, sustinere, deniq; nisi parendo divinis monitis operetur agnitam Dei voluntatem, quantum quidem humanæ vires ferunt, non potest habere veram sanctitatem. Sic sanctitati opponitur humana malitia, quàm prodit impatentia, propterea comparatur tentatio igni, quo examinatur fucus seu fugitiva, ignobilis materia: nam uti in igne perstat illæsum, quod finum, nobile & fixum est; ita quoq; per ignem tentationis tam fugax vitium quàm virtus permanens revelatur.

Q. Ad quid autem hoc, quod antiquitus dici solebat in Personâ Christi hominem sic alloquentis; Homo tibi factus sum, esto mihi Deus, alioquin mihi infers injuriam? R. Cum divina verbi natura in carnem venerit, carne verò induta à nemine cognita fuerit, quia abscondita in humanitate, quæ paupertatis & afflictionis ad mortem usq; plena erat; idcirco per ea verba indicatur, convenire homini, ut suam naturam humanam superinduat naturâ divinâ sic, ut in eâ abscondantur omnes carnis infirmitates, ne observentur à quoquam: adeo requiritur vita hominis esse divina, ut ab aliis non nisi pro divinâ habeatur, sic namq; fit homo homini Deus.

Q. Nunquid ergo divina est vita, quæ foris talis apparet, an potest externa forma fulere, utpotè cum homo speciem sanctitatis præ se fert suis modis, gestibus & ritibus, dulci alloquio, virtuoso opere, quorum omnium respectu comparat sibi amicitiam & reverentiam &c? R. Externa hæc species fallax est, minimeq; divina, si sine internâ puritate sit, dehinc à Christo olim in Phariseis reprehensa. Externam hanc formam non usq; adeo requirit Deus, qui interiora, nimirum corda & renes

scruta-

tertiam petitionem, quâ oramus, fiat voluntas tua sicut in Cœlo: & sicubi additur (ita & in terrâ) docetur unâ, cœlesti voluntati esse in omnibus conformandam mortalium nostrum voluntatem, præsertim in hoc Communionis Actu, in quo exasse requiritur intimior Christi assimilatio. Christus namq; cum sit Beatitudinis Author, eoq; prior beatitudine, est magis observandus quàm Beatitudo, quæ longè posterior eo est, quæ & non aliter est expetenda, nisi per & propter Christum Exemplo Davidis dicentis: Quid mihi est in Cœlo præter te? &c. quapropter in ipsâ Beatitudine nil aliud amandum, quærendum, optandum est quàm id quod Deo super conditione nostrâ visum fuerit: & tali modo in Regno Cœlesti communiter fit ambulatio cum Christo. Restat ergò, ut consimilis supernæ Civitatis Concivis nôrit, velit ac possit cum Christo ambulare in Regno mundi seu in terrenâ civitate, quod etiam eodem modo, hoc est, per voluntatis conformitatem fieri potest. Exemplum Christi docet, vixisse eum hîc in paupertate & miseriâ, in fame & siti, in frigore & ardore, in torturâ & ignominiâ, deniq; in passione mortis acerbissimâ. Hæc cum volenter & patienter sustinuerit Christus, hinc ejus passionis formam nobis per Crucis Characterem imposuit, cujus voluntati si nos submittimus, & crucis impositæ passionem volenter & patienter sustinemus, fit, ut eidem & hîc verè simus uniti, eoq; suavi conversatione ambulemus cum illo inter amicos ejus mortales egenos & humiles.

Qualiter autem ad istam Conformitatem perveniat aliquis, è præcedenti doctrinâ cognoscitur: supponitur enim sensuum captivatio, carnis & mundi desertio, curarum alienarum detestatio, tum & inversio &c. uti pluribus dictum est, quoniam mundus & vacuus animus capax est ad unionem divinæ. Sunt autem & media quædam sub exercitio continuo usurpanda, quæ quidem non omnibus æq; nota sunt, ast omni studio addiscenda, hæc alibi exponuntur. Veruntamen non tantum hoc modo præparatus requiritur animus, quin ad progressum requiritur interveniens cœlestis conversatio, cœlestis habitaculi visitatio,

prius superaverit 10. gradus Sanctitatis. Superat autem gradum.

1. Qui seipsum semper deserit ibi ubi commodi sui causa quærit seipsum.

2. Qui detractionis, falsæq; delationis injuriam veritati committit excusandam.

3. Qui Spiritum deduxit in paupertatem aversatus creaturarum solamen ac opem.

4. Qui dedignando honorem oblatum morari cupit inter opprobria.

5. Qui passionis indignum se reputando plures ac majores afflictiones desiderat.

6. Qui in nullo creationis dono, sive lumine sive veritate oblata desidiöse quiescit, sed ipsum & solum Deum sibi eligit in Sabbathum.

7. Qui semper ad Bonum illud quod Deus est, amanter inclinat.

8. Qui ex amore & compassione reprehendit proximum loquentem aut agentem adversus veritatem & justitiam damno suo maximo.

9. Qui prærupto Beatitudinis calle superato ad creaturas caducas non revertitur.

10. Qui in virtutum Exercitio internè & externè ad summum se occupavit.

Hæc omnia & longè plura, utut distinctè explicentur ac proponantur seorsim, inveniuntur junctim ac indiscriminatim conclusa in perfectâ bonâ voluntate, undè suo quoq; tempore evolvuntur. Perfecta voluntas cognoscitur è fructibus (operibus) hominum, sicut scriptum est: ex fructibus ipsorum agnoscetis eos. Nam qualis causa, talis effectus, undè sanè patet, exemplum nonnumquam plus docere (corrigere) quam multi loquium. Hodie quidem exercent mundum verbosa dogmata, in quibus & ipsa veritas promiscuè invenitur, at si effectum perspicias, reperiies eum in ratione ventositatis cum Causâ suâ exactè convenire,

nire, nam bonam suam voluntatem unusquisq; de se prædicat, perfectam nemo. Ecquis scrutetur occultos eos ac innumeros bonitatis gradus in eo, cui verbale testimonium redditur diversissimis cum distinctionibus & subdivisionibus. De confusâ, ac ventosâ eâ bonitate non sollicitor, miror tamen summam raritatem perfectæ voluntatis, quæ antè 300. annos dicebatur inter 1000. homines vix reperiri in Uno, vix inter 10000. hominum nunc reperiatur in Uno. Sed si perfecta voluntas est Sanctitatis completæ documentum, occurrit quæstio de sensu ejus articuli, qvo confitemur è Symbolo unam & sanctam Ecclesiam. Numerosi Cætûs contendunt ac dicunt, non dari hîc sanctos, eoq; confitentur in Cætibus eorum non inveniri Sanctos, cum tamen fateantur & ipsi sanctam dari Ecclesiam. Consequens autem est in sanctâ Ecclesiâ dari sanctos elective, tametsi non dignoscantur ab aliis minus sanctis. Quæstio hinc olim oborta est de paucitate Sanctorum, & fuit responsum, eâ de causâ esse tam raros Sanctos perfectæ voluntatis homines, quoniam maxima pars hominum præfigit sibi alium scopum præter verum fundamentum unum, optimum, undè fieri nequeat, qvin summâ sub inconstantia occupentur alienis exercitiis, subq; perpetuo summi Boni neglectu ambulent per totam vitam absq; ullo fructu spiritûs. Nam impossibile est eos, qui vero fundamento non posito haud diligenter student defectûs suos unâ cum concupiscentiâ vincere, puritatem Cordis acquirere, & juxta præparantis modi acquisitam aptitudinem soli Deo adhærere, unquam ad altiorem Sanctitatis gradum posse pervenire. Ast ideo sunt multi tam perversi, qvatenus observant, spirituale hoc sanctitatis indumentum non posse in corpore nostro mortali semper gestari absq; interruptione aut vicissitudine, citato dicto illo: qui in uno transgressus est legem, totius legis reus fit, hætenus conantur evertere quamcunq; Sanctitatis rationem, & vitæ restrictæ præferunt prophanam illudendo sanctitati solius fidei prætextu mediante. Sed sicut nemo negat in statu mortalium temporaneo non inveniri sanctitatem omnium absolutissimam; ita nemo fi-

delium tam præsumtuosus esse debet, quò sanctitati suam tollat dignitatem habitâ insuper vicissitudinis ratione, quæ solùm refertur ad statum corporis, nec hætenus præjudicat sanctitati perfectiori voluntati innixæ.

Plura verò quæ ad viam à te desideratam, quæ ducit ad adunationem, pertinent, invenies inferius in doctrinâ exercitii & præparationis, quò te nunc remitto.

Q. Dicergo, quando quis Deo verè adunatus dicitur? R. Tunc, cum per Spiritum S. in Deo transformatus seipsum amplius nescit. Non enim cum Deo unus Spiritus factus est, quisquis diversitatem (multiplicitatem) agnoscit: diversum autem sentit adhuc, quamdiu Deum in seipso, vel se ipsum in Deo reperit, tunc enim non unus, sed duo sunt Spiritus, Dei scilicet & hominis. Ab Unitate exulat pluralitas.

Q. Unitas vera quæ? R. Unitas vera est & dicitur, cum homo invenitur totus ipse in eo Uno, quod Deus vocatur, sublatus, amissus, immersus, sicut extrâ Deum non amplius amet vel noscat nec Deum nec ullam creaturam; siquidem hominis cum Deo adunati est una Essentia, una vita, diversitatis autem nulla notio: Paulus dicit: vivo jam non ego, vivit autem in me Christus. Ad Unitatem proprio appetitu feruntur omnes creaturæ tanquam ad suum principium, quoniam ibi perpetuum Sabbathum & sine fine dies. Hæc Unitate consequutâ pax homini perpetua est, silent cum voluntate turbæ, feriantur negotia, cessant omnes motus & actus, quapropter hic expendatur opus est, quanto damno hæc Unitas negligatur.

Q. Modorum, quo quis uniri Deo potest, optimus quis? R. Est saltem unicus optimus ille, quo quis seipsum, hoc est, proprietatem suam & in diversâ distractionem mortificat. Deus non diversimodè operatur in homine, quoad opus ejus propriè sumtum est tantum unum, tantò tamen perfectius atq; potentius, quanto latius potentia animæ intus patent, foris unitæ, & sequestratæ: Hoc autem fieri nequit, quin sibi moriatur homo. Cum vita melior Deus sit, tantò perfectius manifestatur ea, quanto

1. *Identify the system's current state.* – The first step is to identify the current state of the system. This involves identifying the current state of the system's components and the current state of the system's data. This step is crucial for understanding the system's current state and for identifying the system's current state.

[illegible]

1) As subject was reading the self-administered survey, some non-response was observed. In addition, all participants in the study were, by definition, teachers, so obviously, some of their personal decisions, such as having both a car and a house, having a child, etc. were not applicable. Therefore, the personal data were not included. As to question the reasons for leaving a classroom, the reasons were:

Q: Can I get my dog's teeth cleaned by a vet? I have a 10-year-old dog and I'm worried about his teeth. I've heard that dogs can get gum disease and that it can be very painful. I want to make sure his teeth are clean and healthy. Can I get his teeth cleaned by a vet?

14. *Stenopoda* is monogynous (see 1). *S. tenuis* has male, female and hermaphrodite individuals. *Stenopoda* is monogynous (see 1). *Stenopoda* is monogynous (see 1).

viſturum eſt concedendum, quoniam ſubeſt independens neceſſitas, quâ Vita morti nunquàm deroganda eſt, imò ſi ad gradum reſpexeris, Vita tantò potentior eſt, quantò potentior mors eſt, hoc vita proximior, quò mors proximior. Eoſdem cum morte habet vita gradus, quorum reſpectu diverſa dicitur vita: quælibet autem vita novas homini addit vires, undè fortificatus poſtmodum queat acerbiorẽ ſuſtinere mortem. Id toties fit, quoties propter Deum homo emoritur inclinationi ſuæ intus vel extus, quoties etiam fortiter reſiſtit voluntati ſuæ ſivè ad cupidinem ſivè ad vindictam pronæ, ſivè probro ſollicitatæ, ſivè quibuſcunq; deliciis illectæ. Hæc namq; dura reſiſtentia ac mors laborioſa eſt ei, qui nondum ritè præparatus aut contingentibus adverſis aſſuefactus eſt. Qui præparatus eſt, ei perfacilis imò longè acceptior mors quàm vita redditur ideò, quod vitam in morte, lucem in tenebris invenit, hinc etiam extrinſecus non deſinit mori tamdiu, donec totus mortuus eſt, hoc eſt, donec non eſt neceſſe amplius emori ulli rei externæ, & tunc dicitur certâſſe bonum certamen, quamvis internè nondum totaliter mortuus eſt.

Q. Poſſetne homo ſibi mortuus cunctis rebus uti licenter? Reſpondetur quod ſic, imò jure meritoq; : nam Creaturæ ſunt tantum huic verè jucundæ extus & intus, qui propter Dei amorem deſeruit omnes. Sic nemo amavit unquam in Deo parentes & conſanguineos ſuos, nî prius propter amorem Dei deſeruit eos, totalem hanc deſertionem vocamus mortem: huc ſpectat illud Chriſti dictum: veni ſeparare filium à Patre, filiam à matre, & inimici hominis ſunt domeſtici ejus.

Matth.
10.

Q. Annon ea, quæ mors dicitur, deſertio Parentum & Creaturarum omnium, nimium dira morſ eſt? R. Non, imò blanda nimis ac levis morſ eſt, quâ homo externus (mortalis) perditur. Facillimè autem deſeruntur externæ creaturæ, ſi quis à curis mundi atq; negotiis inutilibus averſum ſe converterit ad novam, internam, divinam vitam, nam dulcoratâ taliter quâvis amaritudine mors tegitur vitâ, nec ullus conſlictus metuitur, ubi
quis

quis intrò fugatus ridet hostes foris delusos, quotquot occurrunt externa irruentia mentem non penetrant, quia idem cum impulsu repulsus eorum est. Cum omnes Idæ varient, dissimiles sibi sunt invicem: inverso ergò homini necessum est, curare, quò rerum omnium imagines menti obversantes in se sepiat aut oblivione deleat, ita ut ex morte dissimilium confurgat vita similitudinis.

Q. Quid denotat illud Pauli: mortui estis & vita vestra sepulta *Col. 3.* est cum Christo in Deo? R. Tantum innuit S. Paulus hoc dicto, quod nondum sunt unum cum Christo, qui sunt absconditi cum Christo: duo quippe diversa respicit particula cum. Alibi verò dicit Christus: Pater volo, ut unum sint, quemadmodum nos sumus unum. Christus non vult, ut unum sint quoad relationem Personarum (Patris & Filii), sed quoad simplicitatem ac unitatem Essentiæ, vitæ, operationis, ut scilicet taliter fiant unum & perficiantur in uno, dum adhuc mortales sunt ad vivendum & operandum divino modo. Quod si verò vita hominis debet esse vita Dei, necessum utiq; est, ut totâ naturâ suppressâ confestim ac seriò emoriatur homo cunctis creaturis, alias non intrat Deus, cum se in hoc respectu Deus & natura non compatiuntur, nec Deus operetur naturâ operante: emortuâ autem naturâ vivit Deus in nobis, vitâq; semper in morte later abscondita. Moriendum porro est & interno homini, sic ut totus homo moriatur. Enim verò tametsi homo miser, cui caduca vita valde molesta est faciliè moriatur extrinsecus, nondum tamen penitus mortuus est, quin etiam sæpè fit, ut intus quàm difficulter moriatur, nec faciliè recedit desiderium internum ab objecto desiderabili, quiete scilicet, commoditate, solatio &c. Cum & externus homo objectis suis congaudeat, sicut scriptum est: bonum est mihi adhærere Deo.

Q. Nunquid sensatio hujus Boni est deferenda, quæ à scripturâ laudatur? R. Homini perfectionem quærenti deferenda est utiq;, quatenus ea sensatio pertinet ad commoditatem, solatio & ad internam possessionem (proprietaem), hæc ideò quod in

A a

se

Pf. 72.

se bonum desiderabile est, est deferenda ac sepelienda, utut Scriptura eam commendat: debilibus enim Scriptura faveret ideò, quod sine gradibus non scandere, sine viâ & gressibus non ambulare possunt, quæ verò hic tradita sunt, robustioribus dicta sunt jam longius progressis. His namq; sciendum est, in eo, qui veraciter Deo cupit uniri, oportere quoq; emori (filere) (potestates) (potentias internas) hoc est, oportet, ut voluntas omne bonum, omneq; arbitrium, Intellectus quoq; & ratio cognitionem & intellectam veritatem, memoria species, reliquæ facultates ac sensus omnia eorum objecta propria & plausibilia deferant, exuant seu delectant.

Q. Annon privata potentiis anima ipsa perditur? R. Id ipsum oportet esse, ut verificetur Christi dictum: Si quis animam suam servat, perdet eam, qui verò perdit eam propter me, inveniet eam. Negandum quidem non est, mortem eam esse omnium acerbissimam, eoq; non ab unoquoq; fidelium intelligi; ast cum cernamus extinctis in homine luminaribus naturalibus, alia luminaria miris modis prolucere in purâ mente, dona scilicet, Dei multum desiderabilia, hinc meritò concedendum est, oportere mentem etiam his donis & illuminationibus emori, quatenus non sunt ipse Deus, quia tantum media Deum inter & mentem intercedentia: eorum mortem probat Unitas, sic ut non sit unus cum Deo Spiritus, qui partem habet adhuc cum mediis (donis Dei). Hinc verè dicitur, animam tunc propriè inveniri, cum perditam omnia, quæ vivunt ac lucent in nobis. Nunquid animam suam quis perdidit propter Deum, qui vel tantillum libertatis propriæ in suâ animâ custodivit, quò juxta potestatem volendi hoc velit, id nolit, hoc agat, id intermittat? Qui vult & non vult, potestatem habet & libertatem; ast si potestas operatur, nondum est perditam anima. Contrario modo Christus exemplo suo nos ad sequelam sui invitat, cum voluntate suâ mortificatâ se Patris voluntati dedicabat.

Q. Quo signo quis noscitur nondum Deo integrè unitus? R. Eo, si adhuc expetitur adhæsiōem, observationem, approximationem,

pronascantur vitiosæ quàm virtuosæ. Nam ubi in animâ confurgit Idea virtutis, ibi potest etiam confurgere Idea vitii, & sic non esset odium, si non esset amor nec humilitas, si non superbia esset, non quæreretur summum, si ignoraretur imum. Est ergo imaginationi moriendum, si quis ad unum summum aspirat, ac si essentialiter vult transformari. Per vias itur ad finem, obtento fine negliguntur viæ.

Q. Siccinè virtus semper defuncta manet? R. Neutiquam! Annon est paulo antè dictum, ex quâlibet morte confurgere novam vitam? Id etiam qvoad deperditam virtutem dicendum venit, quæ statim ex qvo in Deo obivir, confurgit novâ virâ, sitq; homini propria & essentialis, sic utimposterum non propter objecta diversâ nec propter alium finem operetur, nisi propter seipsam, nec aliud quidpiam operetur, nisi seipsam. Est enim Deus ipse omnium virtutum essentia & causa, quocircâ operatur hæc virtus solum bonum propter bonum qvia bonum est bonum, diligit propter charitatem, verax est propter veritatem, iusta propter justiciam. Veritas essentialis non recipit magis vel minus, simplex veritas, simplex bonum & simplex unum est Deus perfectus nil perdens, nilq; recipiens.

Q. Annon & Creaturæ, puta Cælum, Angelus, homo habent unum, verum, bonum, quatenus sunt entia subsistentia? R. Id quidem sic est, verumtamen id habent non sine modo, qualitate, quantitate, prætereà omnes omnia vel singula in uno ente finali habent terminata: ideò si velit quis omne bonum, omne verum, Ens omne, habebit hæc omnia in uno Creaturæ omnis principio simplicissimo, Ente vero, bono, sine modo tali. Hinc dixit ille: Quis mihi est in Cælo, & à te quid volui super terram. Suadetur ergo pio homini, ut misso Cælo, Angelo & Homine capiat Ens essentialiale, bonum, verum nuditer in eo ipso, nec patiatur eidem adit, et quidpiam, cum minimum adjunctum tollat Unitatem. Multiplicato uno fiunt termini, pluralitates, impedines, sicut mens admissio adjuncto reverà ejus Carcer nuncupari possit. Unum, quod Deus est, continet intrâ se omnia, dat omnibus

bus tam esse quàm bonum, & extrà eum, qui immensurabilis & infinitus est, nihil est.

Q. Si quid autem divinum est, puta homo, modus, opus, quæ in se dimensa sunt & finita, divinum autem est, quod Dei est, quæritur, qualiter finita cum infinito conveniant? **R.** Finita quandò in Deum terminantur, fiunt infinita & immensurabilia: sic modus in quantum divinus est, non extrà seipsum est, quia inest ei omne bonum essentialiter, veraciter, simpliciter, nil diffitum est ei, nil alienum; sic homo divinus, in quantum per Deum & in Deo opus vel facit vel non facit, nil unquàm negligit, imò opus quod quantum potest, perfectissimè peragit, est opus omnium optimum, quia per Deum factum. Hoc respectu opus minimum coæquat dignitate maximum, nimirum, quia bonum inest operi essentialiter, non accidentaliter. Idem de parvâ oratione venit dicendum incomparatione ad magnam, si sit divina. Bonum quod operi externo inest, habet se juxtâ intensiorem charitatis, hæc autem interna essentia potestas est, quapropter tantum est boni in minimo, quantum in maximo, in uno tantum quantum in omnibus: quod autem hîc requiritur est fundi æqualitas, reliqua quæ fundum ambiunt, sunt signa latentis fundi. In veritate, si quis divinam voluntatem habet bona opera & eleemosynas faciendi, sanctitatem habendi, cuncta tormenta sustinendi &c. quantum vult ac optat, dummodo sola desit potestas, id omne præstitum est coràm Deo velut ipso facto.

Q. Quid sibi vult dictum Christi: In sua venit & sui non receperunt eum, quotquot autem receperunt eum, illis dedit potestatem fieri filios Dei? **R.** Licet omnia sint Dei, propriè tamen humana natura dicitur possessio, hæreditas, proprietas verbi, quoniam verbum assumpsit solùm eam naturam in unionem, ac præter hanc nullam aliam, idcirco dicit textus, in sua venit. Sic ejus sunt propriè, quorum natura humana est, capax recipiendæ filiationis Dei. Ut filius Dei naturatenus est unum cum Patre, ità & homo divinus per gratiam est unum cum Deo quoad

divinum esse, & hâc ratione est ac dicitur Filius Dei, extrâ quem Deus nil agit, sicut nec homo talis quicquam agit sine Deo, imò nec Deus se separat à tali homine, nî homo prius se separaverit. Hoc enim negandum non est, quamprimum in homine divino aliquid aliud præter Deum est, vivit vel sapit, se cuncta habere tunc aliter; siquidem divinus is tantum homo est, quem præter Deum nil movet uspiam, cujus ad operandum causa solus Deus est: imò divinus homo nec vocat, nec commemorat Deum extrâ se ipsum, cum propter id quod unum sunt in uno inveniat Deum in se ipso, & cum Deus movet, vel tangit hominem perfectum opus suum per eum, tam à se aliena videntur hæc Dei opera, ac si per alium facta fuissent.

Q. An etiam sui sunt tales homines, qui non recipiunt Filium Dei? R. Omnino sunt ejus, quia homines sunt; sed non sunt unum cum eo, adeoq; nec Filii Dei ad optivi. Respectu naturæ quam verbum assumpsit, est quivis homo Christo proximus, tum & homini, imò omnibus hominibus, remotus autem unusquisq; & à Christo & ab aliis individuis quoad personam. Naturam uniuscujusq; hominis assumpsit Christus, & hætenus in semetipsum omnes traxit, quod autem non omnes sequuntur, quò trahuntur id propriâ eorum culpâ fieri certum est. Per id autem, quod totam humanam naturam assumpsit, necnon divina dona cuncta ei contribuit, quæ à Patre accepit, sequitur, divino quoq; homini tribui omnia, quæ Christo data sunt à Patre, sic ut tam sint propria homini, quàm ei ipsi. Verùm quid prodest homini, quod homines sint juxta naturam sibi similes, stultus sapienti, minimus maximo, damnatus beato, homo Christo, si sibi est proximus homo, si sua plus quærit & amat quàm ea quæ Dei sunt? Nam ad Charitatem proximi requiritur, ut ea sit modificata versus omnes homines sicut versus se ipsum, sic ut homo aliorum esse, vitam, bona, commodum, solatium &c. pari curâ ac propensione observet atq; suam.

Q. An ergò indifferenter communia sunt cunctis præstanda opera, an juxta modum aliquem? R. Juxta modum quidem, sed cum

negotia præbeant Simplicitatis indicia , quæ nemini tantopere
quàm Deo complacent.

2. Ut Sermo ejus sit simplex, brevis, utilis atq; è rebus divi-
nis formatus.

3. Ut tota ejus Vita simul & opera à nemine possint culpari.
Interni hominis regimen est

1. Ut Cogitationes hominis sint puræ, ac cœlestes.

2. Ut solum Deum in cunctis conceptibus quærat & respiciat.

3. Ut in cunctis accidentibus sive adversis sive secundis rebus
semper eodem perstet animo per modum aquæ stagnantis.

Ut autem horum requisitorum causam penitus pervestiget,
noscendum est, Deum non revelare se (non apparere) in Men-
te, quamdiu homo à Creaturis aut rebus humanis movetur (af-
ficitur) sive ab afflictione, sive ab honore, insigni amore, opibus
&c. Oportet ergò hominem cavere sibi, ne suum desiderium
flectatur ad ullam malitiam. Oportet etiam paratum esse ad
sustinendum impetum qualiscunq; adversitatis, sic ut citrà da-
mnum immotus persistat. Oportet etiam hostibus, si quâ cru-
deliter tractaverint eum, ità sine vindictæ cupidine ignoscere, ut
mali nil iisdem imprecetur, sed potius ejusmodi afflictiones à
manu Dei libenter atq; cum gratiarum actione recipiat. Et
quamvis ob dolorem consurgat motus primus naturalis, is ta-
men quamprimùm observatur, est inhibendus cum Deo, sic
quidem, ut ea apprehensio nec verbis nec vultu prodatur. Tali
modo acquiritur constantia nactæ semel adunationis divinæ, cui
Coronidis loco adjicienda est necessaria observatio, nimirum,
ut homo in mediis negotiorum undis valeat se liberare à
cunctis cogitationibus, Ideis ac umbris, quotiescunq;
se ad orandum composuerit.

SECTIO

in bonis operibus, hoc pietatis vocant exercitium, quod proximi charitatem includit.

Quisquis hucusq; pervenerit, is probus homo nuncupandus est, eoq; aptus ad eam præparationem, cujus nunc mentio facta, quæ vè ad perfectam, & spirituales vitam necessaria est. In ordine igitur incipit.

CAP. I.

De Fide catholica.

Q. Mirum, quàm præcipitanter de Cælo lapsus impingis in imum terræ Scopulum! Annon oblitus es, te hætenus docuisse, qvaliter humanus Spiritus in tempore conquirit Regnum Cælorum, eoq; dicatur perfectionem adeptus esse, quoniam nunc incipis tractare de omnium infimo articulo, qui recitatur à pueris, estq; basis seu fundamentum, quod non conspectui sistitur, imò cujus doctrinâ adeo practicis Christianis superfluam autumabat S. Paulus, ut etiam objurgaverit eos, qui insistendo in primis his fidei viis negligebant progressum, hos enim infantibus comparatos lacte fidei pascendos judicabat, sed & indignabundus verabat. Ecquis ergo te non derideat jure meritoq;? **R.** Te derisorem tuiq; similes spectat ea, quam objicis oblivio, facitq; similes Judeis, qui Christum concionantem extollebant stratis in viam vestibibus, mox verò facti inmemores damnandum eum tradebant ad Crucis supplicium: rursus per signa portentosa conversi Filium Dei denunciabant, quem iterum post triduum cum Phariseis abnegabant. Quod si enim fides est fundamentum, sitq; viva & per dilectionem sic operans ut exercitium pietatis superstruatur ei, monstrandum tibi est, quî possit tractatio fidei penitus omitti in pietatis exercitio, quod in hac sectione tractandum indicavi; sed hanc ipsam tractationem eo momento quo legisti, oblitus es.

es, aut quæ eidem includi debent, nondum didicisti. Hujusmodi oblivio non inter plebem tantum, sed ubiq; tam est vulgaris, ut nil communius, certè digna quæ nigro signetur lapillo. Quod autem S. Apostolus invexit in eos, qui nil nisi fidem prædicant, hujus causam ipse assignasti in tuâ objectione allegando id, quod adhuc primis viis insistant, progressum negligent infantibus similes facti qui lacte pascendi sunt, cum olera concoquere nequeant. Id ipsum ad nostra tempora opportunè venit applicandum, quæ etsi non aurea, sed ferrea nuncupentur ipsa, nihilominus non duros ea ferunt homines viros, qui ferro agere aut ferrum sustinere valeant, diceret quis homines potius adeò lacticiuiis emollosos inveniri, ut alimenti sui instar ex pari diffuant. Quid quod huc usq; per secula disputatur de fide sic, ut nemo præsumat finem ejus disputationis prævidere, hinc nihil morandum duco, quin quæ jam incipit Secunda Sectio initium à fide sumat, quæ in negotio Spiritus nil prius habet, sed omnia posterius, imò nec ipsum hoc initium caret doctrinâ spirituali, cujus ergo tractatio quædam brevis est licita, uti quoad ordinem necessaria, hæc etiam ratione dehinc exclusi vulgarem disputationem de fide, quæ verò huc pertinere videntur, adjeci. Quæ ad catholicæ Fidei probationem inserviunt, in suis Polemicis uberrimè exposuerunt S. Patres. & multi recentiores Theologi, quorum probatissima inveniet curiosus Lector in aliis meis tractatibus tanquam in compendio, quæ verò ibi deficiunt ceti non necessaria, commodius huc reservata sunt. Tu ergo de his quid velis interroga.

Q. Fides Romana, quæ prædicatur per totum orbem terrarum, est ea Fides, quæ per dilectionem operatur, & hætenus vocatur viva & justificans. Quàm clarè autem S. Patres cum S. Scripturâ eam passim commendant, hoc non obstante magnâ turba hominum hiscè seculis opposuit se Orthodoxorum Doctorum testimonio antiquissimo per hoc, quod vel dissimulant necessitatem operationis, vel prorsus eam à fide justificante secludunt inductâ voculâ exclusivâ (rò sola).

Quæro igitur à te tantum, quid Author noster proferat de solâ fide ad justificationem? R. Nil habet Author noster de fide solâ, ideò procul dubio, quod ea tunc temporis Usu carebat. Mihi autem videtur vocula sola hoc loco esse periculosum epitheton, quatenus ab eâ re cui jungitur, excludit quoq; cuncta, quæ alioquin de eâ dici solent. Fidei juncta non tantum excludit præterita opera omnia sine fide facta, sed etiam subsequenta, quæ cum Fide, per Fidem, & in Fide peraguntur. Quod si quis fidem compareret arbori, opera fructibus, hoc ipso distinguit inter arborem & fructum ejus, si verò non distinguit inter fructum & arborem, utrumq; intelligit inclusivè sub voce arboris, & talis est sensus rei comparatæ. Enim verò quisquis per voculam sola explicat justificationem, is opera Fidei ab ipsâ fide vult aut non vult exclusa, si illud, indubium est, eum confundere totam christianam doctrinam contra quàm licet; si istud, imprudenter usurpat etymon sola, quo ipso noscitur exclusa opera, quæ in rei Veritate reperit inclusa Fidei. At hi, qui dicunt vivam Fidem solum justificare, tollunt solitatem per adjectam voculam vivam, statuendo sic fidem esse vivam per opera, vitam scilicet, sive virtutem fidei operibus donando, quod est perinde ac si juxta catholicum dogma dicerent, Fidem & opera justificare. Idcirco dixi, voculam sola hoc loco esse vocabulum periculosum, quod, tametsi in sano sensu, hoc est, quoad prævenientem gratiam quodammodo possit usurpari, non tamen est retinendum ubiq; nec detorquendum ad gratiam subsequentem, cum credatur fidem esse fundamentum reliquarum virtutum ac operum meritoriorum, quâ nihil apud Deum invenit gratiam sine Fide: sic plures lapides huic basi superstrui, vel copiosos fructus in eâ arbore pronasci haud dubitamus & tamen est una arbor cum vel sine fructibus, fundamentum unum cum vel sine ædificio. Primo modo cum fundamentum ponitur, possum dicere solum fundamentum, sed secundo modo, cum variæ partes eidem sunt superstructæ, non possum dicere fundamentum solum, cum jam sit ædificium appellandum. Ad Fidem id applicando, quisquis est

est quid dicit Fidem solam justificare, sibi tamen imaginatur Fidem debere esse vivam, is decipit suos Auditores, qui credebant dari fidem mortuam expressè per voculam sola intelligendam datā, tunc autem credere debent hanc Fidem esse justificantem, quatenus nesciunt quod qui eo sensu docet, celat sensum quem habet in mente, hoc ad secundum modum. Quoad primum modum autem, dixi quidem voculam sola in sano sensu admitti posse, sed quis nesciat, quānam sub Cautelā is modus explicari debeat? Quoniam nemo audebit dicere gentilem hominem mortuum post assumptam & confessam Fidem neglecto baptismo salvatum iri, quia scriptum est: qui crediderit, & baptizatus fuerit salvabitur, baptismus autem opus est. Necessum ergo est, ut credens baptismum desideret, si quā obtinere nequeat, aliās periclitatur de Salute. Sic infantes baptizati salvantur per baptismum, si moriuntur, antequam credere possunt. Tenetur quoque credens adultus antè & cum baptizatur, amare eum & fidere ei, in quem credit, quæ omnia sunt talia opera virtuosa interna, quæ quid & fides est; sed hæc concomitantia opera excludit vocula sola. Videant ergo quā circumspectè sit agendum in Usurpatione voculæ sola, etiam cum ei justificationem tribuimus in ordine ad gratiam prævenientem. Salvator mundi misertus humanæ vanitatis ostendebat populo suo quod falsò credebatur quasi æterna salus sit ex operibus Legis impetranda: hæc sanè misericordia erat magna & gratuita. Hoc patefacto errore adiciebat insuper gratiam pro gratiā docendo eum modum per quem salvari poterat mundus, quæ gratia certè ingens erat, cum animus quæ naturatenus bonum quærit, non poterat à seipso quod quærebat invenire. Docebat porro processum Redemptionis, quam liberè suscipiendo absolvit, hæc mediante nos recipiendo ac purificando. Liberum hoc factum non fuit ullis nostris meritis attribuendum, adeoque quā nostram Fidem oppignorari decebat, erat ea per Revelationem manifestanda, hinc prædicatio, quā scilicet per eam notitia in sensus, per sensus in memoriam, ex hæc in rationem & intellectum præveniret.

veniret. Re taliter cognitâ assentit intellectus aut non assentit, si non, luit culpam pravitatis (in obedientiæ) quatenus mens per lumen cognitionis tunc invenit ipsum summum bonum, quod cunctis in rebus quærere debebat, id si non recipiendo à se repellit, dicitur Mentem esse obserratam; qui verò assentit Intellectus, eum illuminatum vocamus, quatenus Mentem hanc penetravit Lumen verbi, is ergò, à quo sentit, hoc ipsum quod prædicatur esse verum bonum, cui nequit contradici, assentit ei, & hæc est assensio ea, quæ vocatur Fides, tantò quidem fortior, quantò ignotæ rei excellentis cognitio purior, plenior, quanto rei inveniendæ desiderium ardentius est. De hac assensione notandum venit, quod sit sensatio influentialis veritatis essentialis, dehinc dignoscere possumus, an Fides vel Opera seorsim aut junctim justificent, id namq, tota S. Scriptura, quam credens tenetur credere, abundè explicat, hæc digitus est ejusdem veritatis essentialis. Cæterùm hæc ipsa assensio est opus mentis virtuale, siquidem est Actus intellectus reflexi in ipsum Ens verū, quod sic cognoscit, isq; actus quā purus est ac segregatus adhuc ab omni alio opere, vocatur speciali nomine Fides: huc spectat omnis Apostolorum doctrina controversistica de primo Fidei merito, quod scilicet id referatur ad gratiam prævenientem in baptismo expressam. Cum autem contingat hominem quā citò elabi ex eā gratiā, atq; per meritum peccati amittere redemptionis, justitiæ ac Fidei meritum, quæritur meritò an Fides Lapsi recuperet eam necnè? Negativam tota Ecclesia semper tenuit, (quod alibi latissimè deduxi) hanc tamen non obstante affirmativa hoc tempore magis arridet multis, etiamsi non audeant palàm asserere, quod sub peccati actu amittatur Fides. Annon coguntur fateri hætenus, stante Fide sub actu peccati nequaquam eos gratiam & justitiam amittere quia insuper justificari? Cum sub peccato non persistat justitia, apparet hinc eos non distinguere inter justitiam & injustitiam, quæ simul stare nequeunt. Cum autem sint inter eos qui credunt in & sub Fide amitti justitiam peccatoris, quomodo recuperabit

perabit iustitiam per solam Fidem quam peccator semper habuit, & quæ ab amissione iustitiæ cum præservare non potuit, ergone hæc medicina est tantum curativa, non præservativa? alia autem facilius est cura præservativa, quam curativa. Si vero vellent dicere, perdi Fidem sub peccato, quatenus non credunt peccatorem in peccato mortali mortuum iri salvarum, an non hinc sequitur ad obitum usq; eos Fidem non habere, eo quod ajunt mandata DEI servari non posse, peccata autem semper comitari eos naturatenus, ut taceam quod defectus, ac peccata omnia promiscuè pronunciant mortalia? Sunt autem & inter eos, qui pœnitentiæ opera adscribunt præparationi, quid autem hoc ad Fidem solam? Cùm Deus attendat tali præparationi, consimilibusq; operibus, per quæ augetur Fides, succenditur amor &c. tollenda est vocula sola, quæ robur & augmentum fidei solvit, quid aliàs essent termini iræ Dei, subtractæ gratiæ, quid cum difficultate redinveniendæ gratiæ, quæ omnia in S. Scripturâ credendum proponuntur?

Q. Cùm inter multos mox prædicetur Fides sola (operibus carens) mox viva (per dilectionem operans) quid sentis inde sequi? R. Hanc diversificationem sequi in populo confusionem testatur ea mundi impietas, cui per distortam rei intelligentiam data est occasio in libertatem carnis. Cùm enim existiment, omnem promiscuè Fidei prædicationem oportere esse rectam, indeq; Fidem solam (excludentem) non posse esse non vivam, conterri sunt tali fide, quæ genio eorum & plausibilior est & conveniens eorum rationi. Sunt ergo inter eos qui putant se fide suâ stare posthabita pietate non advertendo tantam petrificati Cordis duritiem, e qua venit, quod solent dicere: se habere Charitatem, cùm Charitatem non habeant, se facere bona opera, cùm opera non nisi mala faciant, quorum etiam vitam si quis examinatum instet, appellant ad solam Fidem, id est, ad non Fidem, quia tantum verbalem, quam S. Scriptura vocat incredulitatem. Huic verbali fidei applicandum est id, quod Dominus dicit per Prophetam: Labiis me colunt homines, sed cor eorum

rum longè à me est; quod idem est ac ore benedicere, & corde male dicere, quoniam quem ore Deum fatentur, factis negant.

Jacob. 1.

Marc. 16.

Q. Cum scriptum est: Fides sine operibus mortua est: huic autem dicto opponunt aliud dicendo, scriptum esse: Qui crediderit, & baptizatus fuerit, salvus erit. Ad quid inservit ea textuum oppositio? R. Videtur ad id iisdem inservire, ut Cordis sui duritiem abscondant excusatis peccatis, quod ut tantò facilius queant efficere, ut plurimum Jacobi Epistolam exauthorant. Verùm Apostolus Paulus dicit: quotquot sunt baptizati, eos esse baptizatos in mortem Christi: & rursus dicit: eos qui sunt cum Christo mortui, mortuos esse peccatis & carnis Cupiditatibus: exin videmus, per præcitatum dictum Christi duo intelligi in sensu spirituali, per baptismum quidem mortificationem veteris Adami (id est: peccati) per Fidem autem vitalitatem novi Adami (id est: exercitium pietatis): quod si in spiritu, non in litera querendus est sensus, indubium est eos qui verum ejusdè dicti sensum capiunt, ineptam fore pronunciatiuros hanc oppositionem dictorum, quoniam loquuntur Fidem, qui Fidem non faciunt. Hinc dicit S. Augustinus: Fidem eam, quæ non cum vivâ charitate & operibus intrat in Deum, ut cum creditur tantum ore, non esse Fidem veram: fides autem ficta vocatur in Evangelio incredulitas.

Q. Undè cognoscitur istæ hominum incredulitas? R. Manifesta ea est in cunctis his, qui præter Deum desiderant aliud quidpiam, hi nec digni sunt nec possunt dicere cum Rege David: Deus meus es tu Domine, præter te quid volui super terram? Eorum quidam comparantur incredulis Christi discipulis, qui ore Messiam confitebantur, corde vero diffidebant ei, quos obindè Dominus antè suam Ascensionem graviter objurgabat.

Q. Nonnè hæc objurgatio inter nos quoq; locum habet hodiè, prout videtur, ob tantam populi incredulitatem? R. Inter omnes eos locum habet, quorum corda sunt obdurata, & à spiritu incredulitatis petrificata, idq; tantò magis, quanto minus ad eum modum, quo convertebantur Apostoli, id est, per Spiritus S. chari-

charitatem convertuntur, quâ mediante reprehenditur homo, durumq; Cordis coagulum dissolvitur.

Q. Siccinè durò Cordi tantùm deest voluntaria Correptionis susceptio? R. Sic est, non aliter: nam bonæ voluntatis hominibus data sunt promissâ divina, quorum ideò res salva esset, si agnitâ cordis duritie divinam fusciperent objurgationem. Quàm multi verò sunt, qui spretâ agnitione contumaciter persistunt in suâ incredulitate indies singulos duriores redditi. Propudiosa eorum, qui Deum agnoverunt, durities est, quâ omnis boni facti, orationis & similibus piarum Exercitationum eliditur desiderium, sic ut eorum corda in viâ ad Deum penitus lapidescant, quàm mollia sunt aliàs ad sentiendum caducas delectationes. Contemnunt id, quod eos spectat dictum Prophetæ: Auferam ab illis Ezech. 11. Cor saxeam, & dabo illis Cor carneum, ut in viis meis ambulent, & custodiant mandata mea. Voluntas autem prava cum semper obstat, quominus Deus lapideum Cor eorum emolliat, non potest fieri, quin in antiquâ de mentiâ persistant non curando præfatum effatum DEL, quin potius contradicendo ei & cæteris similibus.

Q. Quænam est causa, quod tales homines ad obeunda pia Exercitia tam frigidi sunt, duri ac rigidi, nec ullam inde percipiunt suavitatem? R. Vera ejusdem insensilitatis causa hæc est, quod cor eorum non est obsessum à Deo, sed à Creaturâ, quam oppugnare nolunt spretâ monitione & reprehensione.

Q. Redeundum nunc iterum est ad quasdam Objectiones, quarum solutionem requiro: frequenter enim objiciunt dicta: Mat. 16. Qui non crediderit, condemnabitur. Et: ut omnes qui credunt in eum, non pereant, sed habeant vitam æternam. Joh. 3. Quibus dictis volunt probare, quod quilibet homo per solam Fidem in Christum & Redemptionem adipiscatur Justificationem sive gratiam, Salutem & cuncta bona Cœlestia. Id quidem minimè sic esse à tota S. Ecclesiâ semper ostensum est, tu autem quid sentias hîc refer? R. Sunt, qui hæc Salvatoris dicta minus rectè intelligunt, quin etiam alia dicta, quæ Christus hiscè postposuit, puta

puta de luce & charitate verâ, de veritate sub fide comprehensâ communiter obaudiunt, idcirco q̄ualitatem Fidei non dilucidant. Habet autem Fides gradus quosdam perfectionis, quorum respectu est prior ac posterior cognitione, sic q̄ua ratione differt Fides, hâc ratione diversum habet meritum sub exclusivâ solitatis. Datur ergo notitia rerum credendarum, q̄vam S. Scriptura vocat Sapientiam, ad distinctionem Fidei mortuæ, q̄væ non habet eam, hinc propter Legem Domini vocabatur populus Israëliticus gens sancta & sapiens. Enimverò qualiscunq; sit Fides, q̄vâ tamen homini non cōnascitur, supponit doctrinam earum rerum, quas homo tenetur credere, & rei non auditæ nulla Fides datur. Moralit Fides ingenuis & prudentibus competit, salvifica verò à cunctis hominum ordinibus requiritur, hinc nōsse præstat, q̄valiter negotium Fidei geratur in Ecclesiâ. Fides injuncta est non solis ingeniosis, sed etiam simplicibus, pueris, adultis & senibus; proindè ne cui talentum suum deficiat, instituit Ecclesia, ut rudioribus (doctrinæ incapacibus) traderetur Symbolum Fidei, pueris Catechesis, adultis prudentibus simul Scripturæ explicatio. Constat hinc traditionem cunctorum credibilium, q̄væ S. revelat Scriptura, perfectiorem reddere Symbolicam & Catecheticam Fidem. Christiani tametsi credunt q̄vilibet pro modulo suo, non tamen in Fide tali q̄uali sunt omnes boni, sancti vel beati, nec omnes credunt, q̄vod capere possunt (ut rudes, inertes) nec omnes intelligunt q̄vod credunt, ut pueri & plebeji, hi magnâ ex parte volenter, ne fortè quod credunt, facere teneantur, obquam Fidei imperfectionem vocantur mali. Imperfectam hujusmodi Fidem non prædicavit Christus citatis in locis, q̄via longè perfectiorem; id q̄vod ex in apparet, q̄vod suos discipulos objurgare volens vocabat parvæ Fidei homines, & eam ipsam Fidem, per q̄vam transferri montes possent, vocabat parvam, eam ergo, cui salus æterna promittebatur, majorem (perfectiorem) voluisse Christum q̄vis dubitet, maximè cum adeo extulerit centurionis Fidem, ut dixerit, tantam Fidem se in Israël non invenisse? Non quidem à cunctis

cunctis æq; capiuntur, vel notantur, quæcunq; S. Scriptura proponit noscenda & credenda, sunt tamen simpliciter credenda ceu Veritas possibiliter scibilis antequam noscuntur, & hæc Fides est, quæ propter respectum ejus in quem credit, desiderat nosse, audire scilicet, vel legere cuncta, quæ includuntur in sphaerâ Fidei, ut quod deesse possit, compleatur affectu & conatu. Magna ergo Fides est, quam Christus subintellexit tunc, & magna est Fides simplex, quâ quis paratum se sentit credere omnia, quæ Verbum Dei & S. Ecclesia proponit credendum, & hæc Fides est indocilium, ac innocentium ante cognitionem, quæ & perseverat post cognitionem in sapientibus, qui lucem præ tenebris diligunt. Et quamvis imperfecta Fides facilius turbetur aut suffocetur, quâ sine Luce cognitionis est, vivit tamen vigetq; perfectior, quia per Lucem cognitionis illuminata facta est vitalis. Confert ergo quâm maximè quærere profectum ac perfectionem, ne quâ defectûs correctio relinqvatur judicio. Negligentes cum pueris excusari cupiunt, temerarii cum simplicibus, obsequiosi verò exhibent speciem Virilitatis, cui corona Fidei parata est. Hos quidem antequam ad perfectam Fidei cognitionem pervenerunt, oportuit constanter credere, quæ de Deo scripta, & à Deo proposita tradidit Ecclesia esse omnium veracissima, per hanc itaq; Fidem instigati studuerunt cognitioni & sub cognitione attigerunt perfectionem: simplicem ergo primam Fidem remuneratur Deus præmio primæ gratiæ, cognitionem verò commiseratione dignatur, sive subsequenti gratiâ, quatenus in innocentia longior Vita raro traducitur. Constat hinc Fidem posse per totam Vitam durare, gratiam verò (justificationem) non item: nam si quâ operum injustitia injustum facit hominem sublatâ scilicet ab eo justitiâ, non potest dici, quod fides quam habet tunc temporis justificet eum, ast si deberet dici eum non peccare cum peccat, sed justum esse, cum est injustus quia fidem habet, tunc sola Fides justificaret; econtrâ verè dici potest, lapsum justificari iterum mediante justitiâ & gratiâ, quam recuperat per actum pœnitentiæ & alia quæ huic adhæ-

Rom. 6. rent in vivâ fide opera. Hinc dicit Apostolus: qui mortuus est (peccato) is justificatus est à peccato. Mortuus autem peccato est, qui vivit novâ vitâ. Salvator mundi non justificavit mundum sic per Fidem, ut liceat ei acceptam semel justitiam perdere, quin ut conservet eam mandavit. Justitia, quod est notissimum, perditur sub peccato, quæ in sanctimoniâ conservatur, tam ponderosa autem est justitiæ Conservatio, atq; est ipsa adeptio, ut si quâ perditur, non nisi per salutaria media recuperetur & non quàm difficulter. Ad quid ergo à recuperatione justitiæ excludunt media tam efficacia ad primam instantiam improvidè provocando? An potius est negligendum, quod semper necessitatem usûs habet, & solum recoquendum, quod pridem probè digestum est? Qui jacto fundamento semper otiosi desident, structuram ædificii perficere nequeunt: Iis ergo cui bono est? Disputat aliquis de operibus, num ad justificationem, an ad Sanctitatem, ad Fidem, an ad fructum (virtutem) ejus sint referenda, inter eâ autem, dum in etymologia ac phraseologia mæandris oberrat, negligit efficaciam Fidei simul ac operum originem, atq; sic non solum sensum Scripturæ, & vim Verborum Christi, sed etiam animos doctrinæ variatæ incapaces confundit, quale commodum hinc, undè Unitas? Frustrâ autem hoc loco solent objicere immunditiem ac perversitatem naturæ citatis variis Scripturæ dictis, quæ primum lapsum & naturalem impuritatem humani generis indicant, cum hiscè nunquàm fuit contradictum, quin potius ea naturæ impuritas est causa requirens tot media totq; conatûs. Sed cur ad punctum nativitatis remeant, cur in hoc luto firmiter hærent, cum pleraq; eorum citata reperiantur in veteri testamento, cujus in ævo incognita steterat regeneratio hominis? Quo sæpius ea loca citant, hoc minus dicta Novi Testamenti commendant, quæ de salutari statu regenerati hominis & innocentie infantilis perhibent testimonium. Quid quod homo induit Christum in baptismo, hætenus quoq; incomparabile potestatum suarum robur nanciscitur, quod insuper è quotidiana prædicatione, aut Verbi divini Lectione, informatione

&c. sufficientia media acquirit, quorum adjutu queat præstare id, quod attestantur ei scripta Apostolica, cur non in Viâ progressus manent promotum commodum emergens ex bono utili jam possessio, quod potius impediunt dum revertuntur eo unde venerant?

Porro de fide dicendum est adhuc, quod non justificat per se, sed per accidens, quia relativè per modum receptionis. Si fides per se justificaret, non amitteret Homo justitiam, cum peccat, quatenus proprium non separatur ab Ente, cujus est de naturâ: justitia verò non est proprium Fidei, cum separatur ab eâ interveniente peccato, rursusve acquiratur intercedente medio pœnitentiæ. Cum autem justitia justificans sit aliena, exin cognoscitur, justitiam per quam justificatur homo, dari & recipi, ac veluti donum accidens conservari & amitti, suis de causis immorante interim Virtute intellectualiter intuitivâ, Fide scilicet. Cognito, quod justificatio sit non intus instituta actio, sed superveniens gratia, quâ ratione differt à Fide, dehinc sequitur. Fidem non excludere media coadjuvantia sub acquisitione justitiæ, ut ut operibus Legis Mosaicæ demat gloriam & jactantiam. Ast ea media quæ in justitiæ adeptione à Fide excludi nequeunt, non referuntur simpliciter ad Fidei effectum, vel ideò quod sunt opera totius mentis, quæ resultant è mutuâ potestatum operatione. Lex namq; Evangelica, quæ pro objecto sistitur per Fidem notionis, est causa movens mentem ad faciendas virtuales suas operationes quarum processus paucis Verbis sic tradi posset. Evangelium exponit menti gratiam Dei, beneficia Redemptionis, sanctificationis &c. media quoq; Conversionis, justitiæ, Sanctitatis &c. Lex Evangelii proponit Voluntatem Domini, injungit mandatorum observantiam, consilia exhibet doctrina Apostolica, tora quoq; S. Scriptura suppeditat admonitiones, dehortationes, indicat judicium, examen, sententiam, decreta quoq; præmium, pœnamve promulgat. Hæc omnia pro ipsâ veritate assumit mens sibi servanda, & consideranda; ast hîc compertum est sæpè sæpius Fidem ad longa tempora hæ-

fuisse in mente absq; ambiguitate, insuper & mentem pondere rei pressam aliquandiu fideliter observasse cuncta, quæ includuntur in sphaerâ fidei, tandem tamen arreptâ occasione peccandi, & otandi post habuisse hanc observationem & alia, unde factû, ut in peccata consentiendo tum mandatum tum pœnam neglexerit. Ecce quàm hîc retentâ fide subintrat Idea sufficientiæ ac securitatis, cujus frequenti obrutus mens penitus ligatur: hinc nequit fieri, quin levitate & incuriâ notata divinam amittat gratiam. Ubi est hîc justificatio, cum gratia Dei abest, Fides adest? Fallacia subest si non in ipsâ voculâ Fidei, saltem in expositione ejus & malè intellecto sensu. Quod si per Fidem justificantem intelligitur Fides per dilectionem operans, hæc ipsâ differentia subvertit exclusivam particulam solâ. In mente verò Levitatis & incuriæ reâ dictum est posse ad longa tempora firmiter immorari fidem, eam scilicet quam verbum traditum requirit, quid ergo tollit hîc justificationem? An fortè non credidit fide solâ? Hoc quidem dici nequit, cum solâ fide crediderit posthabita mandatorum observantiâ. Ergo non credidisse dicendum erit fide per dilectionem operante, hoc est, mandata Dei sollicitè observante. Hæc differentia uti indicat adjunctum medium efficiens, quod ipsum tanquàm causâ virtualiter operans proprios suos facit effectus, id est: opera bona, ita Theologis ansam dedit distinctè id appellandi atq; seorsim considerandi, sic ut patentiori redditâ rei intelligentiâ fallaciæ qveant devitari. Dicendum ergo nunc est, qualiter mens circumspecta procedat ad operandum salutem, quod quidem aliis facilius intelliget, qui tale quid in se expertus est. Posito enim quod mens per Fidem semel receptam tam constanter credat tum Deum tum omne verbum ejus, imò totam doctrinam ecclesiasticam, nimirum sic, ut per totam Vitam amplius in nullo versetur dubio, concedendum est in hac positione Fidei nequicquam adhuc operantis Charitatis elucere, vix tamen erit, qui audeat dicere eam fidem non esse vivam, non cum Salute conjunctam. Est quidem ea Fides basis (principium) totius processûs religiôsi, hætenus quoq;

[illegible]

cium, in qualem cunq; satisfactionem sine ullâ præscriptione :
 xein perspicuum fit, quare probus homo sub pænitiâ toleret
 confusionem, cur exercitium seriò instituat, cur cogitet de novo
 Vitæ conductu, siquidem per hanc confessionem datur Deo glo-
 ria. Num interim otiosus est Amor (tertia mentis potestas) ?
 Haudquaquam ! Nam hæc admonita ab intellectu tot Dei benefi-
 cia cognoscente accurrit & ipsa accensum velut totam mentem,
 quo rapidæ flammæ instar sublimetur, clariusvè intelligat quod
 antè intelligebat, qvin & potentius velit quod antè volebat, ar-
 dentius flagret in amore tam benefici Domini. Tàm multæ
 actiones internæ, Ideæ, Virtutes non requiruntur ad solam Fi-
 dem, quæ tamen sub opere pænitiæ omnes velut in unum
 conspirant sic, ut ab attento observatore seriatim qveant dignos-
 ci. Tot operationes mentales sequuntur diversi effectûs, qui
 vix ei ne vix diu latent, qvin in externa opera orationis, Elee-
 mosynarum, jejunii, disciplinæ, sobriæq; ac permutatæ vitæ de-
 rivent invitantibus simul tot salutaribus institutis ecclesiasti-
 cis. Certè ab hoc processu pendet tùm observantia Verbi Dei,
 tùm peccatorum intermissio, tùm operum bonorum exerci-
 tium, indè quoq; pendet nova gratia & reconciliatio, quam op-
 pidò testatur utrumq; testamentum : nam hi sunt fructus, quos
 S. Jahannes Baptista dicebat decere pænitiâ, jungendo eam
 Fidei pro Salutis adeptione. Dixit etiam Deus apud Pro-
 phetam : Lavamini, mundi estote, auferte malum cogitatio-
 num vestrarum ab oculis meis, de finite agere perversè &c.
 Tunc venite &c.

Attamen hæc omnia nonnunquàm compēdiosè in latissimâ
 Fidei sphærâ includuntur urgente scilicet necessitate aut obsti-
 natorum hypocritarum proterviâ. Hoc etiam compendio u-
 sus est Paulus Apostolus contrâ superbos Judæos, qui fidei do-
 &trinam præsumebant externis legis antiquatæ operibus expu-
 gnare, qvin & hoc abutuntur non pauci credentes in sui perni-
 ciam, qui hoc ipso præpositam explanationem conantur irri-
 tam reddere, prout faciunt, qvinimis operosè in prædicatione
 fidei

fidei perfistunt; hinc namque; fatentur Fidem sine operibus esse mortuam, hætenus tacite concedendo, quod Vita Fidei consistat in operando, cum tamen alias opera à justificatione excludantur. Annon hæc ipsa contradictione irritam reddunt sanam explanationem? Aliud autem est ipsa fides tanquam possibiliter mortua, & aliud; fidei Vita in termino discretionis, si Vita gliscit in fide, jam fomitem ejus & medium conservationis licebit eam dicere. Verum tamen vitalitatem eam non licet tribuere solis quibusdam actionibus pietatem præ se ferentibus, sed toti Charitatis ac bonæ Voluntatis effluxui, juxta cujus opulentiam variat vitalis radiatio. Varietati huic occasionem præbet diversa capacitas humanæ naturæ, hinc debilis quoque; est in multis vitalis Fidei flamma. Multa quidem quandoque; proferuntur contra meritum operum, quasi tunc fides perdita sit, cum operi donatur aliquid, nihilominus cum Fidem non possint vitalem dicere, quæ caret bonis operibus, inhærent scopulo anxius, quasi quem inter veros Christianos possent nominare, qui peracto bono opere fidem abnegasset. Pruriunt ergo mordaces magis propter Controversiasticam, quam æstu Veritatis. O si credentibus jam non fides, in qua perfistunt, sed virtus fidei, voluntas & mandata Dei, vita Christi, obedientia, sanctitas &c. explicarentur, si etiam ad opera externa bono regimine, exemplo & studio compellerentur, quo animus per ea ad progressum, & ad discendum internas fidelis qualitates incitaretur, non posset fieri quin ad virtutem vivificam paulatim disponderentur: palam namque; est, quod iis, qui bona opera non faciunt, paulatim ipsa fides deficiat. Frustrà hinc per in somnium multa somniant, inter quos non rerum ordo est, sed confusio; ita & hodie multa audimus, pauca cognoscimus, obruimur, non illuminamur. Quam pretiosa res ordo est ob summam ejus Utilitatem; cujus passim magna carentia deprehenditur. Enimverò cum ingensturba Christianorum vivat secundum externum hominem in libertate multà, opus est, ut ordo, lex & institutio sit, quibus mediis ceu frænis regantur feroces, his omnibus non esset opus, si juxta internum

ternum viverent. Necessitas postulat hujusmodi media, quæ
 hæc ratione sunt ab homine externo assumenda, ab interno non
 spernenda. Doctrina Dei spectat novum hominem, qui hiscè
 adminiculis ad Unitatem Dei pervenit, & cum hoc factum fue-
 rit, docetur ac regitur simul externus. Et tamen si tunc lege ex-
 ternâ opus non sit, nihilominus mandata & traditiones humanæ
 sunt homini externo valdè utiles, quatenus per eas velut manu
 ducitur ad sermonem & legem Dei. In hæc cognitione à mul-
 tis multum erratur; nam si consideramus Classẽ eorum, qui
 ordinem, legem, modos & instituta in confesso habent, hi valdè
 inter se differunt, quidam coactè observant instituta, adeoq; so-
 mnolenter ac difficulter; alii mercedis amore parent mandatis.
 Cum enim existiment æternam vitam non posse alio modo ac-
 quiri præterquàm per meritum, hinc multo labore, imò cum
 gravi molestiâ operantur. Sunt autem & alii, qui nôrunt Le-
 gem ac ordinem præferri quidem confusione, ast Vitam æter-
 nam non solum pro ratione meriti, sed aliâ quoq; viâ impetrari,
 hi quoq; diremti sunt in duas Classes: prioris sunt homines falsi-
 loqui & contemtores aliorum, quæ dicunt, eos qui ordini ac insti-
 tutis tantum tribuunt, esse simplices ac stolidos, ea propter Spre-
 tis iis nil prorsus observant, imò gloriantur de suis privilegiis,
 quasi horum omnium non indigeant. Sed posterioris Classis
 sunt homines omnium beatiores, imò & aliis exosi hætenus, hi
 quod à luce verâ illuminati sunt, tractant simul omnia, quæcunq;
 sunt ordinis; ast longè aliâ de Causâ, nimirum ex mero amore,
 adeoq; operantur quantum possunt, de quanto non sunt solliciti,
 neq; torquentur à conscientia, cum in his non sita sit Salus. E-
 nim verò Deus est suprâ modum, ordinem &c. attamen modum,
 legem, ordinem dat ipse talium expers. Deus itaq; in Creatu-
 ris vult atq; donat ea, respectu medii, circumstantiarum & requi-
 sitorum. Nam ubi nec verba sunt nec actiones, ibi nec lege
 nec ordine opus est, verum ubi tractamus res & verba, tractatio
 hæc non potest fieri nisi vel in formâ, vel modo vel ordine: illu-
 minatus autem agnoscit ordinem esse meliorem confusione,

pro-

proinde probat & tractat eum, hinc inde cernimus contemptores ordinis esse homines Classis omnium pessimæ.

Q. Quænam est causa tantæ Cæcitatæ eorum, qui justificationem è sola fide obtinendam ajunt esse principium, medium & finem Salutis, quâ tamen destituuntur multi eorum, qui taliter credunt? R. Hæc ipsa causa consistit in eo, quod antè dictum est, nimirum quod ea fidei adjuncta quæ fidem dilatan, excludunt ab eâ, exclusâ vilipendunt, inde fit, ut cæcutiendo impingant in ipsum fundum, eoq; putent se scopum tunc attigisse, cum longius ab eo remoti sunt. Est autem scopus hic ipsa beatitudo, quam credentes possunt acquirere & perdere. Iis ergo qui credunt, sunt removenda impedimenta, & apprehendenda media conductiva, quæ ab his qui salute frustrantur, aut non cognoscuntur aut negliguntur: Contrâ impedimenta erat tam servidè declamandum, aut media sunt inculcanda credentibus, ne disputando de iis, quæ sunt credenda, & intermittendo ea quæ facienda sunt, judicentur de malefactis absq; exceptione Creditorum, cum planum sit è Scripturâ: Deum creâsse homines ad opera bona. Hæc ipsa Creatio hominum (quoad finalem causam) est propter Laudem & Gloriam Dei, quæ sub virtutum exercitio perficitur. Doctrina cœlestis est hominibus propter cognitionem rerum gerendarum, quæ Fide apprehenditur, & operatione absolvitur. Hæc ergo sunt tam media quàm impedimenta, in quibus maxima omnium Salutis ratio consistit teste Scripturâ & orthodoxorum Ecclesiæ Doctorum doctrinâ: nimirum ad obtinendam Salutem incumbit Credentibus 1. diligere Deum 2. desistere à peccatis 3. bona Virtutum opera facere. Diversa ea requisita quis ausit Fidem dicere? Quod si quis ea dixerit ad fidem pertinere, qui potest ea exclusivè de solâ fide prædicare? Non est hic recurrendum ad S. Ambrosii testimonium, quatenus Ei voculæ exclusivæ ratio non erat eadem quæ his, uti patet è dictis ejusdem, ubi de fidei latitudine & tribus his requisitis longè alio modo differit quàm qui hoc loco eum pro se citant. Tunc temporis namq; , qui cuncta fecisse videbantur juxta verbum

Domini nil sibi tribuebant, hi verò nil sibi volunt tribuere, ut nihil facere teneantur. Inversum hunc ordinem prodit experientia; añon & hodiè constat esse homines, qvi dicunt nil esse tribuendum bonis operibus, sic se gerentes interea, qvasi puritas animi consisteret in ipsâ iniquitate, hi meritum Fidei sibi tribuunt juxtâ conceptum phantasiæ. Timendum potius est, hos omnes qvi more suo tam audacter sibi Salutem promittunt, cum Capernaitis olim iri expositum judicio omnium acerbissimo. Contrario igitur modo docent divini homines, nimirum eos, qvi eandem cum Filio Dei cupiunt impetrare mercedem, oportere hîc pati ab impiis hujus mundi, qvalitercunq; sitiant beatitudinem, imò sic ajunt, etiamsi qvis summo appetitu esuriant beatitudinem, non saturari eum hîc & ibi, nî prius deponat onus peccati, nî operetur virtutes ac justitiam, nî vè propter Deum sustineat patienter injuriam, qvoniam his qui hoc faciunt, confertur Dei gratia, hoc ipsum considerandum est iis, qvi per accidens cum Deo ambulant. Enimverò cùm hi, qvi multum orant, vigilant, jejunant, operantur, silent, piloso lacerovè amictu incedunt, nihil proficiunt, nî habitum antiquum exuerint, & fundum suum qvale sit scrutati fuerint, qvomodò reddent rationem illi, qvi neq; magnos neq; parvos pensitant defectûs; sed potius sibi placent, prætereà sunt invidi, elati, inobsequiosi, contemptores bonorum, maledici, duri, pertinaces, arbitrio suo libere dediti, qvi sanam doctrinam non recipiunt, non observant, non mores pravos deponunt, sed in verborum obscænorum, durorum &c. prolatione, inq; modorum turpium persistunt exercitio? Procul dubio hi Viam rectam nondum agnoscunt neglecto monito Esaïæ dicentis: mundi estote, auferte malum cogitationum vestrarum &c. Audiant quid dicant rerum experti: hoc ajunt, si qvis se ipsum propter salutem daret in perditionem, nî fundum suum discat expurgare à peccatis, Deum super omnia diligere, cum proximo fraternè conversari, ejus facta inania esse omnia. Idcirco edoctum est prædicari debere in expertis qvidem & in fidelibus Fidem in Deum, & divina, creden-

tibus

tibus verò mandata Dei, obsequiosis virtutes internas, virtuosas imitationem Regis cœlestis. Studemus quidem distinguendo rem emendare, quæritur autem, undè tanta indistinctio, cui testimonium perhibet vulgaris imperitia? Fortè è tantâ rerum varietate, quâ obruuntur indociles terrenisq; negotiis occupati, quatenus eadem res diverso explicatur sensu, & quæ circumstant, nunc collectivè, mox disjunctivè & sub exclusione commemorantur, ad quod variationis genus pertinet ea Fidei prædicatio, quâ sine ordine traduntur initia (primarudimenta) Fidei tanquàm infidelibus & inexpertis. Hinc sanè audentius quis posset affirmare, in nulla facultate plus laborari magisq; doceri hoc tempore, quàm in doctrinâ Fidei, in nullâ tamen minus cognosci salutaris boni, quoad absolutam veritatis notitiam. Et hæc ipsa confusio videtur indè oriri, quod Spiritum (Mentem humanam) penitiùs non considerant, cujus virtus est Fides, nam per Spiritum habentem Fidem subjugatur Caro sic, ut junctis viribus operetur ad bonum, & licet Spiritus hunc carnis assensum obtinere subitò nequeat, paulatim tamen id fieri constat, intercè naturæ est relinqvenda sua stultitia, donec reducta sit, dummodo Spiritus sua rectè agat, postquàm à mediis roboratus est, & hoc ipsum intelligit S. Paulus, cùm dicit: cum Spiritu servio Deo, corpore verò peccato.

Q. Siccinè abutuntur quidam Scripturæ dictis de Fide, ut sibi prætextum quandam sumant indè, qui videatur à sensu eorum roborari? **R.** Id sanè sic est, cùm liqueat eos tantùm è Scripturâ medullam enucleatam extrahere, non nudam veritatem, idèò & minus rectè de multis judicant. Nam qui Scripturam S. tractat pro suo arbitrio, aut non assequitur sanum Scripturæ sensum, aut non vult cedere S. Spiritui, indè provenit contentio & solutio vinculi charitatis.

Est autem nuda veritas in S. Scripturâ quærenda & consideranda, cujus gratia scripta ea & lata est stylo quidè diverso, ut omnis generis homines, sapientes ac rudes per eam queant informari, ast veritas nuda non potest inveniri in eâ, nî eo legatur Spiritu,

qvo dicta & scripta est, nam Spiritus vivificat, litera occidit. Ibi verò defixus est lapis offensionis, qvò rudes illotis manibus præsumunt tractare Myſteria, literâ verò inflati humilem fidei revelationem indagare per ſenſibilem notiones & argumenta, qvò qvidem non facilè fieret, ſi S. Scriptura non niſi ſub indultu legeretur, quale quid obſervat, qui ad theſauri inſpectionem admittitur, hoc enim magis æſtimat eum, qvò rarius eum contueri licet; ſiquidem communi uſu detrita vileſcunt omnia, ſecus qvàm gemmæ, quæ propter raritatem ſummo habentur pretio.

Q. Cùm autem contentioſi indefinenter ad Verbum Dei provocent, dic velim, quale ſit verbum id, qvò S. Spiritus Eccleſiæ ſuæ, id eſt, univerſis & ſingulis credentibus prædicat? R. Verbum, qvò Spiritus S. alloquitur fideles, eſt revelatum in Apocalypſi his verbis; ſi qvis vicerit, non morietur morte ſecundâ.

Q. Cujus deviçtio hæc eſt? R. Deviçtio Carnis, Mundi & Satanæ. Notandum hoc erat crudis Chriſtianis, qui provocant ad ſolam fidem, qvâ eam deviçtionem excludant, quaſi contra fidem pugnatum hætenus eſſet. Tametiſi multis ſeculis ſit prædicatum de vitâ & virtute Fidei, id tamen multis adeò non placuit, ut potius perſiſtendo in fidei ſolius Encomio oblitterent virtutem ejus nobiliſſimam. Utuntur hi ſolùm verbo Dei ad ſcientiam, non verò ad practicam, adeoq; in iisdem completum eſt verbum Domini dicentis: non omnes capere verbum (qvò audiunt) nec omnes qui audiunt, habere aures ad audiendum, id eſt, attentas. Quid juvat auditus verbi, cujus non eſt obſervantia? Quibus verbum Dei eſt cibus ſapidus, hi habent aures ad audiendum.

Q. Cùm Fidei virtus nobiliſſima ſit ipſa imitatio Chriſti, moralis verò Chriſti actio omnis fuerit virtutum ac operum bonorum exercitium quæritur, num fides poſſit eſſe abſq; hæc Virtute, an quidpiam ſine eâ valeat in juſtificationis negotio? R. Cùm mortua fides ſit nulla, fides, verò ea ſit mortua, quæ caret Charitate, ad hæc & charitas ſit virtus operans, hinc neqvit Fides eſſe viva vel valere quidpiam ſine virtute: quid qvò in O-
perum

perum perfectorum exercitio perficit tota primitiva Ecclesia, tanquam in quo consistit Christi sequela, in hoc ostendit Vitam Fidei, ejusque virtutem absolvit. Hanc ratione potest virtuosa seu per dilectionem operans Fides assimilari igni flammanti, qui quaque versum lucet & simul calefacit, contra fides Virtute luminosa carens recte comparatur Scintillae inter cineres defunctae. Id cum ita sit, ostendatur usus & fructus Scintillae non lucentis, non calefacientis, quia & idem fructus est fidei, quae caret virtute in opus emanante. Uti enim Lumen revelat ea, quae in tenebris manserant abscondita; ita & Calor ad actionem promover, ejusque continuo foris perficit ea, quae erant imperfecta, dissolvit compacta, & quae dispersa erant, coagminando adunat: Calor hic est Caritas. Nunc igitur & comparanda est virtus Ecclesiarum, veteris scilicet & Novitiae, quae in adversum se posuit hisce temporibus, ut videatur, an utriusque (quam solent praetexere) forma sit una & eadem, sive utriusque conveniens comparatio.

Ecclesia prisca non exiguum Salutis rationem ponebat in imitatione Vitae Christi: quis non affirmet in nova vix esse vel esse paucissimos, qui Christi exemplar recte considerant, & qui vel unquam ejusdem observationem norunt necessariam? In imitatione Christi collocabat antiqua Ecclesia omnem pietatem ac devotionem, in ipso autem Exemplari Lucem absolutae Cognitionis. Ecquis autem diffiteatur, in nova inveniri jejunam pietatem & devotionem, Lucem vero non nisi offensam oculis? Quis ausit nostratum actiones comparare cum actis Vitae priscorum? Quod Christi discipuli & Amici serviverunt ei in fame & siti, in nuditate, frigore, calore, labore, jejunio, vigiliis, in oratione & laudatione, an tale servitium reperitur inter eos, qui sunt adversum? Num inter hos, qui suas à teneris curant commoditates suetasque voluptates ad mortem usque protendunt, conspicua sunt tormenta, quae subierunt Apostoli, Martyres, Confessores & sanctae Virgines, quae vitam spernendo vestigia Christi calcaverunt? An ignoramus, quam rigide ac solitarie vixerint Patres

Patres & Martyres, quàm diras sustinuerint persecutiones & opprobria, quoties à Spiritu maligno tentati fuerint, quànàm assiduitate Deo suas preces obtulerint, qvali temperantiâ corpus castigârint, quonam conatu spiritualem vitam adepti sint, quàm gravi conflictu præhabito potiti fuerint Carnis victoriâ, quæ cuncta novæ Ecclesiæ membra cane pejus & angue fugiunt? Et uti sanctissima eorum devotio, ita iisdem purissima erat pro gloriâ Dei intentio. Noctu orabant, ast interdium orabant & laborabant ad Dei cultum cunctis horulis utiliter impensis. Sæpiculè necessariam corporis alimoniam prædulcissimâ rerum divinarum contemplatione negligebant, ut taceam incuriam sive neglectû divitiarum, dignitatum, gloriæ, Sodalitatis, cognationis, rerum familiarium quas spontè deferebant, nil nisi nudam vitæ necessitatem à mundo sumendo, saltem ut in respectu opum externarum pauperes, respectu verò internarum cœlestium, hoc est virtutis, gratiæ atq; divini solatii divites esse potuerint. Num hæc & alia de novæ Ecclesiæ filiis jure meritoq; dici possunt, qui non tam Dei quàm sua curant, prætereà pleriq; eorum libentius dormire quàm vigilare, otiosi quàm occupari, epulari quàm jejunare, joculari quàm precari, ditari quàm depauperari, non pauci etiam vitiis plus quàm virtutibus indulgere cupiunt? Quid quod Antecessores nostri malebant esse Exules mundi, incolæ cœli sive propinqui, pretiosi atq; notissimi Dei Amici, quia humiles, obedientes & amantes, hoc ipsum non potest non seram confundere posteritatem, cui in excusabilis neglectûs culpa manet exin conspicua, quod hodiè mirum quid videatur, cum reperimus hominem perspectæ pietatis, qui patienter perferat afflictiones, qui non prævaricatur, non solam prætexit fidem, sed operando justitiam servat mandata Dei, conservat gratiam justificationis, redditq; Deo gloriam. De Fide nunc est pergendum ad ejus fructum, qui generatur à Virtute dilectionis semper operante: fructus autem cum sint bona opera, de iis hoc loco traduntur sequentia.

CAP.

Dei, hoc ipso est meritorium; sin verò homo se ipsum solum, aut gloriam Dei primario quidem, secundario verò suum proprium quærit (quod facile fieri potest, quâ natura suum quærit tam in ipso Deo quâm in Creaturis) tale opus non est per Deum factum eoq; nec meritorium, si vè sit Spiritus si vè naturæ, externum aut internum. Proinde in hoc, ut homo puritatem Operis cognoscat, tum etiam id valeat perficere juxta Voluntatem Dei, situm est summum artificium, cui nulla ars dignè comparari potest, hâc ratione fas esset, ut homo qui summum bonum obtinere cupit, se coràm Deo semper prosterneret instar pecoris aut vermis confitendo nil aliud quâm quod sit nihil, nil valeat, nil possit, nil curet præterquàm solum Deum: ast cum id factum difficile sit, ecquis non videat, quantâ diligentia quantovè conatu opus sit? Bernhardus ait: Multi homines multa sciunt, se ipsos autem nesciunt. Se ipsum verò noscere quâm sit infirmus ac defectuosus, est longè fructuosius quâm omnes in universum artes mundi callere.

Q. Quod si sola gratia est fulcimentum Christianorum, a non quæ aguntur cætera omnia sunt vana & supervacanea? **R.** Imò non intermittenda sunt exercitia pietatis, cum semper sit laborandum in mandatis Domini: verùm id nosse expedit, ne quis operibus suis vel hilum adscribat, nec præparationem aut dignitatem suam æstimet, sed potius à Dei Clementia gratiam flagitet.

Q. Cum inter Christianos reperiantur multi, qui sua Opera, puta Eleemosynarum, Vigiliarum, Precum, Paupertatis, Cilicii &c. adeo æstimant, ut sine consimili apparatu vereantur ad Deum accedere, dic quæso, num iste modus ad Deum accedendi legitimus sit, an fortè præjudicet gratiæ Dei? **R.** Quamquàm hæc atq; similia opera cuncta sint perquam bona, si propter solum Deum perficiuntur ex charitate, nihilominus præfatus modus (quo quidam obstinato arbitrio sua appetiunt opera quantum valere possint ac debeant) est modus judaicus, illegitimus, & Christianis indignus. Annon præjudicet Gratiæ Dei,

fi

si quis occultè confidit suo arbitrio, ut cum nec Deo nec aliis credere cupit, quin potius destructa omnia & perditione putat, nō sueta opera ad amissum perfecit? Excedunt hi, qui plus quàm decet operibus tribuunt, e contra deficiunt, qui suam operibus demunt præstantiam atq; necessitatem; uterq; autem error dimanat ex ignorato statu glorificationis Dei, ad quam refertur necessitas operum Voluntariorum, & gratuitorum, de quibus scriptum est, quod homo sit conditus ad ea. Quod si possibile esset dari hominem, qui omnium hominum bona opera peregrisset, competeret ei non magis æstimare cuncta quæ fecit quàm si nec ullum sive parvum sive magnum opus unquam perfecisset. Hinc colligendū est, quàm omnibus conveniat Christianis nunquam confidere suis exercitijs, quàm magna etiam sint quamvè necessaria, utpotè quod est eorum à DEI immensâ misericordiâ accipere solum gratiam pro gratiâ. Sic namq; futurum est, ut Deus liberet eos ab hostibus domesticis, nimirum à peccatis & defectibus quotidie commissis: quod restat, qui sic sunt liberati, iis possibile est reliquam Vitam transigendi in servitute Domini, in sanctitate & iustitiâ, uti cecinit Zacharias.

Q. Cùm de bonorum operum merito quidam contendant, nonnulli id prorsus negent, vel ideò, quod viderint in mundo hypocrisin esse usq; adeò radicatam, ut etiam hi qui bonis Operibus student, non advertant eam, dum nuda opera, quæ bona judicant, non nisi pro ratione meriti expediunt, annon hîc latet quædam simplicitas aut desipientia, quâ hi seipsos seducunt? sed dices, Verbum Dei clarum est, cùm per mercedis promissionem probetur meritum. Hoc quidem etsi verum sit, quæro tamen, undè fiat, quod opera innumera quæ judicamus speciem bonitatis habere, aut nihil meriti, aut ipsam gehennæ mercedem obtinent? R. Id procul dubio provenit non tam ab ipsâ actione, quàm à Causâ ejus efficiente, quàm si quis vocet basin vel fundamentum operum, dicendum erit, id esse malum, eoq; in fructuosi operis argumentum. Homo arrogans desipit, qui putat se posse operari bonum tanto merito, ut Deus teneatur sim-

pliciter jure meriti quâ meriti reddere mercedem. Notandum tamen hic est, quod Homo taliter peccat nonnunquam citrà conscientiam suam, quia ex merâ simplicitate, ideoq; peccatum hoc non punit Deus, quin potius misertus simplicitatis dona sua in dies auget, opusq; bonum retribuit sine merito: verum ejusmodi dona Dei parum profunt tali homini, quoniam bonum summum quod poterat obtinere, causa stultitiæ nec invenit nec adipiscitur vel ideò, quod Amor sui sive commodum proprium reddidit eum in capacem. Nam opera cuncta quæ patrantur citrà nudum & solum respectum Dei, non Deo sed hominibus fiunt propria, hætenus Deo in accepta. Qui opera bona vult facere, is actiones suas solum dirigat necessum est ad laudem & gloriam Nominis divini, nunquam verò ad placitum hominis, quia oportet intentionem esse puram ac sinceram inter Deum & hominem, quoad ipse Deus censet simul atq; remunerat opera juxta intentionem cordis. Si pura est intentio, pura sunt opera, contrà si est perversa intentio, impura quoq; sunt opera. Porro tametsi opera sunt ordinata, quot quanta eorum sunt, nil unquam valent, si ab impuris commistis deturpantur; siquidem intentio prava ad instar amari aut venenati fermenti inquinat Opera cuncta quibus admixta est, idcirco scriptum est: quâ horâ justus peccabit, non recordabor justitiæ suæ. Si quis in statu prosperitatis vivit, si mediis pro Vitâ necessariis instructus est, si laudatur & amatur, opus est ut in his omnibus comparet sibi virtutem, naturam in gratiam mutet, seipsum verò in imum annihilationis præcipitet. Præterea opus est etiam, ut aliis hominibus exhibeat se exemplar Sanctimonix, & humilitatis, eiq; conformem vitam ducat, omnia bono modo & cum modestiâ peragat, vigil sit in operando, non excessivè mæstus aut lætus. Tam verba quam opera sint rectè composita & ordinata eo fine, ut Deus per eos qui illis attendunt, laudetur & glorificetur: deniq; omne opus bonum eâ sinceritate cordis perficiat, ac si moriendum esset subito.

Ponamus ergo omnis externi vel interni operis meritorii causam

[illegible]

1. **Operational objectives** are the measures that a project, or other business unit, must implement to ensure that it can deliver the goods and services that its customers want to buy. They are the most specific and measurable objectives, and they define the focus of the project team.

quam gloriamur, non advertendo taliter subtractam esse Deo gloriam. Hoc fundamentum falsum est.

3. Judicando aliorum Opera sive bona sive mala plerumq; solemus nos & nostra præferre aliis, vitia verò & peccata non agnoscimus tanquam quæ semper tecta malleus detectis aliorum. Hoc fundamentum falsum est, malitiâq; plenum.

4. Magnitudo peccatorum non expenditur & in levitate ac gravitate peccati fallit iudicium. Hoc fundamentum falsum est.

5. Opera bona facilius peraguntur, si ab eorum publicatione respectus quidpiam derivat, difficilius verò si latenter nonnisi Dei gloriam provehant. Hoc fundamentum falsum est, quia creaturis adhærens. Propterea in Apocalypsi dicebatur ad Angelum Ecclesiæ: Te divitem (virtutibus) putas, cum tamen pauper sis.

6. Ad Opera bona refertur quoq; Cautela (propositum) ne quis vel verbis vel factis offendant proximum. Sed fundamentum falsum est, si ideò ab offensione desistit, quatenus vindictam nimis impatienter perfert.

7. Aliquando solemus defectus aliorum propter Amorem Dei (uti putamus) cum summâ impatientiâ tolerare, vel nimis sæviter carpere nostrorum immemores defectuum. Hoc fundamentum falsum est, quia non lucidus est oculus, sed trabe obscuratus.

8. Eruditionem & correctionem averfamur, defectus verò bona intentione vel aliorum defectuum allegatione excusamus, imò non nisi speciem amando nos ipsos culpamus ut aliorum laudes fictamve humilitatem aucupemur. Hoc fundamentum falsum est, quia externæ culpæ impatientes declinamus correctiones fictâ humanitate, severiores verò invectiones invidiâ plectimur, imò hanc ipsam in justitiam in aliis fortè obviâ perfacile agnoscimus & improbamus. Hoc falsum fundamentum etsi sæpenumerò per resignationem destruitur, suâ tamen spontè renascitur.

¶ Quod si autem in numeris fuerint aliqui numeri primi, qui non habent communem mensuram, vel qui non habent communem mensuram nisi unitatem, ut si fuerint 2, 3, 5, 7, 11, 13, 17, 19, 23, 29, 31, 37, 41, 43, 47, 53, 59, 61, 67, 71, 73, 79, 83, 89, 97, 101, 103, 107, 109, 113, 127, 131, 137, 139, 143, 149, 151, 157, 163, 167, 173, 179, 181, 187, 191, 193, 197, 199, 211, 223, 227, 229, 233, 239, 241, 251, 257, 263, 269, 271, 277, 281, 283, 293, 307, 311, 313, 317, 331, 337, 347, 349, 353, 359, 367, 373, 379, 383, 389, 397, 401, 409, 419, 421, 431, 433, 439, 443, 449, 457, 461, 463, 467, 473, 479, 487, 491, 499, 503, 509, 521, 523, 527, 531, 539, 541, 547, 557, 563, 569, 571, 577, 581, 587, 593, 599, 601, 607, 611, 613, 617, 619, 623, 627, 631, 637, 641, 643, 647, 653, 659, 661, 667, 671, 673, 677, 683, 687, 691, 697, 701, 703, 707, 709, 713, 719, 727, 731, 733, 737, 739, 743, 749, 751, 757, 761, 763, 767, 769, 773, 779, 781, 787, 791, 793, 797, 803, 807, 809, 811, 817, 821, 823, 827, 829, 833, 837, 839, 843, 847, 851, 853, 857, 859, 863, 867, 869, 871, 873, 877, 881, 883, 887, 891, 893, 897, 901, 903, 907, 909, 911, 913, 917, 919, 923, 927, 931, 937, 941, 943, 947, 949, 953, 957, 959, 961, 963, 967, 969, 971, 973, 977, 979, 981, 983, 987, 989, 991, 993, 997, 1001, 1003, 1007, 1009, 1011, 1013, 1017, 1019, 1021, 1023, 1027, 1029, 1031, 1033, 1037, 1039, 1043, 1047, 1049, 1051, 1053, 1057, 1059, 1061, 1063, 1067, 1069, 1071, 1073, 1077, 1079, 1081, 1083, 1087, 1089, 1091, 1093, 1097, 1099, 1101, 1103, 1107, 1109, 1111, 1113, 1117, 1119, 1121, 1123, 1127, 1129, 1131, 1133, 1137, 1139, 1143, 1147, 1149, 1151, 1153, 1157, 1159, 1161, 1163, 1167, 1169, 1171, 1173, 1177, 1179, 1181, 1183, 1187, 1189, 1191, 1193, 1197, 1199, 1201, 1203, 1207, 1209, 1211, 1213, 1217, 1219, 1221, 1223, 1227, 1229, 1231, 1233, 1237, 1239, 1243, 1247, 1249, 1251, 1253, 1257, 1259, 1261, 1263, 1267, 1269, 1271, 1273, 1277, 1279, 1281, 1283, 1287, 1289, 1291, 1293, 1297, 1299, 1301, 1303, 1307, 1309, 1311, 1313, 1317, 1319, 1321, 1323, 1327, 1329, 1331, 1333, 1337, 1339, 1343, 1347, 1349, 1351, 1353, 1357, 1359, 1361, 1363, 1367, 1369, 1371, 1373, 1377, 1379, 1381, 1383, 1387, 1389, 1391, 1393, 1397, 1399, 1401, 1403, 1407, 1409, 1411, 1413, 1417, 1419, 1421, 1423, 1427, 1429, 1431, 1433, 1437, 1439, 1443, 1447, 1449, 1451, 1453, 1457, 1459, 1461, 1463, 1467, 1469, 1471, 1473, 1477, 1479, 1481, 1483, 1487, 1489, 1491, 1493, 1497, 1499, 1501, 1503, 1507, 1509, 1511, 1513, 1517, 1519, 1521, 1523, 1527, 1529, 1531, 1533, 1537, 1539, 1543, 1547, 1549, 1551, 1553, 1557, 1559, 1561, 1563, 1567, 1569, 1571, 1573, 1577, 1579, 1581, 1583, 1587, 1589, 1591, 1593, 1597, 1599, 1601, 1603, 1607, 1609, 1611, 1613, 1617, 1619, 1621, 1623, 1627, 1629, 1631, 1633, 1637, 1639, 1643, 1647, 1649, 1651, 1653, 1657, 1659, 1661, 1663, 1667, 1669, 1671, 1673, 1677, 1679, 1681, 1683, 1687, 1689, 1691, 1693, 1697, 1699, 1701, 1703, 1707, 1709, 1711, 1713, 1717, 1719, 1721, 1723, 1727, 1729, 1731, 1733, 1737, 1739, 1743, 1747, 1749, 1751, 1753, 1757, 1759, 1761, 1763, 1767, 1769, 1771, 1773, 1777, 1779, 1781, 1783, 1787, 1789, 1791, 1793, 1797, 1799, 1801, 1803, 1807, 1809, 1811, 1813, 1817, 1819, 1821, 1823, 1827, 1829, 1831, 1833, 1837, 1839, 1843, 1847, 1849, 1851, 1853, 1857, 1859, 1861, 1863, 1867, 1869, 1871, 1873, 1877, 1879, 1881, 1883, 1887, 1889, 1891, 1893, 1897, 1899, 1901, 1903, 1907, 1909, 1911, 1913, 1917, 1919, 1921, 1923, 1927, 1929, 1931, 1933, 1937, 1939, 1943, 1947, 1949, 1951, 1953, 1957, 1959, 1961, 1963, 1967, 1969, 1971, 1973, 1977, 1979, 1981, 1983, 1987, 1989, 1991, 1993, 1997, 1999, 2001, 2003, 2007, 2009, 2011, 2013, 2017, 2019, 2021, 2023, 2027, 2029, 2031, 2033, 2037, 2039, 2043, 2047, 2049, 2051, 2053, 2057, 2059, 2061, 2063, 2067, 2069, 2071, 2073, 2077, 2079, 2081, 2083, 2087, 2089, 2091, 2093, 2097, 2099, 2101, 2103, 2107, 2109, 2111, 2113, 2117, 2119, 2121, 2123, 2127, 2129, 2131, 2133, 2137, 2139, 2143, 2147, 2149, 2151, 2153, 2157, 2159, 2161, 2163, 2167, 2169, 2171, 2173, 2177, 2179, 2181, 2183, 2187, 2189, 2191, 2193, 2197, 2199, 2201, 2203, 2207, 2209, 2211, 2213, 2217, 2219, 2221, 2223, 2227, 2229, 2231, 2233, 2237, 2239, 2243, 2247, 2249, 2251, 2253, 2257, 2259, 2261, 2263, 2267, 2269, 2271, 2273, 2277, 2279, 2281, 2283, 2287, 2289, 2291, 2293, 2297, 2299, 2301, 2303, 2307, 2309, 2311, 2313, 2317, 2319, 2321, 2323, 2327, 2329, 2331, 2333, 2337, 2339, 2343, 2347, 2349, 2351, 2353, 2357, 2359, 2361, 2363, 2367, 2369, 2371, 2373, 2377, 2379, 2381, 2383, 2387, 2389, 2391, 2393, 2397, 2399, 2401, 2403, 2407, 2409, 2411, 2413, 2417, 2419, 2421, 2423, 2427, 2429, 2431, 2433, 2437, 2439, 2443, 2447, 2449, 2451, 2453, 2457, 2459, 2461, 2463, 2467, 2469, 2471, 2473, 2477, 2479, 2481, 2483, 2487, 2489, 2491, 2493, 2497, 2499, 2501, 2503, 2507, 2509, 2511, 2513, 2517, 2519, 2521, 2523, 2527, 2529, 2531, 2533, 2537, 2539, 2543, 2547, 2549, 2551, 2553, 2557, 2559, 2561, 2563, 2567, 2569, 2571, 2573, 2577, 2579, 2581, 2583, 2587, 2589, 2591, 2593, 2597, 2599, 2601, 2603, 2607, 2609, 2611, 2613, 2617, 2619, 2621, 2623, 2627, 2629, 2631, 2633, 2637, 2639, 2643, 2647, 2649, 2651, 2653, 2657, 2659, 2661, 2663, 2667, 2669, 2671, 2673, 2677, 2679, 2681, 2683, 2687, 2689, 2691, 2693, 2697, 2699, 2701, 2703, 2707, 2709, 2711, 2713, 2717, 2719, 2721, 2723, 2727, 2729, 2731, 2733, 2737, 2739, 2743, 2747, 2749, 2751, 2753, 2757, 2759, 2761, 2763, 2767, 2769, 2771, 2773, 2777, 2779, 2781, 2783, 2787, 2789, 2791, 2793, 2797, 2799, 2801, 2803, 2807, 2809, 2811, 2813, 2817, 2819, 2821, 2823, 2827, 2829, 2831, 2833, 2837, 2839, 2843, 2847, 2849, 2851, 2853, 2857, 2859, 2861, 2863, 2867, 2869, 2871, 2873, 2877, 2879, 2881, 2883, 2887, 2889, 2891, 2893, 2897, 2899, 2901, 2903, 2907, 2909, 2911, 2913, 2917, 2919, 2921, 2923, 2927, 2929, 2931, 2933, 2937, 2939, 2943, 2947, 2949, 2951, 2953, 2957, 2959, 2961, 2963, 2967, 2969, 2971, 2973, 2977, 2979, 2981, 2983, 2987, 2989, 2991, 2993, 2997, 2999, 3001, 3003, 3007, 3009, 3011, 3013, 3017, 3019, 3021, 3023, 3027, 3029, 3031, 3033, 3037, 3039, 3043, 3047, 3049, 3051, 3053, 3057, 3059, 3061, 3063, 3067, 3069, 3071, 3073, 3077, 3079, 3081, 3083, 3087, 3089, 3091, 3093, 3097, 3099, 3101, 3103, 3107, 3109, 3111, 3113, 3117, 3119, 3121, 3123, 3127, 3129, 3131, 3133, 3137, 3139, 3143, 3147, 3149, 3151, 3153, 3157, 3159, 3161, 3163, 3167, 3169, 3171, 3173, 3177, 3179, 3181, 3183, 3187, 3189, 3191, 3193, 3197, 3199, 3201, 3203, 3207, 3209, 3211, 3213, 3217, 3219, 3221, 3223, 3227, 3229, 3231, 3233, 3237, 3239, 3243, 3247, 3249, 3251, 3253, 3257, 3259, 3261, 3263, 3267, 3269, 3271, 3273, 3277, 3279, 3281, 3283, 3287, 3289, 3291, 3293, 3297, 3299, 3301, 3303, 3307, 3309, 3311, 3313, 3317, 3319, 3321, 3323, 3327, 3329, 3331, 3333, 3337, 3339, 3343, 3347, 3349, 3351, 3353, 3357, 3359, 3361, 3363, 3367, 3369, 3371, 3373, 3377, 3379, 3381, 3383, 3387, 3389, 3391, 3393, 3397, 3399, 3401, 3403, 3407, 3409, 3411, 3413, 3417, 3419, 3421, 3423, 3427, 3429, 3431, 3433, 3437, 3439, 3443, 3447, 3449, 3451, 3453, 3457, 3459, 3461, 3463, 3467, 3469, 3471, 3473, 3477, 3479, 3481, 3483, 3487, 3489, 3491, 3493, 3497, 3499, 3501, 3503, 3507, 3509, 3511, 3513, 3517, 3519, 3521, 3523, 3527, 3529, 3531, 3533, 3537, 3539, 3543, 3547, 3549, 3551, 3553, 3557, 3559, 3561, 3563, 3567, 3569, 3571, 3573, 3577, 3579, 3581, 3583, 3587, 3589, 3591, 3593, 3597, 3599, 3601, 3603, 3607, 3609, 3611, 3613, 3617, 3619, 3621, 3623, 3627, 3629, 3631, 3633, 3637, 3639, 3643, 3647, 3649, 3651, 3653, 3657, 3659, 3661, 3663, 3667, 3669, 3671, 3673, 3677, 3679, 3681, 3683, 3687, 3689, 3691, 3693, 3697, 3699, 3701, 3703, 3707, 3709, 3711, 3713, 3717, 3719, 3721, 3723, 3727, 3729, 3731, 3733, 3737, 3739, 3743, 3747, 3749, 3751, 3753, 3757, 3759, 3761, 3763, 3767, 3769, 3771, 3773, 3777, 3779, 3781, 3783, 3787, 3789, 3791, 3793, 3797, 3799, 3801, 3803, 3807, 3809, 3811, 3813, 3817, 3819, 3821, 3823, 3827, 3829, 3831, 3833, 3837, 3839, 3843, 3847, 3849, 3851, 3853, 3857, 3859, 3861, 3863, 3867, 3869, 3871, 3873, 3877, 3879, 3881, 3883, 3887, 3889, 3891, 3893, 3897, 3899, 3901, 3903, 3907, 3909, 3911, 3913, 3917, 3919, 3921, 3923, 3927, 3929, 3931, 3933, 3937, 3939, 3943, 3947, 3949, 3951, 3953, 3957, 3959, 3961, 3963, 3967, 3969, 3971, 3973, 3977, 3979, 3981, 3983, 3987, 3989, 3991, 3993, 3997, 3999, 4001, 4003, 4007, 4009, 4011, 4013, 4017, 4019, 4021, 4023, 4027, 4029, 4031, 4033, 4037, 4039, 4043, 4047, 4049, 4051, 4053, 4057, 4059, 4061, 4063, 4067, 4069, 4071, 4073, 4077, 4079, 4081, 4083, 4087, 4089, 4091, 4093, 4097, 4099, 4101, 4103, 4107, 4109, 4111, 4113, 4117, 4119, 4121, 4123, 4127, 4129, 4131, 4133, 4137, 4139, 4143, 4147, 4149, 4151, 4153, 4157, 4159, 4161, 4163, 4167, 4169, 4171, 4173, 4177, 4179, 4181, 4183, 4187, 4189, 4191, 4193, 4197, 4199, 4201, 4203, 4207, 4209, 4211, 4213, 4217, 4219, 4221, 4223, 4227, 4229, 4231, 4233, 4237, 4239, 4243, 4247, 4249, 4251, 4253, 4257, 4259, 4261, 4263, 4267, 4269, 4271, 4273, 4277, 4279, 4281, 4283, 4287, 4289, 4291, 4293, 4297, 4299, 4301, 4303, 4307, 4309, 4311, 4313, 4317, 4319, 4321, 4323, 4327, 4329, 4331, 4333, 4337, 4339, 4343, 4347, 4349, 4351, 4353, 4357, 4359, 4361, 4363, 4367, 4369, 4371, 4373, 4377, 4379, 4381, 4383, 4387, 4389, 4391, 4393, 4397, 4399, 4401, 4403, 4407, 4409, 4411, 4413, 4417, 4419, 4421, 4423, 4427, 4429, 4431, 4433, 4437, 4439, 4443, 4447, 4449, 4451, 4453, 4457, 4459, 4461, 4463, 4467, 4469, 4471, 4473, 4477, 4479, 4481, 4483, 4487, 4489, 4491, 4493, 4497, 4499, 4501, 4503, 4507, 4509, 4511, 4513, 4517, 4519, 4521, 4523, 4527, 4529, 4531, 4533, 4537, 4539, 4543, 4547, 4549, 4551, 4553, 4557, 4559, 4561, 4563, 4567, 4569, 4571, 4573, 4577, 4579, 4581, 4583, 4587, 4589, 4591, 4593, 4597, 4599, 4601, 4603, 4607, 4609, 4611, 4613, 4617, 4619, 4621, 4623, 4627, 4629, 4631, 4633, 4637, 4639, 4643, 4647, 4649, 4651, 4653, 4657, 4659, 4661, 4663, 4667, 4669, 4671, 4673, 4677, 4679, 4681, 4683, 4687, 4689, 4691, 4693, 4697, 4699, 4701, 4703, 4707, 4709, 4711, 4713, 4717, 4719, 4721, 4723, 4727, 4729, 4731, 4733, 4737, 4739, 4743, 4747, 4749, 4751, 4753, 4757, 4759, 4761, 4763, 4767, 4769, 4771, 4773, 4777, 4779, 4781, 4783, 4787, 4789, 4791, 4793, 4797, 4799, 4801, 4803, 4807, 4809, 4811, 4813, 4817, 4819, 4821, 4823, 4827, 4829, 4831, 4833, 4837, 4839, 4843, 4847, 4849, 4851, 4853, 4857, 4859, 4861, 4863, 4867, 4869, 4871, 4873, 4877, 4879, 4881, 4883, 4887, 4889, 4891, 4893, 4897, 4899, 4901, 4903, 4907, 4909, 4911, 4913, 4917, 4919, 4921, 4923, 4927, 4929, 4931, 4933, 4937, 4939, 4943, 4947, 4949, 4951, 4953, 4957, 4959, 4961, 4963, 4967, 4969, 4971, 4973, 4977, 4979, 4981, 4983, 4987, 4989, 4991, 4993, 4997, 4999, 5001, 5003, 5007, 5009, 5011, 5013, 5017, 5019, 5021, 5023, 5027, 5029, 5031, 5033, 5037, 5039, 5043, 5047, 5049, 5051, 5053, 5057, 5059, 5061, 5063, 5067, 5069, 5071, 5073, 5077, 5079, 5081, 5083, 5087, 5089, 5091, 5093, 5097, 5099, 5101, 5103, 5107, 5109, 5111, 5113, 5117, 5119, 5121, 5123, 5127, 5129, 5131, 5133, 5137, 5139, 5143, 5147, 5149, 5151, 5153, 5157, 5159, 5161, 5163, 5167, 5169, 5171, 5173, 5177, 5179, 5181, 5183, 5187, 5189, 5191, 5193, 5197, 5199, 5201, 5203, 5207, 5209, 5211, 5213, 5217, 5219, 5221, 5223, 5227, 5229, 5231, 5233, 5237, 5239, 5243, 5247, 5249, 5251, 5253, 5257, 5259, 5261, 5263, 5267, 5269, 5271, 5273, 5277, 5279, 5281, 5283, 5287, 5289, 5291, 5293, 5297, 5299, 5301, 5303, 5307, 5309, 5311, 5313, 5317, 5319, 5321, 5323, 5327, 5329, 5331, 5333, 5337, 5339, 5343, 5347, 5349, 5351, 5353, 5357, 5359, 5361, 5363, 5367, 5369, 5371, 5373, 5377, 5379, 5381, 5383, 5387, 5389, 5391, 5393, 5397, 5399, 5401, 5403, 5407, 5409, 5411, 5413, 5417, 5419, 5421, 5423, 5427, 5429, 5431, 5433, 5437, 5439, 5443, 5447, 5449, 5451, 5453, 5457, 5459, 5461, 5463, 5467, 5469, 5471, 5473, 5477, 5479, 5481, 5483, 5487, 5489, 5491, 5493, 5497, 5499, 5501, 5503, 5507, 5509, 5511, 5513, 5517, 5519, 5521, 5523, 5527, 5529, 5531, 5533, 5537, 5539, 5543, 5547, 5549, 5551, 5553, 5557, 5559, 5561, 5563, 5567, 5569, 5571, 5573, 5577, 5579, 5581, 5583, 5587, 5589, 5591, 5593, 5597, 5599, 5601, 5603, 5607, 5609, 5611, 5613, 5617, 5619, 5621, 5623, 5627, 5629, 5631, 5633, 5637, 5639, 5643, 5647, 5649, 5651, 5653, 5657, 5659, 5661, 5663, 5667, 5669, 5671, 5673, 5677, 5679, 5681, 5683, 5687, 5689, 5691, 5693, 5697, 5699, 5701, 5703, 5707, 5709, 5711, 5713, 5717, 5719, 5721, 5723, 5727, 5729, 5731, 5733, 5737, 5739, 5743, 5747, 5

opera bona sint necessaria ad salutem : an mereant aliquid necne ? quoniam si Vita Christi in Virtute , paupertate , veritate , iustitiâ , humilitate , obedientia , passione , charitate & doctrinâ fuit perfecta , hæc omnia verò non nisi per opera sunt facta conspicua ; indubium est fore , ut per se cadant quæstiones inutiles , utpote quod actualis ista & virtuosa Vita nobis proponitur , cujus ad exemplum vivamus & ambulemus & hoc ideo factum cognoscimus , quia non nisi per istam Viam itur ad Vitam . Quid ergo veri dicere poterit , qui contra expressum Verbum Dei sine exceptione tam enormiter contendit contra necessitatem operum , cum tamen cogatur tunc dirigere cogitatum solum vel ad opera Legis absq; fide quæ gentium sunt , non verò credentium , vel ad hypocrisin , non item ad opera fidei quæ tunc dissimulat ? Dum enim opera in universum sumit promiscuè , confundit fidei Opera cum legis antiquæ operibus , atq; sic minus conscientiosè demit quod dandum erat illis . In primis hæc ipsâ dissimulatione præbet Auditoribus scandalum , ut in errorem abducti credant , licere credentibus vivere juxta naturæ fragilitatem absq; reatu , si operum cunctorum par ratio est , si nec iustitiâ , gratia , nec meritum ex iisdem progignitur ; inde quoq; venit , ut per hypothesin falsam seducti non curent Vitam Christi , non studeant pietati , sed potius vitam cum mundo transigant temerè (per accidens) ad mortem usq; . Quis ergo miretur , si viderit eos mori sine morsu conscientiae , fidenter & placide , siquidem lætavit eos falsa opinio , per quam labuntur in gratissimam Diabolo securitatem , id est , in falsam fiduciam .

Q. Annon & citrà controversiam potest cognosci , quantum commodi obtineatur ex operum iustitiâ ? R. Potest : verum investigandum prius est , num gratia Dei conservetur per bona Opera an abigatur . Posterius dici nequit : prius autem si potest ostendi , non dubitandum est de Operum ad iustitiam necessitate , qualitercunq; explicetur istæ iustitiâ . Atqui per ipsam Scripturam probatur , Spiritum S. non habitare in anima malignâ , nec permanere in corpore peccatis obsessio , ergo in animâ purâ

dicendum est permanere, siue conservari gratiam, quin & in corde puro ac justo se habitaturum ipse Deus promisit. Id ipsum cum satis liqueat, consideranda sunt diligenter media quibus Dei gratia conservatur, tum etiam impedimenta, quorum causâ receditea, illa sunt Virtutes & bona Opera, ista sunt Vitia & mala Opera. De impedimentis prius agendum est. Fiat reflexio ad vitam humanam, clarum est eam quoad Vitalitatis formam supponere motum continuum, quo sublato sublata quoq; est Vita: quicquid ergo operamur assiduo motu & actu mediante, id omne quam varium sit, ad actionem bonam aut pravam aut neutram refertur. Sed ad cunctas Vitæ & Spiritus moventis actiones respicit iustus, voluntas & gratia divina, quæ & pro ratione bonitatis & malitiæ humanæ limitatur, hinc in earum emendatione consistat necessum est totum negotium prædicationis. Ad quid enim gratia temporalis, nisi ut operum immunditia convertatur in Operum bonorum iustitiam, utq; per gratiam, duret iustitia? Si defunt opera, defunt omnia. Cognoscimus taliter, quid quantumve sit, quod gratiam Dei impedit, vel penitus aufert, nimirum inordinata aut prava actio, quæ tantum gratiæ aufert, quantum ipsa ponderis habet. Cum autem multiplex sit mala hominis actio, expediret exponere omnes & singulas, quo malum cognitum facilius auferretur è congregationibus, verum ob eam multitudinem atq; diversitatem est impossibile recensere singulas singulorum, sufficiat potiores tantum enumerasse, ut velut è genere actio specialis ab unoquoq; agnoscatur.

Impedimentum primum est natura indomita, quæ absq; ordine & disciplinâ adhæret creaturis magnâ cum voluptate, hinc naturales homines, uti à quolibet vento temporalium, imò à quovis accidente commoventur, ita carni nunquam emoriuntur, nec hætenus à gratia Dei foveantur.

Secundum impedimentum resultat è proprietate naturæ (quatenus naturæ est se atq; sua, non aliena quærere) & ideo, si Voluntas, Amor, optatus & conatus impenditur ad proprium

com-

commodum, quí potest quærere gloriam Dei? Quicumq; sequitur statum & inclinationem naturæ, cum faciliè per varias tentationes abducatur in errores, est semper inquietus & distractus, eoq; divinâ gratiâ indignus.

Tertium impedimentum est perquam familiare iis, qui mundi negotiis implicantur, hi namq; non humiliant animum, cum potius sensus in sublime extollant, ut placeant hominibus, hinc variato eoq; inutili verborum ac gestuum generi student, quo sit acceptior eorum conversatio. Hoc impedimentum non satis consideratum est hætenus, cum tamen noxium valde sit, quatenus hoc modo perditur divina suavitas (Dei amicitia).

Quartum impedimentum non minus mansit obscurum iis, qui per id sunt decepti: nam sunt audaces, præcipites, quid quod defectus non curant minores, hætenus excusant peccata in peccatis, & quod in cordis impuritate ambulant, privantur verâ pace fidei.

Quintum impedimentum est superbia: hæc etsi è bonâ nascitur actione, est tamen humilitati adversa. Quisquis ob actionem bonam complacet sibi, & operatur, ut videatur coram hominibus, perdit humilitatem veram, de hinc deseritur à Deo sæpius.

Sextum in judiciosi ac sensuum teneritate pollentibus obvium est, qui concitatus feruntur ad judicandum id omne, quod vident, vel audiunt, hinc & plerumq; tentantur suspitione & invidiâ: per istam pravitatem perdunt amorem fraternum.

Septimum in frigidis ac ignavis conspicuum est: nam hi sunt ad orandum tardi ac desides, & per ignaviam hanc amittunt ardens versus Deum desiderium.

Octavum invenitur inter eos, qui quoad sensus sunt varii, inconstantes & insatiabiles; nam ex quo vertunt animum foràs à simplicitate Lucis ad difformantem varietatem, non agnoscunt se ipsos intrinsecus, nec motibus divinis respondent per medium abnegationis sui, idcirco non illuminantur à Deo, sed manent in cæcitâ, cordis vè in constantiâ.

Nonum impedimentum arcet deceptos operarios à plenitudine

dine gratiæ divinæ, eo quod nunquam advertunt, qualiter Deus vivat in eis per gratiam, quatenus non tam ex motu Spiritus interno quam de consueto ritu sua peragunt opera, tantoque magis ad modum, multitudinem & magnitudinem operum respiciunt neglecto flagranti & simplici erga Deum desiderio, quod in conventibus & solennitatibus haud raro conspicuum est: hinc multa ineptè loquuntur de gratiâ, nec unquam sentiunt salutis mediâ.

Decimum est valdè detrimentosum, ast ubique familiære. Nam cum id omne, quod desideramus, cum fiducia erat à solo Deo petendum & accipiendum, sunt tamen permulti, qui omne id, cujus indigent, cupiunt à creaturis accipere, taliter autem deferunt veram versus Deum fiduciam, eoque cadunt in multiplici-tatem, curas & sollicitudinem, ut nesciant quidnam eligere debeant: per id autem impediuntur, quominus unquam veniant ad veram resignationem suique oblationem.

Perpenſis hiscè cognoscimus, quid necessarium, quid vè sit e-jus oppositum impediens, nimirum est

1. Necessaria carnis mortificatio, cui opponitur impediens naturæ ferocia.

2. Necessaria est divinæ gratiæ capacitas: hujus impediens est proprii commodi cupiditas.

3. Necessaria est Dei amicitia: cujus impediens est ambitio.

4. Necessaria est pax Dei: ejus impediens est incurii cordis impuritas.

5. Necessaria est divina conversatio, cujus impediens est Hypocrisis.

6. Necessaria est fraterna charitas, cujus impediens est judicii præcocia.

7. Necessaria est ardens Dei cupiditas, cujus impediens est oscitantia.

8. Necessaria est divina illuminatio, cujus impediens est creaturarum adhæſio.

9. Necessaria est divinæ gratiæ plenitudo, cujus impediens est cordis inconstantia.

10. Ne-

10. Necesaria est oblatio sive ad Deum accessio, cujus impediens est à verâ fiduciâ recessio.

Nunc etiam sunt perpendenda media, quibus Dei gratia potest conservari, hæc sunt tam fructuosa, quam necessaria, quicquid alii contradicant, siquidem quod ad perfectionem perdunt, ingens homini, qui ea observat, commodum afferunt.

Primum est, si homo non solum in cunctis actionibus, verum etiam in usu creaturarum nec se nec sua, sed solum Deum quaerit, vult ac respicit.

Secundum, si cuncta quæ videt & audit, boni consulit, & in iisdem solam suam exercet salutem.

Tertium, si Charitas sit universalis, hoc est, versus omnes in Universum homines tanquam erga Fratres, nam talis homo si bi cavet, ne judicet aliter de absentibus quam de præsentibus.

Quartum, si quaslibet creaturas ita in laudem & gloriam Dei offert (consecrat) uti eas à solo Deo agnoscit largita, quod si hoc fecerit, non potest fieri, quin pace fruatur interrupta, quin etiam sentiat responsum Dei lucidum.

Quintum, si animus hominis non afficitur rerum gravitate aut vilitate, sed si sit ita contentus cum Deo, ut cuncta quæ obviant ei, æquo animo perferat in seipso. Hoc enim si fecerit, obtinebit pacem, requiem & lætiam.

Sextum, si Creaturis utitur juxta nobilitatem earum, & juxta effluxum à Deo primordium, sic ut eas in Deo, Deumque in illis cognoscat & amet. Nam si se taliter habuerit, apparebit in eo ordo & fundamentum verum, nimirum quod Deus ei & ipse Deo sit omne in omnibus.

Septimum, si animus ejus sincerus, immutabilis & vacuus sit, id est: super omnia mundi contenta in solo Deo elevatus, quod ipsum triplici modo fieri potest.

1. Si semper indivisus, sedulo ac ferventer bonis exercitiis sit occupatus.

2. Si Deo per amorē, imò per cunctas internas mentis potestates ita

itâ adhæret, ut prælucendo, alios homines ad Deum perducatur verbis, opere, Vitâ, ordine, ac modis.

3. Si immediatè Deo sit obediens, in passione patiens, pauper in Voluntate, amicus inimicorum suorum. Hæc namq; sunt tam prædicata interna opera, per quæ glorificatur Deus, imò per quæ divinus amor revelatur sic, qvi aliàs in homine occultus est, nunc velut Splendor emicet per Vitam spirituales. Verum, ô Bonum æternum, quot sunt eorum, quorum est de tuo nomine gloriari, qvi cuncta hæc pervolvunt, discunt ac perficiunt? Sanè perpauci! Quàm multi enim sunt, qvi pharisaico imbuti fermento solùm ad externa opera ambitiosè properant, atq; per eam tùm gloriam tùm quæstum quærunt internis procul relictis? Quàm multi deniq; sunt, qui dum fermentum fugiunt, corrumpunt & abjiciunt omnia, insuper putant præfata cuncta esse perfectionis documenta ob fragilitatem naturæ nusquam ac nunquam possibile? O Mentis crassam caliginem! Adeonè sunt obliti ejus quod scriptum est: quod Deus illuminat omnem hominem venientem in hunc mundum? Quodsi necessum est illuminari hominem divinitus, quò vivat naturaliter, quanto magis credendum est illuminari hominem regeneratum spiritualiter, quò anima ejus vivat æternaliter? Quodsi renatus in baptismo Christum induit, non dubitandum est, quin omnes Renati eatenus à Deo illuminentur pari gratiâ, ut possibiliter eorum quilibet concurrat ad perfectionem, si aliqui (quantum in illis fuit) ambulârunt in perfectione. Quænam ergò causa est, quod adeò rara est hoc tempore perfectio Spiritûs? Procul dubio non alia assignari potest quam negligentia pravam sequens Voluntatem. Cur fame perit iners & piger? Nonnè quod verat laborare? Quò vivat homo naturaliter opus est, ut Corpus nutriat cibo & potu; sed pro acquirendo alimento opus est, ut studiosè laboreat, quoniam scriptum est: qvi non laborat, non comedet. Ut laborare possit, opus est, ut omni conatu discat artem aut opificiũ, quo norit ritè ac utiliter laborare: quanto magis est opus homini animam salvare cupienti, ut omnem impendat operam
ejus

ejus sustentationi ? hic etiam conatus est cunctis aliis operosior. Quocirca necesse quoque est, ut cupidus intendat animum ad disciplinam discendo cognitionem tam sui quam boni optimi, eo scilicet fine, ut postmodum viriliter operetur. Laborant quidem homines, ut vivant naturaliter, verum quò vivant spiritaliter, recusant operari : discunt, quò laborent, ast non in Spiritu, quia tantum in carnis mollietate. Unde verò istæ neglectæ disciplinæ Vecordia ? è solâ pravâ Voluntate : nam obvium est pravam generationem resistere semper S. Spiritui, hætenus & gratiam Dei impedire, quominus suum in homine bonum, ejusque in melius mutationem perficiat. Ad quid enim proficit illuminatio homini: velum luci opponenti, imò per voluntatem malam redditur difformis divinæ gratiæ ubertas. Hic culpa homini, non illuminationi est adscribenda, siquidem fiducia prævæ voluntati innixa non est nisi falsa fiducia, quam Christus hoc ipso evertere voluit consilio, quo non Auditoribus, sed factoribus legis gratiam (salutem) pollicitus est. Quis autem est, qui unum legis apicem impleat, ni studeat legis observantia ? falsam autem fiduciam (Hypocrisiæ Filiam) tunc indicavit Christus, cum dixit : Non omnes qui dicunt, Domine, Domine, introibunt in Regnum Cælorum, sed qui faciunt Voluntatem Patris. Quin & prænominatam fiduciæ falsitatem possumus nos omnes agnoscere, si verbum Dei conferimus cum experientia. Ecquis enim est Christianorum, qui moriente suo parente, filio, cognato, amico non speret salutem defuncti, maxime si suo modo antè obitum provisorius sit cælesti viatico ? Quid quod Amicide hæc morientium præparatione solent perquam solliciti esse, ne quicquid est mediæ ad placidum obitum conferentis negligatur, ita ut quantum apparer, subsit causa credendi, maximam turbam hominum salutaribus mediis provisorum diem fatalem obire placide in Spe vitæ æternæ. Sed quid scriptura dicit ? hoc dicit : quod nisi dies breviarentur tunc, non salvaretur homo unus, dierum verò abbreviationem ideò dicit futuram, nè seducantur & pereant simul electi. Quibus si credimus verbis, docemur,

mur, maximam tunc temporis partem hominum à Deo iri iudicatum in damnationem non obstante fiducia, quia falsâ. Multi autem tam verbis quàm gestibus præferunt confidentiam, quam tamen si seriò examinaveris, non veram (in conscientia radicatam) fiduciam deprehenderis, sed vagum cogitatum è variis dictorum speciebus exortum, tamq; diu sustentum, quamdiu dicta solatii acclamaveris, verum & tam citò pereuntem, quamprimum dicta reprehensionis ac iudicii protuleris. Stabilis ergò est error Voluntatis usq; ad mortem, si regula qvâ ducitur homo per vitam suam non sit rectissima. Nam ità in tuâ sphæra fidis ô homo, sicut agis, ità agis, sicut vis, ità vis, uti credis, ità credis, uti doceris, ità doceris, sicut est Vita, mos, modus, & ordo docentium, neq; enim docent tantum verba, qvæ aliàs æri tinnienti comparantur, si absq; Spiritu sit, Spiritus autem occasionales confert causas, ordinem scilicet, modum, mores & vitæ exemplar, quibus singulis & universis non aures tantum, sed omnes Sensus, imò & phantasia, ratio, intellectus, totaq; mens allicitur ad Deum, qvò convertatur & vivat. Idcirco quicunq; lucem illuminantem in animæ suæ penetralia immittunt, dicuntur duci à Spiritu S. Qui verò ducuntur, operantur sedulo, qvovs; perveniant in viam perfectionis præfatam. Sed dicet quispiam: è prætatis colligi hominem qvalitercunq; sedulum non posse operari utiliter, nî artem operandi satis benè didicerit, adeoq; supponi certa quædam artis media, sinè quibus inutilis, utilis autem cum iis industria sit. Adhæc quæ possunt responderi sublatâ explicatione sequentur inferius capi te de exercitio, ad quod remittitur suppositum hoc. Hic tantum adhuc dicendum est aliquid de operum diversitate, quatenus bona hominum opera non omnia sunt fructuosa; propterea dividuntur Opera bona in ea, qvæ fiunt ex intentione & proposito humano, & in ea qvæ dicuntur per Deum facta. Illa si sine Dei gratia sunt, planè infructuosa sunt, imò qvàm magna essent vel etiam à cunctis hominibus unquam facta, sunt merum nihil, nil valent in comparatione ad minimum opus, qvòd à Deo per gratiam

cui pauci cupiunt attendere, quatenus maxima pars Christianorum acquiescit in suo proposito, arbitrio, moribus, modis, cæcis affectatisq; suis operibus, quibus impeditur tùm S. Spiritus, ne possit alloqui, tùm ipse homo, nè percipiat, nè locum det inspirationi.

Q. Siccinè censes, inspirationem S. Spiritûs posse quàm optimè sentiri silendo & attendendo? R. Imò sic est & non aliter: Enimverò cùm Deus loquitur, opus est ut omnia fileant, verbum ejus est suave flamen, rumori & vento facile cedens; cùm Deus operatur, oportet locum habere, ubi operetur, & spiritum humanum passivè se habere, quatenus actio & passio se habent relativè.

Q. Jam mentionem fecisti exercitati hominis, ergonè in hac materiâ facis distinctionem inter exercitatum & non exercitatum hominem, quid hoc sibi vult? R. omninò distinguendus est homo exercitatus ab inexercitato, præsertim circa hanc materiam, quoniam tamen quilibet homo possit discernere inspirationem divinam ab humanâ propensione in respectu discretionis inter opus bonum & malum, nihilominus homo exercitatus longè magis discernit inter doctrinam Dei, & inter animæ arbitrium ac judicium in respectu discretionis operis boni humani ab opere DEI. Hæc ergò materia non pertinet ad juniores fortes homines, qui exercitium non habent, nec etiam unquam aggressi sunt, ut quod his adhuc opus est, quò se assiduè exerceant multis bonis operibus, variis modis intrinsecus forinsecus. Spectat autem tantum exercitatos ejusmodi homines, qui desiderant esse Filii Dei omnium charissimi, quorum via modusq; longè diversus est à modis & viâ eorum qui incipiunt. De Filiis Dei charissimis tractatur alibi.

Q. Cùm autem merces & meritum externis operibus bonis etiam tribuatur, eoq; minus exercitatis hominibus conveniat, annon conveniat minus, quod opera gratuita velis? R. Opera bona tantum ea sunt meritoria, quæ è charitate proveniunt, & ideò mercedem habent, quia Deus eam promisit iisdem, sed ali-

ac naturali iudicio infistimus progressum non faciendo. Hic ab exemplo res apparebit clarior: videmus in pomario sæpe delabi ab arboribus poma præmatura, quæ pulchra sunt aspectu; verum hæc delectatio evanida redditur, cum paulo post inveniuntur ferè ad unum omnia vermibus scatentia, quæ simul è fructibus prorepunt longè lateq; delicatas plantulas depascendo & defædando. Sic eminus poma verminosa sunt quoad externam venustatem valdè similia pomis non verminosis, ast intus exesa & vermium excrementis repleta videntur. Et si verò fructus verminosi niteant præ rubore ac teneritudine, indè tamen non sequitur, non verminosos carere debere nitore externo, dico, non sequitur, quoniam ab his requiritur, ut niteant extus, & simul internâ bonitate præditi sint. Juxta allatum hoc exemplum, sunt discernendæ actiones humanæ: nam bonæ exercitationes, quæ speciem habent virtutis, sunt plurimæ & longè inter se diversæ, varii sunt modi, quibus superbiunt inponderosis elatis verbis, clari itidem, nimirum in mirabili exercitio, sunt & alii in vitâ sublimi sive contemplativâ sive operativâ, exhilarativâ, transcendentali, propheticâ, prodigiosâ, curativâ decantati modi, & qui infusam scientiam, Spiritusvè discernendi notionem præferunt; summatim quotquot sunt alii vitæ sublimioris, quos homo unquam noverit, quod, de iis dicendum est, quod jam sint verminosi aut possint verminescere, nisi homo se ipsum probè speculetur.

Q. Cum dicas, actiones bonas præclarissimas posse esse verminosas (quod vix est cogitandum) dic, quæso, quid de non tam nobilibus, attamen quotidianis conspicuis censes, quibus tota ferè multitudo credit, vix unquam magis meritorias posse fieri. Alii enim sunt magni Eleemosynarii, alii officia & opera charitatis præstant prægrandia, alii promovent quosdam aut sustentant summis muneribus! &c. ? R. Hæc quæ recensuisti & plura alia dona vel officia, si quâ contigerit non nisi Deo soli innotescere inviso exhibitore, qui mallet ea divulgari, noscas esse verminosa eam ob causam, quia clam laudem in iis quaerit, elargitas eleemo-

leemosynas taliter sibi appropriando. In pauperum & infirmorum solatium impenduntur magnæ Eleemosynæ, exstruuntur Xenodochia, Orphanotrophia, quin etiam templa pretiosa: atq; quid insignia iisdem affixa, incisa designant? Respondetur, hoc, ut Mecœnatum Munificentia reddatur inde gloriosior, utq; honorem acquirant, uti solet dici, virtutis præmium: O quantum mercedis pro tanto merito!

Q. Parva merces, grande meritum, qualis proportio? quid quod adhuc parum tibi videtur & fructus exigui? R. Adi Scripturam & audi, quid loquatur verbum (Filius) Dei, qui de bonis Phariseorum operibus ad populum sic loquitur: *Cum datis Eleemosynas, nolite tubis personare sicut Hypocritæ faciunt in scholis & plateis, ut videantur ac laudentur ab hominibus: Amen dico vobis: reportant mercedem suam, puta, quia honor virtutis præmium est.* Matth.
6.

Q. Si tales Eleemosynæ sunt in fructuosæ, dic quales vicissim sunt fructuosæ? R. Has ex eodem Evangelio perdiscito ac probe notato, quid dicat Os veritatis: *Cum datis, ait, Eleemosynas, non sciat sinistra manus, quid facit dextra, ut vestræ Eleemosynæ maneant occultæ, & Pater vester qui videt in occulto, reddet vobis in publico.*

Q. Quis toleret istam tuam asperitatem? *Cum eo fine fiant eximie Eleemosynæ, ut oreretur pro benefactoribus, ipsa ratio dat excusationem: Nam quomodo posset orare pro illis, qui donant, si nesciatur tum ipsum donum, tum ejus largitor?* R. At ego dico, Eleemosynas in occultum Dei si num profusas, sic ut Deus solus noscat eas, prodesse magis, quam vastissimum Templum exstructum sub conditione cum cunctis hominibus pactâ, ut scilicet hi orent pro Benefactore. Nam si quis confidenter soli Deo sua offerret opera (donaria) procul dubio futurum est, ut Deus tantum rependat, quantum omnes homines possent exorare, & hinc plus orant ipsæ Eleemosynæ in puro Dei respectu factæ, quam omnes homines possent orare in respectu notificatæ obligationis.

Q Annon sic talia opera etiam numeras inter verminosa? **R.** Quin etiam hoc superaddo, quod tali modo multi homines cuncta sua opera bona destruunt sic, ut videantur per totum vitæ curriculum per pauca fructuosa opera peregrisse, sive quis cultum Dei consideret, sive hominum ministerium, sive jejunia, vigiliis, orationes, eleemosynas &c. utpotè quod semper habent respectum ad meritum & mercedem, quo hætenus acquirant aliquid sive à Deo, sive ab hominibus: sed sic seipsos quærunt occultè dum cupiunt desuper æstimari. Tibi ipsi relinquo judicandum, num verminosa sint hujusmodi opera, etiamsi tot essent eorum, ut se per totum mundum dilatarent.

Q. Ad hujus asserti defensionem profer ad huc testimonium è S. Scripturâ? **R.** In pluribus Scripturæ locis invenies testimonia, maximè hoc: quod Christus dicit: cum jejunatis &c. ne coram hominibus videamini cum vestro jejunio, sed coram Patre vestro, qui in abscondito est, & Pater vester, qui videt in occulto, rependet in propatulo. Quicquid autem hîc dicit de jejunio, id vult referri ad cuncta alia bona exercitia. V. g.

Quantum ad orationem dicit: cum oras, ingredi in Camera, clausoq; ostio invoca Patrem. Hæc verba sunt ejus ex ore prolata, qui ipsa veritas est: qui vult, consideret ea, & juxta verba ea examinet opera, quæ non fecit soli Deo, deinde computet quantum apud Deum, qualemve fructum sit inde reportaturus, hæc proba docebit, an verminosa sint opera necnè.

Q. Ut autem quæ jam sunt dicta, evadant clariora, dic etiam aliquid per Exemplum de causâ instabilitatis operum, quare in comparatione fructus ab arbore cadant antè tempus maturitatis? **R.** Dicam: nosti dari arbores in pomario, quarum fructus mali antecellunt fructibus bonis in pulchritudine, hi satis diu in arbore pendent sub æris tranquillitate; at quamprimum à procellis turbatur aura, decidunt, quia sunt verminosa: quod autem deterius adhuc est, audisti, quod vermes eorum prorepunt, & depascuntur plantulas in horto circa arbores crescentes. Arbores verminosis fructibus fecundæ designant homines im-

impræparatos, immodestos, petulantes, qv̄i suis bonis operibus, qv̄orum plurâ faciunt, qv̄am homines perfectæ resignationis, nimium confidunt, hi qv̄od præ aliis apparent valdè prudentes, bonarum actionum studiosi, virtute speciosi, & modificati, idcirco magni meriti rationem reponunt in hæc omnia. Ast si qvis qv̄erit, qv̄amdiu? Respondetur tamdiu, qv̄amdiu fruuntur pace, tranquillitate & prosperitate, qv̄amdiu eorum opera solare lumen illustrat. Nam probam tentationum ne qv̄aquam sufferunt, à qv̄ibus tamen electi tanq̄am ab assuetis non afficiuntur; hinc si obortâ tempestate moventur, aut spontè decidunt, aut à procellâ dejiciuntur, qv̄oniam sunt fructus verminosi nusqv̄am valentes. Quid qv̄od ab his etiam afficiuntur simplices tenues homines, qv̄i comparantur plantis à prœrepentibus verminibus depastis, hos namq; mediante eorum falsâ libertate ac doctrinâ deceptos perdunt. Quid, quæso, anxietatis sentient in horâ mortis, si in eorum fundo non Deus essentialiter, sed tantum fictum qv̄oddam proplasma ejus inveniatur? Ambulârunt enim in viâ latâ, dum clam sequebantur naturalem eorum ductum & inclinationem angustâ sinceræ resignationis viâ desertâ, & si qv̄a nonnunquam pedem movebant in viam angustam, retracto tamen eo statim ad latam naturæ viam declinabant. Si qui servantur eorum, hi sunt præ aliis longè felices. Sed hæc sufficiant de operibus infructuosis.

Q. Cum jam intelligam, quid sentiendum sit de operibus, quæ comparantur fructibus verminosis, eoq; impediunt, quominus homo recipiatur in numerum charissimorum Dei Filiorum, insuper autem restet dicendum aliquid de iis operibus, quæ fructibus non verminosis comparantur, hinc tuum erit nunc tradere, quid habeas de Operibus à verminatione liberis, Deoq; charissimos Filios efficientibus? R. Libenter id faciam, dummodò non tædeat auscultare diligenter. Nota, quadruplici viâ & modo posse se hominem habere, ut opera ejus reddantur Deo accepta.

1. Oportet, ut tùm externatùm interna opera ejus fiant sine ullâ

ullâ æstimatione, sic ut nil mercedis pro iisdem desideret præterquam solum Deum. Quod si placuerint Deo, acceptum sibi referat, sin minus, decidunt vel ideò, quod non sunt facta ad laudem & amorem divinum.

tanimo 2. Oportet, ut ^{actio} per quam obedienti se Deo simul ac hominibus etiam quam minimis subjiciat, ita ut alios magis justos censendo nemini se unquam ullo modo opponat.

3. Oportet exercere profundam humilitatem, fundando se super suum Nihil, cum nil sit ei magis proprium quam Nihil, imò si quid adest vel inest homini, hoc ipsum non est ei proprium. Ast si quid facit, quod potest dici à se solo factum, hoc reputet esse malum, unàq; se ipsum malum. Cogitet in Spiritu suo: Annon & omnium maximus peccator ad sanctitatem pervenisset, si tantam Deus gratiam ei concessisset, quantam mihi contulit? Hinc nota, cunctos eos, qui in securo hoc humilitatis fundo persistunt, non posse ullo modo judicare alios propter qualiacunq; opera; imò quamvis mala non sint, nihilominus se statim inde reflectere ad suam infirmitatem, quo facto elabuntur judicio aliorum Hominum.

4. Oportet se semper occupare operando in timore & terrore tanquam coram occulto Dei judicio, non sicut qui desperat, sed ut Amicus, qui metuit, nè quâ Patronum charum offendat.

Nam qui non veraciter se in hoc fundum demisit, ejus opera verminescunt omnia, etiamsi tot essent eorum, quot cuncti homines facere possent.

Q. Cum jam abundè ostensum sit præfato quadruplici modo institutam exercitationem reddere Deo charissimos homines, dic etiam nunc, an quid prætereà restet faciendum necnè, quo impellantur à S. Spiritu quantocivus? R. Unum adhuc restat opus faciendum, quod nobilissimum est, & spectat propriissimè Amicos Dei veros, hoc est, expectare Deum, ejusq; impulsus, sive operationem studiosè observare. Tunc temporis non infrequenter obveniet calcanda via deserta, & perquam calamitosa, quam devitare fas non est, quoniam nobilissimus inde fructus

[illegible]

Q: Given such limited knowledge, is it possible to make a more informed assessment about the health and economic impact of the oil industry on the Gulf Coast? Do you have any suggestions for the future?

A: Open. But more basic questions remain, plus information. At the American Oil & Gas Institute's 2006 conference, numerous companies spoke about their expertise in the petroleum, or hydrocarbon, domain, natural & industrial, from design & engineering to future energy demands, from oil and gas supplies to nuclear power. Overall, the industry seemed to have a self-perpetuating confidence in their role in the world, and a willingness to invest in new technologies and techniques to make the world a better place. However, the industry's unwillingness to acknowledge the impact of its activities on the environment, and the potential for future economic and social disruption, is a major concern. The industry's unwillingness to acknowledge the impact of its activities on the environment, and the potential for future economic and social disruption, is a major concern.

© 2004 Blackwell Publishing Ltd *Journal of Internal Medicine* 255: 105–112

41. *Journal of the American Medical Association*, 1997; 278:1025-1028. **Abstracts of the Proceedings of the National Conference on the Prevention of HIV Infection in the United States.** *Journal of the American Medical Association*, 1997; 278:1025-1028. **Abstracts of the Proceedings of the National Conference on the Prevention of HIV Infection in the United States.** *Journal of the American Medical Association*, 1997; 278:1025-1028.

Q. Question: I am a 35-year-old male, 5'10", 170 lbs, with a normal BMI. I have been feeling increasingly tired and weak over the past few months. I have noticed that I am losing weight and my appetite is decreasing. I have also noticed that I am having trouble sleeping and I am feeling more irritable than usual. I have been taking a multivitamin and I have been drinking more water, but I am still feeling worse. I am concerned that I might have a serious health problem. What should I do?

23. *Chrysomelidae* sp. 2nd inst. larva, September 19, 1959, 1960, 1961, 1962, 1963, 1964, 1965, 1966, 1967, 1968, 1969, 1970, 1971, 1972, 1973, 1974, 1975, 1976, 1977, 1978, 1979, 1980, 1981, 1982, 1983, 1984, 1985, 1986, 1987, 1988, 1989, 1990, 1991, 1992, 1993, 1994, 1995, 1996, 1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 26

iste tam magnus est, & immensus, ut nulla ratio queat comprehendere eum. Amatur enim talis homo amor, quo Pater cœlestis amat unigenitum suum Filium. Qui sic patiando Deum impellitur, vadit in abyssum: In hac viâ est homini ante omnia opus, ut sese mergat in profundum sui nihili, sic ut de operatione divinâ nil sibi applicet, sed potius Deo linquat quod Dei est, & servet sibi, quod suum est, hoc est, proprium suum nihil. Nam si quâ fieret, ut homo sibi quid compararet eorum applicando, lapsus iste esset omnium periculosissimus.

Cum nobilissimo hoc opere clauditur doctrina de merito & necessitate bonorum Operum, in quâ continetur distinctio bonorum Operum, quorum quædam qualitercunq; bona sunt, non sunt meritoria, eoq; nec gratiam conservantia, quædam vero conservantia gratiam, & meritum habentia acquirendæ mercedis, hoc est, adjumenti sive promotionis divinæ ad Opera perfectiora, & ad virtutem humilitatis, quâ assequutâ homo exercitatus opera sua nihili æstimat, quia abscondita vult propter gloriam Dei, & hinc habet meritum unum maximum, & mercedem unam simplicem maximam, nimirum ipsum solum bonum summum, quod Deus est.

Hic est Finis, quem spectat Dei voluntas, & in hac Dei voluntate consistit mandatum dilectionis, quod Deus olim populo suo dedit, quod ipsum ipsa charitas (Dei Filius) credentibus imposuit, tanquam quod per hanc dilectionis operantis justitiam reddimur uberioris gratiæ participes Amici & chari Filii Dei. Erit ergo in ordine nunc procedendum ad Dei mandata, quæ vel ipsa defendunt necessitatem & meritum bonorum Operum, quatenus præcipiunt bona, & prohibent mala, quod ipsum adeo perspectum deberet esse, ut mirum sit,

quâ unquam desuper potuerit oboriri ulla in
adversum quæstio.

CAP.

CAP. III.

De Mandatis Dei.

Q. Christus quidem dedit mundo mandata, hoc est mandata Patris sui, quæ omnia olim in formam mandati dilectionis redigebantur; at non obstante hoc, quærunt nonnulli, an fidelibus, qui à lege dicuntur liberati, sit data lex necne? **R.** Id sanè affirmat Ecclesia Sancta Catholica, at sunt qui solent contradicere Spiritui S., hi negant hoc & putant, Legem contrariari Libertati, ideo quod Lex non sit, ubi Libertas est. Verùm hanc contradictionem, quâ committitur peccatum in Spiritum S. tollit ipsa S. Scriptura per distinctionem 1. Legis, quâ dicit, liberos non esse legi subditos, sed tantùm servos. 2. Libertatis, utpotè quòd hæc distinguitur in veram & falsam (malè ordinatam). Veram Theologi ajunt lege carere, falsam verò legis causam esse. Videndum ergò hîc est, qualiter id sit. Scriptum est, qui serviunt peccato, non esse liberos sed servos, qui verò peccato non serviunt esse verè liberos. Liberi sunt qui nec sibi nec creaturis adhærent, sed in obedientiâ & humilitate vivunt Deo dediti, ad eum ferè modum, quo Christus Dominus noster vixit. Quantum enim homo à viâ hâc declinat ad Creaturas, ad quas per extravagantem amorem fertur, tantùm servit peccato, ac per consequens tantum se legi reddit subjectum. Servi peccati igitur sunt homines carnales, & à Lege offensi, de quibus hîc nihil agendum, quia ipso facto à Regno DEI exclusi sunt.

De illis autem dicendum hîc aliquid est, qui putant se liberos esse, cùm tamen sint etiam servi peccati (in sensu spirituali). Nota ergò: In viâ libertatis decipiuntur multi à seipsis, partim cùm per inordinatum appetitum se citius abripiunt à Creaturis non expectando tractum divinum, partim cùm absolutam veræ

libertatis cognitionem non habent, siquidem tunc putant jam fatis esse, si viam veritatis diligenter quænaverint, si Deo dedicati mundo sibiq; ipsis abrenunciaverint, tunc ergo quiescunt nec ultra progrediuntur ad paupertatem Spiritûs, nec vitam Christi imitantur, tam humiliter & obsequenter, quam possent : indè autem nil aliud sequitur, quam quod à technis Diaboli superati labantur in spirituales divitias, ambitionem, inordinatam (falsā) libertatem, sic consequenter in Casces peccati se per incuriam implicando, eiq; postmodum serviendo sub graviori jugo tanquam falcinati (excœcati). Hi taliter seducti dum putant se liberos esse, inveniuntur mancipia severitati legis subjecta. Confidunt plerumq; suæ in sacris scientiæ, hinc opinantur se posse scripturâ & lege carere, in pace vivere, aliis imperare, leges præscribere, tum etiam Corporis animiq; recreatione satis dignè frui. Indè quidem perspicuum est, ambitionem falsamvè libertatem esse velut consanguinitate junctas invicem, sic ut ubi hæc sit, illa non deficiat & vicissim : proindè Homo per eas deceptus si statûs gratiâ sit aliis superior, putat, quæcunq; vult, loquitur & operatur esse bona ac justa, reliqua verò tanquam ineptias despicit. Indubium est, quin tales nunquam converterentur, si sine lege esset ; ut ergo converti queant, necessaria est Lex, per quam instruantur, & à cognitâ per legem deceptione reducantur ad veram libertatem. Quod si autem his necessaria lex est, num hi à lege liberi esse debent, qui mundo adhuc adhærent, qui veritati non dant operam, qui Deo se non dedicant ; sed multò magis in summâ Cæcitate ac malitiâ vivunt, disciplinam, mandata, legem, modos, instituta & ipsam vitam Christi aspernati ? Haud quaquam ! Idcirco quod re ipsâ non erat necessarium, factum est necessarium in tantâ animorum perversitate, quam ut coërceret S. Ecclesia, instituit modos, ordines & leges hætenus observatas. Expedit sic nôsse, quâ de causâ lex & instituta Ecclesiastica sunt ordinata, nimirum, ut per ea ad veritatis agnitionem compellantur, qui jumentis aliàs ferisvè petulantiores essent. Mandata tum Dei tum Ecclesiæ sunt media conductiva & velut pri-

mæ

mæ viæ ad veritatis obtentionem. Propter hanc causam recipiuntur etiam consimiles ordinationes & exercentur ab iis, qui possunt carere iisdem, hoc est à verè liberis & spiritualibus.

Nam per hoc exemplum confirmantur tùm mandata tùm debiles ipsi, qui in his ambulare coguntur, quin & per talia exempla non nunquàm plurimum corriguntur & producantur. Quid quod ipse Dominus noster se legi subjiciendo humiliter ac obsequenter expedit veteris testamenti consuetudines, ritus ac mandata, hoc ipsum fecit eâ de causâ, ut per has primas vias paulatim conduceret suos imitatores in alias magis directas ac propinquas. Propterea legis finis hic est, ut per eam detecta veritas cognoscatur, atq; hoc erat officium Christi, nimirum legem tradere, suoq; Exemplo nos in eam deducere, quin & eò spectant cuncta ejusdem Verba & Opera. Ex his cognoscimus, cur lex credentibus data sit, & dictum est, quia necessaria fuit: cognoscimus hinc etiam, cur lata lex non eos attineat, quibus non necessaria est, nimirum, quatenus suâ sponte per Deum perficiunt omnia, quæ Deus vult, adeoq; Deus sibi non est lex. Verùm hoc se non habet ita, nisi tantùm in iis, quibus est paupertas Spiritus & vera spiritualis humilitas, quæ indè provenit, quod veritas detexit, hominem à se ipso, hoc est, de suo proprio nil posse, nil valere, nilq; habere aliud, præterquam defectum, vitium & malitiam, hætenus hominem non esse sui juris nec potestatem habere in aliud quid, tantominus in seipsum, jura verò aliena competere Creaturis, maximè autem Deo in hominem. Illuminatus homo agnoscit, & probat hoc ipsum propter id quod exigit veritas, proindè se abjicit humiliter, nec audet quicquam petere à quoquam veraciter nisi nudam sustentationem, insuperq; cum timore (exin ab aëclâ satietate tenuitas & jejunium velut à fonte suo derivat): quicquid ergò vel sibi concedit vel aliis confert, id solâ de necessitate agnoscit faciendum, indè sequitur, eum nec juris quidpiam, nec gratiæ nec mercedis ea propter obtinere, tantominus sapientiæ. Talis homo est verè pauper & humilis, quia nec quicquàm scientiæ manet ei, nisi quod

est inventum per id, cunctos homines tenaciter sibi ipsis inhærere cum pronitate ad omnis corporis vitia & malitiam, hætenus quoq; legem aliàs non necessariam provocare: qua propter in humilitate & timore iisdem compatitur, ac propter necessitatem se sponte subjicit aliorum legi & ordinationibus, ut fratribus suis exemplo suo profit, his; namq; non adest Christus, quamdiu versantur in spirituali superbiâ, falsâve libertate, hoc est, in regno diaboli. Nam ubi Christus est, & esse cupit, ibi sumæ necessitatis est adesse veram humilitatem & paupertatem Spiritûs, imò animum pressum, immanentem, constantem, plenum passionis secretæ usq; ad mortem. Sic est & non aliter, hic est scripturæ sensus, qui aliter docet, decipit: Si quæris, cur id ita necessum sit? Respondetur, propterea, quia bonum est, Christus verò bonum ipsum.

Notandum autem & hoc est, quod in respectu præfatorum illuminati homines imposterum non opus habent Magistro, sicut dictum est per Prophetam: erunt omnes à Deo docti & non docebit quisq; proximum suum. Sic nec ad bonum agendum & malum intermittendum compelli se patiuntur, quia ab ipso eo, à quo docti sunt, compelluntur eò, cui & hætenus obediunt.

Rom. 8. In hoc sensu non indigent lege, sicut dicit Paulus: qui Spiritu Dei ducuntur non sunt sub lege. Sed quid est hoc, quod Christus obediens ac humilis in summâ passione perficiebat bonum gratiâ meriti, cum sui causâ id non erat faciendum? Ergo ut aliquis respectu promissæ mercedis, salutem suam promoveat operibus bonis vel qualicunq; creaturarum coadjuvante mediò, id aliquâ Legis vim supponit, & hic sensus, non esse sub lege est alius, atq; à priori diversus. Dicendum autem est, quod homines illuminati etiam in hoc sensu sine Lege sunt, quatenus hæc omnia parata habent, neq; indigent mandato jubente, ut sibi prosint, suisq; meritis lucrentur aliquid, cum id jam faciant, sic & essent facturi in Christi sequelâ, tametsi præceptum non esset. Taliter intelligimus, qualiter homo queat transcendere legis sive mandatorum obligationem, & tamen operetur id quod mandat præceptum.

Dictum

gredi. Quemadmodum autem divinæ gratiæ copia non est mensuranda, sic & indignitas (exiguitas) recipientis non est supra modum extollenda. Qui medium tenet, ex verbo Dei cognoscit, ejus opera sive animi sint sive corporis tandem expensum, eumq; si legitimè certaverit, coronatum iri & contrà; ast ea propter non inflatur per literam, quoniam Spiritus dicit eum esse in utilem (indignum) servum, in superq; tunc talem, cum se putat fecisse omnia, quæ facere conveniebat. Humilis ergò projicit se coram Domino dicens: Domine indignus sum omnium bonorum tuorum, ac multæ clementiæ tuæ. Tua sunt omnia &c.

Q. Dic quid in exercitatis notandum est de Dei mandatis?
 R. Quod Christus suavi spiritu Mandata Patris sui commendavit discipulis, id adeò parvum videtur in oculis carnalium hominum, ut ea potius despiciant velut non usq; adeò necessaria essent, propterea remittuntur in exercitati ad vetus Testamentum, quod pandit rigorem justitiæ atq; se veritatem mandatorum, iis namq; ea omnia scrutatum exhibita sunt in admonitionem, ut qui stat videat ne cadat. Deus autem tradidit populo Israël mandata per Mosem, quibus excitari debebant ad perpendum Charitatem & Beneficia Dei immensa, Deumq; reciproco amoris affectu prosequendum custoditis scilicet mandatis suis: hoc ipsum commemoravit Messias, per Mosem designatus, cum dixit: qui servat sermones meos, is est qui diligit me. Notandum igitur est, quod Deus singulari præcepto injunxerat populo Israël memoriam redemptionis, quo cautum erat, ne unquam obliviscerentur diei, in quâ fuerant ex Ægypto educti manu potenti & liberati à jugo Captivitatis. Ab universali hoc beneficio pendebat perpetua populi gratitudo & veneratio divinorum præceptorum. A typo nunc progrediendum est ad ipsum omnium maximum Opus Redemptionis animarum ab inferno, ibi invenimus per Testamentum fuisse latum præceptum sempiternæ commemorationis ejusdem, hoc ipso obligamur similiter ad gratitudinem perpetuam & observantiam præ-

non manet in me, non est me dignus. Exemplum de bivio exhibet Juvenis in Evangelio, qui Deo serviebat in formâ externâ valde speciosâ: ast Christus eum corripuit quasi ad Deum nondum fuisset conversus ex toto Corde, totâ mente, cunctisq; Viribus, hinc ejus misertus revocabat eum jubendo, ut suas facultates erogaret in pauperes, inq; charitate sequeretur Salvatorem. Exemplum hoc non perpendunt, qui Juvenem hunc imitando externâ quidem Specie ad Deum respiciunt, corde verò ambulant in Viâ Ægypti. Annon in bivio ambulat maxima pars hominum? quin & inter eos non pauci, quorum omnis conatus est externos modos ad nutum & sub peccato mortali observare, qui omni diligentia cavent, ne in amictu variet habitus, ne vè vilescat ornatus, ne vox labatur in cantu, ne strepitu rumpatur silentium, ne in flexurâ Corporis vitietur figura &c. Hi putant taliter se optimè conversos esse à viâ Ægypti, non obstante cupidine carnis in iis regnante. Verùm istorum apparatus non nisi Species sive umbra est, nec quicquam hætenus faciens ad Conversionem, hanc potius suppressit falsa rei intellectio, ut taceam aversionem internam, cui anima excæcata immoratur. Quid quod homo oberrans in bivio nunquam directâ viâ procedit, quam diu Unitatem veræ Viæ posthabet, hinc mirum non est, quod ejus conversio sit & dicatur nulla. Quàm procul sit modalis homo à verâ conversione, liquet in Ficûs exemplo, cujus virentia folia alliciebant Dominum quæsitum dulces Speciosæ arboris fructus. Quod si Dominus maledixit ficui, non aliâ de causâ, quàm quod in eâ fructum non invenerat, annon & iis maledicet, quorum Species ficui, modi foliis sunt similes, sterilitate quærentem eludentibus? Oportet enim ut Dominus fructus inveniat, alioquin timendum est, ne sit propinquior maledictio quàm quod credamus.

Q. Cùm Christus discipulos suos dilexerat usq; ad finem, multa iisdem exhibendo signa Charitatis tam Verbis quàm Operibus, maximè in S. Cœnâ, dic quid ab iis requisivit pro eâ charitate, ne gratis ac sine fructu amarit eos tam impensè? Adhor-

ipsum, ita ut mens hominis se Deo offerat ex purâ charitate in vivam Hostiam Dei in timore perfecto coram cunctis hominibus. Id etiam solet fieri tam mirâ dilectionis expressione, quæ nequit Verbis exprimi, sed tantum percipi, quatenus transcendit potentias naturæ ac sensuum: taliter scandit mens supra se ipsam in Libertatem Spiritûs, (quam dono accepit) vadendo ad Patrem cœlestem unitum se cum eo propossibili, hoc ipsum fit ad Laudem Dei sempiternam, cuius causâ se dejicit totam cum sui ipsius abnegatione in abyssum Divinitatis rogando Deum, ut reddat eam fecundam in suo servitio, quemadmodum amavit, elegit atq; creavit eam eo fine, ut id in eâ ac in omnibus Creaturis sine morâ perficiat; prout suæ Voluntati novit congruum, qualecunq; demum opus sit. Tali modo mens vult esse exemplum tam justitiæ quam misericordiæ prout Deo placuerit: hoc ipso quidem non intendit promereri damnationem pravis operibus, sed Deum implorat, ut largiatur ei robur ad perficiendum Voluntatem ejus. Procedendo sic à Patre ad Filium, qui Patris sempiterna sapientia est, se subijcit simpliciter in illud nil esse, nil scire, nil cognoscere, nil percipere à se ipsâ, de eo, quod est ad Laudem & Voluntatem ejus vel faciendum vel intermittendum, hætenus rogat, ut ipse perficiat id in eâ & cunctis Creaturis per suam divinam Sapientiam prout noscit sibi placitum, hominibus autem salutare. Hoc facto acquiescit omnino in merâ simplicitate expectando Opus Dei, credendo & sperando, quin sit facturus: & quid porro immineat ei, parata est accipere à manu ejus ad Laudem suam non scrutando sed simpliciter id faciendo quod credit esse pro Voluntate ejus, siquidem id credit cuius non habet certitudinem. Cæterum si juxta Scientiam foret agendum, non rarò videretur ejus æquitati contrarium, hoc autem cum facere nolit, descendit per fidem in fiduciam erga Deum. Per hoc extollitur Deus in mente juxta suam sapientiam, Ipsa verò humiliatur juxta intellectum suum; ast eam exercitationem usurpat sibi amorosa anima in rebus perpussillis, inde unitur in Dei Sapientiâ verè ac simpliciter penetrans.

licet tertiam charitatis viam, per quam unitur Deo, uti dictum est.

Q. Cum juxta Spiritum sic sit vivendum, dic quæ sit causa, quod adeo pauci sint homines spirituales? **R.** Causa hujuscæ penuriæ est hæc, quod has similesq; vias nolunt pervadere, undè non possunt aliis magis fructificare. Sic enim servanda sunt mandata charitatis, ut homo reddatur spiritualis (ambulans in viâ Spiritûs). Idcirco qui se conferret ad charitatis mandata, is fructûs ferret longè uberiores quàm ferunt alii, qui cupiunt servire Deo in cautè cum extraversione & impatientiâ, non in simplicitate, cum actuali externo servitio, non in inversâ charitate. Secundum id, quod antè dictum est, excitatur homo à somno tenebrarum, atq; perducitur ad verum lumen. Quod restat præ foribus nova gratia est, quâ non areptâ fit, ut aufugiat in advertenter. Hinc valdè necessarium est, ut imploremus Deum, quod largiatur veram simplicitatem ac humilitatem, hoc est, ut nos ipsos contemnendo pro minimis, indignis hominibus nos reputemus talesq; velimus esse, qui probro afficiantur ab omnibus, quibus & omnes Creaturæ adversentur, cum hoc ipso futurum sit, ut discamus emori nostræ voluntati, nos custodire ab omni appropriatione foris & intus, deniq; offerre nos Deo ad gloriam ejus in beneplacito divino, sine delectu vel repetitione nostri. Tantum ad mandata Dei, quæ charitas præscribit.

Q. Adhuc unum requiro adjicias hîc, nimirum, cum ideò Scriptura scrutanda data sit, ut observetur, dic quid sit, quod S. Scriptura potissimum observandum tradit? **R.** Hæc tradit custodienda primò mandata Dei, secundò consilia ejus: In veteri Testamento præscripta sunt mandata Dei, in novo Testamento mandata & consilia simul, & hæc ratione latius patet, longeq; perfectiora requirit Nova, quàm vetus Scriptura.

Q. Dic quosnam spectant mandata, quæ sunt priora Consiliis? **R.** Omnes in universum homines, maximè imperfectos, rudes, crassos ac nihil exercitatos, qui omnes tenentur servare mandata. Mandata enim sunt velut instrumenta, quibus rescidan-

scidantur testacea Cordium tubera, hoc est, illicita quælibet facta.

Q. Consilia verò quos spectant? R. Filios sive Amicos Dei. Non sufficit his mandatorum observantia, quibus data sunt consilia salutaria; idcirco Amici Dei omnem adhibent operam, quo per angustam portam penetrent in vitam æternam, quam pauci inveniunt.

Q. Cum pauci evadant perfecti, an omnes boni ac debiles qui perfectionem non attingunt, perditum eunt? R. Haud sanè! Nam sicut infirmis multa ob infirmitatem conceduntur quæ alias non sunt concessa; ita & debilibus in Fide (qui tantum mandata observant) dimittuntur multa, quæ veris Amicis Dei propudiosa sunt & minimè concessa. Verùm qualiter ignavi queant excusari, qui vel infirmos se simulant, vel infirmitatem dolose contrahunt, ne vel mandata teneantur observare, viderint ipsi.

Q. Ad libertatem autem quam hi prætexunt addendum est aliquid, cum aliàs libertas in Scripturâ commendetur, quasi in illâ verum Bonum absq; impedimento possideatur, atq; sic Deo liberè serviri dicatur, dic ergò in quo consistat Libertas, quæ non præjudicet mandatis Dei? R. Consistit ea Libertas in Creaturarum abdicatione, nimirum quoad Voluntatem & Consensum, non quoad Usus. Enimverò per Deum ac propter Deum utimur Creaturis ad nostram alteriusvè necessitatem, tanquàm bonis alienis, non nostris, idq; simili quasi intentione, quâ innocens infans sua tractat crepundia, quam ob rem præposuit nobis Christus genium infantilem tanquàm tot formis ac speciebus nondum deformatum, adeoq; immotum & vacuum. In vacuo animo velut in tabulâ rasâ longè felicius imprimuntur præcepta Dei, & quicquid specierum indè pronascitur ab iis recusum deprehenditur. In tali fundo habitat solus Deus cum suis præceptis, (quod opprimè Regnum Dei vocaveris) atq; dehinc regitur talis homo, indè vult, indè scit, facit ac desiderat, tantâ scilicet sinceritate ac perfectione, ut & alii cognoscant, id donum

num cognitionis non ab homine quā talis, sed ab ipso datore omnis boni Doni dependere. Cognitionis hæc est tantò perfectior, quantò à proprietate subjecti remotior. Idem dicito de Voluntate & amore, ubi consimili Libertate opus est, si vis, ut una Virtus respondeat alteri in perfectione sinceritatis, atq; sic in statum imaginis divinæ iterum eatur. Detrimentosa ergò est appropriatio, quatenus per eam impuræ Species permiscetur puris, virtutes sic in statum imperfectionis denuò abducuntur, quod quidem dum jam scimus, omnino istæ propriæ Voluntatis, amoris & Cognitionis fuga & abrenunciatio est suscipienda, ut intelligentia tua sit pura, voluntas pura, & amor purus, quia divinus: sic namq; erit Deus solus omne in omnibus tuis viribus, id est, in toto tuo systemate. Quicquid mihi attribuitur non est veraciter meum, eoq; nec Cognitionis, sed opinionis tantum, in vanâ hac attributione non agnoscitur id, unde venerit, cujus est, nec glorificatur Deus pro his in operibus suis: imò sic deest homini cognitio veri ac boni, veri quidem, quia est alterius, non sui, boni verò quia procul dubio melius est, quod Dei est, quàm quod Creaturæ est. Propterea auscultat liber homo ipsi Veritati ac reputat, quod quicquid boni perficitur, sit melius esse Dei, quàm Creaturæ, unde sequitur interesse hominis nil scire, nil velle, nil desiderare, nisi quod ipse Deus in eo vult ac diligit. Verè libera sic est ea Creatura, quæ vincula non est neq; prehensa ab aliquo concupiscibili, imò quæ nec adhæret ulpiam nisi soli Deo. Iterum ac iterum libera est anima ista, quæ cuncta ea quæ Deus non sunt, transcendit, nam sibi ipsi non adhæret ideò, quia cunctas Creaturas eidem obvertentes ad Deum solum amore dignum ablegat.

Q. Superest adhuc alia Libertas, cujus meminit Dominus noster, & videtur hæc esse omnium veracissima, & dependere ab obedientia ac ordine Discipulatus Christi, quæritur hinc, quid requiratur ad id, ut quis sit Christi Discipulus, aptusvè qui hætenus verè liberetur? R. Id quod eò requiritur, apparet ex illis Joh. 8. Christi Verbis: Si in Verbis meis manseritis, veraciter estis mei Dis-

rùm etiam ipsa hominis nativitas, & mortalitas deponit documentum nuditatis. Prout ergò unusquisq; homo nascitur pauper, pauper quoq; denascitur, ità toto eo tempore, quod inter ortum & obitum ejus decurrit, verè pauper est, ac esse debet homo; siquidem earum rerum vel regnorum, quæ Dei sunt, non proprius Dominus, sed dispensator est, cujus pro Villicatione, id est, pro cunctis sibi concreditis & usurpatis tum necessitatibus tum superfluitatibus reddenda est ratio, quod quidem facere non teneretur, si verus rerum hæres, Possessor ac Dominus esset, quemadmodum nec Deus reddit rationem, cujus mundus est proprius, quia per eum solum totus factus est cum omnibus quæ in eo sunt rebus.

Q. Produce exemplum falsi fundi, ut pateat quàm sit exosum Deo? R. Exemplum exhibet secta Phariseorum & scribarum, quos Christus tantoperè devitavit tanquàm damnatos homines, eò quod utraq; secta carebat vero ac sincero ergà Deum affectu; quandoquidem è falso eorum fundo prodibat falsitas omnium nocentissima, quâ totus seducebatur populus. Tàm rara est inter homines qui spirituales esse debent, sinceritas, ut multi sint, qui vel scribarum vel Phariseorum notâ vel utraq; signari mereant, unus quidem plus minus altero.

Q. Annon sunt hodie dum prudentes homines quàm plurimi, qui quælibet cunq; objecta sive verbalia sive realia, & quæ concernunt formam status sui ad rationem trahunt, ut multa hinc intelligant, & altum sapiant ad suam ipsorum gloriam, ornamentum & magnificentiam, quos ideò scribis similes censes? R. Idcirco tales intelliguntur sub nomine scribarum, quod de prudentiâ suâ ambitiosè gloriantur, prætereà in fundo suo, undè Veritas emergere debet, inveniuntur vani, infructuosi ac desolati.

Q. Dic quales erant Pharisei? R. Tales erant, qui nimis multum tenebant de se & sua sanctitate, suasq; consuetudines, instituta, modos, ritûs & traditiones gravi Authoritate, ac severitate custodiebant Gloriæ hætenus laudisq; cupidi.

Q. Nun-

Matth.
n.

enim sunt palmites, quos Pater ejus plantavit, timendum ergo, ne evellantur & in ignem conjiciantur juxta illud verbum Christi: Qui non est mecum, contra me est, & qui non congregat mecum, dispergit.

Q. An ergo opus est, ut unusquisque sibi caveat à modo pharisaico? R. Unicuique; convenit suum præservare fundum, nè inficiatur contagio pharisaico, necessum quoque est scrutari fundum, ut si quæ falsa sanctitas, cujus causa vel finis non est Deus, in eo abscondita lateat, quamprimum expellatur, siquidem verendum aliàs est, nè Deus inde fugiat, cum sit futurum, ut Deus eradicet omnes plantas, quas non plantavit ipse in fundo bono.

Q. Judæi multum orant & psallunt, hoc ipso ansam præbent credendi, non omnes Christianos qui multum orant, legunt, psallunt, esse sanctos, compertum insuper est, non paucos, qui dum bona Opera faciunt, respiciunt semper modum externum, interno fundo eorum interea obsessò muscosâ Creaturarum supellectilè, multum orare ac legere sinè fructu; annon hæc ratione magis provisum est Utilitati, si hæc Opera orationum, Jejunii, Vigiliarum &c. intermittuntur? R. Minimè: hæc enim opera cuncta sunt bona & utilia, adeoque quæ talia, omnino facienda, nec unquam intermittenda, tantominus rejicienda, ad hoc autem requiritur, ut sit ad Deum conversum fundum internum.

Q. Cum sibi quis cavet tamen à subtilitate naturali eorum, qui Scribis comparantur, tamen ab externâ specie & consuetudine eorum, qui Phariseis assimulantur, quibus tamen vix potest effugere, cum ubique grassentur isthæc contagia, is quoque facile noscatur, qui talis non est, annon totus mundus hunc separatim persequitur tanto furore, ut quò se vertat, quovè subsistat non inveniat? R. Sit ergo impetitus & afflictus undique, siquidem id aliter esse nequit, cum mundus amet solum quæ sua sunt: Verum hoc modo pervenit ad Crucem Christi, dum ejus exemplo conformatur, prætereà Spem habet certissimam fore, ut Christus veniat hospitatum in eo. Hæc sanè venatio ejus est tantum externa.

Q. Quid

Q. Quid si interna insuper accedat Venatio, annon duobus pessimis malis, nimirum venatione & afflictione substernitur homo? R. Non, sed potius subtiliatur atq; fugacior redditur, quod si se rectè gesserit, immensam inde capit Utilitatem.

Q. Quid per internam Venationem datur intelligendum? R. Hæc sic intelligi potest: cum proprium interni hominis domicilium sit ipse Deus, illoq; feratur & desiderium & liberum hominis arbitrium, eò non solum internus homo à Deo permovetur, ac promovetur per modum Venationis, sed ipse etiam adigit (impetit) externum hominem, ut simul ad Deum tendat. Hoc autem cum fit, excurrit petulcum jumentum quæsitum Vias alias declives ac nemorosas, puta latibula propria.

Q. Annon exindè oritur dissensio in homine? R. Quod sic: id ipsum enim quod vult internus homo, est planè adversum externo & vicissim, idcirco Caro & Spiritus semper luctantur inter se invicem, & sicut scriptum est: Caro concupiscit adversus Spiritum, & Spiritus contra Carnem. Item: in membris meis invenio legem contrariam legimentis meæ: quod volo bonum non facio, & malum quod nolo facio. Eccè cum Spiritus & Caro colluctantur, tertius advenit (Deus) & insequitur suam gratiam alterutrum. Rom. 7.

Q. Quis autem hæc intelligit? R. Qui intelligit, intelligat: quisquis autem Venationem istam intelligit in Veritate, is se quam optimè habet; Nam omnes qui à Spiritu Dei compelluntur (ducuntur) sunt Filii & Amici Deielecti, quos Filius verè fecit liberos. Ostensum his est, quò pertineat Libertas, & simul ostensum est quod non præjudicet mandatis, quatenus mandatorum Causa est peccatum, quod & ipsum tollit Libertatem. Peccatum autem cum prave Voluntatis effectus sit, requirit ordo sequenti Capite tractare materiam de Voluntate bonâ, malâ, deq; ejusdem resignatione, quâ obtentâ elabitur peccatum, mandata servantur in verâ Libertate.

CAP. IV.

De Voluntate.

Q. Dic quid in hâc materiâ noscendum sit de Voluntate, quid est Voluntas? R. Voluntas est secunda Mentis potestas, cujus facultas & operatio varia est, in hâc materiâ dicunt Theologi, quod sit fidei Rectrix, amoris discretrix, exercitationis promotrix, actionum productrix, & hæc Voluntas bona est. Cum autem Voluntas ob liberum arbitrium possit esse prava, ideò ad hanc refertur, diffidentia, incredulitas, frigiditas, desidia, mala actio. Voluntatem sequuntur Idearum evolutiones, cogitationes, luxus affectionum, & è contrario meditationes, considerationes, exercitia, obsequia. In Virtutibus assumendis vel rejiciendis Voluntas deliberat, eligit, reformat, terminat, confundit, & quicquid hîc vel Laude vel Vituperio dignum committitur internè & externè ad Voluntatis arbitrium meritò refertur. Qui non operatur, non vult operari, qui non amat, non vult amare, qui non credit, non vult credere. Non enim Voluntas est otiosa Idea, sed est potestas semper & validè activa, ita ut actus ejus nequeat intercipi nisi in termino ad quem: differentiam patitur & quidem levi occasione, non autem suppressionem in statu naturæ libero. Idcirco reliquæ potentia, quæ ad tempus possunt à suis Causis suspendi, sunt ejus pedissequæ studiosè sequentes, quò duxerit eas Domina. Sed utut se habet Voluntas in statu naturali ad peccatum, ita quoq; in statu resignationis se habet ad sanctitatem & perfectionem.

Q. Quomodo habet se peccatum ad Voluntatem? R. Peccatum originaliter nil aliud est, quàm propria hominis Voluntas divinæ Voluntati contraria, cum scilicet homo aliter vult, non autem sic necid, quod summum Bonum vult: quapropter id omne quod profluit è pravâ hominis Cupiditate, quicquid sit vel

vel vocetur, siue fraus, mendacium, iniustitia, siue Vitium & iniquitas &c. Peccatum est. Præter pravam hanc Voluntatem non datur Peccatum, imò si alia Voluntas non esset, nisi unica ea, quæ Dei Voluntati conformis est, hoc est, nil aliud volens quàm verum Bonum, non esset Peccatum, hinc jure meritoq; dicitur propriam hominis Voluntatem esse peccati m.

Voluntas hominis libera sequitur ut plurimum naturam Originis, quam novimus sub Voluptate hominis conceptam esse, hætenus uti æternæ Voluntati contraria est, ita placet homini quod vult, & quod vult, placet ei, nobis autem sic constat, quod congenita Voluptatis Voluntas rarissimè Originis suæ limites transcendit. Duplex autem est Voluntas, sicut Lux & Vita duplex est, nimirum Voluntas Dei vera ac bona, & Voluntas naturalis (falsa). Voluntas divina vult, ut ametur solum Bonum verum ac præter hoc nil aliud, quia & ipse Deus solum se verum Bonum amat, & vult, ut nemo aliter quàm ipse Deus velit, nec alia Voluntas sit præter quàm æterna. Sicut nec vita nec substantia est aliquid essentialiter, nisi unum in vero uno; sic etiam quælibet Voluntas requiritur esse una in Dei Voluntate & Deus sola Voluntas in omnibus: hæc ratio est Deo contrarium & exosum, quicquid non est de Voluntate Dei. Exin cognoscimus, quàm veraciter Voluntas humana, naturalis (propria) & quicquid ex ea pendet, mereat dici peccatum. Ast contra Deum & absq; Deo nil est, nisi Voluntas volens aliter & aliud, quàm Dei Voluntas vult, quoniam cuncta quæ Deus creavit vidit esse bona. Quoad creationem, hoc est, quoad creata subsistunt essentialiter, sunt bona, & in hoc respectu Diabolus bonus est, nam quoad esse suum sunt in Deo, dehinc bona: cæterùm quicquid esset, & tamen sine Deo esset, non esset bonum essentialiter. Quatenus autem Creaturæ sunt bonæ, placent Deo ac sustentantur ab eo. Quicquid cognitionis obtinetur ex illis & de illis hoc ipsum testatur, Creaturas sternere viam, manuq; velut conducere ad ipsam æternitatem: in hoc sensu mundus vocatus est Paradisus. Omnia quippè sunt homini sub-
jecta

jecta ad nutritionem, Usus & Necessitatem, quæ nil ex omnibus prohibitum, nilq; Deo contrarium invenitur, excepto unico, quod hætenus assimilatur vetitæ arbori Paradisi: ex hoc unico namq; profluit cognitio boni & mali, maliq; electio, hinc etiam vocatur nomine sibi proprio Voluntas propria seu prava. Hujus respectu sentit natura humana divinum hoc interdictum, nimirum, ut quidem quicquid agitur, agatur liberè atq; eâ Cautelâ, ne contra Voluntatem Creatoris, sed cum & per Voluntatem ejus peragatur; Lucifer volebat adversus Deum, hinc Protoplastos ad lapsum consimilem pravæ Deoq; contrariæ Voluntatis persuadebat. Quapropter quicquid est, in quantum cum & in Deo est, in tantum bonum est, econtrâ in quantum absq; Deo vel contra eum est, in tantum malum est; in quantum bonum est, amandum est, in quantum verò malum, fugiendum est. Amari sic possunt Creaturæ quoad Essentiam; quia Dei sunt, in Deo & per eum subsistentes originaliter, non verò quoad respectum, hinc procul absit applicatio; nam si ad eas cupiendas ac possidendas fertur animus, alienatur, sicq; à bono summo deflectit ad aliud aversâ Voluntate. Sola hæc aberrans Voluntas non est essentielle quidpiam subsistens per Creationem, sed est quid depravatum per cupidinem, idcirco non est bona: quatenus autem bona non est, amanda non est. Ratio dehinc sumitur, quare peccatum non sit amandum, nimirum quia non est bonum: bonum non est, quia non est Ens subsistens per Creationem, sed est vel prava Voluntas vel ex hac producta genitura, quæ non est in Deo eò quod non vult solum Deum, sed aliud quid. Quoad actiones ipsas, in quibus potior ratio peccati consistit, eodem res recidit: hæ namq; quoad vel bonæ vel malæ sunt, sunt vel amandæ vel fugiendæ. Malæ sunt peccatum, seu pravæ Voluntatis effectus, bonæ verò dirimuntur in verè & falsò bonas. Verè bonæ sunt, quæ è cognitione ac informatione Lucis & Charitatis veræ proveniunt, atq; hinc placent Deo, quatenus in Spiritu & Veritate fiunt. Falsò sive apparenter bonæ referuntur ad peccatum, quia malæ sunt, nimirum

rum provenientes ē voluntate atq; cupidine humanā à Deo alienā, hætenus & rectā à Luce & Charitate falsā, quæ veræ Luci & amorī opponuntur, & ideō, quā speciosæ sint, sunt tamen falsæ & deceptorīæ, à peccato non differentes in minimo. De Voluntate hominis aberrante sive propriā dictum paulō ante est, quod ea nil aliud sit quā velle aliter quā Deus vult, & quod taliter sit Deo contraria, de eā ergō dicendum adhuc est, quod hominem regit regimine pravo & peccaminoso. Nam homo naturalis quærit suum proprium, quod purat optimum quā suum, hætenus non quærit verum optimum, sed falsum, nec invenit verum, quia per opinionem deceptus quærit seipsū, insuper & hāc ratione magis decipitur, cum putet se esse ipsum optimum. Quod si Voluntas propria non esset, non esset infernus, non Diabolus, non lapsus Adami, si quæris undē hoc? dico, quia Lapsus utriusq; non erat aliud nisi Voluntas Voluntati Dei adversa, quæ tamen una & eadem esse debebat. Hinc intelligimus, quā prava Deoq; exosa sit naturalis Voluntas. Homo autem qui quærit & amat verum Bonum quā tale, non vult nec amat seipsū, & hætenus quæsitum quod invenit, possidet absq; offensione Dei. Enimverō talis homo vult tantum hoc, ut sua Voluntas emoriatur, utq; sic sine impedimento Voluntas Dei liberē in eo operetur, quod restat, non est sollicitus de Voluntatis origine & deturpatione. Carnalis homo adintra Diaboli cupit cognoscere secretam Dei prædestinationem per hoc quod scire cupit Causam, ob quam Deus homini indidit Voluntatem propriam sibi tam hostilem peccati causam. Finitis hujus concupiscentiæ est delectatio & gloriatio, quæ nil est aliud quā Spiritualis superbia. Equidem illuminatus homo cognoscit causam hanc, ast non superbit hætenus, neq; cognoscit per effectum petitionis; sed intellectus ejus eruditur per Lucem veram taliter, ut noscat solum, quid velle aquare eum oporteat. Hoc fine creavit Deus Voluntatem hominis, quo intellectum, quoque amorem creavit, nimirum, ut mediantibus hisce potestatibus Deus suam exprimeret Voluntatem

tatem ac proprietatem tanquàm per medium aptissimum, id genus actionis pertinet ad perfectionem. Si homo caruisset Intellectu & Voluntate, nunquàm fuisset Deus agnitus, ne dicam amatus, laudatus, vel glorificatus, nec inter omnia creata fuisset quidpiam quod coràm Deo aliquid Utilitatis habuisset. Harum autem potestatum suprema est Intellectus, tanquàm per quem Voluntas & desiderium informatur, quid velle, quid appetere debeat anima & quid non. In hâc cognitione potissimùm intelligendum datur, quod Intellectus cum Voluntate & amore creatus sit non propter se, nec propter ipsos, nec deniq; ad propriam Utilitatem, adeoq; nec propter se debeant velle quidpiam; attamen quod per Creationem sunt ejus qui creavit ea, hâc ratione nil aliud velle tenentur per obedientiam sive pro ratione debiti præterquàm id, quod Creatori visum fuerit Bonum, quod ipse est. Non enim creavit Deus Voluntatem hominis, ut sit propria, sed ut Deus per eam tanquàm per Instrumentum servile operetur. Voluntas Creatoris est in Deo sine motu & actu essentialiter, in Creaturâ verò est activa seu perficiens, ea propter vult Deus Creaturam, nimirum, ut Voluntas alioquin immota, Opus ejus in eâ velit & perficiat. Taliter cognoscimus, Voluntatem nostram, tametsi creata sit, non nostram sed tam Dei esse, quàm ipsa æterna Voluntas Dei est: in hoc respectu non competit Creaturæ velle pro suâ ratione, sed Deo competit actio Voluntatis in homine per Voluntatem hominis quæ creata & per Creationem Dei donum est. Quod si Deus per Voluntatem creatam operatur volendo, istæc voluntas non meret dici propria, tantominus Deo contraria, est autem una atq; divina voluntas, & hætenus amor ac dolor, qui Voluntatem sequitur, non est hominis sed ipsius Dei, cujus est Voluntas. Quicquid volendo cupis charum est, id quod non volendo abominaris tortura est; quod si ergò vis & non vis per Voluntatem Dei, amas aut doles, sed non tam tu amas aut doles, quàm Deus qui vult, aut non vult.

Ex his apparet, cur Voluntas debeat esse libera, nulli mancipan-

panda, sed soli Deo relinqvenda. Nihil autem tam liberum est quàm ipsa Voluntas, quàm ea propter illuminati in suâ libertate conservant, sicut eam Christus ejusq; seqvaces conservârunt. Dicuntur hinc etiam verè liberi, qui per Christum (Veritatem) sunt evacuati & liberi facti, qui & hâc ratione manent in pace, sâetate, quiete & beatitudine. Nemini licet Voluntatem sibi mancipare sic, ut qveat dici propria seu libertate privata. Natura, Adam, Diabolus, hanc sustulerunt Libertatem, quâ suâ Voluntate abusi sunt volenter in commodum, nolenter in perniciem suam, siquidem id ipsum non juxtâ sed contra Deum est. Libertas cum est ablata, Voluntas capta & subiecta, tunc dicitur appropriata (proprietas); ast ubi hæc, ibi nulla requies, nulla beatitudo est, sed è converso intranqvillitas, adversitas, mæror, anxietas & sollicitudo. Quamdiu enim proprietatem habet homo, non est sui juris, nec à Concupiscentiâ se potest penitus avertere, hinc sæpesæpius perturbatus ad iram concitatur, si quâ resistere debet ei, id quod in superbo atq; avaro conspicuum est. Ast hoc non solum; verum quamprimùm desiderium suum satiavit, angitur conscientia, quâ sentit se Voluntati suæ fuisse obsequutum, proindè nec pax, nec est tranquillitas ei. Cæterum pax non in propriæ Voluntatis complemento, sed in suppressione ejusdem invenitur, hinc eâ soli amantes & spirituales potiuntur homines. Quod si verò proprietas istæ non deseritur in tempore (mortalitate) nulla postea conceditur ejus depositio, quin potius cum immanente eâ proprietate interterminaliter perdurat status inquietudinis, adversitatis & anxietatis sine Spe beatitudinis, velut id observatur in Diabolo, qui, quod proprietatem hanc non exuit in tempore, sed eam retinet in æternitate, non habet Spem beatitudinis in æternum. Cum Diabolo subibunt paria supplicia, qui proprietatem hanc è tempore secum convehunt in æternitatem. In inferno cuilibet damnato est sua propria Voluntas, eoq; omnis miseria: inferis autem coævquantur mortales ob paritatem proprietatis, qui tamen adhuc vivunt in tempore inter Cælum & infernum, ubi

mortalibus concessa est electio futuræ mansionis ; quò plus proprietatis, hoc plus inferni. Qui proprietatem cupit aut possidet, mancipium est, qui verò nil cupit ac obtinet proprii, is verè liber est. Quisquis mortalium à vero lumine verè liber factus est, si posthac posset pari modo liber vivere, is verè beatus esset, nam Regnum Cælorum certocertius esset in eo. In Regno Cælorum nil est, quod proprium dici possit, hinc est ibidem vera pax, veraq; beatitudo. Sunt quidam, qui plurimùm disputant de libero arbitrio, num hoc sit à naturâ necnè ? hi autem rem magis obscurant quàm illustrant, tametsi eam faciliè possemus comprehendere, si lumen verum nos illuminaret. Siquidem per id docemur, quæcunq; Deus creavit, esse bona, in primis indè sequitur, creatam Voluntatem esse bonam, cum sit potestas imaginis divinæ. Exindè simul sequitur eam creari liberam, quæ bona est ac dicitur. In Christo mansit semper libera, in cunctis verò reliquis hominibus inter nascendum ducitur in captivitatem & appropriatur mediante occasione qualitaturn Corporis & naturalium proprietatum, per quas dum homo adhuc cognitione caret faciliè flectitur, sic ut dici queat, omnem hominem amittere libertatem sub initium vitalium & animalium functionum, eoq; nec libertatem recuperare posse nisi per gratiam Dei, per Lumen verum & renovationem Spiritûs illuminetur. Hoc enim facto solvitur Voluntas à Compedibus & redditur libera, capaxq; obsequii. Quid quod & multis hominibus quibus natura fuit benignior, non levis pronitas est ad bonum electivè, hoc est ad bonum hoc vel illud, quod est Creaturarum, sed ad Bonum summum nullius hominis desiderium fertur ab incunabulis, quia non cognoscitur antequàm intelligat, proindè solemus dicere, ignoti nulla Cupido. Qualitercunq; ergò hominis bonum est, non est verè sed falsò bonum, neq; ex Voluntate liberâ factum, priusquàm per cognitionem summi Boni, quæ per fidem acquiritur, purgata sit conscientia, & libera facta Voluntas.

Quantum autem ad ipsam Libertatem, ea duplex est, nimirum vera & falsa. Vera sequitur Lucem veram divinam & voca-

vocatur in Scripturâ Libertas Spiritûs: ubi hæc est, ibi Voluntas utitur eâ ad opus suum, quod est velle sine impedimento. In primis hoc opus est velle id quod electivè est optimum ac nobilissimum, cætera cuncta quæ non sunt bona, non vult nec perfert nisi cum dolore: exindè sequitur, Voluntatem, quò magis libera est, hoc magis dolere Vitia & peccata. Exemplum præbet Dominus noster, cujus Voluntas erat liberrima, hæc ratione erant ei totius mundi peccata tortura omnium maxime: idcirco quò quis liberior, hoc Domino proximior. Libertas ficta seu falsa est, cum homo mortalis utitur Carnis Libertate, nec sentit peccatum, nec dolet de eo, imò cum mavult vivere juxta securitatem absq; passione. Libertas hæc non parta est à Luce verâ, sed est libertas falsa, naturalis decepta, iniqua, quia parta à Luce falsâ, naturali, decipiente & deceptâ.

Q. De liberâ Voluntate quod protulisti sufficiat, nunc etiam quid habes de bonâ Voluntate explica? R. Quod habeo accipe! Prout ex Voluntate pravâ (naturali) omne peccatum nascitur, ita è Voluntate bonâ (supernaturali) producitur omnis generis Virtus. In vanum ergo fideles nimis sollicitè curant, num propè sint Deo, an procul distent ab eo, in vanum quoq; mærore afficiuntur ob res haud acquisibiles tunc scilicet, cum Voluntas eorum bona est. Cuncta possidet homo, sive amorem, humilitatem, sive quamcunq; Virtutem, imò ipsum Deum, si potenter ac incessante desiderio velit eas. Et sicut volenti homini nil deest, ita nec quicquam potest ab eo auferri sive à Deo sive à Creaturis, dummodo Voluntas ejus sit bona, & justa, hoc est, divina. Sunt autem multi homines, qui credunt possessionem hanc esse impossibilem, hinc ajunt mandata Dei servari non posse. Ast alibi dictum est, ejusmodi homines posse, sed nolle posse, quapropter nunquam vivunt juxta mandata Dei, quia nunquam volunt. Sunt & alii homines, qui ajunt se quidem velle, ast posse non esse in illis. Verùm istorum hominum Voluntas non est reaptè talis, quia solum verbalis, adeoq; minimè divina. Errant in hoc, quod non volunt effectivè atq; potenter,

ter, & sic eorum confessio est mendicata ē fraudulentā pravā Voluntate, quæ accidentalis est, non essentialis, non vera sed falsa, non divina sed naturalis. Divina autem Voluntas probatur per id, si Voluntas vult semper volendo purē ac simpliciter in respectu ad nudam Dei gloriam. Gloria Dei est, quam Homo velle debet, cætera bona propter eam, præterea nil aliud; siquidem nec commodum sic expetitur, nec ipse Deus, nec Vita æterna, nec Virtus, putā in respectu ad interessē hominis, quia solūm propter divinam gloriam, indē patet, quæ sit Voluntas divina. Voluntas hæc datur homini ideō, ut talis sit post manifestationem ejus, hæc ratione manifestat Scriptura prius Voluntatem Dei, quam subsequenter cognoscit homo ex Verbo Dei, & hæc cognitio est medium gratiæ, quā Voluntas quæ libera est, instruitur, conducitur, corrigitur. Velit ergo homo cum firmo proposito & sine excusatione quam velle potest Gloriam Dei, jam nactus est possibilitatem. Nam ideō dicitur, nos naturatenus non posse, nec posse velle, quia à naturā non habemus cognitionem bonæ & justæ Voluntatis. Prout igitur moraliter bonum ac malum, justum ac injustum non nisi per instructionem discendo cognoscimus; ita etiam in divinis justū ac injustum, bonam (Dei) ac malam (nostram) Voluntatem discendo cognoscamus oportet. In hoc supposito malè dicitur hominem non posse velle nisi per singularem Dei gratiam & sic insuper valdē difficulter: enim verō qui sic credunt, labuntur necessariō in impietatem, quō credant Deum esse Authorem damnationis æternæ Vi atq; decreto Voluntariæ electionis ac reprobationis. Sed ex præpositā doctrinā cognoscitur, omnes homines in supposito cognitionis posse velle, quia his omnibus, quibus prædicatur Verbum Dei & qui cognoscunt illud discendo, adest Voluntatis possibilitas, quāquā & in gradu Operationis simul ac Voluntatis quoad constantiam conferat aliquid naturalis constitutio (corporis dispositio) tanquā in respectu mediū aut obstaculi. Principalissima tunc est Voluntatis potestas supposito cognitionis lumine, quia & ipsa fides hætenus Volun-

Voluntati subiecta est. Nam ideo Voluntas est potestas, quia velle potest, & nil nisi velle potest; si non potest velle aliquando, non est Voluntas, tantominus potestas. Atqui Virtuti nulla est diversitas quoad esse, utpotè quæ semper eadem est quoad potentiam, tametsi non semper talis quoad Actum vel tempus. Sic quisquis credit, necessum est quod velit credere, & si non vult, non credit. Ex illo igitur fonte, unde profluit fides, profluit & fidei fructus; velis ergo & amabis, velis & operam adhibebis virtutum exercitio, velis & à Deo traheris, velis & Deum quoad Clementiam, gratiam & iudicium senties, velis & adunaberis ei. Hæc Voluntas non dependet ab ullâ re extraneâ, dehinc nec alligari nec separari potest à suo respectu neque per Vitam, mortem, neque per Diabolum, neque per Creaturam vel passionem aliquam.

Voluntas bona non est debilior coram Deo ad bonum quam prava Voluntas ad malum est. Id autem præstat Voluntas prava, ut Opus malum priusquam ad effectum perductum est, in ipso jam firmæ Voluntatis proposito habeatur pro facto, & huius iudicii ratio est, quod alioquin externus effectus non nisi ab impedimento intercipitur, sic autem potest aliquis potentialiter occidere multos, etiamsi effectivè non occiderit eos, iudicium autem occultæ occisionis refertur ad Crimen Voluntatis: nam nemo occidit reaptè, quem non in animo prius per Voluntatem occidit. Exin propalàm est, peccatum generari à Voluntate, tametsi pravam opus non sit patratum externè, sed tantum internè per assensum Voluntatis, ideo punitur etiam Crimen internum, quod nemini aliàs est noxium aut cognitum. Hoc tamen noscendum est obiter, quod Opus malum in effectum deductum punitur severius, quia per assensum toties iteratum insuper per factum redditum est homini noxium ac scandalosum.

Pari modo licet asserere effectum Voluntatis ad bonum, comprimis cum Voluntas per Dei gratiam fiat potentior quam naturatenus est. Cooperante Deo cum bonâ Voluntate alleviatur

tur conatus operis propositi, quò citrà moram qveat expediri, si adsit occasio; secùs comparatum est cum Voluntate pravâ, quæ adjutorii superni expers non nisi à propriâ malitiâ (Dæmonis instrumento) capit assistentiam. Quantò magis etiam Dei gratia operatur cum Voluntate bonâ, tantò potentior redditur ea ad Opus bonum quod vult peragendum, quàm est Voluntas prava per suam malitiam stipata. Cur ergò dicunt aliqui, quod non possint, cùm tamen divinam gratiam de se prædicent exuberanter? Ast hîc dicendum est veraciter, quod bona Voluntas per gratiam Dei omninò valeat bonum velle atq; perficere, imò longè melius quàm prava Voluntas opus pravam, si comparetur. Cum scriptum sit: Omnia sunt possible credenti: id absq; dubio respicit bonam credentis Voluntatem, cùm dicatur per Voluntatem posse etiam ea præstari, quæ per externum Actum præstari nequeunt. Omne donum Spirituale vel Virtus qualicunq; intervallo distat ab eo qui eam desiderat cum Voluntate perfectâ, nihilominus longè certius dicenda est appropriata ei, quàm si quâ possideret eam cum aversione. Dicitur etiam, per voluntatem firmam posse sustineri omnium hominum labores, & omnium bona Opera perfici, id quod sic est intelligendum: dato possibile esse, ut quis hæc omnia tùm sustineret tùm perficeret, nil potest eum morari, ne cuncta fiant, nisi Voluntas ejus, nam ex quo vult facere, quod potest, facit juxtâ Voluntatem, ex quo vero non vult, itidem non facit juxtâ suam Voluntatem, quapropter dicendum est, cuncta possible quò fiant & non fiant, esse in Voluntatis potestate, unde rectè dicitur omnia per Voluntatem perfectam fieri, tametsi non sint effecta per Opus, quia indubitanter sic fierent, si daretur possibilitas. Perfecta ista Voluntas, cui deest tantum potentia aut possessio, efficeret omnia quæ vult, si posset, ergò credendum est eam in Veritate omnia ista coràm Deo perfecisse. v.g. Si Rex in Regno suo cuncta posset quæ vellet, procul dubio is cuncta quæ vellet, deduceret in effectum; & si quâ supplicanti vellet donare ditionem vel Thesaurum, nemo audebit contrarium

rium dicere, Regem non fore facturum id quod habet in potestate: si vero Rex captus nil possidens idem facere vellet, quis dubitat, Regiæ Voluntati responsurum effectum, quamprimum Regno potiretur? Quid quod Rex potens non regnat diutius quam vult, cum situm sit in suâ potestate velle regnare aut Regnum Spontè deponere. Non solum ergo opes, thesauri, dignitates, sed sceptræ & coronæ sunt in potestate voluntatis. Ecquis enim Regi prohibeat Regnum deponere? A Rege autem transumptâ comparatione ad statum inferiores, ad Cives opulentos dicimus, eorum opera aut divitias esse subjectas eorum voluntati, cum quibus si non pro Deo fœnerantur, id non naturæ imbecillitati, sed pravi adscribendum est voluntati, hætenus iniquus quilibet Bonorum suorum dispensator habet animum saturatum ac servilem, non vacuum, non liberè ad Deum elevatum, qui mundo affixus immergitur curis secularibus, cum posset cuncta sua ad gloriam Dei impendere si vellet, aut cuncta propter Deum relinquere, si vellet: est ergo culpa voluntatis, non possibilitatis. Is autem, qui vellet cuncta relinquere, posset & Regnum relinquere si possideret, & per hanc bonam Voluntatem perficeret cuncta bona opera, nec minus cunctas toleraret molestias, si sic possibile esset. Ad voluntatem itaq; referuntur meritò & ea, quæ hætenus potestati humanæ non sunt in Universum supposita.

Ast quisquis animum suum negotiis secularibus implicat, non facile relinquet sua Bona; sed si quis tali objiceret, quod sic non obediat mandato Dei, quid respondebit? dicet fortè, se id servare non posse: Verum responsio hæc falsa est: siquidem fateri debebat, se nolle id facere, tamen si factu possibile sit. Simile quid obtinent & reliqua mandata, quæ ideo non servantur, quia servare nolunt ea homines. Num homo non potest relinquere Bona, aut proximo donare ea, an non potest amare proximum, servire & obedire ei? Num benedicere nequit ei, si maledicere potest? Num persecutionem, opprobrium, aut omnis generis passiones nequit tolerare? Cur autem Apostoli, & Martyres,

Mm

imò

imò Imperatores, Reges ac Principes totum mundum reliquerunt libenter ac potenter quia volenter? Cur sancti homines serviverunt proximo suo per amorem, cur mala cuncta perpessi sunt? Verùm cur homo pravæ Voluntatis seipsum subicit manifesto periculo, cur spiritum suum enecto per funem aut enssem corpore præmeditatò evocat? Indubium est, præfata cuncta seu bona seu mala Opera perfici per Voluntatem sive bonam, sive malam. Concludendum itaq; est, undè procedunt Opera, indè quoq; provenire observantiam dominicorum præceptorum. Si vellent homines facerent quod possent; negare autem nequeunt, se posse mandatorum observantiæ suum adhibere studium: verùm quàm rarum hoc studium sit nemo miretur, quia Voluntas talis est. Corrigatur ergò Voluntas, inversus erit totus homo, à Voluntate quippe pendent cuncta quæ perficiuntur sive ad bonum sive ad malum, & qui quantocius in viâ Domini progredi cupit, necessum est, ad Voluntatem divertat statim currendo ad ejus inversionem faciendam, nam bona Voluntas est fructuosissima & jucundissima.

Sunt porro hîc alia quoq; consideranda, nimirum: Cum homo vider alium quendam expedire opus bonum segniori animo, ipse verò longè sincerius propenderet ad ejusmodi operis expeditionem, præprimis si pro suo modulo adderet aliquid utut exiguum, hîc aliter fieri non posset, quin desideriosus hîc majus indè reportet præmium, quam operator ille, qui Vires suas impari labore exantlavit. Si quæris, cur adeò imparis laboris impar insuper præmium? Respondetur, ob Voluntatis imparitatem: siquidem in Operum censurâ præmium spectat Voluntatis Scopum. Si opus magnum, Voluntas debilis, præmium est minimum; si Voluntas potens, Opus parvum, majus est præmium; si Voluntas perfecta, opus æqualiter perfectum, præmium est maximum. Indè venit differentia, quod valentiora sunt præmia eorum, qui pari amore & Voluntate magna expediunt Opera; eandem enim coronam, quæ Martyribus parata creditur, is obtinere nequit, qui non æquali martyrio

tyrio affectus est, tametsi ejus & Martyris appetitus ad Martyrium fuerit æqualis. Verùm hîc aliqui dicent, in Voluntate perfectâ consistere ipsum opus martyrii, hoc est, potentiâ & quidem summo cum appetitu, si Actus impeditur, eoq; idem esse cum Actu, cum Actus ipse nil faciat ad perfectionem: quatenus autem effectus ab efficiente causâ non differt, nisi pro ratione progressûs ab occasione vel promoti vel impediti, eatenus censent Voluntatem sine opere obtinere præmium æquale. Ast de hoc nemo facile contendat, siquidem jam constat perfectam Voluntatem multa posse, id est, si fuerit talis ex totâ Virtutis potestate.

Perfectè bonæ Voluntati nullus præfigitur terminus (temporis articulus) longus sive brevis quoniam perfecta Voluntas est ea, quâ cuncta quæ potest homo, facere velit ex nunc & usq; ad mortem, vel si possibile esset, ad mille annos & ultra, & sic Voluntas semel vel ad momentum talis sit semper talis, id est, sub exclusivâ temporis: proinde dicitur, talem Voluntatem fecisse coràm Deo omnia etiam in minimo temporis tractu, eamq; fore parem mercedem impetraturam cum Operibus in mille annis peractis. Sed hanc perfectionem Voluntatis non omnes intelligunt, quamvis Sanctorum Martyrum historias & exempla nôrint, sibiq; imitanda præposuerint. Cùm autem omnis Virtutum perfectio potissimum consistat in Voluntatis perfectione, hæc autem nonnisi per doctrinam, simul ac perdurum, continuatum laborem comparetur, necessum est ut hujus perfectionis gradus cognoscatur, hæc autem cognitio supponit crebram petitionem, quâ exaudita fiat, ut tandem Deo dante attingatur gradus perfectionis. Voluntas tunc demum perfecta invenitur in justitiâ, cùm caret omni proprietate, malitiâ & inconstantiâ, sic quidem Voluntati divinæ totaliter conformata, ut nequicquàm velit præterquàm quod Deo placitum est juxta cognitionem ejus, deniq; & cùm hæc quæ jam dicta sunt, constatur ipso facto vel intermissione, ubicunq; & quandocunq; id fieri possit aut deceat. Ad hanc perfectionem nonnisi per

multos gradus scanditur in sublime. quò quis exercitior, eo aptior, tantoq; Voluntas iustior est ac pretiosior. In Supremo gradu perstiterunt homines Sanctissimi, in reliquis Sanctiores: ast hic notandum est, multos quidem desiderare altissimos Sanctitatis gradus, nihilominus pertale desiderium Sanctitatem eam non attingunt, quia nec gradus medios attigerunt. Enimverò cum Sanctitate sic comparatum est atq; cum Voluntate; tam Sanctus est aliquis, quam magna Voluntas ejus coram Deo est. Quodsi Voluntas ejus coram Deo tam perfecta esset, quam qualem ullus unquam homo habuit, non dubium est, quin & tam Sanctus esset ac ullus homo fuit, similiter & tunc Supremum gradum attigisset. Quapropter mensura Sanctitatis pro Voluntatis magnitudine ac sinceritate modificatur. Sic intelligimus, quod cum perfectâ Voluntate possumus omnia, mirum Deum amare, laudare, colere, & quæcunq; volumus alia, ast non cum imperfectâ possumus omnia. Quicumq; tantum habet Voluntatis, & amoris ad laudandum Deum, quantum ullus unquam homo possibiliter habuit de gratiâ & naturâ, istaq; Voluntas sit vera, constans & sine fuco, is Deum perfecte laudasse dicitur. Verum ut multi fatentur ingenuè, se Voluntatem hanc non habere; ita vicissim multi bonam vendunt, quam non habent Voluntatem. Voluntas enim eorum, quia Deo hoc vel illud in necessitate poscunt, vel qui in Oratione aut discursu Deum quasi informant, quæ quanta qualivè iisdem largiatur, non est bona, tantominus perfecta, quia propria & carnalis. Hi malè sunt informati, non Voluntatem Dei neq; seipsos cognoscentes, hinc & eorum opera sunt imperfecta, vana & ingrata in oculis Domini. Sarius fuisset illis orâsse semper: Fiat Voluntas tua Domine; & cum Paulo: Domine quid me vis facere? Hec oratio est Deo gratissima, cæteræ cunctæ, quæ sine hæc sunt, nil prosunt, imò nocent. Per istam precationem sæpe frequenter Deo objectam permoveretur Deus ut faciat justâ Voluntatem suam: proinde expedit antè omnia nôsse, quod Deum quærenti quærenda sit Voluntas DEI, non verò pro mo-

re vulgari ac pessimo hoc vel illud, non solatium, non interna delectatio cum præscriptione; Uti enim talis oratio est coram Deo stultissima præsumptio; ità quoque iniquissima ac odiosa. Quod ipsum cognoscendum traditur per Voluntatem Dei, quā manifestatur, Deum à nobis requirere, ut nostram Voluntatem semper & ubique subjiciamus divinæ, utque ductum, actum, tractum Dei libenter & volenter recipiamus, quò pacem in omnibus habeamus. Subjectio istæ vocatur aliàs abnegatio, quā nostram Voluntatem nullo modo dignam æstimamus, cui respondeat opus; uti autem per hanc Voluntatis suæ abrenunciationem homo quàm optimè præparatur, ità sine eâ non est speranda perfectio, imò nec Dei adhæsiō. Est quidem hominis per Dei gratiam eligere hoc vel illud sub naturali inclinatione, sed Utilitas dehinc dimanans per parva est ac penè nulla. Videmur vix & ne vix peregrisse quidpiam, antequàm eò perventum est, quò nosmetipsos tradamus Deo totali cum resignatione (externâ & internâ) quovè solatium appetamus nullum quàm id quod Deus intus reposuit. Re namque taliter gestâ fieri certum est, ut magnâ securitate & suavitate possideamus cuncta per Deum longè veracius ac unquam aliàs, attamen hanc suavitatem nemo valet per externa specimina promereri; imò secus fieri compertum est in illis qui nolunt emori Voluntati suæ, quoad Voluntati divinæ non sunt subjecti, (dediti integrè). Nunc autem videndum est, quid homo Utilitatis capiat, qui exuit se ipsum Deoque integrè deditus in Volunte deferuit cuncta quæ naturaliter possedit. Is

1. Semper & ubique contentus est, qualitercunque Deus procedat secum, sua quippe Voluntas Dei Voluntas est.

2. Brevissima ejus Oratio cum (sui abnegatione facta superat de merito mille aliorum orationes & Lectiones amore sui peractas.

3. Induit Deum tali modo, ut Deus in ipso & ipse in Deo sit, quapropter nemo lædit, offendit aut attingit eum, priusquam Deum affecerit sic.

quæ pendeat ex inclinatione atq; pendebat vitium antecederet ex eâ, ut taceam eos, qui à teneris tam ad virtutum exercitia propendent quam alii ad vitiosas actiones. Quod aliquis ad turpiora vitia inclinat, alius verò ad majores Virtutes, id omne diversæ Culturæ (informationi) occasionaliter debetur, per quam indomita natura compescitur, vel etiam contrario modo natura mitis vitatur, adeò Voluntas flectitur ab occasionali medio utrinsecus. Quidquid ergò circumspeditioni hîc atq; sollicitudini debetur, id aliqui ineptè ad potentiam referunt, cum nihilo secius potentia bene volendi abesset sub curâ & studio, si ea non esset connaturalis. Inprimis observamus Voluntatem etiam ab infantiâ sequi Ideas objectorum, putà nutritionis, obsequii, libertatis, persuasionis, lusûs, orationis, laboris, otii, quibus omnibus educatio præest; siquidem Species primitus impressæ instruunt Voluntatem, hætenus vel vitia vel virtutes, vel utraq; promiscuè per modum assuetudinis assumuntur in Oeconomiam naturæ, quæ postmodum tanquàm domestici hospites continuo persuadent animam, ad quod propendeat, dehinc quàm difficulter eradicantur Vitia nec nisi magno studio & Intellectûs operâ. Tradita sic est Scriptura S. ejusq; expositio, cujus medio Intellectus informetur, quò noverit postmodum pelletam reducere Voluntatem, id quod neutiquàm fieret, nisi utriusq; (seu vitii seu virtutis) esset æqua potestas. Examina impudicum hominem, hunc deprehendes aut ob Characteristicum quoddam naturæ vitium, aut ob inordinatam educationem esse talem, inde fit, quod eos homines longè magis virtuosos censeamus, qui per Magistri virtuosæ disciplinæ exculsi sunt. Compertum est pariter, sapientes plerumq; velle virtutem, quamvis externus Actus non semper respondeat primo Voluntatis motui. Sic homo fit continens per jejuniû, qui ventre repleto libidini deditus erat: furentem crapulosum mitescere facit sobrietas, invidiosum deprecatio flectit ad amorem &c. adeò à causis externis movetur Voluntas tam ad bonum quàm ad malum, etsi pro ratione moris in uno citius quàm in alio. In
adul-

adultis concurrunt affectiones per totam Vitam, sed inæqualiter valdè, non tamen semper eo quò tendunt, flectunt Voluntatem. In sanctis enim plerumq; atq; potissimum perstat Voluntas ad bonum immota dehiscenibus interim affectibus, sic in paganis sapientibus est simile quid deprehensum, quamvis diverso modo ac fine, qui sine dubio ad tantam morum perfectionem non sunt conducti, nisi per mediorum externorum selectionem & observantiam, cujus respectu tam leges quàm artes tulerunt. Quantò magis potens est homo mediante gratiâ Dei totq; divini verbi adminiculis, ut ad Virtutis propensionem ac possessionem perveniat, qui naturatenus habet potestatem eligendi boni & mali in supposito Cognitionis? Et hujus asserti Veritas patet ex ipsâ vitii pœnâ, quam sanè pateretur innocens, cui non esset potestas virtutis contrariæ vitio, hanc autem cum scire teneatur homo, non potest excusare ignorantiam legum divinarum & profanarum, siquidem Christus dixit, si nescirent, non haberent peccatum; & antè legem non imputabatur peccatum: Spectat ergò pœna facti ipsum arbitrium vitiosum, Cæterum per gratiam Dei perducitur homo ad media præfata, sive à pueritiâ, sive in Juventute, sive etiam in Senectute, ac pro ratione mediorum diversè operatur gratia. Quid ergò incumbit homini facere, nisi ut ausculet Domino & observe vias Domini, mediâq; objecta, quibus doceatur, quibus etiam perducatur de Virtute in Virtutem: nam Dei gratia incitat ad pugnam, promovet pugnam per varjam hominis exercitationem & tentationem, ideoq; si quâ homo negligiteam, id suâ culpâ fit, si verò sollicitè eam suscipit, pervenit tandem ad diadema virtutis, id quod dicimus, mediantibus adminiculis & potestate hominis volentis ità factum esse.

Q. Huic autem obstat quod quidam objiciunt dictum Scripturæ, quod cognoscendum tradit pravitatem naturæ, quasi quod omnis nostra cogitatio à teneris ad pravum inclinatur, quid ad hoc?

R. Hoc est intelligendum de homine naturali, non autem de jam converso, ne dicam divino: nam cui hoc dictum venit applican-

plicandum, is nondum probus nedum divinus factus est. Divinus homo tam inclinare debet ad bonum, quàm naturalis homo propendet ad malum. Purè naturalis propensio est ad ea quæ sunt ei propria, hætenus etiam in sphaerâ naturæ concluduntur, hominemq; talem brutis associant: alibi autem dictum est, præter hunc statum naturæ esse quoq; in homine statum Mentis quæ supermundialis regionis soboles est, & hi diversi statûs non conveniunt inter se. Jure verò suo competit homini fideliter ducere statum meliorem, quem Deus potioris æstimat propter potestatum atq; virtutum coincidentiam, hâc ratione quicquid ab hac affinitate excluditur, diversum quid est atq; dissimile. Deiq; Voluntati contrarium: hinc Lex, hinc Culpa, hinc Pugna, hinc Victoria, hinc Corona. Quicumq; ergò considerant hominem quoad solum statum naturalem, rectè quidem præfatum dictum citant, quod etiam tunc carnalibus atq; mundanis hominibus objiciebatur; ast cum noscamus, id hodie tantum allegari in adversum Legis & mandatorum Dei, dicendum est, contentiosos negligere considerationem hominis quoad statum nobiliorem, quâ spirituales, inde tot trices inquietant eos. Cum tot sanctorum exempla præstent, quæ testimonium perhibent, propensionem ad bonum non esse adversum homini, plurimum refert, hanc sumè necessariam propensionem latius explicari. Enimverò in eodem subiecto humano potest consistere utraq; propensio simul & status uterq; juxta quod dicit Apostolus: peccato servio Carni, Spiritu verò servio Deo. In utriusq; vicissitudine (alternatione) quoad modum, tempus & quantitatem discretam magna subest difformitas, imò in eâ consistit pugna (militia Christiani) hinc nuda extremorum commemoratio parvam habet Utilitatem; sed in viâ & gradibus (quorum ingens numerus) fundata est tota christiana doctrina. Una propensio potest esse major alterâ, imò una potest alteram vincere sicut una saltem maneat sive naturalis sive spiritualis: hæ autem cum tantum sint incompatibiles per accidens, compatibles autem è dono congenito, hâc ratione non possunt dici simpliciter

Deus juxta Voluntatem, dehinc sequitur, talem constitui se qualem quis toto corde totaq; mente cupit esse, adeoq; nemo sibi hujus vel illius sancti hominis vel Angeli modum exoptet aut eligat, sed potius omne quod unquam fieri potest, desideret totumq; se Deo consecret necessum est.

Q. Cum sic doctrinam de Voluntate liberâ, pravâ, bonâ, divinâ perduxeris usq; ad totalem abrenunciationem ejusdem, restat adhuc annectere hîc, quod est noscendum de tam obscurâ materiâ, nimirum de resignatione arbitrii. Tu ergo quid me docere potes, doceto, dum in isto interim interpellatum bonam tuam voluntatem: dic unde deducitur voluntatis Resignatio? R. Non nisi homo obediens potest se subdere alterius voluntati cum abnegatione propriæ Voluntatis, inde autem sequitur hanc Voluntatis abrenunciationem provenire ab ipsâ obedientiâ. Nam ubi Resignatio, ibi nil magis est quam obedientia, sed non vicissim: dico, non vicissim, quia homo potest per cæcam obedientiam plurimum operari sub permanentiâ proprii arbitratûs. Verum hîc latet Arcanum Lucis in hoc consistens, quod voluntatis naturalis in cunctis actionibus desertio facit hominem tum juxta superiorum Voluntatem, tum juxta Consilium omnium bonorum hominum, hoc est, ad Dei gloriam vivere ac operari absq; selectione hujus vel illius, planè simpliciter, attamen cum discretionis boni & mali. Istæ proprietatis depositio comprehenditur facilius sub notione oppositi, quod est proprietatis assumptio. Nam homo qui tam à Dei, quam omnium bonorum hominum communione sequestratus deprehenditur, tenaciter id retinet, quod suum proprium sentit esse, hoc est, propositam Voluntatis expeditionem, sic ut abinde se nullo modo revocari patiatur: ejusmodi homo dicitur esse sibi ipsi deditus, seu se ipsum possidens per superbiam, quam obrem semper manet inquietus ac diversus, nesciens pacem. Mox enim id ipsum fastidit, quod paulo antè cum cupidine operabatur, vel hoc vel illud eligens tanquam is qui adhuc incapax est divinæ gratiæ: mox currit ad Deum cupiens adhærere ei cum Suavitatis (præ-

Nn 2

gustûs)

gustûs) perceptione, mox optat abundantiam mox paupertatem & quam nunc amat conversationem, tunc Claustro fugare volebat. Verum inquietudo talis vix unquam aliundè causatur in homine quàm à propriâ Voluntate, sive advertenter sive inadvertenter. Et tamen si id homo non intelligat, convincitur tamen ab amoris Effectu (qui est pax) interstinguere propriam Voluntatem (quæ est amoris toxicum) à sibi oppositâ pacis formâ. Cum autem Deo hâc Voluntate nil magis exosum sit, hominis quoq; inquietudo sit ipsa sua Voluntas, hinc sequitur, nil Deo magis exosum esse homine taliter inquieto. Hoc quidem dum multi agnoscunt, fit, ut alius quærat sibi peregrina, sancta, deserta loca, alius ad opera diversa perfugit, alius modis singularibus ab occasione & malâ Voluntate se liberare cupit; sed cuncta hæc absq; Utilitate, quia sine ordine, cum prius erat à seipso fugiendum. Etenim in cunctis istis Viis nil est nisi labor & error, quò longius itum, hoc plus erratum est, quocunq; appulerit talis homo, expectat eum angor, dolor, inquietudo, impediens & impermeabiles Mæandri. Tales sunt similes homini qui aquis immersus manibus pedibusvè laborat, non tamen emergit, præ defectu Virtutis ac notitiæ, in quibus natandi ac emergendi Spes vel maximè consistit. Pleraq; quæ tempore moderno præsumuntur, non sunt ex ordine sed ex confusione; vana igitur & iterum vana. Confusionem hanc parit diversitas, quæ nunc vel maximè prædicatur ob singularem prudentiam, quam mundus stultè sibi persuadet hactenus: hinc sordet mundo simplex Veritas fundamentum, à quo tamen erat incipiendum. Non erat operandum, sed erat prius desistendum, non intrandum, sed exeundum prius ab eo, quod nobis propinquissimum invenitur (hoc est à philantiâ) sic namq; futurum est, ut ad alia liberè ac ordinatè procedamus, si sine sarcinâ nostrâ sit. E præfatis cognoscitur, qualis sit homo seipsum possidens, nimirum qui seipsum nec vincere potest nec linquere per superbiam, dum cupit magis sibi quàm aliis à se præstari obedientiam. Nunc è converso considerandus

dusest homo, qui seipsum vincendo linquit per humilitatem, & qui inclinat potius aliis præstare obedientiam quàm sibi præstari sive in actione sive in passione: hîc autem bene notandum est obiter, quod per hanc resignationem extirpatur omnis Causa & effectus superbiæ, vicissim quoq; perficitur humilitas in gradu altiori, imò tunc prævalet Deus homini juxta Voluntatem suam, sic ut homo nil aliud cupiat nisi Deum. Et hoc ipsum est Dei Voluntas, qui planè non vult, ut homo possideat aliquid cum proprietate, velut id ab exemplo & è doctrinâ Christi patet. Hîc obstabit aliquis ajendo, si homo per Voluntatem Dei cogitur linquere seipsum & omnia, tenetur hætenus deferere Uxorem, Liberos, Statum &c. imò & ipsum mundum fugere, & si quâ omnes sic obedirent, qualis esset mundi status? Ad id sic respondetur breviter. Juxta Voluntatem Dei sunt deferendæ omnes Creaturæ, non quidem quoad Usus, sed quoad appropriationem: nam posset fieri, ut homo defereret Regnum, imò totum mundum, seipsum tamen retineret sic autem valdè parum vel nihil reliquisset. Quod si verò fit, ut homo seipsum prorsus relinquat, quicquid talenti interea sibi ad lucrandum Deo concrediti possidet, sive sint opes, sive honores, officia, quidquid deniq; sit, ubi dispensat sænora, verè dici potest, eum deseruisse cuncta sub appropriationis desertione. Nam cum talenta Bonorum sint homini à Deo commissa, ut lucrum indè faciat impendendum ad Laudem & gloriam Dei, benè tunc fecerit, si cogitat, non sua se sub manibus suis habere, sed prorsus aliena, nec nisi de fide commissis sumere provisionem causâ sustentationis ejus relicto pauperibus superfluo. Quapropter est homini diviti ac honorato summopere incumbendum, ut à mundanis ac transitoriis rebus omnibus maneat aversus (intactus) ne inclinatione suâ adhæreat illis semper observando Deum, sive donet, sive auferat, sive impellat sive abigat, nos vel le cunctis his versationibus eò deducere, ut nostrâ animâ depauperatâ possit Saluten in nobis operari: sic verè dicitur aliàs, divitem posse quàm difficulter introire in Regnum Cœlorum.

Nunc delineandus est homo, qui suæ Voluntati prorsus abrenunciavit. Is namq;

1. Exuto antiquo induit novum hominem, qui juxta Dei Voluntatem creatus est.

2. In suo animo averfus est ab omni temporali Bono ac Commercio, ita ut viso indigo homine statim cogitet sic, cum bona possessionis suæ magis sint necessaria indigo homini quàm sibi ipsi, hinc etiam plus juris habere indigum quàm se Bonorum possessorem.

3. Inclinat magis ad sustinendum opprobrium quàm aucupandum honorem, atq; mavult esse subditus quàm Præfectus.

4. Non querit desiderabilia mundi, quia cum quæ amat, mundo displiceant, censet se mundi sarcinâ valide oneratum esse.

5. Suaviter in se conversus est, sic tamen, ut, cum noverit communem, familiarem Vitam esse nobilissimam, quàm promtè divertat ad Opera & auxilia externa, si viderit occasionem servire infirmis, succurrere afflictis, errantes, si potest, ad Deum reducere, aliaq; Charitatis opera expedire, etiamsi sit in seipso intentus, haud difficulter, dico, extrorsum se conferat paratus ad servitia, ubicunq; se obtulerit occasio. Nam quia semper intendit latitare intus, minori impedimento divertit foràs, quàm alii homines, qui extus manere intendunt.

6. Sub extraversione suâ impendit operam, quò unâ maneat internè ad Deum conversus.

7. Quamprimùm se sentit extrorsum vagari, confestim revertitur ad Deum cum poenitudine suæ inconstantiae & ad vicissitudinem suæ versionis non indiget Virium, quia nullam rem cupit possidere cum desiderio.

Cognito nunc, qualiter comparatus sit homo seipsum non possidens cum proprietate, restat dicendum, non omnes pervenire ad hujus Virtutis perfectionem, quoniam alii hærent sub initium, alii subsistunt in progressu, non nullis deficit aliquid, cum semper inveniant quod deferendum est: & hîc permulti illaqueant se, qui hanc distinctionem non probe observant.

Multi

Multi decipiuntur per Inconstantiam humanam, cum vident virtuosos, remittendo nonnunquam pigrescere in opere virtutis, hos statim pronunciant Hypocritas putando per inconstantiam taliter subruta esse, quæ antecederet impari labore constructa erant, ideoque malunt carere Virtutibus, ne forte opus quoddam perdat atque cum eo totius Virtutis præmium: tales autem neque seipsos agnoscunt, neque actiones suas, unde omnium miserrimi sunt. Alii vero per incuriam decipiuntur, qui de Virtutum fonte non sunt solliciti, quò eum cognoscant, hac ratione manent in opere externo, & malunt videri quam esse. Tales homines, tametsi meliores prioribus hærent, nec valent progredi, quia nesciunt Lucem gliscentem in vero & non in falso fundo. Nōsse enim debebant, virtutem non in externâ actione consistere, sed in Essentiâ spiritualis naturæ, è quâ cunctæ actiones tanquam à primo mobili pendent, hinc etiam rectissime dicitur: si causa est bona, boni sunt quoque ejus effectus. Justitia, Veritas, Sanctitas non talis est ex operibus, sed opera sunt talia ob causam sanctam, justam, veram, & hinc cognoscimus, cur Opera non justificent, non sanctificent, quia talia, sed quod sancta sunt, justa & vera, si à vero, justo & sancto fundamento sanctificantur, id quod accidit etiam Verbis & Operibus privatis, de quibus nunquam dicta est justificatio. Sanctitas cum fundetur in Ente efficiente, hinc facile judicandum est, quousque protendatur per effectum: nam quanto plus amat aliquis, tanto plus habet sancti fundamenti, & hoc quò sanctius, eò major operum Sanctitas. Ac probè notandum est, quod opera è sancto fundamento profecta sunt luminosa & absque errore, quæ verò è solo arbitrato proveniunt, sunt merè erronea, eoque vanissima. Hinc utraq; Classis hominum errat crasse, quod non observat fontem Virtutum nec modum operationis, cum quælibet humana actio primordialiter pendeat ab animâ, quæ si est bona, bonæ sunt actiones ejus, erat ergò bonum fundamentum in animâ quærendum. Reliqui qui ultro non valent progredi per hoc falluntur, quod operam suam per vices & non constanter

(in-

(incessanter) impendunt, inde impeditur intimior Dei adhæ-
sio, pro cuius modio alias modificatur operum præstantia. Sænt enim tam magna, quàm magnus est amor, effector ope-
rum divinæ gloriæ. Amor est Gluten, qvò Deus & anima con-
glutinantur, qvò fortius est gluten, eò firmior est adhæsió, diu-
turnior Boni inhabitatio & vicissim; qvò verò remissior Amor,
eò debiliior resignatio. Ut autem plenam quis hauriat infor-
mationem de resignationis Virtute, tradiderunt Theosophi
axiomata seu doctrinales qvoddam Articulos, per qvos, si pro-
bè observantur, Intellectus illuminatur & ab errorum caligine
liberatur.

1. Est: Qui seipsum cum omni suâ Voluntate linquit, tam ve-
rè deserit cuncta Entia, ac si antè resignationem possedisset ea.

2. Quidquid propter honorem & Voluntatem Dei non desi-
deratur, id omne derelictum est in paupertate Spiritûs.

3. Quò citius quis linquit seipsum, eò facilius linquit se sub-
sequenter, imò qvò sapius, eò commodius: nam ista resignatio
est à principio interpolata, nec redditur constans nisi per in-
defessum conatum.

4. Quantum quis exit à seipso in omnibus rebus, tantum (&
qvòd notandum nec plus nec minus) intrat Deus in eum qvoad
gratiam & dona.

5. Quantum ad id impendit laboris, tantum obtinet homo
pæcis.

6. Qui cuncta Entia propter Deum deserit, cuncta in Deo
possidet.

7. Nil Deo acceptius est, nobisq; suavius vel commodius eo,
qvòd propter honorem Dei effectum est, si vè activo si vè pas-
sivo modo.

8. Nullum opus magis aptum inventum est ad quamvis San-
ctitatem, quàm vinculum Dei & hominis per amorem & glori-
ficationem Dei confectum.

9. Quicquid Deus plus amat, id qvòq; à nobis plus est aman-
dum: quamobrem nil est in nobis amandum, nil rejiciendum, nisi
id, qvòd Deus in nobis aut amat aut odit.

10. Deus

10. Deus nil magis in nobis amat, quam integritatem nostri, eo scilicet fine, ut sine obstaculo queat expedire Voluntatem suam in nobis.

11. Quisquis amoris proprietatem habet in seipso, is uti aptissimus ad implendum Voluntatem Dei, ita quoque Sapientissimus, gratissimus, similimus & propriissimus est juxta modum amoris ordinati.

12. Quantum amamus Deum, tantum amamus nos ipsos proprie. Adjicitur proprie, quia rejecta omni proprietate male ordinata retinenda est bene ordinata proprietas amandi & laudandi Deum, eique serviendi. Nam ista proprietas est una sola, quæ coæterna esse debet, & ipsa est vitalitas seu Vita æterna.

13. Servitus, laudatio & dilectio Dei hinc quidem constans, ibi verò æterna esse debet.

Quicumque Articulos hos observat, combibit & in effectum deducit, is vivit verè beatè, quoniam & Deus cum glorificatione sui regnat in nobis. Beata autem Vita cum producenda sit incessanter, necessum est, ut fiat id triplici modo æqualiter. Modus

1. est, cum Deum per gratiam suam amamus, laudamus & glorificamus: hoc enim dum fit, habemus nos activè ac dicimur fitire vel esurire Deum, sicut in hymno canitur: te esurit mens avida, tu Cibus meus es: item: dum te gusto, esurio, dum bibo adhuc sitio fontem dulcedinis.

2. Est, cum per Amorem in Laude Domini deficimus animumque demissum in Deo attollimus: dum enim hoc fit, non tam activè habemus nos quam passivè, adunamur Deo in vitam & mortem, ast tamen hoc opus est propensio amorosa ad Deum, ea tamen est cum gratia Dei, eoque cum passione.

3. Est, si demum per amorem in Deo elevati sumus, nil deficit nobis amplius, quia cum Deo una Vita, unus amor sumus.

De bene ordinata proprietate immanente dictum hinc aliquid est: restat nunc brevibus dare exemplum male ordinatæ, eoque sequestrandæ proprietatis, quæ per male ordinatum inhæret amorem. Fit enim, ut homo contristetur (molestiâ gravi afficiatur),

ficiatur), dum damnum, injuriam, ignominiam &c. patitur; è contrà verò fit, ut nihil moveatur à damno, injuriâ illatâ proximo suo se longè nobiliori. Quæritur quæ Causa diversæ hujus affectionis? Respondetur, Amor falsus, seu malè ordinatus, quod sic amat homo seipsum præ altero, quem tamen magis amare, deq; ejusdem acceptâ injuriâ magis dolere debebat, eò quod longè præstantior sit homo alter quàm ipse, hætenus & Deo acceptior. Huc debet referri observatio nona. Nostra ista proprietas est summè fugienda, ut quæ nobis est adeò gravis ac molesta, ut impediatur, quò minus animum nostrum, uti decet, ad Dominum liberè elevare queamus. Summæ ergò insipientiæ est dolere de tanti mali jacturâ, hoc est, de subtractione nostræ proprietatis, cum potius sit eò incumbendum, ut mediante persequutione quantocyus supprimatur Hostis noster omnium infensissimus. Etenim cum hostis non detur nobis nocentior, quàm ipsa nostra proprietas, idcirco ad ejus remotiorem requiruntur aut nostræ aut aliorum Vires, & si nos ipsi avversamur nosmetipsos oppugnare, convenit dare aliis licentiam nos oppugnandi, huncq; succursum grato excipere animo. Judicet nunc aliquis, an justus ille dolor sit, quem quis ob persequutionem ab Hoste suo patitur? Dicet eum summè injustum esse. Huc potest referri consilium Christi, qui dicit: Diligite inimicos vestros: Et: benefacite his, qui oderunt vos. Adhuc unum restat observandum, quod cunctis scitu perquam necessarium est. Proprietas nostra non solum noster hostis inquilinus est, verum (quod damnosissimum est ac peste magis fugiendum) & ipsius Dei. Nam nemo negabit, quod quantum in se est, optaret, ne Deus peccata sua examinando vindicaret. Sed quid est aliud hoc, quàm impudentissimo ausu velle Deum suâ privare Sapientiâ & omni Scientiâ? ideoq; optaret, ne Deus tam potens esset peccata puniendi. Sed quid est aliud hoc, quàm Deum suâ velle privare excellentiâ & omnipotentia? Imò optaret, ne Deus tam justus esset expendendi peccata, cum homo malit impunè peccare; Sed quid hoc aliud est, quàm Deum velle

velle suâ privare justitiâ? Hæc & similia proveniunt cuncta è venenatâ istâ proprietate malè ordinati amoris, hinc rectè dicitur, quod prava ea Cupido nos separat à Charitate Dei: secus facit Amor ordinatus, qui anteqvàm defraudaret Deum honore suo in minimo, mallet quamcunq; passionem sustinere, modò ut gloria Dei provehatur.

Q. Quo signo internoscimus, quandò Voluntas nostra mortua sive in Deo amissa est? R. Id è sequentibus patet. Cum Resignatio propriæ Voluntatis sit vera ad sanctitatem Via, arbitrium verò humanum declinet magis ad malum, quàm ad bonum, maxime sub defectu Cognitionis (in statu naturali) sequitur, homini esse eousq; laborandum, donec obtineat absolutam Cognitionem & arbitrium ad Bonum: nam sub hâc exercitatione flectitur Voluntas per gratiam Dei ad Bonum cognitum, atq; sic paulatim emoritur pravitati, imò & sibiipsi. Interest autem hominis scrutari, quousq; Voluntas sua educta sit, imò post longam ejus emendationem diligenter observandum est, num sit translata in Deum integrè. Perfectam istam translationem solent vocare mortificationem seu mortem Voluntatis, quidam etiam vocant eam privationem, quasi diceret rem destructam aut prorsus ablatam. Hæc semimortua habetur sæpè pro mortuâ, fallitq; hominem, cum propriâ Vi reviviscit, hinc homini incumbit attendere sibi, quò eam perimat quanto cyus. Nam autem mortua, destructa sive amissa Voluntas sit, cognoscitur è Signis sequentibus: nimirum

1. Si homo cum resistantiâ fugit Opera iniquitatis sive magna sive parva sint, suamq; Voluntatem avertit ab iisdem: nam juxtâ Voluntatem suam vivere, peccatum est.

2. Si homo paratum se invenit ad omnes Virtutes, quas Deus ab ipso requirit, id quod homo non habet à seipso.

3. Si deserit cuncta, quæ possunt statuere medium inter Deum & hominem spiritualiter aut corporaliter. Hæc quidem omnis medii ablatio est summum Opus, quod Deus in homine operatur.

4. Si Voluntas hominis est Dei Voluntas, ac si in quovis Casu

objectum hominis est sola Dei Gloria. Hæc duo enim, Gloria & Voluntas Dei unice in homine optata & effecta reddunt hominem participem Luminis gloriæ.

His omnibus in se repertis existimandum est Voluntatem humanam extinctam esse. Reperiuntur autem tantum in homine perfecto, qui perstat immotus in Veritate essentiali, in ignorantia, occultata, cælesti Voluntate Dei, sic ut jam amplius nec bonum velit nec malum: hinc talis homo dicitur carere Voluntate suâ, quia Deum solum finit velle nec aliter cognoscit nisi cum Voluntate Dei. Si quæris, unde hæc omnia causam ducunt? R. Ex ipsâ passione Domini, quam cum induerit homo subtrahit se rebus cunctis, quæ Deus non sunt, ipse verò Deo sic religatus attingit summum perfectionis gradum, hætenus etiam à Deo impetrat, quicquid expetit. Ecce quantus Thesaurus recondatur in passione Domini, quem unâ accipit, qui passionem dominicam adeptus est. Mirum ergo non est, quod omnia à Deo impetrat juxta petitionem suam, cum Deo satisfaciatur juxta placitum suum: nam Dei manus est semper aperta ad dandum ei, qui juxta Voluntatem Dei vixerit integrè. Hinc dicit S. Augustinus: Deus benedictus qui vult omnes homines salvos fieri, misereri nobis & dare gratiam semper quidem paratus est. Mens verò nostra carnis nimium delectata commercio, quoties in peccatum avertens se à summo bono prolabitur, toties nubem reatus interponit, quâ gratia misereris Dei alioquin semper prompta in eâ minimè operetur. Mens nostra ad Deum per Voluntatem bonam & interni desiderium amoris conversa pulcherrimis atque dulcissimis gratiarum illustrationibus perfunditur & in sancto Speculationis acumine mirifice roboratur. Mox verò ut peccati nubes intercesserit, se Lumen illud indeficiens abscondit. Præoccupatum namque secularibus seu carnalibus desideriis animum Dei gratia nequaquam illuminat. Neque enim misceri poterunt vana veris, æterna Caducis, spiritualia Carnalibus, imasummis, impura Sanctissimis, Cælestia terrenis, ut pariter mens sapiat, quæ sursum & quæ super terram.

CAP. V. *De Peccato.*

E Præcedenti doctrinâ patet, Voluntatem bonam operari bonum, è contrâ pravam Voluntatem operari malum sive Peccatum, quod est à summo Bono totaliter aversum. Uti autem Peccatum pœnâ dignum est, ita ejusdem nôtitia summè necessaria est. Deus autem ne plecteret ignorantiam generis humani, subvenit ei suâ gratiâ, in dicendo & prohibendo peccatum ac indicando & mandando Bonum quod vult, ignorantia sic exigit mandatum, mandatum requirit obedientiam. Transgressio mandati facit ex homine peccatorem Deo exosum, quâ tollit justitiam ejus, cogitq; eum reddere Deo rationem aut satisfactionem. Idcirco post cognitionem bonæ & malæ Voluntatis tangit ordo ipsum effectum malum, peccatum scilicet & peccatorem, quatenus peccatum est ea, de quâ in præcedentibus dictum, aversio Creaturæ à Bono immutabili & conversio ejusdem ad mutabile, à perfecto ad imperfectum, à toto ad partem. Hæc cum sint in hoc Capite pervolvenda, confero me ad inqvirendum abste.

Q. Cur homo relicta supernorum consideratione totus inhiat sensibilibus Creaturarum Usui? **R.** Invenimus id aliâ de causâ non fieri nisi propter Philavtiam sive Amorem sui ipsius. Nam per quod alliciuntur sensus, per quod reficitur Corpus, aut per quod honor ejusdem extollitur, ut omnis generis commoditates silentio præteream, id omne transplantatur idealiter in appetitivam facultatem, undè Voluntas postmodum flectitur in assensum & vitium inclinationis. Id genus desiderii est longè alienum à desiderio ejus Boni, undè particularia hæc objecta velut per effluxum producta sunt. Sunt ergo laquei & compedes animi omnis generis Creaturæ, sive sint sensuum objecta, sive ab his tanquàm à suis causis intus genita nova objecta, quos

omninò fugeret homo si sapiens esset, cùm ab iisdem velut in primigeniâ Cæcitate adeò detinetur, ne unqvàm conspiciat Lucem. Cupiditate suâ rectus homo sibi tantùm servit non ei, ob cujus servitium creatus est, hætenus loco Dei colit & veneratur seipsum, eodemq; honore Deum privat: hæc est superbia Dæmonum, qvi Creatoris gloriam in se transferre præsumebant, par ergo pœna supplicii infernalis, eademq; mansio manet Consortes ejusdem peccati. Specimen communis omnium nostrûm servitii præbet mancipium quodpiam, cui propitior fuit natura: Sors adjudicavit ei conditionem Servitutis præscripto statûs sui ordine, quo demum cognito contentus est Servus, nil cogitat de suo, Cibum capit, requiem suscipit pro modulo exigentiæ, de reliquo non nisi sollicitus est, qvaliter pugnet, qvovè laboret pro Domini sui commodo & Gloriâ, hoc facit incessanter, summo studio, in sudore, cum desiderio flagranti, imò & fuso sanguine Vitam exponit suam pro Domino, hosq; amoris incorrupti Signa edit tamdiu, quamdiu intrâ limites fidelitatis versatur; secûs autem facit, qvi Seducitori aures præbet, is namq; arreptâ occasione deserit Dominum, qværit suum proprium commodum, aliâq; specimina infidelitatis exercet adusq; meriti sui præmium. Infidelis servi similitudinem refert, qui derelicto Honore divino, eoq; quod ei impositum est servitio, auscultat cunctis occasionibus usurpatum Creaturas pro Voluptate suâ: talis homo deprehenditur infidelis & in omni quo sese occupat pro se peccat, imò ex uno peccato incidit in aliud quasi continuato filo, præprimis in peccatum immånens cæteroqvin pessimum, de quo fortè nunqvàm dolet, dico hoc ideò, qvia sensualiter adscribit sibi omnis generis Bonum, sive id Vitam, sive Essentiam, sive Cognitionem respiciat, quasi id suum proprium sit & non alienum: per hoc namq; se præfert aliis, & in contemptum alterius effert. Ast quid est aliud hoc, qvàm aversio à Deo & Conversio ad seipsum, quam si vocaveris lapsum, jam verè denominaveris similitudinem lapsûs Angelici. Quò ergò profundior est & concitator,

hoc

hoc etiam deterior est ac sensibilibior. Nam si quâ hominis gloriatio de suis tanquàm de suis propriis privat Deum suâ Gloriâ, quantò major erit dehonestatio Dei, si Creaturis pro lubitu suo totus adhæret. Si Gloriam Boni, quam quis casu aut studio perficit, sibiipsum attribuit, tanquàm ea sibi meritò competat, dupliciter peccat, semel quidem per Lapsus, quod à Deo aversus cadit in seipsum, postea verò quod divinam Gloriam tanquàm rapinam sibiipsum tribuit ac retinet, cum tamen omne Bonum quâ tale, non ejus, sed Dei sit. Ad Peccatum autem hoc est dicendum, quod etiamsi omnia mala operetur, insuper & peccatorem perdat, nil tamen est per se, adeoquē si homo se totum ab eo averterit, non est amplius, nequē à Deo conspicitur & punitur; aut postquam revertitur peccatum, videtur quoquē statim & scitur à Deo, hinc anima premitur per id, ideoquē scriptum est: qui stat, videat ne cadat: omnino ergo est fideli abstinendum à Peccato, & non patrandū Peccatum sive mortale sive veniale sit nullâ de Causâ, nullâ ratione, id est, nec malâ nec bonâ, qualiscunquē; demum causa sit in temporis aut æternitatis respectu, propterea dicit Apostolus: non sunt facienda mala, ut inde eveniant bona.

Q. Qualiter potest Homo sibi prospicere, si stat, ne cadat in Peccata gravia? **R.** Ad eum modum requiritur duplex doctrina, Veritatis scilicet, & regularis Vitæ, utriusquē doctrina continetur in S. Scripturâ, dogmate ecclesiastico & exemplo sanctorum. Prospiciendum ergo est homini, ut Vita ejus habeat conformitatem cum totâ S. Scripturâ, cum Vitâ S. Patrum, id quod fieri nequit, si non desiderat corripī à S. Scripturâ ut & ab omnibus bonis hominibus. O quàm molesta est Eruditio (Correptio) cunctis his, qui sibiipsis non penitus abrenunciant de præsentī vel futuro, mediante tali exercitio, quo mortificatur Caro, Sanguis, Sensus, & Opera rationabilia!

Q. Dic quibus est grata ac necessaria correptio? **R.** His saltem, qui omni studio conantur servare totam Scripturam, & custodire omnia Verba Domini Dei nostri, & qui desideranter exoptant contemplari Sanctitatem Vitæ in aliis hominibus, quorum ad exemplum suam componere discant. Sed

Sed hinc objiceret aliquis: an potest homo esse sine Peccato, qui in Peccato genitus est? R. Hoc non obstante convenit ei qui fugam Peccati sibi proposuit, nōsse quid sit Peccatum, qualis effectus ejus, quāenam etiam sint media præservativa à Peccato &c.

Q. Quid est Peccatum? R. Peccatum in genere nil aliud est, quàm Actus Deo contrarius causatus à Voluntate hominis, quæ Voluntati divinæ contraria est. Cuncta creata sunt bona quoad Originem, id quod eorum conservatio reddit perspicuum, quatenus autem bona sic sunt, non sunt peccatum. Ast quicquid habet potentiam Voluntatis absolutæ, id hætenus habet potentiā peccandi & non peccandi, hinc & Peccatum in eo potentialiter latet, quod per effectum manifestatur actualiter. Ipsa quidem potentia bona est, verum tamen & Author peccati est, & hoc taliter fit in Veritate. Quod si Voluntas creata subiecta est Voluntati increatæ, vultq; id omne quod æterna Voluntas vult, convenit creata Voluntas cum increatâ in Unitate veri ac boni; si verò Voluntas Creaturæ rejicit summi Boni Voluntatem, neq; vult idem quod Bonum vult, hoc ipsum velle est Deo contrarium, eoq; malum: quicquid ergo ab istâ contrariâ Voluntate dependet, Peccatum esse deprehenditur. Peccatum sic facile cognoscitur, an sit Peccatum dummodò cognoscitur Bonum, ejusq; recessus. Si quis vult aliquid & alter id non vult, in hoc contrarius est hic illi, offensus ac molestus in omni eo, in quo sentitur volendi contrarietas: Si verò in Voluntate sit Concordia, paratur Amicitia. Id nobis exemplo est, quod actiones nostræ procedentes à Voluntate, quæ Voluntati divinæ contraria est, sunt contra Deum, eoq; peccata; quæ verò Voluntati Dei congruunt, Bonum sunt. Sic facile cognoscere possumus, num & quando peccamus & non peccamus; imò exin agnoscimus simul Peccatum ejusq; remedium, quod consistit in eo, ut simus cum Deo concordēs quoad Voluntatem, quia discordia Peccatum est. Atq; sub hoc Peccati genere prædicantur synonymicè omnia, quæ bonum nos sunt, putà aversio à Deo, Peccatum, vetus Adam, inobedientis,

tia, arrogantia, Voluntas naturalis, proprietas &c. Proinde istorum omnium Cognitio est Lux irrumpens, subito illuminans, quia id totum est Bonum simplex & unum.

Q. Qualis autem est effectus peccati? R. Sciendum est, quod quotidiana Peccata excæcant animum efficiendo, ne Deum videat, præter id quoque; aut remorantur aut intercipiunt precum exauditionem, potentias animæ labefactando subigunt, hominiq; torporem & tedium boni inducunt, deniq; & genitores sunt graviorum Peccatorum, quæ pænam augent.

Q. Qualiter fit præservatio à Peccatis mortalibus, & quotidianis? R. Sextuplici medio perficitur ea.

1. Cum hominis Vires per Dei Virtutem proteguntur, & per divinam gratiam confirmantur; siquidem per hunc effectum redditur anima capax resistendi omni, quod Deo contrarium est.

2. Si Sensus externi cum appetentiâ semper reguntur ab animi Virtutibus, ne absque; permissu extravagentur, quoniam per hunc effectum conservatur justitia hominis.

3. Si hominis Voluntas ita manet subjecta divinæ Voluntati, ut jam non amplius sit hominis sed Dei Voluntas. Per hunc namque; effectum est homo compositus in Sermone, nec peccat.

4. Si homo in cunctis rebus ordinem & medium tanquam temperamentum quaerit. Nam per hunc effectum caret excessibus è malo ordine provenientibus, atque; à Deo adjutus facit facienda, linqvit linqvenda.

5. Si homo intus & extus pauper est, quoniam per hunc effectum facile toleratur quaelibet passio velut ab insensibili.

6. Si anima per ignem divini Amoris purgata est. Per hunc enim effectum considerat homo liberè tum Verba tum actiones suas, ac intermittit cuncta, quæ sunt vel Deo vel gloriæ ejus adversa.

Homo per hæc præstantia adminicula roboratus & præservatus jam non peccata, sed pacem & solatium habet, ob puritatem quoque; exaudiuntur preces ejus, in Angelorum Sodalitatem

receptus Custoditur, præter id quod semper ad Deum patet ei aditus. Taliter possibile est resistere cogitationibus abalienantibus. Nôsse igitur expedit obstaculum ejusq; remotionem, velut propter quod non pervenit homo ad Deum, (Peccatum scilicet) quo cognito opus est remove obstaculum ejusq; Causam mortificatione Peccati, id ipsum quâcunq; notitiâ aliâ utilius quid est.

Quid sentis de Peccato mortali? **R.** Ut sit mortale Peccatum, ad hoc requiritur Voluntas & propositum, quo homo scienter ac volenter sine discretionis contradictione se à Deo vertit ad patrandum Actum vitiosum Deoq; ignominiosum. Enimverò tamen si homo involuntariò obrueretur tot cogitationibus quot sunt momenta temporis, iisq; tam pravis ac turpibus, quales unquam ab ullo homine concipi possent, imò quâcunq; materiam, de Deo scilicet, de Creaturis, &c. concernentibus, longissimo insuper temporis tractu, non hætenus peccat mortaliter, hoc est, si arbitrium, voluntas & facultas discernens præmeditato applausu non consenserit, sed potius potenter hujusmodi naturæ Vitia fuerit averfata. Id enim genus Vitii est defectus originalis, qui animo non imputatur, quâ non est ei talis per essentiam, sed tantum per accidens; eatenus vocatur concupiscentia naturalis & turpitudine originalis: hoc quidem certocertius est, neutiqum perfectum fieri hominem hæc subsistente, attamen ad Peccata mortalia non est referenda, quamdiu mentis potestates dissentiunt. Magna ergò est eorum imbecillitas, qui hanc involuntariam & naturalem temptationem Peccatis mortalibus adnumerant autoritate dicti illius: quare ascenderunt Cogitationes prævæ in Cor vestrum: Cum & hi tacite per id fateantur, se resistere nec posse nec velle, quin potius tam pronos esse ad Peccata, ut à quâlibet prævâ cogitatione ad assensum moveantur, ut taceam quod actiones plerorumq; inter eos testantur, se ea quæ cogitant, dummodò possunt, deducere in effectum, & si non possunt, saltem iisdem delectari sub Peccato mortali. Quod autem id Christi dictum attinet, pater

patetè Scripturâ, pharisaicas istas cogitationes non fuisse involuntarias, sed ex proposito & præmeditatâ Voluntate cogitatum efficiendi prognatas, adeoq; reprehensas. Videndum ergo, quid circa Peccatum noscendum sit. Augustinus dicit: Ut Peccatum sit Peccatum, requiritur id fieri cum Voluntate, exclusâ verò seu dissentiente Voluntate non fieri Peccatum. Sequitur inde, qualescunq; sint Imaginativæ conceptûs, Species & Ideæ intus fabricatæ in sensitivæ animæ gremio, si facultas discretiva non afficitur sic, ut cum oblectatione decernat factum, non esse referendas ad Peccata mortalia. Ea ergo est subtilis & secreta tentatio, si de incidente malâ Cogitatione, quâ sic obruitur homo, ut sui immemor nonnunquam cum oblectatione Sensûs in eâ persistat longiori temporis tractu, putando judicat se cum Voluntate ac discretionem lapsum esse in eam Cogitationem, & hætenus negligentiam suam commutasse cum Peccato mortali, cum tamen id nil aliud sit quàm documentum debilis Intellectûs, quod scilicet ignorat homo discernere inter Actûs animi & inter stolidos Imaginativæ conceptûs, & quæ his adjacent media Unionis & disjunctionis. Ea autem est sanctorum doctrina, potestatem intellectivam & arbitrariam satis diu sæpesæpius distineri (impediri) ab incidentibus ludentis phantasiæ imaginibus, subsequenter & à Carnis cupidine, ne sub iisdem casibus seipsam observe. Mox enim à quo tunc observavit, quod sui muneris est, consulit secum meditando quid factu opus sit, num factum aut infectum velit, atq; tunc fit, ut liberè consentiat aut dissentiat Peccato. Propterea non perterreatur homo à Cogitationibus suis tanquàm à Peccatis mortalibus, si credit doctrinæ Christianæ; sed potius impendat omnem Operam, quò subigat naturam sub ditionem Spiritûs, ut tandem à turpi isto Carnis affectu, utut innoxio, indecoro tamen ac impediente etiam liberetur.

Q. Cùm sic ostenderis, quod sola cogitatio non sit Peccatum mortale, pergendum est nunc ad ipsa Peccata mortalia: Verùm cùm hæc sint adeò nota vel ipsis Catechisantibus, & tam

enormia, ut etiam S. Paulus ne quidem nominanda ea in Christianitate voluerit, hinc non est hujus loci iisdem immorari in Sensu simplici, ast bene in Sensu spirituali, quem Catechismus non tradit. Nam quæ in Carne quis potest efficere, hæc alius potest in Spiritu tantò impensius habere: dic ergò quid sit hoc loco sentiendum de superbiâ? R. Superbiam rectè ajunt esse Vitium summum, quâ scilicet ea sedes animæ occupatur, quæ soli Deo naturatenus dicata est, id quod totum hominem pervertit, omnesq; potentias, facultates, vires ac sensûs ejusdem deturpat. Ecquis enim nesciat, à pravo regimine animæ pendere omnem ancillantium facultatum petulantiam? Superbia hæc est valdè conspicua in hypocrisi (pharisaismo) ubi vel maximè variis modis externa Species vulgò persuadetur, cum falsum animi fundum explorari nequeat. Id autem in comperto est, fospite Voluntate naturali perverti omnes potentias tam interni quàm externi hominis, atq; sic totum sterilefcere agrum, cui Christus suas decreverat implantare plantas. Hujus rei Exemplum præbent multi magni Viri, qui vel ideò fuerunt perditæ, quod eam Veritatem quam iis Deus ab initio revelaverat, non verterunt in Succum & Sanguinem adeoq; nec per totam Vitam candidè observârunt.

Q. Cum Dignitas, Officium, Præfulatus &c. incitet hominem ad procurandam sui nominis exaltationem (gloriam), quæritur, annon Cupiditas gloriæ legitima sit & pro Virtute politicâ habenda? R. Constat, nullum Peccatum displicere Deo magis quàm fastuosam, magnanimitatem, superbamq; divini nominis privationem, & ideò non est legitima nec pro Virtute habenda cupiditas gloriæ (famæ suæ magnificentia). Nam homo sic privat Deum suo nomine, cum gloriam quæ soli Deo debetur, sibi ipsi vendicat, nec pati vult sui nominis maculam, quod Deus ei unâ cum honore concessit, eum in finem, ut multi homines indè emendentur viso, quàm Præsul regimen & Præfulatum suum dirigit ad gloriam Dei, per id non suum neq; seipsum quærendo, quale quid Exempla Sanctorum Antistitum docent, de

de quibus canitur: In nomine meo Cornu ejus exaltabitur &c. Psalm. 88.
 quasi de eo diceret Deus: Non in nomine suo (quod non desideret quærere) sed in nomine meo Cornu gloriæ ejus exaltabitur, quod & in Psalmo 148. contestatur Psalmista, cum dicit: Nomen ejus solum exaltatum est. Nil Deo magis contrarium est, quam desiderium magni nominis, & tamen Vitium hoc tam est secretum in multis hominibus, ut vix & ne vix pernoscant, in quanto versentur periculo. Huic & sæpenumero accedit, quod ea animadversio prorsus contemnitur, cum Præsules putant, de jure iisdem competere, ut magni æstimentur, proinde non patiuntur, ut aliquis contra eorum gloriam vel dicat vel faciat quid, quod eam diminuat. De tam secretis defectibus loquitur: cum dicit: Domine, ab occultis Peccatis meis munda me, hoc Psalm. 14.
 est, à desiderio acqvirendi magni nominis. Psalmus 35 ait etiam: Pes, (hoc est inclinatio) superbiæ, non adveniat mihi, & manus Peccatoris non me moveat, quoniam sic lapsi sunt omnes qui operantur iniquitatem. In Veritate dictum esto! nî deserat homo grande nomen, certum est, Deum non fore respecturum omnia ejus opera quàm bona etiam sint. Chrysostomus ait: Desere tuum grande nomen, superabis facilè omnem cruciatum & passionem.

Quod si Deus ab homine id obtineret, ut in seipso habeat suppressionem tam amaram ac pudibundam, prout antecedenter habuit elationem occultam, temerariã, hoc ipso obtinuiſſet, quod vult, & ideo fiunt hæc omnia, per quæ Deus punit hominem, nimirum, ut humilietur in seipso: si verò Deus ejusmodi pænâ (humiliatione) nil potest efficere, permittit quandoq; eos suos Amicos cadere in ignominiam manifestam & in perturbationem compassione dignam, eo solum fine, ut humilientur in se.

Q. Si verò homo bonus adeò extollitur ab hominibus, ut ei plus adscribatur Virtutis aut Sanctitatis, quàm est reverà in eo (ob secretam fragilitatem soli Deo cognitam) quid inde censes sequuturum? R. Nil aliud inde sequitur, quàm quod eximie bona hæc fama cedat ei in damnum, vituperium, aut cruciatum

sive hîc sive ibi. Necessum enim est, ut hoc spirituale bonum prohibetæ gloriæ deponatur (reddatur) cum improprio, illusionē & famæ læsione, si quæ homo in æternum conservari debeat. Econtrâ si propter gloriosum suum nomen se non extollit neq; in eo complacentiam habet, obtinet inde parem utilitatem, emendationem & beatitudinem, siquidem in eo est purum ac meritorium, etiamsi maximum nomen haberet, dummodò in adversum custoditur per gratiam Dei, dum & præ humilitate timet confitendo suam ipsius vanitatem, infirmitatem & peccatum, nec plus se propter Virtutes æstimat, quàm servus indignus aut dispensator donorum Dei. Nam quicquid Officiî sui gratiâ agendum est, hoc facit simpliciter ad Dei gloriam & ad promotionem Salutis proximi sui. Hactenùs fert coram Deo fructus eximios comparando scilicet aliis hominibus magnam Utilitatem, & tametsi à mundanis hominibus magni æstimatur, nihilominus tam coràm Deo quàm in corde suo effectus est similis ei, qui infimum locum semper & cupit & occupat, quin etiamsi à suo deponeretur officio, nil curat, cum impermotus ac æqualis persistat in cunctis rebus.

Q. Siccinè spirituali homini nomen grande summè periculosum est, eoq; fugiendum aut ad minimum nihili curandum?
 R. Imò & contemnendum vel ideò, quod, si quæ homo non vivit conformiter statui in quo est constitutus, sed potius nominis (gloriæ suæ) indignum se reddit extollendo se & exhilarando propterea, opus est, ut cum pudore aut moerore sive nunc sive olim luat pro Satisfactione tantum, quantum nomen ejus prævaluit Vitæ suæ coràm Deo. Ast si quæ sit, quod aliqui homines in suâ gloriâ redduntur quandoq; pusillamines sic, ut eorum intentio videatur eis non esse pura, quasi majorem sæpè respectum haberent ad dignitatem nominis quàm ad mandatum obedientiæ, hoc non obstante, oportet eos benè facere, quatenùs bonum est semper faciendum. Nam etiamsi ab initio non esset satis integra intentio, potest tamen emendari, & tunc virtutes redduntur meritoria. Contra verò cujus fama longè fertur,

tur, si sua bona Opera facit è complacentiâ humanâ vel malâ intentione, is taliter superbit elato animo atq; seducitur à desiderio laudis, qvo fit, qvòd & plus facere nolit qvàm de qvo magni fiat. Talis itaq; cupit pro bonis Operibus reddi sibi laudem ab hominibus & respectum præ aliis. Nam & eò impendit omnem Operam, ut spiritualement acquirat aptitudinem & moderationem, maximè in conversatione exercendam, qvò videatur ab hominibus; ut etiam palmam præripiat aliis, cavet sibi, ne faciat aliquid nisi cum potest agere alio melius ac dignius.

Q. Undè noscendum est, qvòd tales homines non innituntur fundamento Fidei, Spei & Charitatis, sed qvòd insistant pravo fundo complacentiæ humanæ? **R.** Id inde noscendum est, qvòd nullam fiduciam habent in Charitatem Dei, nec etiam credunt, Deum esse firmum Servorum suorum sustinaculum, ob eam diffidentiam versantur etiam in summo periculo. Hoc ipsum autem sic esse, haud difficulter potest adverti dehinc, qvòd quoties imponitur iis agendum id, ad qvòd ineptos se sentiunt, nolunt obedire, eò quod timent, ne alii eorum observent incapacitatem, cujus respectu vilipendantur. In hoc parvo accidenti non sufficeret tota Scriptura, tot conciones, non Dei immensa benignitas (quam exhibet in se sperantibus) ad verificandum iis rationem, quâ persuasi se Deo dederent fidendo & sustinendo propalationem hujus eorum ineptitudinis, propterea perseverant in veteri contumaciâ animoq; superbo, cum nullo bono homine veram Charitatem participando. Et quamvis facile fieri posset, ut sine morâ illuminarentur novo Dei lumine, quamprimùm se tunc desererent, ita ut pristina eorum tristitia evanesceret excuciente eam amicabili benevolentia tractandi homines & cohabitandi cum iis; nihilominus tamen, cum id non faciant, manent in amaritudine inq; animi duritiè adversus proximum, sic ut omnis fraterna Charitas mutetur in cruciatum, & ut ab omni bono gratovè opere fatigentur & crucientur. Rebus sic se habentibus coguntur quærere solitudinem, ut ab hominibus se abstrahant, ne videant & audiant, undè eorum augea-

augeatur mœstitia, consequenter cavent, ne se sollicitos reddant alicujus causâ, putantes se sic ad veram Pacem perventuros esse. Nequaquàm autem hæc via Pacis est, quin potius plus habent dissidii, invidiosæ inimicitiae, superbi Judicii &c. quânto se magis ab hominum abstrahunt commercio gratiâ solitudinis. Nam hostis malignus in hoc superbo fundo quiescens Pacem admittit nullatenus.

Q. Siccinè nunquàm possunt ad veram pacem ac lætitiâ pervenire? R. Imò possunt, quândocunq; volunt; ast opus est, ut discant cognoscere atq; purgare fundum suum ab omni superbiâ & exemptione: eò inserviet Confessio (quantum decet) defectuum, vanitatis & inutilitatis coràm aliis hominibus, ità ut haberi desiderent pro vanis & defectuosis, in quâ (Confessione) si se quàm sæpè exercuerint atq; tamdiu, quamdiu in fundo suo pravam inclinationem ad complacentiam humanam reperiunt, censendum est fore, ut ad pacem & charitatem eam perveniant, quoniam sic animum adipiscuntur & aptitudinem ad ea, quæ illis sunt agenda aut pertractanda, & si non taliter, aliàs nunquàm.

Q. Ignorasnè, quod tales objiciunt dicendo, se oportere aliis præbere bonum exemplum, ac nemini esse offendiculo? R. Imò hoc novi benè & ad objectionem respondeo, quod qui non vult offendere quenquàm, sed vult exemplum bonum dare iis, cum quibus versatur, eum oportet se venditare pro eo quod est in Veritate, seq; noscendum præbere, quantum decet, gerat se modestè, humaniter, patienter, aptè & ingenuè, præ charitate desideret omnem contemptum & reprobationem, sic possunt emendari omnia. Hoc autem sciendum est, quod tales homines negligantur, cùm initiantur, eò quod non exercentur aptè mediante multâ adversitate & illusione, quin potius corrumpuntur blanditiis, dum sæpenumero datur iis noscendum, quantum eorum facta hominibus placeant: taliter indurantur, ne quâ velint ac possint facere aliudquid, quàm de quo constat, quod laudem ea propter acquirant, vel etiam id,

id. ad quod agendum multis precibus permoventur. Tam ingens neglectus est deplorandus, cum tales quoque sint, de quibus dicit Dominus: quod acceperunt mercedem suam. De ^{Matth.} 6.
 is autem, qui tales laudando corrumpunt, liceat dicere, quod coram Deo sunt similes latronibus, quatenus decipiendo seducunt simplices homines, qui sunt proclives ad probitatem erga gloriam Dei, usque adeo, ut sensim deflectant ad desiderium humanæ laudis, æstimationis & sui ipsius complacentiæ cum pertinaciâ, id quod æterna mors est animæ, insuperque reprobatio & exclusio à Vitâ æternâ, omniumque sanctorum Confortio. Hoc autem Seducitores faciunt eo fine, ut Corda simplicia mediantibus hiscè encomiis ad suum pertrahant arbitrium, quovè se magis applicent ad rerum temporalium tractationem sui quæstus solum, quem inde sperant gratiâ. O quam sunt rerum temporalium desideria aversionis à rebus æternis Causa! Dehinc venit, quod amittantur cum temporali simul æterna. Quod si primum quæreremus ea, quæ promovent Salutem æternam, non dubium est quin sit futurum ut Deus temporalia non solum non adimat nobis, sed etiam adjiciat & adaugeat ea. Nunc autem oblucellum exiguum abducimus Corda simplicia in pravum desiderium laudis & complacentiæ, id quod est malignum superbiæ fundum, cui Deus ademtâ gratiâ semper resistit permittendo, ut Spiritus malignus persequatur tales impellendo ad omnis generis pravitatem, nec potest esse Peccatum tam in humanum atque scelestum, quo minus tententur. Id ipsum provenit à diabolicâ radice internæ superbiæ complacentiæ, cui defuit prima resistantia, à teneris ergo profundas adeo egit radices, ut sit difficile maturâ ætate defectus ejusmodi tolli.

Q. Quid ergo agendum est cum initiantibus simplicibus hominibus? R. Hi sunt quam benè informandi, ne propter ullam Laudem faciant quod agunt, sed tantum propter gloriam Dei, qui nostris non indiget laudibus, & qui se propter nostram Salutem humiliavit usque in mortem, nobisque largitus est fortitudinem,

Qq

scien-

scientiam, artes, intelligentiam pluraq; dona alia, quibus foenerando lucremur nostram Salutem. Hinc longè satius esset tales homines corripere bono animo præsentè eos parvipendendo, ut in abjectâ humilitate verè exerceantur, cum sit sic arbitrandum fore, ut fiant egregii sancti qui alioquin tot tantisq; encomiis destruuntur adeò, ut cum senuerint, respuant disciplinam ac informationem, indurati scilicet in pravo fundo. Qui sic corrupti sunt, judicant invidum eum esse, qui eos non laudat, quod restat, sunt sæpè impacati, confusi & immorigeri, suis adversando superioribus, semper mœsti & suspiciosi, quasi nulla Cura habeatur eorum, quam obrem cum exprobrare id cupiunt, commemorant eximia eorum Opera, labores Zelum & multa alia, quæ qualiter fecerint, exponunt aliis non sine murmuratione. Nota hîc, quod tale damnum & calamitas omnis infertur simplicibus hominibus mediante laude & blanditiis, undè Salutis patiuntur naufragium. Hi namq; in summo versantur periculo, qui in præsentì Vitâ non habent unanimum, amicam, fraternam charitatem ergâ suum proximum, qui nec veram resignationem & obedientiam præstant suis superioribus, nil prosunt iis vigiliæ, jejunia, orationes disciplinæ, labores (exercitia) quam magna videantur ea. Idcirco præhabitis hiscè externis speciosis operibus (exercitiis) deberent hi antè omnia discere, qualiter veram Virtutem humilis resignationis & charitatis acquirant, rectam vè intentionem eâ omnia faciendi solùm propter charitatem Dei & proximi.

Q. Quid si in se advertit homo, quod non curando Statum suum præclarum, magnnmq; nomen, desiderat humiliatorem, simplicitatem, obscuritatem Vitæ & contemptum? R. Tunc cupit Deus magna operari per ejus nomen, cum gloriam, statum ac nomen non quærit, sed potius gratum habendo contemptum desiderat inter alios esse minimus, si par esset, & non est ei tunc noxium nomen quod inter homines habet, quoniam opus etiam est, ut se ipsum vincendo grande nomen toleret eo fine, ut suum lucretur proximum. Nam & hoc ipsum est certus
internæ

internæ mortificationis gradus, cum hâc in parte se patitur, suamq; Voluntatem offerendo tradit. Procul dubio se longè magis exaltatum inveniet in Deo, cum & seorsim Deus sit eum illustraturus divino Lumine. Ibidem reperitur hoc, quod omnis humanus intellectus caligat valdè in his, qui non fecerunt antea iter per hanc Viam. Sed uti magnum quid est in hâc constitui Viâ, ita periculosum est labi in eâ Viâ, quod fit, si sibi rursus incipit complacere in eâ. Ut itaq; bene sibi consulat, opus est fugere quamdiu potest, ne extollatur temporaliter. Quem autem Deus huc trahere vult, eum oportet frequenter pervadere viam obscuram & ignotam vivendo interea in Spe & firmâ Fide dicendo: Domine tibi serviendo spero fore, ut in hoc statu inq; tot miris modis nulla fraus subsit, ego verò sustinebo semper. Fit quidem quandoq; ut excidat è Fide, Spe & Charitate, intentio tamen in rebus tenet eum erectum: nonnunquam Charitatem sentit nullam tùm in naturâ tùm in ratione, ceu in quibus ea prorsus sepulta jacet; ast quamdiu in resignatione fidelis est erga Deum adversus naturam & rationabilem Sermonem, sic ut resignando contentus esse velit fugatâ pusillanimitate vitiosâ ac sensuali, quæ finem passionis quærit, tunc benè cedit adhuc. Contrâ quamprimùm quærit sufficientiam & commoditatem in rebus sensualibus, aut confert se ad curam externam qualitercunq; bonam ac spiritualem eo fine, ut suam solvat passionem, non potest fieri, quin castret charitatem recedendo indies à eâ inadvertenter. Ex adverso, si Deo fidelis est ac persistens in caliginosâ resignatione, pervenit ad summum gradum charitatis etiam inadvertenter. Perpeßis his omnibus purgatum est fundum ab omni proprietate, unde fit, ut aliis hominibus afferat multos Fructûs, præter id, quod Deum in se suaviter quiescere sentit, ipsumq; se in Deo cunctis in rebus, id quod melius potest percipi quam Verbis exprimi. Nam procul dubio, qui hujus nil degustavit, non potest rectè intelligere, quid sit Deum in Veritate habere.

Q. Post explicatam superbiam spiritualem, dignare, quæso, etiam

etiam tradere aliquid de Avaritiâ spirituali, sive de sollicitudine. Quare prohibuit Christus sollicitudinem? R. Quia sub eâ latet defectus quotidianus, hoc est occulta prava cupiditas (avaritia) quæ unum est de septem mortalibus peccatis, faciens imperceptibiliter damnum omnium maximum.

Q. Annon quis in seipso, nedum in aliis hominibus deprehendit, (dummodo velit observare) quoniam conatu, quibus inventionibus utantur contra proximum solum ob temporale bonum, unde vulgaris titulus, meum tuum? R. Imò hoc non solum: sed si quis in cunctis statibus humanis hoc falsum fundum seu ignem ferro toderet, annon reperiat ingentem avaritiam, quæ sub sollicitudine quæritur atque occultè tractatur? consideratione ergo dignum est, quod confidentia erga Deum, qui omnia potest, tam rara est, ut etiam hi qui Deo alias cordiciter fidere debent, verâ Fiduciâ excident ob sollicitudinem. Operantur variè ac sollicitè, imò & subtrahunt sibi necessitatem debitam, quasi terrena Vita esset æterna, quæ omnia sic pravo avaritiæ fundo proveniunt non observato, quod tam occultè se quærunt ubique in Verbis, factis, servitiis, in honesto, in utili &c. Cum tamen in animæ interioribus terreri debebant coram Deo, si ad id attenderent.

Q. Annon hæc omnia cernimus quærere homines eoque respicere tam in Deo quam in cunctis Creaturis? R. Imò & nunquam intermittere observamus, quatenus hic magnus defectus tam profundè radicans est, ut nullus reperiat in homine Angulus, ubi non delitescat quærendarum rerum caducarum cupiditas.

Q. Cum Deus tot bona corporalia & spiritualia largitus sit homini, posteaquam fecit eum, insuper autem & Vitam æternam superaddere velit, homo quoque christianus id credat & speret, mirum est, quod Deo diffidat in minimis, curam autem tantam adhibeat potiundæ temporalis necessitatis, quid de hoc sentis? R. Imò non solum hoc, sed mirum insuper est ac deplorandum, quod homo christianus diu noctuque omni curâ

&

& industriâ laborat pro congerendis Bonis secundariis, sicquidem, ut hætenus non sine magno cruciatu se inde expedire. suasq; cogitationes ad Deum verè queat dirigere. Et quod maximo ejus damno fit, vix cogitat Deum aliquandò, cum tot Ideis externarum operationum mens scateat, ut nonnisi rarissimè ad Deum se invertere, tantominus propositum firmum habere queat se occupandi rebus, quæ spectant Vitam æternam eamq; undè promanavit originem: tam impossibile est duobus Dominis servire.

Q. Cum scriptum sit: Quærite primum Regnum Dei & Justitiam ejus, & cætera adjicientur vobis, dic quæso, cur dictum sit, adjicientur, & non potius dabuntur? R. Quoniam bona secundaria sunt tam exigua in Oculis Domini, ut Deus, ea nomine doni nolit dignari.

Q. Qvotuplex est damnum, quod parit rerum externarum sollicitudo? R. Triplex, primum est, quod excæcat rationem seu humanam discretionem. Secundum est, quod delet divinum charitatis ignem sive calorem Zeli in homine. Tertium est, quod intus claudit menti Viam, quâ Deus ingreditur.

Nam sicut fumus crassus aut nebula præcludit anhelitum, ita facit sollicitudo, quæ vera Filia avaritiæ est. Cum ergo homo vivat in tempore gratiæ, opus est, ut sibi cautè prospiciat de eo quod tractat, ut antè omnia quærat Regnum Dei & Justitiam ejus, alioquin hoc absconditum latet in fundo animæ, proinde videat opus est, ne velut infructuosum perdatur, sed ut inventum manifestetur.

Q. Cum autem sit certum, quod quicquid per curam temporalium negligitur hîc, non possit recuperari in æternum, dic quid sit contrà faciendum? R. Requiritur hîc virilis, audax & continuata pugna, si quis cordatè cupit resistere sibiipsi, maligno Spiritui & mundo, quatenus priusquam defectus e-
jecti fuerint, non reperitur Regnum Cælorum veraciter. Sed hoc non potest fieri uno simplici conatu, quoniam quicquid hoc loco per Vim sibi cupit homo conquirere, id debet prius

acriter & constanter oppugnare, aliàs non abstrahitur carnalis homo à rerum temporalium sollicitudine: nam vitium est valde occultum ac profundum in brutali hominis fundo & semper cupit objectum, in quo seipsum quærat sive in verbis sive in factis.

Q. Annon occultè se quærit etiam in Deo ipso, ejusq; emanantibus donis? **R.** Imò si aliud nil potest indè habere, quærit tamen Solatium in Deo, in charitate ejus, & in cœlestibus rebus.

Q. Ast cum hoc fit, qualiter debet se gerere homo internus? **R.** Oportet id in fide perferre sub resignatione profundâ, hoc fine in charitate Dei, & in humilitate sunt facienda Opera bona & exercitia Virtutum, non opus est Deum rogare, cum sua spontè rependat, si suprâ proximum se non extollat cum Judicio, interno Veritatis fundo posthabito, siquidem id tollit omne meritum Operum, nimirum quia est contrâ Dei Justitiam, quam quærere debemus. Deus qui de naturâ suâ est finis omnium rerum, jubetur loco cedere substitutis rebus caducis, quas callida natura permutat cum exercitationibus spiritualibus, idq; genus vitii habet commercium cum Simonia peccato.

Q. Cum itaq; hoc falsum fundum sit probè observandum, & Regnum Dei quærendum, dic quid hoc loco per id intelligatur? **R.** Quærendus est solus Deus in Veritate, is namq; solus est Regnum, quod paratum est dari unicuiq; Servo DEI. Huc spectat ea petitio orationis dominicæ, quæ adeò excellens ac utilis est, ut homo ipse nesciat quid petat. D E U S autem cum ipse sit Regnum suum, ubi regnat in cunctis Creaturis intellectualibus, ideò quod petimus, est Deus ipse cum omnibus Divitiis ejus.

Q. Quid istâ petitione exoratur? **R.** Id, quod Deus essendo Pater noster ostendit suam paternam potentiam & clementiam per hoc, quod in nobis capit locum regendi suumq; Opus operandi sine impedimento, quod cum fit, sanctificatur & glorificatur

ficatur nomen ejus veraciter, imò & Voluntas ejus perficitur sic in Terrâ, hoc est, in nobis, sicut in Cœlo, quod ipse est.

Q. Quamvis homo in hoc passu se sæpè offerat Voluntati divinæ, mox tamen Voluntatem D E I reassumat, contra quàm esse debet, dic quid hîc remedii? R. Quotiescunq; accidit hæc extraversio, oportet eum de novo incipiendo, se libere & hilariter divinæ Voluntati offerre in verâ resignatione fidendo paternæ Dei potentiæ, quæ omnia potest, qvaliter id sæpè observavit & adhuc noctu diuq; corporaliter ac spiritualiter observat.

Q. Quânam in re præ aliis prosperantur, qvi Deum intus quærun, respiciunt, amant, eiq; verè adhærent? R. Præter id, quod Deus in iisdem regnat veraciter, hoc sibi habituale noscunt, quod omnis malè ordinata sollicitudo illis penitus exciderit.

Q. Annon tentaret Deum, qvi planè nil curando otiosus expectaret miraculosam sui sustentationem? R. Hic non est sensus hujus doctrinæ, quasi per eam daretur ansa tentandi Deum: absit! Prudenti circumspèctione opus est in cunctis rebus ordinatis pro sustentatione tam suâ quàm proximis, sicut ea fiant sub charitate communi bono eomodo, quem rei necessitas atq; discretio exigit. Ideò etiam id, quod sub Unitate orationis quæritur ac desideratur, necessum est, quærat & intendatur etiam in omni actione, sive loquitur, sive comedit, bibit, dormit, sive vigilat, in his & omnibus aliis debet solus Deus respici, non ipse homo. Iste enim est necessarius transitus ad Patriam æternam (originem suam) nimirum per tempus fugitivum & per cunctas Creaturas sine ullâ sui ipsius adhæsiōe.

Q. Quare solemus dicere, quod Deus nullum deserit hominem, qvi firma Spe confidit ei, cùm nihilofeciùs hîc electos suos Amicos sæpè numero submittat extremæ inopiæ? R. Ideò dicimus sic, quia illud ut plurimum fit, verum quod D E U S & alterum faciat, id ajunt Doctores fieri triplici de Causa, quarum

Prima

Prima est, quod Deus tentat hominem, num fidere possit ei: eò requiritur vera resignatio, sed ad hanc deducit hominem versatio in adversitate, mæstitiâ, paupertate, & miseriâ tanquàm quæ sunt rudientia media.

Secunda est, quod fieri solet, cùm Deus in suâ miseriâ adjuvat hominem, ut agnito divino adiutorio atq; paternâ amicitia augeatur divinus amor & gratitudo, per quam in DEUM proximius compellatur.

Tertia est, quod Deus per id judicat eos, qui Dei Amicis non subveniunt in miseriâ eorum, tametsi queant subvenire.

Q. Satis nunc de spirituali Avaritiâ: dic autem & quid cognitum dare potes de luxuriâ si non carnali, saltem spirituali & de Acedia? R. Non vacat hîc de utroq; vitio proferre, quod par est, hinc te remitto ad Caput de puritate animæ, & ad ea loca quæ de virtutum exercitio tractant, invenes ibi Copiam earum rerum, quæ huc pertinere videntur.

Q. Video quod brevitatem amas, idcirco de irâ tantum erudiri breviter cupio super hâc quæstione: cùm Rex David & S. Paulus injungant iram; Peccatum verò iræ interdican, dic qualiter hæc coincidunt? R. Injunctio & interdictio ea sic potest conciliari, quatenus oportet nos in facultate irascibili habere talem repugnantiam contra omne quod DEO adversum est, ut ipso facto appareat, quam promptè velimus, ubi locus & tempus postulat aut res ipsa, in meliorem statum reducere, ubi & in quo erratum est, maximè si ad nos spectat correctio; hæc est justa indignatio, quæ Peccatum non habet.

Q. Annon sunt multi homines, qui vitia alterius præsumunt corrigere, ipsi tamen labuntur in complures majoresq; defectus? R. Sunt certè, sed tales qui sic operantur ex amaritudine Cordis & cum excandescentiâ, loquuntur dirè, vultum torvum exhibent, hinc pace privant se suumq; proximum. Cùm infirmantur indè, patiuntur propriâ culpâ, cùm iram aliàs prorsus fugere deberent, si nequeunt modo debito, irasci. Est enim magnum artificium irasci posse sine Peccato, ut vult Apostolus: quis-

quisquis hoc non potest, accendit propriam Domum, dum vult extinguere alterius incendium. Cum parvum proximi Vulnerus curare volunt, infligunt ei simul duo vel tria alia Vulnera. Propterea dicit S. Paulus: Non occidat Sol super iram vestram: hoc ipso indicatur matura reconciliatio cum proximo offenso & offendente, quantum est in homine. Per Solem potest in sensu spirituali etiam intelligi Lumen discretionis: nam qui hanc averfatur doctrinam, suumq; proximum reddit impacatum, is perdit Deum cum gratiâ suâ simulq; id omne Bonum, quod homo sibi dudum aggregaverat.

Q. Annon & furtum potest accipi in sensu spirituali? R. Cum ad furtum referatur id omne, quod homo sive corporaliter sive spiritualiter ad se trahit, quod ad eum non pertinet, hinc procul dubio sunt eo referendi omnes, qui ambiunt honores, variosq; modos quærunutendi rebus, in quibus Deum non respiciunt, neq; se ipsos eo quò DEUS vult applicant, cum tamen deceat quemlibet Usus fructum accipere à Deo cum timore ac tremore. Ad spirituale furtum potest etiam suo modo referri acceptio Eleemosynarum sine evidenti necessitate (quæ Scrupulo non carent), idcirco perspicendum est, quâ de Causâ & ad quid eas accipiat, qualiterq; mereat, qui eas accipit.

Q. Mendacium quid est? R. Cum quis vel apparenter vel verè, Verbo vel facto se geritaliter quàm Corde intendit, mendacium hoc est.

Q. Cum hoc mundanis sit valdè familiare, annon à Spiritualibus longè aberit? R. Imò sunt, qui spirituales apparent, spiritualibus tamen valdè dissimiles sunt, eo quod habent Corda mundana, obsessa à Creaturis sive viventibus, sive non viventibus, quatenus perfectam sumunt sufficientiam à rebus temporalibus, quæ Deum non spectant, quales sunt vestimenta, ornatûs varii & similia. Quid quod hæc omnia excusant sub prætextu Juventutis, & recreationis dicendo, se hætenus posse DEO facilius servire, quo ipso vel maximè mentiuntur. An Deo magis ea propter serviunt, quod in se trahunt media, quæ verè Deum

impediunt? An Deus suavissimus Dominus non magis recrearet eos, quàm Creaturæ corruptæ? Ecce mendacium horrendum!

Q. Quid est mendacium in Sensu spirituali? R. Si quis bona facit exercitia, in quibus se magis quàm Deum intendit, idq; perseveranter (30. scilicet vel 40. annis) non agnoscendo se suamq; intentionem, mendacium facit spirituale. Non eum excusat ignorantia, cum debeat observare & cognoscere suam intentionem, quam decet esse Deum, non autem seipsum, vel mercedem aliquam, Cælum, vel Voluptatem vel lucrum.

Q. Ut autem homo se verè cognoscat taliter, dic quid eò requiritur? R. Proposito firmo, magnaq; industriâ opus est, imò & diu noctuq; pensitandum, quærendum & pervidendum est, quid eum impellat ac moveat ad perficiendas cunctas actiones suas: dehinc allaborandum, ut cunctis Viribus dirigat sua negotia immediatè in Deum; hoc enim modo non loquitur mendacium. Ast cuncta bona Opera, quæ homo aliorum præterquam in Deum dirigit, sunt mendacia, & quarum rerum verus finis non est Deus, Idola sunt.

Q. Dic, quare permittit Deus sæpè, ut homines quantumvis boni gratiaq; divinæ compotes labantur in peccata? R. Unicam ob Causam hoc fieri assolet, nimirum ut indè discant eorum exiguitatem agnoscere, seq; ipsos impostero humiliare & vilipendere. Cum autem Deus Peccatum permittit boni Causâ, hinc opus non est, ut homo qui fundum humilitatis noscens Deum super omnia amat & respicit, multum terreatur, aut strepitum suis permittat sensibus, si quâ cadit in Peccatum, sed opus est, ut factâ pœnitentiâ Viros suas secum convertat ad Deum cum Spe vivâ; siquidem Dominus noster permittebat suos charissimos Apostolos peccare propter id ipsum fundum.

Q. An non rectius faciunt, qui cum ab exiguis defectibusprehenduntur, hinc indè discurrunt querulantes & consulentes, qualiter ab inqvie conscientia liberentur? R. Fugiant cæci in seipsos, hoc est, in suum fundum, ubi querantur Deo, redigendo se in illud nil posse.

posse, nilq; valere eorum, nimirum tacendo suis se linquant casibus. Non possunt cuncta facilius superare, quàm si tentationibus internis & externis secretò se submitunt, ac Deo confisi nil operantur extrorsum, nam istiusmodi tentationes recedunt hætenus sine damno eorum, etiamsi à cunctis Diabolis essent præparatæ. Si quæ verò bonum ac sedulum hominem peccata antea acta aut instantanea angunt, is nedum formidet, sed noscat, pavorem hunc esse Donum Dei. Ideoq; necessum est occurrat Deo in Spiritu simplici, & judicet seipsum juxtà Justitiam Dei contrito Corde ac in Spe expectando misericordiam Domini. Quod autem sequitur probè notandum est, quod alioquin nimis protervè & communiter hoc tempore spernitur: nimirum, incumbendum simul est exercitio spirituali, donec is homo sentiat Peccata sua esse à Dei misericordia penitus absumpta. Nec tùm demum desistendum est à modo isto tam nobili, quò fructuosè utitur in passionibus ac tentationibus suis, sive sint durities Cordis, Frigiditas, torpor ac ignavia ad pia exercitia, sive aliud quidpiam, cùm nil damnabile sit in his, qui sunt in Christo Jesu juxtà Apostolum.

Q. Cùm omnes homines sint Peccatores, non omnes autem peccent uno modo & tamen sit necessarium noscere quoq; inter Peccatores (saltem inter eos qui se catholicos Christianos profitentur) quendam ordinem, ad quem distinctè referri possit curriculum Vitæ humanæ, undè pro ratione ponderis exponenda venit solutio Peccatorum, quæritur, quotuplex sit ordo Peccatorum? **R.** Omnes in universum Peccatores dividuntur in 4 ordines (Classes).

Q. Dic quales constituuntur in primâ Classe? **R.** Ad eam Classẽ referuntur omnes rudes, mundani homines, quorum Vita deprehenditur superba, temeraria, sine respectu, sineq; timore DEI, qui rerum divinarum curam nullam habentes Deum nec amant, nec quærunt, qui de Deo nil scire vel audire cupiunt, hæc ratione totam Vitam in Peccatis mortalibus transigunt: Cùm aliquandò Concionem audiunt, id non fit sine tædio &c.

Rr 2

Q. Nun

Q. Nunquamne tales accedunt ad Dominum? R. Imò etiam nonnunquam, quod fit, cum tempore Paschali ad Sacramentum Eucharistiæ accedunt, quanquam absolutam Voluntatem non habeant ad Vitæ emendationem, quin potius in antiquis Vestigiis ambulare cupiant. De talibus hominibus dicit S. Paulus: quod qui in Peccatis mortalibus persistunt, fiunt rei mortis Domini nostri Jesu Christi.

1. Cor.
11.

Q. Ecquid his solet accidere tunc, cum ex hac Vitâ discedunt? R. Eorum multi cum sentiunt, qualiter sit comparatum cum illis, cõjiciuntur in maximas anxietates, sic ut desperent, ac pereant in æternum. Quidam ex iis exprimunt extremas quas patiuntur angustias, quod ipsum alii aliter explicando detorqueant ad læsam phantasiam. Verùm tamen inanis angor extorqueat eam Confessionem eorum, id tamen censendum est non sine divinâ versus alios homines misericordiâ fieri, cum Deus id potius ita permittat, ut ab exemplo tanti mali homines meditentur conversionem.

Q. Annon his defuit aliquid ad conversionem? R. Correptio dissolutæ Vitæ defuit talibus, cum de conversione eorum sperandum fuerit, si probos Doctores habuissent, qui strictiori disciplinâ institutâ eos à sacrâ Communionem exclusissent, statumque iisdem longè miserrimum indicassent.

Q. Dic quales sunt secundæ Classis Peccatores? R. Sunt quidem & hujus Classis Peccatores magni, apparent tamen in longè aliâ formâ, quatenus Speciem Sanctimonix præ se ferunt, bonoque dato exemplo se valde exercent bonis Operibus.

Q. Qui possunt tam bonæ frugis homines absque injuriâ vocari magni Peccatores? R. Jure optimo: sunt enim tales, etsi non omnibus appareant tales. Hi Specie Virtutis decipiunt alios, cum veram Virtutem non habeant: eorum Vita est hypocritica, (pharisaica) sunt phylætiâ penitus imbuti, superbi, obstinati, seipso ubique quærentes, & sic in æterna eorum Vita non respondet externæ speciosæ. Sæpe sæpius obdormiunt in Peccatis mortalibus, à quibus non evigilant, cum alia sua Peccata non

agno-

agnoscant, quidquod seipso amant, DEUM non amant hactenus.

Q. Quid ergo sentis de Viâ, in quâ ambulant, sive de modo & exercitio pietatis, quocum se occupant? R. Ea, quâ ambulant, Via non tuta est, quia Deo adversa. Nam mediantibus modis ac Operibus, quibus ad Deum se putant perventuros, à Deo recedunt longius.

Q. Siccinè falsa est ea Virtutis forma? R. Imò falsissima, quæ enim Speciem Virtutis habent Opera, quorum est humilitas in Verbis ac gestibus, ea faciunt; ast in hoc ipso Opere convertunt se ad seipso superbe & cum complacentiâ non sine æternali damno: nam quicumque sibi placet, contemnit alios.

Q. Annon se gerunt æquè erga alios homines, uti requirit vera humilitas? R. Haud quaquàm! Nam judicant & condemnant alios omnes, qui modos eorum non imitantur. Quemadmodum Pharisei quærebant semper, quod Christo objicerent; ita & his nemo potest unquam satisfacere, siquidem præ philantiâ & spirituali superbiâ intumescunt. Annon hoc ipsum Peccatum detrusit Luciferum ad orcum? Annon hi ipsi sub titulo 99. Ovium à Pastore in deserto relictarum designantur in parabolâ? de quibus dicitur, quod sint perversa, Deoque minimè nota gens teste Evangelio.

Q. Quid denique est faciendum ei, qui tale damnum cupit evadere? R. Homo ad se conversus non superbire, sed judicare se debet, misso alterius iudicio: quod si quid mali patratum fuerit, parcendum est tum sibi tum proximo, ne quâ proximi lapsus promulgetur; tali modo evadet iudicium.

Q. Ad tertium progrediendo ordinem, dic quales sint ejuscæ Classis Peccatores? R. Sunt somnolenti, ignavi & frigidi homines, quos Deus prævenit, ne in horrenda Peccata sint lapsi: id cum cognoscant Opus divinæ gratiæ esse, adeo sufficit iis ut acquiescant, nec ullam Curam aut Zelum adhibeant erga Deum resque divinas, hinc etsi se lectionibus ac evolutione librorum occupent, nil inde degustant sapidi.

Q. An sola hæc occupatio eorum non sine Peccato est? **R.** Et mala est etiam si sola esset, sed non est sola, quoniam etiam animus eorum est versus ad Creaturas, quæ Voluptatem eorum satiant, eas hactenus quærent, usurpant, dum variis modis, verbis & factis se eo applicant, quid quod id contestantur ubique; in vestitu, in Conversatione, exercitio, stando & ambulando, nec desunt iis nuntii, nec obsunt literæ, quoniam extravertant se sub magnâ sensuum ac morum incuriâ, ut taceam stultiloquium. His ita se habentibus putant insuper, non facile lapsuros se aut Consensuros in Peccata mortalia, comprimis graviora, divinæ prorsus obliti custodiæ. Ast quàm malè cum iisdem sit comparatum, nesciunt ipsi, neque intelligunt quàm magno egeant timore.

Q. Potestne infirmitas hæc spiritualis illustrari per Exemplum? **R.** Potest, nimirum per Exemplum crudi vel nidorosi Stomachi, nam in hoc impedit contentum olidum excrementum, quominus homo quæat Cibus edere sapidum, perditus est appetitus ad Escam optimi condimenti, si manducat, non sapit Cibus sed amaricat. Exemplum quoque depravati appetitus exhibent Mulieres picâ laborantes, cum Terram aut alias res impuras appetunt avidè. Ita comparatum est cum præmentionatis hominibus, qui stomachum sui amoris habent scatentem omnis generis impuritibus è penu Creaturarum congestis; hinc appetitus ad bona cœlestia in illis abolitus est, nec sapit aliud quid præter amarum ac olidum. Quin etiam fundum eorum internum ceu uterus est redditus prægnans à Creaturis sive vivis sive mortuis, undè depravatè appetunt Terram, cinerem & alia prava edulia. Hæc sunt talium cupediæ, notæ scilicet externæ Vanitatis eorum.

Q. Adhuc quartus superest ordo Peccatorum, qui fortè in parabolâ vocantur Ovis perdita, à suo fideli Pastore tantâ Curâ quæsitâ, dic ergo, qui nam sint hi? **R.** Hi sunt beati Deoque chari Peccatores,

Q. An fortè tales sunt hi, qui vel non peccaverunt, vel saltem mortu-

mortaliter nunquàm? R. Non: sed sunt qui peccaverunt, quidam etiam diu, graviter, miris multisq; modis, longè magis quàm alii homines.

Q. Horrendum quid dicis: qui possunt beati nuncupari præ aliis, qui aliis plus longè peccaverunt? R. Nil obest beatitudini multum & graviter peccasse, ac ea propter nequicquam curandum est; sed hoc cedit magnis Peccatoribus beatitudini, quod Dominus misericors, cum se perdiderint, quærit ac reducit eos. Nam tales agnoscunt tùm suam perditionem, tùm exuberantem Dei Clementiam, quâ sicut fulmine tacti fructuose resipiscunt convertendo se ad Dominum toto Corde animoq; averso ab omni eo quod Deus non est, quanquàm hoc ipsum in illis non appareat. Tales, dico, ad Dominum se sic convertunt, ut antè omnia intendant & ament eum tam purâ scilicet oblatione, ut intus ac extus planè velint, quod ipse vult.

Q. Ergone Deus in talibus hominibus nullam sibi à Peccatis illatam injuriam vindicat? R. Deus nil unquàm ab iis requirer, sed Peccatorum eorum velut immemor non recordabitur amplius. A quo enim se à Peccatis averterunt, avertit etiam se Deus ab iisdem: si homo Peccata scire noluerit, nec Deus ea scire cupit.

Q. Cum autem hîc plurimùm interfit dic qualis modus huc requiratur? R. Quamprimùm homo seipso explorato verè ac sine fuco deprehendit, quod è toto Corde cupit amare solum Deum ac præter Deum nil aliud, quod etiam Voluntas ejus parata sit, omnia quæ Deus vult, facere, quæ non vult linquere, Deum sequi quocunq; qualiter vè traxerit eum sive mediâtè, sive immediâtè iste est requisitus modus, cujus interest plurimùm.

Q. Cum in Evangelio D E U S dicatur quærere Ovem perditam, quid quæso, intelligitur per istiusmodi inquisitionem? R. Cum Deus quærit, quærit perditum, vilem, id est, vult habere hominem deditum humilitati, mansuetudini & paupertati Spiritûs, qui scilicet per resignationem stat impermotus, quod quidem non sic est intelligendum, ut quis fanatico Spiritu se otiosè componat

ponat auscultatum, quando Deus velut in sibilo veniat in suffuratum ei; sed sic committat se divinæ Visitationi, ut se tamdiu patiatur contemni ac suppressi, donec didicerit humilitatem in cunctis modis sine exceptione.

Q. Si forte quid amissum est, ut inveniatur, non uno in loco, sed hic & ibi tamq; diu quæritur, donec inventum fuerit. Annon sic Deus quærit hominem, variis modis, variis in locis? R. Sic Deus procedit, cum quærit hominem: idcirco opus est, ut homo se offerat inveniendum qualicunq; modo & accidenti mediante, sive sit in contemptu, in humiliatione, sive alio quopiam casu. Accipiat id omne ac si ab ipso Deo sic advenerit, quia Deus quærit eum taliter, quatenus vult eum redditum mansuetum. Mansuetudinis autem exercitatio consistit in variâ adversitate, pressurâ & passione.

Q. Nunquid paupertas etiam refertur ad modos præfatos? R. Quin etiam pauperem vult Deus hominem. Idcirco si cui acciderit, ut amittat amicos, bona, divitias &c. quibus Cor ejus adhæret, contentus esse debet, eoq; incumbere, ut fundum suum Deo offerat nudum & vacuum. Nam Deus te quærit mediante adversitate, ut juxta suum placitum purificet te, fac ut inveniaris. Qualecunq; adversum quod potest accidere homini sive per Inimicum sive per Amicum, per Matrem, Fratrem, Sororem &c. est id, per quod Deus quærit hominem, hâc quoq; ratione est sic recipiendum, quasi à solo Deo sibi factum esset.

Q. Nonne per exemplum res potest reddi clarius? R. Exemplum sit Ulcus callosum, vel sordidâ Carne repletum, quod intermissâ sectione deterius redditur, an homo tam stupidus sit, ut speretâ sectione Sanationem impediatur, quin potius quæritur; patiat dolor, ut amotâ per sectionem excrecentiâ recuperet sanitatem? Itâ in sensu præfato oportet etiam hominem pati omne adversum, per quod Deus quærit eum, ut fundum ejus non caducum sed æternam Sanitatem & Beatitudinem conquirit.

Q. Siccinè pergrata debet esse homini quælibet cunq; adversitas?

fitas? R. Imò gratissimâ exceptione debet honorari, sicut homo secum cogitet casum improvisum sic alloqvendi: In expectatus quidem, sed mihi gratissimus hospes es atq; fidelis amicus: tunc flectat se homo humiliter suam tollendo Crucem, ac noscat, quod Deus quæsitum veniat eum & cupiat resignationem. Nec enim quærit Deus Tauros & Eqvos, hoc est, homines, qui dediti sunt externo cuipiam aut singulari exercitio; sed tantum quærit mansuetas Oves, hoc est, humiliatos parvos homines, qui visitationem admittunt, qui, ubicunq; quærentur, inveniuntur Oves ad omnem passionem ad æquum paratæ. In curia aliqva & tranquillitas hic locum inveniunt, ut homo in omni casu se Deo committat, quoniam inter omnes homines sunt Deo acceptissimi, qui resignârunt. Oportet autem resignationem fieri non tantum circa humanos defectûs quantum ad sensum, hoc est, mediante aversione & displicentiâ, verum etiam circa Dei dona sive Deus largiatur ea, sive auferat, æquali sensu debet perferri, atq; de tali homine veraciter dici potest, quod sit Ovis perdita & inventa. In deserto autem relinqvuntur à Christo omnes Oves elatæ, hoc est, homines, qui super alios se extollendo solent dicere: nos sumus experti varia, è Scholis reportavimus studia, quales verò sunt isti ac illi? Eccè qui linguâ feriunt, comparantur eqvis calcitrantibus, & tamen talium, si Oves esse volunt, sunt longè plures in comparatione 99. desertarum ad unam inventam Ovem. Indè colligendum est, Deum esse deserturum in deserto myriades hominum tepidorum, exuccorum, ambitiosorum & obstinatorum, in quibus parum frugis invenias, sicut quidem in talibus vix & ne vix aliquid fructuosi reperitur.

Q. Quid hoc sibi vult, quod Christus ovem perditam & inventam Vicinis & Amicis suis ostendit, ut super ea congaudeant? R. Amici & Vicini Dei sunt omnes Angeli & Sancti, totusq; Exercitus cœlestis, omnes Amici ejus in Cœlo & super Terram adhuc viventes congaudent cum eo, & gaudium super Ovem inventam habitum est ineffabiliter magnum, quod nullus intellectus potest comprehendere. Ss

Q. Quid autem per humeros Christi intelligitur, cū Evangelium dicit, qvōd Christus portet Ovem super humeros levatam? R. Cū humeris sint partes inter Caput & Corpus sitæ utrumq; attingentes, per hoc intelligendum datur, Christum collocare hanc Ovem inter sanctam suam humanitatem, & inter æternam suam Deitatem. Humanitas fit talium ovium sustinaculum, qvo eas transportat in Deitatem. Sustinet Oves Humanitas & portat eas in cunctis factis earum: Ipse per eas operatur cuncta eorum Opera, sive tacent, sive loqvuntur, stant sive ambulant, comedunt, bibunt, omnia operatur Deus in illis & ipsi sunt, vivunt ac moventur in eo. Ab humanitate egressi perveniunt in Deitatem, & ex Deitate redeunt in humanitatem, & sic pro lubitu intrant & exeunt invento superabundanti pascuo. Hi sunt, de qvibus dicit Evangelium, qvōd majus in Cœlo gaudium sit super uno Peccatore resipiscente, qvām super 99. aliis &c. qvoniā hi sunt Peccatores, qvi dato Deo honore, cujus hīc spectatur gloria, accesserunt ad Christum veraciter.

Q. Annon exemplar imaginis hujus dedit nobis per hoc, qvōd fuit factus humilis ad mortem usq; sicut Agnus inōcens & mansuetus? R. Imō antē mortem fuit Agnus, id nobis exemplo esse debet, ut eum seqvuti reddamur similes, post mortem factus est Pastor, ut Oves ejus simus. Ipse verō Os suum non aperuit, cū fuit delusus, cū Verbis ac Verberibus in honestē tractatus fuit.

Q. Cū hoc Exemplum vel nullam apparentiam habeat hodiē, qvā non tantū inter seculares, verum & inter eos vel maxime qvi Deum imitari volunt in Spiritu & Veritate, honoris punctum sit adeo tumefactum in bullam, ut vix inveniatur, qui non sentiat oportere abstergi injuriam Justificatione sui; qvid, qvæso, hīc faciendum censes? R. Capitosi ac obstinati sunt, qvi dicunt stultum agere eum, qvi Deo se & cunctis Creaturis subjicit: authenticum valdē & in Veritate constitutum est antiquum Exemplum, qvōd, qvi Oves Christi esse cupiunt, sive Cavillis & Convitiis incessuntur aut judicantur duris Verbis, utcunq; ton-

dean-

deantur sive à Domino quærantur, oportet eos tacere & sustinere tonsuram: sic namq; verè imitantur Christum similes ei facti. Nam Christus ipse clarius tonsuram hanc expressit per parabolam denarij proximè subnexam in Evangelio.

Q. Regerunt autem homines promiscuè & ajunt: oportet quemcunq; hominem justificare seipsum, neq; tam leviter suum honorem deferere, cum suæ famæ desertor de jure sit pro infami habendus, dic quid ad hoc? **R.** Cum sine exceptione omnes debeamus esse Imitatores Christi, committitur unicuiq; ut ad hanc quæstionem sibi respondeat, si se antecederet examinaverit, juxta hunc imitationis Lydium atq; sic deprehenderit, num imitatio fuerit instituta juxta Imaginem & Vitam Christi (hæc namq; est vera Christi imitatio), num etiam sit factus sic una ex Ovibus Christi, quæ auditâ Voce ejus sequuntur eum: id namq; est factum valde necessarium, quia sicut tantum & non aliter evadit homo in probum & sanctum hominem. Neq; enim sine causâ patienter pertulit Christus cuncta vituperia, quin potius per hoc exemplum docere voluit, ut idem facimus & nos. Nam qui accensus cholerâ perstreperit, non factus est Ovis, sed canis oblatrans vel equus calcitrans. Quapropter est perpendendum, quid Christus voluerit docere per parabolam de denario.

Q. Quid, quæso, designatur per mulierem quærentem denarium amissum, quid per Candelam accensam, quid vè per denarium amissum (in Sensu spirituali)? **R.** In hoc Sensu denotatur per mulierem Deitas, per accensam Candelam Humanitas Deificata, & per denarium anima hominis.

Q. Quænam sunt requisita denarii legitimi? **R.** Tria requisita debet in se habere denarius, quorum si unum defecerit, pro illegitimo habetur. Oportet eum habere pondus, metallicæ materiæ nobilitatem, & justam effigiem, & sic est factus in monetam (denarium). Quam admirandus denarius est Anima, & quam incomprehensibilis, quatenus ad Dei Imaginem effigiata est.

Q. Dic quid per pondus, quod Anima debet habere, intelligitur? R. Pondus Animæ est, quod Anima est sine pondere, (imponderabilis), siquidem præponderat Cælo, Terræ, cunctisq; contentis eorum, saltem respectu ejus, quod Deus in hoc denario est: taliter ponderat tantum quantum Deus, & præter hoc nihil ponderat.

Q. Quæ, qualis est materia hujus denarii in eodem Sensu spirituali? R. Divinitas immensa est ejus materia, quæ per supersubstantialitatem ineffabilis Amoris sui se in hunc Spiritum immergit, atq; vicissim hunc Spiritum totum in seipsam absorpsit ac demersit. Quod ipsum si homo sibi futurum cupiat, necessum est, ut longè breviori Viâ ambulet quàm aliàs ambulare solet. Est autem hæc brevis Via longè distans ab eâ, quàm homo externus sibi eligit, quatenus exuperat cuncta exercitia externi hominis, sive passivo sive activo modo, idealiter vel formaliter, vel utcunq; fiant.

Q. Quænam est hæc Via compendiosa, quam homo talis pervadere debet? R. Hæc Via cognoscitur è parabolâ, quia Dominus dicit, mulier accendit Candelam & quærendo totam verit Domum: id quod sic intelligendum est. Sapientia æterna accendit Candelam, hæc est divina Charitas, quæ debet accendi & ardere in Animâ hominis: hanc Charitatem ignorant Filii hominum.

Q. Quî ignoraret homo Charitatem? Annon est Charitas Dei, si quis notabilem suavitatem & divinum solatium sentit in seipso? R. Erras! Non est id Charitas (charitatis Essentia).

Q. Dic ergo quid est? R. Charitas divina est interna paupertas, perpetuum desiderium angor & languor sub divini Solatii subtractione, torrefactio sub ardore internæ paupertatis, atq; id omne cum resignatione perpetuâ & æquali. Hæc ipsa est Charitas & accensio Candelæ.

Q. Dira hæc accensio, igniq; proxima, quis non exuratur? sed quid denotatur per id, quod mulier verrendo totam perlustrat Domum, dum quærit denarium? R. Per hoc designatur perscrutatio hominis, cum Deus quærit eum.

Q. Quomodo fit ea perlustratio hominis? R. Ea fit modo duplici activo scilicet & passivo. Activus modus est, cum homo ipse quærit. Passivus, cum quæritur ipse.

Q. De modo activo quid habes? R. Cum ipse homo quærit, facit hoc bifariam, extus scilicet & intus, quanquam tanta hinc inveniatur disparitas, quanta esse potest inter Cælum & Terram.

Q. Dic qualiter fiat externa pervestigatio, quâ homo quærit Deum? R. Consistit ea in exercitio externo bonorum Operum, quod etiam varios modos habet, prout à Deo instigatur & ab Amicis Dei instituitur homo, maxime autem consistit in Exercitio virtutum, puta humilitatis, mansuetudinis, tranquillitatis, resignationis &c.

Q. Dic etiam nunc, qualiter fiat interna pervestigatio, quâ homo activè quærit Deum? R. Ea priorem toto Cælo transcendit, quatenus homo intrat in interiora proprii sui fundi quæsitum ibi Dominum, ubi ipse inveniendus est, cum Christus dicat: *Re-* Matth.
17.
gnum Dei intra vos est.

Q. De modo passivo, quo homo à Deo quæritur, quid habes refer? R. Cum ad hanc quæstionem sit in *primâ Sectione Cap: 1. Quæst: 5.* responsum, & jam à materiâ de Peccato longius digressum, hinc te remitto ad locum citatum, dum simul hinc claudo materiam de Peccato & Peccatoribus. Verum coronidis loco id mihi videtur dignum adjectu, quod Deo sit olim danda ratio de Vitæ traductione, quo planè exauthoratur opinio eorum, qui dicunt mandata Dei servari non posse, eoq; præstare tantum vicem Speculi, in quo conspiciere liceat occultam in Carne naturam depravatam. Nam cum Peccatum quodlibet sit ignominiosum Deo, gloriosa autem Virtutis exhibitio, aut neutrum cognoscatur naturatenus, hinc dedit Deus libero homini mandata, quibus prohibetur malum & iungitur bonum Opus, hisq; annexuit pœnam & præmium: extremæ autem malitiæ succurrit misericordia, unde Redemptio, hanc excutit Voluntas prava ingrata: aut huic etiam obviat gratia dans (dona) media Reconciliationis: hæc omnia spernit improbi-

tas, quam hætenùs citat læsa Majestas ad judicium, ubi reddenda est ratio pro factis in hac vitâ. Judicium hinc spectat transgressionem mandatorum & neglectum mediorum.

Q. Cùm S. Scriptura noscendum tradat, qualiter in extremo judicio reddenda Deo est ratio accurata de Cogitationibus, verbis & factis, imò etiam de acceptis à Deo beneficiis (talentis) vel benè vel malè usurpatis, dic, quæso, annon in tempore sit consummanda hæc ratio, nè serò nimis requiratur tandem eximproviso? R. Laudanda est tua sollicitudo, si fiat in timore & terrore, ideoq; affirmativè ad quæstionem respondeo, hominem posse prævenire extremam eam horribilissimam rationem, si diligenti expensione quantum conatus mortalis potest, calculus Vitæ formatur, ratioq; Deo desuper redditur dum adhuc sanus & mente constans homo est, id quod potest fieri, si factò quotidiano scrutinio peccata & injustitias abjiciamus, si factâ pœnitentiâ nos ipsos coràm Deo judicemus, sic enim possibile est, ut Dei judicium effugiamus. Nam juxtà Augustinum notandum est hoc, quod Deus non amplius recordetur eorum peccatorum, quæ homo pervolvit, confitetur, & pœnitentiâ, quantum in se, expiat; at vice versâ, quæ homo non curat, sed potius spernit, peccati pondera, ea Deus in Lucem proferet atq; requirere tùm, cùm nulla pœnitentia institui, nulla conversio potest contingere.

Q. Indica insuper modum, quo ratio proposita queat deduci in effectum? R. Psalmus te docet modum his verbis: Commenda Deo Viam tuam, spera in eum, & ipse faciet. Epaucis verbis potest homo discere viam directam, in quâ errare non potest, quæ & quàm brevis est, siquidem in eâ reperitur, quicquid ad Vitam beatam est necessarium; quin etiam finis (scopus) est cunctarum bonarum exercitationum in hoc libro sufficienter expressarum, quibus se homo exerceat opus est, si cupit unquam pervenire ad veram, vivam, fructuosam Christianam fidem, non minùs quàm ad internam perceptibilem Veritatem.

Q. Collige, quæso, hîc denuò quasi in unum fasciculùm potiorem exercitationum partem, cùm locus, tempus atq; res sic postu-

postulet! R. Faciam quod vis & nominabo hîc solùm id quod in aliis locis latius pervolveretur. Notato ergò, quod in compendio quasi huc pertinent tùm exercitationes externæ, videlicet jejunia, vigiliæ, oratio, devotio, silentium &c. tùm interna expulsio cunctorum Vitiorum ac desiderii versus caducas Creaturas, tùm quoq; interna adhæsiō (unio) omnium animæ Virium cum Deo in humili resignatione juxtâ exemplum Christi. Neq; enim potest valdè purus liquor conservari in Vase impuro; sic benè ordinata natura (sobria, temperans) efficit pias beneq; ordinatas exercitationes simul & firmum fundamentum.

Q. Qualiter debet homo seipsum judicare? R. Judicium hoc debet fieri non cum subitaneo terrore, nè cadat in desperationem, qualiacunq; etiam commiserit unquam peccata; sed cum modesta blandaq; severitate, ità ut à suis defectibus humilietur in respectu Nihili, hoc est, considerare debet, quàm id quod à se est & habet homo, sit nihil, atq; dehinc dicere: Domine mi, misera ego tua Creatura à me ipso non possum nec habeo aliud præterquàm defectûs, non sum dignus tuâ gratiâ, concede, quæso, Domine, ut tibi serviam. Quod si in hoc judicio humiliter se tenet, quamdiu sic facit, tamdiu suis elabitur defectibus imperceptibiliter. Proindè eò saltem est incumbendum sedulò, ut exercitatio talis fiat sine intermissione (quotidiè), sic ut in vero Dei respectu cum amore, humilitate, veraq; patientiâ faciat cuncta sua opera pensitando simul judicium, quod suprà seipsum tulit. Ità quidem se gerat oportet, quatenus cuncta Opera, quæ non ex isto fundo proveniunt, nullum fructum afferunt.

Q. Annon dehinc & aliud quid fructuosi resultat? R. Imò nullare magis citiusvè fugatur Diabolus, quàm humili hoc judicio atq; in Deum fiduciâ: & quoniam timet fore, ut homines sic è manu ejus eripiantur, excitat in iis pravas cogitationes, quasi diceret quis: quid hic moraris cum pati hæc nequeas? probabili-ter ad ista non es vocatus, fac aliis similiter, qui etiam ad Cælum pertingunt. Hîc est necesse, ut homo internoscat insusurratio-nes diabolicas, resistatq; inspirationibus inimici, invocet miseri-cordiam

cordiam Dei. rogando Dominum, quo eum dignetur habere acceptum pro servo suo. Interim quoq; necessum est, ut servet suam naturam in bono ordine, ne quod semel inceptum est boni, per Vitam inordinatam rursus destruat, id quod Author sincerè monitum vult. Verùm in castigandæ naturæ modo non est excedendum, quoniam Diabolus hic etiam solet venenum suum inspirare; quodsi infirmus reddaris aut Spiritus turbetur, noli mutare locum cum naturæ difficultate, sed mane ubi convenit, cum Deus etiam veniat rogatus quaquaversum sine loci discrimine: homo ergò ubicunq; est, vertat se ad seipsum observando Verba Prophetæ: commenda (confitere) Domino Viam tuam, & spera in eum, ipse faciet.

Q. Quid est, quod homo noscendum det Deo Viam suam, cum Deo absq; hoc universa sint manifesta? R. Id sic est intelligendum: oportet, ut ipse homo confitendo revelet immundam, cæcam, defectuosam atq; perversam Viam. Nam in verâ, humili confessione defectuum consistit primus aditus ad Deum, qui cunctis electis Dei amicis concessus est. Qualescunq; defectus sint, de iis accuset se, qualem gratiam à Deo desiderat, quid eum impedit, hæc omnia soli Deo revelet confidenter tanquam Amico fidissimo: sicut enim nemo potest Deum diligere nimium, ita nemo potest ei confidere nimium, cum Deus sit infinites plus paratus ad dandum, quam homo ad accipiendum. Si quis ergò à Peccatis plurimis absolvi, tum etiam gratiâ abundare cupit, confidat secum verâ fiduciâ, non autem in Vitâ perversâ, nam sic amissis vitiis acquiruntur Virtutes. Plura de his inveniuntur in aliis locis.

Q. Expensio sententiæ, quam Iudex vivorum ac mortuorum contra malos pronuntiabit diffinitivè & exequutivè, adeo me terret, ut mallet adhuc semel tanquam in compendio abs te audire, quinam possint effugere diram eam sententiam, à quâ non datur appellatio? R. Annon tibi antecederet dixi, quod eam effugere possunt omnes, qui Verbum hoc acutum benè considerant in Vitâ suâ, adeoq; cum Deo transigunt præviâ penitentiâ.

tentiâ & bonâ Vitâ? Nam sic prudenter subducunt se in laqueis Diaboli, ne victos eos tradat judici damnandos. Id suo tempore omnes servi Dei seriò considerârunt, qvi Deo per bonæ Vitæ regulam reconciliati, sententiam eam à se declinârunt, unusquisq; juxtâ suum modiolum, qvia non omnes juxtâ perfectionem.

Q. Cùm autem unus plus minus alio doleat de Peccatis, plus minus quoq; regulam Vitæ observet, annon verendum est, ne quâ debiliores non reconcilientur? R. Non est verendum, quoniam qvi sunt inventi boni sic salvabuntur, nè adversus eos dicatur Verbum dirum, tametsi in ordine ad perfectionem non fuerint similes robustis in Fide. Cùm autem unusquisq; accipiet sua meritis condigna vel præmia vel supplicia, majora reddentur perfectioribus, minora debilioribus: diversitas hæc meritorum & præmiorum est indicata in S. Scripturâ. Quilibet absolvit suum pensum juxtâ collatam ei gratiam diverso valde modo, quidam totâ die, multi unâ horâ laborant in vineâ juxtâ Vocationem Dei, diversus ergò labor eorum non postponit eos, neq; excludit à ratione Salvationis. Unumquemq; hominem (quem Deus juxtâ propositum vocat ad pœnitentiam) vocat Deus foris modo singulari ad serviendum ei, hinc juxtâ modorum Singularitatem variant cujuslibet Opera, omnes autem eâdem Charitate meritoriâ laborant, hoc est, omnes ac singuli sive electi sive juxtâ propositum vocati dilexerunt justitiam per charitatem & malitiam oderunt.

Q. Quæritur ergò, quomodo quis possit sibi prospicere, ut juxtâ Vocationem suam perseveret in bono, nec eò recedat, ubi impingit in laqueum maligni Spiritûs? R. Id potest 4. modis fieri, qvi breviter sic declarantur, si totum negotium reducitur ad compendium.

1. Modus est, ut homo sincerus ac circumspectus summo studio devit & peccata propter Deum, conducat autem non solum ad ejus conversionem, verum etiam ad gloriam Dei, si passionem & inprimis 5. Vulnera Domini nostri Jesu Christi sæpe sæpius
T t expen-

expendat & contemplando ea veneretur quotidianâ devotione & oratione.

2. Modus est, ut nimiam naturæ suæ Concupiscentiam coërceat de die in diem, de horâ in horam, non quidem ultrâ sed juxtâ Vires naturæ. Ut autem & hoc facilius præstet, studeat solus & à conversatione abstractus esse non quidem captandi otii, sed boni Operis (Exercitii virtutum) gratiâ.

3. Modus est, ut desiderium humanum, imò & totius mundi excludat è Corde suo, maximè earum Creaturarum, quarum Deus vera causa non est, tanquàm quas cum DEO ad æquum dilexit, insuper & à DEO flagitet castigationem temporalem, si suis Peccatis pœna adjudicata sit. Hoc ipsum succedet melius, si seipsum affligat tùm deploratione Peccatorum, tùm veræ ac sufficientis pœnitentiæ optatu. Huc etiam inservit examen & condecens Vitæ suæ ordinatio, quæ fieri potest reducendo paulatim virtutum exercitium instrictiorem observantiam forinsecus, nimirum ad exemplar Vitæ Christi juxtâ obedientiam, sed tamen hæc omnia propossibili cum tolerantia, id est sinè naturæ suppressione.

4. Modus respicit sequentiâ tempora in supposito profectûs, ne quâ, cum Deo placuerit homini exercitato mittere Calamitates multas quæ intus & extus affligunt tantoperè, ut exercitii continuationem abhorreat, se fugâ eripiat indè, vel spirituale solatium quærat, sed potius dura quævis patienter perferat, Spiritu pauper sic evadendo. Is namq; modus est, quo vera Charitas potest addisci, quæ non suum, sed amati boni quærit commodum: taliter quoq; producitur paupertatis nobilitas, quæ in eo consistit, quod propter Opera & merita non exigit mercedem, nec indigentiae molestiam perhorrescit.

Si quis hos 4. modos observando ad Usus deduxerit, Spem habet perseverantiæ, imò & potestatem perseverantiæ, dumodò modorum acerbicatem non aversetur imposterum. Hujusmodi homines non desiderant temporale solatium, nullam mercedem à Deo cupiunt in æternum, non proprium commodum, sed

sed tantum Voluntatem Dei respiciunt, quos ideo mirantur alii homines, qui cum spirituales esse debeant, saltem serviunt pro mercede vel temporali vel æternâ.

CAP. VI.

De Gratiâ Dei & Conscientiâ.

Q. Homo christianus, qui originalem labem (naturæ pravitatem) tum & Redemptionis cognoscit gratiam, si peccat contra mandata DEI, fit reus Criminis læsæ gloriæ S. Majestatis divinæ. Cum autem supplicium pro merito queat tolli per Reconciliationis gratiam, hæc etiam impetrari debeat per media convenientia, quæ sunt Opera bona, hinc opus est homini noscere speciatim ea Opera; quibus mediantibus acquirat eam gratiam. Hæc igitur in ordine hinc pertractanda forent; ast operæ præteritum esse videtur præponere aliquam notitiam de Dei Gratiâ & Conscientiâ peccatoris, non quidem quid ea sit in sensu communi, quando obtineatur, quid ejus neglectus & alia, quatenus hæc omnia in libris polemicis abundantissime pertractantur, sed quid in Sensu spirituali de eâ noscendum sit peccatori bono qui à Peccatis aversus & ad Deum conversus est. *Se.* motâ ergo prolixitate dic quid Author noster doceat de auxiliis, quibus impetratur gratia Dei, in quâ Salutis summa consistit? *R.* Sic dicit Author noster, quod diversa passim in Sacris decantantur media, quorum respectu Gratia Dei impetratur, ast præsuppositis necessariis mediis quæ cunctis Christianis nota sunt ex Catechismo, restat modus vel unicus, quo cum felici successu utitur, quisque eo utitur. Nam si homo semper in timore Dei versatur sollicitus ne mundo magis, minus autem Deo serviat, futurum est, ut semper aliquid novi Luminis gratiæ adipiscatur.

Q. Cum sine Dei gratiâ nullum sit meritum, dic, quæso, quinam sine gratiâ Dei vivunt? *R.* Quoscunq; tepidos aut frigidos

vocamus, hi omnes carent DEI gratiâ, nec diliguntur à DEO. Scriptura S. vocat eos naturales, tepidi verò vocantur, qvatenus indulgent naturalibus inclinationibus & affectionibus. Enimverò cùm nemo possit duobus Dominis servire, non Deo & naturæ, sequitur eos non Domino servire, qvi naturæ obediunt, sic cùm Deus non diligit nisi suos vel Servos vel Amicos, sequitur naturæ (carnis) Servos non diligi à Deo, eoq; non perfundi ejus gratiâ.

Q. Annon sic est, qvòd qvi in Mundo & Carne vivunt sub scandalis & irritamentis malorum, bonis suis Operibus abstergunt quotidianos errores (vitia naturalia), qvibus indies contaminantur? R. Id non est sic, nec fieri potest sic. Nam certocertius est, invalida, vana & infructuosa esse cuncta hominis bona Opera, (tametsi omnium hominum bona Opera essent) si sine gratiâ Dei sit. Ast in qvotidianis erroribus (Vitiis naturalibus) persistere est prorsus sine gratiâ Dei vivere. Fiat ergò Conclusio: vana esse cuncta bona Opera eorum, qvi perseverant in Vitiis naturalibus. Cùm Charitas Dei diffunditur in Cordibus hominum, tunc dicimus ortam esse gratiam seu Lumen illuminans animam: lucente hoc Sole dispelluntur tenebræ. Utinam omnes qvibus lucet Sol gratiæ, removerent media soli obstantia, nam sic futurum esset, ut Sol illuminando calefaceret, imò accenderet mentem, hætenus quoq; abstergeret frigiditatis infamiam simul & teporis opprobrium.

Q. Cùm Lumini gratiæ id accadat, qvòd à mediorum obstaculo velut ab interpositâ densâ nube intercipiatur sic ut mentem nec illuminare possit nec calefacere, non nunquam etiam fiat, ut velut obliquo radio se subito fundat in mentem, mox tamen præclusâ rimâ discutiatur, hinc autem dici qveat, non omnes qvos gratia Dei allucet, habere eam, idcirco dic velim, qvaliter se gerunt credentes illi, qvi lumini gratiæ qvandoq; illapsus admittunt secundum magis & minus, non tamen semper nec totaliter, hætenus quoq; malunt tepescere qvàm incallescere? R. Tales manent semper Tyrones, qvi rudimentis tantum insistendo

nun-

nunquam progredi cupiunt: nam à quo disciplinam hilariter aggressi sunt non minus conatû externo quàm bono proposito, versantur in eodem omni tempore sic ac nil aliud sit præter hoc agendum, quo quidem crasso Opificio ut juxtà assuetudinem delectantur, ità suos sibi fingunt modos & regulas, quas ut & aliis imponant perseveranter sic retinent cavendo ne Opera, jejunii scilicet Vigiliarum, precum &c. excedant, interim autem nesciunt, hæc omnia reddi irrita propter illa media quæ Lumen divinû obscurant. Hæc autem cuncta media intercurrunt ideò, quia suum internum fundum non sedulò observant, præterea quoq; sic naturali imorantur sensualitati, ut semper faventes ac pariter non faventes suo sensu percipiant. Ecquis autem non videt, inde provenire injustitiam, iniquas censuras, prorumpere quoq; varios defectûs, putà spirituales & naturalem superbiam, obstinationem, iracundiã in Verbis vel factis conspicuam &c. qui omnes reddunt hominem incapacem divinæ gratiæ, cum ut plurimum è fundo mentis falso, impuro & appropriato emergant. Iis è contrà ad obtinendam gratiam Dei summè necessarium erat sibi prospicere, quo fundum eorum eradicatione quamprimum purgetur, eoq; cavere, ne quà dehinc vel ipsi vel ei præsentibus offendantur.

Q. Quales autem sunt, quorum fundum perradiat æternum Lumen tametsi non plenâ illustratione, sic tamen ut gratiam suam pro modio suo infundat? **R.** Hi tales sunt, qui mundo contenti defectûs majores exstirpârunt, & hætenùs ad altiorem gradum evecti sunt. Hi tametsi sub exercitio Virtutum continuato rationabiliter ac prudenter procedunt, nihilominus captum è donis Dei solatium & oblectamentum sibi retinent appropriatione quâdam illicitâ, quo fit, ut summo quod unicè consecrandum erat Bono neglecto non pertingant ad ipsam proximam summamvè Veritatem.

Q. Quales sunt deniq;, quos pleno Lumine divinum jubar illuminavit sic, ut gratia dicatur in iis abundare, prout in B. Virgine, quam Angelus gratiâ plenam prædicabat? **R.** Tales sunt nobilissimi

bilissimi omnium atq; perfecti homines, qui aliud nil curant nec diligunt præterquam solum Deum in ipso Deo, hætenus non solarium, non delectationem, nec ullam rem respiciunt nec etiam ad dona quædam quæ fluunt è Deo. Hujusmodi homines crebris moribus intus demergunt se in Deum quam simplicissime, atq; nominis sui gloriam tantum id quærent, ac desiderant, ut impleatur Voluntas Divina per Deum tam in illis ipsis quam in Creaturis cunctis. Hoc solo fine ea quæ deserunt omnia rursus à Deo recipiunt grato animo, sed redaccepta hæc dona denuò offerunt ei absq; sui arbitrii reactione, & taliter cum donis à Deo profluxis remeant in Deum ipsum sine interceptione, hinc nequit fieri, quin Deus eorum sit sustentatio tam externè quam internè.

Q. Cum in ejusmodi hominibus reperiatur naturale beatitudinis desiderium atq; possessio Dei, annon hæc ipsa cura Boni quæ sui est imperfectio aliqua? R. Est; & hæc ratione, quod quis quamdiu natura est, habet naturalem ad beatitudinem appetentiam seu reflexum ad seipsum, nunquam potest esse absolutè perfectus. Verùm hæc imperfectio parva est, dummodo id desiderium seu reflexus sit parvus & sine evidenti respectu tanquam Boni sui. Præstat autem his omnibus quamprimùm quis reperit appetitum quendam habendi Deum ejusq; gratiam vel simile quid, ut per eum nil aliud quærat vel curet quam nudam sui sustentationem, sic namq; id omne, quod anima desideranter ingessit, sub Charitatis actibus iterum absumitur: & futurum insuper sic est, ut, postquam tam Spiritualia quam Corporalia Dei dona obtulerit ei sub sui abrenunciatione, reddatur capacior ad deptionis dignusq; universâ hæreditate Dei in hoc & futuro mundo.

Q. Dic quales videntur esse prænobiles ejuscemodi homines, qui se in Deum semper demergunt? R. Hi speciem externè præ se ferunt hominum inutilium, abjectorum & perditorum, cum sint & humiles & minimi, qui se non extollunt Verbis vel factis, modis vel mandatis; internè verò latent in iisdem Vivæ verita-

tis venæ ac Dei, quâ sustentantur, portio: tales sunt, qui placent DEO.

Q. Dic etiam, quid in se exhibere debeant hi, qui Deo placere cupiunt? R. Debent esse puri seu purificati ab omnibus maculis internis & externis, alioquin Deus non habet curam eorum, quin potius permittit eos abduci in varios errores intrinsecus forinsecus.

Q. Quod si quis desiderat esse depuratus ab inquinamento peccatorum & habere cor purum, vacuum & abstractum sic, ut Deum hætenus in Spiritu videre, instinctum & alloquium ejus animadvertere possit, dic quid eò requiratur? R. Hic opus est homini, ut à Deo hæctus gratiam antè omnia trahatur, quò propriam suam Conscientiam diligenter perspiciat, atq; discat eam purificare mediante mortificatione peccatorum intus forisq; antecederet commissorum.

Q. Quid est Conscientia? R. Est tum actus tum affectus homini proprius, qui indicat homini inesse animam & spiritum seu juxta quosdam duas animæ partes longe diversas, quia se mutuò oppugnantes.

Q. Quid est bona Conscientia? R. Est tranquilla, pacata, sincera mens, parva in se & humilis, quæ nil nisi gloriam & voluntatem Dei desiderat, persistens aliàs immotè in accipiendo & dando ubiq; sine delectu eum in finem, ut salva fiat, & ut in eâ divina voluntas perficiatur.

Q. Quomodo conservatur conscientia in tranquillitate? R. Sic
1. si homo providus cavet sibi ab omnibus, quæ Deo & conscientiæ suæ adversantur tam in minimo quàm in maximo. 2. si homo indefesso studio utitur iis rebus, quæ ad gloriam Dei, commodum Ecclesiæ & Utilitatem proximi faciunt, idq; juxta ordinem, in quem vocatus est homo. Is namq; tranquillus est nupiam, qui modos & ordines juxta suum captum convellit, cum tamen vix aliquid sit, quod juxta ordinem & modum suum non sit laudandum. Ideò quidquid juxta ordinem, decorem, modum & mensuram suam peragitur, affert requiem externè & internè, idq; veraciter, si vè homo sciverit aut nesciverit. Q.

Q. Antequàm conscientia perveniat ad eam tranquillitatem ac puritatem, dic, quid præcedere soleat? **R.** Puritatem conscientie longe antè præcedunt dira, frequens passio, intern⁹ morsus & correptio, hanc sequitur agnitio pergrandium peccatorum, quorum pœnitet auctâ contritione; deindè incipit vitare malum resistendo non solum peccato, sed etiam causæ peccati cui discit emori, ut pura evadat, nec amplius consentiat ei. Hoc facto incipit exercitium boni & oppugnantur voluptates (desideria Sensuum): quid quod ad Regis David exemplum homo sibi subtrahit aliquid de rebus licitis, in Cibo, Potu, motu & quiete &c. eum in finem, quo corrigat se & obsequatur consiliis Evangelii: sic fit, ut ubi concupiscentia fuit antè saturata Voluptatib⁹, nunc ibi torturâ crucietur. Sub horum exercitio discit conscientia purgare se à desideriis, quemadmodum antecederet conata est se custodire à grandioribus peccatis.

Q. Quid autem interea patitur Corpus? **R.** Externo homini interim accidunt multa incommoda, quæ Corpus ægerrimè tolerat. Nam cum eò pervenerit per Dei gratiam, ut superatis peccatis gravibus Victoriâ Spiritûs obtineat, incipit Corpus animale recalcitrare deq; in asævetudine conqueri ægrè ferendo sævetarum Voluptatum jacturam; hinc fit, ut homo se vix ac nevix patientem, rectum & simplicem qveat gerere. Nam invenit se pace privatum, plenum defectuum, videt etiam perversum suum animum aversari disciplinam, seq; non posse modum tenere in sensibus externis, perferendo silere non vult, quærit, cui queratur, & qui bonorum suorum Opèrum jactantiam magnipendat. Quod non amat, vituperat, cui invidet, hunc rejicit, in lucro complacet, in damno contristatur, quod dulce, gratum est, ingratum quod acerbum, quod laudat laudatum cupit, quod Vituperio sistit, nemo laudare ausit. Eccè quàm homo tunc incipit seipsum erudire, quàm discit ad se divertere, quo cognoscat se qualis sit, quantum vè possit à seipso perficere. Hæc & similia tunc vellet è Conscientiâ pellere purgando eam, verum hîc magnam subit difficultatem, eò quod passio, Calamitas, opprobrium

& suppressio videntur ejus naturæ esse quid intolerabile. Quin etiam si dehinc anxius in Conscientiâ confiteatur coram Deo & coram hominibus, se malè acturum, si ea committat, nihilominus cum adhuc ignorat, quid sit emori Concupiscentiæ, futurum est, ut facile quâ datâ Causâ labatur in eam, siquidem adhuc in fundo ejus delitescunt prava desideria, ad quæ forinsecus tantoperè inclinatur. Hinc valdè necessarium est se exercere juxta exemplar Virtutum externarum Domini nostri Jesu Christi, causas unâ devitando ad quas propendet: notandum hîc, quod homo progrediendo velut per gradus proficiat in dies in melius. Nam posteaquam se sic exercuit, incipit paulatim spiritualescere in Vitâ actualiter virtuosâ: & hanc ipsam oportet incipere ardenti cum oratione quæ scaturit è pugnâ cum Peccatis institutâ, ut antecederet dictum est. Quidquod è tali oratione promanat vera pœnitudo de cunctis Peccatis, tum & contemptus sui ipsius suæq; nefariæ Vitæ, inde sequitur bona intentio se conferendi ad passionem cunctorum malorum, molestiæ scilicet, adversitatis, oppressiois, vituperii & omnis generis Calamitatum, in quibus versatur, aut quæ accidere possunt, se ipsum in iisdem Deo offerendo. E Charitate quoq; discit veram resignationem & patientiam, quæ est fundata super Fidem & Spem in Christo; nil sibi in proprium retinendo, ne quâ maculetur puritas Conscientiæ. Paulopost acquirit insuper humilem despectionem seu tædium erga seipsum (undè derivat sui Cordis custodia ne judicet) occludendo sensus externos quamprimùm sentit tentationes, quod sic potest explicari: præcavet sedulò cunctas causas, ne locum hosti concedat, nusquam adhæret nisi DEO & quidem cordicitus, patienter perfert ad finem usq; quæcunq; sunt sustinenda ei, neq; se liberari cupit ullo mediante solatio sive corporali sive spirituali, donec Deus ipse liberet eum.

Q. Quid ex his omnibus progignitur? R. Id, quod patitur se corrigi obsequendo superiorum consiliis Deoq; se subjiciendo. Observat antè omnia, quid sibi sit præsens, cumq; pernoverit, quid sit, exercet se in eo, si bonum est, agit gratias, si est tentatio,

Uu

eam

eam oppugnat: interea discit vitare querelas; ast si quâ ducit querendum, queritur soli Deo rogatum perseverantiam, quod restat, à nihilo extollitur, non sibi complacendo explet in solo Deo desiderium. Gratus est ac benignus qualitercunq; secum agatur, proximum amat compatiendo ejus infirmitati, foris fugit cuncta incompatibilia ut & quamlibet Cordis extra versionem comprimis in lætitiâ, devitat etiam teporem exercitii, nec minus excessum internæ delectationis. Enim verò bonum est, quicquid ad Deum pertinet, hinc est manendum homini in suâ custodiâ (angustia) non altum de se sed parvum sentiendo: sic quicquid suadet alteri vitandum, fugit ipse, puta obstinationem, quam prorsus exuit contrario modo studendo ædificare se super suam parvitatem & imperfectionem, curat insuper, quo se in omni passione Deo offerat, Vitam & passionem Christi in Corde suo circumferat, nulliq; Creaturæ sine Deo adhæreat eo sanè sine, quo solus Deus sit ejus Charitas, qui Cor ejus expurget adeò, ut discat in vivis videre Deum in Veritate, atq; per eam contemplationem impetret clariorem aspectum in æterna beatitudine.

Ad bona Opera nunc est pergendum speciatim, quorum medio impetratur gratia Reconciliationis, inter quæ primum locum sibi vendicat pœnitentia, quæ ideò habetur pro Sacramento quod est tam necessaria, ut sine eâ Peccator actualis Deo reconciliari nequeat.

CAP. VII.

De Pœnitentiâ.

Q. Quid hîc adscribis pœnitentiæ negotium reconciliationis, annon sunt qui aliter credere nolunt, quàm quod sola Fides justificet, sive impetret gratiam reconciliationis? **R.** Sunt qui sibi tam falsam Fidem fingunt & hætenùs mentiuntur Spiritui S. qui per Scripturam docet aliter.

Tu

Tu ergo à tali Fide averte animum, ne offendatur. Fides vera & sola non justificat hactenus, sed damnat actuale peccatorem, quia objicit menti id, quod creditur Scripturâ, nimirum uti S. Paulus dicit: quod qui talia (peccata mortalia) faciunt, Regnum Dei non possidebunt: & uti Psalmus habet: si justus vix salvatur, injustus ubi manebit? Et juxta Prophetam: quâ horâ justus peccabit, omnis Justitiæ ejus non recordabor amplius, & alia innumera, quibus Peccatori quâ tali præcluditur Via ad gratiam, Justitiam, Regnum Cœlorum. Fides quoque vera indicat verum Reconciliationis medium, quatenus ducit hominem ad dicta Scripturæ, quæ citant Peccatorem immediatè ad poenitentiam, ut: desiste à malo & fac bonum: Tollite malum ab Oculis meis, tunc venite: & ex Evangelio: poenitentiam agite, & Fructus dignos poenitiæ. Hiscè præmissis promissæ gratiæ certiore Fides reddit peccatorem.

Q. Quid est Poenitentia? R. Poenitentia est Virtus, per quam homo à Peccatis liberatur, si vera sit atque discreta. Vera dicitur ad differentiam falsæ aut extortæ. Multoties namque accidit, quod homines aut propter gravitatem peccatorum supra modum, discretionem & Fidem doleant, ut Cain & Judas; aut parum vel propemodum nihil doleant fictâ fiduciâ & Corde impuro, hi omnes ignorant, quæ qualis sit vera Poenitentia. Accidit autem sæpenumero, ut & alii (id est eorum aliqui) qui non obscuram veræ Poenitiæ cognitionem habent, labantur ad tempus in indiscretam poenitudinem, sicut in confusione suâ eos poeniteat Creationis sui & mortem antè tempus invitent &c. Consimili Specie impatientiæ ac diffidentiae offendunt DEUM gravius quam unquam eum offenderunt suis Peccatis: hactenus non perpendunt ad veram Poenitentiam requiri humilitatem internam, tædium & aversionem à Peccatis, firmamque in Deum fiduciam.

Est autem Clementia & Misericordia Domini DEI nostri tam magna tamque profunda, ut nec velit nec possit dedignari veram Peccatoris poenitentiam, tametsi, (si esset possibile) omnium

hominum peccata quotidie millies patrasset. Id quod perspicuum reddit sensibilis animi refectio, solatium, gaudium, & tranquillitas, quales affectiones nullatenus est Vita inculpatâ proveniunt, sed exinde quod peccata, defectus & indignitatem suam, vicissim quoque Domini nostri Clementiam, suavemque sui præsentationem agnoscunt, cujus causam Deus non habet aliam, quam suam Charitatem, cum nullius indigeat probitate. Hoc solum est, propter quid Deus usque adeo dulcis ac suavis est animæ amanti, ut nunquam satiari possit laude ejus. Et quantum est Scripturâ cognoscitur, dantur tepidi homines, qui minorum peccatorum sibi conscii nec proficiunt, nec præ amore inardescunt, sicut quidem hi, qui propter graviorum peccatorum remissionem Deo exhibent gratitudinem & amorem, hætenus quoque Deo longè acceptiores deprehenduntur, uti per exempla probatur, quoniam scriptum est: multa ei remittuntur peccata, quia multum dilexit. Non respicit Deus, qualis antea fuit, sed qualis postea est aut esse vult homo, sic & in multâ remissione Peccatorum consistit magna Dei gloria, ideoque si quis est, qui magnam Dei miserationem, multamque remissionem in dubium revocat, is Dominum suo honore privat. Alias quo homo plus habet poenitudinis, hoc ocyus peccata remittuntur ei. Vera autem sive essentialis contritio est totalis ad Deum conversio, hoc est, externa & interna, insuper & totalis aversio, id est, quâ totus homo avertit se ab omni, cujus causa non est solus Deus. Hanc enim ajunt optimam seu meritoriam contritionis veræ partem esse, si homo fiducialiter se mergit in Bonum optimum, quod Deus est, cum desiderio sempiternæ immanentiae seu amorosæ adhæSIONIS, nec non cum Voluntate sincerâ implendi quantum in se, dominicam Voluntatem. Quicumque essentialem hanc habet contritionem, ei sine dubio remittuntur peccata ad plenum omnia. Noscendum est, quod eo tempore, quo homo se à Peccatis avertit ex toto animo & cunctis Viribus, sibi quoque solum Deum colendum proponit in servitute perpetuâ, fit, ut DEUS respiciat eum, ac si nec unquam peccasset, non solum remittendo

do sed nec unquam vindicando peccata tametsi gravissima forent, & si possibile omnium hominum peccata; siquidem Deus cuncta peccata remittit cunctis fidelibus poenitentibus, tam facile atq; uni homini Peccatum unicum, præprimis eam ob causam, si quæ eatenus displicent hominibus, quatenus D E O sunt abominabilia. Nam amor intensus sub seriâ atq; severâ Poenitentiâ in ipsum Deum dimanans absomit peccata potenter paratâ Conscientiæ requie. Imprimis quàm parva videatur Poenitentia, si purè propter Deum talis sit, acceptior Deo est, quàm Poenitentia quæq; durissima propter seipsum facta. Quidquod exempla Scripturæ cognoscendum tradunt, Deum conversari cum poenitentibus peccatoribus largiendo iisdem participationem secretarum actionum, quâ ulla unquam Creatura fuit beatificata, & si paratum Deus invenerit hominem, non animadvertit in facta ejus præterita, quoniam, quod in Deo non est principium nec finis, judicat de præsentis tanquàm Ens semper præsens, prout invenerit hominem non respiciendo qualem se antecederet gesserit, sed qualem se nunc exhibeat, sicut scriptum est de Peccatore, quod nec Justitiæ nec Injustitiæ ejus antea actæ memoria est apud Deum, à quo vel peccaverit vel resipuerit, id quod etiam parabola de Virginibus Sponsum expectantibus clarum reddit. Idcirco probè notandum est id, quod jam sequitur, nimirum, quod Deus longissimo annorum recessu tolerat qualem cunq; peccati ignominiam ab his, quos prædestinavit ad arduas expeditiones, & hujus tolerantiae finis atq; effectus hic est, ut homo

1. Ad agnitionem Peccati perveniat &
2. Ad veram cognitionem remissionis Peccatorum pariter atq; divinæ Charitatis.
3. Crescat in amore, gratitudine, dignitate & exercitio; quæ ab agnitione peccatorum plerumq; proveniunt.

Indè cognoscimus, cur ævi præsentis ac præteriti peccatores grandiores sæpenumerò fuerint facti intimiores Dei Amici, nimirum quod Deus patienter toleravit Peccata eorum, donec per

gravitatem eorum perducti fuerint ad sinceriores pœnitentiam & dilectionem, cujus exempla manifesta sunt in Apostolis conspicua. Ubi non est Peccatum, ibi non est agnitio misericordiae, dehinc autem quod Peccatum à Deo permittitur, agnoscitur suo tempore multa Dei miseratio, quapropter hortatur Deus ad pœnitentiam seriam & ad profundam humilitatem, quò ei adhæreamus. Notetur hîc utilitas salutifera quæ capitur ab hoste Peccato: nam fieri nequit, quin toties amor erga Deum succensus augeatur, quoties Pœnitentia, per peccatorum recogitationem renovatur.

Q. Dic nunc, in quo consistat vera Pœnitentia & in quo non consistat? R. Non consistit in nudâ peccatorum confessione, (quæ & impudentibus aliàs familiaris est) nec in satisfactione impositi externi cujusdam Operis, tantominus, in falsâ fiduciâ seu fide fictâ; sed per Scripturam & Testimonia Sanctorum evincitur eam consistere 1. in Contritione, contemptu, summoq; tædio sui ipsius. 2. in proposito firmo nunquàm peccandi. 3. in Conversione, firmavè fiduciâ ad amorem & passionem Christi. Hæc Pœnitentia solùm vera est. Proinde convenit pœnitenti, quamprimum observat levissimam transgressionem, ut ut venialem vocant, ut

1. Non per accidens, sed ex omnibus Viribus se suaviter convertat ad Deum

2. A Quolibet Peccato se extemplo avertat

3. Majoris æstimet minimum quemq; cogitatum, per quem adversus gloriam & Voluntatem Dei fuit commotus, quàm omne tormentum infernale taliter promeritum; expensionem quoq; respondeat contritio.

4. Ad Deum se convertat puro amoris actu tùm & proposito de non offendendo Deo. Istæc autem animi ad Deum conversio debet esse immota, quoniam & Deus tam fidelis & constanter amans est, ut neminem possit, velitq; deserere, qui constanter Deo confidit. Cæterùm familiarissima nobis inconstantia indè oritur, quod Pœnitentia nostra fundata est super arenam
fer-

servilis timoris, hoc est, super metum pœnæ infernalis, non autem, uti par erat, super petram amoris filialis, & sic sublatâ fiduciâ tollitur unâ propositum bonum, & pura (constans) conversio. Secus comparatum est cum iis, quibus profanatio divinæ gloriæ plûs causatur doloris ac tædii quàm proprii damni expensio: in his enim pronascitur amor & firma fiducia ergâ Deum, undè de remissione peccatorum certi redduntur, indè autem varii motus animi oriuntur, & alterna Virtutum in Deum transitio, anima quippè sub eo tædio concipit gaudium spirituale, cuius ope elevatur in Deum, qui mentis obligationem abundanti compensat solatio. Ast hoc divinum solatium præcipitat eum in tantò majorem pœnitentiam converso gaudio in tristitiam: hinc fit, ut homo tam pœnitens præ amore provocet Justitiam Dei desideratâ castigatione seu Justitiæ divinæ administratione, hæc quidem omnia sic alternativè sustinet ad majorem Dei gloriam tamdiu, donec peccata remissa sint ei: nam fieri nequit, quin Deus libenter remittat peccata, dummodò ad Deum elevatus homo respiscat puro animo.

Q. Cùm inconstantiam dixeris provenire à servili timore, undè sequitur Constantiam fundari in filiali timore, dic, quæso, quid de timore hoc loco notandum sit? R. Id, quod ubi timor Dei est, ibi emendatio est ac pœnitentiæ fructus & è contrario. Mens Deo serviens ligat sensus, eosq; disciplinæ subjicit, dissoluta verò (libera) eosdem deligat. Si quis ignarus est devotionis, recipiat se ad pœnitentiam, hæc bona multa revelat, quæ levitas animi gaudiumq; mundanum dissipaverat. Meditatio damni humani abigit omnem lætitiâ, cum constet, dolorem animi demulceri hypnotico humanæ incuriæ & Levitatis medio, quâ sine si esset, non posset fieri, quin fufis lachrymis ingemisceret sæpius, qui modo ridet impudentius. Quantum prævaleat qui timet Dominum, præ non timente eum, non observat luxuriosus, cùm certum sit timore Domini permixtum gaudium esse longè perfectius, ac sensibilius mundano, præter id, quod constans illud, hoc transitorium est, alternans, sæpè cum cru-

eruciatur. Annon ergo beatus est ille nuncupandus, qui abjectis mundi deliciis, quæ animum vitiant, excussâve negotiorum secularium sarcinâ potest liberè frui sanctâ pace & requie? R. Nulla, & iterum dico nulla est lætitia, (libertas) verè talis, nisi quæ est cum tutâ Conscientiâ; sed hæc solùm in timore Dei. Non perfunctoriè scriptum est: Initium Sapientiæ timor Domini est. Sive ergo sapientem dicas sive beatum eum, qui Domino servit, idem est, cum & Rex David pronunciaverit Virum beatum, qui timet Dominum: idem enim est beatus sapiens & sapiens beatus. Servus qui timet Dominum, prudenter attendit mandatis ejusdem; pertinax autem nec reveretur Dominum, nec quæ sunt Domini curat. Adhuc majori incuriâ conjicimus hodiè & pertinaciam, neglectum ac perfidiam in solam naturæ pravitatem, cum nobis tantoperè repugnet tam Scriptura quàm experientia. Scriptura quidem quæ dicit, vidisse Deum cuncta quæ creaverat esse bona: & alibi: hominem esse conditum ad Opera bona; hæc etiam infantiam prædicat infontem. Experientia verò totâ die restatur Infantiam, primamq; pueritiam esse ætatem innocentem, dehinc nil aliud injuriæ tunc temporis esse naturæ imputandum, nisi solam pravam inclinationem, quæ utri se habet plerumq; juxta statum genitorum moralem, ita à multis natis abesse potest, in reliquis cunctis corrigi aut aboleri. Ad quid ergo tot Vitia naturæ contracta, errores, defectus &c. non adscribimus consuetudini, quam partim à pravâ educatione (vitosâ vel nullâ disciplinâ) partim è pravis occasionibus, & temporum mutationibus, injuriis aut seductionibus cernimus acquiri, quorum omnium si haberetur ratio, natura esset in plurimis excusanda? sed iterum ad rem.

Q. Quò respicite ea Vocatio, quâ Deus mortales iræ filios revocata mundo perverso ad pœnitentiam? R. Suavis ea DEI vocatio, cui tenemur obsequi, spectat eò, ut amando Deum adhæreamus soli Ei.

Q. Quomodo potest homo mortem præoccupare æternam?

R. Verâ Pœnitentiâ, quæ latius quid est fide solâ: enim verò in eâ

eâ continentur inclusive Fides, Spes, Charitas, imò & Timor; Dolor, Conversio & Expiatio, idcirco è summo ergà peccatores affectu nullis præcedentibus meritis vocat Deus unumquemq; ad poenitentiam, jacto velut per id primo lapide ad Christianismum.

Q. Poenitentia veræ ac realis latitudo quò restringitur? R. Complexum genus Poenitentiaë reducitur ad eam, quæ vocatur totalis hominis conversio ad summum bonum unum, quod Deus est, idq; in supposito aversionis totalis ab omni eo quod Deus non est. Hæc Poenitentia est omnium exactissima, quâ dictâ dicuntur simul omnes inclusæ actionum Species, Fidei pedissequæ: hinc quò quis plus habet aversionis & conversionis, hoc plus habet veræ Poenitentiaë.

Q. Annon haud parva fiducia nascitur exindè, quod Deus sine nostris meritis vocavit nos ad amplectendum ejus Amicitiam? R. Indè & magna fiducia & gratiarum actio solet provenire, dummodò tanta Dei Charitas consideretur seriò, quæ certè maxima est ideò, quod Deus in æternum nos juxtà propositum vocatos decrevit sibi sociatos.

Q. Restatne signum divinæ in homine mortali præsentiaë? R. Certum & manifestum signum præsentiaë Dei hoc est, cum cernimus Adolescentes teros & juvenes naturaliter mundanos dormari in obsequium Fidei, sicut cunctas deferant Creaturas non obstante præfatæ perceptionis carentiâ. Impossibile est, ut Deus secretam suam præsentiam deneget his, qui perseverant in obsequio, utut proroget eis Revelationem sive prægustum Regni sui.

Q. Ne, quæso, citò nimis absolvas discursum de Poenitentia vel ideò quod ea est quasi Schola cunctarum bonarum operationum & in quâ consistit reparatio Boni quod erat destructum per transgressionem mandatorum; uti enim existimo hîc nihil superflui posse tradi; ità tuam obstringo humanitatem, digneris quædam adhuc adjicere, de Remedio, quod infallibiliter succurrit infirmitati ejus, qui peccando amisit gratiam Redemptionis

nis sive Thesaurum meriti Christi? R. Non opus est plura adferre de eo quod jam satis est explicatum remedio, quod ipsum & jam nominasti (pœnitentiam scilicet). Nam paulo ante ostensum est, quod hoc remedium consistit in eo, ut Peccator perpensa gravitate peccatorum abhorreat ab iisdem, contrariisq; actionibus currat ad Deum sic, ut uniatur cum eo: id quidem non absq; singulari conatu fieri potest. Convenit enim, ut sprete Voluptate eligamus solum Deum, tum etiam ut subacta nostra Voluntate solum ac serio nobis præponamus Voluntatem DEI sicut oramus, quo fiat Voluntas Domini in Terrâ prout fit in Cœlo, hoc est, cum omni sanctitate & perfectione; convenit deniq; , ut nomini divino ejusq; amor exhibeamus honorem debitum, quoniam ea est gratitudo nostra Creatori pro tot tantisq; amoris beneficiis exhibenda. In tali statu curat homo sua, non aliena, rerumq; suarum memor taliter transfert amorem Creaturarum in Dei amorem, quo facto rursus Deo conjunctus est & vocatur Vir robustus, cujus animus firmitatem & tranquillitatem suam retinet, cujus anima pura, nitida & in Virtute vivida est. Eodem modo nanciscitur homo radicem consuetudinis, quo in bono persistit perseveranter tanquam tota suâ naturâ immutatus, ut Virtus ac Opus bonum jam non sit amplius è proposito & studio, sed ex ipsâ inclinatione. Tunc dici potest, quod Observantia mandatorum dominicorum est possibilis & facilis; sed ad hanc metam non itur nisi per Viam aversionis & conversionis. Per Peccatum enim causatur pœna, per hanc datur eruditio & experientia, quoniam quem Deus amat, eum castigat, sicut scriptum est: Bonum est, quod castigasti me Domine. Eruditio autem dat agnitionem, ex agnitione oritur Dolor & contritio, è contritione promicat Fides in remissionem, contritionem sequitur divina commiseratio, sub commiseratione infunditur nova gratia, unde Peccatorum remissio & reconciliatio.

Est autem Conscientiæ à Peccato læsæ Dolor vel in naturâ radicans vel per Fidem causatus: qui ex naturâ est, non valet hoc

quod sibi hic prospicit de mediis tùm ignem hunc alentibus, tùm flatum cohibentibus, mirum hinc, quàm longius hic ignis sustentetur in illis. Lucidus hic animus amat Deum ipsum, & per consequens cunctas ejus virtutes & actiones, amat non tantùm Providentiam, Bonitatem, Clementiam & Misericordiam Dei, verùm etiam Sanctitatem, Justitiam, Puritatem, Claritatem, imò omnes ejus ordinationes, Statuta, Præcepta, Consilia & Judicia diligit, damnatis omnibus, quæ contrà Dei Sanctitatem & Justitiam perpetrantur. Quid ergò si pœnitens Peccata sua putida considerat, quibus nomen Dei polluit, imò quibus meritum Christi conculcavit? Annon de iis dolebit maximo Cordis gemitu & nonnunquàm profusione lachrymarum? Imò quod ipse judicat hanc sumam ingratitudinem turpemvè injuriam esse omni genere pœnarum plectendam, non tam deplorat suum damnum, quàm Deum offensum. Pudet ergò ac pœnitet eum, quod tantâ stoliditate se à summo bono averterit, atquè turpe peccati servitium se dederit: in hâc animi Contritione occurrit Fides, & offert meritum Christi ac peccatorum remissionem, quod dum penitius considerat animus, non potest fieri, quin suscitetur in eo fiducia in remissionem peccatorum cum gaudio & solatio amoris ignem sufflante. Hæc est vera Pœnitentia, quæ usq; adeò fugam peccati proponit, ut totus homo invertatur & convertatur ad Deum. Quò gravior ergò ista Contritio animi, hoc propior Peccati remissio, quoniam inter Dei Clementiam & Peccatoris Pœnitentiam nec medium nec tempus interpositum est, imò si animus dolens sincerus est, sincera quoq; est remissio, plenaria reconciliatio.

Habet autem vera Pœnitentia suos gradus magnitudinis tam pro ratione amoris quàm pro ratione Commissorum, quorum emensio competit soli Deo, qui multum peccantibus multa remittit & miseretur eorum, qui justâ mensurâ pœnitere nesciunt, quamvis velint. Huc pertinent variae externæ actiones, quæ in Ecclesia passim exercentur, quarum non nullæ sunt necessariae, quædam liberae & ab imaginatione limitatæ. Quicunq; de-
rident

rident eas, sunt plerumq; sinceritatis incapaces, ambitiosi, qui se perfectos judicant, alios verò imperfectos, hætenus manent in lapsu dæmoniaco (superbiâ & philavtiâ) quamdiu ad veram Pœnitentiam ac debitam submissionem non perveniunt. Habet ergò vera Pœnitentia suos quoq; fructus, qui in quibusdam maturescunt, in nonnullis arescunt, aut in flore suis à causis suffocantur. Fructus autem non nisi è flore prodeunt: si flos emanaverit, quis fructum speret? Flos autem hoc loco est Actus quidam resultans è verâ Pœnitentiâ. Nam pœnitens homo postquam considerat Deum non tantum peccata clementer remississe ei, sed etiam superabundanti solatii gratiâ perfudisse eum, non potest fieri, quin subitaneus pœnitundinis tanquam flammæ magnâ vi erumpentis motus adoriatur eum, quasi non satis doluerit de Peccatis: perpensâ sub hoc Actu Justitiâ Dei exoptat Satisfactionem, hanc mox persentit haberi è merito Christi, nil ergò restare sibi constat Satisfactionis præ meri defectus culpâ, de hoc ergò dolet, hujus eum tædet ac pœnitet, quò fit, ut non tantum peccati remissionem flagitet, sed etiam Dei Justitiâ imploret ad pœnam ei infligendam tam propter amorem Justitiæ quam propter laudem & glorificationem Dei. Nam in hoc voto consistit expansio magnitudinis Peccati conferendo eam magnitudini Clementiæ divinæ, hæc facit, ut homo feratur in summum Satisfactionis desiderium: hic est suavis ille Odor incensi seu floris fragrantis, quo Deum placari dicitur quoad humanam Potentiam, hinc dicitur: hinc ure, hinc seca. Et cum per Fidem constet, imperscrutabilem esse Dei tam Justitiâ quam Misericordiam, sicut id ipsum testatur necessitas incarnationis, Passionis & meriti Christi, hinc opus est utramq; simul profundius considerari, amari & cohonestari: hoc dum exercitatus homo observat, fit ut amore Justitiæ petat etiam quandam pro Peccato pœnam meritoria Christi Satisfactioni nil derogando. Sic quisquis est, qui tam amanter & prudenter dolet, ei testatur Conscientia cum pœnâ illic remissa esse peccata. Idcirco ut S. Ecclesia populum Christianum velut manu duceret

ad tam profundam ac sinceram agnitionem, instituit humanas quasdam satisfactiones, quæ tametsi non ab omnibus æqualiter & æquiter capiantur, sunt tamen eo Fidei Zelo institutæ, ut paret Domino plebem perfectam, aptam ad omnia pietatis exercitia, quæ in eo radicetur observantia mandatorum Domini. In eo namq; , quod homo suâ sponte se pænæ subiectum tradit divinæ Iustitiæ, consistit plus mortificationis Carnis & per consequens plus divini Solatii, imò quò plus peccati, hoc plus obligationis & boni propositi, per id autem nil additur nil demitur merito Christi. Hic est Flos benedictus, cujus folia postquam deciderint, relinqvunt pedicillum, sustentaculum fructûs, id est firmam & immanentem fiduciam in gratiam DEI & meritum Christi cum firmo proposito bono Conversionis ad DEUM & Averfionis ab omni eo quod contrà Deum est. In hoc pedicillo firmatur, crescit & maturefcit fructus, id est, obedientia, quæ totus homo jam Deo dedicatus nritur exequi Voluntatem & mandata Domini sub gratitudine proposita. In nucleo fructûs recondita est Virtus seminalis & Conservativa, Opera scilicet externa, confessio, jejunium, vigiliæ, Eleemosynæ, orationes &c. quæ si procedunt è sincerâ ad Deum conversione, deprehenduntur tantò gratiora Deo. Ast Opera quæ absq; prædictâ conversione perficiuntur, sunt hypocritica, mercedis nil habentia, quatenus proveniunt è Cordis impuritate & ambitione, quam sequitur jactantia & æstimatio eorum, ipsa est fundamentum Operum, simul & damnationis eorum. Procedunt sic Opera meritoria è Corde puro ad Deum converso, quatenus obediens homo nititur mandatis Dei obsequi, suæq; Conservationis occasionem quærere, dum interim perpendit quàm parum id sit quod fecit, tametsi omnia fecisset, quàm multum adhuc ei desit, cui obligatur; hætenus observat sedulo, qualia Opera magis serviant in occasionem Pœnitentiæ ac pietatis, adeoq; præ aliis studet ea exequi, quorum sub actione sentit majorem tranquillitatem. Sunt namq; hæc velut semina, è quibus semper germinat nova Pœnitentia, & Seminatio hæc est super Spiritum :
quò

quò plus sementi, hoc plus proventuum, hinc successiva cultura & ædificatio interioris hominis. Datur ergò prædicta poenitentia unà cum his quæ adhærent ei, qualiscunq; autem est, quæ talis non est, non valida Pœnitentia est; & cum in cunctis fidelibus vera Pœnitentia supponatur semel possibilis, necessum est concedi eam semper possibilem esse, siquidem quod ad longius temporis intervallum absq; solutione integri fuit possibile, dat rationem ut longius perduret adhuc, atq; sic protendatur ad tempora usq; longissima.

Quantum ad eos, qui satis pro Peccatis dolere cupiunt, hi scandunt per gradus Contritionis, eoq; mox in infernum deturbantur, mox in Cœlorum Regnum saliant alterno saltu & lapsu insensiles redditæ, à Creaturis liberi rapiuntur ac ducuntur per manum alienam sine ullo propriarum virum adminiculo, idq; sequenti ferè modo. Homo qui suam expendit malitiam repperit se qualicunq; solatio indignum, imò si Conditoris sui gloriam & amorem considerat, deprehendit se de jure damnatum. Nec hoc solum; quin etiam si cunctæ Creaturæ affligerent eum omni tormentorum genere, hanc tamen afflictionem insufficientem valdè, gehennam & si quid pejus esset suo merito sibi adjudicandum censeret. Impatienter ergò ferens malitiam suam non optat sibi adventuram redemptionem aut solatium à Deo vel Creaturis, nec hætenus dolet de suâ damnatione velut super justâ atq; promeritâ pœnâ. Ejus tantum pœnitet eum, quod tam iniquè, subdolè, ac impiè prævaricatus est, & ab hoc dolore cruciatur valdè, quoniam hæc est adversa Deo injustitia. Eum contritionis modum vocat quidam veram Pœnitentiam, & gehennam temporalem, ubi non datur solatium, & dicit, quod taliter contritus Peccator eripiat e gehennâ & transponatur temporaliter in Regnum Cœlorum, ubi gustus Vitæ æternæ. Hoc ita se habere fatentur veri pœnitentes, ast mirum est, quàm sine omni medio labatur homo in hanc gehennam, subitoq; rursus trahatur ad suprema Cœlorum, ubi confertur gaudium & solatium incomparabile: id undè veniat & quò

quò vadat non potest homo unquam comprehendere, nec quando vult obtinere. Sive autem in inferno sit sive in Cœlo temporaliter, quatenus tunc solus & Creaturarum expers est, nusquam tamen se tutiorem deprehendit nisi in alterutro eorum, quoniam si neutro afficitur, circumvagatur cum Creaturis (cogitationibus). Hoc autem à Deo provenire quis dubitet? nam David dicit: detrudis in infernum & iterum educis: quem autem Deus eripit, hunc ad se trahit, & quisquis trahitur, appetit Bonum ipsum quod trahit, quoniam agnoscit & sentit id esse pacem, gaudium, quietem & felicitatem; dum autem id ipsum facit, acquirit ipsum Bonum, pacem, gaudium, & quicquid eidem inest deliciarum. Sic est homo in Regno Cœlorum, quod potest temporaliter perdere & recuperare, attamen nullibi certius, nisi cum est in temporalis inferno. Pax denique præfata non est Pax falsa (mundi) sicut Christus, loquitur: Sed est Pax Dei Joh. 14. in animo percepta, quæ superat omnem intellectum, hæc potest persistere cum tentatione, calamitate, miseria & ignominia, utpote quas (afflictiones) perumpit, perfert & superat, quasi non adessent, Pax quoque ea infert unam patientiam & hilaritatem, quod ipsum exempla testantur Sanctorum. Hanc Pacem, quæ Deus ipse est, non habet, nisi qui Deo adunatus est, non adunatur Deo, nisi qui illuminatus est, nemo autem illuminatur, nisi qui per Pœnitentiam purgatus est. Tres istas Vias pervadat homo beatus necessum est.

Q. Antequam hoc Caput claudatur, ne averteris, amabo, adhuc unicam quæstionem, quæ mihi hîc restat solvere. Notum est, post absolutionem & usum Sacramentorum sæpenumero remanere pœnam & torturam, haud infrequenter etiam est observatum, quàm graviter Deus peccata antea acta post absolutionem vindicaverit. Cum autem dictum sit & doceatur, Deum condonare quoque peccata plenariè sublatâ simul pœnâ, quæritur meritò, cur pœna præfato modo subsequatur? R. Causa propter quam pœna subsequitur est manifesta, dehinc & quæstio facilis solutionis. Ideò autem reservatur pœna, quod pœnitentis

tentisaversio à Peccatis, tùm & conversio ac dilectio Dei non est facta ex toto Corde, ex totâ Animâ, ex totâ Mente, cunctisq; Viribusjuxta præceptum Dei, cùm alioquin si modo præscripto peragitur Pœnitentia, nequeat fieri, qvintotum qvòd debemus, persolvimus velut oblato pretio gemmæ, ne dicam qvòd plus qvàm volumus, impendio impetramus. Nam si nos Deus dilexit, missòq; Filio suo donavit nobis summum bonum, cùm adhuc essemus inimici ejus, quantò magis amabit nos donisq; juvabit & auxilio, si ei obedimus? Proindè non est deprehenfâ efficacior ulla Actio pœnam Peccati tollendi qvàm istiusmodi vera Pœnitentia.

Q. Nullumné datur medium seu Via propinquior ad hancce Pœnitentiam perveniendi, præter spinosam hanc Viam, qvàm omnes hætenus penè aversantur? R. Datur omninò medium, qvo Viam hanc asperam tibi visam pertranseat aliquis, qvòd ipsum consistit in hoc, ut passionem Domini nostri, amaram ejus torturam ac mortem, imò & sanctissimam amoris ac sinceritatis plenam Vitam probè consideret, in se rapiat, in se transformet, præprimis autem tantum amorem ac Personæ magnitudinem, qvæ nostri Causâ hæc omnia fecit & sustinuit, perpendat: hoc ipsum si taliter continuò exerceat perveniet ad veram Pœnitentiam, suiq; ipsius contemtum, si vel tantillum gratitudinis in pectore ejus gliscat. Ad hanc actionem requiritur Voluntas & studium, ut homo tùm firmiter sibi proponat hoc exercitium in actione & passione suâ, tùm etiam incessanter pergat in exercitio, sicenim facîle ad habitum perveniet & tam activo qvàm passivo modo in eodem permanebit. Nam per hoc medium pertingit tandem ad pœnitentiam qvàm optimam, quæ in sublimi animo cunctas Creaturas transcendente, nudam vè unitatem & adhæSIONem Dei appetenteq; invenitur, hæc rara admodum est & paucis data.

CAP. VIII.

De jejunio & vigiliis.

Q Num bona Opera sint necessaria ad justificationem ē
 præcedenti Capite perspicere licuit, siquidem ostē-
 sum, quod lapsus per Peccatum homo non nisi per O-
 pus pœnitentiæ acquirat gratiam justificationis, quæ
 consistit in remissione peccatorum, hanc autem promoveat
 quoddam Satisfactionis desiderium, nunc itaq; est ostendendum,
 quid alia Opera bona præstent, quæ vel Pœnitentiæ junguntur,
 vel intrā ejusdem terminos exercitium hominis in Dei gratiam
 recepti describunt, cujus respectu fit, ut homo non solum in Dei
 gratiā conservetur, verum etiam ad altiores Virtutes pertendat
 implendo dictum illud Scripturæ: qui justus est justificetur ad-
 huc. Taliter enim futurum est, ut homo exercitatus acquirat
 dona S. Spiritus, octo beatitudines, iisq; mediantibus trahatur ad
 adunationem Dei. Hoc loco incidit mihi externum quoddam ex-
 ercitiū, quod nominasti jejunium, id qualiter sit instituendum,
 ne modum debitum excedat, nunc à te explicandum requiro? R.
 Cum recto ac vero jejunio sequenti modo comparatum est:
 tenentur Christiani orthodoxi qui possunt jejunare sine destru-
 ctione Corporis, jejunare eum in finem, ut suas indomitas Cu-
 piditates ceu fræno contineant, estq; necessum ut hoc jejunium
 fiat incoactè (animo libero). Ut autem Vitam suam quis bene
 ordinet, opus est, ut modum aliquem se nutriendi teneat, talem
 scilicet qualem cuncti benevoli homines observant, qui gulæ il-
 lecebras in victu non quærent, concessum autem, imò par est
 prandere sufficienter sumto bono Cibo juxta naturæ requisitū;
 in Cœnâ verò modicum edere ac bibere inservit satis commo-
 dè tam Corpori quàm Spiritui. Comedere nimium est Vitium,
 edere quàm minimum est æq; defectus, servare inter utrumq;
 medium, bonum est, nimirum edere, ut edit homo tenuis, pau-
 per & miser.

Ve-

Verum in hac materiâ est multis Curæ Cordiq; studium Contradictionis, id inde apparet, quod aliqui præcipiunt jejunium & Corporis Castigationem cum severitate excessivâ, alii verò propugnant plenam nutritionem rejectâ Ciborum selectione & abstinentiâ, quæ etiam utraq; pars defendit suam sententiam adminiculo sacri Testimonii: ast omnes hi ignorant, quàm gladio literæ seipsos jugulent. Ecquid ergò est eorum pugna nisi inanis contentio, cum & jejunium sit commendatum in sacris literis, & simul etiam necessaria sustentatio Corporis? Quantum illis ad immoderatam Corporis torturam defendendam prodest scriptura, quæ Carnificinam exauthorat, tantum quoq; prodest his qui Corporis tumentur Saginationem, subjungit namq; provida Scriptura cautelam pascendi Corpus sic ne luxus & lascivia se habeant alternatim. Morosis ergò hîc dictum sit, jejunium esse rem utilem & boni exempli, eoq; præponi refectio; ad quid enim refectio, si nihil Substantiæ decesserit Corpori per jejunium, quod reficiendo sit restaurandum? Noscant etiam jejunii causam esse magni ponderis, cum in confesso sit, Corpus cum plenum est nullo modo posse subjugari (in ditionem Spiritûs reduci) indeq; sequatur, id posse fieri per exinamionem & subtractionem virium mediante jejunio & abstinentiâ Ciborum copiosi succi & laudabilis alimenti. Si quis ergò Scripturam vult sequi & intelligere, tenetur etiam ejusdem consonantiæ attendere, nec tam præsumtuosè dicta apparenter contraria al iis objectare. Hoc loco commendatur jejunium à Deo quod & hætenus ab Ecclesiâ observatur, imò nec inconveniens est rationi, cum sit notorium, non posse quempiam ad christianam, ne dicam ad spiritualem Vitam pervenire antequàm inceperit naturæ suæ subtrahere qualem cunq; superfluitatem: hinc opus est, ut Corpori nil Voluptatis admittatur, præterquam quod ad solam summamq; ejusdem necessitatem requiritur. Quod autem ipsa necessaria sustentatio ad Deum debet promovere hominem, id sanè absq; exactâ temperantiâ, aut sine intermixto jejunio fieri nequit. Notent autem sibi tum Bachi tum Epicuri disci.

discipuli, summam hanc temperantiam simul & interpolatum jejunium fuisse in summâ observatione ipsis primis Doctoribus, S. Paulo & Timotheo &c. qui necessariam Corporis sustentationem suaserunt; inquirant, etiam in Causam hujus permissionis, & deprehendent, eos per necessariam sustentationem intellexisse refectionem Corporis per jejunium & abstinenciam emaciati, cujus exemplar in Timotheo conspicuum, testimoniũ verò in Pauli suasu expressum est: ast isthæc doctrina longissimè distat à patrociniò delicatiorum Comessatorum. Enimverò cum nemo possit divinam degustare suavitatem, priusquàm appetitum naturalis satietatis linguæq; Voluptatem penitus exstirpârît, quoniam ausu obauditores Verbi divini tam præsumtuosè allegant Verbum Dei ad defendendam tam detrimentosam gulositatem, cum S. Paulus ipse scripserit, in Peccatis morituros eos esse, qui juxta Carnem vivunt? Prudentes intelligunt dicta paulina de pastu indifferenti (necessariâ sustentatione) spectare vel temperantiam sobrietatis, vel refectionem debilitati Corporis. Uti enim saluti nocet, si quis emaciatum suum Corpus fame necaret; ita valdoperè conducit, si quis infirmum & marcidum corpusculum reficiat cunctis iis mediis, quæ aliquatenus possunt deperditas vel labefactas restaurare Vires. Et sicut Sobrietas (temperantia) nullâ lege vel potest vel debet vinciri, ita excessus curandus est alternâ medicinâ, hoc est, jejunio & refectione, putâ repletio exinanitione & vicissim: sic namq; fiunt omnia decenter & juxta ordinem, quem alioquin contentiosi omni conatu subvertere audent. His autem satius esset, cum alios errantes vident abstinere quidem à Carnis luxu, non item à mero, si horum damno cautiores redditî tùm Carnis tùm Vini luxum abjicerent; ast tantò pejus gerunt se, cum absq; Ciborum discrimine tùm Carnibus tùm mero ventrem replent in manifestam Spiritûs perniciem; sed & hanc nôsse nolunt, quatenus & Sacra literâ mediante eam potius occultare satagunt.

Quod restat, dico, medium tenendum esse semper, cum etiam è Virtute soleat nasci Vitium Diabolo excessum persuadente. v.g. Jeju-

Jejunando & vigilando &c. exhibetur virtutis Opus, verum si quid eorum sine ordine peregerit aliquis, excedendo modum debitum, jam vitiosus factus & à Diabolo seductus est; nam non Virtuti ipsi est obsequutus, sed Speciei virtuali Vitium occultum convehenti, quâ remotâ Virtutis in Vitium mutatio per imposturam Diaboli effecta cernitur. Plura si quis desiderat, inveniet ea abundanter in aliis libris de hac materiâ tractantibus.

Q. Cum vigilantiam jejunio hîc adjungis, asserendo hoc ipsum Virtutis opus posse per excessum mutari in Vitium, requirit Operis ordo, ut hîc me doceas quid fructuosi obtineatur ab exercitio vigiliarum in respectu ad gratiæ divinæ vel acquisitionem vel conservationem. Sunt enim vigiliæ tantopere à Christo suasæ, ut hætenus sint à S. orthodoxâ Ecclesiâ institutæ, quemadmodum & jejunia: Cum autem omne consilium Christi, (quâ singulare quid & necessarium includit) sit magnificandum, dic, quæso, quid inde Utilitatis vel necessitatis tibi videtur promanare? R. Non sine causâ tam serio nos Dominus hortatur ad Vigilantiam, sed ideò, quia malignus Spiritus omnem suam calliditatem (dexteritatem) eò impendit, quò nos disperdat in æternū, dehinc continuo observans fore ut vel horam vel unicum momentum inveniat, quo nullam diligentiam impendamus devotioni, sed oblivione capti neglectavè custodiâ unam tantum fenestram sensuum relinquamus apertam; hoc viso subito irruit ablatum nobis omne bonum. Oportet ergo nos custodire fenestras vigilando, ne quâ suffodiat Domum instar furis, & ea Vigilantia est semper continuanda, cunctisq; Viribus ac recollecto animo instituenda. Quamprimùm enim homini incidit quædam animi elatio, temeritas, præsumptio aut pertinacia, actutum adest hostis, resectum ei totum Canistrum omnium bonorum Operum ejus. O quàm miranda post hanc Vitam conspiciuntur in his, qui propter virtutis Speciem insigne sibi nomen comparârunt, cum omnis eorum complacentia è toto videbitur præcisa sic, ut pro gratiâ sibi acceptum ferrent, dummodò inter indoctos, inexercitados & rusticanos sta-

tuerentur; Contrà verò miseri (simplices) quidam homines, quorum hîc nulla æstimatio est, ob humilitatem ac oppressi-
 nem eorum erunt evecti suprâ illos tam sublimiter, ut hi vix pos-
 sint eò suspicere, quò sunt transpositi isti. Vigilandum est ani-
 mo exuscitato, apertisq; Oculis aspicienda est nuda Veritas tam
 cum quàm sine discrimine, in cogitationibus, in Verbis & Ope-
 ribus, in virtuosis factis, in passione cum exactâ suiipsius obser-
 vantia. Nam nemo pernoſcit in quantas angustias redactus sit
 ob naturalem infirmitatem suosq; detestandos defectûs, quin
 etiam ob inæstimabile bonum, cuius incessanter à Deo particeps
 fieri posset, quoniam clarissimi Dei Oculi tam penetrativo aspe-
 ctu nos aspiciunt ac perspiciunt in fundo nostro, ut homo eis
 ex adverso obstet existens totus turbidus ac luridus in fundo suo
 atq; sic obscurans divinam faciem, quæ aliàs verè obscura non
 est. Annon nos ejus pudeat maximoperè? Annon & judicabi-
 tur severè, sicut scriptum est: Si justus vix conservatur injustus
 ubi manebit? Augustinus ait: Væ omni Justitiæ, si Deus eam
 non juxtâ suam misericordiam judicaverit: Hinc si quis nôſset,
 in quanto versantur periculo, quibus aliud quid præter Deum
 sapit, non esset Sensus in eo qui posset perferre.

1 Pet. 4.

Luc. 12.

Q Cùm autem non tantùm Vigilantiâ opus sit ad custodiam,
 ne hostis spoliet hominem suo Bono, sed etiam alia quædam re-
 quirantur ad æquum necessaria, quæ S. conjungit Evangelium,
 quia scriptum est: Sint Lumbi vestri præcincti & lucernæ ar-
 dentes in manibus vestris & vos similes hominibus expectan-
 tibus Dominum suum quandò revertatur à nuptiis: hac ratione
 non tibi displiceat hîc simul explicare tria hæc, quæ Vigilantiæ
 annexa sunt? R. Libenter id faciam quamvis citrà materiæ hu-
 jus exigentiam. Notato ergò quod Lumbi debeant esse cin-
 cti tanquàm fune vincti, quò citrà suam Voluntatem quis possit
 trahi ac duci velut equus fræno rectus aut sursum tractus cùm
 cadere vult. Sunt enim Lumbi hoc loco Voluptas & sen-
 suum deliciæ, quæ sunt frændæ (colligandæ) ne quâ Liber-
 tas prevaleat unquam. Per alterum, quod scilicet in mani-
 bus

bus tenenda sunt Luminaria, intelligitur hîc jucunda activitas ardentis Charitatis intrinsecus & extrinsecus, quæ quantum pote, nunquàm è manibus est dimittenda, maximè inter invicem pro virili in omni devotione. Tertium deniq; est, quod expectandum est donec veniat Dominus. Beati servi, qui à Domino inveniuntur vigilantes, cum veniat à nuptiis, constituet eos super omnia sua Bona & accinctus serviet iis.

Q. Dic, ubi sunt Nuptiæ, undè venit Dominus? R. Sunt in profundissimo animæ, in fundo scilicet ejus, ubi hospitatur Imago Dei, quod est perindè ac si quis diceret, sunt in mente. Qualem propinquitatem (cognitionem) tunc mens cum Deo habeat, Deusq; vicissim cum mente, quale etiam gaudium & complacentiam, deniq; quàm admirabile sit Opus hoc, (etiamsi interea homo nec quicquàm ejus noscit aut percipit) non potest ullus comprehendere intellectus.

Q. Quales, amabo, sunt homines, cum quibus Deus tantopere ex hilaratus facit præmentionatas nuptias? R. Sunt tales, qui Cor suum ac favorem conversum ad Deum & vicissim à mundo & Creaturis aversum habent cum perpetuo proposito Deo soli vivendi: at qualescunq; sunt, qui suam commoditatem (sufficienciam) capiunt in quibusdam rebus sive vivis sive non vivis, idq; scienter volenter, cum illis non habet Deus commercium. Expectantes autem illos homines visitat hostis statim atq; advertit, quod Dominus diutius tardando moram trahit inferendo iisdem aliquam delectationem, seu intus seu foris, eo fine, ut acquiescendo in eâ postponantur. De hoc nil est tenendum, sed subsistendum in speculâ. Beati sunt Servi qui expectant, quoniam nesciunt quando venturus est Dominus, num in primâ, secundâ, an tertiâ Vigiliâ: tunc serviet illis, hoc est, propinabit vel sentiendum dabit iis præ gustum secretarum nuptiarum, quò confortentur, ne quâ iisdem tædium pariat diuturna expectatio. Gustandum præbet sui amoris dulcedinem ideò, ut Charitas eorum dehinc fortificetur. Gregorius ait: postquàm internus homo expectando expectavit, procul ire debet cuncta fugiendo & manendo in solitudine. Q.

Q. Quid sibi vult ea solitudo? **R.** Est, quod homo non solum extrinsecus deseruit varietatem externorum sensuum, sed etiam intrinsecus Varietatem internarum potentiarum, quæ sunt imaginificæ (in suis Ideis & fictionibus) & Cogitationes, à quibus si se abstraxerit, (quod fit, cum in hanc solitudinem se confert sustinendum hanc passionem) futurum est, ut Dominus quem expectavit, veniat in momento conductum eum super omnia in quandam momentaneam abstractionem (quæ coruscationi similis videtur) atque exhilaratum super longam expectationem ejus. Postquam autem hoc factum est, prosternit Deus iterum ac suppressit eum, ne quæ se in suam istam perceptionem extollat: hinc dicit Jeremias: *A facie manus tuæ solus sedebam, quoniam comminatione replesti me.* Nam cum eo pervenerit homo, quod Deus se manifestet ei, impletur percutiente terrore manuum ejus, quemadmodum percutitur aliquis utramque manu.

Jerem.
c. 15.

Q. Quid sentis de percussione duplicata, nimirum utriusque manus? **R.** Una manus, quæ Deus percutit hominem, est obscuritas intus obviam veniens, & profunda anxia Via, sic ut nil noscat, nil habeat præter id quod ei occurrit, omne adversum, peccatum & tentatio, superbia, impuritas, apostasia & plura alia, quæ omnia putat homo longo dehinc temporis intervallo devicta & excussa esse cum immunitate, id quod ei magnum terrorem incutit, adeoque hæc est percussio vehemens, per quam prosternitur. Altera manus, quæ Deus percutit hominem, est, cum Deus præponit ei horrendum suum Judicium, cujus sub sensu aut cognitione non potest se homo transferre (collocare) aliò quam in profundissimam abyssum inferni. Mirum in modum premunt ambæ istæ manus hominem, attamen per qualemcunque percussione intendit Deus extirpare malignum delictumque superbiæ fundum. Quicumque his manibus applicantur, in iis exstinguitur omnis Voluptas magis quam cunctis aliis exercitiis mediantibus.

Q. Quid tali homini futurum censes, qui cum Prophetâ in eâ solitudine existendo sedatam sentit qualemcunque procellam, cogita-

cogitationes, Ideas, Species? R. Futurum tunc est, ut Deus cum suis Angelis adveniat illatum ei subito charitatem operativam, unde res statim incidit ei in memoriam, quam comprecari debebat. Tunc facit Dominus, ac si diceret: Non opus est monitione, scio quid desideras: hoc ipso perficit id, quod homo desiderat. Advenit autem & hostis advertendum, num quid de suo reperiat ibi, hinc impellit ac objicit ei plausibiles cogitationes ad obtutum. Id autem non est curandum sed prætereundum, quod si nec amat nec intendit eas, cogitur Hostis abire illusum à nihilo, homo verò mirè per hunc impulsu præparatur.

Q. Cùm inveniantur homines falsæ vacuitati (Libertati) dediti, qui omne externum exercitium rejiciunt, simul ac à bonis cogitationibus sibi intus cavent dicendo, ad veram Pacem se pervenisse superatis viribus, dic quid de hisdem tibi videtur? R. Tales homines semper associato quopiam Diabolo stipati sunt, qui expellit id omne, quod eos foris & intus potest reddere inquietos (operantes) sive in cogitationibus sive aliis modis: taliter custodit in illis falsam Pacem, ut subsequenter eos abducat secum in inquam æternam (infernum).

Q. Dic qualiter è contrario se occupant justi homines, qui falsum eum modum non habent? R. Hi multifariam exercent se foris & intus sustinendo in cunctis Viis, per quas Dominus ducit eos, in tentatione, in obscuritate, nullatenus autem affectando, quasi ad Pacem pervenissent, tametsi non habeant inquam. Enimverò hi vadunt per semitam angustam inter requiem & inquam, inter spem & metum, inter securitatem & formidinem. Quin etiam si illuceat iis vera Pax, sicut & libertas Spiritûs, quod est securitatis, nihilominus id subito conjiciunt in fundum sinè ullâ adhæsione. Idcirco qui volunt angustam hanc permeare Viam, iis antè omnia allaborandum est, ut firmiter insistant Vestigiis Vitæ Domini nostri Jesu Christi, quoniam quò firmitus insistant, hoc puriores redduntur: quin & percutientes manus Dei remittunt mutata in benignas, quibus Dominus amanter eos amplexatur ac ducit in sublime super omnia,

omnia, tunc excidunt homini res naturales cunctæ sub tædio omnium, quæ Deus ipse non sunt. Cum eousq; perventum est, concedit Dominus pernoscendum tenebrosas angustas Vias, per quas contenderunt, quod autem & noscendum datur, quatenus nemo iisdem nocere possit, exhilarantur, & simul super omni passione perpessâ.

Hæc tibi in Veritate dicta sunt contra Spiritûs, qui gloriantur in falsâ libertate, & qui cum falsâ vacuitate falsam affectant Pacem, imò & contra eos, qui suis propriis modis ac institutis insistant cum complacentiâ vel 40. plus minus annis habentes in gentem Virtutis speciem, quoniam hi omnes nolunt perambulare Viam angustam. In numerosâ Congregatione vix unus vel alter est, qui cupit eam decurrere Viam, & si fortè unus vel duo sunt, hi præparantur à reliquis, dum ab iisdem laceffuntur, exercentur, imò levi de Causâ asperrimis Verbis excipiuntur, nam omnia hæc perferunt patienter. Sed si quâ dura his extorqueatur responsio, oportet eos confestim ad se redire, agnitive defectûs pœnitere. Sileant, sustineant, à Deo suscipiant, quod se hinc noscere discant. Nam si quâ magnam Patientiam habuissent, potuisset eorum animus extolli hætenus: propterea humiliando se progrediantur, cum omnia qveant præparare eos sive Curva sint sive recta, quoad omnia ad bonum vergunt, dummodò benè observando studium & operam impendant. Qui Dominum sic vigilando apertis oculis expectat, ei serviet Dominus participando plenum gaudium.

Q. Vigiliæ solvit quies, hanc autumo considerandam hoc loco esse, postquam de exercitio Vigilantiæ, de fructu & necessitate ejusdem erudiveris me. Dic ergò quid de quiete notandum sit in Sensu communi? R. Neglecta quies æq; malè ordinat Vitam atq; victus immoderatus, immodicus Somnus sensus torpidus, Vigilæ nimie inquietum reddunt Corpus & ad excessum distemperant Spiritum, hinc phantasia depravatur & sic porro rationis lumen obscuratur. Convenit ergò quieti dare Corpus opportuno tempore, ut post mediam noctem alacrior sit Spi-

Spiritus ad Deum se convertendi. Esto autem, quod Somnus cuiquam tardius accidat, nil refert, dummodò serotino tempore cum nequit dormire, animum suum ad id negotium applicet, quod sibi post mediam noctem curandum proposuerat: manè autem citò surgendo seipsū excitet ad fervorem cogitationibus & Verbis amorosis ergà Salvatorem v. g. de Passione, Vulneribus, Charitate ejus, seu qvalicunq; alio incidente, quo homo seipsum potest excitare eo fine, ut captivatā omni sensualitate, animus cum naturā discat supponere se omni adversitati vel à Deo adventanti vel ab hominibus causatæ. Oportet namq; totam hominis Vitam semper derivare in mortem, per quod futurum est, ut etiam ipsa natura renascatur in Deo: quapropter necessum est, ut homo se invertat antè omnia diligenter observando internum suum fundum, defectūs scilicet pervolvendo seq; ipsum judicando.

Q. Cum mentionem hīc feceris mediorum, quibus homo seipsum potest excitare, digneris, quæso, adjicere aliquid, quod circā sui excitationem notandum obvenit? **R.** Quoad Gratia Dei libenter in nobis operatur, dummodò locus ei concedatur, hinc opus est scire, quid sit faciendum, ne fores Cordium nostrorum obturemus, nevē introvolentem divinam gratiam moremur. Ad excitationem ergò nostram quod spectat, convenit,

1. Extollere sensus & Vires nostras omnes sub cunctis Operibus, Casibus & Passionibus, idq; sic faciendum in expectatione & indefinēti amore. Sic namq; impellimur à Deo ad abnegandum nos ipsos pariter & cuncta mundana.

2. Cavere, ne desiderium nostrum impediatur per Socordiam, duritiem, aut per qvalem cunq; tentationem, quominus perducamur ad Bonum optimum. Promptus enim est Dominus clementissimus sua dona conferendi largiter ac varimodè testimonio Scripturæ Psal. 68, qui qvotidiè nobis confert dona, quasi dicat, qui donis suis nos onerat.

3. Innovare semper erectionem animi in Dei desiderio: nam sic futurum est, ut Deus vicissim nos impleat novis sui amoris donis.

4. Ferventi oratione potentiq; virtute flagitare à Deo effectum beatitudinis sive productionem vivorum fructuum; siquidem praesentia Dei manifestat se sub desiderii flagrantis protensione, quod Deus ab unoquoq; homine requirit. Hic quidem notandum venit, quod in hac ipsa amoris exercitatione nullus error committi queat, nedum irrita reddi exauditio, utpotè quod nulla senectus, Pueritia aut Prudentia tanta est quæ Deum possit impedire, quominus juxta immensum suum amorem seipsum donet amantibus se.

5. Cavere, ne ulla externa aut interna Exercitatio fiat pro arbitrato sive è Consuetudine, sed potius curare, ut omnia peragantur in Dei respectu, fiduciâ, in mansuetudine, oblatione, discretionem, obedientiâ & observantiâ, non obstante pavore, obscuritate & gravitate naturæ, quæ non est attendenda. Nam si nuda Dei Voluntas & Gloria quaeritur, censeat se homo securum ac certiozem, cui Deus stellam suam (Lucem veram) quæ Deus ipse est, monstret, quò perducatur ad Cognitionem ejus, quod Deus ab ipso requirit, & si adhuc ignorat homo, quando vel ubi futurum sit hoc, examinet tantum suos casus, occasiones, tentationes, passiones, sic in seipso persentiet varia media, quibus Deus ducit eum per seipsum simul ac per Creaturas.

6. Vocationem cautè observare: nam quem Deus vocavit, eum etiam volebat electum: proinde oportet hominem nôsse, gravissima tormenta subiturum eum, qui admonitioni divinæ, eoq; suæ electioni resistit ipse.

Q. Nunc etiam consideranda est quies in Sensu spirituali. Propalàm est, quod homines quaerunt usurpare cuncta, quæ tractant & cum quibus versantur, hinc potiundæ quietis, Consolationis, Commoditatis, & Oblectationis gratiâ. dic ergò, an cum licentiâ hoc fiat, an verò cujusdam damni respectu careat eâ? R. Deus omnia fecit causâ necessitatis, non verò delectationis, commoditatis aut nausæ abundæ Satiæ ratione quantum ad nos, quod restat, fecit ea ad sui solius complacentiam, hinc de quo quaeris non est commissum nostræ licentiæ. Ast causas peccatorum

non:

nonnulli homines sibi servant volenter scienter, nolentes defectus suos agnoscere, quin, dummodò furta non committunt, & impudica facinora, putant omnia geri egregiè, cum tamen quantoperè decepti sunt, sint olim comperturi. Nam suam quietem & commoditatem quærunt sine Deo, nunc in Conversatione, mox in amictu, in victu aut in solamine Creaturarum. Homines quoq; quærunt requiem in rebus spiritualibus, speciosis ac verisimilibus, aliqui in suis internis modis ac Operibus, in propriis institutis & abstractis suis Officiis manendo tam firmiter in bono eo exercitio, ut eousq; impediant Dominum in Opere suo tendenti ad proximam Veritatem. Summatim quicquid est, in quo homo quærat requiem, quod non est merè Deus, est verminosum sine exceptione: neq; enim sufficit, si quis vilissimè vestitus incedat, requiruntur & alia.

Q. Sunt autem qui solent scitè pronunciare, qualiter in rebus pusillis plausibilibus juxta placitum progressi sunt, cum eas facile ac delectabiliter perfecerunt, è quarum numero sunt orationes, vigiliæ, jejunia &c. annon videtur subesse hîc aliquem defectum? **R.** In Veritate dico & repeto quæ antè dicta sunt, nimirum, id omne quod homo possidet, si acquiescit in eo cum oblectatione, totum reddi verminosum, utcunq; sit vel appareat bonum, decorum, sive expers id earum, formarum, modorum, sive rationabile aut usurpabile sit: excipitur tantum simplex immersio in merum, ignotum, innominatum, occultum Bonum, quod est Deus, quæ sit modo abrenunciativo sui ipsius pariter & reliquorum omnium, quæ se possunt manifestare in eo. Tale quid docuit Dionysius Timotheum his Verbis: Contine te in tuo nihili, nil scire, nil cognoscere, nil velle, præterquam in modo abnegativo tui ipsius, nil quærere, nil velle habere, tenendum se est in modo demersivo: quoniam Deus nil ejus est, quod quis de eo potest comprehendere. Est suprâ modum, suprâ Entitatem, suprâ bonum, suprâ omne quod de eo potest cognosci, plus ultrâ super summum quàm ullus Intellectus capere potest, adhuc altior, longior, infinities suprâ omnem modum, nec sic nec taliter.

Q. Ergonè dicis, simpliciter nullam quietem quæri debere ulibi, præterquàm ibi, ubi dixisti? **R.** Tantùm in hoc ignoto Deo habenda est qvies sine vel degustationis vel illuminationis desiderio. Inserviat huc exemplum. canis, qui multis plagis sic assuefactus accedendo ad Macellum non audet carnem attingere, quin fugâ potius se recipit indè. Quod restat, inveniet homo tandem certocertius, proindè opus est, ut se humiliter recipiat in suum Nihil, quod ipse est in Veritate, nam si quid aliud adest, non suum hoc, sed Dei est. Respiciendum quoq; non est ad aliquid quod potest illucere, sive sit expers formarum, modorum, idearum, sive supersubstantiale.

Q. Non tamen desunt, qui dicunt: Est mihi totaliter præsens, quod indicat esse Deum: quid sentis de hoc? **R.** Non est, quod homo curet hoc adeò, ut acquiescat desuper, est relinqvendum potius sic uti est, nec ultrò inquirendum, adhæc est submittendū suæ ignorantiae, & quidem voluntariæ, quod superest adhærendum occulto ignoto Deo, & simul censendum, quod homo tam capax, non est, quo vel in minimo possit cognoscere immensum occultum ignotum Deum, in quo solo est acquiescendum & habitandum, non autem in quâdam illuxione vel degustatione.

Q. Quæritur hîc, utrum quis verâ possit Pace & quiete perfrui, præteream quæ in Deo est & invenitur? **R.** Neutiquàm: enim verò tametsi variis curis, conatibus, negotiis, & exercitiis ad unum omnes (unus quidem plus minus alio) optatam quietem & pacem conquirere student, nemo tamen eam adipiscitur verè neglecto pacis & quietis Authore Deo.

Q. Cùm vigilando & quiescendo tantum temporis impendendum est juxtâ præfatam informationem, dic ultimam, qualiter se tempus habet ad nos? **R.** Homo est septus duplici fine, tempore scilicet & æternitate, ideò tempus ad eum & vicissim homo ad tempus se habet sic, ut id ab eo nil magis obtineat quàm transitum ad finem, quoniam æternitas est nostra habitatio & finis alter.

Q. Annon notorium est, homines promiscuè non uti tempo-

re juxtà finem præfixum, dic ergò, quid sentiendum sit desuper?
 R. A Veneno Lapsûs primi detrusa est natura in partem omnium infimam, & propter naturalem hunc lapsum vertit miser & excæcatus homo cuncta ad partem debiliorem capiendo ubiq; in Viâ quietem sub oblivione veri finis. Viscosum quid habet in se natura, cum statim prolabendo adhæreat ei cum quo versatur, & sive sit Spirituale quid sive corporale, externum vel internum, quærat ibi requiem. Qualiter mundani homines suam quietem, commoditatem & oblectationem quærunt, cuius constat, qualiter autem cessurum sit, sentient ipsi: ast qui sub Specie spirituali habent mundana Corda, & quærunt quietem in cunctis rebus temporalibus si nôssent in quanto versentur periculo, mirum non esset, si præ anxietate Corda eorum exarescerent.

Jam accedendum est ad illud opus meritorium, quod maxime est necessarium, nimirum ad Orationem, per quam accessus ad Deum conceditur homini, de hac tamen velut in Compendio antè omnia noscendum datur, quod quicumq; precatur à DEO aliud quid, præterquam cognitionem & adimplerionem Voluntatis divinæ, ejus inepta est precatio & exauditione indigna.

C A P. IX.

De Oratione.

Q. Cum Christus ad se venire nos jubeat, indica, quæso, modum, quò veniamus ad eum? R. Modum eum docet ipse Christus, cum ait: Petite & dabitur vobis, quærite & invenietis, pulsate & aperietur vobis. In ⁷ Math.
 hoc autem Opere observamus plerumq; duplicem modum, quo passim utuntur homines: nonnulli petere nolunt dicendo, non posse eos petere eam ob causam, quia debent & volunt sic esse oblati, ut Deus cum iis atq; cum cunctis rebus eorum procedat juxtà suum beneplacitum; alii è contrà sollicitè ac indefessâ petitione

titione requirunt ea, quæ desiderant habere. Verùm utraq; Pars defectu laborat haud exiguo.

Q. Dic quid parti priori desit? R. Id illis deest, quod non considerârunt penitus id, quod Christus ipse ad orandum nos est hortatus, quin & exemplum Orationis exhibuit nobis, cum Patrem suum cœlestem diversâ vice ipse precatus fuerat. Hos tamen excusat simplex eorum intentio, cum fortè non aliter intelligent, ideoq; exaudiuntur, si nihil mali intendant. Nihilominus quædam sunt, quæ Dominus non facit sine præviâ petitione: de hoc scribit S. Augustinus sic: Deus rogari vult, & ideo permittit hominem sæpè ad extrema redigi, quò excitetur inde ad Orationem, & Deus juvat exauditq; eum propterea, ut Charitas ejus attracta fiat ardentior, ipse autem ab exauditione reddatur hilarior.

Q. Dic etiam quid alteri parti desit? R. Hi quidem plurimum orant atq; ferventer, ast iis deest hoc, quod resignatione frustrati semper cupiunt rerum, quas expetunt prosperum successum. Unum quidem est faciendum, ast alterum non est intermittendum, hoc est, rogare debent Deum sedulò, sed verâ sub resignatione, sic ut gratum acceptumvè sit illis, quicquid placuerit Deo in cunctis modis & rebus.

Q. Quid de Oratione tibi videtur? R. Oratio est opus utilissimum, suavissimum, præstantissimum & fructuosissimum eorum omnium, quæcunq; in Vitâ temporali possunt expediri.

Q. Dic quid de Oratione noscendum est? R. Oportet 1. nosse quid sit Oratio, seu qualis Orationis essentia sit, 2. noscendus est locus, ubi orandum est, 3. & modus orandi.

Q. Quid est Oratio? R. Oratio sive Essentia Orationis est animi ad Deum elevatio.

Q. Quis locus Orationis? R. In Spiritu est locus, ubi orandum est, quemadmodum ipse Dominus dicit.

Q. Quomodo demùm orandum est? R. Homini bono orare volenti incumbit externos suos Sensus omnes colligere intra se, eoq; animum suum perspicere scrutatum nùm verè sit ad
Deum

Deum conversus. Sanè modum hunc potest habere homo in gradu supremo, medio & infimo: quò quidem conducit plurimum, ut sedulo volvat animo, quid eum impensius excitet, quidvè inserviat ad veram devotionem, id cum invenerit, quicquid sit, pro suo sibi sumat exercitio.

Q. Cum autem præcipuus finis Orationis sit exauditió, dic, quæso, quid faciat potissimum ad exauditionem? R. Oportet avertere se à cunctis rebus externis & temporalibus, nè cogitet quicquam quod non est divinum, si vè sit delectabile, si vè abominabile, extraneum, excludat vanitatem vestium, ornatûs, idq; omne cuius Deus non est vera & unica Causa. Eò ergò pertinet, ut omnia Verba, gesta, Vitam & mores præscindat & purget, ne inordinatum quid (si vè internum si vè externum) inibi reperiatur. Talis namq; est & esse debet præparatio ad veram Orationem, quoniam S. Petrus dicit, Orationem debere esse unanimumem, hoc est, oportet, ut homo faciem fundi si vè mentis suæ ad Deum totaliter (præsentè) vertat, utq; animus cum mansuetâ benignitate Deo adhæreat. A Deo accepimus cuncta quæ habemus, añon ergò deceat, omnia rursus Deo offerre animo ad eum verso sic ut maneat indivisus & unitus? sed cum hoc fit, oportet extendere cunctas vires & potentias tam internas quam externas translatum eas in Deum. Iste est modus ad veram Orationem requisitus.

Q. Siccinè ad veram Orationem non potest referri, si quis psalteria recitet Ore, Corde horsum illorum vagante? R. Quatenus huiusmodi Oratió est tantum verbalis, non verò realis, hætenus inanis est & pro nullâ habenda. Notandum hîc insuper, cunctas Preces, aliaq; Opera, quæ Orationem mentalem impediunt, esse posthabenda, qualiacunq; sint, qualitercunq; appareant bona & eximia.

Q. Qualiter opus est se gerat internus homo, cum aliquandò toti communitati Preces injunguntur pro qualicunq; necessitate? R. Si forè talem hominem, uti plerumq; fit, externa verbalis Oratio impedit, quominus in Spiritu verè oret, conveniet,

Aaa

ut

ut reollectum seipsum vertat in fundum internum animo elevato, extensis potentiis, interno ad Dei præsentiam respectu & desiderio divinæ Voluntatis, sicq; profundius mersus immergat se planè in clarificatam Dei Voluntatem. Sub istâ submersione opus est trahat secum omnia quæ demandata sunt ei, cunctas scilicet necessitates, eoq; expetat, ut Deus laudem ac honorem suum proplacit operificiat in homine, istiusmodi Oratio longè est efficacior cunctis aliis precibus verbalibus.

Q. Ergone interna Oratio semper prævaleat externæ? **R.** Imò Oratio in Spiritu facta sine paritate præcellit cunctis externis precibus, cum & cœlestis Pater desideret ejusmodi adoratores, & cunctæ aliæ preces faciant ad eam Orationem.

Q. Annon sic majus opus est, si interna & externa Oratio simul fiat? **R.** Vel maximè: dummodò homo sit adeò exercitatus, ut utraq; possit simul fieri sine impedimento, nimirum usq; adeò in vero Usu & actu, ne una impediatur alteram. Sed id vel solum reperitur inter homines clarificatos, quorum idem est Usus & actus sine obstaculo, prout in Deo est unum & idem, summa scilicet Operatio & sincerissima Usurpatio, hæc scilicet Essentia, illa Personarum, de quâ re alibi.

Q. Dic nunc, quid inter orandum præstat Mens? **R.** Quamprimum se quis ad Deum convertit sub Oratione, oppignorata est Mens ejus, quia non sui juris. Quod si homo foris posuerit excubias caducarum creaturarum ad custodiendam mentem, idipsum est quod impedit, quo minus Deus possit intrare in animam incarceratam.

Q. Dic undè nascatur tædium Orationis? **R.** Indè procedit & fastidium, si quis orat sine mente: orat autem sine eâ, cujus mens captiva tenetur: neq; etiam Deus habitat in animâ incarceratâ, hinc sine sapore Oratio, quia sine devotione, & statim subsequitur tædium (finis) Orationis.

Q. Qualiter autem potest averti tædium hoc? **R.** Averti potest facile, dummodò oppignorationis fiat integra solutio, mensq; liberetur ab omni custodia amoris, respectûs & inclinationis ad
Crea-

Creaturas habitæ, cùm hoc notandum sit intrante Deo exclusas esse debere quasquẽ; Creaturas. Ab omni caducâ atq; inutili sollicitudine evacuandus est animus, cùm expurgato animo facilius sit ad Deum se levare, quàm igni aut Avi altum petere. Et si quâ velimus pervenire ad abditiores Dei recessus, ad minimum est hoc necessarium, ut omnium primò descendamus in proprii nostri fundi profunditatem, hoc est, in veram humilitatem, ibidem anima se offerat cum cunctis suis defectibus & peccatis, se sic sistendo antè portam Reverentiæ divinæ, ubi se Deus effundit in misericordiam, & si quâ tunc persenserit, se boni quid ac virtuosi à Deo habere acceptum, opus est procedat ulterius, sistendo se antè portam Clementiæ divinæ, ubi se Deus diffundit in modo benignitatis ac ineffabilis Charitatis.

Q. Tametsi quis pro virili abstraxerit se à Desiderio & curâ rerum caducarum, nihilominus remanet adhuc insigne impedimentum, quod consistit in hujusmodi Ideis (Speciebus) quæ nequeunt excludi, quæritur ergò, quid hætenus Consilii? R. Si quis Ideas nequeat excludere irruentes, consilium est hoc facere, nimirum opus est, ut se exerceat in adversum, de reliquo non extravagetur, sed Deo se committendo patienter toleret omnia, donec tandem à Deo liberetur. Nam istæ simul ac omnis alia passio interna & externa tùm evanescit, cùm Deo visum fuerit, ita ut homo ignoret tunc, quid secum actum fuerit. Quod si nimis gravis videatur passio, ad Deum recurrendum est atq; in Spiritu humilitatis dicendum: Miserere mei Domine, ad adjuvandum me festina. Quod restat, penetra in profundum tuum nil aliud faciendo, sic namq; futurum est, ut quamprimùm evaseris elabentibus paulatim Ideis (adversis defectibus), à quibus homo citrà Voluntatem suam cruciatur. Hæc est Crux Domini, quam si quis portaverit sequutus Dominum suum, mercedem inde magnam reportabit, hoc est, ipsum Dominum, summum Bonum.

Q. Cùm ad Orationem promiscuè referantur preces & rogationes pro quotidianâ necessitate & comprecationes pro aliis

institutæ, adoratio autem Dei ad speciem Orationis aliam requiratur, dic velim, an Deus tantum quoad cultum sit adorandus in Conspectu ejus atq; in Congregatione (Ecclesiâ); an verò ex debito (necessitate) etiam alibi? si hoc, quando & ubi? R. Semper & ubiq; ex debito (de necessitate).

Q. Dic qualiter Deus verè adoratur? R. Quisquis vult Deum Patrem adorare verè ac sincerè, componat se necessum est in unum congregando suum desiderium, Spem & Fiduciam, ut sine interposito medio creatus Spiritus accedat propius ad increatum Spiritum. Sita est autem istæ virtutum Compositio in Collectione potestatum, Collectio verò in mentis sibi præsentis & adunantis arbitrio (motu proprio) hætenus etiam mens transcendit & tempus & locum oblita Lege ac munere Corporis. ^{1. Thef. sal. 1. 5.} Huc respicit illud Pauli, cum dicit: oportet lætari semper, Deoq; gratias referre pro quibuslibet rebus atq; orare incessanter.

Q. Quinam sunt, qui orant incessanter? R. Sunt, qui cuncta Opera sua perficiunt in Dei Amore renunciantes lucro (comodo) inde emergenti, qui flexi humiliter se Deo offerunt, quo ipse solus in iisdem operetur.

Q. Assidua ea Oratio, cum in potestatibus mentis præfato modo recolligitur, quæritur, quid inde succedere soleat? R. Sub eâ potestatum ac virtutum in unum recollectione transformatur anima in Spiritum, quod si Spiritus demum in perfectâ Voluntatis communionem Deo adhæret, accedit hoc insuper, quod sine morâ Dei formis redditur, hoc modo pervenit ad illum ipsū finem, propter quem conditus est. Hoc est, quod dici solet, adorare in Veritate.

Q. Ex his qui Deum adorant dic quinam sunt, qui non adorant in Veritate? R. Quotusquisq; est, qui à Deo flagitat Bonum temporale (è penu Creaturarum depromptum donum) is suo id petit damno, cum sit indubium, Creaturam (quâ talis) ubi vis locorum ferre secum suam molestiam, damnum & malum. Neq; miretur aliquis, cum viderit affici eos molestiâ & calamitate.

tate, qvi Deum exorârunt causâ collationis munerum, quæ non nisi damnum & molestiam secum ferunt: Uti enim inepti fuerunt petendo, ita sunt redditi anxii impetrando. Inter eos qvi Deum quærunt, nullus invenit eum, si præter Deum simul quærat aliud, qvid, qvi verò Deum solum in Veritate quærît, invenit eum, atq; cum eo omne quod DEUS vel habet vel potest conferre.

Q. Dic cur Oratio est opus tam necessarium? R. Quia per eam impetratur & conservatur, quod sine eâ aut negligitur aut amittitur. Uti enim impudico & incessanter sollicitanti indigo confertur juxta petatum etiam id, quod rogatus aut planè non aut ægrè saltem daturus est; ita etiam incessanti Oratione impetratur remissio peccatorum & omne bonum donum, quod vel iratus Deus non concedere, vel non rogatus non proposuerat conferre. Cumq; hoc opus tantæ sit consequutionis, adeoq; tantæ necessitatis, ut etiam hi qvi bonis Operibus nil tribuunt eximiam efficaciam ei adscribant, hinc diligenter est perpendendus orandi modus & instantia, quem per Exemplum Patristamiliæ etiam noctu non inexorabilis depingit Dominus.

Q. Undè habes quod dicis, Orationem esse tam necessariam tamq; efficacem, cum fieri nequeat, qvin hoc supposito Orationis opus sit meritorium, quod Fidei adversatur? R. Viderint hi qvi nil nisi Fidem tantoperè necessariam prædicant de tortis dominicis Verbis ad simplicem Fidei formam; videant, inquam, quantum adversetur eorum doctrinæ id quod Os divinum docuit, ac præcepit: indè namq; habeo, quod dico, quia ipse Dominus, postquam docuerat orare, inculcavit suis discipulis Orationis exercitium, ejus causâ interstinxit quoq; Orationis modum in tres veluti gradus perpulchrâ dictionum Varietate, qvibus omnis conquirendarum rerum conatus describitur, ut cum jussit orare, quærere & pulsare. Quod si Oratio non est opus necessarium, cur jussit orare? cur jussit ultrò quærere, & quod mirum insuper pulsare? si non est efficax, sed insuper (quod ex eorum doctrinâ sequitur) actio iram promerita, cur dicit Dominus:

minus: Rogate & accipietis: quærite & invenietis, pulsate, aperietur vobis? Hanc admonitionem obfirmavit inducto Exemplo, eum in finem, ut quilibet impensius trutinaret dominicorum verborum pondus, quæ quidem nullibi minus observantur, quàm ubi sæpissimè prædicantur.

Q. Annon diversum quid indicatur triplici istâ Enunciatione? si hoc, qualiter adorationem spectat diversa actio? R. Non sine causâ Christus utitur diverso hoc dictorio, siquidem volebat sic orationis modum & qualitatem scitu necessariam revelare, ne quis prætexat quidpiam, cum ejus non exauditur Oratio. Spectat autem ad efficacem orationem diversa actio, quoniam ad orationem requiritur notitia petiti, impensus animi motus ac integra, sincera & constans ad Deum conversio, sinè quâ orare quis potest, sed inaniter nec sine culpâ, cum sic per accidens cum & coram Deo versatur. Est autem orare nil aliud, quàm Corde ad Deum converso, desponsoq; (devoto) desiderio postulare à Deo quidpiam. Quærere autem est unum eligere præ alio, ne indistinctè quis rogatum veniat id quod non vult, aut quod non intelligit, qualiter quidem faciunt, qui cum ad Auditoria citato cursu properant, satis esse putant, si quâ è libro legerint compositas preces, discurrentibus interim hinc inde Oculis, Auribus & Cogitationibus, animo quoq; multis aliis in viso, Corpore verò vel ad strictionem unito vel ad quietem segniter composito. Divino Studio elaborata est oratio dominica, undè exquisita & ad omnium promiscuè necessitates directâ. Quicumq; scrutatur, is omnem operam ad id impendit, quod quærit inveniendum posthabitis interim aliis rebus; itâ omni diligentia scrutandum est, quid qualiterq; à Deo quis expetat. Pulsare est instare ac non cessare, donec petitæ rei obtineatur adeptio. Indè constat modus & qualitas Orationis, ut si rogatum non impetratur, inveniatur quæsitum, si non inveniatur, aperiat dum pulsatur. Uti enim reiteratus tum Vocis tum pulsationis strepitus ferit aures fortius, rogatoq; nuntiat non cessaturam molestiam; itâ & contra protensaq; Oratio provocat Dei Misericordiam.

diam. Indè discimus, qualis ergà Deum respectus requiratur à nobis, cujus ne minimum quidem tangit Corda obturata.

Q. Dic quid per Amicum vult indicatum Dominus noster in parabolâ? R. Quamvis parabola possit ad omnem fidelem rogantem referri, hîc tamen solùm respondetur juxtà sensum qui homini jam præparato & spirituali potest applicari, & dicitur, per Amicum pulsantem qui peregrè venit, intelligi mentem humanam. Persæpè enim extravagatur Mens benè exercitati hominis in dissitas regiones, per arida, tortuosa, disparia, desertaq; loca oberrando, indè cùm revertitur, frustrà elurit, ac sinit quæsitum bonum, cùm ipsa non habeat, quo se reficiat. Vedit autem ad Amicum suum (Deum) petitem refectiorem, nec cessat pulsare, si Deus abnuerit, donec surgat ei; largiatur omne quod petit.

Q. Siccinè exaudit Deus orantes electivè? R. Haud dubiè! Nam tantum abest ut non exaudiat eos, qui pulsan (in oratione constanter persistunt) ut etiam cuncta largiatur iis quæ petunt ab eo seu mediâtè seu immediâtè, hoc est, per seipsum, & hâc ratione dicit Christus: petite & dabitur, quærite & invenietis, pulsate & aperietur vobis. Immensurabilis quippè Clementia Dei est, cui dare complacet, dummodò constanter pulsetur: hinc probè observanda est mira ac præveniens gratia Dei, quoniam ipse non solùm monet, sed etiam docet orare, imò ad orandum compellit, quo ipso confirmatur, hominibus in oratione persistentibus dari dona petita.

Q. Cùm autem paucissimi homines juxtà præfatum ordinem orent, nimirum sic, ut, simul orando quærant ac pulsent, quæritur, annon & hi qui è solâ consuetudine aut urgente necessitate aut indecenter orant, exaudiantur & omnis generis dona petita accipiant? R. Neutiquàm exaudiuntur otiosi, nec dona dantur temerè ambulanti, quin etiam inanes negligentium, pigrorum & incuriorum preces sunt Deo per quàm exosæ, cùm nec omnes exaudiantur, qui orant incessanter, uti inferius dicetur.

Q. Quonam modo se rectè componit homo ad orandum decenter?

center? R. Decenter orandi modus is est, cum ante omnia mens introvertitur & ab omnibus divagationibus, distractionibus, dispersionibus revocatur & velut aggregando unitur: hæc animi compositio est summè necessaria oranti, proximè huic accedit vera humilitas, quatenus orans supplex flagitat Eleemosynas Dei.

Q. Cum aliàs ad ostium pulsetur, an id hoc loco etiam observandum est? R. Omnino: imò cum Dominus ipse sit ostium, necessum est pulsare tribus in locis, si rogantes cupiunt intromitti in Veritate: semel quidem cum devotione pulsandum est coram aperto Corde Domini nostri JESU Christi, quò recondant devotionem & confessionem paupertatis eorum petendo insuper micas dominicæ gratiæ ad Exemplum miseri Lazari ante Divitis ostium medicantis. Per hanc namq; gratiam donatur immutatio naturæ. Deindè pulsandum est coram Vulneribus sanctissimarum manuum Christi, ut per Cognitionem Dei illuminatus rogans evehatur ad Deum. Deniq; pulsandum est coram stigmatibus sanctissimorum Pedum ejus expetendo, veram Dei Charitatem, quæ Deo adunat.

Q. Quid autem pulsanti est postulandum à Corde paterno? R. Id quod rogandum est, parabolicè indicatur à Domino nostro triplici cibariorum genere, Panis scilicet Piscis & Ovi.

Q. Quid significatur per ea? R. Per Panem intelligendus est Amor ergà Deum, per Piscem Spes firma, per Ovum autem Fides viva. Hæc sunt dona bona à Patre Luminum in rogantes descendencia, Spiritum bonum rectumvè efficientia. Uti enim Cibus omnium desiderabilis non sapit sinè Pane; Consimiliter & cuncta alia desiderabilia nil prosunt sine Charitate Dei.

Q. Ecquid prætereà est simul observandum oranti? R. Necessum est, ut orans à Deo expetat Instructionem, quò eam petitionis ac devotionis suæ partem, quæ Deo acceptior, roganti autem est utilior, cognoscat.

Q. In quo cognoscitur divina instructio, quæ aliàs vocatur instinctus & inspiratio S. Spiritûs? R. In eo cognoscitur, cum homini

homini devoto quædam rerum divinarum incidit contemplatio; siquidem cum res divinæ (cœlestes) sint Dei, necessum est eas non nisi à Deo objici bono homini eo fine, ut intellectus ejus in iis exerceatur, totusq; homo consequenter collectus assuescat simili exercitio. Homo ergò attendens Instructioni divinæ arripiat quamcunq; incidenter objectam materiam spiritua-lem, sive attineat Deitatem, Trinitatem, Passionem, Vulnere, Mortem Christi, sive quid aliud præfatis consimile, idq; contempletur meditando. Indè namq; fiet, ut agnitâ suâ tenuitate Deo gratias agat, & in quodcunq; pium desiderium rapiatur &c.

Q. Qualiter orandum est, num sufficit mente, an Ore orare opus est? R. In Spiritu orare sufficiens est, tum & commodius, Ore autem simul orare creditur potentius adversus Diabolum; verum non omnes æq; valent utrumq; ritè peragere, cum à vocali Verborum pronuntiatione turbetur nonnullorum meditatio, contrâ verò aliorum suffocetur meditatio, nî sonorâ Verborum detonatione orans excitetur. Qui autem gratiam mentalis Orationis non habent, prospiciant sibi necessum est, quò Verbis expressam Orationem absolvant in timore Dei cum summâ Reverentiâ summaq; devotione, sic namq; fieri assolet, ut supplici Verborum strepitu amor ergà Deum succendatur.

Q. Cum Dominus noster jubeat quærere, quæritur quid maximè sit oranti quærendum? R. Quærendum objectum quod unum est, Deus scilicet, & modus qui varius est.

Q. Cum hoc objectum nullo modo queat concipi, quid faciendum est? R. Rogandus est Deus, ut per Filium suum unigenitum seipsum objiciat hominitali modo, qualis gratissimus sit ei. Uti enim sinè hâc petitione non datur electivè modus gratus; ita quoq; fit, ut multi orent non coràm pedibus Domini, sed coràm Idolis Cogitationum suarum, Ideis nempe aut ab humano genio confictis, aut à Cacodæmone prælusis & præfixis. Modi verò diversi & plurimi inveniuntur à quærentibus, idcirco qualemcunq; modorum orans inveniat, dummodò plus alio devotionem hominis accendat, sitq; pariter opportunus &

Bbb

gratus,

gratus, sive in peccatorum (vitiis) pensatione, querela defectuum, & expiatione sive gratiarum actione, sive in simili alio consistat, istum sibi tunc servet & absolvat modum. Hoc loco sensus prælatæ inquisitionis is est, ut orans quærat primò exquisitam Dei Voluntatem, secundò optimam suæ beatitudinis partem, & quidem perseveranti tentationum decertatione, cum juxta Pauli effatum non coronetur nisi qui viriliter oblutatus fuerit.

Q. Nunquid Dominus Deus noster Fidem vivam, fiduciam & charitatem largitur iis, qui triplici hoc modo Deum exorant desuper? R. Hoc ipso nil unquam certius est. Scriptum est: roganti dabitur: qui etiam Dominus à simili rem exaggerando confirmat dicens: Cum vos qui mali estis, Filiis vestris bona dona datis, quanto magis Pater cœlestis Spiritum rectum dabit iis, qui eum exorant. Is autem Spiritus rectus est, qui per Fidem, Spem & Charitatem rectificatus adunatur Deo juxta conformitatem.

Q. Cum Deus tam benignus quorumcunq; donorum largitor sit, ut etiam divina dandi pronitas in comparatione præferatur longissimè recipientis desiderio, dic quid fiat, quod multi eorum, qui quotidianis Precibus & Concionibus interfunt, multi etiam ex his, qui toto ætatis decursu easdem Orationes (dominicam & psalmodias) quas S. Spiritus docuit ipse, recitant, variisq; modis totidemvè gestibus declamant, non exaudiuntur, eoq; Panem vivum (amorem Dei) non recipiunt. Quis neget hanc cœ desertionis causam esse fonticam? R. Id propter gravissimam Causam fieri inficiandum non est. Hæc autem Causa, cur orantes non exaudiuntur, ea est, quia eorum Cor (fundum) est occupatum amore alieno: ast cura rerum caducarum est ille obex, quo ostium mentis clauditur, ne Panis vivus (amor DEI) queat ingredi ullatenus, utcunq; suetas quis eloquatur preces.

Q. Si amor amori cedit, annon supponitur quemvis hominem amare quidpiam? R. Imò oportet hominem amare aliquid, cum ipsa humana mens ex parte constituatur amoris potestate:

testate: idcirco dicitur: quemadmodum Corpus non vivit sine animâ, ita quoque non potest mens non amare quidpiam.

Q. Annon hoc ipsum suppositum instituit examen mentalis arbitrii? R. Imò: quin etiam exhibet homini Notionem suæ culpæ, ac subsequenter despectionis. Ea propter quamprimum aliquis scrutatum se vadit, deprehendet ilicò cum quo versetur, qualiterve sit secum comparatum. Id namque observandum est, quod amor unus pellit alterum, cedat mundanus divino, aut hic illi necessum est, cum alter ad alterum disparatè aut incompatibiliter se habeat. Augustinus dicit: effundite ut repleamini.

Q. Quamvis non detur quod petitur, dic, quæso, quidnam prætereà datur illis, qui Corde mundano, fundo scilicet repleto (obfesso) rogatum veniunt divinam summè venerandam Majestatem? R. Talibus non quidem Panis, sed pro Pane Lapis datur, Cor scilicet saxeum, exsuccum, frigidum, rigidumque, devotionis & gratiæ expers, id autem non Dei sed propriâ Culpâ eorum fieri indubium est.

Q. In quo consistit Culpa eorum? R. In eo, quod quidem variâ librorum lectione se occupant, verum sine fructu, cum inde non accendantur ad devotionem, nec ardeant ejus desiderio, nam in crasso eo cæcove modo quem sibi usurpant, obdormiunt iterumque consurgunt semper idem repetendo, peractisque frigidis suis precibus abundè satisfactum putando. Hâc evidenti eorum Culpâ, justoque Dei Judicio fit, ut fundum eorum obrigescat tantâ duritie, ut laxo minus flecti aut frangi queat.

Q. Quæritur adhuc, an Corda petrefacta queant cognosci? R. Omnino, ast non sine damno. Nam si quis iis objecerit adversi aliquid, jam fundum exploravit, siquidem sibi temperare nesciunt, quin saxeum Cor ilicò prodant.

Q. Nonne expedit ejusmodi scopulos devitare, ne quis impellat in eos? R. Petrificata Corda quam maximè vitanda sunt, quatenus non scopulorum instar sunt immobilia, sed salientia, quæ sibi adversos longo impetunt intervallo, hæc quia instructionem non admittunt, longè minus perferunt repercussionem

etiam quam minimam. Idcirco consultum non est, ut tales quis corrigat aut Verbis excipiat; sed si necessum est responsa dare, id solâ affirmativâ vel negativâ fieri potest juxta doctrinam Christi: quod restat clauso Ore apertoq; ad Deum Corde humiliter ac mansuetè versandum est inter eos, qui nobis sunt contrarii, qualiter abundè docent parabolæ ab Ovium proprietate desumptæ, & habitus testudinis, qui secum habitare docet in silentio. Mirum autem quod quibus Corda petrescunt, si diutius latendo lapidea permanerint, non solùm Panem non accipiant, verùm acquirant etiam pro Pisce Serpentem, pro Ovo Scorpiũ.

Q. Qvo signo dignoscuntur ea Corda petrefacta, quibus pro Pisce Serpens datur? R. Cordis petrefacti indubitatum indicium est Judicium præcox illis nimis familiare, qui non secum habitant, sed in proximi Vitam & facta inquirunt, hinc à Judicio vesano sibi temperare nesciunt. Nam quemadmodum Serpens hinc inde serpit quæsitum loca, quæ suo Veneno inficiat; ita hujusmodi homines solent cuncta quæ vident vel audiunt, Veneno suo inficere idq; vomendo, (hoc est per contemptum alterius) ejicere: ejus generis Serpentes inveniuntur naturalibus excessivè longiores, sic ut non solùm ad Vicina, verùm etiam ad distitissima loca suâ caudâ pertingant. Hi volunt alios habere tales, quales ipsi sunt nunquam. Ad genus serpentum pertinet quoq; Species Cæculæ, quæ habetur pro figurâ occulti odii (de tractionis) cujusmodi non nisi è pravo & amaro Corde prorepit. His similes non sunt, qui judicant seipsos, non alios, nam sic à tam pernicioso Veneno præservantur.

Q. Quinam sunt, quibus pro Ovo Scorpio datur? R. Sunt isti etiam, de quibus jam dictum est, hi namq; deprehenduntur vanâ de seipsis Opinione, Spe falsâ, inflatione & temeritate decepti, & hoc ipsum indicium est ejus, de quo jam dictum, quoties audiuntur hoc vel simili modo loquentes: Quid obstat, ne salver ad æquum cum illis, qui pari modo cano, oro, lego, eaq; cuncta facio, quæ alii fecerunt? Id quod de Scorpio dicitur, quod Ore blanditur, caudâ pungit, in fine Vitæ accidit falsæ Fidei, vanæ

nae Spei & valræ temeritati. Communis quippe experientia docet, tunc ietum æternæ mortis infligi, quamprimum falsum (obsessum) fundum panditur, cum sic cessante solatio perdantur lapsi in desperationem.

Q. Dic undè tantum periculum? **R.** Indè venit maximum hoc periculum, quod præ negligentia non considerantur defectus neq; peruestigatur suum cuiuslibet fundum, cuius tamen Cura cuilibet demandata est.

Q. Quodsi verò rem suam curans invenerit fundum suum durum (saxeum), dic, quid tunc est faciendum? **R.** Opus est, ut talis homo contineat se intra seipsum in mansuetudine, humilitate & resignatione, rogando interim, ut ipse Dominus fundum præparando gratum sibi reddere dignetur.

Q. Si verò talis homo acerbis Verbis ac Judiciis iniquis lacefitur, quomodo debet se gerere in hac afflictione? **R.** Suspensâ sui Justificatione oportet silere ad exemplum Christi præcursoris nostri, nam & hoc à Deo immediate provenire censendum est.

Q. Annon & inter bonos qui Deum toto Corde quærunt, ac desiderant, invenitur quædam Cordis durities & frigiditas? **R.** Omnino: imò multorum bonorum est interna ea petrefactio, ut etiam bonum id quod faciunt, sit tædio & tarditate permixtum. In hac internâ duritie contineat se homo necessum est, quamdiu eam observat, cavendo ne conciat sibi aliundè solatium, quo tollitur præfata devotio.

Q. Quid autem est faciendum sub occurso defectuum, qui rigido Judicio corripunt? **R.** In tali Correptione persistendum est, imò etiam præstat seipsum ultrò corripere.

Q. Si tale Correptionis Judicium duraverit per dies plures, quid sentis faciendum? **R.** Cum valdè bonum hoc, condecens esset in seipso per hoc coràm Deo obligescere. Ideò quamprimum ex ordine suo quis lapsus fuerit, est opus, ut sine morâ experat à Deo reductionem.

Q. Quid si externæ actiones (negotia) impediunt hominem?

R. Impediunt minimè, si juxtà ordinem ritè perficiantur : id autem quod impedit, est homo ipse seu malè ordinata factorum & faciendorum dispositio, quia per id, quod Deus non sincerè proponitur in charitate, in animo, in respectu (quod Psalmista reddit antè conspectum suum) efficitur, ut homo sit sine Deo, dispersus, malè ordinatus, larvatus. Et sic in vitiosâ rerum gerendarum dispositione, non in ipsis factis consistit impedimentum.

Q. Scripsum est : Subjicite vos Domino & rogate eum. Expone quid denotet id, quod homo se debeat subjicere priusquàm oret vel roget Dominum? R. Subjectio ista est sic intelligenda, nimirum, necessum est homini habere internum subjectivum & rationalem respectum Spiritûs, hoc est, quo se cum suis defectibus pariter totaq; suâ exilitate ponat antè fores immensæ & ineffabilis Majestatis Dei, undè Deus derivat in modo infinitæ Misericordiæ, æternæ Clementiæ, ardentisq; Charitatis & gratiæ versus omnes homines, ibi opus est offerat Deo humiliter omnes Virtutes, cuncta bona Opera quæ homini tunc insunt. Hic namq; captivatur tota Voluntas sic ut integer homo subjectus Deo præcipitem sedet in qualem cunq; miseriam, egestatem & obscuritatem, quas patiatur sub Dei permissu usq; ad Judicium novissimum, & hoc ipsum est quod homo rogare debet à DEO. Nam & Lumen & Lætitia hîc talis revelatur cunctis his, qui juxtà præfatum modum in veritate & humilitate passi sunt, qualem ratio non potest comprehendere. Charitas seipsam hîc revelat potestativè; verè etiam nascitur hîc sapientia & discretio, quæ studiosè observanda est, quoniam non cognoscitur foris, nec potest à quoquàm edoceri : ad hoc internum fundum sit Oculus discretionis semper conversus, ne lumen antequàm noscere deficit, iterum excidat, quod ipsum quoq; nunquam lucet iis, qui hujus Observationis Judicio carent. Hîc orat homo in Spiritu & Veritate, & sub hâc Oratione adunatur Deo. Subjectio humilis hominis debet semper esse talis, talis Oratio, nimirum ex interiori Spiritûs & intellectûs. Manuale hîc est, vade mecum, & breviarium, cujus paginæ, margines &c. sunt diligenter pervolvendæ.

vendæ. Huc intus vertatur omnis industria, omne Exercitium, nunquam autem externis actionibus diutius incumbendum est, nisi homo se prius vi quâdam ad fundum internum contulerit, ex quo cuncta Opera debent procedere, sive ea concernant summas, medias vel qualescunq; res alias, sive venerabilem passionem Domini nostri Jesu Christi.

Q. Cum in Scripturâ Oratio passim vocetur Sacrificium (oblatio), Causa autem cujus ergo vocatur sic non omnibus sit cognita, dic quænam ea sit? R. Consistit ea in hoc, cum quis seipsum unâ cum totâ suâ devotione offert in sanctissima Amoris signa Domini nostri Jesu Christi: v. g. pro primo debet facultas concupiscibilis offerri (sepeliri) in Vulnus Pedis sinistri, pro secundo debet offerri facultas irascibilis in Vulnus Pedis dextri. Tertiò debet Voluntas poni in Vulnus manus sinistræ. Quartò immergatur totum universum sensuum, potentiarum & virium in Caput sanctissimum coronatum. Quintò commendetur Intellectus in Vulnus dextræ Manûs; eo fine, ut Filius Dei Dominus noster Jesus Christus informet, regatq; divinâ suâ Potentiâ interiorerem hominem. Postea effundat suam Virtutem charitativam in divinum apertum amerosum Cor Domini nostri, ut totum trahat sibiq; uniat hominem abstracto desiderio & respectu ejus à Creaturis (ab omni eo, quod non est ipse Deus). Hic est modus, quo homo semper & summâ industriâ intus & extus pervolvere debet immensurabilem rationem tot Vulnerum, tantæ passionis & mortis amaræ Domini nostri, quatenus ad hanc exercitationem, nemo est tam infirmus ac senex, quin eam auxiliante Deo queat perficere, dummodò velit ipse. Omnis itaq; hic impendenda Cura est homini, ut eam addiscendo capiat.

Q. Quò spectat Orationis exercitium? R. Assidua Oratio inservit eo, ut eâ mediante consequamur veram Cordis pacem, quam Christus donabat suis discipulis dicens: Pacem meam do vobis, Pacem meam relinquo vobis. Assiduæ orationis Exemplum præbuit Filius Dei, cum adoravit Patrem in submissione sum,

summâq; devotione. Hoc adorationis opus erat omnium operum quæ Christus fecit, maximum summèq; venerandum; exuperat autem captum humanum, sic ut nemo possit ad intelligentiam ejus pervenire, nisi datum fuerit à S. Spiritu.

Q. Si assiduitas & devotio requiritur, annon hinc sequitur vulgarem orandi modum non esse efficacem, quia rarissimè devotum necq; assiduum? R. Non solum est non efficax Oratio minus devota, verum etiam Deo ignominiosa, & abominabilis.

Q. Efficax ergo orandi modus quis est? R. Is, crede mihi, est verus ac bonus modus, cum quis assidue elevat Cor, Animum, Sensus, Manus, cunctasq; Vires rogatum in Christo, cum Christo & per Christum. Istiusmodi Orationem dicit S. Augustinus esse ascensum animi ad Deum.

Q. Annon & pretio venditæ Pauperum Comprecationes subveniunt Emtoribus? R. An multum profint parum sollicitor, Deus solus novit, quantum valeat istæ Causa in Oculis ejus: pauper culis nobis nulla est concessa potestas judicandi necessitatem proximi, hinc & ab immaturo Judicio libenter abstinemus, ne falce in alienam messem missa judicemur ipsi rei.

Q. Si præstans Oratio, (quantum è præfatis intelligo) est potius interna & silens, quæritur, quid porro per eum conatum sive animi & virium elevationem debeat intelligi, cum hodiè multi multum orent ignoratâ orationis qualitate modovè? R. Id pro responso interserviat, ut qui orare cupit efficaciter, se à seipso veraciter avertat sicut à cæteris cunctis Creaturis, & ut animū suum super omnia vivaciter erigat ad Deum, hoc est, in abyssum profundam; siquidem necessum est, ut Deo serviens Spiritus mergatur in eam abyssum subsidendo scilicet in absolutam abnegationem rationis ac sensuum (in resignationem tam potestatum Mentis quàm potentiarum sensitivæ) ad uniendum se cum Deo in fundo interno, in quo concursus sit verborum, modorum, imò & exercitationum omnium tanquàm in fine suo. In eo orandum est, quicquid cui orare convenit, in eo orandum id est, quod proximus pro se flagitat, in eo rogandum id est, cujus causâ DEUS
rogari

ut sanctificetur Nomen ejus. Mandato huic obtemperantes mortales Filii Dei rogant futurum, ut nomen Domini sanctificetur, magnificetur, cognoscatur, ametur, & ab illis qui nondum id agnoscunt, inveniatur sic, uti ab æterno placuit ei, utq; sanctissima Christi Passio & Meritum multiplici fœnore fructificet ac debito cultu eidem compensetur. Quid quod eandem ob causam simul orant pro totâ Republicâ christianâ, pro Conversione averforum, dehinc non minus verè quàm piè creditur eorum Preces exaudiri. Non enim frustra precatus est Dominus Patrem pro hominibus curatum, ut sint unum, sicut ipse & Pater unum sunt. Si autem qui sui sunt, unus cum Christo Spiritus sunt, sequitur, eos quoq; orare & intercedere debere, sicut Christus ipse rogat & intercedit.

Q. Cum intercessio (comprecatio) fundetur in unitate (adunatione) Spiritûs, hæc autem Unitas à plerisq; Christianis non solum perperam intelligatur, verùm etiam multorum errorum causam pariat, quæritur, qualiter fiat istæc, de quâ dicis, Unio?
R. Eam noscas duobus modis fieri, nimirum internè & externè (mediate & immediate) hoc est, in Spiritu & in naturâ. Ignorata ista duorum modorum distinctio peperit vulgares errores, quos præstat tolerare quàm mordicus perstringere. Externa Unitas est vel universalis vel individualis: universalis est omnium Christianorum tanquàm membrorum ad unum Corpus & Caput reductio sicut conscripta Congregatio tota termino claudatur universali, eam Unitatem in Fide tractat Symbolum. Individualis verò est cujuslibet Christiani, cujus Corpus & Anima unum sunt: quicumq; in Unitate parent mandatis ecclesiasticis, dicuntur uniti mystico Corpori Christi. Externam hanc Unitatem communiter intelligunt, quibus Scripturæ sensus satis perspectus non est, cum tamen ab internâ Unitate longissimo adhuc distet intervallo, quæ Unitatem divinæ naturæ respicit, quæ incapax est accidentium. Enimverò si comprehendere nequit, qualiter anima sit Corpori unita, quomodo moveat hominis membra, eaq; vitalia reddat, quomodo rationem efficiat &c. qui

qui potest fieri, ut homo intelligat Communionem Spirituum? Istam autem Unitatem deprehendimus factam esse in eo homine, qui sequestratâ cum tempore omni Creaturâ suas peragit actiones in Simplicitate & Æternitate, qui inter streperas mundi turbas persistit in Pace Christi, qui suavi desiderio se demittit in abyssum divinæ Voluntatis. Sic quidem non transmittunt Preces à Terrâ ad Cælum, neq; per medium tendunt ad Deum, qui intimè Deo sociati sunt ac propiores ei omni comprecatione.

Q. Annon ad hanc Communionem perveniunt, qui educati sunt in libertate naturæ, & proprio arbitrato, qui vè juxtâ Sensum & Rationem vivunt? R. Neutiquâm.

Q. Ut autem præfata melius notare queam, placeat tibi repetere nonnulla atq; responsum dare denuò ad mea pristina interrogata, maximè cum nobis Oratio tantoperè à Christo & Apostolis inculcetur: dic ergò, an quicquam referat scire, num differat in effectu Oratio ab Oratione necnè? R. Imò magni interest hoc nôsse, quoniam omnis Oratio est vel vera vel falsa, vera autem sola efficax, ficta vicissim inanis: quisquis hoc nescit, perdit sui Operis meritum.

Q. Cum Christus dixerit veros Adoratores fore exoratuos Patrem in Spiritu & Veritate, annon est vera sive in Spiritu & Veritate facta Oratio, cum quis Psalmorum & precularum recitatione se occupat? R. Minimè. In Veritate adorare Deum est per Christum orare, id quod neutiquâm fiet, nî quis simul oret in Spiritu. In Spiritu autem orare juxtâ Scriptores est elevare mentem ad Deum; alii dicunt, Orationem veram esse transitionem Mentis immediatam in Deum, quæ deprehenditur tunc fieri, cum avida & humilis Mens se Deo desideranter substernit: quidam nuncupant eam essentialem excludentem tempus & modos.

Q. Siccinè excluditur verbalis Oratio omnis? R. Nec hæc excluditur penitus: nam tametsi verbalis Oratio non sit vera illa (de qua dixi) Oratio, cum actus iste orandi sit mera mentis abstractio respuens in se qualem cunq; actionum corporalium suc-

cursum, nihilominus inservit verbalis Oratio occasionaliter ad excitandum veram.

Q. Si tanta sit disparitas inter Orationem verbalem & spiritualem, quæritur, annon & verbales inter se differant preces? **R.** Id etiam, vel eâ de Causâ, quia ab unâ & aliâ precatiunculâ major vel minor devotio excitatur, juxta cujus gradus proportio Utilitatis modificatur. Sic quæ ad summam devotionem, eoq; ad veram Orationem proximè inservit, est benedicta illa Oratio, ab ipso Domino nostro prolata, quæ & hætenus tanquam acceptior, & consequenter utilior præfertur cunctis aliis, ceu quibus tanta non inest devotio.

Q. Qualis accedit Menti Utilitas, quæ veraciter orat, hoc est, quæ transit in Deum? **R.** Veræ hujus Orationis, quæ in Cælo oratur incessanter, est ea Utilitas, quod talis homo fit inde tranquillus, mirumq; in modum abstractus, inversus, sincerus, vacuus, & purus ubiq;. Cum enim abyssus animi sub hâc transiitione pandatur, id quoq;, quod est nobilissimum intrinsecum (simplex Unitas) Deo humiliter offertur, non potest fieri, quin Deus introveniat tanquam in habitaculum suum præparatum & exornatum, ubi ipse est Hospes ac Dominus, regens & operans ibi: ex hujus effectus disparitate apparet dissimilitudo, quæ est inter Orationem veram & non veram.

Q. Cum hominem non tantum pati, sed etiam agere deceat, præfata verò Utilitas solum describat formationem Statûs passivè se habentis, quæritur meritò, annon & actum quendam nobilem extrâ se efficiat? **R.** Id extrâ dubium est: nam tales homines, quorum totus animus cum Deo in unum colliquescit, trahuntur tunc in ignem amoris divini, atq; sic in cunctis factis ardentibus divinam ducunt Vitam, quapropter à Deo reflectunt se ad necessitatem Christianitatis, orantes in sancto desiderio pro Amicis & Inimicis, pro peccatoribus & pro omni necessitate, quorum ratione Deus vult exorari, & hætenus eorum desiderium protenditur simul ad particularem hominum necessitatem.

Q. Præ nobiles isti homines, qui ad Laudem Dei, atq; totius
sanctæ

sanctæ communitalis Christianæ Utilitatem & solatium sunt tales, orantne pro isto vel illo homine seorsim? R. Non; verum tamen orantes cum sunt, sunt similes iis, qui turbâ hominum conspectâ eodem momento omnes simul aspiciunt; pari modo præmemorati Sancti contemplando trahunt secum qualem-cunq; necessitatem in illam sui amoris abyssum, atq; dehinc rursus in illud amoris divini incendium, ubi tantisper conquiescunt, donec denuò respiciant ad cuncta communitalis Christianæ membra afflictionibus tentata ad transportandum omnem necessitatem in illam præfatam obscuram abyssum quietis. Sic ambulant introrsum extrorsum, semper tamen manendo in suavi atq; tranquillo illo fundo, ubi omnis eorum actio existit, motus & vita persistit, hoc est, in Deo ipso vivunt, moventur & sunt tanquam in proprio habitaculo.

Q. Indica Viam, quæ subter orandum conducit magis ad veritatem? R. Est, quâ homo se recipit in suum Nihil non audendo oculos ad Cælum tollere, sed dicendo: Miserere mei Deus: hæc ipsa via ducit Deum in hominem immediatè, incessanter, Deus vicissim affert seipsum cum totâ suâ Essentiâ eò quò diver- tit cum suâ Misericordiâ.

Q. Quid sentis de iis, qui agnitâ peccatorum gravitate à Deo fugiunt, non ausi orare propter præponderantem eorum malitiam? R. Malè faciunt qui sic desperant: enimverò tantò magis atq; ardentius decet orare, quantò major est peccatorum sensatio, ut deleantur peccata. Nevè propter fragilitatis agnitionem recedat anxius, suspirandum est & dicendum: Domine, repente me adjuva miserum, anteqvàm moriatur anima in peccatis. Est namq; Oratio id, in quo est sita omnis Virtus & Sanctitas, à quâ dependet omne adjutorium, Solutum & Jucunditas. Ideò nemo se patiatur absterreri à suis Peccatis, quàm fontica ei videantur, dum modò in humilitate persistat, nec in perditionem ruat mediante aliorum hominum Judicio. Eam quoq; ob causam finit Deus noñullos sinceros homines per totam Vitam eorum vivere in quibusdam defectibus, nimirum ut indè humili-

entur in se, in aliorum consortio, hincq; in suum Nihil ducantur, ne fortè surgat in iis Pharisaismus. Quamplurimum autem proderit orationi esse adeò intentum, ut non desistat, sed toties, quoties potest, procidat antè pedes Domini in timore profundo dicendo: Domine non sum dignus ut intres subtectum meum; ast Causâ immensæ Misericordiæ tuæ omniumq; venerabilium meritorum tuorum venio ad te, deest mihi Pœnitudo, Charitas, Gratia, quæ in te reperitur.

Q. Cùm ea peccata, quorum in pœnam Deus olim totum mundum perdere volebat, præsentì tempore ubiq; ferè committantur, mirum etiam sit quod Deus tantum conniveat servatâ sibi pœnâ de futuro irrogandâ, dic quid videtur faciendum, ut evadamus futuram Dei iram si quâ reservetur ad Judicium? R. Interest cogitare de quodam modo, quo DEUS multæ Misericordiæ queat placari, cujus in vicem nil magis expediet, quàm si quis resignando & omnia rejiciendo se totum devotè cum Deo uniat, id quod omni quâ par est industriâ & opportuno tempore est faciendum, attendendo scilicet interno sensui, qui dat percipiendū, quod ad DEI placitum libenter purè viveret, quod de defectu suo doleat, quod (quantum ei possibile est) devitare cupiat causas puritati obstantes.

Q. Dic quid huc insuper possit inservire? R. Inservit huc

1. Taciturnitas & Tranquillitas, cujus fructum nemo satis potest cognoscere.

2. Sermo compositus, suavìs & pacificus, sic ut si fortè noñ unquam Verbum durum ex Ore loquentis elabatur, is contrà confestim humilem Confessionem faciat infrà Deum & homines. Huc etiam pertinet id genus facti, ne si quâ Verbis asperis affectus fuerit, rependat id similibus Verbis retorsionis Vim habentibus: quod si necessum est respondere, fiat id cum hilari & mansueto vultu, verbisq; paucissimis.

3. Inservit huc etiam, si fundum suum observat, ne cum Voluptate possideat, habeat vel faciat aliquid in gratiam sui vel alterius, sive eò spectent Vestes, Libri, Ornatus, Conversatio, sive aliud-
quid,

quid, quæ cuncta sunt tantum à Deo concessa usurpanda juxta ordinem decentiæ.

4. Inservit huc etiam ingens fraterna Charitas & humilis Sub-
jectio, quæ unus alterum benignè revereatur procul misso quali-
cunq; austero seu torvo aspectu undecunq; etiam causato, & si
quæ propter bona quædam exercitia contemnatur, id nec re-
sentire licet nec accusare.

5. Inservit, ut seipsum occupet virtuosus charitatis Operibus
invitando unus alterum amicè ad servitia, sicut inter se invicem
quisq; operum Onera hilariter recipiat, id quod non est intelli-
gendum de eâ Charitate, quam solemus habere versus Amicos
& Benefactores, utpotè quod Deus non respicit eam, quæ sicut
Christus dicit: etiam Ethnici id faciunt.

Matth. 5.

6. Si quis se unit aut orat, oportet eum cum magnâ Reverentiâ,
demissis Oculis, converso animo se præsentare in conspectu &
præsentia æterni Regis, qui incessanter hominem aspicit intus
forisq;. Tempus etiam otiosè transigere cum præsentaneum
Venenum sit, opus est, ut homo depulso otio ad Unitatem se
componat, insuper & arborem florentem venerandæ Passionis
Christi conscendat, imò ultrò procedat adusq; fastigium Deita-
tis ejus, intrando ibi & exeundo plenis pascuis satiat. Nemo
tàm senex aut infirmus est, cui hic modus non conveniat, quin
etiam hi fructus sunt, à quibus alter alterum imò & seipsum co-
gnoscat.

7. Plurimum autem hîc confert, si quis exerceat se in actuali
charitate & gratitudine pro infinitâ bonitate sibi & cunctis aliis à
Deo exhibitâ. Cunctis Viribus convertat se ad pretiosa chari-
tatis documenta, quæ DEUS contulit ei plerumq; in omnibus
modis & operibus, maximè verò cum seipso, putà in Vitâ & Pas-
sione ejus. Imprimis perpensâ suâ exiguitate & indignitate ad-
vocet Cælum & Terram, cunctasq; simul Creaturas, ut adjuvan-
do eum in exhibendis gratiarum actionibus & laudibus divinis
suppleant quodammodò defectum ejus. Animus quoq; hîc
simplici respectu recogitet totam sanctam Ecclesiam, omnesq;
eos,

eos, qui consimilem bonam intentionem habent, ut eos huc simul trahat desideriosè oblatum in charitate Vitæ & Passionis Domini nostri Jesu Christi. Hæc autem solet Oculus mentis instanter contemplari, sicut aliàs solemus magnam hominum Cætervam in momento obtueri, idcirco prodest renovatâ sæpius hujusmodi contemplatione confestim rursus in Deum taliter transire intellectivè & amorosè.

8. Quicquid à Deo unquam receptum est, acceptum sibi refertur minimè; sed reddat id offerendo Datori, nil sibi reservando præterquam merum Nihil & indigentiam suam excusâ sollicitudine rerum intus occurrentium. Respectum ad suam originem docuit Christus exemplo suo, qui semper inveniebatur ad Deum conversus integrè (cum omnibus suis Viribus). Quam optimum ergo censendum est esse, si quis per quam similiter imitatur eum, cum possit vix fieri, ut dehinc parum deflectat deorsum, quin statim labatur in disparitatem amissâ ad partem charitate, quam iterum acquirit, quam primum profundâ humilitate iterum incipit, contemplatur & ad originem se recipit per Vitam & Passionem Christi.

Et sic claudendum duco Caput de Oratione cum Verbis sequentibus: Qui orat devotè, is Dominum è Coelistrahit ad se, undè instituitur amica Conversatio, dulceq; interloquium DEI & Hominis.

CAP. X.

De Devotione.

Quoniam opus est, ut sit devota Oratio, teneamus hoc loco eum ordinem, ut Orationis materiam proximè sequatur devotionis qualitas, dic ergo, amabo, quid sit devotio? R. Nonnulli putant eam esse dulce desiderium. Ast quamvis nonnunquam ita sit, non tamen semper est sic,

fic, eo quod talis dulcedo quandoq; est de naturâ, & ideo tot homines errando decipiuntur. Vera autem Devotio est voluntaria animi inflexio (submissio) ad Cultum DEI. In alio autem sensu dicitur, cum quis adhæret DEO firmiter, paratâ scilicet mente amandi & venerandi omne, quod Deum spectat, id quod nil aliud est, quàm interna Voluntatis, Respectûs, imò & omnium virium in Deo obstrictio. Hæc & suavissimas cœlestium degustationes superat, quapropter comparatur Oleo superius natanti & sapore prævalenti. Necessum autem est, devotionem renovari per ignem amoris divini, ne, sicut Oleum rancorem contrahit, ita & hæc remissione fatiscat, quapropter indefinens est habenda fundi perspectio, ne quâ latenter irrepât aliquid, quod DEUS non est, siquidem hoc facto dominatur natura, non DEUS. Cum etiam fundo nullum aliud, præterquàm solùm DEI regimen competat, hinc evidens est, quàm necessaria sit assidua circumspectio. Quærat aliquis homines, qui in cunctis rebus DEUM respiciunt, neq; seipso quærunt in Spiritu & Naturâ: quærat homines, qui Deo solùm serviunt propter Deum, non propter aliud quid, putâ Solatium, Gaudium & Beatitudinem (temporalia vel cœlestia bona) & si quos invenerit, hos verè devotos nuncupet.

Q. Undè conquiritur Devotio? **R.** Duplici medio acquiritur Devotio.

1. Est, cum homo Beneficia, Misericordiam & Clementiam DEI considerat, quæ DEUS exhibuit ei per totam suam Vitam. Ista beneficiorum commemoratio trahit hominem ad Gratitude, imò cogit ad Amorem & Devotionem.

2. Si juxta mandatum dominicum frequenter commemorat immensi amoris documenta, quem Dominus totâ sanctâ suâ Vitâ exhibuit ei, Verbis scilicet, factis, Passione, Morte &c.

Q. Quot modis peragitur Devotio? **R.** Miris modis ea communiter peragitur: attamen suos habet gradus in intimo pectoris, ad summum rarò scandit; inde apparet, qualis eorum devotio sit, qui nescio quid divini somniant inter orandum. Subest

Ddd

autem

autem devotioni innumerus Idearum proventus, quæ Deo per Confessionem & Laudes offeruntur, inter quas Idea Corporis Christi simul & crebrò in genuinis Amicis Dei pronascitur. Verùm qualis eorum devotio sit, qui nescio quam Dei Ideam in mente suâ concipiunt, non valdè sollicitor. Hi namq; dum externam Christi Crucifixi Imaginem fugiunt, nè contra præceptum dominicum deflectant ad Idololatriam, incidunt in Cultum cujusdam divinæ lucidæ, vel similis formæ Deo indignæ, hætenus veram devotionis notitiam ignorando illis evadunt similes, quos ob devotionem superstitiosam formisq; sensualibus plenam ipsi reprehendunt. Ast uti Deum tentant hi, qui effluxûs divinos sensibili perceptione observare intendunt; ita Deum offendunt, qui variâ fictione Idearum Deum cogitare præsumunt, cum utraq; pars in nudâ sui subjectione ac fide simplici manere debebat, nil nisi Deum humiliter ac purè respiciendo. Enimverò purus Dei Respectus & Æstimatio nunquam fallit hominem, nec unquam Deo potest displicere, sit demum ea cum vel absq; modo, cum vel sine Cogitatione, cum vel sine Prece: nam scriptum est: ex Ore lactantium Laudem tibi præparasti. In modo enim potest intercurrere Vanitas, sicut & in Cogitatione, comprimis in Oratione, cum sæpè oret Homo, quod non intelligit, quod non expedit; ast sine modo vel cogitatu est etiam sine vanitate. Quid quod Vanitas quædam refertur ad naturæ defectus, quos Deus non curat, undè vanitas quæpiam nonnunquam melior est carentiâ modi & cogitatus, siquidem in hac delitescit neglectus, in stultitia verò magnificatur Dei gloria, & propter varios modos, quibus incapacitati nostræ subventum est, est prædicatum Dei Verbum tale quale est, undè vocatur ab Apostolo stultitia & offensio. Qualiscunq; ergo modus sit, si Cor sincerum est, & vacuum à Creaturâ, plenum verò Deo, non potest fieri, quin nostra Stultitia vertatur in Sapientiam. Quod autem aliquis in templo Deum æstimat, cum Deum ibi præsentem credit, aut quod alius per Dei respectum suum quærit commodum, is verus Dei respectus non est.

Verùm

Verum hinc instet aliquis, dicendo: Cum de naturâ sit, quærere suum, hinc vanum est à naturâ velle separare, quod est naturæ proprium, cum nec ipse Dominus noster fuerit absq; eâ naturæ proprietate, quæ mortem horrebat. Verum ad id sic responderi potest, naturam quidem suam retinere proprietatem, etiam in homine divino, amittere tamen suam potentiam, dum cedit superiori Voluntatis potestati, cujus exemplar in Christi morte nobis imitandum propositum est, cum scilicet Spiritus Domini vacillantem superabat naturam, agente Domino: Pater, non mea, sed tua fiat Voluntas. Et sicut respectus Dei non ad naturam refertur, sed ad Spiritum; ita & Spiritui data est potestas ligandi proprietatem naturæ, ne Spiritum alienet, idq; , quod appetit, non tanquam suum possideat. Hoc modo dicitur homo pure Deum respicere, & suum proprium non quærere, si non ex toto, quod homo est, saltem ex eâ hominis parte, quæ est valentior, voluntate scilicet. Dantur autem ejuscè ordinis homines, qui Deum solum respiciunt & quærunt, hi autem quoad in cunctis rebus sibi accidentibus ita subiecti sunt Deo, ut cunctas res non nisi à manu Dei accipiant, rursusq; eas suo Domino offerant, nil autem earum in suum commodum vertant, ideo sunt aliis liberiores, ne variis modis teneantur alligare animum. E contrario dantur &, qui sua dum quærunt, multis ac miris suis modis operantur, quales in aliis non observant, ut videantur atq; pro magnis sanctisvè habeantur. Diversi ergo, si non contrarii, sunt inter se, prout inter se differunt in Observatione modorum; verum modales traducunt ac judicant invidiosè illos, qui pari proprietate carent, quos & idcirco sæpius persequuntur gravissimè.

Quæritur ergo, cuinam parti sit in respectu Dei adhærendum? Procul dubio eorum parti, quorum sinceritas erga Deum probatæ fidei est. Est enim boni hominis officium, ministrare Deo in bonis donis suis absq; Idearum asservatione, cum per donorum divinorum acceptionem ad externa avocatur exercitia, sive pro Corporis nutritione sive pro aliâ operatione.

Omnia ita linqvere sicut sunt, sua sincerè ac simpliciter peragere, semper introrsum properare, hæc sunt boni hominis requisita: qvialiter sentit ac docet, seducit & seductus est.

Sed hîc obstabit aliquis, dicendo: Per hanc positionem tolli hominum pro Vitæ sustentatione adminicula pariter atq; officiorum salubria instituta, sine qvibus regimen, subjectio, ordo & Reipub: humanæ Status consistere nequit. Ad hoc respondetur, per eam positionem non tolli officia prægnantibus de causis instituta, cùm cuncta hæc referantur ad Opera externa, quæ si sunt ordinata, neqvicquam demunt præfatæ doctrinæ; si verò sunt inordinata, præjudicant Authoritati divinæ & hæc nûs mittenda sunt. Nam quæ sunt ordinata Officia, ea hominibus aut pro necessitate aut pro charitate aut pro divinâ Gloriâ sunt concredita, undè etiam non tantùm non removenda, sed potius fideliter administranda sunt.

Q. Cùm Homo conversus ad seipsum non semper inveniat intus materiam vel objectum, circa qvod se occupet ejus devotio, dic, qvíd tunc fieri debeat? **R.** Si nihil de Deo statim obveniat, sufficit in nomine Dei perficere solitas suas exercitationes, qualescunq; sint, sive Domini Vita, Passio, Vulnera, sive aliud qvíd, qvod habet per gratiam, idq; sic fiat sine hæsitatione, ut si quâ Deus velit eum intus trahere, confestim obsequatur sine resistantiâ. Hîc si Deus eum propius ad intimiora trahat, non est, qvod recurrat ad ratiocinium perquisitum, qvíd qvalis sit, neq; det locum Melancholiæ tanqvàm Vitio omne bonum excutienti, sed Deo simpliciter se commendatum habeat. Neq; est, ut animum despondeat, tamen si Deus quæcunq; jam dicta sunt, subtrahat, relicto eo in Confusione & Cæcitate suâ, quæ sanè ingens miseria est & obscuritas: Quod si, uti opus est, considerit, patiatur & secum habitet, futurum sic est, ut Princeps mundi ejiciatur.

Q. Ast si quâ Homo observaverit, se trahi intus à Deo, qvíd facit opus est tunc? **R.** Tunc oportet Deum seqvi & omnia linqvere, non solùm patiatur elabi cuncta phantasmata (imagines) sed & divinas coruscationes, nil sua moratus desideria: qvisqvis

se ita gerere nequit, commendet hanc debilitatem Domino, ipse faciet.

Q. Quid fit homini, internam hujusmodi exercitationem, quâ Deo unitur, habenti? **R.** Est tota die hilarior & tranquillior, quatenus cuncta ejus Opera perbenè indè ordinantur. Hæc enim est hominis armatura, quâ se præmunit ad benè operandum, si antè omnia pervolverit, qualiter eâ die se gerere velit, innixus Virtutibus, non dubium est, quin opera ejus sint virtuosa pariter atq; divina. Quod si sub hoc in se reflexu obdormiat fortè aut dormituriat, nil refert, cum sæpenumerò melior sit ejusmodi somnolentus reflexus quàm multa externa Exercitia spontè nata. Expergefacto vero est iterum incipiendum Corde ad Deum verso, quò sæpius homo venit ad Deum, hoc magis Deus vicissim desiderat eum; ad hæc necessum est, ut homo externus sit in quiete & silentio, corpore nil occupato, quoniam ob hanc internam tranquillitatem dat Deus Vitam æternam, simulq; se ipsum in æternum.

Q. Quid vis intellectum per silentium & tranquillitatem internam? **R.** Id, ut homo se abstrahat à Curâ istorum hominum, qui nullo Zelo quærunt id, quod bonus homo desiderando quærunt; tales enim non sunt curandi, non alloquendi, nec judicandi, sed Deo linquendi, ut Cor in pace maneat.

Q. Quid si tales sponte sua visitando alloqvuntur eum? **R.** Oportet iis respondere breviter & Verbis modestis, affirmative aut negative.

Q. Cum autem hic modus tanquàm morosus rejiciatur, quid censes? **R.** Tolerandum est & propter Dominum fortiter perferendum. Præstat namq; habere Deum semper Amicum sine amicitia hominum pietatem nolentium, quàm habere pacem & favorem Creaturarum sine pace & præsentia Dei. Inveniuntur autem multi homines, qui valdè sancti apparent foris, quos tamen ita occupavit proprietas, ut si quis eos tentet ad seipsos reducere, nullatenus patiantur, quin potius tales maneant semper, quales sunt.

Q. Siccine vitanda est humana Conversatio? **R.** Si cui candide consulendum sit, ajo, esse sedulo cavendum, ne quis alicui se foris reddat familiarem, neve vocet ad se, cujus fundum non est satis ei exploratum. Procul ab humanâ Conversatione est ad seipsum divertendum, qui non vult valde impediri vel seduci: Unusquisq; enim tantum vel legit vel audit, ut ad fructuositatem sufficiat. Non est agendum cum hominibus Verbis comitis blandientibus, verè tamen virtuosam Vitam non habentibus: intus manendo pandetur Veritas eorum, quæ sunt vel facienda vel intermittenda.

Q. Qui potest homo seipsum deserere, cum debeat edere, bibere, videre, audire, loqui & plura alia facere, quæ omnia ideas inferunt animæ? **R.** Hic cum distinctione notandum est, sub quavis actione simul & omnium præfatorum usu, quem exigit necessitas, esse opus, ut homo Deum respiciat semper, iisq; in rebus quærat, quæ perficit & quibus utitur, sic quidem, ut postquam eas peregerit, Ideas earum statim è suâ phantasiâ eliminat penitus mediante voluntate & attentione, insuper autem Templum suum ita purum & vacuum servet, ac si eorum operum nihil fecisset: Sic templum ejus patebit semper Ideis cælestibus (divinis Cogitationibus). Nam nisi hoc templum expurgatum, omnisq; phantasiæ nundinatio, quæ templum curis immergit, proscripta sit, non est possibile, ut homo fiat templum Dei, quantum cunq; etiam fecerit; vicissim autem, si vacuatum est, obtinetur lætitia Cordisq; tranquillitas, sic ut impofterum nequeant turbare res, quæ alias continuè turbant & inquietum reddunt.

Q. Quid est templum impuris Ideis repletum? **R.** Est animus humanus malè ordinatus à pravis, impuris Ideis, undè desideria & motus impetuoosi gignuntur, indè discas, quid inevitabiliter sequatur, nimirum tristitia multiplex & itidem malè ordinata. Veruntamen hîc potest observari differentia inter electos & non electos.

Q. De non electis hîc nihil quæram, sed de electis cupio noscere, quid iis contingat? **R.** Electi nequeunt perfectam habere

tranq

tranquillitatem in rebus male ordinatis; imò tamen quandoq; eas devitent, se extenuent, quin & divinas res posthabeant, nihilominus quamprimum ad se redeunt, versantur in magno pavore, dolore & motu conscientiae, id quod efficit Spiritus S. pro nobis orans gemitibus ineffabilibus. Tales homines perveniunt Rom. 8. tandem ad veram paenitentiam, ita ut postquam deflexerint vanam, maleq; ordinatam pristinam Vitam, salventur.

Q. Quid est hoc, quod tantam exigit observationem? R. Imò quid est hoc, nisi maxima benignitas, immensurabilis gratia Dei? Beatus, cui Deus eam largitur, quem sic hortatur intus velexus, cum sit futurum, ut longè aliter procedatur, quam quod sentimus vel cogitamus.

Hiscè claudio materiam de bonis iis Operibus, quæ meritoria sunt & hætenus Justificationis gratiam spectant.

Q. Ad quid omittis hic, opus omnium maximæ Considerationis, nimirum S. Communionem (Synaxin)? R. Cum Eucharistia sit Sacramentum Ecclesiae, non poteram id includere numero Operum, quoad autem ejusdem perceptio sit quædam externa & interna actio, quæ tibi videtur ad opus referri debere omnium nobilissimum, eò quod hoc mediante acquiritur simul cum justitiâ ipsum Bonum summum, ad cujus adeptionem cuncta alia exercitia diriguntur, idcirco in hac re nolo tibi deesse, quin potius cupidus sum de eo tibi traderetantum, quantum ad tuam necessitatem & utilitatem facere videbitur.

CAP. XI.

De Sacramento Eucharistiae.

Q. De Sacramento Eucharistiae quid sentis? R. Est magnum & necessarium Ecclesiae Sacramentum, quod etiam quotidie distribuitur communicantibus eum in finem, ut à vivo hoc nutrimento nutriantur & vivant in

in æternum juxtà id, quod dicit Christus: Qui manducat Carnem meam, & bibit Sanguinem meum, habet Vitam æternam.

Q. Brevia Verba, num etiam parvi ponderis? R. Imò omnium maximi: utpotè quod in se tenent inclusam rem obscurissimam, quam nemo potest comprehendere. Nam omne alimentum, quod ad Corpus naturale nutriendum assumitur, exaltatur in eo per subtiliationem, & Vitam acquirit mortalem: vice versâ verò Eucharistiæ Sacramentum vivificat, & alit hominem sic, ne moriatur in æternum: Cùm ergò tanti ponderis sit, oportet hominem ad id præparatum esse per Opera, quæ in præcedentibus explicata sunt.

Q. Non est negandum, rem magni momenti esse, & vel nullâ ratione, ne dicam sensibus, comprehensibilem, si quis sub actione brevissimâ imperceptibiliter acquirit dispositionem ad novum perennis Vitæ Corpus: dic autem, quare Discipuli Christi à primâ ejus mentione offensi abibant, contrâ Christiani auditis indulgentiis properante pede quasi advolant? R. Discipuli (homines simplices) parum aut nihil penè de rebus spiritualibus audiverant, nil aliud quoque tunc capiebant, quam quod in Sensu erat illatum, eoque timebant & fugiebant Christi prædicationem de hoc Sacramento. Christiani verò non fugiunt, sed accurrunt, tametsi rem ipsam similiter non intelligant, hoc autem fit ideò, quod circumstantias hi magis notas sibi reddiderunt mediante doctrinâ & fide, hinc parseorum, qui face Verbi Dei prælucente, tum & per gratiam Dei, & Voluntatem bonam sibi comparârunt devotionem & Vitæ probitatem, pervadunt illuminatas obscuritates eoque pertingunt ad Vitæ perceptionem; è contrâ altera pars vel face vel bonâ Voluntate vel aliis mediis destituta minus quàm ipsi discipuli sensationis habens accurrit etiam, sed parum fructuosè, quia permota saltem à Consuetudine, pusillanimitate aut persuasione.

Q. Cùm S. Communio fructuosè peracta sit opus tam necessarium, trade, quæso aliquid doctrinæ de eâ, quæ Luce accensâ pellat obscuritatem. R. Sanè non potest negotium hoc in verba cogi,

cogi, nec cogitatu prehendi, quatenus quid incomprehensibile est, quod superat cunctas cogitationes & intellectum hominum, Angelorum, omnium Creaturarum in Cælo & in Terrâ.

Q. Cùm autem sit res tantæ Sublimitatis, ut nullis Linguis edoceri queat, dic velim, annon & anima intus acquirat inde cognitionis quidpiam? R. Possibile est, ut anima modo Singulari, nimirum perceptivo, jucundo & essentiali cognoscat, quid sit edere carnem Christi &c. at ea tantùm anima hoc potest noscere, in quâ divinus partus genitus est, nihil secius nec iste modus potest ullis Verbis describi sic, ut intellectus humanus capere queat.

Q. Siccinè tantùm ad eos spectat, quibus ob apparatus ecclesiasticum convenit habere Sensus dehinc valdè exercitatos? R. Quasi verò non etiam magna eorum pars æq; sit animalis atq; illi, qui extrâ hunc statum vivunt negligenter, quatenus hodie dum constat, tales à teneris se ad senectutem usq; variis modis & actionibus occupare juxtà sensus & animales cogitationes eorum, mox hoc mox illud, nunc sic nunc aliter agendo &c. Certum hinc redditur, nullatenus eos advertere inæstimabilem eum thesaurum, quin potius nil aliud hinc sibi reservare, quàm quod sensibili modo accipiunt.

Q. Quid quæso factu opus est ei, qui Bonum hoc in comprehensibile cupit deprehendere? R. Id, crede mihi, necessarium est homini, ut nuspiam adhæreat, sed abstractus à rebus externis, intus vacuus & unitus sibi vacet.

Q. Estnè hoc sic intelligendum, quasi opus sit, ut homo prius resignando totaliter cunctis rebus mundanis validius occupet se in singulari quodam statu & modo, nî gratis impensum velit qualemcunq; conatum? R. Hæc verba nequaquam sunt eousq; extendenda, quoniam hoc summum Bonum potest obtineri in omnibus statibus, in cunctis modis, qui aliàs in Usu hominis sunt, dummodò res agatur seriò. Sed hîc latet Sapiencia! Ut res dicatur seriò acta esse, requiritur fecisse sequentia: oportet seipsum diligenter observare in omni opere simul & in quo-

vis operandi modo, quicquid facit, quid intermittit inter omnes homines vel in solitario, ubiq; opus est observatione. Cum se extrinsecus occupat, præsentiā Dei cogitet & mentis suæ oculum ad eum convertat, ita ut major pars hominis operantis introversa ad Deum properet. Peraçto autem opere externo decet eum recollectis sensibus & Viribus intus unitum atq; demersum esse in fundum.

Q. Pande, quæso, quid habes occulti de dignitate Cibi cælestis? R. Id habeo, quod nec doceri potest nec intelligi præ mentis imbecillitate. Nam si in statu innocentiae Claritas adamica naturæ in tantum excelebat, ut nullâ ratione describi vel comprehendendi possit, quantominus possibile est cognoscere pretium thesauri immensæ altitudinis & profunditatis, quâ Cibus vivus unus & idem efficit tractionem, unionem & immutationem. Hâc enim factâ unione purificatur, clarificatur, trahitur, & elevatur Spiritus (mens humana) supra seipsum relictâ suâ infirmitate, naturalitate & inæqualitate: hæc ipsa transitio supernaturalis est, in quâ veraciter perficitur divina generatio, per quam hujusmodi hominis Opera sic percolantur, ut verè possint dici per Deum esse facta.

Q. Dic quid Exempli gratiâ habes? R. Ignem vides sic operari in lignum, ut adimat ei viriditatem, humiditatem, grossitiem, & inæqualitatem, & ista mutatio tam valida est, ut ignis insuper reddat Lignum calidius & æqualius. Lignum autem quo propius est æqualitati, hoc plus paulatim recessit ab inæqualitate, ita ut tandem parvâ interjectâ morâ materiam suam prorsus amittat, atq; in ignem commutetur. Perdidit sic natura ligni æqualitatem pariter, & inæqualitatem, dum facta est cum igne unum & idem, id est ignis: Unum relinquit diversum. Exemplum habes hîc undè discas, cælestem Cibus abstrahere Spiritum ab inæqualitate & ducere ad æqualitatem, ad divinam unitatem, hinc quibus divinus ardor per ignem amoris excusit omnem Virorem, humorem & inæqualitatem, disparent cum cibo cælesti in Divinitate. Neq; enim mutatur Deus in hominem, sed homo mutatur in Deum.

Q. Sed

Q. Sed antequàm id fiat, de Viâ & tempore quæstio est. **R.** Rectè sanè mones & quæris, quânam Viâ quis vadat eò? **Au-**thor noster dicit, non posse eò perveniri, priusquàm Natura diversâ morte moriatur, hoc est, priusquàm omne, quod ad naturam spectat, nimirum sensus, voluntas, desiderium &c. sit à variis Calamitatibus suppressum: vocat id etiam Viam desertam, ignotam, per quam Deus trahendo ducit hominem, ut mori discat. Nam cùm certissimum sit ipsam jucundissimam Vitam in morte præparari, ideo eximium hoc bonum est, nôsse & posse mori.

Q. Semper quid asperum habes. Redde autem tenebrosam hanc Viam per Exemplum paulò Clariorem? **R.** Exemplum cape à naturali Cibo & Potu, quo nutriris, observa quânam viâ & modo præparetur ad Corporis nutritionem, id namq; denotat prolatum Verbum mortificationis. An non Panis, Vinum, cæteraq; comestibilia cuncta, quæ ad nutritionem assumuntur, destruuntur antequàm in nostram vertantur substantiam, hoc est, comminuuntur, miscentur, priusquàm descendant in stomachum, in hoc velut in sepulchro formam cibi denuò deponunt & fiunt succus, qui cùm sanguini permiscetur, in succum similem, alibilem postea vertitur, transit per Cor, Hepar, Caput & assimilatur in substantiam Carnis, & Spirituum, tandem unitur sensibus, imò fit rationale quidpiam? Hâc viâ finitâ, hoc modo peracto tam sibi ipsi dissimilis factus est Cibus, ut nec clarissimus Oculus nedum alius subtilis sensus cernere queat aut discernere, quod antecederet Cibus fuerit. Quin & adeò subtilis factus est cibus, ut intellectus ipse comprehendere nequeat, in quo præfata subtilitas consistat vel qualiter operetur, credimus quidem, imò comperimus, sensibus autem non apprehendimus. Habes hîc exemplum, cujus ope internoscas, quantum possis intelligere, qualiter Spiritus sub transitu in unitatem divinam perdat suam speciem (sic loquendo) atq; sic immutetur, ut de eo nil rationi relinquatur, nisi quod ita sit.

Q. Annon ex omnibus his juxtâ literam apparet, debere hominem

minem mutari in ipsam divinam naturam? R. Uti opinio hæc falsissima est, carnalis & stulta; ita è prolatis minime sequitur, apparentia quoq; , quam cæca mente extorques, nihil concludit. Ipsa namq; Essentia (natura divina) infinities exuperat summam , proximam & intimam animæ unionem cum DEO, tanquam abyssus, quò nulla unquam Creatura accedit. Super id autem quod nulla Creatura cognoscit naturam Dei, non magis possibile est rationi comprehendere qualiter Cælestis esca intus operetur in Spiritu clarificato; siquidem hoc æq; occultū est, imò & longè magis, quam iste modus, quo Cibus naturalis nutrit, quo natura facit & conservat hominem, quo anima parit Vitam in membris &c. quales abstrusas vias nulla rationalis Creatura utut subtilis & ingeniosa potest noscere vel indagare.

Q. Modus autem quem hîc descripsisti, est perquam impracticabilis: Annon ad hunc effectum obtinendum proximiori viâ contendunt, qui ter vel quater se quotidiè recolligunt meditando & orando, nato dehinc non mediocri solatio, quod vergit in certum Signum ejus, quod re benè gestâ non obligantur ad plura? R. Quæstio hæc nihil ad rem. Viam quam putas proximam est dissitissima. Veni propius & audi: omnes homines sunt creati, vocati & ordinati ad res non exigui sed maximi momenti obtinendas. Omnium autem maximi momenti est, quod Deus ad nullum donum quod conferat homini, magis promitus est atq; paratus, quam ad donum sui ipsius, id quod adhuc majus videtur in exuperantissimo & excellentissimo modo. Quod si exuperantissimum hoc donum non omnes spectat, cogitet homo, quam Deo sit invisum viso nos saltem exiguis munusculis contentos esse postposito summo appetibili. Incomparabile damnum emergit hominibus inde, quod solum suos sensus cupiunt satiatos contentis solatio & oblectamento, quemadmodum faciunt voluptuosi, qui suam Cupidinem explent obtentis desiderabilibus, hætenus carnalibus propemodum fimiles facti nec proficiunt nec progrediuntur, quo ipso ad nihilum recidunt. Enimverò cibus naturalis si in stomacho hæreret,
nec

nec permutatus distribueretur ad alendum Caput, Cor & reliqua membra, non posset fieri, quin totus homo interiret; Con-
similiter ferè comparatum est cum præfatæ indaginis homini-
bus, qui cum Deum recipiunt solùm corpore, id est, in animæ
sensitivæ receptacula, quæ sunt Cogitationes, Phantasia, Sen-
sus, qualitas appetitiva Voluntatis, nec ultrò se movent, quo pe-
netrent, utut cælestem Cibum toties sumunt, nunquàm tamen
verè pertingunt ad eum, hoc est, ad summum Bonum, ad quod
vocati, ordinati & obstricti sunt.

Q. Dic ergò, quí possunt progredi ut proficiant? R. Qualia-
cunq; sunt dona Dei, si sine dono sui ipsius sit, non homini suffi-
ciat, quin est necessum, ut reperto vel adepto dono parvo præ-
tereat homo, seq; cum cunctis potentiis, sensibus, desideriis &
viribus tum Corporis tum Animæ extendat sursum volitando
ad attingendum Deum ipsum, quod quidem ideali (naturali)
modo fieri nequit, quia tantum supernaturali. Ast hæc ipsa
Dei adeptio suos habet gradus in infinitum, quatenus abyssus di-
vina est infinite alta; profunda infinite, inde sequitur, quod ho-
mo pertingens eò, quò longius processit, hoc longius potest
progredi & altius ascendere in infinitum, de quo plura in se-
quentibus.

Q. Quid tibi porrò videtur de Cœna Domini? R. Quamvis
de admirando hoc opere, quò Dominus noster ante Passionem
suam peregit, nulla lingua condignè queat loqui, nihilominus
quod de Usu & Fructu ejus est manifestum, id passim in sensu
Communi vel Spirituali docetur à Theologis. De singulari
causâ, modo & effectu ejusdem tractavi seorsim in alio libro:
Hic tantum expedit proferre id quod Author noster tradidit in
sensu merè Spirituali, nimirum qualiter in mente (Spiritu) fiat
consideratio, applicatio, Usus & Fructus Sacramenti: Dicit
autem super-excellentem eam Actionem Domini esse intuen-
dam oculo intellectûs & summâ intentione (desiderio), qua-
tenus Dominus noster profundissimam suam humilitatem
ostendit Discipulis suis per hoc, quod in ultimâ Cœnâ seipsum

spontè obtulit illis in humili Specie Panis & Vini volendo tantum indicare, quod sicut Cibus & Potus iste sumitur Ore, ita quoque Dominus Ipse se totum indat & imprimat nobis intimam adunationem sic quidem, ut vel sensibus nostris percipi queat.

Q. Cum sic in tempore gratiæ nulla exercitatio videatur esse fructuosior quam hujus Sacramenti in humilitate digna perceptio, sicut nec ulla periculosior quam indigna, dic, quaeso, qualiter homo debeat esse præparatus ad dignè percipiendum Sacramentum? **R.** Id pulchrè describit Dionysius consistere in quadruplici præparatione, cum dicit: hominem tunc esse ritè præparatum, cum 1. insons redditus (repurgatus) est à cunctis Peccatis suis. 2. Quando est circum amictus Virtutibus Domini nostri Jesu Christi. 3. Quando seipsum exutus in DEUM implantatus est. 4. quando est factus Templum Dei.

Q. Cum istæ doctrina per explicationem reddenda sit dilucidior, dignare eam exponere, maximè id, quod homo possit esse sine peccato? **R.** Quando homo sua intus agnita peccata confiteretur Deo & pœnitentiam agendo conteritur animo à profundâ suorum defectuum revolutione anxio, id magis purgat hominem quam lectio & oratio ulla. Quod si tunc firmum propositum habeat non peccandi, imò in posterum occasiones ad peccata omni studio vitandi, non potest fieri, quin absolvatur ab omnibus Peccatis.

Quod attinet Virtutes Domini nostri, quibus indutus debet esse devotus communicans, sunt illæ sequentes: Humilitas, Mansuetudo, Obedientia, Puritas, Patientia, Misericordia, Continentia & Communis Charitas propter Dominum erga omnes homines, bonos pariter ac malos, amicos, inimicos: hoc est secundum.

Ad tertium noscendum id est, hominem præfatis Virtutibus imbutum hoc ipso liberari à propriis Vinculis & collocari in veram, internam, divinam Pacem, indè quoque fit, ut homo in se ipso deprehendat Verba Christi dicentis: Qui manducat Carnem meam & bibit Sanguinem meum manet in me & ego in illo.

lo. Attamen sedulo allaborandum tunc est, quo sic Pax ea custodiatur, ne tempore afflictionis rumpatur aut Verbis vel Operibus qualitercunq; tollatur. Longissimo quippe distat intervallo Pax naturalis (quæ Passionis tempore cessat & hæcenus proscribitur) à Pace prædictâ, quæ est Pax mentis in solo Deo habita semper & ubiq; hoc est, in prospero & adverso, in Spiritu & Naturâ simul : quatenus aliquis in tantum securâ Pace fruitur, in quantum verè in Deo est, & vicissim, in quantum quis extrâ Deum est, in tantum caret pace. Quicquid ergò homo in se deprehenderit situm esse in Deo, hanc portionem (qualiscunq; est) noscat pacem eam habere, reliquas cunctas quæ extrâ Deum deprehenduntur, pacem non habere. In hoc supposito construitur templum Domini, quod quartum est & probè notandum : nam postquam homo verè Pacis hujus compos factus est, tunc verè & propriè fit templum Dei, quia de DEO scriptum est : quod locus ejus in Pace.

Pf: 75.

Q. Dic quid boni inde consequitur ? R. Tunc Deus cuncta opera quæ homo facit, operatur in seipso & à seipso, homo verò non operatur à seipso, quatenus tantum est organum quo mediante Deus Opus suum perficit.

Q. Quid volunt ea Bernhardi Verba, cum dicit : sicuti nos Deum manducavimus, ita vicissim manducamur à Deo ? R. Istæ Dei manducatio nil aliud est, quam reprehensio seu morsus concupiscentiæ, quatenus Deus non tantum nos Ipse castigat, verum & vult, ut castigemur à cunctis Creaturis, id quod à simili venationis clarum redditur. Sunt enim Cacodæmones velut Canes venatici, qui hominem persequuntur semper & ubiq; ad capturam præparati variis impuris tentationibus, superbiâ scilicet, Avaritiâ, gulositate, incastitate, aliisq; Vitiis, quibus hominem tentant ac pervertunt, finaliter etiam desperatione aut malè ordinatâ tristitiâ.

Q. Indica, quæso, breviter aliquem evadendi locum ? R. Homo sit tantum parum sollicitus & animo perstans, nil namq; hæc omnia nocere possunt, quoniam oportet hominem exceri tentationibus, si benè sibi consultum velit.

Q. Nun-

Q. Nunquid soli maligni Spiritus absolvunt præfatam Venationem? **R.** Non soli, quin etiam mundus associat se illis ferendum hominem asperis quibuscunq; verbis & pravis judiciis; imò huc etiam accedunt proprii hominis defectus, naturæ vè ad veritatem pronitas.

Q. Ecquid incumbit facere homini tot tantisq; persequentium insultibus & impuris tentationibus venato? **R.** Oportet eum cum resignatione contendere, ut per veram humilitatem & mansuetudinem veniat ad essentialem patientiam foris & intus, idq; non solum; imò oportet eum etiam cordiciter compati illis qui persequuntur & feriunt eum rogando Deum, quò misereatur sui, eorumq; omnium. Cavendum autem seriò est, ne homo venatus currat per dumeta, ne canis instar oblatret aut remordeat, sed recto plano vè tramite tendat. Habet autem Pater cælestis Canes suos venaticos ubiq;, domi scilicet, in Civitatibus, in Prædiis, in Sylvis & ideò procul dubio necesse est, ut electi Dei Amici tantisper fugentur à cunctis Creaturis, donec in Deum se recipiant.

Q. Quare Deus instituit istam Venationem? **R.** Ideò sine dubio, ut Homo Deum sitiat sic quemadmodum cervus in venatione lassatus aquam desiderat. Habeat ergò Homo sitiens desiderium ad Deum solum nunc & in æternum, præterea ad nil aliud, quoniam Deus cuilibet destinavit talem & tantam Venationem, quæ fructuosa ei sit & necessaria. Quod si quis promptè currat per Humilitatem, Patientiam & Mansuetudinem, non dubium est, quin tenerescat in Cibum sapidum Domini nostri. Nam quisquis hoc fundum verè possidet, pertingit inde ad summum, quod ipsum denuò refluit in eum mediantibus Virtutibus, misericordiâ scilicet, humilitate & charitate versus Deum & proximum. Tales homines manducant hæreditatem paternam, digni hætenus quibus præ aliis hominibus servirent cunctæ Creaturæ, quanquam causâ melioris boni id genus solatii sæpe sæpius adimatur illis.

Q. Quod si quâ domi instituatur ista venatio sic, ut parentes
libe-

liberos, hi illos, maritus maritam, hæc illum persequantur, quid opus esse putas? R. Tunc decet eum qui patitur, perferre hoc in silentio semotis cunctis querelis: Consimilis namque in miseriâ resignatio coram Deo & coram Electis suis præcellit cunctis aliis bonis Exercitationibus, quæ alias propter Deum sunt faciendæ. Nec enim aliquid est præter hoc, quod citius perduceret hominem ad fundum, in quo homo adunatur Deo & Deus homini immediatè. Hinc quisquis pervenit huc atque perstiterit, ad Sacramenti Evcharistiæ perceptionem accedere potest libere, quotiescunque vult.

Q. Dic quid malæ Causæ habent in se, qui Sacramentum indignè percipiunt? R. Mundanum cor habent hi, quod à Creaturis, quarum Deus non est causa unica nec finis unicus, obsidetur taliter, ut eas ex libero arbitrio penitus deferere nolint.

Q. Undè potest homo colligere, num præparatus sit ad dignè percipiendum Sacramentum? R. Si homo, qui est sollicitus de dignâ præparatione, sit ex eorum numero, qui sunt parati ad deferendum & perferendum castigationes Dei & omnia, si quoque patienter currit per Virtutes sub universali Venatione, Dei scilicet & Creaturarum, is haud difficulter potest pernoscere num ritè sit præparatus necne. Cum castigatio Dei ingravescit in eo, si nihilominus eam humilimè perfert sub augmento ejus versus Deum charitatis (per quam exstinguitur sitis rerum Caducarum (& sub augmento timoris filialis in animâ ejus: id pro certissimo signo dignæ præparationis habere debet. Nam nulla exercitatio potest ei esse fructuosior perceptione venerabilis hujus Sacramenti.

Q. Dic quoties tali homini liceat percipere Sacramentum? R. Id in Oratione dominicâ expressum est per ea Verba: Panem nostrum quotidianum da nobis hodiè.

Q. Ubi inveniendus est tam clemens Exhibitor, qui venerabilem hunc Cibum distribuat quotidie? R. Ut Sacramentum quotidie obtineatur sacramentaliter, eousque respiciendum non est; ast seriò prospiciendum est eo, quo quis in purâ resignatio-

ne & verâ Pace permaneat conversus ad suum Nihil, qvo ipso futurum est, ut Panem cœlestem percipiat spiritualiter & pro-
pmodum fructuosè. Cum autem eo passim fruitur sacra-
mentaliter, oportet eum manducare & usurpare in Spiritu. Sic
namq; permanet veraciter in Deo, sicut scriptum est: Qui me
manducat, manet in me & ego in illo. Hic est primus gradus
ad dignam Sacramenti perceptionem.

Q. Si primus gradus is est, annon hinc sequitur plures dari?

R. Imò dantur adhuc duo, qvi longè præcellunt priori qvi &
hinc plus venerandi sunt: Unus eorum est cum cognitione si-
mul & cum perceptione, alter cum perceptione sine cognitione.

Q. De uno & altero dic qvid habes? R. Prior gradus consistit
in repudiatione (deperditione) omnis proprietatis & sensua-
litis: posterior est interna anxietas, qvæ à præfatâ deperditio-
ne oritur. Nam certum est, qvò plus proprietatis, plus ful-
cimenti habuit homo in his, qvæ affectavit, qvòd eò gravior atq;
acerbior est pressura. S. Bernhardus dicit: qvòd sicuti Ci-
bus in stomacho digeritur & subsequenter (anteqvàm Caro fit)
per viam transmutationis sic alteratur, ut tunc non amplius sit
qvòd antè fuit; ità etiam, anteqvàm homo veraciter Deo uni-
tur, oportet eum prius in seipso privari omni proprietate, affe-
ctuositate, sensualitate & actualitate in omni modo, qvo seipsū
possedit. Neq; enim duo contraria in eodem subjecto se mu-
tuò compatiuntur, & sicut calor frigus expellit; ità necessum est,
ut Deo intranti cedat omnis naturalitas, & possessio. Ut Deus
queat operari, necessum est homini se merè passivè habeat,
imò necessum est, ut ejus Potentiæ se usq; adeò amittant, ne ad
activitatem redeant usqvàm, sed super suum, qvo cuncta reci-
dunt, Nihil persistant. quo verò profundior est abyssus Ni-
hili, eò veracior est & arctior Dei adunatio. quod si quis eò pro-
gressum se cupiat, ut Deus loquatur in Animâ ejus, fileant opus
est cunctæ Potentiæ animæ, qvatenus ab his tunc non requiri-
tur actus, sed privatio. Id per exemplum Paulò antè clarius
redditum est, desumptum scilicet à Cibo per coctionis alteratio-
nem

nem pristinâ formâ privato: hoc sicut in naturâ Corporis est, infinities magis sic in animâ & spiritu.

Q. Cùm autem hîc valdè erretur, & ex errore damnum grave emergat, quæritur, ubi lateat error iste? R. Sciendum est, ut plurimum hîc damnum causari per hoc, quod ratio humana passim occupata est nimium, præsumendo eam hîc oportere scire quidnam id sit, ad quod prætendit Cooperationem, cùm tamen debeat hîc penitus exulare, imò deperire, utut contendat audacius. Magnâ verò hîc opus est circumspeditione ut homo fonticum hunc errorem & damnum agnoscat, si quâ salus cordi est. Nam qvî diutius huic immorantur gradui, in his tam efferrati cruciatus generantur sub deperditionis suæ meditatione, imò eorum natura angitur tantâ oppressione, ut nesciant quid iis deficiat.

Q. Dic, quæso, quid deest illis? R. Desiderium annihilationis deest illis, quod indè constat, quia nolunt mori, cùm tamen teneantur sibiipsis emori inevitabiliter: defectus hic magnus est, quatenus dehinc pronascitur omnis tortura & anxietas. Et quomodo verificabitur in iis Verbum Apostoli dicentis: annuntiare debemus mortem Domini, donec ipsa veniat. Estne^{1. Cor.} istæc annuntiatio perficienda solis Verbis aut Cogitationibus?¹¹ Non sic intelligendum est, cùm hæc res minima esset. Ast Sensus verborum eorum fundatus est in depositione suiipsius, hoc est, in tali mortificatione, quæ fit in Virtute mortis ejus, à quâ excluditur omne solatium & quæsitum auxilium, quatenus id quod sublevat, impedit passionem. In mortificatione requiritur continuata passio, donec fiat interitus, hinc omnia quæ possunt alleviando impedire passionem, sunt sequestranda, & in hoc sensu ad numerum impedimentorum referuntur etiam tria, quæ valdè solantur, adminicula, nempe venerabile Sacramentum Evcharistiæ, externum Verbum Dei & pietatis Exercitium, quæ sicut aliàs sunt valdè necessaria, ita in hoc gradu suspendunt passionem & hætenus impediunt. Quodsi quis libere, placidè & sine excursitatione maneret in tali pressurâ, id ei

F ff 2

magis

magis prodesset quam omnis exercitatio. Sed quam multi homines hinc fugiunt perseverantiam, dum hinc & inde exeurrunt quæsitum auxilium & solatium, cum tamen inde non juventur? Quisquis in hac abyssu permanferit, in eo verè nascetur vera genitura, qui verò non permanet, postponitur: Verbis autem exprimi nequit, quam varia hæc postpositio sit, quæ semper causatur à maledicto requisito callidæ naturæ, ut quæ à passionis tormentis se quovismodo conatur eripere.

Q. Annon & ratio accurrit quæsitum objectum aliquod, ne otiosa inveniatur? R. Imò nec solum hæc, sed etiam ipsa hominis sinceritas alloquitur hominem ferè ad hunc modum: Eheu quid facis, nihilne tibi proponis? Procul dubio sic multum, imò te ipsum ubiq; negligis. Tunc sibi proponit homo; quod diligenter velit orare; sed vix hoc genus Exercitii proposuit sibi, ecce nacta occasione ad impediendum præsens adest malignus Spiritus arguens hominis segnitiam quasi otiosus se non exerceat, dicendo: Vade, operare quid boni Operis, ne tempus perdas. Huic adjungunt se rudes homines, qui suis inventis modis occupati dicunt. Quid, quæso, hinc hæres? Vade ad audiendum Verbum Dei. Hujusmodi venaticis canibus tunc similis redditur homo, sibi ipsi oblatrando cum cogitat: Eheu, quid facio, quod non solando me ipsum è tantâ anxietate eripio? Ad Sacramentum Evcharistiæ properabo, undè mihi auxilium. quod si verò hoc fiat aut ex piâ consuetudine, aut (uti dictum) solatii Causâ, sciendum est, non esse tunc attendendum tali objecto, quod impetit passionis progressum ad mortem excepto sub eo statu, quo quis sentit in suâ naturâ se tam infirmum esse factum, ut perpeti nequeat ulterius. In tali statu, ajo, licitum est, imò consultum unâ vel alterâ vice accedendi ad S. Cænam, non quidem ideò, ut prorsus liberetur, sed potius, ut tantò melius possit perferre passionem.

Q. Siccinè divinus partus eniti nequit, nisi hominis pressura, sive omnis, de quâ dictum est, passio præcesserit? R. quoniam partus tantum sequitur passionem velut gravem enixum, necessum

sum omnino est, ut præcesserit: quin etiam id observandum est, quod partus ipse perditur, per passionis solutionem, quatenus id quod ejus cruciatum tollit mitigando, est partus heteroclitus, qui edit & vendicat seipsum pro partu legitimo. Innumera autem sunt media solventia, quæ cuncta sollicitè curat adhibere natura, imò nunc sudat nunc alget, quævis etiam dura tentat, modo avertat, ne passio perveniat ad terminum novissimum. Sed quid prodesse possunt hæc omnia, cum passio longè præcellat actioni: hinc longè major Utilitas speranda est ex passione, quàm è quocunq; Exercitio. Dura quidem sensatio est, si quis recogitat tum incomparabilem jucunditatem, quam sensit è Sacramento & Verbo Dei sæpius, tum ejus sub passione Carentiam: hinc sane tremit misera natura, hinc fulcimentum appetit, Solatium & Gaudium; ast cuncta hæc remedia tunc sunt ablata, quatenus oportet, ut in extremam se demittendo miseriam penitus perditioni dedat, id quod naturæ est mors exuperans quascunq; alias.

Q. Annon te pravum quid docere dicent homines, qui fortè putabunt te interdicere id quod summi ad pium Usus momenti est, Sacramentum scilicet & Verbum Dei? R. quid rudes dicant, parum refert, ad eos enim non pertingit doctrinâ Spiritûs, quia tantum ad eos, qui cupiunt erudiri in Scholâ S. Spiritûs, his tanquàm sapientibus dictum est, quid iis præstet sub agoniâ Spiritûs usq; ad consummationem passionis, quidvè impediendo postponat eos. Ubi circumspèctione, ibi etiam discretione opus est, & hinc vel maximè: proinde notandum est, quod dixi superius ad duos priores gradus, si quis in illis adhuc persistit, nil magis tunc promoverè ad vividum progressum in Vitâ beatâ quàm Sacramentum Evcharistiæ & Verbum Domini: sed ad tertium gradum quod dictum est, id habet sequentem Sensem, nimirum quod ibi omne quod alleviationem solando reddit, cedat impedimento. Nam per id, quod homo seipsum adjutum & ereptum quærit, avertit se à Deo & fugit quasi diceret: nolo te Deum, contendam aliorsum! Id quod in Deum tam est

injuriosum, ac sic de novo crucifigeretur ideò, ne super excel-
lens Opus suum queat in homine perficere. O quàm infinitè
Bonum tunc negligit homo, qui passionem ad finem usq; susti-
nere nequit sub omnis solatii & fulcimentj carentiâ tam in Spiri-
tu, quàm naturâ.

Q. His quidem jam perspectis, sed nondum intellecto termi-
no prædictæ passionis, quæritur ultimatim, quonam perducatur
hominem omnium maxima hæc tortura & destructio? R. Is
qui huic fundo tandem obviat finis est omnium excellentissi-
mus, quatenus homines, qui carent modis talibus transforman-
tur factâ Unione in Deum, quod ipsum testatur S. Paulus, cum
2. Cor: dicit: transformamur à Claritate in Claritatem, in eandem Ima-
3. ginem à Spiritu Dei. Qualiter autem Spiritus S. trahat homi-
nem in seipsum, ut transformetur, id tantum observant, qui eâ-
dem Viâ ambulârunt, quàmvis non per modum diversitatis, sed
in merâ simplicitate, de quâ nemo Verba facere potest.

Hic etiam observandum, id est, quod inter eos, qui præme-
moratis duabus piis Exercitationibus se occupant (puta Sacra-
mento & Verbo Dei) nonnulli inveniantur, quibus istæ trans-
formatio nonnunquam affulget quasi supernaturali coruscatione,
id est, semel vel aliquoties per diem aut septimanam, quo-
tiescunq; Deus id facit per suam misericordiam, & quoties ho-
mo se vertit eò, idq; fit aliquandò sub diversitate, aliquandò sine
eâ, nimirum in obscuritate. Et de his dicitur, quod taliter tan-
gantur charitate vulneratâ: de illis verò, qui paulo antè sunt
memorati, dicitur, quod Deo sint conformati & imbuti chari-
tate captivâ, qualis quidem imbutio melius deprehenditur
quàm explicatur. Hinc tales homines inveniuntur optimè
ordinati præ cunctis aliis bonis piisq; hominibus, qui adhuc ca-
rent divino eo, de quo in præsentiarum dictum est, fundo.

Q. Cum jam sit explicatum, quid circa Usus Sacramenti Ev-
charistiæ sit fortibus hominibus, id est, divinis, observandum,
non minus autem necessarium indicare simul, quid debiles &
hujus Sacramenti indigi homines nôsse debent circa dignitatem
usum

usum & fructum ejusdem, quæritur, an Sacramentum Euc-
haristiæ sit illud donum maximum, quod Deus parvulis dedit in
solatium & profectum? R. Quoniam Dominus ipse est donum
è summâ Commiseratione hominibus miseris in Terrâ relictū,
cujus ergò dixit: Ecce maneo vobiscum omnibus diebus &c. in-Matth.
dubium est, donum id esse omninum maximum, quia insuper 28
utilissimum, dumodò Arca Cordis, in quam recondi debet, sit de-
purata, ornata & præparata. Nam omnia quæ homo po-
test pro suâ Salute expetere, affluunt simul cum eo dono sic,
ut sæpe sæpius is, qui dignè sumit Sacramentum, impleatur Spe
& Fiduciâ, imò & internâ Cordis pace & dulci quiete.

Q. Dic, quæso, quid singulare inter cætera dona affert se-
cum Sacramentum? R. Inter alia confertur homini triplex bo-
num: primò remittit Deus peccata longè facilius, cum animam
insuper à cunctis maculis emundet: secundò confortat DEUS
hominem per semetipsum non solum muniendo adversus ten-
tationes vitiorum, sed etiam fœcundando eum in virtuoso Ex-
ercitio: tertio, sic homo cum Deo & Deus cum homine se coa-
dunat. Est ergò hoc Sacramentum ignis ille consumens, qui
suâ præsentia consumit omnes animæ maculas, quoniam etiam se
ideò Christus nobis dedit in cibi formâ, ut spiritualiter nos nu-
triat & confortet in cunctis infirmitatibus.

Q. Quænam sunt potiores ac frequentiores infirmitates (de-
fectus) hominum, contra quos cibus sacramentalis est summum
confortativum? R. Infirmitas, quam Deus sæpè in nobis obser-
vat, una est, quod homo à seipso temptationibus Diaboli & Vitiis
quàm parum resistere potest. Altera est, quod in virtutibus &
sanctis exercitationibus quàm parum proficit. Tertia infirmitas
est, quod homo tam in Certamine adversus malum quàm in pro-
fectu ad bonum se valdè inconstantem gerit. Deus autem in Suc-
cursum festinans seipsum nobis exhibet in modo & Cibo spiri-
tuali, ut roboremur, eoque ad veras Virtutes præparemur.

Q. Quid circa hæc est faciendum? R. Oportet hominem scru-
tari seipsum & observare in quibus rebus se deprehendit infir-
mum

num ac defectuosum, siquidem contra id est dimicandum fortius: posteaquam invenerit, per quid devictus tunc est, sive sit impatientia, pigritia, inobedientia, superbia, invidia, sive aliud quid (quod inter Deum & hominem discrimen potest facere) oportet eum ex toto Corde petere Confortationem, interim autem ardens habere desiderium ad Cibus cœlestem (qui solus potest roborare animam) donec juvante Deo sic suos defectus superet omnes. Tunc Deus regnabit in homine, Diabolus autem fugiet sublatâ obsidione.

Q. Quid iis contingit vicissim, qui ad perceptionem cœlestis cibi non præparant se? R. Tales affliguntur continuò sub virium diminutione, refectionisvè inopiâ, quicquid etiam spectet sive Deum, sive devotionem, sive Virtutes, bona Opera, internas & externas exercitationes, semper manent tædiosi, frigidi, ignavi. Nam sicut robur & sanitas Corporis deficit sub diuturno jejunio, ita quoq; deperit Vigor animæ sub longiori cœlestis cibi Carentiâ. Per id impletur Verbum Prophetæ dicentis: *Pf: 101.* Cor meum exaruit, quoniam oblitus sum comedere panem meum. Omnino ex succum fameq; extenuatum redditur Cor hominis talis, qui non habet devotionem, non spiritualem bonorum Operum Virtutem, quia abstinuit à cibo reficiente animam, quem Deus ad id super terram destinavit. Quapropter probè observandum est, quamprimùm homo se spirituali hâc infirmitate laborantem senserit, opus esse, ut se confestim ad Deum recipiat, ad Cibus cœlestem, per quem futurum est, ut fiat lætus, vividus & fortis ad omnia bona opera.

Q. Cùm dictum sit: quotiescunq; feceritis, facite ad meam Commemorationem: dic, quid circa Usus Sacramenti devotus homo commemorare debeat de Christo Domino nostro? R. Oportet revocare in memoriam, quod Dominus Jesus sit ejus Magister & constans fidelis socius omnis miseriæ ejus, quod nobiscum sit & maneat eo fine, ut suâ præsentia nos moneat commemorare suam Vitam, passionem & mortem, quæ omnia ex charitate pro nobis sustinuit. Rememorandum ergo est, quàm promptè,

promtè, quàm mansuetè, quàm patienter ea omnia pertulerit. Perpendenda est ejus Paupertas, rerum naturalium inopia, omnis ejus miseria, labor, fatigatio, opprobrium, calumniæ, plagæ, & torturæ ad mortem usq; continuatæ, & quod in cunctis Operibus & Passione suâ non suiipsius sed nostri curam habuit.

Q. Quo fine fecit amabilis noster Dominus monitionem eam?

R. Eo fine, ut inde Cor nostrum tenerescat, ejusq; in amore accendatur, per id namq; efficitur, ut homo sequatur Christum, ut propter Christum etiam solatio corporali renunciet, ut cunctos labores & afflictiones propter eum in mansuetudine perferat, ut non nisi propter Christum patiat, hoc est, ut in solâ Dei curâ Christum suprâ Cor suum statuatur velut signaculum amoris, (per quod renovatur amor Dei versus nos) & ut cunctæ Cogitationes obsignentur solo amore divino. Sic namq; decet in cunctis actionibus observare divinam Voluntatem, quoniam & ipse Dominus non se, sed tantum nos per totam suam Vitam observavit. In isto æterno Amore trahit Deus nos ad se sic, ut ipse in nobis, & nos in eo veraciter simus: sic etiam Dominus se totum devotæ reddit animæ, ut nil de suo sibi servet, id quod etiam de Animâ sic dici debet. Hinc sibi adunatos alloquitur sic: *Cent. 5.*
Edite Amici mei, bibite Charissimi & inebriemini: quasi diceret: Amicitia & Amor me duxit eò, ut velim manducetis & bibatis me, eo fine, ut in penetralia Animæ vestræ penetrem, inq; vobis habitem.

Q. Si Corpus Christi est Vita animæ, dicas velim, quid requiratur ad dignam sumtionem? R. Non potest dignè sumi, nisi homo sit in Gratiâ Dei, si quidem hæc est, quæ huc requiritur. Nam sicut Corpus Christi in Gratiâ est Vita animæ; ita sine Gratiâ est etiam Mors animæ. Gratia & Amor impediunt, quominus Anima maneat in seipsâ, cum sint mutationis Causæ; sic Anima quæ dignè percipit Corpus Christi, per id mutatur in Corpus & Animam Christi: Amori namq; id proprium est, ut transformatâ naturalitate transportet animam in abyssum Divinitatis sic, ut seipsam posthac non noscat, nec in Spi-

ritu quid deprehendat aliud præter se transformatam in Christum.

Phil. i.

Q. Siccinè huc spectat illud Pauli: Christus est Vita mea & mori mihi lucrum est? R. Imò idipsum dicit Animacum Paulo, quatenus nulla mortis species est magis prædicanda, quàm ea, quæ sibi ipsi moritur Anima ideò ut vivat in Christo, qui ipse essentialiter est Vita illa, in quâ omnes Creaturæ æternum vivunt. Hinc unusquisq; intendat se præparare sic, ut sæpè in Gratiâ Dei & Charitate accedat ad mensam Domini, quoniam scriptum est: Qui manducat de Pane hoc, vivet in æternum. Mutabitur autem in Vitam eam, quæ Deus est, ubi cunctarum Creaturarum Vita perficitur in Claritate infinitâ, quatenus Animæ cunctæ clarificantur Luce divinitatis.

Q. Annon & alius Fructus præter prædictum nascitur è continuato Sacramenti Usu? R. Imò adhuc unus & alter. Qvotiescunq; enim quis dignè percipit Mysterium hoc, toties Deus confert ei novum gradum Claritatis. Charitas sic & Gratia augetur semper crescendo, ut etiam minimus gradus animæ dignè sumentis datus immensè magnus reddatur sic, ut si præter eum non esset alius, hic solus sufficeret Saluti adipiscendæ. Alter autem Fructus is est, quod omnis tempestas Spiritûs & Animæ per id sedatur sic, ut homo reddatur tranquillus & pacatus quoad Corpus ligatâ omni ad peccata propensione.

Q. Cum juxta Apostolum debeat homo seipsum scrutari, quali devotione Cor ejus præparatum sit ad dignam Sacramenti perceptionem, dic quid faciendum est his, qui sub scrutinio parvum in se desiderium ad id sentiunt? R. Tamen si internum eorû desiderium non adeò magnum sit, expedit tamen sæpius accedere eo sine, ut Vitam eorum communem in bono ordine servant sub firmo peccata vitandi proposito: secus autem faciendum est carnalibus, qui juxta Voluntatem & Concupiscentiam suam vivunt, & tales videri cupiunt, hinc & superbè persistunt in Voluptate, multiloquio, judicio, impatientiâ, sensuum strepitu & murmuratione, quatenus è frequenti Sacramenti perceptione plus

plus damni quàm commodi reportant, singulis vicibus intus deteriores facti & à veris Virtutibus longius remoti.

Q. Undè venit hoc istiusmodi hominibus? **R.** Indè quod nunquàm habuerunt veras virtutes (Exercitium veræ resignationis), nec unquàm rectè inceperunt vivere juxtà Vitam Christi, etiamsi se putant eam exindè habere, quod passionem Domini nonnunquàm perpendunt. Nam si ex eâ perpensione gustum aliquem persentiunt, falsò putant se jam adeptos esse eam. Sic etiam, cum aliquandò eorum Cor impellitur ad devotionem, putant id esse rem sanctam magniq; momenti: in hoc vel maximè decipiuntur, cum id sit adhuc infimi gradûs, quod facile pro suo more evanescit. Ut autem hoc melius intelligatur, noscendum est, nisi præcesserit hoc, quod Christi suavissima Vita & Passio in verâ imitatione perducta sit in veram resignationem & mortificationem vitiorum corporaliter & spiritualiter, nil aliud esse omne id, quàm sensualis exercitatio, propria inventio & modificatio, quæ mox à tentatione iterum fatiscit.

Q. Cum omnia hæc nunc satis expensa sint, dic, quæso, (quod restat adhuc) quomodo Sacramentum Evcharistiæ sumendum sit? **R.** Id satis edocet S. Historia in veteri Testamento sub agni paschalis ritu celebris, ubi Scriptum legimus, Agnum fuisse manducatum cum acetariis & festinanter. Pari ergò modo sumendus est Panis cœlestis primò festinanter, hoc est, summo desiderio, & quoad internum hominem sapidissimè, non obstante, quod Homo externus ignavus sit & ineptus, ceu in quo nihil situm est. Nam si quâ prompta semper sit Voluntas quantum possibile peccata imò & omne quod contrà divinum honorem & contrà veras Virtutes putat esse noscendi & agnoscendi, quod ipsum intus sentire potest, si quoq; extûs ansam & occasionem vitat virtutes juxtà externum ordinem exercendo, non potest fieri, quin Sacramentum tuncumat salutarimodo, in quo non deest magna & ardens devotio, etiamsi frigescat & pigrescat externus Homo: hoc enim nil refert eò quod in natura est, attamen exindè patet, quanti inter sit, si quâ Voluntas interna

falsa sit. Sicut autem Agnus paschalis comedebatur cum acetariis, ita necessum est, ut Panis cœlestis sumatur cum acerbâ Contritione, cum internâ sensibili compassione, & commemoratione passionis Christi, sic namq; futurum est, ut in honorem ejus instituat Vitam suam in strictâ pœnitentiâ.

Q. Dic in quo consistat stricta (rigida) pœnitentia? R. Consistit ea in imitatione, hæc autem in eo, ut homo sibi applicet vitam Christi, primò in Corpore doloroso & passionibus exercitato, in victus parsimoniâ, in jejunio, Vigiliis &c. Secundò in mœlla & compatiēte animâ. Nam sicut Christus dixit: Anima mea tristis est usq; ad mortem: ita convenit homini se intus afficere passione Christi, puta in depositione affectuum & complacentiæ, id quod tûm est futurum, cûm desiderium subjugatum & propria Voluntas, propria Sapiētia & propria Sanctitas proscripta est. Hoc est passionem Christi ipso factò commemorare & deplorare, & hæc sola exercitatio est tanti momenti, ut sine eâ reliquæ omnes nullius pretii sint.

Q. Cûm autem per multi homines reperiantur, qui ob Virtutes conquiritas & propter magnam devotionem insignes quidem reddit, nihilominus ad sensum & gustum sibi omnia aptant non verò ad esse tantum, quid, quæso, censes de illis? R. Tales homines non possunt pervenire ad fundum internum, quatenus in solo persistunt externarum Virtutum exercitio: eorum quidam tanto flagrant ardore, ut serè singulis diebus meditentur passionem Domini ab initio ad finem usq;, unde consequenter validissimè moventur & oblectantur à spiritali dulcedine quam degustant, id quod aliis hominibus non obvenit. Hanc diceret aliquis suavem Vitam viventem, ergò non est Vita moriens, de qua d. ctum. Ad humilem resignationem, ad communem charitatem, ad abnegationem sui ipsius, ad mansuetudinem, ad puritatem Cordis &c. tales non habent inclinationem. Nam cum eò pervenerit, ut se ipsos deserere debeant (quatenus resignatio consistit in desertione) deprehenduntur statim quales sunt. Putant autem inde se habere puritatem Cordis & cæteras Virtutes, quod

quod istiusmodi Cogitationibus & meditationibus occupati sunt. Taliter autem seipfos decipiunt, cum puritas Virtutum & Cogitationum ab aliis exercitationibus proveniat.

Q. Siccinè ut Cor purificetur, requiritur puritas Cogitationum? R. Imò vel maximè, quamvis id hodie parum perpendatur. Oportet hominem vincere ac resistere inutilibus, quæ incidunt, Cogitationibus. Id prius faciendum est, deindè opus est, ut occupet Sensus & facultates objectis Vitæ, Verbis & Operibus Christi, imò & scripturâ sacrâ, his alternatim sed continuo exerceat se, quoniam futurum sic est, ut omnes inutiles curæ recedant ab eo & alienæ sollicitudines, quæ Cor reddunt inquietum. Hic est modus, quo quis nanciscitur puritatem Cogitationum, quam sequi debet puritas Cordis.

Q. Quid subsequenter faciendum est, ut quis purificet Cor? R. Oportet eum expurgare Cor ab omni malâ intentione, ab omni sensuali appetitu, & singulari desiderio, ut quod intus tam verè sibi sit ac sentiat adversum, nè usquam possit animum adjicere, ubi quid malum est & peccatum.

Q. Recense fructum, quem quis depromit ab eâ puritate? R. Qvicunq; sic depuratus est, nil vitio vertere potest, nil judicat, nilq; traducit, quicquid de alio dicitur, tanquam non dictum obaudit vel ideò, quia Cor purum est, nam puris sunt omnia pura. Nec enim facile offenditur, qui pacem internam habet, imò cuiusvis prodest, nemini nocet. Insuper sub istâ puritate Sacramentum Evcharistiæ multa & magna efficit, quatenus in eâ sita est vera Virtus. Verà ergò Virtus non est sita in variâ oblectatione, non in apparentiâ, non insensibili ardenti devotione, neq; in aliis fulcris, quibus nonnulli se sustinent, qui desuper plurimum gloriantur & sæpe ad Sacramentum properant non aliter ac si planè digni essent. Quicunq; hîc sinunt naturam quiescere, hi putant etiam se non carere posse eo, tantominus Deo in acceptos reddi saltem intuitu ardentis devotionis eorum; at facile res ea proditur, quod non sit integra, quia deprehenditur eos nonnunquam valde offendi ab iis, qui modo adverso sese oppo-

Tit. I.

nunt eorum exercitationibus & oblectamentis, quin statim cernimus eos causâ hujus resistentiæ spernere, judicare & parvi pendere alios cum diffamatione, sicut eos nec aspicere nec audire dignentur. Diversi ergo fructus à tam diversis hominibus reportantur è sacramento, quorum salubrior eorum est, qui per veram pœnitentiam intrinsecus forinsecus perveniunt ad Cogitationum & Cordis puritatem.

Q. Quotuplex est Cœna Dominica? R. Quantum è scripturâ noscendum datur, est Cœna Domini triplex: Una quidem est, ad quam omnes hætenus sumus vocati & compulsi, hæc spectat Regnum Dei, quod intrâ nos est. Gregorius dicit: quod ea sit omnium intima, sincerissima, absolutissima Sensatio fundi interni, ubi Regnum Dei est: istam autem degustationem, hoc est, qualiter Deus inhabitat & operatur, dicit, debere apprehendi mediante cognitione & amore. Hinc per parabolam evangelicam est à Doctore cœlesti revelata.

Q. Quænam est altera Cœna Domini? R. Est Sacramentum Eucharistiæ, quod dignè sumtum tot atq; tantas gratias & beatitudines confert, quæ caprum & discursum omnem exuperant. Attamen non omnes boni homines fiunt tam infinitæ gratiæ participes, etiamsi sæpius eò accesserint.

Q. Quæ ratio, quod inde non proficiunt? R. Ratio in promptu est, nimirum, quod suos quotidianos defectus non diligentissime expendunt, sed si quandoq; fit, non nisi somnolenter, hinc fit, ut à defectibus talibus impediuntur, quominus ejusdem gratiæ influxum assequantur. Nam hoc est hominis debitum, ut Vitam suam pervestiget tam sollicitè, ne ullum defectum in se volenter patiat; Sed quisquis ita se gerere intendit, eum oportet antè omnia devitare cunctos inutiles & sub incuriâ effusos sermones. Sunt autem omnia Verba inutilia, quæ utilitatis cujuscumque gratiâ non proferuntur: ab his ergo cavendum est.

Q. Annon præter id est aliud quid, quod impedit, ne homo participet influxum & operationem ejusdem gratiæ? R. Imò est aliud quoq; impedimentum, nimirum, quod non habent de-
vo-

votionem actualem, quatenus non expectant gratiam mediante inversione sui, sed potius evagantur longius cogitando, quo ipso gratiam suo loco ejiciunt. Quicumq; vult degustare hanc gratiam, oportet eum depulsis tenebris mundo resignasse. Quisquis autem adhuc versatur inter naturæ limites, (inclinationes & carnales imaginationes) is nondum habet verum gustum juxta internum desiderium, quem cibus iste suavissimus efficit aliàs. In primis qui cupit intus percipere aliquid, debet observare summum naturæ Contagium, adeoque licet accedere ad Sacramentum non intuitu perfectionis, sed causâ magnæ infirmitatis ejus, nimirum eo fine, ut indies ab eâ magis magisque liberetur, & animus ab omni impuritate mundatus in munditiâ Servetur.

Q. Quid autem si homo sumtâ sacramentali Cœnâ, subsequenter iterum recipit Ideas peregrinas, occupando se variarum rerum externarum Curâ? R. A quo id fit, impeditur effectus, qui Fructum hujus Cibi consequitur, imò & fervor charitatis remittit, hinc Spiritus unâ cum naturâ redditur incapax expectandi intus effectum hujus Gratiae.

Q. Cum autem sæpe fiat, quod, cum se abdicavit homo à cunctis Creaturis cum liberâ resignatione, Diabolus eum aggreditur continuo insusurrando ei inconstantiam, quasi stultè inceptum sit, in quo perseverare nequeat, quid factu tunc opus est? R. Quorum Fides debilis est, eos persequitur Diabolus mille modis tentationum. Quicumq; eorum annunt Diaboli insusurationi, eoq; censent se stultè sic acturos, quasi melius esset in mundo vivere sub curâ & cupidine Creaturarum, quam perseverare in tali anxietate, hi perimunt seipsos, adeoque multi eorum, quâ Deo sic diffidunt, ad aratrum respiciunt in Ægyptum revertuntur. Consilium ergo datur his, quibus tentationes occurrunt, ut ad Dominum Jesum Christum conversi fiducialiter orent, quatenus dignetur exorare Patrem suum pro iis ipsis, qui juvet, ne infernalis Pharaò evadat Victor eorum.

Q. De tertiâ Cœnâ Domini quæ habes dic? R. Ea spectat Regnum cœleste, quod Vita æterna est, in cujus comparatione
omnia

omnia in Universum convivia sive in Spiritu sive in naturâ unquam habita, sunt sicut mica panis comparata erga omnia totius orbis frumenta.

Q. Quid faciendum, ut homo ad hanc Cœnam perveniat? R. Oportet eum utriusq; præmemoratae Cœnæ rationem habere optimam, cum passim doceatur, non posse quempiam frui ultimâ, qui duas priores modo aliquo non prægustavit. De hoc tamen prægustu notanda sunt sequentia, nimirum eum esse valde diversum, atq; hâc ratione etiam valde diversam fruitionem posterioris: nihilominus tamen id cum aliquâ exceptione intelligendum est. Nam quamvis hoc suo modo verum sit, fit tamen nonnunquam, ut Deus eam sensationem (prægustationem) fundi diversis bonis hominibus subtrahat, imò per totam Vitam sic differendo auferat, ne unquam vel unicam guttulam prægustent, donec ad ultimam Cœnam ipsi perveniant.

Q. Ergone tales longè infelicius, alii verò longè beatius vivunt hâc ratione? R. Imò è contrario plerumq;. Nam hi de quibus dictum, vel mille gradibus possunt altius ascendere iis, qui sæpius multumq; prægustaverunt, quatenus fieri assolet, ut aliquis revelationem (prægustum) habeat, se tamen reddat eâ indignum, & hinc est dictum, fore, ut qui hâc in parte nullam habuit revelationem (prægustum) mille gradibus Deo proximior sit altero. In isto namq; convivio utitur Deus mensurâ charitatis, datq; unicuiq; quod ipsi est optimum. Proinde ex parte hominis vicissim opusest, ut cor & amorem suum ad solum Deum conversum & vicissim ab omni quod Deus non est aversum teneat, si quid fundum prægustare cupiat. Tantum de Sacramento Evcharistiæ.

Q. Cum in superiori quæstione mentionem feceris trium adminiculorum, quæ quidem valde solantur, sed hætenus sunt passionis impedimenta, nominatim Sacramentum Evcharistiæ, Verbum Dei & Exercitium pietatis, an non hîc ordo tangit, ut post Sacramenti explicationem proximè consideretur Verbum Dei & subsequenter Exercitium pietatis? R. Rectè mones, tractemus hîc prius, postea posterius.

CAP. XII.

De Verbo Dei.

Q. Quid sentis de monitione externâ, quæ fit per auditum Verbum Dei? R. Qui Verbum Dei non audit, negligit seipsum. Sed quisquis audit, audiat sic, ut veniat ad rationem & intelligentiam. Nam quod pauci Verbum Dei intelligunt, id inde venit, quod in phantasiâ manet nec ultrâ penetrat ad rationem & intellectum per memoriam.

Q. Dic quare sic fiat? R. Quia Via & sedes rationis obsepta est Curis sive aliis Ideis, ita ut Verbum auditum nequeat ad suum directum locum pervenire. Neq; enim potest fieri, ut veritas intelligatur, nisi Viæ emundentur & peregrinæ Creaturarum Ideæ expellantur.

Q. Cum autem quotidie prædicetur eadem Veritas, annon futurum est, ut nauseam pariat, eoq; melius sit rarius audiri Verbum Dei? R. Verbum Dei semper sine nausæa, in primis cum desiderio & diligenter audiendum est, cum inibi lateat nova Veritas, quæ semper inveniri, nunquam autem satis intelligi potest, quanquam & hoc verum sit, quod magis queat intelligi ab his, qui vacuâ animâ accedunt ad audiendum; secus comparatum est cum iis, qui non sunt vacuati, quoniam solet fieri, ut quamplurimum de Verbo Dei perdat in illis, quia non intellectum, & hoc fit propter impedimentum, quod solum à sensibus receptum moratur in phantasiâ & non pertingit ad deputatum suum locum. Quod impedimentum si aliàs abesset, si merces ejectæ & Templum repurgatum esset, redderetur exemplò domicilium, in quo Deus habitare desiderat.

Q. Dic an Verbi prædicati tanta sit necessitas, ut auditores ob ejus neglectum incurrant in animadversionem? R. Quod ita sit, testantur dicta S. Scripturæ, imò sine prædicatione Verbi Dei

LUC. II. Voluntas divina nec sciri potest nec expediri, hinc dicit Christus: servus qui Domini sui Voluntatem scit & non facit eam, multis verberibus vapulabit. Jussit etiam Apostolos exire è Civitatibus Verbum suscipere tunc nolentibus: insuper & oppidis Chorazim & Bethsaidæ acclamavit vae, eò quod visis signis & auditis mediis non egerint pœnitentiam. Verùm non illis tantùm illata est maledictio, sed etiam cunctis infertur personis, qui vel contemnunt vel temerè obaudiunt Verbum Dei putantes sufficere, quod Sanctuarium sit inter eos, cùm hoc juvare nequeat eos, si sancti non vivunt ipsi, sed potius gratiam ejus negligunt. Maledictionem hanc timeant etiam, qui Verbum Dei quondam cum gaudio perceperunt, eatenus à mundo aversi, postea verò huic fundamento elapsi sunt.

Q. Cùm hodiè sit tanta turba eorum Christianorum, qui vel manifestè contradicunt, vel aliàs contrarii sunt Verbo Dei, dignare, quæso, in Classeseos divisos parum describere, ut noscatur, quid, quivè devitari debeant à fidelibus? **R.** Quoniam adversa ea pars est planè similis iis, qui Christo erant contrarii, existimo non esse abs re, si eos in similes duas Classes divisos taliter appellavero, qualiter Christus eos appellavit in Evangelio, cùm contrà duas Sectas querelam ducebat, nimirum contrà Scribas & Pharisæos, qui semper adversabantur ejus atq; suorum doctrinæ.

Q. Quales erant tunc Scribæ & quales sunt nunc qui eos sequuntur digni quos fugiamus? **R.** Erant docti & adhuc sunt illi, qui pollent ratione & qui multam Scientiam sibi per species & farraginem rerum comparârunt ope sensuum, de quâ superbè gloriantur, mirisq; modis & verbis sublime quod sapiunt, extollunt.

Q. Quales erant Pharisæi? **R.** Erant, quos Populus juxtà apparentiam pro Sanctis habebat, quoniam externa eorum Opera erant exuperantissima. Similes his sunt, quorum Exercitium consistit in apparenter bonis externis Operibus, tùm & acerriam sui instituti propagatione, quod restat, intus vivunt suis

Cupiditatibus, peccatis & defectibus, quibus nunquam emoriuntur.

Q. Quonam signo dignoscuntur tales? R. Eo, quod pleni sunt iudicio, atque rixosi ac presumptuosi inveniuntur eo quod cuncta facta proximi interpretantur vitiose, id quod surgit ex fundo superbo, cujus plena sunt omnia, quatenus pollent philautia & resignatione carent. O pauperes homines, quorum interest inspicere fundum suum, quoniam utriusque Classis prætata homines non sunt hi, quorum beati sunt oculi; quid quod non vident verum fundum, prospiciunt tantum extrorsum, interim vero sanctæ Ecclesiæ ingens damnum inferunt.

Q. Quandoquidem multi Verbum Dei audiunt, per pauci vero fructum inde capiunt, annon diversi huius effectus diversa causa desumi potest à disparitate attentionis? R. Omnino: quin nullus potest esse verbi fructus, quod vel non auditum est vel non custoditum.

Q. In quo consistit vera attentio? R. Attentionis veræ modus est, cum homo ex proposito applicat animum ad verbum prædicatum studiosè stringendo sensus, quo Verbum exactè percipiant, imò ut totus animus Verbum in se velut in Æternitatem rapiat, ideo sine recondendum, ut juxta Regulam & mandatum Verbi vivat fructuosè.

Q. Si autem memoria exierit, quid inde? R. Dummodò quis habeat sincerum desiderium erga Verbum, dubium non est, quin etiam elapsum, sed amatum Verbum suum proferat Fructum in Æternitate.

Q. An Verbi perceptio ad solum effatum vel scriptum Verbum, an etiam ad supersubstantiale Verbum referri potest? R. Procul dubio ad utrumque.

Q. Cum Deus semel effatus sit Verbum suum in seipso ab æterno, qualiter potest æterna Verbi prolatio referri ad perceptionem humanam sic, ut liceat dicere: Verbum increatum & dici & audiri in Spiritu hominis? R. Modus relationis non potest Verbis exprimi, quia obscurus: id tamen dici potest (si

quis capiat) Deum gignere Verbum suum ab æterno in æternum in seipso, deinde dicere Deum etiam Verbum suum in quavis purâ Animâ, ut audiat & conservet illud. Habet ergo homo quoad Spiritum cognitionem quandam & accessum ad Verbum (λογον) & Anima tam est propinqua Deo quoad fundum suum in silentio secreto, ut sensus hominis id comprehendere nequeant.

Q. Cum ipsum Verbum hoc non sit vocale sed substantiale, adeoq; & prolatio ejus non vocalis sed essentialis, quomodo potest percipi id quod est incomprehensibile? R. Ut Mentis auris non est organica (sensualis) ita & auditio non est talis: habet autem perceptio mentalis quandam relationem ad Verbum æternum dictum, sic ut suo modo sit illa, suo istud, nec tamen à verbo vel literâ characteristicâ aptè exprimatur, ut nec à sensu communi rectè capiatur. Tantò clarius autem in mente intelligitur Verbum, quanto magis auscultat, plusvè minusvè unitum cum Verbo permanet fundum. Aliàs valdè secretum latet in mentis fundo, sic ut vix aliquandò se potestatibus ejus communicet.

Q. Siccinè potestates Mentis constitutivæ carere possunt eo, quo tota Essentia fruitur? R. Ità quidem tali bono fruitur mens tanquàm in intimo suo, ut potestates ejus exertæ seu aliò conversæ id non observent. Ut ut autem verbum latet secretum in Mentis fundo, tangit tamen præter expectationem per vices etiam potestates.

Q. Quid si Voluntas adverterit Verbum? R. Quamprimum id fit, succutitur ea potestas in momento timidè hinc annuens & velut dicens: volo; tamen si ignoret, quid sit, quid faciat. Interea & in se intellectus observat idem.

Q. Quid si Intellectus percepit Verbum, num otiosus hæret in admiratione? R. Neutiquàm: nam Voluntatem confestim allicit, quâ ductum ejus sequatur simpliciter: hætenus informat hic arbitrium, quid velle quid nolle deceat, ut bonum quod faciendum est, fiat, malum verò quod intermittendum est, relinquatur

quatur promovente ad id igne desiderii. Istæ sunt Mentis auriculæ, per quas infertur verbum adusq; ipsas sensitivæ facultates & sensûs.

Q. Annon ad concupiscibilem ac irascibilem Vim pertingit Verbum hoc? R. Imò præfato modo penetrat ad imos hominis limites.

Q. Ecquid prædicat hoc Verbum facultati concupiscibili? R. Docet eam nuditatem & temperantiam: nuditatem quidem, hoc est, Creaturarum omniû quæ impediunt, quo minus homo ad Deum perveniat; carentiam tam in naturâ quàm Spiritu. Temperantiam verò in cunctis his rebus, quibus natura pro necessitatis exigentiâ sustentanda est, ne excedatur in modo satietatis.

Q. Quid autem irascibili? R. Patientiam & mansuetudinem veram: hæ namq; Virtutes præcellunt aliis, quia per eas potissimum homines evadunt similes Deo & Angelis.

Q. Quodsi homo se exploratum habeat de secretâ Verbi æterni perceptione internâ, num scilicet ea sit facta necnè, quid utilitatis resultat indè? R. Taliter exactè intelligit homo an sit ex Deo: qui enim ex Deo est, audit Verbum, qui non ex Deo est, non audit. Ex eo autem, quod multi quotidie audiunt prædicatum Verbum Dei, & tamen non sunt ex Deo, constat, eos non audire Verbum æternum internâ aure mentis, sequitur etiam, eos qui sunt ex Deo, audire hoc, quamvis literale Verbum audiant rarius.

Q. Dic in quo debet homo observare seipsum? R. In hoc, ut cognoscat, undè sit & quò pertineat: hoc enim negotio occupatum esse antè omnia decet vel ideò, quod bonum indè redundans est omnium optimum, quia æternum. Undè autem est vel esse debet homo, eo etiam pertinet, & vicissim.

Q. Undè autem habet homo, quod eò pertineat? R. A Deo est factus per modum Creationis, ex Deo esse debet quoad regenerationem: ad Deum ergò pertinet, qui est ex Deo.

Q. Annon & potest homo ex Deo esse modo quodam alio?

H h h 3

R. Po-

R. Potest, nimirum quoad electionem, quoad adhæſionem & quoad receptionem Verbi æterni divinâ prolatione in eo geniti.

Q. Quid dicit Scriptura de iis, qui sunt ex Deo nati? R. Salvator ipse dicit: qui ex Deo est, audit Verbum Dei. Est ergo perceptio Verbi divini observantia hominis necessariissima, tanquam in quo testante Scripturâ & Spiritus & Vita, Vita æterna reperitur. Inutiles igitur sunt tùm sibi tùm aliis, qui negligunt Verbum hoc, qui non seipsos probant, undè & cuius sint, quò pertineant, quæ sit eorum obligatio. Generica Verbi perceptio includit in se non solam auditionem, sed etiam intellectum & observantiam.

Q. Cum Verbum Dei in suâ latitudine non unum sed varium sit, dic, quò reduci potest in Universum omne Verbum Dei? R. Omne Verbum Dei mandatorium jubet 1. desiderare Deum cœlestis Patris Authorem, imò & beatitudinem ipsam. 2. propellere concupiscentias Carnis. 3. avertere se à mundo totaliter. Juxtâ hunc sensum omne Verbum Dei audiendum, scrutandum & custodiendum est: quisquis hoc Verbum Dei audit, probet seipsum, num juxtâ præfatum modum audivit Verbum Dei.

Q. Dic nunc, qualiter se homo gerere debeat, ut percipiat & intelligat Verbum secretum? R. Duplici modo se gerat oportet, nimirum juxtâ duplicem Verbi enixum. Priori modo vigilet incessanter purgatâ mente, ut si quâ Verbum dicatur in eâ, non obaudiatur. Enimverò quantumvis nemo fidelium de plenariâ sui fundi præparatione gloriari vel potest vel debet, nihilominus tamen oportet ut potestates ejus qui seipsum pro virili præparavit, sensusq; suos jam sine ambitione edomitas sentit, in unum congregentur & extollantur, sic fiet, ut motu concitato rapiantur quoq; sensus ac potentiæ jam facilè sequentes: hoc ipsum sequetur inspectio per transfennam in æternitatem, in quâ nec locus nec tempus nec modus observatur. Hoc verbum non audit, non intelligit, nisi qui id in mente suâ recipit. Posteriori modo expedit, ut sensus & facultates exercitatz se habeant passi-

passivè, quò Verbum quod illis prædicat, recipiatur Corde, quod est submissum cunctis adversitatibus, judiciis ac permissionibus Dei.

Q. An ergò profuturum est aliquid, si homo (uti frequenter fit) seipsum onerat absq; discretionè, sic ut viribus impar cogatur cedere oneri? R. Nequicquam prodest, cui adversa ratio est. Expediret autem cunctis Cervicem inclinare ad suscipiendum Dei onus sivè mediatè sivè immediatè immittatur, & si quis nondum habet quod toleret, expediet se tantùm committere Deo & parumper expectare: sic namq; dubium non est, quin nimis citò, confertim & graviter irruant onera, modo penè excessivo, quorum præ gravitate non cupiet quæsita. Multum autem proderit, si patienter ferantur, quæ præter Spem obveniunt, siq; quæ jam gravant, offerantur Deo cum gratiarum actione.

Q. Quid est Verbum sivè Alloqvium divinum in homine? R. Est superabundans gratia, quam Deus homini qui, modo præfatto mortificatus est, infundit atq; per eam efficit, ut homo veraciter cognoscat, qualiter Voluntatem divinam in Spiritu & Naturâ perficiat nil aliud volendo quàm quod vult Deus.

Q. Qualis est effectus unitæ hujus Voluntatis? R. Exurgit in eo Gaudium, cum quid adversi & laboriosi patitur, cum sustinet opprobrium propter Nomen divinum, sicut & ex adverso graviter eum cruciat, quicquid impedimenti uspiam potest eum à Deo avertere. In tali homine impletur Verbum propheticum: audiam quid Deus in me loquatur, quoniam loquetur pacem super Populum suum & super eos, qui ex Corde conversi sunt. Hic namq; immersus esse debet in abyssum excellæ Deitatis, ubi incessanter mira nova invenit contemplanda. Pf. 84.

Q. Quod si quis ad hanc sublimem perfectionem pervenit, quid, quæso, est faciendum? R. Cum quis eo pervenerit, sileat, quiescat, & amando contempletur Deum in simplici ejus essentiâ, tunc enim Deus vult eum ducere in Civitatem cœlestis Hierusalem, ubi vera Pax est & Requies æterna.

Q. Sic.

Q. Siccine quies, de qua Verba fecisti, non est temporalis, sed æterna, quam intercedere debet Vitæ privatio? **R.** Imò quamdiu Mens est inclusa carceri mortalis Corporis, non potest verè pertingere ad plenariam quietem & ad perfectam Pacem, prout S. Paulus dicit: Hic videmus per Speculum in ænigmate, tunc autem de Facie ad Faciem. Enimverò Cognitio, quam de Deo in hac Vitâ habemus, exigua valde est; ast postquam statuti erimus in Conspectum Dei, ubi SS. Trinitas nobis manifestabitur in effectû & Charitas inardescet & Deus videbitur ac laudabitur sine Fine, tunc mira nova, Lætitia sine Tristitia, & Quies sine Labore erit.

Q. Estne opus aliquo medio concausante, ut Verbum Dei loquatur in nobis? **R.** Minimè: Alloquium Dei suavissimum tam nobis semper est propinquum, familiare & continuum intus in nostro fundo, ut nec Cogitationes nec ipsa tota Natura sint æq; propè, nihilominus non intelligit homo, quia nec audit.

Q. Undè venit, quod homo non audiat, quod vel unice audire debet? **R.** A venenato alloquio Diaboli, cui auscultavit homo, surda fit anima ejus, hinc de interiori suo necquicquam potest explicare, nec modum vel statum suum cognoscit, qualiter cum eo comparatum est.

Q. Qualis est instinctus sive Verbum id, cui aurem præbet homo incautus? **R.** Est omnis mala Vitæ ordinatio, sive sit Amor sive Respectus creaturarum caducarum, puta vel mundi ejusq; adherentium, vel bonorum, honoris, amicorum, familiarium, ipsius Naturæ, vel affectionis persuasæ &c hæc omnia inspirat Diabolus homini, eumq; in finem semper proximus ei à latere est observando inclinationem ejus sive ad bonum sive ad malum, idq; tam intus quam extus.

Q. Cum Diabolus non solum comitetur, verum etiam benè cognoscat hominem, quid facit, cum observat inclinationem ad Vitam irregularem? **R.** Malignus Spiritus tunc sine morâ immiscet se tentando hominem eo ipso & persuadendo, ad quod incli-

inclinat, hinc nequit fieri, quin inde conceptæ Ideæ obturent mentis aurem, quominus queat audiri Verbum æternum.

Q. Estnè diabolica tentatio superabilis necnè? R. Potest quidem facile superari dummodò homo subito suæ mentis aurem avertat. Ast cum potius fiat, quod arrectis auribus auscultet dubius, an eò se vertat an avertat, jam est propemodum victus & tunc tentationem gravissimam sustinet.

Q. Quodsi verò, viriliter ac derepentè avertat aures mentis, quid proderit homini? R. Tunc penè superavit tentationem & surditatem, quin & hoc ipso acquirit unà potentiam audiendi Verbum Dei internum.

Q. De istâ Surditate dic' velim, an solùm occupet homines, quos seculares vocant, an verò latenter simul & alios comprehendat? R. Occupat & alios sæpenumerò, eos qui mundum deseruerunt quidem, nihilominus obsessi sunt à Creaturis illis, quarum Deus non est vera causa, amore & respectu suo ad eos converso. Cum igitur Diabolus his æq; atq; aliis semper à latere sit, hinc statim ac observat eorum inclinationem, inspirat consimiles Ideas, quibus auctis merguntur in mare tentationū. Nonnullos reddit surdos appropriatio affectati, inventi modi & instituti, quæ omnia cum sensibus externis sibi à Creaturis compararunt. Hæc sunt marmorata seu Cerumina, à quibus auditui Mentis adfertur impedimentum, ne quæ Verbum æternum audiat aut ullo modo intelligat.

Q. Siccinè tollendo omnes devotas exercitationes, orationes, meditationes &c. tuam doctrinam culpabilem valdè reddis? R. Tu verò nunquam desipere Cessas, qui omnia, quæ dico, sine discretione in phantasiā tantum excipis ligatā ratione. Annon tibi sæpè inculcavi dicendo, exercitia bona devota esse homini necessaria, sed eo fine, ut natura excitetur inde, Spiritus sursum elevetur, atq; sic homo velut blandimentis alliciatur ad inversionem sui, quoniam inversio sine his modis fieri nequit, sed hæc omnia dixi esse simul cum discretione facienda & cum cautelâ, ne fiant cum appropriatione, nec quasi id solùm sit

Scopus (terminus) ubi atque quiescat. Enimverò ne quis subsistat in Viæ principio, oportet progredi atque affectum habere ad audiendum internum alloquium, hoc ipso non excluduntur, tantominus dissvadentur Exercitia præmemorata. De bonis enim hominibus hîc sermo est, qui semper aspirant pervenire ad Vitam magis perfectam seu Dei formem: hi similes non debent esse ignavis illis, qui toto Vitæ decursu nusquam progredi cupiunt, quin potius in solius externi sui modi protensione persistunt pertinaciter. Quocircà quotiescunq; Deus vult Verbum suum inspirare, toties præ auribus eorum, quod illabitur, obstat, quo minus Dei Verbum audiatur. Tametsi autem id sit certissimum, nihilominus homo innumeris penè modis & mediis se totum offert, ut nil prætereà.

Q. Sufficitne ad audiendum internum Verbum sola mentalis auris à malignâ inspiratione aversio? R. Non sufficit, si sine charitate Dei sit, & ideo debet homo scrutari seipsum, num diligat Deum extoto corde necne.

Q. Undè potest homo dignoscere, num Deum diligat? R. Hoc signum tradit Gregorius consistere in eo, ut observet, quid faciat, cum sollicitudo, tristitia, & passio exercet hominem undecunq; obveniat ea, intus quidem v. g. si adeò angitur, ut quò se vertat nesciat sine ullâ discretionem, foris autem si tempestate passionum repente obruitur. Quodsi tunc fundum ejus maneat imperturbatum, nec in defectus labatur Verborum absconorum vel factorum &c. non dubium est, quin Deum amet. Enimverò quisquis amat Deum, habet pacem internam & complacentiam in Voluntate Dei, ut ut patitur & lachrymetur homo externus. Qui verò se deprehendit id non habere, is Deum non amat, eoq; manet Surdaster, qui verè non audit Verbum æternum.

Q. Cum autem & requiratur dilectio operativa, dic quo Signo internoscitur ea? R. Exin, si quis i. exercet gratitudinem pro bono ingenti, quod Deus contulit ei & cunctis Creaturis in Cælo & in Terrâ, pro incarnatione Verbi & pro omnibus donis, quæ

quæ in humanum genus ab ipso derivant. 2. si habet Charitatem communem versus homines universos & singulos, qualiscunq; indolis sint. Talis enim est modus charitatis actualis, non autem ut quis seipsum & suum amet dilectione propriâ. 3. si charitatem foris exhibeat quantum potest, donis, consilio, auxilio, sine subsidii sui jacturâ, quoniam insufficientiam supplet bona Voluntas. Hæc sunt vera signa charitatis, quæ si habet homo, surdus non est.

Nunc est pergendum ad tertium adminiculum, quod ab initio dictum est assimilari posse Artificio, quatenus juxta quendam ordinem addisci debet uti ars quædam parva & hætenus vocatur Exercitium, quod vanum esset, si modo careret, & hic non esset nisi Cognitio ejus tradatur simul & earum rerum, circa quas ea sit occupatio. Tradita ergo est in præmissis cognitio rerum exercibilium, nunc autem tradendus est modus, quem quis in exercendo adhibere potest, ut laudabiliter ac tuto operetur atq; per hoc exercitium evadat in probum hominem, qui habilis sit præparari in Virum perfectum, videlicet spirituales atq; divinum.

CAP. XIII.

De Exercitio Pietatis.

Q. Dic, quæso, quænam est Via, per quam homo ducitur ad veram pietatem? **R.** Est vera simplex humilitas, suiq; ipsius totalis abnegatio, in Spiritu & naturâ ubiq; ita ut de se suisq; Operibus nil teneat, cum & nil ipse, sed si quid adest, non hominis sed Dei sit.

Q. Cum sic eundum sit in fundum humilitatis, si quæ beati sint nuncupandi Mentis oculi, quid testimonii affers scripturâ?
R. Matth. 1. tradidit Dominus noster electis suis regulam pro

informatione eorum, cum dixit: discite à me, quia mitis sum, & humilis Corde. Hic ergo venit notandum, mansuetudinem ac humilitatem esse sororias Virtutes, adeo sibi associas, ut si earum una sit in fundo, altera non possit abesse. Ejusmodi pusillis humilibus hominibus revelat Pater cœlestis res occultas, sublimes, secus faciens Sapientibus hujus mundi, præ quibus eas occultat: nam horum sunt Spiritus prudentes, sublimes, qui de ratione suâ, cui nimium fidunt, gloriam aucupantur; eorum numero accensentur etiam fortes ac generosi, qui pollent facultate se vincendi in verbo & facto, hinc faciunt pro arbitratu suo opera bona, jejunant, vigilant, orant, aliaq; bona & utilia facta exercent, attamen in eo hallucinantur, ne videant ad salutem, quod sua facta æstiment, alios verò, qui non similiter faciunt, in corde suo contemnunt.

Q. Dic quid in solâ eâ exinanitione consistit? R. Per eam intelligenda est sola sincera, divina Veritas, in quâ abscondita latet æternæ beatitudinis quidditas, quia nusquam aliàs

Q. Sed si in hoc humilitatis fundo absconditur vera Salus, dic, quæso, etiam, ubi delitecat damnum sive Salutis dispendium? R. In voluntate humanâ quærendum est damnum, ut quæ indubitatum subjectum seu fulcrum est impedimenti. Ipsa Voluntas humana obtegendero excæcat Mentis Oculum, sicut aliàs unguis obtegit Corporis oculum, ne videat. Claritas oculi capax est recipiendi Coloris, sic oculus mentis requiritur clarus, hoc est, omnis variegantis arbitratûs expers esse, si verè beatè velit contueri Species æternas, divinas. Variegata valdè est Voluntas mundanorum hominum, quoad longè minus restricta est quàm devotorum, id quod humana Compositio explanat. Cum enim tripartiatur homo, videlicet in Corpus, animam & spiritum, quæ unum hominem constituunt; ita quoq; juxta hæc variat Voluntas, & sunt diversimodi volendi.

Q. Dic ergo qualis Voluntas hic locum habere queat? R.

Nulla. Hoc indubitanter sic esse docet Exemplum Christi, qui Joh: 6. dicit: se non venisse ad faciendum suam, sed sui Patris Voluntatem.

tatem. Quamdiu homo suâ Voluntate adhuc utitur, caret beatitudine eâ, quæ solùm sita est in verâ resignatione Voluntatis, hoc verò totum nascitur ex fundo exinanitionis, ubi interit Voluntas humana.

Q. Quid est Voluntas in sensu spirituali? R. Est columna, cui innititur quævis mala ordinatio humanæ Vitæ, quæ si totaliter posset dirui, ruerent simul superstructæ Cogitationes omnes, quod sic intelligendum est, quantò magis homo exinanit se ipsum, tantò minus habet propriæ Voluntatis, ut qui semper est humilis in eo quod facit aut non facit.

Q. Cum autem semper operandum sit, dic quis debeat omnium humanarum actionum finis esse? R. Solus Deus. Hoc inde cognoscere potes, quoniam toties homo obliviscitur Deum, quoties aliquid agit absq; respectu finis ejus, quod Deus est, imò toties abnegatur Deus, quoties homo sibi alium suæ actionis finem præponit præter Deum, & hujus asserti ratio est, quod homo id, quod Dei proprium est, violenter Deo eripit, ut Creaturis donet, tribuat, communicet, quasi id suum, non Dei esset. Nonne autem Christus dixit: qui me confitetur coram hominibus, confitebor & eum coram Patre meo? Quisquis ergo prædicto modo abnegat Deum, quî poterit à Christo commendari Patri?

Q. Cum etiam Confessio Dei sit interna (spiritualis), quæritur, quid vis per eam intellectum? R. Id, quod solus is veraciter confitetur Deum, cujus virtutes vel cum naturâ vel suprâ naturam introvertunt in fundum internum, quapropter de taliter in veris dicitur, quod confitentur Deum per modum perceptionis, estq; futurum, ut, si Deum ibi repererint, vocenter Confessores confitentes Deum per modum usurpationis, hoc est, in Veritate. Possibile enim est ut Deum quis tum percipiat, tum usurpet in verâ & vivâ fide, sic ut omne quod inde tam in scrinio mentis, Intellectu scilicet, Voluntate & Amore, quàm in potentiis & sensibus, actione scilicet, passione, verbo, cogitatu, conversatione &c. progignatur, nil aliud sit quàm vera Dei Confessio.

Istiusmodi Confessio exprimit verum præcicatorum Christi Verborum sensum.

Q. Ecquid incumbit fideli tali Confessori porro facere? R. Incumbit ei non solum operari eo quo dictum est, sine, sed etiam pugnare viriliter in Virtute Dei & in Morte Domini nostri, siquidem injuncta nobis est à Christo prospectio & profectio, per quam deducti ad perfectionem recipiamur in numerum electorum Dei Amicorum sub incremento virtutum. Erant ergo, qui ultra fidei Cognitionem sapere eoq; progredi nolunt, cum tamen nosse debuerant progressum hunc maxime fieri in fide nec extra fidem dari. Ista namq; perfectio est fidei perfectio, quam suis Ecclesiis injungit Apostolus; ast hæc per paucis cognita est hodie, unde fit manifestum, eos qui de fide nimium gloriantur, aut nescire aut minus bene observare perfectionis hujus virtutem, hætenus etiam nimis defectuosos reperiri. Tôtus fidei Cursus, omnisq; christiani Militia consistit in Conatu & Labore, ideoq; omnis exercitii spiritualis actio refertur ad operationem. Suum cuiq; parti opus est, Spiritui quidem internum, Corpori externum, quotiescunq; utraq; pars convenit in operando, toties cujuslibet opus rectè prædicatur de altero, quia de toto: totum autem sive integrum hominem voluit Deus sanctum, sicut integer Christus fuit talis. Est ergo magna differentia inter homines communiter bonos, & inter verè bonos; hi namq; sunt integri & Heroës Christiani, illi verò segnes & nimium imperfecti: expediebat autem omnibus tendere ad perfectionem, quia Dominus noster alloquitur in Spiritu quemlibet sic velut dicens: si purus esse cupis, fac vivam in te, discite mori mecum. Nam cunctis his, quorum Voluntas mea est, existo causa Salutis æternæ, gaudii Sanctorum & gloriæ S. Trinitatis. Equibus Verbis desumendum est, quid illis non sit Deus, quibus est diversa Voluntas. In sacris Literis fit mentio adunationis, adhæSIONIS, & inhabitationis, eorumq; Vocabulorum relatio est ad Deum & hominem (omnem fidelem) quasi dicas, in Unitatem reduci fideles, ut unum sint cum Deo

Deo, utq; Deus in illis habiter. Sed de modo hujus reductionis & adunationis non æq; constat omnib⁹, quantumvis ejus exemplar habeant omnes in Vitâ Christi. Ideoq; qualiter hic modus descriptus sit, est adjungendum hîc, juxtâ qvem unusquisq, tanquàm ad Lydium se probeat, num sit aptus ad recipiendum Inhabitationem Dei. Fidelis homo verè potest adunari Deo, si cunctis Creaturis relictis in humili obedientiâ, in omnium infimis Operibus Virtutis & contemptûs sui sit probè exercitatus, quin etiam præparatus per afflictiones, paupertatem, ignominiam &c. taliter namq; fit aptus per gratiam Dei contemplandi ipsam Veritatem. Hic est modus, per qvem redditur homo similis Imagini Christi, undè quidem patet, hos omnes qvi humilia ea Opera, qvibus Imago Christi depingitur, despiciunt, contemnere hætenûs gratiam Dei, qualitercunq; disputent de gratiâ, non sine Operibus, an cum iisdem impetretur: non enim Verba, sed Opera probare Magistrum proverbio dicitur. Si Christi Opera contemplamur, qualiter suis Discipulis humili animo pedes lavit, quàm multa alia virtutum Opera peregit, occurrit causa exempli, quo docemur præstare in sui seqvelâ id, cujus formam facto suo præscripsit.

Quisquis postposito Spiritûs Opere ad sensus Corporis deflectit, tenetur tunc iterum se exercere in Virtutibus præteritis (inferioribus) juxtâ exemplar Christi, ne unquàm reperiatur otiosus in Bono: Verùm quamprimùm Spiritus ejus se præparat ad puram contemplationem, postponat necessum est omnem externam observationem, quò Spiritus liberè & in abstracto contueatur Veritatem. Circâ hanc Contemplationem potest multum errari & falsa Lux pro vera accipi. Quàm multi sunt, quorum cognitio & contemplatio non ex ipsâ Veritate, sed è seipsis pronascitur? taliter autem errando DEUM prophanant, quia seipsos possident inventos, uti nonnisi seipsos aut quandam Dei similitudinem in summo Bono quærunt: ista lux falsa est. Illis autem Lux vera tantùm lucet, qvi sub Cognitione quam habent, proficiunt, & progrediuntur in abnegatione

gatione sui puraq; Spiritûs humilitate: hi custodiuntur à Deo, ne sub eorum contemplatione à falsâ Luce decipiantur, quatenus nonnisi ipsum Bonum & majesticam ejus gloriam quaerunt.

Q. Cùm Exercitium pietatis spectet totum Vitæ curriculum, eoq; in latitudine quâdam consistat, non mihi videtur sine regulis posse absolvi, quin potius extendi in absolutam & operativam disciplinam, quæ hominis indefestî assiduum Studium requirit, proinde priusquàm plura doctrinalia expromantur ex eâ, dic, quæso, annon reperiatur compendium, cujus respectus authenticus sit? **R.** Autoritas è libris hagiographis petenda est, atq; tradenda, compendium verò hujus artis invenitur in S. Petri epistolâ, in quâ scriptum legimus quod sequitur: Humiliamini subter potentem manum Dei, ut vos exaltet in tempore Visitationis: & cætera quæ ibi sequuntur.

Eccè quàm per epistolam hanc S. Petrus doctrinam nobis revelat tradendo Compendium institutivum, in quo perfectam Vitam & scientiam reperiât homo, juxta quàm noscat & perficiat omne quod ad operandum Salutem est necessarium.

Q. Dic quid è præcitis Apostoli Verbis est juxta ordinem Colligendum? **R.** Exindè intelligendum datur, tria potissimum esse homini observatu & factu necessaria, ad quæ directâ sit omnis nostra exercitatio, Vita & Constitutio, sic ut exercitium sit nullum, si unum ex illis deficiat. Eorum quod primo loco ponitur & memoriæ firmiter mandari debet, est, quod jubemur humiliare nos; hæc ipsa humiliatio est fundamentum, super quod reliquæ contignationes omnes humanæ domunculæ, hoc est, omnia opera ejus super ædificari debent, si quâ fructuosa sint futura in conspectu Dei. Nam sine hoc fundamento si sit, ruunt omnia (tota structura) quæ homo per totam suam Vitam fabricavit. Deindè quod Secundo loco ponitur, est sincera charitas versus Deum & versus proximum. Tertium autem est in omnibus quæ sunt agenda & aguntur, discretio perfecta. In tribus hiscè Statutis consistit perfectio verè probæ Vitæ.

Q. Un-

Q. Unde comparat sibi homo humilitatem? **R.** Non opus est circumspeditione, unde sit conquirenda; cum Deus eximiam Virtutem humilitatis in nostram demiserit naturam propter id quod sciebat eam esse nobis valde necessariam. Hæc enim necessitas dabat causam, propter quam Deus Virtutem hanc secretâ mediante Amicitia nobiscum copularet, nimirum ut Deiformem eam Scintillam animæ quodammodo cognoscere-
mus, quæ nobis longè proximior est & intimior quàm quod sentimus. Ea verò est nobis aliàs ignota & peregrina penitus, idq; solùm propter summam superbiam in Naturâ & Spiritu nostro hospitantem: indè amittit natura suam solitatem, sicq; malè ordinata materiam Virtutis hujus non invenit, quia nec in-
quirit, quæ aliàs bono sub ordine satis patens est. Nam si pro-
stratâ superbiâ nobiscum solùm & semper diverteremus, non posset fieri, quin eam materiam (causam) humilitatis inveni-
remus in homine tam interno, quàm externo.

Q. Nunquid per signum quoddam seu naturale seu adventi-
tium datur cognoscenda ea de quâ dicis materia? **R.** Imo u-
trumq; signum manifestum in promptu est, quorum prius exhi-
bet defectûs naturales, posterius defectus peccatorum. Conve-
nit sic homini diligenter in se dispicere & explorare defectûs
naturæ, quatenus hinc deprehendet, quàm tenerescat ejus na-
tura, quot quantisvè indigeat necessitatibus, quæ nihilominus
omnes in universum in eâ hincunt ac depereunt. Neq; enim
non constat nobis, quàm omnium earum finis citò appropin-
quet, ita ut hic fluxus transeat in terminum universalem, de quo
dicitur, quod, cum est, non est, quia nihil est. Uti enim ex ni-
hilo facti sumus, ita in idem redigimur nihil. Quisquis ergò
hoc ipsum conspicit perspicacius, is sufficientem habet mate-
riam (causam) ad veram humilitatem: turpis ergò excæ-
cans superbia.

Q. Quid de posteriori signo, defectu scilicet peccaminoso ha-
bes? **R.** Si homo fundum suum diligenter exploraret, depre-
henderet se semper proclivem esse ad peccandum, imò in Pec-

cato persistentem ; & nisi misericors Dominus incessanter eum custodiret, non posset fieri, quin semper maneret infirmus & ad lapsum in peccata mortalia, pronissimus, idq; sicut sine fine est, ita quoq; sine comprehensione.

Q. Dic quorsum ducat hic adventitius defectus? R. Ad mortem æternam, ut sine gratiâ in inferno habitet homo cum diabolis in æternum. Dubitetne aliquis nunc, an ipsa hujus, quod verè sic futurum est, mali æterni perpensio non præbeat Causam humiliandi se, annon ipsa natura velut digito monstret Virtutem humilitatis? Certum namq; est, si rectè nos ipsos scrutemur intus & foris, nil boni semper in nobis iri deprehensum, cujus intuitu vera humilitas per totam Vitam valde necessaria est foris & intus.

Q. De humiliatione hoc loco satis, plura de eâ tradentur in Sectione quartâ. Sequitur nunc secunda Virtus sub exercitio observanda, quæ est sincera Charitas versus Deum & Proximum, dic ergò, qualiter homo habeat eam? R. Hanc DEUS plantavit in ipsam naturam, hoc est, in partem Corporis mentalem & sensitivam, & inde amat homo naturatenus. Humilitas non sic est implantata in hominem, estq; forinsecus adveniens. De charitate autem hoc dici potest, quod sicut est impossibile vivere hominem sine Animâ; ita quoq; est impossibile vivere eum absq; amore. Idcirco si homo consisteret in benè ordinatâ Naturâ, tanto perè non amaret seipsum quàm Deum, longè minus Creaturas reliquas. O quàm deploranda est perniciēs, quâ homo præ nobilem suam proprietatem eousq; pervertendo temere se à Creatore naturæ avertit converso amore ad Creaturas caducas. Sed de hâc materiâ alibi.

Q. De tertiâ Virtute, hoc est, discretionē perfectâ dic quid sentis? R. Provenit ista virtus à ratione, quatenus homo est Creatura rationalis & prudens. Hinc (quod probè notandum), omnes humanæ actiones (Opera) quæ non ordinantur juxta discretionis regulam, nil valent Deoq; gratæ non sunt, cujus intuitu injungit S. Petrus Sobrietatem & Vigilantiâ, per quam effici-

efficitur, ut nostra discretio sobriè judicet, cunctaq; nostra Opera gubernet, puta totam hominis Vitam, Verba, Victum, Potum, Somnum, Vigilias, Incessum, Positionem, ubiq; inter omnes homines, in cunctis modis, intus, extus oportet discretionem benè ordinare.

Q. Annon ex his concludere licet, hominem qualitercunq; sedulum non posse operari utiliter, nî artem operandi satis benè didicerit, adeoq; supponi certa quædam artis media, sine quibus inutilis, utilis autem cum iisdem industria sit? R. Omnino: nam si virtutum opera non insunt naturali homini, imò si acquisite virtutes non sunt stabiles (immanentes) per se, non est diffitendum, requiri media ad virtutis conducentia easq; conservantia. Ea verò media sunt Opera, quædam externa è verâ & indubitata Fide promanantia, in quibus velut principia (fundamenta) probæ ac parvæ hujus artis consistunt, eaq; sunt.

1. Oratio, nimirum ut homo Deum oret pro Collatione suæ gratiæ, ejus Orationis causam nôrit esse eam, quia à seipso tanquàm à seipso nil boni coràm Deo valentis potest operari.

2. Resipiscentia, videlicet, ut quamprimum in minimo peccaverit, convertat se ad Deum in summo dolore animi firmoq; Pœnitentiæ proposito, & hujus operis causam nôrit esse eam, quia iniqui Oratio non exauditur à Deo.

3. Gratitude, nimirum ut grato animo perpendat Mysterium Redemptionis & Oblationis dominicæ, & hujus Operis causam nôrit esse eam, quia per gratitudinis monimentum renovatur tam noster quàm Dei Amor.

4. Desiderium Communionis, nimirum, ut quotidiè cupiat uniri Domino per Sacramentum Evcharistiæ spiritualiter, atq; ejus operis causam nôrit esse eam, quia per spirituales Sumptionem velut totâ mente & virtute itur obviam Amori Domini.

5. Perceptio Sacramenti Evcharistiæ, nimirum ut sæpius eoq; benè præparatus accedat ad Mensam Domini ejusq; Operis nô-

ret, nunquàm perveniet discipulus ad artis Magisterium, si exercitium intermiserit, velut quo mediante emendantur errores, siquidem compertum est, artis dexteritatem promoveri à correctione errorum. Perquàm utile ergò est exercitium in quolibet artificio, maximè autem in proposito spirituali negotio: ibi per exercitium fit progressus ab externo ad internum, de Virtute in Virtutem tanquàm per opulentum influxum, ità ut qui antecederet confusus vagabatur, nunc quasi manu ductus procedat recto tramite. Quemadmodum autem per Exercitium conquiratur habitus, qui ad proportionem & expolitionem operis erat necessarius, ità & huius loci est per exercitium se reddere habilem ad artis perfectionem, in quo exercitio diligenter observanda sunt sequentia terfioria, quibus elaboratum opus nitidum ac perpolitum redditur.

1. est, ut averfus ab omni mundanà cupidine revolvat sæpe sæpius peccata & defectûs quoscunq; , eaq; confiteatur in humili pœnitentiâ: cui adhæret, ut ex toto Corde ad Deum conversus oret jugiter, carneq; castigatâ se occupet juxtâ Virtutum ordinem, ne otiosum diabolus inveniat eum.

2. est, ut suâ sponte se offerat ad sustinendum omnis generis afflictiones sive à Deo impositas, sive ab hominibus causatas.

3. est, ut doctrinam, Vitam illibatam & passionem Domini animo suo imprimat, & in sequelâ incessanter Dominum amplexetur. Hæc sunt requisita exercitationis, quibus & artificium perficitur & ad ipsum Virtutum influxum Via præparatur, ità ut homo eò delatus possit seipsum amittere sine difficultate, eamori sensibus & Voluntati suæ, Gloriam Dei quærere in tranquillitate animi, & versus amicos & inimicos humilem se & obsequiosum præbere. Ecquid ergò prætexunt carnales impossibilitatem, qui nondum operari sciverunt, nondum scire voluerunt? Num Saltus à Carnis mollitie ad Spiritûs rigorem absq; periculo est? num est possibilis? Non est indemnis, imò nec possibilis, si absq; mediis conductivis sit, quæ dum carnales obaudiunt, occlamant Christo, Sermonem Dei servare esse rem

dos & conatûs, à quibus natura adeò destruat, ut homo defunctâ Cupidine impofterum suas actiones omnes nonnifi in Veritate & humilitate peragat sub hominis antiqui & novi examine. Examen hoc simul ac diverfimodos conatûs præteriit homo mundanus, hinc ad agnitionem possibilitatis non pervenit. Nam qualitercunq; sibi quis complacet in opere externo, aut ritu observatu, parum tamen lucri reportat inde, quoniam rudis & cæcus manet, quamdiu animus, voluntas & sensus, tota scilicet natura ejus per exercitium rigidum non est conquassata intus & extus, hoc est, quoad Corpus & Spiritum. Siquidem talis homo, quemadmodum justiciam & veritatem omnem falsæ suorum sensuum probæ subjicit, ita in suâ & aliorum afflictione labitur in jejenum judicium, id quod nonnifi ab indomitæ suæ voluntatis arbitrato procedit, undè quoq; proditur, eum non cognoscere seipsum nec auscultare verbo Domini, quod carpit præcoces Judices aliorum, propriæ trabis immemores. Examina cunctos eos, qui quidem S. Scripturam prætexunt, non tamen juxta ejus doctrinam exercent disciplinam, reperiens vera esse, quæ modò prolata sunt, quoniam si quâ carpseris prætextum eorum, excipient te impatienter irâ & odio, exindè satis patebit eorum immunditia, turbida scilicet (mixta) Sensualitas, per quam Pax inter Deum & eos toties tollitur, quoties quis Voluntati eorum adversatur. Adeoq; cum suæ proprietatis parum deponant per totum Vitæ curriculum, mirum non est, quod ad limpidum Veritatis fontem, hoc est, ad fundamentum virtutum nunquam perveniunt, tametsi Deus post actum Pœnitentiæ suam pacem eis reddiderit. Nam deest talibus id quod possident illuminati & humiles, hoc est, abnegatio sui ipsius & subjectio universalis: ab illuminatis autem requiritur, non obstante, quod à principio ad longiora tempora variis lapsibus & defectibus subjecti & onerati fuerunt, idq; sic permittente Deo pro ratione majoris commodi, quicquid tamen sit culpabilis actus, quamprimum in suum fundamentum revertuntur, ut confestim appareant cordiales, elementes, patientes, atq; Deo fidentes, eaq;

eaq; propter tantò magis resistunt peccato, qvanto profundius se mergunt in amorem effectricem humilitatis & patientiæ. Hic discat mundanus qvàm sit proficuum hucusq; pertendisse etiam qvàm longè antè perfectionem, hoc est, adhuc in statu vicissitudinis. Quamprimùm enim homo taliter est constitutus, infundit ei S. Spiritus Sapientiam gratissimi Saporis, qui in Apocalypsi per degustati libri dulcedinem significatur, hâc mediante conducuntur in Veritatem perfectam, in qvâ sustentantur, donec docti sint, qualiter se tam versùs Deum, qvàm ergà seipsum & ergà Creaturas bonas ac malas gerere oporteat. Tunc, dixi, infunditur Sapiencia, non citius, quicquid etiam Sapienciæ sive Spiritûs Dei sibi plebs insipiens promiserit. Novi hominem humilitatis studiosum, qui, tametsi humilitas in Corde ejus nondum tam firmas jecerit radices, eousq; tamen pervenerat, ut nec mundanæ gloriæ spes nec metus afflictionis animum ejus tantum immutaret, ut potius, quamprimùm cogitatus ambitionis animum perreptabat, suæ memor exiguitatis cogitatum suppresserit & quotiescunq; volebat, victor mundanæ gloriæ permaneret. Sed tu, qui præ ambitione turges, dices: hoc non fuisse hominis opus, sed gratiæ divinæ. Omnino verum dicis: nam cum sincerè pro Veritate militabat, pugnabat Deus pro eo, sic factus tectus manens deponebat seipsum, in statum humilem, qvapropter nemo valuit prosternere eum. Sed tu ambitiose, cur non eandem habes gratiam? Cur potius ostium Cordis tui non aperis gratiæ foris stanti & pulsanti? Qvod Deus dedit uni, promisit alteri. Sed quid dicendum erit de hominibus vere & perfectè humilibus? Hi namq; avertunt animum à peccato, cupidine & pravâ inclinatione, resistunt defectibus, Vitam suam præparant ad exitum, propterea variis, iisq; majoribus sæpè temptationibus subducunt se, non metuentes casum, qvia jam jacent in fundo firmitatis, & qvicquid deniq; motûs subeunt, id non in lapsum sed in erectionem cedit. Hoc loco discant tepidi cognoscere diversitatem, qvæ est inter illuminatum & prophanum, inter servientem & non servientem Deo. Hic enim sensibus

siderabilibus & spiritualibus rebus emoriantur, comprimis omnibus vitiis & peccatis, tùm etiam, ut sibi prospiciant, ne quâ seipsos in gratiâ & donis Dei ullo modo quærant aut respiciant. Hiscè Verbis comprehenditur totum christianum artificium, utut difficile sit; idcirco curandum est unicuiq; , ut artem quàm probè addiscat, siquidem per eam redditur Artifex vivus & vivens in nudâ ac essentiali Dei charitate, nec opus habet ultrò quicquam à quoquam sciscitandi. In eo quippè consistit Dei Voluntas, quâ vult, ut homo ab externo irruente munitus Spiritum suum servet mundum & vacuum sub observantiâ providâq; suorum operum discretione.

Q Quod si hoc artificium licet explicare per modum scholastici exercitii, lubet à te audire, quid hîc notandum sit? **R.** Ad Scholam hanc, quæ S. Spiritûs vocatur, destinantur omnes Christiani, ideò, ut quod discendum est discant, & ut ibi veram pacem in cunctis rebus inveniant. Schola spiritualis est paterna Dei Voluntas, Præceptor Spiritus S., codex magistralis est Salvator noster Dominus. Hæc benedicta Schola prævalet cunctis aliis mortalibus sive mortuis Scholis, velut in quâ magna & mira cottidie docentur. In eâ reperitur semper Magister fidelis, codex quoq; nunquàm ibi clauditur: proindè tenemur eam Scholam frequentare, utpotè omnium perfectissimam, quâ melior non datur. Verùm quisquis discipulorum se huic Magistro subjectum concrediderit, is vacuus supponitur & omnium Creaturarum liber, ut lectionem suam quotidianam quæ una est ac eadem, eò melius capere queat. Lectio autem è codice benedicto desumpta hæc est, ut studiosus homo æquanimiter persistat in resignatione Voluntatis suæ, in oblatione omnium rerum, facultatum, substantiæ, possessionis, carentiæ atq; modorum, id quod alio sensu sic reddi potest, nimirum, ut studiosus homo nil velit, nilq; desideret, respiciat aut optet in omni suâ virtute, potentiâ, actione & passione corporali aut spirituali, in Vitâ & Morte præter solam Magistri Voluntatem, sic quidem absq; electione hujus vel illius, loci, temporis aut modi, id est.

im-

impermutablem atq; immotè. Hæc sola Magistri nostri Voluntas in nobis vivere, taliterq; perfici ac impleri debet per Vitam & post Mortem: idcirco debet animus solum in eam intendere & omnem respectum eo impendere, nil aliud. Hoc unicum discendum est, quia & facile capiendum: brevis Lectio, cuius Explicatio longa & difficulter practicabilis. Quod si codex Christus est, jam nosti, quid ipsa Lectio sit; proinde sola hæc Schola commendatur Christiano, qui Viâ brevissimâ cupit ambulare, utpotè quod propinquior, tutior, rectior & celsior non datur hæc ipsa sancta Scholâ.

Qui eo perveniunt, evadunt docti atq; docentur, qualiter eorum cogitationes, sermones & actiones, cum à Deo rectæ sunt, perplaceant Deo, sicut scriptum est: non docebit unusquisq; proximum suum, sed erunt omnes docti à Domino.

Q. Quotidiana hæc lectio sive ars parva cum sit quasi compendium totius artificii (exercitii) annon requiritur ut suis constet principiis seu fundamentis, quæ nobis sint quasi regulæ, à quibus constituatur rerum ordo, hæc autem tu nondum designasti? R. In superioribus seriatim assignavi rudimenta hujus disciplinæ sub titulo 6. mediorum, hæc sunt principia, quæ in Scholâ S. Spiritus traduntur & in libellum parvum seu lectionem quotidianam digesta sunt. Nominata enim ibidem fuerunt 1. Oratio, 2. Pœnitentia 3. Gratitude 4. Desiderium communionis 5. Usus Sacramenti 6. Verbi divini Usurpatio. De iisdem quoq; singillatim tractavi in præcedentibus Capitibus, exceptis duobus, gratitudine scilicet & desiderio communionis, de quibus, si tibi placet, hæc etiam annectere volo, quantum necessitas & utilitas exigit.

Q. Eugè de desiderio communionis desidero antè omnia tuam explicationem, cum quidem noscam Usus Sacramenti esse valde necessarium, ast de desiderii medio parum adhuc mihi constat? R. Sacramentum Corporis & Sangvinis dominici sæpè sumere est omnium tutissima ac nobilissima exercitatio, ad acquirendam adunationem summi Boni, verum quam sanctam

Vitam duxerint homines, unus tamen præ alio longè sanctior efficitur mediante frequentiori Usu Sacramenti. Attamen hic probè observandum est, salutarem hunc fructum non capi à solâ externâ sumtione, sed potissimum ab internâ, quæ est animi desideriosi & devoti, quâ sine indigni sumunt Sacramentum absq; fructu. Et hoc respectu meminit Scriptura duplicis modi sumendi, sacramentalis scilicet & spiritualis. Modo sacramentali percipitur Evcharistia ab indignis & dignis, spirituali verò solum à dignis; imò & spiritualis supplet defectum sacramentalis in Casu necessitatis, ut cum Sacramentum Evcharistiæ juxta ritum Ecclesiæ obtineri nequit, potest tamen modo spirituali à devoto & cupido intus sumi noctu ac interdiu in statu Sanitatis & infirmitatis, quotiescunq; vult homo. Taliter quidem voluit Dominus subvenire cunctis defectibus, ut gratia ejus exuberet. Extrâ Casum necessitatis tenetur homo accedere ad sacramentalem communionem juxta ordinem Ecclesiæ & juxta desiderium hominis. Imò tametsi desiderium non adeò magnum esset, non tamen desistendum est, sed potius accedendum eo desiderio, quod homini est juxta capacitatem & juxta conatum suum: nam Deum sequi Sanctitas, consequi autem beatitudo est. Ne autem incurius homo per accidens eoq; indignè accedat, cognoscendum est qualiter debeat esse præparatus, ut juxta Capacitatem suam desideret, dignusq; inveniat haftenus. Primò namque requiritur, ut homo abjecerit suam proprietatem, hoc est, peccatum. 2. Ut desideret ea quæ sua non sunt, hoc est, gratiam & virtutem. 3. Ut omnia, quæ Deus in eo operatur, placidè suscipiat. Quicumque sic præparatus est, est satis aptus ad sumendum Evcharistiæ. Multi homines differunt Usu Sacramenti, cum se idoneè præparatos nondum inveniunt, & tamen ipsi necdum noscunt, qualiter & quando fiant satis idonei, imò vix unquam sic præparari possunt, uti decet; deniq; cum putant se esse præparatos, sunt adhuc verè inepti. Idcirco cum non sint idoneè præparati, expedit nō se, num possint accedere ad mensam Domini necne? Præstat quidem

quidem satis idoneum esse, sanctum & devotum ; Cùm autem id non omnibus datum sit, præstat interesse S. Communioni, quàm emanare. Quapropter non usquè adeò præstoletur fidelis, donec sufficientem devotionem in se sentiat, sed scrutetur animi sui Dispositionem, Intentionem, Voluntatem & Amorem, & quàm magnus in eo sit Dei respectus, nam è per investigatione sui potest dignoscere, quàm procul recesserit, aut quàm propè accesserit ad Deum. Remotus à Deo Peccator est, propinquus autem Deo est pœnitens humilis ac sincerus, nimirum, cujus Conscientia pura est & à Peccatis purgata per pœnitentiam & absolutionem, cujus Voluntas integrè ad Deum conversa est, cujus desiderium solùm fertur ad gratiam Dei, cujus Cor abnegavit omnem injustitiam. Hæc præparatio sufficiens est unicuiq; fideli ad S. Cœnam accedere cupienti, eâ suppositâ quò sæpius accesserit, eò melius erit. Necesse tamen est se probet, num incrementum amoris atq; respectûs Dei ex usu Sacramenti in se sentiat, prout etiam, an timor filialis in eo persistat sub Sacramenti usu frequentiori; id namq; indicium bonum est, secus autem si amor & respectus Dei remittit, timorq; filialis perit, est malum Signum, quia indicium vilipensi per assuetudinem Sacramenti. Timorem hunc retinet homo circumspexitus, qui toties, quoties Evcharistiam percipit, diligenter considerat, quàm magnus sit æternus gloriæ Rex, quem accipit, vicissim quoq;, quàm vilis & indignus sit ipse peccator Deum recipiens, & ideo frequentior usus Sacramenti non minuit, sed auget timorem, quia multiplicat considerationem.

Eum ergo, qui à cunctis defectibus & peccatis liberari, vicissim autem gratiâ & virtutibus ornari, imò ad fontem suæ originis remeare cupit, decet ita vivere, ut Sacramentum Evcharistiæ sæpè ac dignè sumere queat: taliter namq; intus unitur Deo intimè absq; ullo medio discriminante, tamen si eam non sentiat Unionem.

Q. Quid si imaginaria est Adunatio, cujus non est Sensatio? R. Ideò hæc adunatio est Res fidei, quia non est Sensationis obje-

Etum, nec est imaginaria, quia transcendit ipsum intellectum. credendum est, quod Verbum Domini est, siquidem id quod nullo modo percipi potest, si tamen creditur, summopere perficit fidem, augetque ejus meritum; sed exin videmus, quam debilis sit nostra Fides, cum id quod non sentimus, forti Fide non apprehendimus.

Q. Cum hoc perfectionis opus sit, qui potest id homo obtinere, obtentum aut obtinendum credere, cum imperfectus sit, defectuosus atque non nisi ad peccata pronus? R. Hic multi impingunt, qui adeo offenduntur a fragilitate naturæ, ut nec spiritui quicquam perfectionis concedere velint haftenus, cum tamen duplicem hominis statum supernarum scilicet & infernarum virium seorsim probe considerare decebat, qualis & in ipso Domino nostro deprehensus fuit, cujus animus possidebat Beatitudinem, Corpore interim cum suis sensibus temporali passioni subjectis, id quidem omne sine perturbatione statuum. Nos Christum ut in omnibus, ita maxime in hoc imitari decet, nimirum ut animi virtutes in Deum transfundantur, Corpori vero & sensibus passionibus committantur, ceu quibus solum Sensatio corporalis, Frigus, Ustio, Fames, Sitis, Ærumna & Passio, prospera quælibet & adversa competunt, non item mentis objecta, quæ nec imaginari nec sentire possumus, adeoque sine Corporis curâ convenit animo vi potestatum suarum ad Deum se extollere & temporis exforti in æternitatem transire. Perfectus & simplex sit animus in Corpore imperfecto, quia composito; sic naturæ naturæ debitum, Deo vero redditur cœleste talentum. Et quatenus id vix unquam sine pugna in nobis fieri potest, noscendum est, Victoriâ esse tantò majorem, quanto intensior est pugna, virtutem quoque esse victori tantò excellentiorem quanto major impetus est vitii. Quicunque ergo Dominum nostrum in Sacramento dignè cupit percipere, is debet esse sollicitus de obtinendâ victoriâ, hinc se scrutari tenetur, qualiter sint ejus potestates, Voluntas, Amor & intellectus in Deo ordinatæ, an in Fide, Fiduciâ & Constantiâ. Si
sic

sic, indubium est, eum singulis vicibus majorem gratiam ex usu Sacramenti haurire, id quod manifestam dat rationem frequentis usus Sacramenti.

Q. Ad rem autem redeundo, compertum est esse alios homines, qui puritatem conscientiae non habent, insuper & frigidi sunt, ad lapsum proni, pigri, devotione ac desiderio carentes, quaeritur hinc, num Usus Evcharistiae sit iis admittendus necne?
R. Imò tales homines vel maximè indigent Sacramento, ut convertantur, siquidem in cœlesti hoc dono auxilium divinum, amor, sanctitas & omnium quorum homo indiget, copia invenitur, idcirco si homo hæc omnia ardentè desiderat, accedat absq; morâ ad Sacramentum, in quo gratia quàm propriissimè percipitur, quoniam futurum est, ut per efficaciam præsentis Domini nostri dispersæ potentiae animæ colligantur, & ruens homo sustineatur & erigatur. Quid quod cœlestis ille panis est Manna reficiens, imò & appetitum concitans ad dona Virtutum cœlestia, est etiam id Dei habitaculum, unde homo sui renovationem acquirit. Ecce fructum Sacramenti, qui consistit in hoc, quod cum corde & corpore Domini unum sumus & taliter in Deum immutamur. Quisquis ergò plenus est peccati & miseriae, percutiat pectus suum in signum humilis confessionis, abrenunciet suæ Voluntati, accedat ad Sacramentum, suumq; corpus & animam, hoc est, Voluntatem, amorem, intentionem, cunctosq; sensûs Deo suo offerat; sic enim in cunctis suis Viribus persentiet divinum auxilium. Paulò antè facta est mentio de fructu hujus Sacramenti, cujus respectu fidei properandum est ad usum Sacramenti, & dictum est, fructum hunc esse communionem Dei & hominis. Hic fructus continet in se 12 nucleos sapidissimos datos degustandum cunctis iis, qui Sacramento dignè fruuntur. Dona sive pignora hæc non sunt omnibus æq; cognita, quia spiritualia, spectant enim potissimum internum (spiritualem) hominem. Ut ergò sedulò considerentur & observentur, expedit hîc ea recensere.

1. Homo à Virtute hujus Sacramenti acquirit potestatem deferendi

serendi Creaturas tanquàm nimis imperfectas, quia disgregatas & caducas, de quarum Vanitate alibi dictum est.

2. Homo à Virtute Sacramenti sumit incrementum Bonorum cœlestium; siquidem Deus trahit hominem à Viâ Creaturarum, eumq; deducit in cognitionem & amorem summi Boni, quod Deus est.

- 1. mediante Clementiâ suâ.
- 2. mediante promissione Vitæ æternæ, quam præparavit Deus amantibus se.
- 3. mediante passione dominicâ.
- 4. mediante exhibitione Corporis & Sangvinis dominici.

3. Anima hominis elevatur super omnes Creaturas & res desiderabiles, quæ Deus non sunt, quarum sunt Voluptates tam Corporis quàm spiritûs, quinetiam anima rapitur à Deo in divinam suavitatem, per quam non solum extinguitur naturalis animæ voluptas, verùm etiam per quam supprimuntur cuncta, quæ obstant animo, quo minus divinâ fruatur dulcedine & obtutu veritatis divinæ. Nam quantò res spirituales sunt nobiliores corporalibus, tantò suavior est animæ è spiritualibus hausta oblectatio, proindè cupit etiam eadem claritate & suavitate frui in perpetuum, imò gravatè abhinc avertitur, cum quasi per vim ad Corporis contubernium reflectitur.

4. Deus potentias hominis, maxime vim memoriæ avertit à Speciebus caducis & humanis, easq; tam perfectè roborat ad cogitandum & memorandum spiritualia, ut homo rerum tantum cœlestium avidus obliviscatur etiam naturæ suæ, & tunc naturæ operationes insunt quidem ei, ast sine scitu & sensu ejus, hætenus quoq; nec utiles nec nocivæ eidem. Verùm oblivio hæc (inadvertentia) inducitur triplici medio.

1. quidem est ipsa Dei gratia. Nam ut homo cogitando consideret magis spiritualia quàm corporalia, idq; non coactè nec studiosè, sed velut suapte naturâ (instinctu ipsius naturæ seu inadvertenter) id est indicium inversæ & spiritua lisatæ naturæ. Hanc autem angelicam puritatem nulla unquàm Creatura potest

test in homine causare, sed quod solus Deus invertit naturam reddendo eam habilem suæ Clementiæ; id soli divinæ gratiæ est adscribendum.

2. Temperantia, quæ hominis opus est. Per eam supprimuntur vires corporis & concupiscentiæ, suppressis autem causis defectus humanos efficientibus, suppressi quoque sunt effectus; prætereà scimus, defectus humanos tunc magis conspici, cum homo intemperanter vivit, siquidem tunc ignis cupidinis nanciscitur pabulum quo nutritur.

3. Spiritualium ac cælestium negotiorum prompta cogitatio. Per eam namque exercitationem obfirmatur homo in piis cogitationibus sic, ut postliminiò nil nisi bonum cogitet proprio motu, contrarium verò non nisi per errorem & vim extraneam. Exin conspicitur Utilitas promanans è bona & suetâ exercitatione suas invertendi cogitationes, nimirum quàm primùm homo advertit, se cogitare malum, se ilicò convertat ad cogitandum bonum: sic namque futurum est, ut natura assuescat cogitationem bonam exercere non advertente homine; talis homo tunc verè dicitur naturaliter bonus. Quisquis id à naturâ non habet, per artem sibi conquirat, acvisibilis enim est pia cogitatio è studio & assuetudine, hinc homo tot pravis cogitationibus à Viâ virtutis abductus prisco tempore mirum quid videbatur, siquidem quò plus Vanitatis, hoc minus Veritatis cogitat homo & viceversa.

5. Deus illuminat intellectum hominis, ut ei liceat in Speculo æternitatis intueri Deum & Creaturas in eo, quæ citrà incrementi aut decrementi vicissitudinem tales sunt, tametsi in tempore crescant & decrescant. Quantum homo cognoscit cuncta in Deo, tantum perficitur in eo charitas, & quò potentius Deum amat cognitum, hoc redditur beatior tùm in prægustu, tùm ipso futuro Usu. Hoc autem modo ad sublimitatem eversa anima conquirat è gratiâ id omne quod Deus est de naturâ. Contemplare nunc, ô homo, illuminatum & sanctum hominem, eumque tibi propone imitandum, qui ad instar solis in-

tenebras lucentis, eoq; & bonis & malis familiariter servientis in mundo fulget, paratus cum omnibus promiscuè participandi lumen divinum pro Ratione capacitatis cujuslibet, quò spectant Verba Christi dicentis: luceat Lux vestra coràm Hominibus: item: tanquàm luminaria mundi. Solatium hominum est id, quod dicitur delectabile, hætenus solantur hominem omnes deliciae temporaneæ; quantò magis solabitur animam quod delectabile est Lumen divinum, quod in seipso, quia Deus est, omnium suprema delectatio est eoq; unicè desideranda? Imò cum Lumen divinum cunctis iis Creaturis à quibus cognoscitur, sit summè delectabile, sequitur homini pro modio cognitionis ejus esse plus minus deliciarum beatarum, quia & animæ benè ordinatæ vix unquam æq; placet aliquid atq; cognitio nudæ veritatis, quæ Deus est.

6. Deus per seipsum accendit amorem sui. Nam quia Deus charitas, charitas autem Deus est, convenit animæ amare Deum aut Creaturas nonnisi per Deum in ipso Deo, modo scilicet pure divino. Sic hospitatur Deus in Animâ, eiq; ad instar fidi amici revelat abscondita sua consilia. Si quis dicit: consilia Domini (juxtà Scripturam) esse occulta, ei respondetur; Arcana ea Essentiæ suæ latibula esse nonnisi intimis Dei amicis cognita, ast non sic specialia præhabiti Consilii decreta, quibus Deus mundum judicat: quicquid ergò in ejus Essentiâ absconditum est, id manifestat animæ pro mensurâ capacitatis ejus, magis vel minus, hoc est, juxtà quod ad gratiæ divinæ receptionem est præparata. Id quod ex in probatur, quod omnes sancti Viri, quibus aliquandò similis revelatio facta est, ne quicquam ampli⁹ attenderunt, nisi solum Deum, utpotè qui omnium optimus & constantissimus Amicus est, manens nobiscum in Seculum Seculi, quoniam quod amat, infinito amore amat.

7. Deus in animâ operatur

1. Perfectionem beatitudinum omnium, quas Christus manifestavit nobis: tanquàm in quibus vera consistit Sanctitas. Sanctitatem dicit Dionysius consistere in perfectione, claritate, & liber-

Matth.

5.

libertate, inde sequitur, eam non habere nisi animam eam, quæ pura est, & nihil commune habet cum ullâ Creaturâ mundanâ sive corporali sive spiritali. Quin etiam ab anima requiritur esse mundam ab omni cogitatu Creaturarum cœlestium, Angelorum &c. tunc scilicet, cum Deus mentem cum suis virtutibus cunctis extrâ mundum raptam sibi adunat.

Alibi dictum est, tractum hunc esse rarum & brevem, siquidem terrena corporis moles pondere suo retrahit Spiritum; Spiritus autem legi unionis obstrictus nactâ veniâ recipit se suo loco brevemq; morulam coactus solvit. Est enim beatitudinis advena, temporis incola, cujus respectu perquam brevis est cœlestis nundinatio. Liceat ergo æternam beatitatem appellare Speculum clarissimum paternæ essentiae, in quâ sibi Pater format imaginem sui ipsius, genitum scilicet suum. Hic est Imago illa Patris coæterna, in quâ & per quam facta (formata) sunt omnia, in quâ etiam omnia cognoscuntur, non quidem sic, uti subsistunt per modum creati Entis, sed sicut transformantur in Deum ipsum, in quo nil nisi Deus est. Eo in Speculo obtuetur Mens creaturas, quid sibi exin nundinetur, verum præ claritate Dei despicit cuncta velut confusa nil clarius cernens nec volens præter Deum solum, æternum clarissimum Lumen. Reversa deniq; ad suum incolatum desert secum è nundinis cœlestibus nil nisi omnia, Ideam scilicet sobolis Dei, in quâ omnis perfectio, Claritas & Sanctitas quæ in præfato æternitatis Speculo præformata est, relucet. Ad breve ergo tempus reverà obtinuit id, quod nequit retinere in tempore nisi per speciem, quamvis per gratiam Dei diversis vicibus sic queat obtinere.

2. Libertatem veram, divinam (quæ Deus ipse est) & sic liberatur animâ ab omni suâ proprietate, quæ antecederet eam impediens, quominus liberè poterat uti divinâ libertate. Libera nunc anima per rupto rerum circulo transcendit ea quæ Deus non sunt, motuq; libero currit in æternitatem immobilem, quæ Deus ipse est, & hoc ita facere potest per gratiam & tractû Dei, quia & ipsa nunc & usq; in æternum subsistit.

Mmm 2

3. Per-

3. Perfectam reddit animam mediante divinâ suâ effigie, quæ Filius ejus & noster Salvator est. Anima Deo unita cum vanitate simul amisit varietatem omnemq; diversitatem, non tamen redditur perfecta hætenus, quia talis est in omnium absolutissimâ perfectione, quæ Deus ipse est. Exin cognoscitur, animam quoad perfectionem tantò reddi Deo similiorem, quò frequentius effigiem divinam apprehendit; ast quandocunq; quiescit in unitate silente, Ideales Dei comprehensiones omnes & modos comparandi boni excludente, tunc in summo suæ perfectionis gradu collocata deprehenditur, saltem ad temporis momentum.

8. Deus dicit hominem thesauro Sapientiæ, per quam cognoscat quid ei agendum, quid intermittendum sit, ne postea cujusquàm facti pœniteat. Per Sapientiam cognoscit etiam & intuetur homo Deum in Deo per gratiam: & quantum hujus sapientiæ habet homo, tantum habet etiam Dei nec plus nec minus, hinc & veraciter talis homo dicitur esse hospitium (templum) Dei. Non majus donum est, quod Deus homini conferre potest, quam ipsa hæc sapientia, quæ est origo beatitudinis, imò beatitas ipsa, quâ SS. Trinitas utitur æternum: ideoq; amat Deus etiam talem hominem, cui suam contulit Sapientiam. Homines quidem naturatenus sunt cupidi Sapientiæ, sed nesciunt, quid optant, non enim cognoscunt veram sapientiam, neq; sic cupiunt eam sicuti est: cupiunt autem mundanam naturalem prudentiam, quæ sapientia non est, eaq; adeptâ contenti sunt, non multum sciscitantur an præter eam sit alia sapientia necne? Propterea Deus tradidit eos vanis eorum cogitationib⁹ & mentem reprobam dedit eis &c. Cum autem vera Sapientia sit ipse Deus, hinc constat, per paucos homines adipisci eam vel ad momentum temporis; quibus autem manifestatur, iis etiam datur sapientia, sicut sint unum in Deo, & Deus omne in illis.

9. Deus exhilarat animam per bonam conscientiam. Pura & impermixta conscientia affert Cordi constans gaudium, quatenus spiritus hominis in Deo vivente se semper recreat, hætenus

nus in rebus tam adversis, quam secundis persistit lætus & contentus in spe æterni gaudii passionem tandem compensantis. Admirabile gaudium hoc, quod anima à beatissimâ Dei in Sacramento præsentia concipit, non potest ulla unquam conferre Creatura, cum autem à solo Deo detur, indubium est, quin longè aliâ sensatione percipiatur quàm naturali. Inest enim ei infallibilis certitudo securitatis & perfectionis, & homo sic bono optimo adhærens prægustat ipsam æternam beatitatem, hætenus gaudium ejus est incomparabile quia perfectum.

10. Deus reddit animam de beatitudine certam ac securam. Hæc autem Vitæ æternæ certitudo triplex est.

1. quidem in fide. Nam per Virtutem veritatis, quæ fidei inest, acquirit credens certitudinem obfirmantem rei ignotæ statum quam credit; itaq; scriptum est: omnia esse (videri) possibilia credenti: hoc est, nil esse tam mirabile, immensurabile, incomprehensibile aut excessivum, quod bonus homo non crederet esse possibile, imò & fortiter credenti sunt omnia hætenus possibilia juxta robur (Virtutem) fidei, quid quod respectu ejus exaudiuntur orantes, & potestate ejus sunt olim signa & miracula facta à sanctis hominibus.

2. in revelatione rerum futurarum, quas Spiritus velut præsentit. Constat namq;, quibusdam hominibus raro accidere quicquam, quod per modum Revelationis non præviderint in Spiritu. Id quidem quia contingit per medium Idearum interpositum inter Deum & animam, non est ipsum Bonum optimum, tametsi utcunq; bonum sit.

3. in summâ cognitione Dei, in amore & adunatione spirituali, cujus ratione veraciter dici potest: Abbah Pater! Et: quis separabit nos à charitate Dei &c? Hæc certitudo est ipsa Beatitudo, quæ incipit in tempore, & desinit in æternitatem, & uti humano merito non conquiratur, sed à solo Deo datur; ita non datur nisi ei, quem Deus elegit, hoc est, qui seipsum unâ cum cunctis Creaturis abnegando deseruit.

11. Deus confert homini pacem perfectam, æternam, cujus

gratia dicitur, Regnum Dei advenisse in tempore & inter nos imò in nobisipsis esse, siquidem in eo Regno est pax beatissima, pax quæ ex ipso Regni adventu cognoscitur hîc incipere & in æternitatem durare. Pax ea est itidem triplex

1. Ea scilicet quam homo habet cum proximo suo quantum in se, & sine quâ non habet pacem cum Deo : hujus quidem certum indicium est, si hominis familiares amant Societatem ejus ; sed quia pax ista non tantum ad charos & familiares, verum etiam ad hostes aut magnâ ex parte ei adversos extenditur, parva quidem res est jucunda familiarium conversatio, utpotè quorum paritas est causa pacis, è contrario verò res plurimum laudabilis est habere pacem cum imparibus & adversariis, utpotè quod ejus nulla alia causa est præterquam amor divinus.

2. Ea demum, quam pura conscientia obtinet, utpotè quæ pace fruitur internæ & externæ. Ea verò conscientia pura est, quæ unitatem Dei hominisque supponit.

3. Ea, quæ absque defectibus est & perfecta dicitur. Pacem hanc habet solus Deus, qui neminem offendit, & vicissim à nullo unquam oppugnari potest. In quantum homo hujus pacis particeps fit, in tantum conquirat per gratiam & utitur eo in æternum, quod Deus est de naturâ.

12. Deus adunat sibi animam indissolubiliter. Per hanc divinam adunationem,

1. perfunditur anima supremâ omnis perfectionis Virtute, quæ Deus ipse est, sic ut jam particeps omnis perfectionis desiderabilium nil aliud unquam concupiscat.

2. habet anima Deum & cunctas Creaturas Deo unitas cum summâ earum perfectione, idque absque modo, mensurâ aut tempore, quia in ipsâ æternitate quæ Deus est.

3. obtinet anima omnem perfectionem eam, quâ omnes Creaturæ beatæ in Deo æternum frui ac uti debent.

4. Sentit anima prægustum adhuc in tempore gratiæ (quæ est principium divinæ adunationis) prægustum scilicet omnis futuræ Beatitudinis, quam sine fine in Deo gustabit.

Hi

Hi sunt 12 fructus seu nuclei ad degustandum dati homini Evcharistiam dignè sumentibus, quorum facit mentionem Apocalypsis C. 12. nimirum : Lignum Vitæ (in sanctâ Civitate plantatum) fructus duodecim afferens &c. & folia Ligni ad sanitatem gentium ; inde discimus Utilitatem, imò beatitudinem, quam anima è Sacramento haurit, Verbis nunquàm posse dignè exprimi.

Tantum de desiderio simul & Ufu Sacramenti Evcharistiæ, hiscè demum expedit paucula verba adjicere de gratitudine. Quisquis gratias agit Salvatori pro admirabili descensu ejus in carnem humanam miseram, in passionem & mortem acerbissimam, comprimis si cunctas passiones ità considerat ac si veraciter eas intueretur, & si desiderat hæc aut similia cum Christo pati (si quâ possibile) in eo habitat Christus sicut Rex in suo palatio.

Cùm fundamenta (principia) artis seu disciplinæ nostræ nunc tradita sint, quæ commodè in Scholâ S. Spiritûs inclusa sunt Lèctioni quotidie exercendæ, restat nunc plura adjicere, quæ circumstantias spectant & ordinem attinent, qui ad hoc pietatis Exercitium videtur esse necessarius adeò ut sine eo impediat progressus. Tu ergò si quid desideras interroga.

Q Quot genera sunt Christianorum pietatis exercitio deditorum? R. Tria : unum est egredientium sive incipientium, alterum progredientium seu crescentium tertium ingredientiũ sive perfectorum. Hæccè Christianorum distinctio, pro dolor ! hodiè inter multos Christianos tam densis est involuta tenebris, ut complures eorum, quibus pietas curæ cordiq; non est, quàm minimè solliciti sint, qualiter ad pietatem perveniant, cum nec quid pietas sit pernoscant, tantominus ejusdem initium, progressum atq; profectum perquirant : quid quod' perfectionis nomen tam est exosum iis, atq; venenum lethiferum, quod etiam hâc ratione condemnant.

Cùm autem justificatis ad sanctitatem tam necessarium sit hoc pietatis exercitium, ut sine eo non nisi impius sit homo, injustus
sive

sive justitiæ per Christi meritum, gratiam, fidem & sacramenta adeptæ non nisi prodigus dissipator, convenit cuilibet christi-
næ fidei Confessori tum scire tum exercere pietatem non tan-
tum gratitudinis debitæ, verum etiam divinæ gloriæ, & volun-
tatis, obsequii & boni exempli causâ.

Q. Qvis homo incipiens? R. Is dicitur incipere pietatis ex-
ercitium, qui veræ pœnitentiæ dat seriam operam.

Q. Quid incipienti Christiano ad veram pœnitentiam perducere
se passo est faciendum? R. Initiantem oportet diligenter explo-
rare internum fundum, cunctos scilicet animæ suæ, quæ thala-
mus Dei est, angulos, eoq; advertere, num inibi latentem ho-
spitem (caducam quandam creaturam) inveniat, quæ desiderii
eius ligavit. Quicquid autem in animâ fuerit repertum,
ejiciendum est foras, nullâq; miseratione dignandum. Triplex
actio hæc, perquisitio scilicet, inventio & eliminatio comparari
potest rudimentis literarum, cum se ad animum habeat ut Al-
phabetum A b c ad parvulorum memoriam. Enimverò quem-
admodum sine notione literarum nemo pervenit ad syllaba-
rum, verborum, & periodorum structuram, ita etiam sine præ-
fatis primis animi actionibus nemo pervenit ad pietatis con-
structionem: inde constat, eas esse perquam necessarias, nequa-
quam negligendas, experientia quippe docet earum neglectum
parere confusionem & in extremo Vitæ tractu jacturam fidei
sæpè irrevocabilem.

Q. Quod si mala consuetudo, naturæ vitium, hebetudo, pigri-
tia, tarditas, insensibilitas vel aliud quid obstet, quominus homo
præstet id opus difficultate plenum, quid tunc existimas facien-
dum? R. Tametsi non promptè aut pro voto succedat opus,
nemo despondeat animum, neq; desistat, quin imò toties repe-
tendo incipiat, donec quæ antè nequivat mittere, post linquat,
& quæ antecederet facere non poterat, tunc faciat. Id confir-
matur ab exemplo puerorum, qui Lectionem prælectam toti-
es relegunt, donec eam exactè noscant recitare. Toties quoq;
tenetur pietatis Tyro redinchoare suum cæptum, donec tan-
dem

dem toti mundo perfectè abrenunciaverit & cum Christo è mundo sublatus ad Patrem iverit simul ambulatum cùm cœli Civibus Deumq; glorificatum. Ut autem tantò felicius quis quod optat, obtinere possit, necessum est quotidie, quamprimum à somno evigilat, in lecto suspiret ad Deum dicens: Domine Deus mi, hoc ipso momento incipiam de novo meipsum & omnia relinquere propter te. Quamvis hoc non sufficiat, cùm sit necesse, ut toto die hanc lectionem recitet, id est, ut toties quotidie seipsum derelinquat, quoties seipsum invenit, id quod & facile pernoverit, si diligenter scrutatus se fuerit. Quominus quis operatur, magis autem seipsum linit, hoc plus fecisse censeatur, quia quò difficilior est abrenunciatio, hoc magis ad actionis rationem atq; censuram, refertur.

Q. Ergone tanti interest incumbere actioni, cujus hodie cura est minima? **R.** Magni certè interest, quoniam totum pietatis negotium consistit in hoc exercitio, qualitercunq; id aliquis comto dicendi genere obtexerit, inverterit aut perverterit, nil profunt ea intentata, cùm ipsa res, quæ plana est, causam pro se dicat: quid quod sit ambulandum, currendum, laborandum, certandum, ipsa Scriptura planum facit. Non currit nec quidem ambulat, non certat, nec quidem laborat, quisquis ad exercitium præfatum non omnem movit lapidem. Nam sicut pietatis Cura & Studium ex ordine adhibitum difficultates multas tollit, ita neglectus ordinis parit vel confusionem (crassitiem) vel superstitionem, opiniones vanas & difficultates, sic ut non mirum sit, si de perfectione nunc sentiant absurdè non solum improbi sed etiam apparenter probi, qui bonum operati sunt, & qui in ministerio Sacrorum consenuerunt quidem, ast nondum observârunt, quod tanto intervallo distent finaliter ab evangelicâ perfectione quanto sub initium: taliter imitati peregrinantes Israëlitas oberrant per ambages & circulato gressu tandem principium repetunt. Quicunq; obaudiunt illud Apostoli: ut semper in melius proficiant: sunt incurii, vanâq; Vitæ regulâ recti, idcirco tota eorum Vita est eadem, ipsa scilicet alteritas & irregularitas.

laritas. Nam quæ certamen est, cum Caro & Spiritus destinatis horis ad æquum alternant? quæ emendatio, si antiqua & nova Creatura pari jure gaudet & privilegio? Nonne sic duobus Dominis servitur insaniente perpetim animo? Hujusmodi homines, utut sibi aliisque videantur perfecti, nihilominus tempus, impensas & operam perdiderunt omnem, quia nusquam progressi per Vitam similem hærent adhuc in limine.

Q. Annon id, quod ab initio est necessarium, ad tempus tantum vel semper æquum necessarium est? & quid est illud necessarium? R. Seipsum abnegare mundum vè deserere est ab initio omnium necessariissimum, & hoc ipsum est per omne tempus æquum necessarium; siquidem hoc observato proficit homo in melius de die in diem, cum nequeat fieri, quin semper reperiat tantopulus deponendum, quantopulus deposuit relinquendo. Quatenus autem per totum Vitæ curriculum semper aliquid invenitur, quod deponendum (relinquendum) est, inde patet, hoc abnegationis exercitium esse principium & fundamentum semper necessarium, Axem scilicet circa quem universæ activitatis christianæ sphaera volvitur. Sed hic à plerisque peccatur vel in defectu vel in excessu: quoniam nonnulli hoc ipsum fundamentum tanquam inanem conatum penitus dedignantur, alii verò jacto semel fundamento subsistunt vanâ opinione capti, tanquam ad eos non spectet illud plus ultra sive progressus tantominus ejusdem modi observatio, quo quis exactiorem, subtiliorem (strictiorem) abnegationem sui tenetur intentare. Priores homines sunt è numero reproborum, quia seipsos possident per totam Vitam, hinc & ipsi tandem cum omni possessione eorum rapiuntur: æquidem potestas mortis magna est, dira & indeclinabilis, nimis serò autem tales agnoscunt id quod invité tunc deponendum est, fuisse suâ sponte antecedenter deponendum & quod cum fructu liberè perditur cum damno asservari in prædam. Posteriores verò qui mundum non usque adeò amant, cui potius resignârunt, dividuntur in tres Classes, quorum prima est, qui inceptâ resignatione seipsos reassumunt modo secreto: secunda

cunda eorum est, qui factâ resignatione se ipsos redaccipiunt modo animali: tertia eorum, qui factâ resignatione se ipsos requirunt modo Luciferiano.

Q. Secretus modus re assumptionis sui ipsius quis? **R.** Natura humana etsi malitiosa sit seipsam quærens in cunctis rebus occultè, astutè, velociter, facile tamen deprehenditur ejus dolus, ut si quis est eorum, quorum nota est resignatio, qui suos defectus blandis Verbis, suoque modo palliat vel excusat communiter quidem utendo trita illâ blandiendi formulâ, videlicet: tamen bono feci animo: ex animi Candore (integritate, simplicitate) factum est. Quale, quæso, Verbum est, quod duplicem uniet animum? qualis formula, quis modus rectificabit iniquam animam? an quod umbra occuluit, lux non illuminabit? quod palea operuit, ventus non detegeret? Idem namque efficit, quod obstat sive leve sit sive grave, sive molle sive durum, leve (blandum) asperum: per minima oculo illapsa impeditur visus, ita animus invidus æque; minimâ atque; magnâ offensione proditur, quid ergo de iis censendum est, qui quidem orant, sed tamen inter orandum levi de causâ offenduntur, leviori accenduntur, levissimâ ut canes rabidi in cholera stomachantur? Ut ut ergo bonus & integer tibi videatur animus, ut ut excusatum te habeas, est tamen necessarium sincerè abrenunciare caducis rebus omnibus, ut ut nobiles sint aut utiles. Quid quod hoc loco præponendum est Exemplum Christi, qui non obstante, quod Dominus est dominantium, Vindex & Judex summus, pertulit opprobrium patienter, cumque; per convitium seductor, traditor, bibo &c. vocabatur, os suum non aperuit, sed obticuit. Annon tenetur Homo spiritualis ad minimum imitari exemplum Sacerdotis summi tantâ resignatione, ut si Colapho offenderetur, maxillam alteram præbeat feriendam tantâ modestiâ, ut quicquid ei tolerandum occurrat, benignè perferat, velut cadaver demortuum, quod nec laude nec vituperio afficitur?

Q. Modus animalis redactionis sui ipsius quis? **R.** Hic prius supponitur excludi eos, qui volenter juxta Carnem vivunt

criminosè pro more brutorum, quibus malum & bonum discernendi ratio non est, tantominus gratia atq; dehinc profecta potentia sectandi decorum & justum, quæ data est hominibus. Solùm eos spectat quæstio hæc, qui summum Bonum (Deum) desiderant modo (affectu) naturali. Hic modus animalis (naturalis) est, cum homo bonus actiones suas perficit pro ratione sui desiderii seu naturalis propensionis, non autem (quod solùm requiritur) ex proposito (voluntate) Deum amandi & laudandi integrè. Quod si quis instet quæsitum, qualiter juxta debitum propositum vivendum & agendum sit, hunc remittendum duco ad ea loca, ubi satis copiosè responsum sibi inveniet; ne tamen gratis hîc videatur quæsiuisse, nôrit oportet, id esse vivere & agere juxta propositum Deum laudandi & amandi integrè, cum inter dormiendum, comedendum, bibendum, loquendum, tacendum, vel deniq; inter quamcunq; actionem, quam quis vel agit vel agendum præsumit, supprimit brutalem suam inclinationem (concupiscentiam) non aliter capiendo victum, nec aliter quicquam operando nisi juxta rationem & juxta veram charitatem: orandum enim sic semper est aut cogitandum: Clementissime Domine, non mihi sed tibi edo, bibo, dormio, vivo, operor, patior, accipio & offero, tibi relinquo omnia.

Q. Cum plerorumq; Christianorum cæcitas tanta sit, ut istiusmodi & alia necessaria requisita non sentiant aut penitus ignorent, añon hinc certum redditur, eorum Opera quæ pro lubitu fucant mangonio philauriæ, placiti, arbitratûs, obstinationis &c. vana esse, indigna & abjecta? R. Sic est, proh dolor! imò haud parum abest, ne Deum circumvenire cogitent, cum suis viribus confisi nimis diu propriæ immorantur Voluntati, vix unquam perpendentes, quàm multa postulet ad Vitam perfectam necessitas. Equidem non propriis ea conquiritur Viribus, non actionum copiâ, non varietate modorum, verùm inter omnia quàm maximè notandum est, eam acquiri abnegatione, mortificatione & amissione sui ipsius juxta sensum Scripturæ: inde

indè sequitur, summum, quod in tempore acquisibile est, Bonum, non habere eos, quibus inest aliquid, quod nondum devictum, subjectum, mortiq; (annihilationi) traditum est. Id confirmatur ab exemplo & verbo Apostoli dicentis: vivo jam, non Ego, vivit autem in me Christus. Certocertius & quàm certissimum est, Deum O. M. nunquàm perfectè vivere in homine, quàm diu quicquàm vivit in eo, quod Deus non est sive sit ipsa Voluntas, Opinio, Philautia, vel deniq; aliud quid, quod in proprietatis suæ penu quis observatum reperit.

Q. Modus Luciferianus requisitionis sui ipsius quis? **R.** Cùm homo eo fine operatur bonum, ut suis Operibus seipsum conservet ac beatificet, suum quærit: ad eum autem modum lapsus est Lucifer, lapsi quoq; primi parentes, qui eo ipso momento fuerunt perdit, quo conservationem, exaltationem & permanentiam intentabant consequi. Eva quippè amore Vitæ mortem metuens inconsideranter credebatur gratissimo Serpentis desiderabilem Vitam persuadentis nuntio, & taliter in eam quam timebat mortem præcipitata est, qualiter & Lucifer detrusus est in abyssum, ubi celsitudine æternæ Majestatis quam ambiebat, caret pariter & pulchritudine ei concreata. Tam noxia est exoptatæ Vitæ cupiditas, ut per eandem perdatur, quod sine eâ in noxiè possidetur. Indè enim quod incessanter caduca Vita sollicitè petitur à mortis necessitate, donec tandem in merum Nihil transeat, patet, homini Vitam desideranti incumbere, ut voluntariæ studeat resignationi seu imperterritæ resolutioni cedendi fatis liberè, sic ut dum se cupit esse, velit non esse antequàm sit, sic namq; cuilibet sua moriendi necessitas (mortalitas) imposuit.

Q. Annon in hoc supposito later aliquid fundamentalis doctrinæ? **R.** Imo ipsum beatitudinis nostræ fundamentum est sui ipsius abnegatio (mortificatio) quatenus homo non est sui juris, eò quod spectat ad eum, à quo per Creationem factus est. Antiqui solebant dicere: Quisquis id, quod non est, esse cupit, resignet eidem quod est, nempe sibi ipsi.

Q. Undè cognoscitur hominem non esse proprii sui juris, cujus defectu subjacet resignationis debito? R. Exindè, quia summum Bonum, quod Deum vocamus, non est in alio, sed in seipso, Ens permanens, subsistens sibi in suâ essentiâ: homo verò & omnes Creaturæ non subsistunt sibi nec permanenter, sed sunt ac subsistunt in alio, omnes scilicet in uno, eodem Ente permanente, Bono summo, ea propter sunt ejus, qui faciendo ea inchoat, complet ac terminat. Sunt autem ejus juris omnia, cujus ea sunt propria, non sibi competunt, quæ aliundè procedunt, sed per Deum sunt omnia Dei. Is est omnium Creaturarum Parens, origo & Actus primus, quo cuncta movente moventur, cujus cuncta bibunt fontibus: nos verò non nisi ab illo & in illo sumus, movemur & vivimus. Cùm autem exindè constet nos nihil juris habere in nos ipsos, sequitur, nos esse mera organa receptiva, servilia & impotentia, quibus hâc ratione competit diligens observatio, obsequium, humilitas, sinceritas: rebellis autem inflatio, imperiosa Voluptas &c. indicant corruptam Voluntatem, hæc autem nullo modo congruit cum requisitis præfatis, dehinc sequitur, decantatam toties resignationem emanare è cognito, libereq; suscepto obsequii debito, & sic in talem evadit hominem is, qui nullam potestatem se nullumvè proprietatis jus habere fideliter agnoscit.

Q. Estne sui abnegatio quibusdam restricta limitibus? R. Neutiquam, imò debet esse infinita. Fingamus aquæ abyssum carere fundo, an non est concludendum, injectum aquæ lapidem semper lapsurum? ita cùm Deus sit infinitus, nostraq; subjectio hinc infinita, rectè concluditur sui ipsius abnegationem oportere esse sinceram, perpetuam, infinitam: is verè prolabitur (illabitur) in Deum, quem nulla moratur calamitas externa vel interna, levis vel gravis.

Q. Quid si homo à naturalibus defectibus impeditur? R. Cùm naturales defectus ad Calamitates non immeritò referantur, quos Deus ideò permittit sæpius, ut homo erudiat & castigetur, necessum est ei, ut observatis iis recolligat vires, & cum iisdem

dem unâ seipsum in abyssum Divinitatis tanto profundius mergat, cavendo ne fundum suum intendat attingere, quoniam solus Deus quærendus est infinites, qui præter Deum quærit aliud, is Deum non quærit.

Q. Si solus Deus quærendus est, annon hinc sequitur, omne hominis desiderium, arbitrium, affectionem & actiones respectum iri Deum, sic ut nil uspiam reperiatur in mundo, cujus causâ licet quid præstet homo sine respectu Dei? R. Id ita omnino esse Verbum Christi testatur dicentis: non quæro gloriam meam, sed ejus qui misit me Patris. Alibi verò dicit Christus: Tuum enim est Regnum & Potestas & Gloria &c. Indè liquet, cujus sit Gloria. Quod si Potestas & Gloria Deo competit, cui omnia subjacent, hætenus ei subjacet etiam Voluntas & Fides nostra, quas temerè sibi usurpant malè instructi Christiani, qui & hæc ratione defectus suos nunquam deponunt, nec quidem queunt superare, qui nōsse deberent licere nunquam oblectationem, utilitatem, mercedem vel elevationem sui quærere saltem hæc ratione, quia Fides, Affectio, & Voluntas sunt ejus, qui nobis ea indidit.

Q. Quomodo potest homo perseverare in pietate? R. Si relicto seipso attendit voci Patris, quæ intus personat, & si audit Matris vocem, Ecclesiæ scilicet, quæ foris alloquitur, nam quisquis eas voces, quæ una Vox sunt, non audit, peribit. Paterna Vox fatur per maternam, jubendo Deum amare ex toto, totâ, totis & proximum sicut seipsum: dicit etiam, qui se humiliat, extolletur. Quod si quis veram charitatem ex toto scilicet, & de totis in suo fundo non reperit, quam Vocem, quæso, sequetur? si autem omnis gratia, Bonum omne custoditur atq; à corruptione præservatur mediante humilitate & parvitate, annon his qui Vocem mandatæ humilitatis non percipiunt, alia Vox aures demulcebit, nimirum desperationis, vel falsa Vox, id est, falsorum Doctorum, qui veram hanc doctrinam nuncupant falsam, suam verò falsam pro verâ venditant? Cum parvitas, humilitas & charitas Dei ex toto, totâ, totis sit verum omnis boni fundum, indu-

indubium est, quin hi, qui non descenderunt in profundum, qui suo potius relictis arbitrio oblectantur in suis acutis sensibus & ratione veloci, ita decipiantur, ut iis id omne videatur falsum, quod verâ de pietate docetur, siquidem vivo carent fundo quia falso inſtituntur, sic multi currunt hinc inde negotiatum cum sensibus intacto fundo.

Q. Ad probos autem redeundum est, qui exercendo pietatem suam quoque fundum perscrutantur, de his dic, quid facere debeant, si, quod haud raro aliter fieri nequit, in hoc ipso fundo aliud quid desiderant, vel etiam à Deo expetunt? **R.** Id rursus mediante poenitentia est deponendum.

Q. Potestne id facile fieri? **R.** Facile, dummodo quis descendat quotidie suum profundè scrutatum fundum, ut noscat, quid ibi fiat, vel quid lateat in eo sepultum, num quid in id illapsum vel injectum sit sub furentis Concupiscentiae tumultu, quo fundum aut vitiatur, aut repletur: si nihil reperitur, agantur Deo gratiae, quicquid autem inibi reperitur, ejiciendum est foras. Eò incumbat homo cunctis viribus, ut eam scrutationem ritè perdiscat, quoniam in eâ consistit sui ipsius cognitio, & taliter potest Deo suam poenitudinem declarare in humilitate secretâ, imò sic nascitur in eo Cordis puritas, timor & observantia.

Q. Quid est Fundum hoc? **R.** Fundum dicitur, quia in puncto profundo à paucis observato reposita est Mens, ideò & nobilissimum dictum hoc fundum, quia Mens sub concentratione sui exprimit ac ejicit omnia aliena raptim sibi aliundè comparata, sic ut in illo additionis actu ipsa Voluntas tota dispereat non quidem virtualiter sed actualiter. Hascè minutias reservat sibi Dominus in populo suo, quales olim Propheta querulâ Voce Deo commendabat, quales etiam Christus inter publicanos & peccatores quærebat.

Q. Dic qualiter istaec querela coràm Deo rectè instituatur? **R.** Taliter, ut quis humiliter se actimide tradat judicio divino projectus ad pedes Domini tantisper, donec omnes querelæ ejus incendio amoris ac miserationis divinæ consumantur, nec sui vestigia in conscientia relinquant.

Q. Quid

Q. Quid si non penitus consumantur, sed quædam in conscientia cicatrix permaneat, vulnere scilicet non exactè purgato & solidato, dic quid sit faciendum tunc? **R.** Tunc expedit id in humili timore sic tolerare tanquam à Deo profectum memoriale.

Q. Cum multi homines hoc verum fundum posthabeant atq; in falsum delabantur, dum quærunt solatium & voluptatem suam in rebus caducis, quò suis satsident cupiditatibus, annon possibile est, ut & cœlestia simul curent, siquidem hoc falsi fundi signum in plurimis hominibus observamus, qui nihilominus beatitudinem ex fide firmiter persuasam sibi habent? **R.** Falsi fundi falsam esse persuasionem non dubitandum est: quod si enim diversa Bona temporalia in uno eodemq; Corde non simul hospitari queunt amicè, dic qualiter æterna & transitoria Bona se poterunt compati? Nullo dices modo, cum sit notorium, solatium è Cœlo non demitti, imò si adest, non permanere ingenio voluptati & gaudio mundano indulgenti, adeò sunt sibi opposita caduca & æterna, ut ut se quis profiteatur spiritualem, ut ut cantet, legat, oret &c. si hæc omnia sub amicitia creaturarum.

Q. Quod si qui dixerint, resecto Corpore oportet recolligere Vires, cum multum soletur hominem Satietas, cum & oratio, devotio & quæ his conjuncta sunt opera tunc hilariori perficiantur animo, annon se ipsos fortè decipiunt hoc vaniloquio? **R.** Omnino tales ipsi decipiunt se, cum aut nesciant, aut obaudiant dictum illud Pauli: si loquerer linguis Angelorum &c. Charitatem autem non haberem, nihil sum. Dicant autem vaniloqui, quali amore prosequantur Deum, qui nullo jure Creaturis se dedunt cum desiderio & complacentia, quæ in solo Deo sic erant usurpanda: dicant, an fundum eorum non sit exactè falsum; nam verum est tantum ibi, ubi se Deo captivum tradit animus.

Q. Quotuplex est hominis Captivitas, cujus hîc mentionem facis? **R.** Duplex, una quidem interna, altera externa. Interna est mentis, cum scilicet potestates ejus omnes ad Deum erectæ, & sic devinctæ sunt ei, ut nullius rei causâ queant revocari. Externa autem est, cum homo externus passione valdè durâ afficitur,

ficitur, utpotè amissione Amicorum, Facultatum, Famæ &c. id quod tantoperè cruciat, ut natura trepidet, clamet & provocet Deum, Cælum, & omnes Creaturas.

Q. Ergo nè inevitabilis necessitas est, ut omnes Amici Dei quoad animam pleni sint Deo, quoad Corpus autem pleni afflictionem? R. Id ita est, non tamen magni interest, dummodò internum fundum firmatum sit in Deo & Voluntate ejus.

Q. Cùm autem internus homo graviter tentatur per superbiam, iram, invidiam, avaritiam & impuritatem &c. tuncquæ onusta natura ab ignaviâ, somnolentiâ, omniumquæ bonarum rerum incapacitate subternitur, quid ad hæc dicis? R. Utinam id probè observaretur ab hominibus in Captivitatem & subjectionem se spontè tradentibus, nimirum quò patienter à Deo recipiatur id, quod à Deo est statutum ab æterno, ut sic sit & non aliter: nam minima quæquæ res quæ homini accidit, est prævisa, imò & destinata à Deo longè antè quàm fit, hâc ratione competit homini gratias Deo agere pro quolibet suo infortunio, quatenus dirissimam passionem Deus permittit cadere super hominem, quem omnium amantissimè diligit.

Q. Annon est Christi discipulus, qui talem sustinet Captivitatem? R. Imò verus Christi discipulus est, hinc debet confiteri Veritatem, quoniam ipsa Veritas liberabit eum ab omnibus Captivitatibus. Sub eâ sui oblatione præparatur unâ Corpus per Dei gratiam ad omne bonum, redditurquæ verè liberum uti ipse Spiritus.

Corpus quod naturatenus refragatur Spiritui, præviâ præparatione redditur tandem molle & obsequiosum, sicut cum Spiritu unâ lætanter pareat ad æquum; adeò tenerescit per culturam, quod antea durum & exuccum erat sic, ut quæ implantantur eidem omnia fructum suum ubertim proferant. Et tunc impletur Verbum Apostoli: qui dixit: Ut & Corpora vestra reddantur sancta; quod fit, si Corpus æquæ atquæ Spiritus desiderat bonum atquæ divinum.

Q. Cùm materia de Exercitio Pietatis sit latior quàm quæ
Capi-

Capite uno queat includi, annon præstaret eam dividere sic, ut quod superest nôsse quid homo in suo Vitæ stadio exercere debeat, quo probus fiat aptusq; præparari in Spiritu sive ad Vitam spiritualem, seorsim tradatur in Capite sequenti? R. Fiat.

CAP. XIV.

De Vitæ humanæ Curriculo.

Q. De Vitæ curriculo rectè instituendo quid habes? R. Vita quæ juxta Spiritum est, debet tribus modis institui. Primo modo instituat homo Vitam externè cum semetipso partim, partim etiam cum proximo suo. Secundo modo instituat juxta Exemplum Christi. Tertius modus formâ caret.

Q. Quod ad primum modum dic, quales sint qui Vitam benè instituunt? R. Tales qui non colendo seculum vanæ gloriæ cupidi non sunt, quam S. Paulus vitandam præcipit, eò quod S. Spiritus non venit in Corda eorum, qui diu noctuq; inhiant potiundæ mundanæ gloriæ: nam & Christi membra non sunt, qui taliter faciunt, quia excisi hætenus ab ejus Corpore. Neq; eorum Vita ducitur juxta Spiritum, qui sub specie spiritualis habitûs gestant mundana corda, venantes gloriam in cunctis rebus, puta in amictu, amicitia, conversatione &c. idq; eò pejus quò diutius, & quod Spiritus S. non est in illis, hinc in majori versantur quam credere possunt periculo.

Q. Dic quid est hoc loco vana Gloria? R. Est omne id, quo quis ab aliis cupit extolli, malum aliàs satis vulgare & nimis propè in verbis, factis, modis & negotiis; ita ut sit necessum vigilare Deumq; orare, quo hominem custodiat, ne gloriæ sit cupidus sed vivat juxta Spiritum.

Q. Qualiter vivit quis rectè cum proximo? R. si (quod pro-

bè addiscendum est (sibi cavet, ne in Cordis amaritudine excipiat proximum verbis duris, nec turbet nec in mœrorem conjiciat, sed potius tractet eum in Spiritu mansuetudinis seipsum observando.

Q. Cùm sæpenumerò minimus defectus exaggeretur adeò, ut nedum Verbis acutissimis exprobretur, sed nec oblivioni tradatur unqvàm, quid sentis desuper? R. Ubicunq; hoc fit, ibi non est S. Spiritus. Tenetur enim unusquisq; corrigere alterum cum mansuetudine, alter alterius onera portare, ut fratres sint unum Corpus in Christo; quin & experientia docet, duos homines mansuescere adhibitâ mansuetudine.

Q. Ad alterum veniendo modum dic qualiter quis vivat juxta Exemplum Christi? R. Si Vita Christi tanqvàm in Speculo præponitur, ad cujus formam pro virili cuncta facta ordinentur. Sic est considerandus Christus, qvàm patiens, mansuetus, qvàm benignus, silentiosus erat, qvàm deniq; fidelis, justa & verax emanans Charitas & omnis Vita ejus: id autem fiat modo oratorio, hoc est, cordicitus roget homo Deum provocando ad immensam ejus Clementiam, quatenus ejusdem viæ imitationem largiatur, cùm homo à seipso nihil præstare valeat.

Q. Et quid prætereà est faciendum? R. Conferatur hominis ingens dissimilitudo cum similitudine Dei, expenso qvàm procul sit remotus ab istâ pietatis Viâ, cujus respectu opus est, ut cum devotione cœlesti Patri offerat Filii sui similitudinem pro humanâ dissimilitudine, innocentes ejus cogitationes, verba, facta, virtutes, vitam & amaram passionem pro omnium hominum culpâ. Nam adeò magna est ejus Clementia facileq; exorabilis, ut dummodò libenter roges, omnia qvæ habet accipere possis. Si quis ex animæ fundo ad Deum se converterit, ab eo facile abstergantur omnes defectus, media & dissimilitudo, imò & perditum recuperatur tempus.

Q. Potestne homo à seipso habere eam conversionem? R. Deus dat & operatur eam, ideo tenetur homo Deum quotidie humilimè rogare, ut eam operetur, sed & diligenter attendere,

re, ut cùm monetur, remotis cunctis obstaculis intus eam expectet.

Q. Siccinè exoratio sequitur orationem internam? R. Imò & ideò penetrat Cœlos, quia sic ambulat homo in Domini vestigiis, hanc Viam spectat omnis doctrina Doctorum post S. Petrum, qvi scripsit, qvòd Christus pro nobis passus est relicto Exemplo, ut sequamur ejus vestigia. Neq; tam altum debet homo petere, ut Christi vestigia deferat; sed quovè sublimius fertur, eò profundius figere pedem tam operativo quàm usurpativo modo.

Q. Dic qvid ignavi exorant, qvi suum corpus cum cupiditatibus non crucifixerunt & tamen impedimenta accusant, qvòd scilicet dormituriunt cum volunt orare, qvòd nullam solatii suavitatem degustant, cùm eam desiderant? R. Eorum ignavia, hoc est, qvòd solum seipsos quærent in omnibus modis, verbis & factis, procul elongando eos abducit à Christi vestigiis. Mirum quàm velint suavitatem inde quærere & accipere, unde eorum Dominus intolerabili amaritudine afficiebatur. Non est quærenda delectatio ullâ ratione, quin potius cum lachrymis debet intus homo humiliter Exemplo Christi subjectus contemplari suam exiguitatem, quatenus tantum extollitur quantum se humiliat. Statuat ergò suum Nihil in supersubstantiale Bonum considerando quàm tale Nihil factus est Dominus propter hominem & deprehendet quàm falsò opinetur naturam suam victam esse, ut quæ longè fortiori insultu est oppugnanda.

Q. Quid tibi videtur de fortibus (virilis ætatis) hominibus, qvi nondum victi sunt quia animales adhuc, ideòq; qverulantur de tot incidentiis, motibus & imaginationibus? R. Hæc illis fiunt, qvia nondum exactam perquisitionem instituerunt, hinc si quâ bajulant Crucem, coactè id faciunt & non ex charitate. Quod si à Deo gratiam impetrare cupiunt, necesse est intrent longè aliâ Viâ. Quamobrem tenentur in omnibus gestis se cruci & Crucifixo submittere ex charitate, sic ut somnum

capiendo crucem substernant desiderando pro Læto sinum, pro cervicali Cor. Brachia Christi extensa pro tegumento & refugio in necessitatibus internis & externis: edendo, bibendo intingat buccellam in Vulnera ejus cruenta, quoniam sic se conformat Christo & Christus formatur in eo. Ad quid ergo prodest, si quis dicit, orare se orationes Domini, nisi simul cum Vita sua sequatur ejus exemplum, taliterque penetret. Hæc sunt quæ de Vita juxta Exemplum Christi instituenda notanda fuerant.

Q. Explica nunc tertium instituendæ Vitæ modum, quem exemplo seu Ideis carere dixisti? R. Hæc Via est merè subtilis, angusta, obscura, ignota & misera, quam Hiob fortè descripsit, cum dicit: Via Viro occulta est, & Deus eum tenebris involvit. Non pertinet ad initiantes, sed ad progressos & spirituales. Hæc feminas convertit in Viros, & Viros Deum non imitantes redigit in Nihil. Est autem merè obscura ideò, quod quæ antecederet dicta sunt humano desiderio excidunt Sapore amisso, hinc finem seu Viam dum quærunt aliam, quæ prorsus ignota est hærent in tenebris. Enimverò cum fieri queat, quod Judex magis exacerbetur iis rebus, quibus placari putatur, hujus certè ignorantia Commemoratio parit anxietatem non exiguam, id quod Salomo sequentibus Verbis indicavit dicens: Est via quæ homini videtur recta, sed finis ejus mors est, hoc est æterna.

Q. Si via usque adeò obsita tenebris est, quis, quæso, poterit ambulare per eam, ne quæ subsistat potius aut retrogradiatur? R. Quisquis subsistit, scopum non attingit, qui verò retrogradiatur, declinat in viam latam, quæ ducit in perditionem. Eundem ergo est per viam angustam non obstante quâdam obscuritate: hic opus est acuto visu & attentione, quoniam in hac angustâ semitâ occurrunt duo scopuli (offendicula) quorum per medium rectè contendendum est, puta Cognitio & Ignorantia, Securitas & Periculum, pax Spiritus & pugna naturæ. Prospiciendum hic est, ne uspiam impingat & à latere hæreat, sed medium accuratè pervadat mediante sincerâ fide quoad primū, quoad

quoad secundum sanctâ Spe, quoad tertium purâ resignatione. Sic observatâ angustâ semitâ pervadit homo humiliter quotiescunq; fiduciam insignem solvit timor importunus. De ignorantia præfatâ notandum hoc est, quod tantum spectet internum mentis fundum, quatenus opus est, ut homo externus (ratio cum reliquis sensitivæ potentiis) noscat, quid tractet, quomodovè versetur.

Q. Cum ignorantia sit in homine, eaq; non solum debeat sciri, sed etiam non ignorari qualiter, ne immergatur, eam declinet, multi verò nesciant eam, qui alias eximiâ pollent scientiâ, dic, quæso, numquid in damnum desit eorum scientiæ? R. Imò vel maximum deest iis, quod scilicet seipsos non cognoscunt, etsi præter hoc scirent omnia, quod propudiosum est, emergens indè damnum non est exiguum. Nam hoc debet scire homo, quod per eam viæ angustiam tutus redditur à timore horribili & à turbatione, quam incutit ignorantia, tum etiam ab elatione animi, quam causat scientia, quoniam nusquam debet adhærere neq; affigi mens in iis quæ possunt objici. Est potius humiliter submittendum ubiq; in verâ resignatione. Delinquat opus est in proprium Nihil, & in sanctam fidem cum spe vivâ, imprimis autem cavendum sibi est ab impurâ desperatione, quatenus natura bona cum gratiâ Dei progressum valdè promovet, sicut id etiam juvenilis ætas & status conjugatorum tum & nobilium in magnâ perfectione non rarò testatum reliquit.

Q. Cum autem facillimè errare seq; ipsos negligere queant, quicumq; in Viâ tam obscurâ ambulant, annon existimas, conversationem cum iisdem esse plenam difficultatis? R. Tria sunt quæ licet observare in actionibus ejusmodi hominum, nempe 1. quod Deus operatur in iis quæ faciunt Opera, quamprimùm se Deo mancipârunt & hætenus sunt bona 2. quod totâ mente ad Deum conversi cooperantur cum Deo in charitate & respectu, id quod etiam bonum est. 3. quatenus autem cum affectatione (appropriatione naturali) convertunt se ad oblectationem indè aucu-

aucupandam, id valdè malum est, quia obscuritas dehinc aucta prolongatur, à quâ naturæ anxietas & inqvies dependet.

Q. Num tanti momenti est istæc anxietas? R. Tu ipse iudicato, quàm anxium sit muris utrinq; inclusum esse, pari anxietate afficiuntur, qvi ab uno latere stipantur Ideis, ab altero iisdem penitus frustrantur. Sicut enim quæ mediante ignorantia alternante Menti totaliter elabuntur Ideæ, non possunt oblectare amplius, ita quoq; non invenitur, quod oblectationis causâ quæritur ibi, ubi non est. Hem quanta anxietas! Unus currit huc, alter illuc quæsitum, neuter invenit. Præ impatientiâ ergo recurrunt alii ad imaginationem, alii ad rationem, & hi labuntur; sed qvi hanc miseram Caliginem tolerant ad finem usq; fiunt prænobiles homines, quia quoad naturam infinites mortificati: oportet enim firmiter stare in Christi vestigiis.

Q. Ecqvis est finis tenebroz hujus viæ? R. Is finis est, quod Dominus subito (ex improvviso) venit in hominem revelatum occultam veritatem in lumine quod intus in fundo fulget, tunc cognoscunt, ubi & qualiter Deus conduxit eos per vias tristes in Lucem, ubi est finis tantæ expectationis & passionis.

Q. Misso nunc eo modo qvi huc non pertinet, redeundum est ad homines, qui initiantes sunt adhuc, eoq; exercitio occupati, quo vivant juxta primum modum, dic ergo, cum DEUS tam magna requirat ab homine quæ faciat, quæ vè intermittat sicut videatur ei esse impossibile, annon dehinc conjicitur in excessivam tristitiam pariter & naturale dubium, quasi non valeat id, quod DEUS ab eo requirit, facere? R. Caro infirma est, Spiritus autem promptus, qui omnia potest cum DEO; idcirco Consilium bonum tradit S. Paulus, cum inquit: confortemini in Domino: quia quod à seipso non potest, cum DEO & in DEO potest homo. In DEI dominio, potestate & omnipotentia quærenda est omnis humana potentia intus, funditus & incessanter, sicut omnis virtus humana sit in DEO Domino nostro.

Q. Quid autem quod sunt complures homines, quorum peccata DEUS non punit dum suam occultat potentiam, hi taliter gerunt

gerunt se acsi vellent ipsi Deus esse, superiorem potentiam & dominium non agnoscunt in suis actionibus, & quilibet suâ firmatus potestate vult major & melior esse altero? R. Istiusmodi peccata Deus non diu fert patienter, certum autem est, nî seriam egerint pœnitentiam, fore tandem, ut tanquàm severus Judex Deus judicet unumquemq; eorum. Frustrâ ad pugnam incitantur, qui nec arma quibus se tueantur, induere cupiunt, humilitatem scilicet & mansuetudinem, arma, quæ Christus ipse porrigit, cum inter cuncta alia nil tam sit necessarium homini, quàm ut discat semper pugnare contra assaultum Diaboli: intentione discit homo seipsum cognoscere, quid sit, quid possit. Quid quod multi hoc bellum non experti, utut præclaros eos reddidit insignis virtutum exercitatio, tandem sub sarcinâ gravium adversitatum prostrati succubuerunt. Exin colligere licet, quàm utiles sint tentationes & sæpè virtutibus ævipollentes. Quàm necessaria homini est gratia, tam necessaria quoq; est tentatio. Virtus ut in tentatione incipit, ita perficitur in eâ, hoc enim oportet esse, si Virtus debet effici. Sic si homini benè provisum esse debet, oportet eum tentari in omni modo, ad quem vocatus est foris ac intus, sicut ait quidam: Uti Caro sine sale non potest corruptionem effugere, ita homo non potest placere Deo sine passione. Deus quoq; seipsum potest æq; benè conferre homini per gravium tentationum quàm per virtutum medium, nullaq; hominem tentat passio, quæ ab æterno non esset prævisa in Corde divino.

Q. Dic ad quid prætereâ sunt utiles tentationes? R. Ad id, quod per eas maculæ & radices peccati cognoscuntur, eradicantur & expurgantur. Indè quoq; nascitur prænobilis humilitas & timor divinus & homo sub iisdem admonetur, ut à Deo opem flagitando pugnam Deo imponat, ejusq; insuper auxilio confidat, quod omnia vincere potest.

Q. Quid arma, humilitas scilicet & mansuetudo efficiunt hîc? R. Quisquis munitus hiscè est, tentationes superat omnes, nec superest aliquid in Creaturis quod eum possit vincere; contra

Ppp

qui

qvi caret his, à quâvis ferè tentatione vincitur. Severitas obstitit mansuetudini nasciturq; ex impatientiâ & proprietate. Superbia resistit humilitati & nascitur è philautiâ & levitate, eas non habet humilis, qvi pauper est Spiritu; habet autem Deum, qvi est Caput & Fulcrum & Operatio ejus &c.

Q. Corda his armis munita ubi invenies, cùm nil frequentius sit quàm Verbum durum, imò vel unicum solet excipi decem durioribus? R. Id ubi est, crescit occultè sed properè maligna radix, quæ surgit in apricum: & contrà alterius malitiam homines dira mordicus mutant Verba ceu Canes invicem se allatantes & mordentes. Arma præfata non induunt homines, qvitali modo æmulantur Canem rabidum, eò quod vitio suo hominem alium reddunt iracundum & vitiosum.

Q. Cùm autem, uti dicis, tentatio virtutem approbat efficiendo; ut virtus ei reddatur propria & essentialis ad operandum pro Dei gloriâ, quid putas solere fieri, cum passio eum pertentat? R. Cuicunq; Deus Salutem devovet taliter, ut propter Deum pati debeat sive extus sive intus, hoc verum Signum est divinæ Charitatis. Ideò contemptum & afflictionem propter Deum illatam debet homo tam lætabundus accipere, ut se indignum passione eâ reputet, imò ut confestim se vertat humiliter in fundum suum longeminus de se tenendo, quàm quod alii faciunt; siquidem per mansuetudinem hanc futurum est, ut alterius extinguat iram sanato vulnere ejus, ipse autem non vulnerabitur. Hujusmodi defectus debet homo bonus superare semper mediante oratione Spiritûs, in quâ & usq; ad finem perseverandum est. Continuum hanc pugnam contrà peccatum horrent multi, cùm vident velut in acie perpetuò standum esse & observandum callidissimi Spiritûs laqueos: attamen hi pertimescunt nihil, qvi suam pugnam & victoriam Deo imponendo hostilia tela excipiunt Scuto mansuetudinis & humilitatis, siquidem tali modo vincunt cuncta impetuosâ objecta, animoq; hilari suscipiunt propter Deum sustinenda tanquàm nihil essent ea. Hæc arma sunt, quibuscum resistunt insultibus diabolicis pariter & vitis

tiis naturalibus, cum quibus pugnandum est. Est autem non contra Carnem & Sanguinem pugnandum, sed contra Principes & Potestates tenebrarum hujus temporis, contra Spiritus malitiæ sub Cælo, ubi per parenthesin addendum est aliquid contra malè intellecta hæc verba, quibus seducuntur, qui miseram Carnem spontè cruciant sine discretionē, pravā interim fundi radice non evulsā: hi similes sunt iis, qui capite suo præsumunt muros arietare, cum è contrario deberent sua vitia pravæ consuetudines extirpare, non carnem occidere immodicā castigatione.

Q. Cum Principes tenebrarum Diaboli sint, cum quibus dimicandum est, dicannon Author noster proferat quoddam simile comparandi temporis & mundi perversi Causā? R. Habet aliquid, quod velut perquiris, similitudinariè hisdem conferri potest, quā dicit: mundanas Potestates ideò in eminentiori loco positas esse, ut optimates sint, quorum ad Exemplum totus componatur orbis: compertum contra esse, quod plures eorum sint aliis pejores, referentes mulos & equos, subjugales Equitum infernalium. Dicit inter eos esse, qui electos Dei filios tormentis afficiunt, qui pacem tollunt & quævis adversa Orbi terrarum superinducunt nimio scilicet eorum fastu, impuritate, injustitiā, violentiā, variisq; aliis Vitiis quibus indulgent clām palām, propter quæ ira Dei effunditur super terram, nam propter peccata gravia permissu Dei cumulantur omnis generis calamitates in nostram perniciem. Tenebras porro extremas dicit Author noster occupare quosvis mundi statū, id quod ex vitā tam sceleratā pernoscere licet, eò quod pagani & Judæi, ut ut cæci sunt, suo modo minus culpatè vivunt quā nos Christiani, quos horum omnium nil pudet, nec pœnitet, quantum vis Christiani tam multiplici gratiā & auxilio divino abundè gaudeant, quò vita reddatur pia, ut taceam pulcherrimam instructionem, sanctam scilicet Fidem, doctrinam evangelicam, puram Vitam Domini Jesu Christi & omnium Sanctorum. His non obstantibus manemus cæci & vani, non intendimus nec ama-

mus Deum sincerè , prout decet & par est ; idcirco tandem futurum est, ut in novissimo iudicio iudicemur unà cum sociis infidelibus, qvi cæci fuerunt in totâ Vitâ suâ.

Q. Annon & hoc iudicium incipit in quibusdam adhuc in tempore ? R. Iudicium suum experiuntur multi in tremendâ agoniâ eorum, cum gratiâ expertes tunc manifestè sentiunt, quàm frivole neglexerint fundum & statum ad quem à Deo vocati sunt. Quod si quis ex adstantibus iudicium & angorem talium perspicere posset, non sustineret aspectum etiam si omnium cordatissimus esset. Indè iudicare licet, non esse Christianum, cujus-
cunq; status sit, qvi de emendandâ Vitâ non est sollicitus. Nihilominus nil cernimus frequentius, quàm quod homines in Vitâ periculis plenâ tam leviter persistunt in peccatis mortalibus.

Q. Cùm autem contrarios his dari homines dixeris utut paucos, qvi scilicet evaserunt has peccatorum tenebras ac Cæcitate, qvi tam à seipsis quàm à cunctis aliis rebus totaliter aversi & in lumen Dei conversi sunt, merfi quoq; in suum fundum suamq; Originem, in internum silentium (quietem omnium animæ potentiarum) per hoc ipsum præcipitando mentem suam in tenebras divini deserti, quod superat omnem angelicum intellectum, ubi amittitur omnis cognitio, discretio, ubi nil aliud scitur, quàm merus simplex Deus, ubi unum, Bonum est absq; ullo errore, dic, quæso, quid indè reportant, cùm Spiritus eorū redit ad munia naturalia, num sic à tentationibus pro futuro sint penitus liberati ? R. Ad primum noscas, quod hi, quamprimum ad rationis actum iteratò pervenerint, nil ante actorem cognoscunt, quatenus divinus hic tractus à ratione non potest comprehendi, quia destitutus Ideâ, neq; hoc intelligere potest homo quod est suprâ omnes sensus, suprâ rationem & intellectum, & super omnem humanam Capacitatem. Ad secundum noscas velim, per hoc non liberari eos à tentatione, quibus familiare est armaturâ semper instructum esse ad dimicandum contra Spiritus malignos, quorum subtiliores cæterisq; ad decipien-

cupiendum agiliores, cum è quibusdam signis, cognoverint beatos hosce homines fore in Vitâ æternâ occupaturos locum eorum, hætenus ad ineffabilem invidiam ac odium contra eosdem inflammati nullâ interpositâ morâ semper hoc agunt, quò homines tam sublimes ad lapsum præcipientes dent corporaliter & spiritualiter. Quod cum non possint pro Voto efficere, inspirant homini superbiam spiritualement, causam scilicet lapsus diaboli, quò putet se esse Deum, & certè si quis huic inspirationi consentiret perseveranter, laberetur omnium periculosissimè.

Q. Cum & his eatenus Vigilantiâ opus est, dic quid tum factu opus est, ne tam profundè labantur, qui jam sublimè conscenderant? R. Oportet eos Scuto Sanctæ fidei eludere tela Diaboli, & galeâ Salutis, cincturâ justitiæ divinæ, Thorace Virtutum, gladio Verbi divini tanquàm firmissimis armis se muniendo tutos reddere, quoniam sic est futurum, ut pugna validdè institutâ maligni hostium insultus retundantur, ipsiq; re benè gestâ tandem prosperè eluctentur cum dies mali appropinquabunt, quos certò adventuros noscimus, cum fundamentis mundi motis extremâ ruinâ cuncta miscebuntur. Tunc tuti erunt, qui omni malo devicto reperientur absconditi in Dei abyssu, cujus intuitu fit, ut isti homines in suâ Vitâ quotidie properent in hanc abyssum, aliosq; sibi commendatos simul eò trahant. Amulant, dico, permeando & remeando in momento pro totâ Christianitate, hoc est, mox extrorsum ad exercitium Charitatis properando, mox iterum in suavissimam Dei abyssum se præcipitando; ita quicquid accipiunt, reddunt suæ Origini cui debetur id omne, nec sibi affectatò retinent aliquid. Hinc tales homines sunt & vocantur Columnæ, quibus insistit tota Christianitas, & propter quos nobis magnis peccatoribus misericordia impertitur. Et ideò quisquis labitur aut prosternitur, surgat, milliesq; de novo incipiat, donec in Veritate firmetur & ad æternam Salutis diem conservetur. Is benè vigilavit, qui semper benè incepit, & beatus prædicatur

homo quem Dominus vigilantem invenerit. Præparandus est homo ad adventum Domini, imò magis magisq; præparandus, cum semper indignus sit tantâ beatitudine: præoccupanti mortis est obviandum omni quâ potest præparatione. Qualiter autem & possit & debeat, declarabitur paulò post.

Est autem præparatus homo, cujus interna species respondet externæ & vicissim, magisq; præparatus, cujus interna in simplicitate superat externam formam, quam Deus scrutatur & contemplatur. Si Deus tremendus atq; timendus est, oportet nos sanctos, puros & Angelis Dei similes apparere. Huic interponit medium hominis propositum dimetiendo actum & potentiam adeoq; effectum quemlibet si non mandato saltem viribus parem. Indubium ergò est fluxum progressus & incrementi sequi propositum velut initium causale. Qui cupit emendationem, indiget industriâ, industria autem quâ Vires solvit, multis subnoxia est obstaculis: proinde sit firmum propositum & quotidie renovatum, quo homo excitet seipsum & appetat Exercitium in Spiritu velut Stomachus cibum. Exerectus à somno solvat se à vinculo sensuum, transcendat cunctas potentias & super omnes Ideas se levet, Deum respiciat & amet, curas, negotia, resq; alias tum & peccata cunctosq; defectus conjiciat in occultam divinam Voluntatem, eiq; se committat simpliciter. Hoc quidem opus internum est, sed si sub ejus occupatione necessum sit exhibere opus charitatis, hoc est, infirmum juvare &c. tenetur facere hoc relicto opere interno, cum possit fieri, ut Deus ei propinquior sit in opere externo quam in contemplativo. Sic etiam facere debent, postquam se noctu vel manè quodammodo in eâ inversione exercuerunt, ut subsequenter in pace peragant quod agere debent juxta divinam Vocationem, ast nihilominus debent observare Deum in opere externo, cum certum sit, sub simili opere uni præ altero plus boni accedere, hujus respectu jubet Paulus laborare manibus, ut proximo egeno opem ferre queamus. Qui taliter sequuntur Deum quocunq; eos trahit sive ad operandum sive ad quiescendum,

dum, hi sunt qui semetipsos abnegarunt, & jam non incipientes sunt sed progredientes. Quisquis autem est inter incipientes qui se exercet, caveat sibi necessum est, ne tedium aut pigritia avertat animum ejus ab exercitio, id namque culpabile est ac detrimentosum; e contra curandum est sedulo ut certi quid habeat quod exerceat pro emendatione sua, quod si pro exercitio defuerit tempus aut occasio, perpendat defectum, alias quod manè proponit agendum expendat Vesperum num expediverit necne: quod si consideret Verba, facta, imò & cogitationes, quibus diem transegit, comperiet se Deum pariter & proximum offendisse. Ei autem qui suam Vitam ad Dei gloriam transigere cupit, in primis necessum est, ut singulis diebus manè accingat se gladio & armis contra insidias maligni Spiritus: nam sic futurum est, ut facile vincat quascunque Carnis cupidines; huc & inservit otii devitatio, cum inter legendum, scribendum, orandum, meditandum, laborandum pereunt Ideæ libidinis, motusque primi impetuosus supprimuntur. Quantum ad opera officiosa, ea sunt cum industriâ & sine dolo perficienda, quod restat temporis devotioni privata impendendum. Hic etiam respiciendum est ad occasiones tam sub officiis quæ variant, quam sub servitiis Dei, cum & in his quælibet exercitatio suum tempus habet, quo utilius, quam alio instituitur; idcirco quædam fructuosius peraguntur festis diebus, quædam non festis. Tempore quadragesimali est alia boni hominis exercitatio, alia natalitio, diversa quippe meditatio, diversa devotio ritum suum sequens. Sic afflictionis (tentationis) tempore longè alia est hominis occupatio quam tempore pacis, cum semper se immisceat humana dispositio cum perturbatione quidem si morbus est, cum perfectione verò si lætus est in Deo. Tempore publicæ devotionis est seriò proponenda devotio: cum in solemni festo celebrantur Ritus est renovanda Exercitatio & charitatis versus egenos exhibitio, de festo ad festum etiam est homini intendenda emendatio Vitæ ad normam perfectionis directæ. Hæc & sequentia spectant externum incipientem hominem.

Q. Quo-

Q. Quomodo debet se gerere homo in officio aut opificio constitutus, qualiter etiam versari inter homines? **R.** Cum quis homo teneatur observare tempus & occasionem, quantum expensionem beneficiorum Deitum etiam veræ poenitentiae inserviunt, est operæ pretium, ut malas devitet occasiones sicut & otium, quibus intercipiuntur piæ meditationes, & contrariò causantur stultiloquia, verba scurrilia, joci, indeque decurrentes prævaricationes. Nam novitatis rerumq; in mundo gestarum aviditas, multiloquium, exorbitatio &c. uti malum in se sunt, ita tempus rapiunt piarumve exercitationum remorantur commoditatem. Hæc de causâ abstinebant præsci Sancti à conversatione, per quam compertum erat divinum Cultum intercipi atq; internam quietem, quæ summè necessaria est, perturbari. Nec hodiè deest ista Experientia, cum in loquaci homine minimum divinæ servitutis observetur, observat etiam quilibet seipsum non auscultare Deo, cum homini confabulatur, quin in colloquio futilitatem deprehendet, si experiri cupiat. Cum autem divinus cultus sit cunctis agendis præponendus, qui nuspiam tutius peragitur præterquam in silentio & occulto, hæc ratione convenit devoto homini secedere à turbâ in desertum, hoc est, divertere debet in domum suam atq; silere, ibi nec ad Verbum, nec ad factum, cujus reddenda ratio sit, permovetur. Silentium & tranquillitas est occasio ad progressum & incrementum sine quâ non; siquidem ad perdiscenda Scripturæ mysteria requiritur pax & tranquillitas: imprimis Deus ipse & sancti Angeli accedunt ad habitandum cum eo, qui à Consortio hujus mundi abstraxerit se, quod ipsum longè beatius est quam patrare miracula sub salutis neglectu. Verissimum ergò conclusum est decere probum hominem rarius e domo prodire & conventicula pravorum hominum cane pejus & angue fugere. Turpis enim est oculorum cupido, quia est incentivum tam libidinis quam superbiæ: præterea Voluptas oculorum est summa Vanitas, cum citò ruiturus sit mundus, & quicquid in eo est & fit. In vanum aspicere cupimus.

quod

quod vetitum est atq; damniferum, quod vel exinde liquet, quod satiato appetitu fessioq; vagantium oculorum sensu mox tadium, cordis distractio & conscientiae molestia subsequi soleat. Exempla sufficientia constant tristiciæ exitus: id enim affectus mutati in contrarium est gaudii mundani proprium. Quicquid in mundo pulchrum est, finitur inchoando: hinc stultitia animi ad transitoria applicatio est & iterum stultitia, cum non plus restet commodi post speciem conspectam, quam si eam Canis vel Asinus spectasset, incommodi autem plurimum. Quis est qui non observet, se factum irrequietum quotiescunq; rebus inutilibus aures præbuerit? Hodie vel maxime negliguntur, quæ antè omnia erant observanda. Sunt autem antè omnia observanda mandata Dei, observanda quoq; est poenitentia seria, & continua, religanda quoq; sensualitas extravagans, habitatio Dei est everrenda & expurganda, verbiq; filiatio in eadem est sub silentio expectanda, quæ omnia fieri nequeunt, dum homo mundana cogitat & sensibus otia linquit. Hodie ferè omnia quæ sensus demulcent, genioq; arrident, venduntur passim sub etymo Solatii neglecta interim poenitentia. Notandum verò ac ietrum notandum est, mundanum Solatium esse vanum, simulq; cum mundo abjiciendum, cum tantum imperfectis liceat expectere solatium eoq; solum divinum. Notandum quoq; est, nullum hominem esse unquam divino Solatio dignum, præterquam cum duntaxat, qui poenitentiam (animi contritionem) acerbam diu multumq; exercuit. Si quis ergo est, qui veram cupit poenitentiam, eum oportet scrutari conscientiam, & quæ jam pridem quassatus est tempestatem mundi fugere. In cordis solitudine invenitur dulcis Vitæ vena, in nimia externâ occupatione nil nisi vitæ labor & dolor. O miseram, quam accusare solemus, & tamen infontem Vitam, quæ cunctis iis, quibus conscientia curæ est, quivè proficiunt in pietatis exercitio, præstat amicitiam solatio perquam utili, & hætenus ipsa hostis est contrarium facientibus. Sanctorum pietas tribuitur Vitæ, quæ ob id nobis imitanda proponitur, ne vitam inculpemus, quam

Sancti eâ Voluntate conservabant, quâ eam tradebant urgente necessitate. Quodsi consideramus statum nostrum, invenimus nonnullis Vitam sat gravem esse ac tædiosam ob metum futuri mali, aliis contra gratam & levem ob falsam fiduciam: superbia & temeritas pravos reddit securos & quidem modo tam perverso, ut sibi in summâ malitiâ persuadeant abundantiam pacis, quietis & securitatis non obstante exemplo eorum, qui pro optimis piisq; habiti tandem tamen omnium gravissime lapsi sunt, nempe ob eam causam, quod sibiipsis nimium fiderant. Ecquis enim eorum est, qui nimium sibi fidunt, qui non in horas singulas peccet? Etsi hoc, cur de quo fidit sibi? Experimentiâ sæpesæpius comprobatum est, quotiescunq; aliquis de suâ vel securitate vel progressu, quamvis ad proximi emendationem instituit sermonem, toties paulopost ex improviso graviter lapsum esse & quidem tali peccato, de cuius evictione fidenter gloriatus est, ea quippè erat pœna gloriationis. Nemo ergo sibi fidat, ut ut benè sperat, cum sit prospiciendum ne cadat. Ruinæ & offendicula per totam vitam circumdant hominem, & os inferni ubiq; hiat, & quis scit, qualiter adhuc vivente se tam suus quàm mundi status sit permutandus, cujus mutatione vel ipsa natura hominis mutari solet, imò & animus alienari. Uti exempla probant, sanctos olim nonnullos in senio lapsos fuisse; ita indubium est, & nostri seculi Sanctos possibilter lapsuros esse, quotiescunq; Deus manum protectricem subtraxerit iis. Undè ergo fiducia tantæ temeritati adjuncta? Nunquid è codice sacro eruta? Haudquaquam! nisi dicas ex malâ sensûs intellectuione. Ut ut prisci Sancti Deo fidebant hilari animo, nihil secius tamen semper timidi apparebant & quò plus gratiæ obtinebant, eò plus timoris habebant, & juxta Scripturam Deo in timore & tremore serviebant. Quod multi tentationibus affliguntur, ea ratio videtur subesse, quod temerariè fidunt & in falsâ securitate vivunt, his utile est, si sæpè tentantur, ne nimium securi labantur in superbiam, ne vè pro more suo levi de causâ Solatium externum quærant. Is namq; conscientiam servat &

& pacem, quæ postpositâ transitoriâ lætitiâ mundivè curâ, Spe verò in Dominum positâ non nisi divina contemplatur.

Q. Nunc porrò ostende, qualiter quis suo officio fungatur licite? R. Idipsum docet justitia, æquitas, fides, obedientia & humilitas, siquidem harum virtutum & didicisse & excoluisse fideliter artes supponendum est. Enimverò si Regnum Dei & Justitia ejus anteponendum est cunctis mundanis rebus, in his virtutibus autem hoc Regnum constituatur, clara dehinc redditur debita officii administratio simul & ejus censura; siquidem toto officii tempore intendere oportet, ne extrâ sui officii requisita cogitet quid aliud præter divina, id quod etiam in ejus actionibus est observandum. Et quamvis multi ogganniant dicendo, hanc regulam non posse observari, lubrica tamen objectio eorum est, quæ potius testantur se nec unquam voluisse ne dicam incepisse ejus Observantiam. Num autem sint possibilia, aut impossibilia, quæ sunt proposita, redditur planum per subsequentes observationes

1. Observatio. Homo Officio aut Opificio implexus tenetur actiones suas merè conformiter peragere mandato divino & humano, nec sub mancipio virium suam obedientiam obligare ad ea quæ justitiæ, mandato seu Voluntati divinæ contrariantur, id quod facere & non facere potest pro libero arbitratu suo: quatenus autem id liberè facere potest, tenetur etiam de jure humano præstare quod potest, idcirco finitâ actione incumbit ei statim introrsû se conferre, imò testinanter, ne curæ alienent animum & ad prava cogitandum proponendumvè seducant; sic namq; fugiet occasiones, quæ intrâ & extrâ proventum Idearum promovent & speciebus onerant memoriam. Imò probè notanda est sequens præcautiō, ne actionum suarum Ideas retineat in memoriâ, tantominus recolligat eas, utpotè in quibus naturæ sensualitas se abscondit, novamq; suarum actionum licentiam & exculpationes molitur, quas S. Scriptura vocat excusationes in peccatis. Sunt autem hæ ubiq; nunc familiares admodum, quod nemini potest esse incognitum. Nam visum

hominem mox in seipsum inversum deridet alter, qui & ipse suum neglectum blandè excusat potissimum hâc ratione, quod alterum insimulat superstitionis. Ab hoc peccato desistere poterat unus & alter, si mandato Dei præstare obsequium, sibi prudenter consulere voluisset. Si gloriosus cogitat modum quo suum possit dilatare dominium, ambitiosus, quo suam extollere gloriam, avarus, quo cumulare divitias, alius, quo munus acceptatione suum firmare statum, mercator, quo merces corrumpere, & proximum defraudare, alius quomodo æs alienum contrahere, opifex quomodo manufacta sua extenuare, oblinire ac perpolire sic queat, ne fraus manifestò deprehendatur, vanissimè sua excusant facta, quæ omnia in universum poterant intermitteri vel modo contrario perfici. Verùm tot malefactis observatis pensitet aliquis, quàm malè in universum cogitatum fuerit, si opera non nisi in mente prius adumbrata sive delineata cognoscimus: quod si à cogitatibus Voluntatem depravantibus abstinuissent, tot actiones pravæ infectæ mansissent. Nunquid autem à cogitatu tam pravo animum revocare poterant necnè? Utiq; poterant, si mox à justis operis actione, aut saltem mox à pravi cogitatus observatione ad Dominum intrò se contulissent. Verùm cum animus semper agat aliquid, quaeritur meritò, quid eo tempore agatur, quo animus ad Deum introvertit, ad hoc respondet.

2. Observatio, quicquid intro versus animus meditatur, fit in expectatione placidâ, desiderio immanente, timore humili, annihilatione sui ipsius & suppressione rationis, sic & modus hujus consuetudinis est constans ac permanens simplex, conatus verò arduus ac serius: enim verò ignavus animus non potest rationem variissimis modis onustam subigere. Cum autem & eos tentet ratio, quos illuminatio interna nonnunquam præparat, confert nôsse, qualiter sub hâc tentatione se gerere oporteat, ne quod in illis boni est præparatum, destruat per ignorantiam, illis inservit

3. Observatio, nimirum Cautio, ne multum attendant illuminationi

nationi neq; scrutentur num gratiæ an naturæ lumen sit, sed sint contenti cum solo Deo ignoto cui innitantur. Disputatio namq; errores causatur & tentationes, quas homo prudens devitat cum potest. Purus amor Dei securus est ab omni falsitate, quia sincerus, diversitatis incapax, & quamdiu homo manet in hoc solius Dei amore, tamdiu nil nocet ei, neq; excursus, (eruptio) neq; præcipitatio mentis apparenter talis, quæ sunt meditabundi animi accidentia. Non cures quid hoc quid illud sit, & si per vias vitas sollicitudinem, assuesces tandem Constantiæ & liberaberis ab excursivo motu instabilitatis pristinæ. Vicissitudo ad tempus durat, si verò animus permanet in Dei amore, remittit tandem vicissitudo, sic ut constanter perseveret in Viâ virtutis. Vicissitudo hæc infirmitatis humanæ indicium est, & quia talis est, non negligenda sed probè observanda est.

4. Observatio, undè generatur ipsa veritas (mentis sanitas). Nam sicut febricitans habet suos paroxysmos, quibus vel singulis vel alternis diebus infestatur; ita & infirmus animus patitur morbosas suas accessiones quibus alteratur & alienatur. Verùm tamen sicut Calor febrilis exsiccat Corpus, idq; à superfluis recrementis expurgat, undè acquirit firmiorem Sanitatem; ita quoq; animus ab alternantibus vitiis motibusq; contrariis sic exercetur, ut mundus tandem fiat inq; veritate obfirmetur: hoc ipsum autem per media & modos facilius procedit, nimirum, si homo continuat renovationem suam convertendo seipsum sæpius & quidem motu concitato cum omnibus viribus facto sive cum sive absq; naturâ, hoc est, ex totâ animâ cum potestatibus supernis simul ac potentiis infernis.

Quod Christus Petro respondens dixerit, remittendas esse fratri (proximo) offensiones 77 vicibus, nil aliud per id indigatum constat, nisi nova gratia, lumen, virtus, ac puritas peccatoris toties renovata, quoties peccator ab agnito peccato conversus pœnitentiam egerit. Idcirco ajunt aliqui, vicissitudinem hanc si millies de die facta fuerit, non esse contemnendam, sed potiùs approbandam, cum non solum ad pugnam disponat sed

ad amorem inciter, tandemq; victorem efficiat Spiritum. Oportet autem istam Conversionem non esse ex Usu solum aut ex Consuetudine, cum sic non nisi fallax esset, debet ergo esse in firmo proposito, hoc est, ex corde simplici, modo simplici, in fide simplici, in ipso Deo simpliciter, sine appetitu solatii, sine observatione illuminationis, id est, purè simpliciter. Nam eò respicit infantiae simplicitas & ignorantia, quam Christus suis interminavit fratribus, siquidem quod infans nil curat, non opprobrium, non respectum, non suum non aliorum proprium, sed ludit suis crepundiis absq; discrimine nunc projiciendo pretiosum, nunc capiendo minus pretiosum, nunc abjiciendo cuncta sibi porrecta, nunc quævis arrepta aliis dando juxta Voluntatem nutricis nullo rerum pretio captus ad reservandum sibi aliquid: infans prætereà non sibi prodest, non aliis nocet, neminem offendit, nulli blanditur, sed sicut intus ita foris, prout foris, ita intus est, absq; passione, affectibus aut concupiscentiâ, hoc est, simplici suâ quadrâ vivit.

Naturalem hanc infantilis ætatis simplicitatem proposuit Christus æmulandam, & propter rei gravitatem commendavit eam alio exemplo, cum dixit: estote simplices sicut columbæ. Futurum enim est, ut ista Cordis simplicitas tam egregia & tam mira Bona producat in hominibus, quæ jam in tantâ rerum perversitate nec comprehendere nec enarrare valemus. Tantò autem majus censendum est bonum è simplici corde prognatum, quantum humanus animus per prudentiam redditus est aptior & potentior. Huc enim spectat altera citati dominici dicti pars, nimirum, estote prudentes sicut serpentes. Non rejicit Sapientiam Christus, cum exemplum infantis inducit, quasi ad meram puerilem ignorantiam sit deflectendum, quin ea propter supposuit humanam prudentiam, cui sit superstruenda infantilis simplicitas Cordis, quam deprehendimus absq; furo, sine curâ quæstûs imò sine vitiorum è concupiscentiâ oriundorum inclinatione esse. Nam fieri nequit, quin per prudentiam simplex inclinatio ad rectum, justum & bonum sub Voluntatis bonæ

bonæ regimine deducatur in Actum suæ Causæ parem. Ut autem hæc à fidelibus Christi imitatoribus facilius queat perfici, opus est animum suum dirigant ad sequentem

5. Observationem, quæ est, ut cuncta Opera, quæ de necessitate sunt expedienda, suspendantur usq; ad id temporis Spatium, quo natura ad altiores meditationes sive ad exercitia, quæ sunt externis Operibus meliora, non est æq; apta, sive sint de Officio legentis, scribentis, sive aliudquid operantis, & ab his Operibus desistendum est, quamprimum necessitas ea non flagitavit. Tunc namq; confestim introsum est properandum ad Deum. Sed in externâ Operatione non est postponenda.

6. Observatio, cum homini incumbat attendere, quantum & quid sibi à Domino permissum sit operatu. Ut enim in omnibus modis & operibus humanis peccari potest; ita prospiciendum est diligenter, ne sicut scriptum est apud Prophetam, quis opus suum faciat fraudulenter, quin potius ubiq; & semper divinam Voluntatem expectando consideret, nec unquam eam deferat nedum eidem resistat. Qualiter id possit fieri, docet

7. Observatio. Homo est Christo obligatus antè omnia considerare quotidie passionem Domini, è quâ redemptio mundi, eoq; cavendum est, ne fiat modo usitato, sed evolutivo, devoto, in ardenti scilicet amore & desiderio Dei profundo. Nam per passionis dominicæ evolutionem succenditur amor, per amorem elevatur animus ad Deum, per elevationem causatur depressio (immersio) eamq; sequuntur rerum agendarum observationes. Dicat ergo aliquis, num homo possit id facere aut non facere, saltem qui naturalis est informatus est, ne dicam per Dei gratiam adjutus. Si quis autem objiciat, hoc desiderium non diu durare, sed præ imbecillitate remittere, amorem quoq; evanescere, ei quid tunc sit faciendum, ostendit

8. Observatio. Si homo remisso amore velut somnolentiâ obruitur per modum vicissitudinis, recolligendæ sunt Vires in amore pro amoris renovatione, siquidem futurum est, ut homo inverso modo seipsum iterum abjiciat & in amorem Dei de-

demergat corde simplici. tunc Deus in eo amat seipsum per amorem suum, si homo præ imbecillitate nunc atq; iterum amare cessaverit.

9. Observatio. In hac interni Actûs vicissitudine patienter tolerandum & accipiendum est id omne, quod Deus dederit sive sit Lumen sive obtenebratio, cum vel sine sensatione, per tractionem vel per impulsum, sive per silentium sive per nihil, tantumq; huic Verbo innitendum: operare Domine secundum Voluntatem tuam.

Q. Cùm elevatio & depressio, quæ modi sunt sibi oppositi, hîc identicè prædicentur, annon hoc fit cùm summâ rei confusione, cùm & periculum sit tantò grandius, quantò profundius est intervallum supremi & imi? R. In naturalium sphaerâ id ita se habet, non sic in supernaturalibus est: quia infinito non datur terminus finiti. Utimur autem etymo elevationis & humiliationis in ipso animi actu inversivo & extraversivo à similitudine desumpto, tametsi talis animi motus sit supernaturalis. Quocunq; enim se movet animus sive extrorsum sive introrsum, impellit Deum, imò in eo persistit citrà modum in summâ tranquillitate: motus autem prædicti non sunt confusi sed distincti, attamen sine intervallo, cùm Mens sit intrâ suos limites semper conclusa, ut sive exerat sive concentret suas potestates, nunquam tamen ex alieno loco in suum resultet circulum, nec extrâ eum feratur, quia in quo definit Deo, in eo incipit non obstante tugurio Corporis locum ei describente. Hoc modo potest esse, ut homo statim ac ad summum imperii Thronum elevaretur, desideraret submitti homini abjectissimo, idq; desiderium nec spatio loci nec temporis indiget intervallo: quin & hoc genus desiderii confestim relinquere potest, & acceptare externam exaltationem cum debitâ gratitudine simul & cum animi gaudio, quod & ipsū rursus relinquere potest, consentiendo soli voluntati divinæ in omnibus quæ Deus adjicit ei. Hâc de causâ constans & immotus ei est animus sub rerum vicissitudine, pariq; affectione perfert dignitates, opprobria, lætum vel triste accidens, nimirum in
sibi

Observatio. Quandoquidem homo nullum erga Deum in se sentiat amorem, tenetur tamen discere amorem per media eò conducentia, discat amare Deum totâ mente, hoc est, ex intimo fundo vero, bono, nec hoc solùm, verùm & sub externâ continentia, quæ hodiè est valdè abjecta & obsoleta: hæc cum adeò exota est mundo, necnon à solis egenis & spiritalibus Viris præstatur, convenit hîc eam commemorâsse, si fortè memoria ejus moveat aliquem veram humilitatem mundanarumq; larvarum contemptum exerere simul per externum Corporis habitum, per vestitum, gestûs, incesum, per Verba & actiones, quatenus futurum hinc est, ut Lumen Virtutis elucens per ambitum ejus illuminet alios semipræparatos, quibus nonnisi cultura deest atq; doctrina ab exemplo desumpta. Enimverò nonnunquam exemplum humilis vestitûs, gestus, incesus pro more mansuetudinis plus docet & corrigit, quàm ipsa verbalis disciplina. Exemplaris istiusmodi forma est sacerdotio concredita, eoq; in hodiernum diem adhuc conspicua ex parte, ex parte dilapsa. Qui bonus est, cuncta convertit in bonum, vel si non valet convertere, saltem sequestrat prudenter verum à falso, bonum à malo.

Q. Superius fecisti mentionem damni incomparabilis, quod emergit ex hæsitacione sive progressu neglectu: nunc dicas velim, quid causæ subfit impediens, quo minus homo intentet progressu, eoq; (ut in multis observamus) tam vanus & vacuus maneat, tantoq; frustretur thesauro, qui Cælum terramvè pariter suis adimplet divitiis? **R.** De causâ impediente probè notandum est, eam consistere in merè quotidianis defectibus, qui frigori comparantur æstus charitatis restinguenti, sic namq; dispergitur Cordis meditatio, pellitur devotio, Solatium S. Spiritûs adimitur, amicitia Dei amittitur. Et quamvis defectus tales sint tantum quotidiana venialia peccata, quibus Dei gratia non prorsus ejicitur, nihilominus tamen ingens damnum inferunt, quatenus non levem ansam præbent perdendi gratiam & in peccata mortalia relabendi.

Q. Quo-

Q. Quotuplex sunt tales defectus? R. Duplices: sunt enim vel perseverantes vel accidentales, omnes autem æq; valdè impedi-
entes, qvomin⁹ Esca cœlestis, Dei; immensæ divitiæ acquirantur.

Q. Nominatim trade, quid sentias de perseverantibus defectibus? R. Defectûs perseverantes ajo esse eos, cum homo volenter scienter deditus est Creaturis, adhærendo iisdem cum sensu Voluptatis, cum desiderioso corde, cum perceptione Sufficientiæ, quibus scilicet afficitur ad exultationem usq;: defectus hi sunt peccata quotidiana, quæ Doctores his exprimunt Verbis dicendo, cunctas cogitationes, Verba & Opera, quæ non prius à rationis iudicio ordinantur, esse peccata quotidiana. Ut autem id quæas distinctè intelligere, scito, sic esse eos defectûs, quod homo non vult propter Deum deferere Creaturas & quæ ab iisdem procedunt suavitates. Sic autem Creaturæ occupant in homine præcipuum locum qui Deo consecratus est, quâ ratione DEUS non vult in eo habitare & operari. Diligenter hinc observandum est, ubi in se quid deprehendat, annon & ipse sit factus talis possessor per ordinem naturæ inversum, per amorem ergà amicos, ergà suam substantiam, per complacentiam sui moris & instituti: Qvis, quæso, patiat hodiè, si quid objectum sit in contrarium, quod potius comitis Verbis non excuset? Quid quod inter eos, qui Christiani volunt esse, frequentius nil conspexeris, quàm quod qualiscunq; statûs & conditionis homines sint penè infatigabiles, eò quod non contenti sunt cum eo, quod Deus largitur iisdem, quin potius nervum animi eò intendunt, ut corradendo multa multis augeant. Prætereuntibus dictorum fidem faciunt exstructa palatia, quæ insuper fingendo, pingendo varimodè exornant juxta varium eorum quædificant desiderium; sed quid inde pendet? Nova sensuum discriminatio: si pocula deficient & aliâ Vasa argentea, deerit proportio rerum. Sed & mos modusve requirit pulchras Vestes, diversas, pretiosas, quid si deficerent fercula magni pretii, gulæ deliciæ? Sine his non esset Voluptas consummata, quæ tamen quotidie in cunctis rebus quærimr.

Q. Dic quid indè sequitur? **R.** Per hæc & similia fortificant peccata quotidiaua velut cincturâ antemurali. Cogita quàm procul distent hujusmodi defectûs à gravioribus mortalibus peccatis internis & externis, quæ aliàs hominem ex improviso corripunt, qui antequàm observet, labitur in ea. Et nihilominus non verentur ea palliare, sive glossando defendere, cum dicunt, status meus exigit, ut talia habeam, qualia habent mei similes, ne me ridendo spernant, non puto tam facile nocitura esse, quia non impediunt quominus Orem & Missam quotidie audiam. Quasi nihil impediunt gulæ, oculorum, ventris illecebræ, ludi, joci, confabulationes, familiaritates, choreæ &c. dummodò in Dei conspectu lectæ sint orationes sub intermixtis curis de tempore post pastum terendo, jucundavè sodalitia eligendo.

Q. Si hæc à teneris ad senectutem usq; scienter, volenter, exercuerint, dic, quæso, an facile non noceant, an nihil impediunt? **R.** Imò hæc est quæ impedimentis pandunt Viam, quæ tantò liberius intrant in eos, quod stratum inveniunt Viam, nactâ ibi perpetuationis occasione fiunt tam intima iis atq; essentialia, ut omnem desuper excludant conscientiam. O quàm fortificant sic & exaltant propugnacula, undè fit, quod Opera Dei nunquam iis veniant in conspectum, qualitercunq; se exercent. Bene ergò notes velim, quod quantum id est, quod Creatura implet, tantum oportet Deum recedere cum suâ gratiâ.

Q. Jam, quæso, dicas etiam, quid comprehendis sub titulo defectuum accidentalium (fluxilium (qui non sunt perseverantes, sed citò transeunt? **R.** Tales eorum sunt hominum, qui Creaturis non servant nec sunt ab ullâ earum obsessi (capti), qui potius paratos se semper inveniunt deferendi id omne, quod intus cognoscunt esse relinqvendû juxta Dei Voluntatem, quicquid demum sit sive homines, Amici, sive bona &c. Hi tamen non sunt tam circumspecti prout esse debent, hinc etiam accidit, ut facile vincantur à propriâ naturâ & naturalibus defectibus, ad quos referuntur ira, superbia, a cedia, Verba frivola vel nugatoria &c. sic quæ primùm fortè horum causa data fuerit, con-

festim

festum fit transgressio sive ea fiat in qualibuscunq; Verbis minacibus, immodicè reprehensivis & aliis, sive in victus plenitudine, nimio Cibo ac Potu, sive in hilaritate sive nimia sollicitudine, sive quacunq; aliâ vitiosâ moralitate.

Q. Quodsi è recensitis defectibus sint aliqui (quod nonnunquam solet fieri) qui in gravitate præponderant defectibus perseverantibus, de quibus antecederet dictum est, dic annon his plus impediunt illi ? R. Dummodo sub infirmitate, aut aliàs ex improvise naturaliter erumpant, ita ut pro fundo id malum accidat (quamvis præmentionatis sint graviores) longè tamen minus impediunt, eò quod citò desinunt. Nihilofecius tamen & hi obsistunt plurimum acquisitioni cœlestis Escæ, putà quoad modum Unionis, præterea quoq; minuunt fiduciam erga Deum, ne dicam, quantum dispergant animum, qui dehinc suavissimæ influentiæ clarissimi Luminis incapax redditur.

Q. Dic qualiter id quod subitaneo sub impetu deficit si non tam noceat, in integrum restituatur ? R. Id potest fieri mediante instantaneâ amaritudine (contritione) Spiritûs, siquidem per eam purificatur & ceu limâ rubigo defectuum magnâ ex parte abraditur.

Q. Annon in malè ordinatâ Naturâ, puta in somno & nimia satietate consistit aliquid impeditenti ? R. Imò multum : nam uti à copiosis ingestis oneratur natura, ita ab hac oneratur Spiritus. Annon Vinum facit amentes ? ita & Cibus immodicè ingestus aggravat Corpus, mutat mores, Somnus longus reddit sensus torpidos, mentisve aciem obtundit. Et quis hæc omnia impedimenta in Vitio naturæ sita non ipse perspiciat ? Deceret itaq; hominem, cum cibum sumit, simul trutinare, quantum liceat edere, ne natura gravetur, quoniam hoc sapientis est, qualis homo aliàs esse debet. Hæc sunt obstacula, quibus cœlestis cibus, divina influenza, summus thesaurus impeditur, quominus patenter adsit. Omnia quippè Vasa, quibus Deus inefabilem suam sanctitatem infundere debet, debent esse mundissima : quoniam & mirabilia, quæ Deus in limpido, mundoque

fundo operatur, item qualiter purificatus homo suprâ seipsum, & suprâ omnem humanum modum trahitur in Deum ad Unionem, superant humanum & angelicum pariter intellectum. Et cuncta hæc miranda & mirabilia possemus cum eo & in eo invenire, dummodò introverſi qvilibet ad seipsum observaremus gratiam Dei in nobis.

Q. Cùm autem id non faciamus, sed potius extraverſi animo & sensibus excurramus, & spatiemur nunc hoc mox illud cupiendo aut faciendo, annon pusillis hinc & imprudentibus, non Viris & Sapientibus assimilandi sumus? R. Id certè hîc fateri oportet, quod adhuc pueri insipientes sumus, qvi tamen sapientes Viri debeamus esse. Viri, dico, debemus esse robusti, qvoniâ oportet se gerere viriliter, hoc est, collecto omnium Virium robore, oportet se viritim seu violenter & liberè avertere à cunctis Creaturis conversione simul ad Deum Creatorem factâ, sic ut in totâ nostrâ Vitâ respiciamus Deum tanquàm finem novissimum, & ut vivamus Deo, non nobis & creaturis. Sumusne tales? Nil minns: pueri sumus, si nondum Viri sumus, qvi quasi Zelum Dei habere videntur. O quàm exhilarabis tales, si quid mundus novi habet, ocyus communices eis, si prodas quid hic quid alter dicat, quid qvod ipsi non desistunt garrire, & quid hic quid ille faciat effutire. Annon hæc & similia inferunt pravas imaginationes in sensus, mentemvè obnubilant, ex Viro puerum, è sapiente stultum efficiendo? Tu ipse pro me responde. Quid quod pusilli tales, qvi nihil Virilitatis obtinuerunt, non possunt tolerare alios, qvi abjectâ tam pravâ consuetudine potius Dei curam habent, qvos insuper oderunt ac persequuntur aut sicut stultos contemnunt. Poteſtne esse quid abominabilius, quàm qvod tam temerè gratiam Dei profanamus?

Q. Quotidiana experientia docet, omnes qvi volunt in Christo piè vivere, persequutionem pati debere, dic ergò, quid his conveniat facere, ne seducantur? R. Oportet probos homines fugere eos, qvi sunt iisdem tam contrarii, mundani, Osores; qvin & oportet vitare loca, ubi eosdem inveniant. Tecum ha-
bita

bita in tuo conclavi expectando Deum ejusq; sanctissimam Voluntatem, cui obsequaris.

Q. Quod si Voluntatem Dei homo nesciat, dic ubi eam noscere discat? **R.** Si velit potest per se discere eam sine Magistro, dummodò hætenus meum sequi velit consilium quod tale est. Multa obijciuntur homini Opera tùm facienda tùm intermittenda, id quod etiam de modis intelligendum est, ubi dum homo sæpè nescit, quid eligendum sit, (faciendum vel intermittendum) sistitur in bivio. Necessum ergò est, quotiescunq; contigerit hoc, observet seipsum statim, quia tunc sentiet unum naturæ esse acceptum, alterum inacceptum, aut si non adversum, erit tamen ad minimum unum acceptius altero. Fiat ergò conclusum hoc longè verissimum, Quodcunq; naturali inclinationi vel maximè contrarium est, tutissimum est; econtrà ad quod natura vel maximè propendet, id minus securum est. Hinc quo quis magis vivit juxta naturæ desiderium, hoc minus vivit Deo & Voluntati ejus, & quo minus vivit juxta naturæ desiderium, hoc magis vivit Deo & Voluntati ejus. Mors naturæ est vita Spiritûs: ut ergò Spiritui magis possis vivere, discas naturæ magis magisq; emori, id quod Apostolo est, non obedire naturæ cupiditatibus.

Q. Quot genera inveniuntur hominum proborum? **R.** Duo: Unum est eorum, qui à naturâ tam benè ordinati sunt, quin etiam mediis occasionalibus per Vitam suam sic adjuti, ut penè nullos vel admodum paucos patiantur defectûs, hinc vivunt ab omni conflictu liberi & tranquilli: Verùm præmium talium hominum non est æquè pretiosum atq; eorum, qui dimicando pro gloriæ diademate devicerunt tentationes heroicâ Virtute. Alterum genus eorum est, qui à defectibus externis ceu causis occasionalibus tentantur ac moventur ad iram, libidinem, avaritiam, ambitionem &c. Verùm hæc omnia sunt carnis Vitia, quæ superant per Spiritum, dum ignem concupiscentiæ suffocant Virtutum altiorum adminiculo: hi, quatenus à Carnis potentiis non permoventur ad consensum, ideo etiam detestantur

tur iram, superbiam, & alia omnia peccata. Nunquàm volunt ea patrare ullo modo, ideoq; ab hac Voluntate carni adversi procedit conflictus Spiritus & Carnis, cum tentantur, non obstante peccato quod in naturæ statu pronascitur antequàm Voluntas assenserit, & tunc non imputatur iis peccatum eo quod citrà assensum fuerit; quin potius Victori iis manet ob animi Virtutem, quâ repugnârunt animæ sensitivæ potentiis Spiritum potenter ac rabiosè invadentibus. Tametsi sic peccatum inhæreat Carni, non tamen potest contagio suo Spiritum alienare. Tales homines placent Deo, quatenus nobiliorem exerunt virtutem præ reliquis, virtutem scilicet perfectionis à conflictu proveniente, quam Scriptura dicit in imbecillitate, id est, pugnae perfici.

Qui lenocinio Carnis pelliciuntur, non sunt solliciti de hac Victoriâ, inprimis Verba pugnae, meriti & perfectionis devolvunt ad solam Officium Redemptionis, quasi jam sit defuncta sequela Vitæ Christi aut prorsus merito Christi præjudicans, & hinc prætexunt solius Fidei efficaciam in contradictionem perfectionis & in protectionem Carnis, quo respectu aut procul à tentationibus esse aut luxui Carnis indulgere malunt, nunquàm tamen cupiunt tentationis quidditatem, necessitatem & utilitatem cognoscere. Verùm divinus homo periculosa huic atq; damnable opinioni in totum contrarius est, ut quem sensatio erudit nôsse, quid sit tentatio, is quoq; è gloriâ coronationis agnoscit utilitatem tentationis, necessitatem verò è præscriptione certaminis, imò ex ipsâ conductione in pugnam. Nam quia non coronatur, nisi qui legitimè certaverit, neq; Victoriâ potitur, nisi qui conflictatur viriliter, per id haud difficulter probatur tentationis necessitas. Inprimis propudiosum est expetere coronam sine certaminis Operâ, periculosum verò pugnare absq; armis: nostra verò Vita comparatur militiæ, quatenus ea tentationum plena est, idcirco cum sæpius tentationes nobis videantur excedere modum & mensuram virium nostrarum, est operæ pretium, non solum nos ipsos, verùm etiam observare media,

media, quò Deo coadjuvante vincamus tentationes. Noscat autem quilibet necessum est, toties glorificari Deum, Angelos quoq; simul exhilarari, quoties pugnando Victores tentationum evadimus: nam quantumvis multi seipso illaqueant per id, quod vident hominem naturatenus tentari à Cupidine & inclinare ad pravam quoad sibi dehinc prætextum sumunt dicendo, se nunquam posse immunes à Peccato esse, hâc tamen ratione non est Peccatum ea naturæ inclinatio: nam hi decipiuntur ab insitiâ & indistinctione, quatenus non considerant inclinationem ad Peccatum quâ talem non esse ipsud Peccatum, sed naturalem & non imputatum defectum, Peccatum verò esse vel actum vel assensum peccati, quapropter est magnum discrimen inter cogitationem & cogitationem, siquidem cogitatio immunda (iniqua) Peccatum est potentiale si Voluntas consenserit sub actu propositi, econtrâ si Voluntas non assenserit ei, non est Peccatum, nec diu moratur in animâ, cum viso austero hospite adventum ejus averfante statim recedendo evanescat, secus quàm fit, si hospiti se gratam deprehendit, quia non cedit tunc, donec conceptus ad enixum pervenerit.

Q. Annon sunt quædam cogitationes v.g. impuritatis, odii, superbiæ &c. quibus non diu inorari potest anima sine Peccato, tametsi homo non inclinet ad patrandum cogitatum opus prævum, cum ipsa cogitatio una plus minus aliâ alienet animam irritando ad pravam inclinationem, moxq; ad assensum? R. Id quidem sic est, & hâc ratione hortatur Scriptura fideles, quo se examinent prospiciendo, dum stant ne cadant. Qui jejunio, vigiliis & orationibus fatigat Corpus, pravitates cogitat rarius, quod si quid fortè cogitat, non diu subsistit cogitatus præ animi severâ inspectione, ejus ope suffocatur ilicò: hoc fine non solum suavis est jejunium à Christo & Apostolis, verum etiam ab Ecclesiâ institutum; secus comparatum est cum iis, qui genio suo utcunq; indulgendo ventrem saginant, tantum enim abest ut absq; peccato diu cogitent impuritates, ut potius continuo peccent continuo cogitando prava. Nam satiato ventre non solum

vigent sensus, quibus mediantibus intromittuntur in animam Species objectorum (uti in primâ hujus libri parte ostensum est), verum & intus cuduntur infinitæ Ideæ animum alienantes ob inordinatum ac procellosum motum, quem Vigor Imaginativæ causatur. Et sic quidem variat Judicium de Cogitationibus juxta diversissimum vivendi modum, hinc dicere solemus, de occultis non judicat Ecclesia, quatenus secretus vivendi modus soli Deo & homini cujus est, cognitus est, quia nemini aliàs: ast S. Ecclesia sano suo & cunctis utili consilio suavit quid facere quis debeat quid intermittere, ut à Peccato liber sit. Si carni molestiam inferre nolumus, eas Caro nobis reddit gratias, ut simus inepti ad pugnam, ut carnis potestati semper maneamus subiecti, inde fit, quod si qua propter peccatorum multitudinem & injustitiam culpamur, blandiendo nobis falsò præteximus Carnis imbecillitatem, efficaciam Fidei & multam Dei misericordiam, cum è contrario Caro sit fortior quàm esse debet, nimirum satis potens ad captivandum Spiritum. Verum si Carnis potentiam qualicunq; modo debellamus, sive subtractione alimenti, sive refectione Spiritûs &c. longè aliter loquimur tunc, in primis confitemur lapsus & defectus, quos corrigendos proponimus, veniam petimus, meliora cogitamus, pugnamus & quæ pugnando non possumus vincere, allato pede fugimus. Uti peccatum aliud alio majus est; ita & cogitatus alius alio perniciosior, cui deest remedium, ei concessa fuga est. Quamprimùm enim homo advertit cogitatum pellicere Voluntatem, opus est, ut omnem adhibeat operam, quo suffocetur ocyus, & tunc consultum est ei, cum victor evasit præveniendò hostem à longè conspectum. Sed hîc observet aliquis seriò, quod omnium nocentissimus hostis est cogitatus libidinis, quem nemo facile vincere potest, quantumcunq; pugnet; sed cape artificium: potest æquè benè vinci atq; ullus alius & semper & ubiq; vinci potest ab homine circumspecto non quidem armis ac animositate vel fortitudine, sed sine his omnibus, solâ fugâ. Quamprimùm hunc hostem à longè conspexeris ad fugam te recipito, quia

quia si propius eum patiaris accedere improvidè, ligabit te fascino, imbellemq; capiet indubitanter, id quod probè notandum est, quia à multis multo cum damno compertum. Cuncta vitia possunt pugnando superari excepto solo hoc: quapropter si homini liceret liberum esse à tentatione & inclinatione carnali, non esset cur id desideret, quoniam qui non tentatur incurius est in suis actionibus sine metu sineq; periculo, & hætenus coronâ eâ, quæ conflictanti solum proposita est, caret. Econtra is est fortissimus Heros, qui vincit seipsum per subactionem peccati. Sed alibi dictum est de Utilitate, quam sibi homo sapiens etiam ex vitio & peccato extrahit, quod hoc loco videtur repetendum. Nam per inclinationem sive per primum motum ad vitium ex opposito sistitur Virtus in animo, cujus valentiori vi excitatur homo ad capeffendam observantiam Dei & sui ipsius majori cum sollicitudine, quod probè observandum est: nam accuratissima observatio pravæ inclinationis obfirmat hominem in Virtute, sicut neglectus ejus obfirmat incurium hominem in vitio; quisquis autem se nimis infirmum reperit in observando tam vitiolam propensionem quam deviationem tentationum, is tantò magis observet opus est gratiam Dei, per quam impetret quod deest ei. Nam tantò nobilius est habere potentiam ab ipso Deo, quam à seipso, quia taliter subsistimus in Voluntate ejus, non in nostro optatu. Nunquam autem tutior est aliquis, nisi cum Deo est, quia tam tutus est tunc atq; ipse Deus, eoq; & ipse Deus est tali homini magis proprius quam ulla Creatura quam unquam possedit.

Q. Nihilne habes amplius de defectibus, cum tamen paucissimi homines vivant absq; iisdem? R. Si vis considerare plura, plura hisce habeto. Defectuosi sunt vel internè tantum vel etiam externè tales: Horum defectus extrorsum protruduntur, quæ convertuntur ad vanas Voluptates & mundi gloriam: hi omnium vanissimi homines sunt, eoq; relinqvendi suo prognostico. Quorum autem defectus occultisunt ac interni, hi sunt considerandi juxta defectus, quorum

est magna diversitas. Tres tamen sunt omnium gravissimi, dehinc præ cæteris perpendendi, eò quod reliqui omnes non sunt his æqui parandi. Primus est malè ordinata tristitia, quæ homo per intervalla tanto mœrore afficitur absq; causæ notitia, ut quò se vertat, vel quid faciat, nesciat. Tristitia ea non est profecta ex animo, sed è vitiosâ Corporis dispositione, & causâ pravâ naturali sive congenitâ sive acquisitâ: afficit tamen & ipsû animum per accidens impediendo hominem sic, ut à proposito bono desistat. Quodsi verò animus adversus afflictiones paratus Deoq; deditus esset, sub causæ morbosæ præsentia pateretur Corpus immoto stante animo, intrepido atq; in Deo consolato. Remedium ejus hyperphysicum est contranitentia animi, animosaq; insultantis hostis expugnatio, resumto scilicet vigore virium expassione Domini sibi applicatâ.

Alter defectus est immoderata pusillanimitas, cujus causâ est manifesta, quâ scilicet homo nescit discernere inter causam & effectum ejus, quâ & agnoscit se non esse præparatum juxta Voluntatem Dei, ideò volvit ac revolvit meritum, pœnam ac passionem à Deo transmissam homini. Verùm ista perpenfio est immoderata seu modum excedens, id quod non debet esse, quatenus concussus per eam animus vilescit.

Tertius est in expugnabilis desperatio, estq; gravior, ac intolerabilior tentatio, quàm ab ullo in experto credi possit aut concipi. Miserrimi sunt hominum, eoq; omnium compassione digni, quoniam, quamprimùm durissimâ sub passione parum respirare cupiunt ad Deum conversi, afficiuntur adhuc acerbiori passione, id est, pravis adversus Deum cogitationibus. De hâc tentatione prædicatur gravitas vel magnitudo ob immensam torturam, quâ anima cruciatur, non autem quâ animam perdit, quatenus animæ nocere nequit, dummodò sequatur Victoria. Id genus tentationis quadruplex est, primum sunt scrupuli seu dubia in fide, secundum est diffidentia in Dei misericordiam: tertium sunt incidentes adversus Deum & sanctos ejus cogitationes: quartum est tentatio enectionis sui. In horrendas

rendas hascē tentationes possunt incidere homines, quibus non est sufficiens cognitio 1. Dei 2. peccati 3. pœnitentiæ, de quibus suis locis tractatum est. Remedium ergo tales capiant ē suffi-
cienti instructione, quæ Lucis adinstar est, quā se ē suis tenebris evolvant, dummodō eorum animus sincerus sit. Quisquis enim cognoscit, quis q̄valis Deus est, non potest desperare. Est autem evidens talium hominum defectus q̄vintuplex, utpotē
1. quod non sunt absolutē recti (integri) & hinc in talibus ca-
sibus non credunt nec fidunt iis, quibus tenentur credere, undē etiam augetur eorum suspicio, sic ut potius credant quæ augment
Suspicionem, quā quæ solatium afferunt. Id omne provenit
à multiplici cordis afflictione, q̄vā incessanter afficiuntur, com-
muniter ergo sibi quærent familiares quibus miseriam suam
revelent, si fortē per alienum auxilium liberentur ab eā. Verūm
id tacuisse præstaret, cū non in homines rectos semper inci-
dant, & candidos, quorum insuper, si invenirentur, conatus
non sufficit proferendo necessario auxilio, indē patet causa quā
sit futurum, ut in majores recidant anxietates, dum passioni for-
tius resistunt. Id autem illis incumberebat facere, nimirū quæ-
rere Virum sanctum, Deum timentem, & sacrarum Literarū
peritum, q̄vem norint officium pastorale curæ cordiq̄; habere,
huic se tenentur concedere, fidere & obedire.

2. quod earum rerum certam quærent scientiam, quarum
nulla datur, hoc est, cū volunt immunes esse à peccatis mor-
talibus, scire conantur, num careant iis. Is verò conatus vanis-
simus est, cū nullus hominum tam beatus tamq̄; doctus exi-
stat, q̄vi certò norit asseverare, se esse vel non esse in gratiā Dei,
nī fortē sibi sit revelatum à Deo. Sufficit unicuiq̄; seipsum dili-
genter explorare, undē in Cognitionem quandam veniat oc-
cultorum suorum peccatorum.

3. quod sunt impatientes, recalcitrantes, & Deo refragantes præ-
misiā eaq̄; continua passione, ad quam perveniunt sine exerci-
tio, q̄va propter & passioni se opponunt indignatione tam diu re-
sistendo ei donec lassati concidant, mitescant, tandemq̄; passio-

nem à Deo humiliter suscipiant. Cùm autem nec tunc cessat, verùm etiam subindè augerur, dolent maximopere, quoniam & patiuntur eventum dubio cum scrupulis & dubiis, donec Deus viso labore, dolore & patientiâ eorum tandem respiciat, eosque exinde eripiat. Deus autem solus novit quam optimè tempus & horam utilis hujusmodi castigationis & liberationis, inde patet quid homini interea sit faciendum, nimirum nil aliud quam quod se ipsum humiliter subjiciat passioni juxta Voluntatem Dei auxilium & assistentiam ab eo flagitando.

4. quod in nullâ re magis desipiunt, quam quod pravis cogitationibus & instinctibus credunt, quod sit, cum iis pro & contra perpenſis velut quâdam discretione & resistantiâ respondent: id quod nullatenus fieri debet, cum sit res omnium abjectissima, vanissima, consideratione prorsus indignâ, præprimis si insuper sit noxia vel resistantem tantò validius trahens & prosternens, qualis est, in cujus conflictu repugnantes absque auxilio succumbunt. Idcirco probe notandum est remedium, cujus ope solet homo circumſpectus liberari, id quod consistit in sequenti cautelâ, nimirum, ut postpositâ resistantiâ animum suum celeriter avertat à pravo instinctu, eumque, quamprimum malam cogitationem observat, ilico obvertat ad quamcunque rem sibi objectam & ad sensum & sensationem, imò si nil sit, quod audit vel videt, reflectat se statim ad primam rem sibi passim occurrentem; quoniam Ideâ novâ mediante supprimuntur præſentes aliæ nefariæ in momento, sic ut evanescant, quasi nunquam adfuissent. Hoc est optimum, certum ac indubitatum remedium, cui insuper Verbum vel solum cogitatio sequens addi potest: O pravam atque damnablem instinctum, cui nunquam animus consentiat, pereat aut redeat ad eum cujus est, mea nihil refert cum propter suam pravitatem indignus sit responso. Sic enim emorientes perversæ cogitationes tantò minus afficiunt, quanto plus contemnuntur. Et hoc Alexiterio semuni-
ant necesse est infirmi, ut toties eo queant uti, quoties tentantur:

5. quod tantum invaleſcit eorum afflictio, quantum eorum ani-

animus intendit ad Deum converti, sic ut nec ullam orationem
valent Deo transmittere absq; Diaboli instinctu. Indè
quidem sæpius cadunt in tantam pusillanimitatem, ut intentio-
nem orandi prorsus abjiciant putantes orationem planè imū-
dam nec quicquā proficuum esse. Nesciunt ergo quā ma-
le se gerant hætenus, cum è vestigio sequantur præeuntem
Diabolum, qui vel solo hoc modo seductos eos ab exercitio spi-
rituali repellit: nam quò diutius homo desistit ab oratione, eò
longius prosequitur vestigia. Capiant autem quendam mo-
dum Deo gratisimum, qui pusillanimitati huic contrarius est
consistit is in oratione pravis instinctibus & cogitationibus no-
xiis pollutā, dummodò fortuiti ac præter eorum voluntatem
& scitum irruentis accidentis verā Pœnitudine capiantur. Ut
autem hanc rem tantò melius intelligant, tantò clarius dispi-
ciant, noscendum est juxtā Gregorii effatum, humanum ani-
mum sæpenumerò tantā corripit sollicitudine, ut proprio motu
se nequeat indè eripere, cum illo tempore afficiatur præse-
nter afflictione, quin & subactus detineatur usq; ad ejus remissio-
nem: is itaq; non luit hætenus culpam suæ impotentiae, pro
cujus causā ipsa afflictio (tentatio) victrix Deum implorat.
Ista quoq; imploratio coram oculis Dei clarificat obscuram ho-
minis passionem, cogitq; Deum, quo se approximet homini
vel solā hac ratione. Ab observatione ergo pravi instinctus nec
temporis momentum est negligendum, nè quā gratificetur
homo adversario, imò nec oratio nec ullum bonum Opus post-
habendum est, cum hoc ipso procedendi modo quā optimè
resistatur Diabolo tanquā cui is modus omnium magis adver-
sus est. Id namq; puritatis quod orationi adimitur, reparatur
per eandem hujus passionis præsentiam sub commodo divini
beneplaciti, quatenus Dominus Deus infirmus atq; luctantes
tām benigno respectu exaudit atq; ipsos triumphantes victores.

Q. Cognito nunc defectus hosce esse innoxios, quia sine pec-
cato, quæritur nunc: Cur Deus tām clemens debiles homines
finit tām graves subire tentationes, quibus corporalis passio
nulla

eos peccare tantominus aliis. Verùm istorum error tantò gravior est, quantò peccatum superbiz cunctis aliis lapsibus prius est ac periculosius, cùm sit possibile, ut sola unica philautia reddat hominem impuriorem coràm Deo quàm mille cogitationes pravissimæ, cujus exemplum præbet lapsus Luciferi. Idcirco per-quàm bonum est superbo homini, ut dum monitus nec se, nec suas superbas cogitationes agnoscit, per passionem compellatur ad sui agnitionem. Tunc namq; solet fieri, ut fastuosus homo arbitretur, justè sibi demum inferri pœnam talionis, quoad commeruit, ut qui paulò antè præ se contempsit omnes alios, nunc contemnatur ab illis. Hic saltem cognoscat homo utilitatem passionis utut gravissimæ, quoniam uti solet dici: duro nodo quærendus est durus Cuneus: & immedicabile Vulnus ense recidendum est. Sic namq; & apparenter reprobis paratur Via ad Dominum, & humiliatus homo non manet in perditione. Proindè debet talis homo infinitas reddere gratias pro passione admittâ, quæ tam strenuè Virtutes excutit, ac insuper è barathro in Cœlum evehit. Quid quod à lapsibus carnalibus, imò & à multis peccatis internis præservat eum, si non aliâ saltem hâc ratione, quod dum passione occupatur, restingvitur interim concupiscentia sic ut Vanitati supersedeat.

2. promovet passio Viam sternendo ad omnis generis Virtutes, quatenus in magnâ passione tantoperè dolent homines, ut suâ sponte remedium virtutum quærant, & cùm non detur passio gravior, quàm quâ cruciantur, hinc faciliè alia cuncta peragunt, nec impossibile iis videtur quidpiam, quod non præsumerent facere, dummodò per varias actiones obliniatur aut supprimatur eorum passio. Hem quantum bonum ex malo hic provenit, congestio scilicet bonorum Operum, adeoq; quantacunq; sit eorum diligentia, permittuntur tamen adhuc notabili temporis intervallo sub hâc Cruce, eo scilicet fine, ut cumulatisspiritualibus divitiis promoveantur de virtute in virtutem, utq; completo operum acervo efficiantur Vas plenum gratiæ atq; virtutum. Hic est Sapientiæ divinæ dispositio, quæ cuncta sic

dirigit, ut dum putant se perdidisse multum, reportent grande Lucrum. Nam cum se putant esse peccatores omnium miserimos, efficiuntur in Dei conspectu Martyres multis aliis majores, id est, in comparatione diuturni eorum & brevis Martyrii aliorum. Concluditur ergo, tentationes majores esse documentum Amoris divini, imò talem præparationem esse, quam gratia & familiaritas magna consequitur, dummodò cum patientiâ humiliter perferuntur.

Q. Quænam Exercitatio est ad remissionem peccatorum utilissima homini probo seu Exercitio Pietatis dedito? R. Ea, quæ passionem Domini magnâ commotione animi, compassione & gratitudine commemorat, singulasq; torturas Domini in Corde suo volvit ac revolvit. Hæc ad remissionem peccatorum, simul ac ad gratiam & virtutem impetrandam Via brevissima atq; tutissima est, imò unica semita quæ ducit ad Christum: indè discimus, memoriam passionis dominicæ nunquàm esse posthabendam. In hac Viâ omnes Sancti Cælum conscenderunt.

Q. Quodsi Dominus noster admirabili miseratione dignatus est mundum, seq; pro eo amanter subjecit Crucis martyrio, annon & hîc decet Christianos, cum non habeant quod Domino reddant, per modum passionis imitari & venerari Salvatorem? R. Imò vel maxime: tenentur exultare super tantâ Dei Clementiâ, quâ Deus mortales dignatus est eodem honore, nempe ut eâdem passionis Viâ, quâ Filius Dei præivit, imitentur & similes reddantur ei.

Q. Ecquod genus doctrinæ resultat è frequentiori crucifixi Domini Contemplatione? R. Doctrina beatitudinis hauritur indè, quæ est diremta in 8 species, quas communiter vocant beatitudines:

I. Q. Quænam est prima doctrinæ Species, quæ è sanctissimo Corpore Domini prolucet? R. Ea est paupertas voluntaria.

Q. Quo signo cognoscitur ea? R. Eo, quod Dominus Cæli nudus Cruci affixus est. Tam pauper enim gloriæ Dominus factus est propter nos, ut non obstante ejus potentiâ & gloriâ

non

non retinuerit tantum, quantum tunc operiundo Corpori sufficeret. Oportet ergo in tali paupertate sitam esse quandam beatitudinem: quid quod ipse Dominus dixerat: Beati pauperes Spiritu, quoniam eorum est Regnum Cœlorum.

Q. Quo sensu pendet ē paupertate Beatitudo seu Regnum Cœlorum? R. Sensus hujus pronunciati patet ē sequentibus: Beatus procul dubio est, cujus est Regnum Cœlorum vel ideò, quod Regnum hoc Thesaurus est omnium maximus. Beatus quoq; est Pauper Spiritu, quia plus habet quam cupit: quod habet satis est, paupertas divitiarum sunt ejus, qui semper nimium se putat habere. Et haftenus verè beatus est, quatenus habet eam quam cupit paupertatem (defectum) hoc est, passionem propter Christum. Beatus quoq; est ideò, quia nihil habenti nil potest auferri, nec lædi patientia, sicut econtra cernimus impatientes esse, qui bonis vel furtim vel violenter privantur. Beatus insuper est ideò, quia partem cœlestis libertatis habet, quatenus sufficientia in paupertate imitatur cœlestem copiam.

Q. Cum autem hujusmodi homines didicerint paupertatem ab Exemplo Christi, hoc est, ab Ideâ sanctæ humanitatis, martyrii & paupertatis ejus, quas Dominus noster cunctis diebus Vitæ suæ sustinuit, quæritur quid eam sequatur Observationem? R. Qui tales sunt, conquirunt imposterum Regnum Cœlorum, mercedem beatitudinis.

Q. Quænam est secunda doctrinæ species prolucens ē Corpore Christi sanctissimo? R. Ea est perfecta Charitas. 2.

Q. Quo documento probatur id? R. Eo, quod placuit Domino crucifigi in medio duorum Latronum ad sufferendum culpam eorum. Quod si pro suis Amicis passus fuisset, hæc magna Charitas fuisset: quod autem pro malis ac inimicis suis passus est mortem & torturam sui corporis membrorum omnium vehementissimam, ea Charitas longè perfectior est. Perfecta ejus Charitas est nobis exemplo, quo imitemur eum, nostramvè Charitatem per dilectionem hostium perficiamus. Quod si Deus Rom: 5. teste Scripturâ motus solâ Charitate expiavit mortalium hominum

num peccata, interveniente Sanguine, Passione & Morte ejus, suosq; hostes Patri suo reconciliavit, quanto majori charitate excipiet suos Amicos, qui eum fideliter imitantur?

3. Q. Quænam est tertia doctrina prolucens è Corpore Christi fauciato? R. Ingens Misericordia.

Q. Quo documento probatur ea? R. Eo, quod Dominus noster eo momento, quo Hostis ejus maledicus, malefactor & latro petebat gratiam, impertiebat eam ei benignè & quidem petitâ uberiore, siquidem commemorationem saltem expetenti promittebatur ipse Paradisus.

Q. Quo Sensu traditur verus Paradisus? R. Verum ac vivum Paradisum nuncupant Doctores ipsam Dei faciem seu Essentiam, dicendo: Paradisum esse ibi, ubicunq; Dei gloria revelatur.

Q. Quo Sensu dicitur Latronem fuisse cum Christo in Paradisum conductum? R. Descendente defuncti in Cruce Domini animâ Divinitati unitâ in infernum ad liberandam è Carcere credentium animas perveniebat etiam anima latronis in Cruce similiter mortui ad Dominum, ea dicitur hâc ratione cum Christo venisse in Paradisum, quâ ratione erat in Dei gratiâ visura Deum in Deitate. Non solùm enim meminere ejusdem Salvator, Iverùm etiam concessit ei contuendum divinam ejus naturam, quæ divini aspectûs concessio non nisi gloriosa est ac deliciosissima: quis ergò neget eam esse Paradisum? Quod si Deus tam immensæ misericordiæ suæ documentum præstitit manifestis hostibus ejus, quanto majori misericordiâ dignabitur suos Amicos, qui ejus imitati Exemplum exhibuerunt misericordiam non solùm Amicis, sed & Inimicis.

4. Q. Quænam est quarta doctrina? R. Perfecta seu devota obedientia.

Q. Quo signo cognoscitur ea? R. Signo duplici: Uno quidem perfectæ obedientiæ, quod animam tradebat in mortem. altero verò puræ devotionis, quod caput inclinabat. Qui enim Patri ad mortem Crucis usq; obediens erat Filius, consummatâ passione tradebat devotè Spiritum. Hæc ejus obedientia atq; devotio exem-

exemplo nobis est, ut eam non solum sæpè trutinemus, verum etiam exerceamus, cum sit certissimum, eos omnes qui carent sanctâ obedientiâ non habere partem in Christi obedientiâ. Non solum ergo requiritur obedientia, sed etiam devotio, ut scilicet quæ præcipiuntur cum mansuetudine perficiantur, devotio quippè mansuetum reddit animum.

Q. Quali devotione colendus est Deus? R. Tali, ut quod jubetur, libenter ac studiosè expediatur adnexo Voto, quo Deus dignetur clementer accipere bonam eam Voluntatem ac obedientiam in sacrificium laudis & gloriæ ejus. Et talis obedientia est sic devotè producenda usq; ad mortem.

Q. Quænam quinta doctrina est? R. Reverentia.

5.

Q. Quo documento probatur hoc? R. Eo, quod Dominus noster adstantem & vehementer dolentem Matrem nolebat disconsolatam manere non obstante tanto crucis Martyrio. Enimverò qualiacunq; præ immenso Vulnerum dolore in conquassatis, eluxatis, perforatisq; membris aucto poterat brevi ac debili voce pronunciare verba, erant tesserae amoris & Reverentiæ, tutelam simul procurantes. In omni suâ passione ad mortem usq; non obliviscebatur matris, quam ideò sub depereunte Vitalitate commendabat Johanni, misertus quoq; maternæ compassionis sine modo persensæ substituebat filium adoptivum. Gladio quippè scindebatur Cor maternum viso Rege Cœli à terrâ levato, ligno acclavato, dilaniato, sangvineo grumo incrustato, Deo sacrificato, nati-vi elementi exule. Id nobis exemplo est, quo imitemur Christum reverentiâ & observantiâ parentum aut superiorum, quò dignè vivamus super terram.

Q. Quænam est sexta doctrina? R. Perfecta Patientia.

6.

Q. Quo signo cognoscitur ea? R. Eo, quod Christus summâ Patientiâ se patiebatur affigi Cruci, tametsi injusti nihil commiserat unqvàm. Liberè se omni torturæ exponendo nil mali dicebat vel cogitabat, solum hæc Verba effatus: Pater, ignosce illis, quia nesciunt quid faciunt: præterea Os suum non aperiebat juxta Prophetiam, quæ certè Patientia summa fuit nobis

in Exemplum, quo imitemur eum patiendoinjuriam, vim & violentiam innocenter sivè nocenter, omnia scilicet quæ sub examine & exercitio Deus admittit vel imponit.

7. **Q.** Quænam est septima doctrina? **R.** Constantia seu perseverantia.

Q. Quo documento probatur id? **R.** Eo quod Dominus noster pedibus suis firmiter acclavari voluit in signum perstantis sui ad Crucis mortem animi: firma namq; fuit ejus ad mortem usq; obedientia, firmum quoq; talis obitûs propositum. Mira ea constantia est nobis exemplo, quo imitemur eum virtuosâ Vitâ, jugi tolerantia tum Crucis tum pœnitentialis & spiritualis agoniae, item perpetuâ dominicæ passionis expensione imò concupiscentiæ atq; defectuum Crucifixione. Ea namq; divina prædestinatio est, ut homo judicetur juxta qualitatem sui obitûs, ut nimirum peccata remittantur ei, qui cum Christo crucifixus denascitur, retineantur vero ei, qui vel unicâ ante mortem horâ descivit à Cruce vel declinavit à Sanctitate multis retrò annis habitâ.

8. **Q.** Quænam est octava doctrina? **R.** Oratio frequens.

Q. Quo documento probatur id? **R.** Eo, quod Dominus noster, etsi peccatum non patraverat unquam, anxie orabat sub summâ in Cruce passione, ne quâ defereretur à Patre. Hæc Oratio est noster terror, hoc desiderium pavor est; quod si enim Filius Dei qui non peccavit, jam moriturus oravit tam sollicitè, ac si per totam Vitam suam fuisset prævaricator, quid nobis moribundis convenire censendum est, quorum non solum propria Crimina, verum etiam aliis in perditionem suggesta scandala sub mortem vindicantur? Idcirco exemplo nobis est oratio Christi, quo imitemur eum orantem in horâ mortis nostræ simul & omnibus nostræ Vitæ diebus, ut Corda nostra omni conatu tollamus ad Deum oratûm, profundâ cum humilitate ineffabili ejus miserationi fidendo. Hoc namq; orationis opere pellitur Diabolus, ne partem inveniat in animâ misellâ,
quam

SECTIO TERTIA.



IN primâ Sectione ostensum est, qualiter Homo possit evadere in Virum Spiritualem, Sanctum, Amicum scilicet Dei; Cùm autem nullus conatus possit cum successu institui, nî prius per diuturnum exercitium pietatis in probum hominem mutatus sit aliquis, ideò quæ ad hoc noscendum & instituendum faciunt, sunt pertractata in secundâ Sectione, sic ut jam sistatur homo probus ac devotus qui doceatur in tertiâ Sectione, qualiter debeat progredi & præparari ad perfectam usq; puritatem. Tractat ergò

CAP. I.

De progressu proborum hominum.

Dictum est anteceder, dividi probos Christianos in incipientes, proficientes & perfectos. Alia itaq; est doctrina Sapientiæ christianæ, quâ modi atq; conatus explicantur iis necessarij, qui incipiunt, ut & hi in Viam Veritatis deducantur, & hæc doctrina est tradita in præcedentibus. Alia autem doctrina est, quâ proficientes erudiuntur in Viâ perfectionis; alia item quæ finem perfectis ostendit.

Q. Incipientibus quid dictum est? R. Oportet incipientes abradere omnes crassos, impuros Capillos peccatorum, puta superbiam, luxuriam, avaritiam, iram, omnemq; mundanam Cordis Vanitatem cum cunctis deliramentis voluptuosis, quæ solent homines quærere in Creaturis. Hic ergò breviter est ob-

observandum, cunctos (sine exceptione) homines, qui sese non ad Deum liberâ Voluptate menteq; elevatâ convertunt ita ut Deum in suis intimis ament, antè omnia respiciant, imò in mortis articulo taliter reperiantur, non fore perventuros ad Deum, tamen si tot bona Opera facerent quot cuncti viventes, etiam si tantâ pollerent prudentiâ, ut videantur linguis angelicis loqui & quod restat, Corpus patiantur uri, cunctaq; bona distribuant pauperibus. Id cum ita veraciter sit, qui possunt suum amorem ad Deum convertere, quorum Corda sunt liberâ Voluntate conversa ad Creaturas, cum tamen certò sciant, quod aliis eloquent locum, quem Deus sibi condiderat occupandum? Non curat Deus eorum Opera, quorum amore carere debet.

Q. Sufficitne incipientibus densos præcidisse Capillos? R. Non sufficit præcisio, quia nec dum villorum sufficit abrasio, etiam si chalybeo facta sit rasorio, hoc est, cum Zelo ardenti, acutato non solum per strictam Dei justitiam, (ut quæ nec Verbum vanum nec voluptatem exiguam transire sinit inultam) verum etiam per occulta horribilia Dei judicia, quatenus nemo scit quò se cum cedat num dignus gratiâ sit an supplicio! Itaq; incumbit incipienti, quamprimùm peccata (vitia) ab initio sic abraferit, ut subsequenter observet etiam pilos succrescentes minores, per quos hoc loco indignantur desideria, delectationes, quæ ob diuturnam pravamq; consuetudinem in fundo manserunt ostendendo se tanquam virtutes essent, cum tamen nil sint nisi falsa apparentia quæ nutrit superbiam eam, quam dudum putant devictam. Annon huc pertinet splendidus amictus &c. quem venditant sub titulo puritatis? Annon huc pertinet Cibus & Potus & alia, in quibus voluptatem quærunt & exhibent, sub specie necessitatis eam exculpando? Annon huc pertinet furor & feritas hominum, qui unumquemq; leviter judicant causâ discretionis & justitiæ factum excusantes? Annon & acedia, pigritia, quam debilitatem vocant & infirmitatem? De his & reliquis omnibus verè dicendum est fore, ut, si quis manserit in uno eorum gloriatus de sano suo arbitratu, de prudentiâ & quæ his ad-

jacent elatis verbis & modis, cùm venerit ad finem Vitæ, abducatur secum Diabolus animam ejus, quæ tunc nil minus quàm hoc cogitabit, cùm salvam se putet. Et hoc quàm maximè iis obvenit, qui sunt obsessi occulta superbîa habente speciem humilitatis & modalis prudentiæ; nam tales de jure conscripti sunt subter vexillum Luciferi, idcirco quo altius se putant ascendisse in suo arbitrato, hoc se profundius sentiunt præcipitados in orbem.

Q. Mirum quàm tu exaggeras ea, quæ alii tam parvipendunt, annon id nimis severè fiat videto? R. Utut velis, tu ea accipito; sufficiat dixisse, non parvâ sed magnâ consideratione digna esse, quæ hic non obiter, sed de industria dicta sunt. Neque enim puto quænvàm vilipensurum esse, si quâ in calido cubiculo diu noctuque inclusus tenoretur, ne dicam, si in barathro infernali ardere debeat in æternum: quod ipsum qui leviter duxerit, certò sibi pernoscat affuturum. Ideò debet homo divertere in seipsum, quia in eo est Regnum Dei. De iis quæ gessit ac gerit, scrutinium cum circumspeditione instituendum est, ut noscat quò perrexerit, ubi adhuc hæsitet, eoque discat progredi: perquirendum est fundum atque inclinatio ad omnem pravam consuetudinem, ut adhibeatur sanationis remedium. Nam prava consuetudo non est res parva, quia grande obstaculum, magnus obex, quod si quis perstet in Vitio per annum unum aut duos, id sentiet tam in se radicatum profundè, ut ullo suarum virium adminiculo vix unquam possit eradicari. An ideò pravam Consuetudinem parvipendis, quod se tam ægrè patitur extirpari? Expediret ergò adhuc sub adolescentiâ se diligenter custodire, ne se profundius firment vitia, quod fieri potest, si à principio cordatè restiterint iis, dum faciliiori negotio sunt superanda quàm subsequenter.

Q. Cùm adeò firmiter persistis in tuo præconcepto effato, dic, quæso, quibus adminiculis se queat homo incipiens, Juvenis scilicet custodire & observare, quò sit progressus necne? R. Id potest facere summo cum ordine, dummodo sequentia dampna

damna omni studio observet in suis sensibus ac potentiis, in quibus perquam noxii nascuntur pili. **Damnum**

1. Est oblectatio in rebus sensibilibus, quæ consistit in facultate concupiscibili. O quàm plerumq; in suam perniciem abutuntur eâ homines, sicut, quàm mira hætenus patrent, nemo queat vel cogitare vel dicere. Quin & hi qui libenter boni essent nescio quid non audent & sensus usq; adeò non observant, ac si carent iis, & ideò non persistunt in nudâ Veritate. Neq; in seipsos redeunt, cum sensus pleni sint rerum sensibilibus, hinc mens eorum manet clausa & tanquàm res exotica peregrè distans valdè. Non ergò mirum est, quod fixo gressu nihil proficiant, sed sibiipsis cedant potius sicut nesciant quomodò sit comparatum.

2. Alterum damnum situm est in facultate irascibili, quâ abutuntur homines absq; ullâ ordinis observantiâ, cum tamen foris usurpari non debeat, nisi tantum in iis rebus, quæ Deo sunt adversæ. Sicut autem facultas hæc est in seipsâ laudabilis, ita in eâ crescunt sæpenuerò maligni pili, eò quod iracundi homines suâ vehementi invektivâ se ad quamcunq; rem inordinatè præcipitant, quod insuper falsâ Justitiâ cupiunt aliorum modos & opera judicare, hæc ergò commotione ac strepitu verborum corrosivorum seipsos unâ & alios perturbant.

3. Damnum se prodit in ratione, cui quamplurimi homines immorantur valdè periculosè, dum sustinent & gloriantur de suâ prudentiâ, cum nihilominus interveniente totâ suâ rationali Veritate amittant vivam essentialem Veritatem, & ita potest quis Veritatem cognoscere, non item possidere. Sic homo seipsum decipit, cum putat se verè possidere id, quod suæ saltem rationi præludium facit, etsi infinitè distet, quapropter sub falsâ eâ specie amittit prænobilem thesaurum profundè meritis humilitatis coràm seipso & coràm aliis hominibus.

4. Damnum est interna delectatio, quam quis in Spiritu capit, hæc dominatur in multis hominibus. Ast hi decipiuntur à specie apparenter bonâ, quæ eos plus trahit delectatio quàm amor

divinus, dum enim sic eligunt, sumunt pro Deo Voluptatem, quodq; putant esse Deum, non Deus est, sed delectatio eorum, id quod hinc evadit perspicuum, quod cessante hac delectatione cessat quoq; conatus & diligentia. Annon quis judicet hanc circumspeditione opus esse non mediocri? Nam sæpè videtur aliquid provenire ab amore divino, quod tamen plura habet accidentia, adeò, ut sufficientia, degustatio, grataq; perceptio plus trahat quàm quis existimet. Et tale quidpiam causatur nonnunquàm à novis motibus, ab inclinatione, à terrore inferni, aut etiam à desiderio Salutis æternæ, quam homo natura-tenus desiderat. Notandum igitur circa hæc est, quod ubi intentio ad Deum non cordialis est, ibi nec Deus erit finis ac merces. Hæc quæ jam exposui, sunt externi crassi defectus, quos omnes oportet diligenter abradere cultro rasoris acutato, nimirum cote judiciorum divinorum & immutabilis justitiæ, quæ nihil permittit in ultum.

Q. Abrasis hiscè defectibus, dicam tunc nihil remaneat? R. In fundo remanent inclinationes simul & Ideæ præteritarum Consuetudinum, quæ & ipsæ sunt extirpandæ mediante vitâ Dominî nostri Jesu Christi, cujus Ideæ debent magno devotionis ardore imprimi, ut omnis inæqualitas tollatur penitus. Remedium hoc est validissimum: quid si Deus plantis & lapidibus indidit tam magnas virtutes sanandi infirmitates; ecquid tenendum est, quæso, de maximâ eâ potentiâ, quæ Filio Dei est pellendi morbos animarum? potentissima ergò sunt remedia sanctæ passionis, acerbissimæ mortis & suavissimorum exemplorum ejusdem.

Q. Cum verò homo nil possit à seipso, quid faciendum est? R. Oportet hominem facere Exercitium sanctæ passionis per modum orationis sic ut humilimè se projiciat antè pedes Patris cœlestis rogando per Filium, & per singula puncta passionis ejusdem, quò eum adjuvet, cum sine eo nihil queamus facere. Interea assuescat sic venerabili passioni & exemplo Domini nostri Jesu Christi, ne unquàm è Corde elabatur, ne vè Ideæ exoticæ

tiæ locum in eo inveniant unquam. Quod sequitur, oportet mentem levare ad sublimem gloriosam Deitatem, quæ contemplanda est cum modo desiderioso & in timore humili. Ast quoniam ei tam obscura, misera ignorantia Dei proponitur, tunc intelligit quod Job dicebat: Cum Spiritus præcedebat, terre-^{Job. 4.} bantur omnes Capilli Capitis mei. Nam cunctæ animales potentia cedunt, cum mens præcedit, laborat, dirigit, atq; sub hoc prægressu sentit homo in se turbationem (magnum tumultum). Spiritus ea antecessio (præoperatio) quò clarior, veracior ac simplicior est, hoc opus, impulsio & conversio hominis faciliior, fortior, celerior, veracior, imò & agnitio humanæ tarditatis sincerior est. Tunc derepentè venit Dominus illuminatum fundum eo fine, quo propositi operis ipse operator existat. Undè tenetur homo, quamprimùm observat adventum Domini, relinquere Opus, Dominoq; vocare, silere debent & conquiescere omnes potentia, quoniam tùm opera tùm cogitationes utut bonæ impedimentum inferant tranquillitati: sic homo patitur Deum & Deus tantum operatur. Adverte autem, postquam homo sibi relinquitur sic ut nil Operis divini persentiat amplius, opus est, ut sancta sua Exercitia de novo seriò perficiat. Alternatim se habent sic labor & quies, prout à Deo impellitur & admonetur homo, quilibet juxta quod sentit se quam opportunè suscitari, versus Deum moveri & inardescere sive in opere sive in quiete. Quisquis autem est, qui nequit eò contendere in quiete (internâ vacuitate) is modo activo accedat sanctâ scilicet imaginatione & exercitio, ut radicaliter fundetur in sanctâ charitate, & ut cum sanctis cunctis queat comprehendere altitudinem, longitudinem, profunditatem, & latitudinem.

Q. Istanè comprehensio videtur esse impossibilis? R. Est quidem impossibilis, sed sic intelligi decet hîc, dici tantum, ut sit in charitate & purâ intentione adhæsiō. Mens debet tendere sursum ad sublimitatem hyperusias, superq; cuncta vilia sensibilia transcendere contemplatum, quam Deus (qui omnia potest)

test) non poterat creare aliquam Creaturam tam excellentem, quæ altitudinem Essentiæ suiipsius posset cognoscere aut naturali intellectu comprehendere. Siquidem profunditas divinæ abyssi est cunctis intelligibilibus Creaturis incomprehensibilis. Idcirco oportet insequi eam profunditatem cum profundâ humilitate, sicut fecit B. Mater Domini nostri Jesu Christi. Latitudinem Dei debet homo accipere pro communi charitate, quatenus Deus seipsum exhibet in cunctis locis, regionibus in omnibus modis & operibus quæ bona sunt. Nam nihil est tam latum aut vulgare, nec tam propè in intimo fundo quàm Deus, proinde qui Deum quærit ibi invenit eum. Hanc latitudinem debemus sequi cum sincero devoto animo sine Curâ rerum aliarum, aut cum internâ omnium potentiarum oblatione, & hîc cape quod sequitur, nimirum: datur spiritui Libertas (cooperatur Deus roborando Spiritum), datur & supersubstantialis gratia, qualis est transcenditio animi super Ideas omnes & formas facta velut perumpendo & superando cunctas Creaturas. Talis est modus quo fit elevatio animi ad Deum, quem Deus largitur homini, & est supereminens Dei gratia. Sic dicit S. Gregorius: si volumus pervenire ad cognitionem rerum invisibilium, oportet transcendere cunctas res visibiles. Per longitudinem intelligenda est Æternitas, quæ antè se nil, nil post se habet, quatenus ea est tranquilla immutabilitas, in quâ cuncta præsentem sunt in perpetuo & immutabili intuitu suiipsius & in eo cunctorum præsentia. Hæc longitudo est perpetuò imitanda cum immutabili immergente in Deum animo, ita ut homo abrenunciet prospero & adverso cunctisvè Creaturis, ut etiam in pace manendo Deo solum fruatur: sic namq; consumatur Verbum, quod omnia impetrantur & complentur à Deo.

Q. Dic etiam nunc, qualiter Juvenes & incipientes homines progressum instituere debeant? R. Oportet eos plurimum temporis impendere Deo, internovè eorum Exercitio, donec acquirant habitum, sine quo fieri posset tam excessiva extravertio, ut penitus emanent. De exercitiis adultis id non est adeo

adeo metuendum, quia si tales nil sentiunt solaminis, aut si sui operis exoptatum progressum non obtinent, jacturam eam patiuntur humiliter, cum fieri queat, ut plus proficiant in passione & carentia quam in actione & possessione. Multum autem hic præstat sanctæ Fidei simplex fulcimentum. Impossibile est dicere, qualis sit progressus & profectus in singulis Cogitationibus, Verbis & Operibus, exiguis etiam in se & indignis: nam cum hoc faciunt, crescit valor supra modum, eoq; plurimum proficiunt. Huc valde confert Vita longæva, quatenus longum Exercitium tantum efficit, ut permeando cunctas res transcendant & nusquam hæreant, dehinc nil impedit eorum progressum quominus invalescat renovatio, etiam si eam ignorent & ignorare velint propterea, quod natura se facile effert. Si quis autem eorum est, cui Deus revelat quam sit acceptus ei, is tanto profundius mergitur in fundum, quanto magis cognoscit ejus honorem, nec sibi adscribit ullum bonum opus. Talium hominum profectus potissimum situs est in passione, per quam indies exercentur tum à Domino ipso tum ab ejusmodi familiaribus, quibus proprium est inflari à litera, quibus vè commune est præsumptione Critirii venari gloriam, hinc etiam venit, quod velint omnes per unam viam ductos subter eorum regulam cogere contra quam par est, quatenus unusquisq; debet habere suum modum, prout vocatus est.

Q. Cum autem progressus iste instituatur in Viâ perfectionis, digneris, quæso, exponere modum ejus ad finem? R. Dum facio quod vis, attende. Quotiescunq; summa perfectio commemoratur, intenditur eò quod cognoscamus unicum eum scopum, ad quem obtutum suum dirigant mentis oculi, quo vè cognoscamus simul modum, ad quem respiciamus subrevocatione nostrarum cogitationum, quoties reperiuntur dispersæ, hætenus à scopo suo abducentes mentis oculos. Hæc namq; excursio cum sit defectus naturalis non nocet Sanctitati, modo Voluntas bona immota steterit. Unus homo est ad Sanctitatem aptior alio, & quem vicissitudo in Viâ Sanctitatis tentat ad deflecten-

namque consistentem in eo, quod homo non ex toto abrenuntiavit suæ proprietati, & ideo hunc modum deferunt, qui defecerunt seipsos per id in gratiâ Dei ditiores facti. Cum autem unicuique suus modus videatur bonus & tamen erretur in eo, noscitur oportere, quibus modis erretur, quò corrigat errorem impossibilem. Erratur autem

1. eo modo, si homines ingeniosi ac verbosi superbiunt ac de adeptâ gratiâ abundanti plurimum gloriantur: hi namque tentationes non facile vincunt, quin victi potius Ecclesiæ & Religioni multum nocere possunt. Expedi igitur per afflictionem humiliari eos.

2. Erratur etiam eo modo, si homines visâ per Dei revelationem formâ quâdam angelicâ exultant animo, undè putant se corâ Deo multum valere, cum tamen huiusmodi gratiæ divinæ dona iis ostendantur propter defectus atque molitiem eorum, & quod in viâ spinosâ nondum queunt ambulare. Hic error est suppressendus per animi depressionem.

3. Erratur quoque eo modo, si homines valde sensibiles & qui divinæ gratiæ infusionem persentiunt in infimis Corporis viribus, permittunt se decipi a Diabolo eorum naturæ Socio, cum tentat eos avertere falsâ persuasione inspirando us occultè & blanditer, quasi debilis eorum natura non possit pati duriora, & quod naturæ vires excedente nisu ipsum opus Dei destruat. Hâc sibi gratâ inspiratione decipiuntur molles, qui credunt vocem Dei esse, cum dulcis naturæ atque Diaboli sonuerit fistula. Hic error per passionem tollitur. Ut autem hic cognoscant errorem, conducit eos fortè misericors Dominus ad hominem quendam illuminatum, qui monstrat iis falsitatem Deo & Scripturæ adversâ inculcat Christi sequelam & quod scriptum est: multi sunt vocati, pauci verò electi: ostendit iis, electos esse qui Crucem Domini se spontè subjiciunt, quæ assumpto onere vestigia Christi calcant, qui etiam, si sine cruce sit, contristantur tanquam super insigni quopiam dispendio, qui & vicissim exhilarantur, si angitur natura, quatenus ad Christi Exemplum sic propius

perunt, ita studiosè cupiant progredi, adeoq; deprehensis erroribus proficiunt in melius impofterum nil nisi Deum quærentes.

Verùm ut etiam cognoscatur, quantum distent præfati iniuantes à probè exercitatis Dei amicis, oportet prius cognoscere qualitatem sanctorum Dei amicorum, postea est addiscendum artificium progressus ad perfectionem, id sanè si homo probè perpenderit, perfacile statim suæ imperfectionis cognosceat. Quales autem sint verè Sancti & Amici Dei est alibi ostensum, ideoq; prætergressis iis sufficiat hîc solùm signa quædam subiungere, quibus ii ab aliis minus sanctis internoscantur. Amici Dei qui fontem aquæ vivæ scaturientis in Vitam æternam degustarunt, sunt simplices in Verbis, gestibus & operibus, sunt inundo exosi, quia familiaritatem, multiloquium & conversationem posthabent, sanctæ Ecclesiæ præstant simplicem obedientiam, avertantur disceptationes captiosæq; argumenta, quæ per Scripturam simplicem solvi nequeunt, oculo Spiritûs parulo ac lucido speculantur difficilissima, de aliorum peccatis summopere dolent, precibus suis Ecclesiam fulciunt, ut ut pauci sint: plura de iis videantur alibi.

Jam restat dicendum, quid factu opus sit probò homini præcitatæ modis & erroribus adhuc implexo, sed tamen progressum ad perfectionem desideranti. Expedi autem tali homini ad pedes Christi prostratum se humiliare, uti dictum est, nimirum cum subjectione sui, cum resignatione Voluntatis suæ totali, cum præcipatione Spiritûs in immensam Dei misericordiam. Deinde convenit etiam humiliter agnoscere errores suos, nempe, quod antecedenter non solum Deum sed potius seipsum volenter amaverit, taliterq; proximâ viâ non processerit. Deniq; & opus est ei quærere sibi amicum Dei, Virum illuminatum, cujus informationi fideliter se subiciat. Hîc autem unicuiq; cautâ circumspeditione opus est, ne animum suum concedat hypocriritæ, quorum multitudo vix non est efficax absterrendi: unumquemq; à confidentiâ cæterorum in adeo necessariâ. Id

ditari cupiunt venando quæ comprehendere nequeunt. Amarum est iis meditatio perfectæ Vitæ Christi, quali non sit occupationis eorum, proinde & Vita talium periculo plena est. Verum enimverò requiritur, ut homo fundatus sit super Petram (firmam scilicet fundamentum) quod Christus est, servari si cupiat, quod sit, cum homo sequitur Jesum humilem calcando vestigia munda sanctæ ejusdem Vitæ quantum pote. Necessum quoque est, ut serio ac delideriosè consideret amaram passionem, torturam & probrosissimam ejus mortem. Necessum insuper est, ut omnes virtutes exerceat, cum secus futurum sit, ut nunquam ad Vitam perfectam perveniat, quæ tantum per hanc Veritatis Viam acquiritur. Hæc ratione dicit Christus:

Joh. 10. Ego sum ostium, qui per me intraverit, pascua inveniet. Quasi sic voluerit negativè dicere: Quicumque non intraverit per humilitatem humanitatis meæ, non pertinget ad sublimitatem Deitatis meæ. Si quis à lapsu tutus esse cupit, expedit quam maxime occupatum esse continuâ meditatione acerbissimæ passionis & contumeliosissimæ mortis Domini nostri Jesu Christi, deinde insistere vestigiis sanctæ Vitæ ejus quantum possibile est, quoniam hæc vera Via est quæ tendit ad Deitatem. Nemo igitur audacter contendat ad culmen Deitatis, priusquam factus est perfectè exercitatus in Vitâ operativâ, & religiosâ imitatione Vitæ Christi, quomodo quis ad vitam Vitam perveniat, edoctum est alibi.

Q. Cum autem communis sit ea querela, quæ dicunt, etiam si ad inversionem aspiro, & ad perfectiorem Vitam me accingere volo, nihilominus ab externâ operatione fatigor nimium, etiam impediatur, quominus mihi præfens sim, quatenus sum obrutus tot tantisque negotiis externis, ad quæ obedientia me obligat, de qua qualiter cum his sit comparatum? R. In vanum queruntur tales, cum propriâ suâ culpâ impediuntur: quoniam nullum ceterum Opus impedit dummodo seipsum quis semper observet, cum quis passio fecerit, sex passis non gradietur sub obedientiâ, quin seipsum in faciet in verâ inversione. Procul dubio ergo

4. Ut Cor sit tūm paratū tūm præparatū, qvò Deus mansionem suam incessanter queat habere in eo.

5. Ut Voluntas adeò sit liberata à desiderio cunctarum Creaturarum, ut quicquid Deum non sapit, non nili amaricet.

6. Utratio sit abstracta à speculatione rerum mundanarum, ut & memoria à cogitatu inuili eo fine, ut Voluntas cum totā Viri semper offeratur Creatori & Amatori suo.

Qvisquis igitur se Deo tam obsequentem & humilem custridierit, is noscat oportet, qvò Deus verè possideat eum edoctū suam Voluntatem per gratiam ei exhibitam, qvò cognoscat, qvò facere qvò intermittere debeat in Spiritu & Naturā.

Q. Cum istiusmodi sensu custodia sit arcta qvædam clausura, qvæ solum spirituales homines videtur attinere, non autem eos qui negotiis externis plurimū occupantur, dic qvò hic te observasse noscas? R. Hoc observavi, qvò qvdam homines gregatim sunt inclusi, nihilominus Cor animusq; eorum per mundum longè lateq; dispersa sunt pervagatum res caducas. Vicissim autem inveniuntur, qui plurimis negotiis occupati vadunt mundinatum, corde tamen ac sensibus tam sunt exactè custoditi & inclusi, ut ne minimum negotium eos perturbare, aut internā pace privare possit. Et ideo longè verius hi nominandi sunt clausi & custoditi, qvorum corda mentesve cum Deo integrè unitæ sunt, qvā qui sunt adeò sensibus non custoditi sed distracti, ut ne brevissimo tempore suis cogitationes constringere queant, tamen muris inclusi sint. Exinde potes cognoscere, qvò ea custodia sensuum spectet omnes promiscuè sive sint solitudinis incolæ, sive rerum mundanarum dispensatores, qvoniā omnes debent ad perfectionem tendere.

Q. Cum ergo cunctis promiscuè incumbat eò allaborare, ut in perfectam Virum evadant, dignare præscribere compendiosum qvendam modum, cujus ope labor hic tanqvā ad regulam succedat facilius? R. Compendium cupis, compendium cape. In virum perfectum evadens, qui oculis Cordis sui semper præponit perfectam Vitam Domini nostri Jesu Christi, tanqvā

noscat fidenter, tunc propè esse tempus æternæ suæ quietis.

Q. Sufficitne ad absolutam Vitæ requiem præfata hæc in se invenisse, ut exercitio vacet? R. Imò sequentia sunt super addenda, si quem vis defectum cupit declinare; quoniam quæ perfectam Christi Vitam spectant, nondum satis tibi nota censeo: hæc igitur Vita debet devoto homini esse Speculum tersissimum sine omni maculâ inventum, quod sibi præfixum ubiq; habere tenetur. Repræsentata hæc perfecta Christi imago, juxta quam tota hominis Vita foris & intus institui debet, verè figenda est è regione Cordis, hinc pensanda continuo amarissima ejus passio, quam liberè & amanter nostri causâ sustinuit. Devotâ mente revolvendum est, quàm sædè ejus vultus deturpatus, quàm nigricans & difformatum corpus ejus gratiosum factum fuerit à dirâ flagellatione, quàm decoloratum in acerbissimâ agoniâ, quàm toto Sanguine privatum, quàm miserabiliter omnia ejus membra præ Crucis atibus ineffabilibus Vitâ functa fuerint sub universali desertione. Quæ cùm sic fuerint perspecta, opus est, ut diligenter scrutetur, num in his omnibus sit similis factus Salvatori suo, nimirum an

1. Sit etiam factus niger & aridus, quemadmodum granum in terram satum emoritur priusquam fructum ferat, sic ut omnes res caducæ in Corde ejus marcescendo emoriantur, & ut patienter sustineat, quod cruciat?

2. Num Vitia naturalia, defectus itidem corporales ex integro ita mortificata sint, ut amplius nullum exortum ne dicam progressum habere possint, & an variâ mortis Specie Carnem & Sanguinem deperdiderit, antequàm se ipsum vicerit?

3. An etiam in passione suâ penitus à Deo desertus fuerit foris & intus, maximè intus, & an solaminis expers id ipsum liberè & patienter à manu Dei receperit? Nam si hæc omnia verè in se deprehendit, lætetur opus est; siquidem tunc appropinquat finis, quo à labore omni solutus perveniat ad pacem & quietem essentialem: & sic cum S. Paulo poterit dicere: Vivo, jam non ego.

3. De industria cavere sibi, nemini laudet, tantò minus vituperet aliquem. Nam benè moratus utrumq; fugit, quia tam adulatio quàm invidiosum iudicium est malum.

4. Ornare Verba sua cum humanitate tam in docendo quàm reprehendendo, abjectâ loquelæ asperitate.

5. Præsentes honorare, absentes æstimare fugiendo falsas & pungentes dictiones, tantò magis odiosas & mordaces contentiones. Nam benè moratus connivendo cedit alterius Verbo sitati^oes qui disciplinam spernit atq; sic tacendo pacem servat utriq;.

6. Se continere, ne transferat audita vel alia sibi obviantia in publicum, quæ potius ceu res inutiles oblivioni tradenda sunt, ac si nunquàm fuissent scita.

7. Seculares intermittere discursus, quibus vel maximè devotio impeditur & lapsus à Vanitate mundi causatur.

8. Cavere ne fatigatum à cogitationibus Cor quærat in Verbis Solatium externum, quo ipso internum divinum solamen impeditur.

9. Observare, ut cùm loquitur in Conversatione bonâ, loquatur de spiritualibus: futurum namq; est, ut talia interloquia promoveant Vitam spiritualem, cui vel maximè adversantur, qui Os non custodiunt, nec tempora sua salubriter in Oratione & Vigiliis traducunt.

Q Cùm duplex sit genus hominum salvari cupientium, unum eorum, quibus sufficit sine meritis excellentioribus regnare cum Christo, alterum eorum, qui suprà hunc gradum Beatitudinis tendendo conantur cunctis viribus imitari Christum in Vita mortificationis, dignare, quæso, emorientem hunc amorem quodammodò latius explicare? R. Moralis ista mors (continui viventis Christiani mortificatio) est, quâ quis ob Dei Charitatem non vult uti satietate sensuum, naturæ commoditate, nec etiam propriâ Voluntate. Indè dici solet, quod quotiescunq; quis voluptati emoritur, toties Deo mortem offerat, totiesq; vivum fructum reportet. Nam quantum quis à seipso exeundo sibi emoritur, tantum intrat Deus in eum, qui vera Vita est.

iam Deus cuncta quàm optimè operetur ad bonum, id tamen detrectant credere, cum iis nimis operosum videatur, quapropter in admirationem rapti hinc inde vagantur quæsitum, quàm ob rem Dominus noster tam multa dira pati, suosq; Amicos & Imitatores per tam averfas Vias ad se trahere voluerit? cæterum jam facto emorientis Vitæ initio sub imperfectâ inclinatione ad veram perfectionem (quâ nondum cognoscunt in quo consistat vera perfectio) cruciant se sæpenuerò vigilando, jejunando, corpusq; foris multipliciter castigando, eosq; Corporis cruciatus putant valere plurimum apud Deum, verum tamen hoc interim ignorant, quod (utut Deo placeat) non tamen sit in eo acquiescendum, eo quod valdè imperfectum adhuc sit. Secus igitur, dum maximam Corporis disciplinam exercent, putant, hoc modo eos pervenisse ad summum perfectionis gradum, hinc etiam in falso supposito judicant alios ac simul eos, qui longè perfectiores sunt, nimirum vilipendunt, qui non se satis castigant tanquam crassos homines & ignaros Vitæ spiritualis. Ast quod dijudicant eos qui non sic sentiunt tanquam errore correptos, quin etiam in philautiâ seipso simul ac ea quæ spectant ad eos in proprietate servili possident, hinc etiam fit, ut eoràm Deo se longius postponent in charitate communi, cum è contrario persistere debebant in eâ versus bonos & malos promiscuè. Annon advertimus, quàm sic permaneant in charitate divisâ facti irrequieti seipso quærentes, amantes & respicientes? Quid quod sua bona spiritualia non participant cum proximo, quatenus Orationes & Exercitia ad suam ipsorum necessitatem reflectunt, & si quâ orant vel boni quidpiam erogant in alios, id adeò magnipendunt, ac si vel infinities servivissent. Summatim dicendo, quemadmodum parum introverſi parum illuminantur in cognitione sui ipsius; ita quoq; parum progrediuntur in charitate Dei & proximi, adeò repertum est inditum quàm sint ligati à charitate malè ordinatâ, quamvè relictis sibi socientur nulli in verâ charitate. Charitate eâ carent, quæ est abenda ergà Deum cunctosq; homines, & quantumvis De-

& spirituali superbiâ) eoq; nondum emortuum esse, nondum vè ad secundum morientis Vitæ gradum pervenisse. Nihilominus clementissimus Pater Dominus Deus noster, qui plenus est charitate (qui tanquàm Medicus sincerus, expertus, qui herbis præstantioribus infirmum ad perfectam sanitatem cupit perducere) deserit eum sæpenumero eo fine, ut discat seipsum cognoscere, indè fit, ut in tentationes labatur tam spirituales quàm carnales, quas antecederet nescivit, cum bonum ac spirituales seipsum censebat esse. Deus autem subtrahit ei intellectum obscurato lumine, in quo alias ambulabat, eum quoq; cingit Spinis anxietatis, quo ipso fit, ut aliud nil de se præsumat, nisi quod à conspectu Dei sit reprobatus, hæc ratione lachrymans undus clamat ad Deum dicens: Domine, ad quid me deseruisti, quare sic gembundus incedo diffusum? Quidquod à Capite ad Calcem se invenit intus & extus Deo dissimilem (recalcitrantem) perfunditur tantâ Confusione, ut se volenter tradat passioni. Tunc igitur meditatur lugubria dicta Scripturæ fusisq; propter inventam suam malitiam lachrymis subjicit se Deo dicens cum Manasse: peccavi super numerum arenæ maris & non sum dignus videre altitudinem Cœli, eo quod Deum ad iram concitavi & malum coram eo feci. Hiscè lamentis priatur nonnunquàm dehinc internè magis cruciatus, quatenus ab unâ parte sentit insigne desiderium humiliter se deprimendi sibiq; emoriendi, ab alterâ parte observat superbiam & præsumptionem de seipso, hinc adeo exacerbatur contrâ seipsum, ut malum mori (si Deo gloriosum esset) quàm pati ea. Procul dubio sub eâ pugna patiuntur humanæ Vires non parvam jacturam in Spiritu & Naturâ. Hoc non obstante reperit adhuc in se eam gratiam, ne unquàm velit præconcepto modo offendere Deum in qualicunq; casu adverso. Nonnunquàm redit plorandi gratia, hinc & clamando excitat Deum velut dormientem rogando ne suam diutius misericordiam teneat præclusam, in simul exorat sanctos Angelos & Spiritûs beatos, quo sui misereantur. Non potest comprehendere, qualiter malitia sua queat invincibilem

Secunda tristitia sita est in compassione ergà tristitiam & passionem, quam Christi humana natura sustinuit propter illud ipsum objectum. At primà ea letitia est contemplatio sistens, imò & plena utendi potentia, quatenus Spiritus S. exollat non in Christo, quo possint uti eo in omni letitiâ, quam credunt & sperant post hanc vitam perfectè intueri. Altera letitia est de gaudio eo, quo Christi natura humana utitur, & hujus usus seu membrum sperat fieri particeps. Tamen enim abyssum Dei nequeat comprehendere, non minus tamen letatur, quin potius obindè quod videt Deum superabundare in suâ misericordia ineffabiliter, salutare sibi sentit esse, quod non comprehendit Dei potestate vincatur, & ideo subicit se Deo in suis ipsius mortificatione. Sed ad istum statum non pertingit homo, priusquam Voluntatem suam cum Deo unierit mediante totali abnegatione sui ipsius, siquidem tunc demum fit, ut omnis philantia in Charitate Dei ab irruente S. Spiritu superetur & extinguatur, inde quoque sequitur, quod Spiritus S. tutò suam Voluntatem & Charitatem queat per eum perficere. Homo enim nil sui causâ velle debet sic, ut etiam cœlorum Regnum non nisi propter gloriam Dei sit expetendum, id quod Christus ei dare cupit tanquam uni è suis filiis, sicut id ad ejus necessitatem promeritus est. In gradu eo amat homo omnia bono ordine, Deum scilicet super omnia, postea venerabilem naturam humanam Christi, denique beatissimam Christi Matrem & omnes Sanctos, quemlibet juxta suum gradum & juxta instinctum divinum. Hæc præcedente illuminatione confert se ad ultimum locum in nuptiis Christi, Christus vicissim qui invitavit eum, promoverunt ad superiorem, quo facto illuminatur novo lumine, & in hoc lumine suam clarius cernit infirmitatem cognito, quam ipse solum sit Causa suæ malitiæ, hinc culpam immeritò conpiceret in Naturam, Mandum aut Diabolum, cum potius agnoscat Deum misissimè tales tentatores ex magnâ Charitate eo fine, ut conversione eorum exhibeat Deo gloriam, eoque plures coronas mereant. Cognoscendo videt etiam, quod solus Deus custodiat eum faci-

endo.

CAP. II.

De præparatione hominum progressorum.

DE progressu proborum hominum in primo Capite tractatum est, sequitur nunc eorum præparatio ultima per quam efficitur, ut qui Deo sunt chari, queant hæcenus perfici, fieriq; Amici Dei omnium charissimi. Ut ergo juxta ordinem procedatur, opus est, ut ea præcedat præparatio, quæ præservationi analogæ est: hanc non ineptè quis dixerit præoccupationem, quatenus & cunctis Christianis est valdè necessaria in respectu tam ad Adventum Domini, quam ad occasiones hominem quaquaversus aliàs flectentes, utpotè quibus jam obviet paratus eas sustinendi aut excipiendi. Hic quidem periculum in morâ est, adeoq; homini, qui neglectus sui culpam ferre non vult, non est tardandum, donec irruerint, sed vigilandum sollicitè, ne quâ fiat, ut incautus neglecto præsidio utrobique impetitus prostratur.

Q. Dic ad quid inserviat ista præparatio? R. Inservit.

1. adversus pathemata animi, uti sunt gaudium & tristitia, spes & metus, amor & dolor, sollicitudo & temeritas, anxietas, ira, odium, invidia &c. Cujusmodi animæ affectiones à suis objectis occasionaliter causantur: motis enim animæ potentiis aut nulla aut parva aut certè difficilima adest resistentia, cum homo sic præcipitetur in peccata vel inadvertenter vel connivente Voluntate. Paratus verò contra impetum procellarum tranquillum animi statum perturbantium potest perstare immotus derisis offendiculis, contra quàm fit in homine non præparato, cum constet hostes ex improvviso irrumperè, hominemvè somnolentum aut desidiosum opprimere. Et quan-

offendatur, alter in suis abasibus obfirmetur, restat paucula ad jungere, quæ homini debili, minus exercitato, minusvè instructo sunt observanda juxta institutum S. Ecclesiæ & juxta modum externorum modalium, quæ vicem internorum in paucis & simplicibus supplent, quibus adversus peccata quotidianè muniat. Convenit enim ut credens consideret passionem Domini, eamq; quantum pote exerceat, aut Orationem dominicam, Symbolum fidei aliasvè precatiunculas orer, legat, audiat cum devotione, ut benedictionem ecclesiasticam accipiat, ut audito vel prolato nomine Jesu se flectat & incurvet, ut peccatum suum percutiat dicendo: Domine propitius esto mihi peccatori: præter hæc oportet eum peccata sua cum dolore expendere, infirmis servire, egenis propter Deum succurrere, tum Eucharistiæ Sacramentum devotè percipere. Hic etiam non se expedit, remissionem peccatorum habere se juxta sinceritatem poenitentiae & devotionis sic, ut quò intimior ac sincerior sit intentio exercitii, eò major ac promptior sit remissio non tantum quotidianorum, sed & eorum mortalium peccatorum, quæ homo obliuiscus præter suam Voluntatem non est confessus Confessario. Plura de hac præservatione nôsse qui cupit legat in Caput de Captivitate sensuum, ibi inveniet, quæ cum his commodè conferri possunt: nunc est pergendum ad alia, ad quæ inservit præparatio, nempe

2. ad Opera seu actiones magni momenti, quarum maxima est perceptio Eucharistiæ. Hæc actio supponit præviam præparationem, quam qui neglexerit, moratus est nimium, tempusvè opportunum præterire sivit magno suo periculo. Ut autem cuivis pateat, qualis sit prævia hæc præparatio, notet oportet ea quæ requiruntur ad dignam perceptionem hujus Sacramenti, quoniam ex horum cognitione resultat ipsa præparationis notitia hætenus prætermittenda. Tria autem requiruntur ad condignum Usum Sacramenti dominici 1. inculpata Conscientia, aut ad minimum à mortalibus peccatis libera. 2. Animus compositus & minimè dispersus maximè usûs tempore 3. Devotio præsentanea.

Quid quod mors hæc in Voluntate Dei passa est restuta, suavis atq; benigna: jam ergo quilibet judicet, cujusmodi mors sit ejus, qui solum per Charitatem in Voluntate Dei vixit, qui derelictis Creaturis accipiendo & offerendo solum Deum non verò se ipsum tam in æternitate quàm tempore quæsit. Procul dubio dicent omnes eum modum superare cunctos alios, esseq; cunctis omne studium eò impendendum, cum jam sit cognitum, nullos modos, cogitationes, nullamvè devotionem esse tam utilem in agone, quàm præfatam oblationem sui in Voluntatem Dei, undè etiam sequitur, dato homine qui purè desinitus est in hâc oblatione, sperari atq; veraciter dici posse, eum absq; intercurrente medio in Paradisum esse delatum. Urattem hujus rei Veritas unicuiq; constet, notandum est probè, Deum non cadere medium torturæ aut igniformis purgationis, quia nec passionis & per consequens neq; in eam animam, quæ per amorem divinum Deo unita est sive in Deum immersa, sive adhærens ei. De Amore & Adunatione immediatâ alibi dictum est, præcipuè in capite de summâ internâ oblatione, quod remittuntur Scrutatores, nam ibi invenient modum, quo id, quod est neglectum, reparari potest.

Quatuor hi modi (in quibus consistit præparatio in eventum seu præservativa) observantur ab Amicis Dei, quibus est ratio se præmuniendi ab imminente plagâ. Eam præparationem docuit Christus per parabolam indigitando eam per prudentiam 5. Virginum vigilantium, siquidem futurum est, ut tantum præparati cum prudentibus Sponsum sequentibus intro mittantur, impræparatis foris relictis cum desipientibus 5. Virginibus. Hinc dicitur, poenitentia fera, rarò vera. In tempore ergo est instituenda præparatio, dum patet janua gratiæ siquidem in parabolâ solum intro mittebantur præparati, clausa verò foribus obfirmabat Deus decretum suum valido juramento de non intromittendis impræparatis, sicut alibi dixit: Disce li te à me, non cognosco vos prævaricatores. Tantum de præparatione præliminari, quæ probos homines cujuscunq; ordi-

quamvis minimorum, siquidem per omnium minima peccata offenditur gloria Dei, quod quidem dum homo divinus cognoscit, majoris æstimat minimam transgressionem quam omnis generis passiones, quas posset sufferre, hinc tantò redditur sanctior, quanto in amoris exercitio promptior.

Qualiter autem homo probus ultro præparari debeat, nunc est dicendum; aut antè omnia sciendum, quod exercitium hoc est valde durum ac longum, quam etiam difficile sit, laboriosum ac tædiosum, à principio experti sunt omnes sancti, qui haudquaquam ad Sanctitatem pervenissent, nisi omnium minimos defectus lance justitiæ expendissent. Ea propter vocatur etiam Exercitium, exercitatio, quod Sanctitas non est in homine, donec suscepto labore se probè exerceat, quò paulatim perficiatur. Non omnibus succedit labor statim à principio; interim tamen non est desperandum nec desistendum, verum de novo incipiendum & probandum, quale opus est factum, quod deest, corrigendum est, nec intermittendum aliquando, quod pro re suà agendum videtur, taliter credendum est laborem non iri in vanum. Sedulus Opifex curat emendare quicquid negligit; neglectum & ideo omnem adhibet operam, ne quod impofterum negligat. Tandem pervenit eo, ubi laboris tædium ac duritas non sentitur: nam quisquis multum amat, non sentit, sed amat laborem propter Deum susceptum.

Hoc autem est primò observandum, opus esse, quod Spiritum Christum attendamus taliter, ut quotiescunq; cupit in nobis requiescere, vigiles inveniat nos & ab omni Creaturarum Curia alienos. Cum autem hæc visitatio non nisi sub summâ nostrâ attentione queat à Christo institui, hinc prius cognoscendum est, qualiter incuria ex unâ parte, ex alterâ verò attentio & industria conquiratur.

1. Neceffe est, ut homo præparationem sui instituens abiciat omnem curam rerum temporalium & inutilium, & in eas nec scienter nec cum proposito versetur, impulsam autem earum excutiat cum averfatione, habendo se erga eum, ac si in

tas & Justitia sint virtutes & exercitia interna, non possit fieri, quin justus ubiq; & inter cunctos homines sit justus, injustus vero talis in cunctis locis tamen Sacris. Convenit homini nôsse Viam justitiæ, ubi justitia obtinetur, quoniam tunc homo veraciter justus est, cum Deum in Veritate possidet, cumq; Deum in semetipso præsentem juxta Essentiam & Gratiâ retinet ubiq; hoc est, inter homines, in templo, in solitudine, sic ubiq; adorât Deum in Spiritu & Veritate per id, quod Deum amat veraciter factus per adhæSIONem unus cum eo Spiritus.

Certum autem est, cum Deus ubiq; sit, ubiq; eum inveniri posse: hinc sequitur ei qui Deum veraciter amat, non esse, quo locum sibi eligat opportunum inveniendi Deum; nam quodsi Deus servator, Nutritor, quin & substantiæ nostræ Ens primum est nobis propinquior nobis ipsis, sequitur nosmetipsos esse loca proxima, ubi Deus quæritur ac invenitur. In nobis sic omnia vitantur & abjiciuntur, in nobis quoq; omnia inveniuntur. Quisquis ergo solum Deum amanter possidet, eum non possunt externæ creaturæ impedire, tantominus à Deo abducere, quoniam non insunt homini à naturâ, sed de gratiâ, nihil quoq; est, quod Deum posset auferre, licet diversitas sit vel locorum vel hominum, cum in hac diversitate nil aliud quærit invenit, gustat talis homo præter Deum, in quo Varietas est Unitas. Quidquod de actionibus dicendum venit idem. Nam cum Deus sit præsens in cunctis rebus, in omnibus locis, consequens est eum etiam præsentem esse in omnibus actionibus bonis, hinc dicitur, Deum operari bonum in homine bono, & per eandem consequentiam dici potest, Opera bona esse Opera Dei sive per Deum facta. Et hoc ipsum est rationi conveniens, quod dicitur Opera esse propria ei, qui peragit ea. Atqui si Deum solum in cunctis rebus sincerè amamus, ejusq; pro Voluntate operamur, sequitur, Deum magis magisque in nobis operari, siquidem ipse amor sincerus non hominis sed Dei opus est, quatenus homo suapte naturâ non potest saltare extra naturam, sic ut supernaturales peragat actiones, quales sunt amor Dei sincerus & abne-

gatio sui. Ex his igitur patet, Deum esse in cunctis rebus proponendum, quærendum & amandum, animum quoq; sic esse aptum & habilem reddendum, ut Deum per amorem semper habeat præsentem. Et ad promovendam consuetudinem, quâ prorsus natura immutatur plurimum confert observatio utilis cujusdam atq; valdè proficui mediæ, quod ratione suæ Utilitatis magnoperè commendatur, id quod consistit in eo, ut homo internam suam inversam habitudinem, quam aliquandò in templo sub concione, in Claustro vel in Camerâ habet, secum transportet inter homines, ad officia, versus quas cunq; occasiones & impedimenta, quàm disparata, varia ac inquietantia sint. Nam sic futurum est, ut Creaturæ impofterum nedum non turbent animum, sed nec actiones vitient nec intercipient orationem. Alias cuncta, quæ quis cum amore exercet extrâ orationem, relinquunt post se species suas in cogitatione, quæ nullo modo coërceri queunt sic, ne inter orandum irruant in intellectum totamvè orationem reddant irritam. Apparet indè pro hujus evitatione decere hominem, ut extrâ orationem se modo eodem habeat, quo inter orandum se cupit esse, taliter evadit liber impedimentorum quorumlibet.

Hic obiter adjiciendum est, quod hâc responsione in se quidem optimâ ac veracissimâ permulti sint adeo offensi, ut rejectis cunctis ordinibus, imò rejectâ S. Ecclesiâ eodem Cothurno mensi fuerint tam homines quàm actiones & loca. Dixerunt enim Deum ubiq; esse, ubiq; hinc & colendum esse, cunctos verò homines esse peccatores, & cuncta bona hominum Opera sicut pannus menstruatus, & per consequens nullum dari sanctum hominem, locum vel opus, adeoq; cuncta sine comparatione putarunt hætenus impura esse pariq; conditionis, sive loca, sive opera sive homines. Verum hic error crassus est & insuper perniciosus, per eum quippè subtrahuntur feris hominibus media coërcentia frænū scilicet & jugum, quorum defectu properant ad præcipitiū. Hic autem omninò locum habet comparatio, ut possum dicere, hic locus est sanctior illo, hic homo sanctior alio, istud

opus sanctius illo. Id autem quod supra dictum est, spectat hominem aspirantem ad perfectionem, hunc decet habere semper constantem animum, æqualem amorem & fidem erga Deum in omnibus locis & actionibus, quatenus ejusmodi hominem nulla Creatura potest à Gratia divinæ præsentia arcere. Per id autem non tolluntur media suo modo præparantia hominem perfectionis inhabilem, ineptum, invitum, cui & malus naturæ ordo ac temperies est, ut tantum quantum reddatur mitior per disciplinam. Hanc spretâ cernimus nunc Universos pene in suâ licentiâ vagari, nec quicquam præfatæ doctrinæ observare: quis ergo neget quàm minimi boni præcepti rejectionem reddidisse causam gravioris Culpæ? Ecquis autem est inter omnes illos, qui media prædicta & in Ecclesiâ usitata contemnunt adverso animo, qui sibi veraciter adscribat præfatâ præparationem, eiq; præsentem gratiam Dei? Infallibili ergo ratione concluditur, hominem divinæ Cohabitationis expertem cogi de necessitate quærere Deum foris (per media externa). Exempla prostant multorum, qui Deum in templo quærunt, non nunquam etiam ad breve temporis intervallum quodammodo præparati Deum præsentem in se sentiunt, qui tamen in privato hominum consortio, in negotiis, in suetis operationibus facillimè impediuntur, atq; observatione Dei avertuntur, quis neget hoc ideò fieri, quod Deum non habent tunc præsentem? His itaq; opus est, ut per externa media ad Deum quærendum denuò adigantur, atq; simul ab obstaculorum usu avocentur. Hominibus, operibus & locis sua tùm Dignitas tùm Utilitas, quam obtinent ad sanctitatem promovendam, non est præsumtuosè subtrahenda, quam Verbum Domini toties contestatur: quidquod præfata media non semper juvant, sed insuper quandoq; obsistunt, id tamen non sacræ rei, sed homini profano imputandum est rebus non rectè utenti. Nam dato homine qui non solum Deum, sed unâ seipsum in cunctis rebus inordinatè quærit, is impeditur non solum à pravo sed etiam à bono ac pio consortio, & uti impeditur in vicis ac domibus, ita quoq; impeditur in templo, imò

imò in quovis opere bono. Quænam ergò causa hujus impedimenti? Respondetur: Quod Deum non quærit per amorem in cunctis rebus simpliciter & in sinceritate cordis: Nam impossibile est, ut Deus sit omne in omnibus tali homini, qui inordinatè penes Deum amat & quærit alia. Huic deest tantum Divinitatis, quantum ejus possident Creaturæ, ideò impedimentum est in semetipso & amor alienus præpedit eum, ne totus immutetur ac præparetur.

De incuriâ rerum temporalium jam dictum est, restat dicendum de alterâ præparationis parte nimirum assiduâ attentione.

2. Necessè est, ut homo sincerus & vacuus animo attendat semper, quid Deus loquatur secum, intereà verò dum Deus non loquitur, est sedulò ac desideranter attendendum, donec rursus loquatur; in hoc enim Exercitio versatur tractio Dei. Nam cum vigiliæ & orationes sint ideò à Christo mandatæ, ut per apertam portam queat intrare Sponsus, animæq; suam imaginem essentialiter imprimere ità quidem, ut ejus præsentia in nobis fundetur sic, ac si naturæ sit habitudo (proprietas), necessum est, ut ea intentio sit indefinens, exercitium continuatū, quia cessante hoc ad longiora temporis intervalla perit Idea atq; cum eâ essentialis transformatio. Habet autem se exercitatio, quâ mediante Deus in homine dicitur subsistere ad eum modū, quo quis scriptoriam vel pictoriam artem discere cupit, id quod nequit fieri sine magno labore, diligentia, exercitio & attentione. Attentio seu Exercitium hoc est perquam rarum hoc tempore, quia ubi non docetur, ignoratur, ubi docetur, negligitur, utrinq; autem sic ideò, quia nimis laboriosum, naturæ quoq; tædiosum ab initio est. Requiritur namq; ut qui Sponsū cupit excipere grato animo sit assiduus in expectatione, diligens in attentione; requiritur etiam, ut nil in mundo possideat cum inordinato amore præter id quod gloriam Dei spectat, & quod probè notandum est, requiritur, ut cunctis iis, quæ bona invenit, præstet obsequium aut per observantiam ea expediat. Hic adversantur Scripturæ, qui populis persuadent, mandata DEI

servari non posse, contra quam docet Scriptura; sed si addunt (sine gratiâ Dei) cur non potius ajunt, ea servari posse per gratiam Dei, quam unicuiq; credenti concedunt adesse? Ecquis enim neget, Deum clementer movere, admonere, tangere & impellere nos semper, non nunquam etiam trahere? Id autem cum sit verissimum, quod insuper in cujuslibet conscientiâ sentitur sic esse, quæ Causa est, quod non pro ratione gratiæ sequatur effectus? Respondeo, quod nutum Dei non attendimus, tactum non sentimus, insuper impulsui recalcitrante animo resistimus, extraneis rebus adhæremus, hæc est causa, cur Dei mandata servari nequeunt. Cur autem contra Verbum Domini dicimus, mandata Dei servari non posse, cum pari ratione nequeamus dicere, præfata impedimenta non posse submoveri? Sed cur non removemus ea, quæ nos impediunt, cur media non assumimus, quæ ad remotionem inserviunt? Ad hæc est respondendum: non quod non possumus, sed quod non volumus. Quod si attenderemus, si tactum & impulsum DEI sequeremur, non posset fieri, quin cunctis in rebus & actionibus semper & ubiq; præsentem haberemus, imò sentiremus Deum in nobis obformatum formâ suæ imaginis. Notandum hîc est, quod ea Dei in mente nostrâ obformatio simul & semper reddit Dei cohabitationem, adhæSIONem, adunationem & immutationem nostri quoad Actum spirituales, & ipsa exprimitur per etymon homo divinus. Nunc ergo cape Utilitatem divinæ in nobis præsentix, quæ in hoc consistit, quod Deus nos sic est possessurus imposterum absq; labore aut tædio in cunctis nostris rebus, actionibus & locis, imò & sine damno impellentium seu irruentium Idearum externarum vel internarum, futurum etiam sic est, ut naturalis nostra inclinatio sit semper juxta ordinem modificata, quia à nullis obstaculis reflexa, quin potius à vacuo intus animo in Deo manente adjuncta.

Restat porro dicendum, qualiter homo possit attendere, Deumq; in cunctis rebus verè habere. Totum id negotium situm est in animi actione & sinceritate, ut scilicet animus nil præ-

præter solum Deum observet, & sub eâdem observantiâ se totum semper ad Deum funditûs convertat. Non enim satis est, si homo aliquandò Deum animitus cogitat, cùm ista cogitatio non sit perennis sed evanida; quodsi autem sub ejus transitu perit simul Imago Dei, qualis hæc est præsentia? Ad hanc præsentiam requiritur, ut Deus in naturâ hominis sit jam essentialis homo longè excedens cogitationes. Id autem sic est, si per amorem elevato animo in nobis observamus Deum absq; adjutu virium nostrarum, quod probat effectus. Tunc enim incessanter observamus spontaneam (liberam) ad Deum inclinationem non obstantibus Creaturis, ut quæ tunc non offendunt amplius, eam quoq; inclinationem nulla transmutatio valet immutare, quia præfatâ nulla est potentior. Et sicut Mens per amorem intuetur Deum in transcensu omnium Specierum, ita per Intellectum obtuetur eum mediantibus formis spiritualibus, nempe Misericordiâ, Clementiâ, Veritate &c. quapropter homo semper magis introrsum ad Deum fertur quàm extrorsum ad Creaturas: hæc inclinatio commonet hominem ejus quod est. Hic ergò quid faciat Voluntas liberè dicendum est: Voluntas sic flectitur ad tantum consensum, ut haud facilè à Deo iterum divertat; attamen divertere potest, quod fit nonnunquàm ob libertatem arbitrii, defectus autem hic facilè corrigitur, quoniam, quamprimùm homo se deprehendit ad res inutiles per Voluntatem conversum, actutum avertit se cum magnâ contritione, & cum acerbâ suæ inconstantiae querelâ; contritionem eam confestim sequitur propositum firmum perpetuæ Vanitatis fugæ. (Est autem Vanitas, quicquid vel divinum honorem, vel Regnum Dei, vel sui ipsius aut proximi Beatitudinem non spectat). Consimiliter qui Deum ac seipsum probè observat, non facilè impeditur, quoniam id quod valdè desiderat, semper præsens est ei mediante Ideâ desiderii. Sed hoc noscendum est attento Operatori, quod cognitionem ejus, nimirum, quod Deus ipse est causa obtinendæ divinæ præsentiae, non possumus discere mediante solâ resignatione rerum tem-

poralium, quatenus discenda insuper est interna silens attentio & respectus qui nobiscum est Dei; per eam tantò facilius perumpimus cunctas cogitationes & occasiones, nè resistant præsentiæ Dei. Quisquis non didicit hæc, nil didicit, qui verò didicit, exerceat ea necessum est: nam sic futurum est, ut Deum sibi sentiat præsentem in proposito, inclinatione, desiderio & exercitio, imò in omni negotio quod vel perficit vel intermittit, idq; ad eum modum, quo Deus est in cunctis rebus, resq; in Deo præsentem. Attamen cum Deus non aliter in nobis præsens efficiatur nisi per ardentem amorem, dehinc requiritur, ut suæ præsentiae Idea semper versetur in mente amantis hominis, cuius Exemplum exhibet homo cupidus temporalis Boni. Is namq; non obliviscitur id quod amat præ ejus Ideâ quam cunctis in rebus sibi obviantibus reperit tantò quidem vivaciorem, quantò amor intensior est. Eccè si Homo naturalis à nullâ turbante commotione impeditur, nec ullâ indiget resignatione, quatenus animus ejus semper fertur ad id quod amat, quantò magis est Dominus noster semper imaginandus per amorem, ut jam nil turbet, nil ejici debeat, donec Idea nobis fiat essentialis (connaturalis). Restat nunc adjicere observationem ejus, quod Deus præstat in tali homine, cui se præsentem confert eâ de causâ, quod Deum magno desiderio observat seq; custodit, ne se volenter aut scienter ad res inutiles vertat. Id autem quod homini Deum enter præsentem possidenti accidit, est quod

1. Deum sic accipit divino modo.
2. Deus in eo effulget ubiq;, in cunctis rebus prælucendo ei.
3. Deum sentit & gustat in cunctis rebus, quibus ad solam Dei gloriam utitur.
4. Deus transformat eum in cunctis rebus, quas à beneficâ manu Domini cum gratiarum actione recipit.

Hæc est præparatio, per quam homo capax redditur altiorum Virtutum, ipsiusq; perfectionis.

Q. Nullanè restat exercitatio alia, quæ huic præparationi commodè queat includi? R. Imò restat interna quædam Exercitatio

citatio externam sequens in progressu, restat adhuc alia & quidem singularis, de quâ paulò post. De illâ interna dicendum prius est aliquid: Exercitatio hæc est consideratio (meditatio) formarum Cœlestium, operatio scilicet, quæ proprie spectat spiritum, quanquàm & secundariò sensitivæ concursus & operationes admittat. Ejus gratiâ tot modos ac ritus tradidit S. Ecclesia observandos, quibus ceu adminiculis promoveatur interna exercitatio. Quicumq; hos modos despicit, molitur saltum periculosum, quia absq; mediis non pertingit quò vult. Sunt autem formæ (quarum est recollectio seu consideratio) tam sensuales quàm spirituales Ideæ, imò & supercœlestes, hinc juxtâ diversitatem earum longè diversa est Consideratio. Ad sensuales Ideas refertur

1. Cùm homo sub verâ pœnitentiâ confitetur antea actam Vitæ suæ perversitatem.

2. Cùm Redemptionem, Passionem & Mortem Domini cognoscit & amat ardentè. Istæ sunt utilissimæ Ideæ, quia primæ & manifestæ Viæ, quæ ducunt ad altiora. Ad spirituales refertur

1. Cùm homo se vertit ad Unionem hypostaticam duarum Naturarum, divinæ scilicet & humanæ.

2. Ad excellentiam animæ suæ & ad divitias Spiritûs.

3. Ad venerabile Corpus dominicum. Tres istæ Ideæ sunt nobilissimæ, adeoq; arduâ Consideratione diligenter expendendæ.

Ad supercœlestes Ideas refertur, cùm homo considerat SS. Trinitatem, nimirum

1. quod Filius à Patre gignatur ab æterno & tamen æternum immaneat.

2. quod Spiritus S. à Patre & Filio procedat, itidem æternaliter in utroq; manendo.

3. quod ipsa Deitas sit Trinitas quoad Personas, Unitas tamen quoad Essentiam. Ista consideratio qualisq; qualis sit, est tamen Idearum omnium purissimarum.

Q. Alibi

Q. Alibi dictum est de immediatâ Mentis in Deum transi-
 ne, quâ ipsâ procul dubio istarum Idearum meditatio excludi-
 tur contrâ communem consuetudinem, quoad plurimi sunt so-
 lis Ideis semper immerfi. Quæritur hinc, nûm deceat homi-
 nem resignare Ideis purâq; Mente solùm adhærere Deo, siqvi-
 dem indubium est, has actiones esse diversas, imò sibi opposi-
 tas, ut dum una adest, altera abesse debeat, utraq; tamen in
 eodem subiecto, eodem tempore & modo simul perstare ne-
 queat? R. Oportet tunc resignare Ideis, quoniam intima Dei
 adhæsiō (adunatio) est in S. Literis expressè docta, imò expli-
 cata & iuncta. Potest ergò consideratio suo tempore post-
 poni, nimirum accedente actione sublimiori (divinâ) qualis
 est adunatio, quæ solius Mentis purus actus est. Defectu hu-
 jus est prior actio substituenda, donec ad nobiliorem perveniat.
 Hæc namq; non nisi opportuno tempore est deferenda, cum
 præmatura ejus desertio tam detrimentosa sit, quam utilis est
 opportuna desertio. Immatura est Idearum bonarum post-
 positio, cum nondum exactè sunt cognitæ ac perpensæ Ideæ,
 imò cum summo damno tunc & cum jacturâ Veritatis deferun-
 tur, quam quælibet Idea poterat idoneè præformare. Præfatæ
 Ideæ vocantur Viæ, quatenus per eas conductivo modo itur ad
 ipsam nudam Veritatem. Quisquis ergò has Vias deserit, an-
 tequam ad ipsam Veritatem appulerit, is certè nunquam ad ve-
 ritatem perveniet. Cum autem ad apicem jam ventum est,
 deseruntur Viæ ideò, quia nil nisi via sunt, non scopus ipse, Sco-
 pus autem est Via conductrice longè nobilior. Sanctorum
 exemplar cum obtueor, reperio eos contulisse se in Viam Veri-
 tatis, & juxta ordinem ibi pervestigasse cunctas bonas Ideas in-
 cipiendò ab infimâ, sicq; progrediendò per medias ad supre-
 mam usq; ad ipsam nudam veritatem, & taliter intelligo eos
 nullam veritatem præterire, nec ab eâ elabi potuisse. Et siqvi-
 dem, ceu docent Philosophi, vera rerum Essentia in ipso intelle-
 ctu nostro perstat, cognoscimus eorum Intellectum fuisse im-
 mutatum in Veritatis Ideas: fanè opus Intellectus est unum è
 no-

nobilissimis, quod & nobis cunctis incumbit exercendum, donec essentiam omnium absolutissimam attingamus in unitate. Cognitis Viis restat adhuc tempus cognoscere opportunum, quo deferendæ sunt Ideæ, ne citius quàm par est, eas relinquamus; neq; diutius quàm opus est, iisdem immoremur. Tempus justum indicatur triplici signo, utpotè

1. Cùm homo cuncta ea quæ vel unquàm audit, videt vel intelligit, cum tædio percipit.

2. Cùm nihil amplius audit, videt, intelligit, in quo se oblectet.

3. Cùm in seipso observat incrementum sensibile famis & sitis (appetitûs) ad bonum æternum, quod impetrare nequit. Hæc tria si adfuerint, Ideis abrenunciandum est.

Q. Si sine exceptione Spiritus omnibus, imò & cœlestibus Ideis abrenunciat, quid habet ubi se sistat? R. Si esset aliquid, quo sustineretur, hoc ipsum sustinaculum non nisi Idea esset. Convenit ergò nudo esse incumbendæ Nihili, ut alibi dictum: tunc namq; cessat medium, nec interest quicquam amplius inter ipsum Spiritum & inter æternitatis abyssum, quæ est essentialis Veritas. Sive igitur tunc dicas mortuum, immersum, demersum, submersum, diffluxum, dilapsum, præcipitatum, Deo unitum sive ligno amoris appensum esse, unum idemq; dicis. Hoc enim est Nihil apprehensionis intellectualis, nihil dico, quia deest Idea quam comprehendere posset intellectus. Sic homo dicitur verè pauper, desertus, appensus quoad Spiritum, cùm se exercet juxta potentiam suam in eo, quod intelligit summum esse & cùm desertus est à Creaturis cunctis nusquam conversus ad aliquid tam internè quàm externè. Cùm autem homo essentiali Veritate in hac Vitâ uti nequeat, nî sic probatus fuerit, ut Deo æq; carere possit atq; frui, convenit relicto rerum Usu in nudâ internâ paupertate vivere, Deoq; seipso & cunctis Creaturis carere quamdiu Deo placuerit.

Q. Quotuplex est omnium utilissima seu summa Exercitatio?
R. Est duplicis modi, activi & passivi. Activus quidem est ipse
Cccc animi

animi motus & quies internè cū Deo in Unitate Spiritūs habitus, qv̄i modus hactenū minor est sequenti, qvatenus delectabilis, & ideo perfectō hominī, quantum fieri potest postponendus. Passivus verō modus tanquā summus ac perfectus est resignatio in stultitiā, in obscuritate & paupertate Spiritūs, ad eum modum refertur tentatio, qvā Deus amicos suos exercet. Internam hanc divinamq; doctrinam nulla lingua quantumcūq; disertā potest planam reddere. Hīc rursus ad purum Nihil retrocedit homo, undē nulla datur revocatio, nisi qvæ ē Vulneribus Christi est, qvōd Bernhardus testabatur his Verbis: turbabor, sed non perturbabor, qvā Vulnerum Christi recordabor. Ibi tuta requies est, plena, veraxq; doctrina, ex hoc libro vel speculo hauriuntur omnia, quæ SS. Trinitas ipsa conferre potest, omnis scilicet perfectio, ipsa sigillati viventis libri apertura. Hīc est sapientiā, hīc fructus est mortis dominicæ, extrā qvem nec medela, salus, imō nec ulla datur exauditiō. Metiatur qvis exauditiōem precum nostrarum, non poterit hoc efficere nisi juxta respectum sive commemorationem Vulnerum dominicorum, quæ hodiē jejuna valde est. Prudens autem is meritō censendus est, qui humiliter sperat habitare in Domini vulneribus, non quidem sub rationis excursu, sed sub immanentiā Veritatis, in actione & contemplatione, in obedientiā simplici, ad qvalem cūq; suæ Voluntatis probam. Is enim qvoties cūq; cupit cum Christo crucifixus esse, potest se intrepide committere objecto suo, in qvo reconditus est Thesaurus, qvem solum cuncti Dei amici qværent. Qværent & inveniunt, non tamen comprehendunt: non comprehendunt, qvā ipse Deus est objectum eorum, Deum autem in tempore nulla Creatura comprehendere potest. Qui comprehendit aliquid, non nisi creatam Ideam aut fictam comprehendit, signum vanitatis, & quanquā electi Dei Amici divinum quid comprehendant, id ipsum tamen non est Deus ipse, sed uti dictum, divinum aliquid, qvōd S. Dionysius dicit esse nubem densam, tenebrosam, sensus cunctos & intellectum obscurantem,

tem, in quâ palpantes ducuntur, sicut Moyses olim in monte à Deo ducebatur nube velatus. Illa comprehensio est ultima, finitima (contermina) Deo, & est nil aliud nisi quoddam Chaos (informitas) quam aliqui abyssum vocant, quò omnes Dei Amici tranant, & in quam nos omnes deportari oportet, qui libertatem ceu partum nostri intellectus enitendum rejicimus in mortem æternam, & vincula Domini nostri accepta ferimus. Hoc namq; Chaos est fundum obscurum, cui Deus Pater sua inserit semina, quæ germinant, crescunt & fruticant racemando in silentio, passione & justis cogitationibus, tandem & suum fructum reddunt in Vitam æternam. Quicunq; hunc fructum carpere cupiunt, tenentur naturam suam benè ordinare cum prudentiâ & discretione, tum etiam formare & firmare statum spiritualem, quod quidem feliciter absolvetur, si Deo se semper offerant per modum abnegationis tam sui quam omnium Creaturarum, & si in humilitate ac mansuetudine se probè exercent: nam taliter si non externè saltem internè sunt semper propinqui Domino, nec obstat, quod nonnunquam se pessimè comparatos censeant, cum sæpe fiat, ut absq; ullâ deprehensione taliter quam optimè se in Deo habeant.

Q. Dic nunc quid habes de singulari eâ exercitatione, quâ mediante Dei Filius gignitur in homine? R. In S. Scripturâ non solum legimus Filium Dei gigni à Patre hodie, id est, in æternum ceu verbum; verum etiam inde cognoscimus, eum quoq; nasci eo modo in homine divino. Id ipsum aliter esse nequit, quoniam exin, quod Deus Pater dicitur possidere, inhabitare, regere ac ducere talem hominem, sequitur, eum quoq; effari æternū suum Verbum in eo homine tam diu, quam diu regit ac possidet eum. Quomodo ad Vitam divinam perveniat homo dictum est antè, nunc ergo dicendum est, qualiter sit præparandus, ut aptus reddatur esse thalamus seu receptaculum omnium nobilissimæ hujus genituræ. Huic exercitationi præcessit præparatio, per quam homo jam Vitæ divinæ capax redditus est sic, ut quandocunq; vult, in suum Nihil abire valeat: adeoq; cum

ad plenariam præparationem inserviat frequens doctrinæ repetitio, præstat hîc unâ brevibus repetere prioris præparationis fundamenta. Incumbit enim homini

1. Semper & ubiq; ac diligenter observare, qualiter secum internè & externè comparatum sit.

2. Sensus viresq; Corporis prostertere, nec unquam supra necessitatem easreficere. Ea autem externi hominis subiectio potest commodè institui per subtractionem Voluptatis naturalis, satietatis & commoditatis, sive eà sit cibi & potûs, sive decubitûs, somni, sessionis imò & conversationis cum agnatis vel amicis, & sic consequenter omnis oblectationis sensualis, quas non requirit dura necessitas.

3. Mores & consuetudines suas abjicere seq; vacuum ab omni curâ & sollicitudine sensualium actionum conservare, quasi his omnibus per mortem evasisset.

4. Quoad internum hominem erigere se ad Deum, nil nisi Deum respicere, præterita planè non, præsentia autem probè curare, deniq; cunctis suis viribus constringere se ad curam spiritualium.

5. Animo sic & Corpore ad Deum erecto se linquere Voluntati divinæ in profundâ humiliatione sui ipsius.

6. Ad pedes Domini sui obsequiosè procumbere, atq; cavere, ne requiescat super culcitris gratiæ & donorum Dei &c: Cùm solùm in Deo subsistere debeat. Et cùm ter gloriosus Dominus nonnunquam tam abundanter dona sua adjiciat homini, ut quasi onerando obruat eum, curandum est, ut

7. si quâ ei donorum copia fuerit, nihil secius suum semper observe purum Nihil sive respectum solius Dei Voluntatis & Gloriæ.

Quàm primùm hucusq; venit homo, transcendit cunctos modos & ordines, per quos tanquam per gradus scandendum erat. Quicquid in Viâ sublimiori tunc quæritur, id potest sine modis inveniri, quapropter modalibus tunc amplius non alligatur Spiritus, quin etiam media nuper promoventia jam in pro-

progressu ac profectu non tam promovent quàm impediunt. Spiritualis Vita est Vita libera, absoluta per præparationem: modi sunt præparationis media & externi hominis conductores, quos hoc respectu superavit Spiritus. Id tamen notandum est, quod Lectio, Oratio, imò & Psalmodia, quæ juxta ordinem divinum institutæ sunt, sunt utiq; peragenda, sic tamen, quasi non perficerentur, quia exercitatio ea debet esse brevis & interna. Similis sit hæc observantia ei quæ est victus & quietis, nam sicut edere, bibere, dormire est necessitatis, ita observantiæ est non indulgere iisdem citrà necessitatem. Quod si victus est tenuis, somnus brevis, erit ac si non comestum non dormitum esset; par ratio sit reliquorum modorum in cunctis ordinibus. Hi cum observantur à spiritualibus, longè aliter observantur quàm à nondum præparatis: illi enim sive ascendunt, sive descendunt, si semel gradus superârunt, gradiuntur per eos absq; conatu, sudore, & si quæ nolunt descendere, manent in sublimi, & taliter quicquid faciunt, dicuntur in libertate, atq; transcensu fecisse. Cum autem circa modos hîc hæreamus, subsistendum erit paulisper, atq; dicendum, quid hominem præparatum & spiritualementi qui modos unâ observat, deceat, quò sic progrediatur, ultrovè præparetur ad suscipiendum partum divinum.

Homo spiritualis præparatur ultrò sequentibus modis. In Corporis refectione quæ consistit in victu ac somno, temperantiam adhibet, ne occasione intemperantiæ incidat in Carnis tentationes, per somnolentiam verò in desidiam & incuriam. Agile enim ac tenerum Corpus facilius sequitur & cum minori molestiâ sursum fertur, contrà quàm gravè ac saginatum terræ pondus. Quantum sit situm in Somni ac pastûs observantiâ, declarant exempla Christi, Apostolorum, Johannis Baptistæ, Martyrum & omnium Sanctorum, ut taceam exempla paganorum prudentium, qui in sobrietate & vigilantia virtutes coluerunt juxta vulgare monitum: Plus Vigila semper nec somno deditus esto; nam diuturna quies Vitiis alimenta ministrat.

Neq; gratis est institutus in Ecclesiâ ritus jejuniorum, Vigiliarum & horarum nocturnarum precariarum, quorum omnium observantiâ præparatur Corpus & Spiritus. Quapropter homo spiritualis, qui facit unum & alterum non intermittit, hunc modum imprimis observat, quò somnum Vigiliis misceat, Vigiliis brevi requie temperet: expergefactus enim erigit Corpus & simul animum cum timore ac tremore perpendendo naturæ suæ fragilitatem, qua tempus ei ablatum & simul oblivio Dei inducta est. Hanc Dei oblivionem cum gemitu & confessione expiat, & ad devotam orationem se taliter præparat. Surgendo sanctâ Cruce se signat in nomine Dei in sumâ humilitate & trepido desiderio, hoc facto incunctanter festinat in seipsum; cum cunctis sensibus, viribus & potentiis elevando se supra seipsum, cum fecerit hoc, vertit seipsum in abyssum Deitatis suminâ Vigilantiâ, observatione & cum explicatis viribus. In hac actione non turbatur ab alicujus modi obligatione; verum quali modo se sentit promoveri, tali utitur absq; selectione, voto aut debito, si vè perficiatur sedendo, stando aut procumbendo. Hoc modo opus est præparatum esse hominem ad orationem, sine quo autem si fuerit est Corpus adhuc à lassitudine gravatum, mens vaga, dispersa, sensitiva cogitationibus plena & sic insipida etiam oratio, Deoq; exosa. Multum ergò confert ea præparatio ad devotionem, quoniam sic homo unitus adhæret Deo & tutus est in Conscientiâ tanquam quod nihil negligit in observantiâ mandati, ritus, communionis vel exercitationis sacrorum; siquidem cunctorum eorum modorum finis, quem hætenus omnes assequi cupiunt, est summa Christianæ Religionis (fidei), nimirum adunatio (adhæsiō) Dei, in quâ acquieverunt omnes Sancti, ubi impellentes exercitationes reflectuntur atq; se sistere vel regredi compelluntur. Quod si ergò omnes & singuli modi non possunt eodem tempore usurpari, præstat uno vel eo qui aptior est modo contendere ad summum apicem, in quo effectus omnium collimando complentur. Sub hoc diversorum usu modorum errant multi

multi eoq; cum parvo fructu laborant licet sedulò, pauci verò agnito directorio ritè ac utiliter operantur, eoq; facilè pertinent, quò volunt.

Superius dictum est de Nativitate Filii Dei in homine divino factâ, necnon de præparatione spiritualis hominis pauca adjuncta sunt, nunc ergò dicendum est, qualiter homo spiritualis reddatur aptus suscipiendi genituram divinam, quam Christus per adventum Sponsi tradidit intelligendam, cum jussit vigilare, seduloq; attendere, præsertim noctu, cum sit incertum, in quâ vigiliâ sit adventurus Sponsus. His Verbis erudimur, Dominum non semper adesse, nec sæpè ut Sponsus advenire, tantominus nasci in invitis ac incuriis. Quisquis ergò Gnatum Dei in se gestare desiderat, debet animum applicare ad sequentia media præparantia, quæ crebrò ac diligenter sunt exercenda ideò, quod sine hâc præparatione nullo modo obtinetur quæsitus thesaurus. Ad operationem hanc eligendæ sunt homini tres horæ nocturnæ, in quibus exercitii sui navet operam, siquidem hoc exercitium, quâ nequit semper continuari, est sæpè sæpius renovandum, hinc ad id requiritur hora una vespiterna, una matutina & una nocturna, quo tempore tenetur homo vigilare, ac sicut in speculâ circumspicere, undè & quandò venturus est Sponsus: interea implorandus est Dominus, quo suum desiderabile opus perficiat eo modo quo in charissimis Dei Amicis id operatus est. Et cum injuncta, totiesve commendata sit expectatio, necesse est, ut homo patienter expectando locum Domino in se paret, tempusve permittat, quo Deus nullo modo impeditus inveniat in homine, quod placet ei: quod si sic fecerit, percipiet brevi adventum ejus. Hoc de nocturno exercitio. Interdiu autem cum suo officio fungitur homo, incumbit ei mentis oculus in cunctis suis operibus desideranter ad Dominum convertere, atq; nil nisi Dominum internè respicere; at hîc imprimis cavendum est, ne sensus externi & interni exorbitent in respiciendo, quærendo aut degustando quid aliud præter Deum, id autem cum facilè fiat, in ipso excursu repentè

pentè sunt constringendi ac reducendi, donec cum ratione simul à moderatore interno disponantur. Huc plurimùm conferet, si in omni modo ac opere (quàm parvum etiam sit) examinet se, num sit permissa ejus operis actio, ejusmodi exercitium necnè, an Verbum quod loqui cupit, dicendum sit necnè, num iste cibus aut potus sit capiendus necnè? Quæcunq; ergò juxtà examen cognoverit bona, ea liberè faciat & confidenter, nec animo desuper moveatur. Sub pastum autem singularis quædam utilissima, sed non ubivis cognita exercitatio est observanda; nimirùm, ut quælibet cibi buccella capiatur cum devotione, sine oblectatione, solumvè pro naturæ exigentiâ, inprimis autem in desiderio percipiendi simul sanctissimum Sacramentum è manu ipsius Dei. Cum cibus quoq; sanctissimum nomen Dei in se trahat cum Voto, ut & Sanguis Domini nostri per igneum amorem è corpore dominico protrusus infundatur in animam suam aridam & sitibundam. Nam sub hoc desiderio non solum satiatur Corpus mortale, sed unà reficitur Spiritus immortalis juxtà quod petitur: Panem nostrum quotidianum da nobis hodiè, id est, tam spirituales, quàm corporales, nimirùm Verbum, quod egreditur per Os Dei, quo homo de solo pane alioquin non victurus ali & pasci dicitur. Ecce quàm is æternam Filii Dei Genituram sibi concipit, si cum devotione eam flagitârit, & si præfatum modum per totam Vitam suam tenuerit. In præparato fundo animæ habitat Deus perpetim & ubi Deus est, ibi gignit Filium suum incessanter, nec solum suum Filium gignit in nobis; verùm etiam nos ipsos ibidem regenerat, ut per adoptionem ejus fiamus filii gratiæ, fratres Christi. Ex hoc fonte tam subsequens hominis Vita quàm opera scaturiunt, imò & cuncta ejus merita. Quamdiu homo persistit in gratiâ, manet Deus in eo sicq; operatur unà tria illa cum vel sine scitu hominis sive comedat, dormiat, sive aliud quid faciat, modò contrà gratiam non peccet.

Cum ventum nunc sit ad ipsam Sponsi possessionem, restat dispiciendum, quid novi boni doni æterna proles asportet secum

cum repositum in suo thalamo (tabernaculo, templo). Ipsum ab æterno genitum Dei verbum affert secum in hominem.

1. Veram incuriam externi hominis atq; contemptum tam commoditatis corporis quàm voluptatis animæ, per id tam vacuus & nudus redditur homo, ut copiam rerum temporalium negligat neq; attendat ad gloriam, commodum, cibum, potum, molliem corporis, neq; interstinguat electivè inter favorem & odium, laudem & vituperium, inter datum & ablatum &c. quatenus cuncta transitoria comparat luto.

2. Libertatem veram, quâ homo scienter ad Deum se liberè possit ac velit extollere atq; eatenus præsentiam Dei quovis momento in Spiritu suo deprehendere longè exactius quàm res ipsas.

3. Pacem veram hujus Vitæ, imò & prægustum pacis æternæ, & per hoc donum redditur adeò pacificus ut à nemine queat pæce privari neq; ab ipsâ rerum cunctarum perditione, siquidem in hoc quod Voluntati divinæ se integrè tradidit, pacem eam ubiq; invenit.

4. Discretionem veram seu Lumen intellectûs clarissimum, quo noscit discernere in quali & quanto rerum internarum & externarum, quarum ad necessariam Vitæ sustentationem indiget, nec id solùm, verùm etiam, quò intelligat, undè proveniant exercitationes tertii modi (Spiritus) motus primi, inclinationes, impulsiones, meditationes tam internæ quàm externæ, num scilicet è naturâ an è Spiritu proveniant. Id enim necessarium erat; ne suo amore sequeretur Lucem falsam pro verâ, quatenus hoc modo cognoscit verum Lumen ex revelatione occultæ veritatis providam cunctarum rerum discretionem administrantis.

5. Æternam suam è Patre nativitatem, quâ efficitur, ut Spiritus observet quandam sui translationem & exaltationem, hæc observatio fit mediante præsentia æternitatis tranquillæ & mediante aversione rerum creaturarum temporalium, quæ non remeant in genituram æternam; verùm quascunq; res tractan-

Dddd

das

das adhuc habet causâ necessitatis, eas transfert juxta nativitatem in Deum, ut ipsa diversitas mutetur in Unitatem.

Cognitis nunc 5. donis adjicienda quoq; est observatio ejus quod est agendum homini, qui genituram Filii Dei percipere, ejusdemq; Utilitatem cupit habere. Necessum autem est, ut mentis potestates se reflectant ad fundum suum, ubi Deum inveniunt per modum sensus (attactus), hoc modo obtinent influxum Deiformem naturalem & essentialem, & in eo reflexionis statu amittunt suas vires (virtutes) utpotè jam fractas, dispersas (absorptas) à divinâ Essentiâ, hætenus & omnes effectus exin producti sunt ac dicuntur divini, quia juxta suum principium formati. Hætenus etiam intelligit homo, qualiter dicantur opera per Deum facta, intelligit etiam juxta rationem, ubi incipiendum & in quo progrediendum sit, claro obtutu sic perspicendo, qualiter fundatus esse debeat, & qualiter de vero & falso judicare queat. Nobilissimum hujus reflexionis simul ac influxus divini opus est totalis sui separatio, desertio, annihilatio, hoc est omnium rerum, quæ vel sentiri vel cogitari possunt. Ejus modus est subitaneus elapsus cunctarum rerum finitarum habentium diversitatem, de quo alibi quoq; dictum est, ipse actus autem est omnium utilissimus, quia brevissimâ viâ ad fundum internum perducit. Id autem hîc observari debet, ne quâ fiat, ut actus prædictus subito cesset, sicuti subito incepit (quod quidem ob fragilitatem naturæ corporeæ facile contingere potest), nobilissimum enim opus est constantia, ut scilicet actus is uti per Deum incepit, ita in Deo protendatur per modum inhætionis, quod etiam sic fieri poterit, si Deus semper sollicitetur precibus ad largiendum progressum & promotionem. Sed hîc impingunt multi, præsertim qui molliores sunt, vagi, duræ vitæ inassveti & impatientes; uti enim à seipsis quandoq; elabuntur, ita quoq; mox relabuntur à fundo interno reperto ad seipsos extrorsum conversi, taliter perdunt unâ partem Dei. Alter lapsus autem (utut periculosus est) causatur facile per medium quoddam externum admissum

sum inter Deum & mentem, medium, dico, externum est omne id quod Deus non est. Tale autem medium cum propè adfuerit expectando & vigilando, donec nacta occasione subrepat, hinc à seipso quilibet nunc intelligit, quàm sit periculosum negotiari cum Deo per accidens, intelligit cur sobrietas, vigilantia & attentio sit toties injuncta, sine quâ omnis conversatio cum Deo est comparanda joco Deum offendenti. Haftenùs jocantur cum Deo quia te cessum à Deo toties quærunt, cum exercitium hoc aversetur requiem, interruptionem, cessationem, remissionem, vicissim autem requirat summam observantiam, vigilantiam, constantiam, durationem, imò & totalitatem hominis tam quoad tempus, quàm quoad modum, quemadmodum scriptum est: qui stat, videat ne cadat. Hæc nimis dura videntur mundo, cum requies necessaria communiter vetet continuam vigilantiam. Verùm interna hæc observatio est ipsa animi requies ac refocillatio, quam David Rex se percepisse fatetur de die in diem. Imò si ea semel in assuetudinem venit, haud difficile permanet, quia Deus est omne in omnibus tam semper quàm ubiq; , in minimo, in maximo. Quicumquè ergò Deum solum, hoc est, nil præter Deum tunc respicit, is certè in, cum & ex Deo semper poterit operari optimum sub qualicunq; operatione.

Q. Quot modis debet mens præparari, ut juxta hymnum reddatur similis Angelis aut ipsis Seraphim? R. Sex modis præparatur ea in similitudinem angelicam:

1. Cum subactâ cupidine Mundum creatum, hoc est, contenta ejus omnia spernendo fugit tanquàm Dei adversarium.
2. Cum Patriam cœlestem & quæ in eâ sunt, intuetur, amat, gustat, ibidemq; ambulat.
3. Cum seipsam abnegando & hominem externum prorsus abjiciendo semper & ubiq; Christum sequitur.
4. Cum eò semper incumbit, quò conscientiam teneat impolutam, illæsam, cumq; suam conversionem ad Deum semper renovat.

Dddd 2

5. Cum

5. Cum prudenter ac diligenter observat Voluntatem Dei, cui satisfaciat toties, quoties internè per Deum commonetur.

6. Cum Desiderium ardens habet solvi à carnis & mundi vinculis & liberari à cunctis rebus temporalibus, hoc est, Patre, Matre, Fratre, Sorore, imò proprio suo corpore animam onerante, hætenùs & solùm cupit cum Christo vivere.

Præfatis 6 modis præparata Mens, hoc est, tempori & sibi ipsi mortua, amore Dei accensa dicitur Seraphim similis facta, adeoq; in Choro seu Consortio eorum creditur fruitura divinâ Claritate.

Q. Dic quomodo acquiritur constantia post nactam eam animæ præparationem, quæ in hoc capite descripta est? R. Ut homo prægressâ præparatione habitum divinæ Vitæ consequutus persistat constanter in eâ, juxta quod requirit Sanctitas, necessum est, ut antè omnia sibi prospiciat de habendâ agilitate, bonâ conscientia & pace. Activitatem demonstret in reiteratione Exercitii imitatus pueros, qui lectionem toties ab initio repetunt; siquidem frequens lectionis repetitio arcet torporem & ignaviam, quæ sub exercitio spirituali vel maximè devitanda est, quia oblivionem inducit rerum agendarum. Quod si de novo semper inceperit, semper erit vigilans, quod primum est. Conscientiam bonam retinebit sic, si cum Deo semper in secreto conversatur, quatenus hoc solo mens tuta redditur, quæ alioquin facilè turbatur & oberrat. Divina verò conversatio fovet gaudium in liberâ conscientia, quod est secundum. Tertium, si dona Dei sive solantia sive affligentia suscipit immoto animo, manet semper in pace, quæ aliàs aufertur animo trepido & impatienti. Mens assuefacta passioni semper pacata est, nunquam inquieta. Arcanum hoc est consilium nec ubivis observatum, cui & monitum hoc adjiciendum est, nimirum, ut homo exerceat cum Deo repetitionem omnium causâ temporis, dierum & annorum, quorum curriculo Vita hominis circumducitur, & ideo oblationem sui homo toties cum Deo repetat, quoties in mentem ea incidit; verùm hæc repetitio est tantâ diligentia

ligentiâ facienda, ac si jam primò inciperet aut etiam finem
 imponeret, tantâ scilicet curâ, ac si è quovis opere beatitudo i-
 ipsa penderet: quodlibet verò opus quod est interdiu susceptum,
 incipiendo perfici potest. Quod si se putat operam & otium
 perdidisse, vel opus minus probè elaborâsse, de novo incipien-
 da est oblatio sui sine morâ, imò tanto fervore ac si conversione
 eâ id omne quod unqvàm neglectum est, debeat compensari.
 Homo impeditus aut languidus, si viribus recollectis semper de
 novo incipit, & tempus in bono exercitio terit, conqvirit tan-
 dem habitum, quò velut ex instinctu naturæ se linquat, ubi vult,
 vertat quandò potest, possit quandò velit, velit quandò impelli-
 tur, impellatur quandò Deo visum fuerit, & sic conversus diu-
 tius persistat. Ad multos autem annos absq; remissione tan-
 quàm immoto pède persistere in præfatâ conversione, non est
 hominis sed Spiritûs abstracti, ob hanc infirmitatem ad media
 recurrendum est, quorum unum est repetita inceptio, ideò de-
 structo uno opere labor est renovandus & sæpè mutandus, de
 novo sic opus conversionis incipiendum est, quò velut per nu-
 merosum conversionis conatum transportemur in Deum, id
 quod Apostolus per novitatem Vitæ indicare voluit, novum
 enim initio proximum, imò & integro, quia indivisum est. Ini-
 tium (Alpha) Deus est, imò & finis: quod si ad finem tendimus,
 in quo versemur & vivamus, sequitur necessum esse ut per eum
 incipiamus. Per id namq; quod Deus principium est, semper no-
 bis propè est, nos autem si cum eo & per eum incipimus, reverà
 ei propinqui sumus, sicut remoti dicimur, si non incipimus. Per
 hoc autem quod semper incipiendum est, indicatur, nos DEO
 non semper æq; propè esse atq; Deus nobis est, quia per modû
 inceptionis apprehendimus medium: & certè media sunt no-
 bis per quàm necessaria, siquidem absq; iis nil possumus præsta-
 re, neq; pertingere quò tendimus. Restat ergò, ut qualibus-
 cunq; mediis, quocunq; demum conatu approximemus DEO
 de die in diem propius accedendo, quoniam sic est futurum, ut
 mirè proficiamus in quolibet opere sive sit cogitatio, meditatio,

Dddd 3

oratio,

oratio, lectio aut operatio utcunq; brevis, supponitur autem in respectu superius explicato, nimirum in sui abnegatione seu nudâ sui in Deum submersione, quæ vocatur renovatio, inceptio, ideò quidem, quod non continuato filo per Vitam perdurat, sed quod iterum atq; iterum renovanda ac repetenda est, atq; sic paulatim in assuetudinem deducenda; tunc tandem longiori temporis tractu durat, hominem vè Deo propinquiores sistit. Id etiam per simile artificii planum redditur, quâ nemo nascitur artifex, quia rudis ac imperitus: Convenit ergò discipulo artis opus suum ab initio rudi Minervâ (uti dicitur) tractare, & è confusâ formâ discere, quid corrigat, labor postea est sæpè repetendus, donec tandem cum notitiâ acquirat aptitudinem opus faberrimè concinnandi adusq; perfectum Magisterium, quod ipsa artis Essentia vocatur. Ad eum modum est instituendū Exercitium Spiritûs, ubi homo quidem multa instrumenta (media) habet, at unicum saltem opus artificiosissimum invenit sibi propositum, quod si complevit, assequutus est omnia in uno; verum quia artificiosissimum est, laborat diu in sudore, donec id perficiat, imò jam propè finem improvidè id sæpè suis manibus destruit, quocircâ de novo id elaborare tenetur. Vocatur autem ideò artificiosissimum, (cùm tamen sit in se simplicissimū) quod ejus elaboratio difficulter addisci, ipsum verò opus facile destrui potest: si verò semel ac iterum factum est, leviori negotio & sine fastidio renovatur. Ecce in unâ perfectâ resignatione consistit totum opus, tota ars, totum fundamentū, quod qui habuerit, habebit unâ vigilantiam, (activitatem), conscientiam liberam & pacem firmatam, per has etiam constantiam. Si absq; uno horum mediorum sit, destructum & minimè perfectum est opus, & hinc de novo inchoandum. Restat nunc adjicere aliquid de tertio requisito, Pace videlicet, per quod scrutari se potest, nūm Deum possideat necnè? supponit autem interna conscientię pax, ut homo contentus sit in cunctis rebus, ut etiam linquere velit ac possit propter Deum ea omnia, quorum aliàs indiget. Si quâ invenitur homo, qui possidet

possidet Deum, ei nil est contrarium, sed satis bona omnia, si accipit, si perdit, si habet, si non habet, contentus est tanquam cum bono, sive in solitudine est, sive in congregatione, sive videt vel audit, sive molle vel durum, sive dulce vel amarum est, quicquid ei obvenit, sive uti sive carere potest iis, æquali animo cuncta suscipit, quia omnia bona amat, omnia autem videntur ei per Deum bona. Talis Vita verè dicitur bona, at tamen passivo modo tantum, quanquam activo modo etiam bona sit, si homo Crucem seu qualemcumque passionem possit perferre immoto animo. Qui vult utroque modo beatè vivere, sit prudens oportet ac providus, quia est homo nesciens gloriari nisi de Deo & de infirmitate suâ. Quidam cum aliquo tempore se exercuerunt, exorbitant nimis imprudenter tentando Deum, dum suâ sponte se acerbæ passionis periculo committunt, antequam degustarent acerbicatem Crucis, id autem præcoci ingenio ita faciunt demulsi dulcedine meriti vel gloriâ diadematis inflati, quamobrem postea luunt ambitionis meritum lapsu Icarum, qui tamen nosse debuerant temerarios non necessarios ausus devitari per Sapientiam, sicut alibi edoctum est quædam vitia per fugam, non autem per resistantiam everti posse, quale est impuritas carnis: compertum namque est, eos qui alia vitia viriliter depugnarunt, hinc tamen ligatis viribus emollitos fuisse, cum tamen prudenter fugiendo vincere poterant. Cavendum igitur est, ne multa quis ausit, quibus carere poterat, nam & hinc locum habet illud: Tela prævisa minus nocent: sufficit ea quæ impetunt animo patienti vincere sufferendo, quoniam hinc proficiscitur requies & observatio sui ipsius & ex observatione immanentia. Id medium est modus optimus, quo homo nil sibi eligit, quoniam ad summum sic ducitur, ad infimum potest se recipere simplici conversione, neque minori facilitate ab infimo ad summum pertingere, ut alibi fusius explicatur. Quisquis autem Vitam separatam ducere cupit, quæ regitur per patientiam, is sensus tam internos, quam externos tenetur semper religatos habere, semetipsum circumspectè observare, non evagari, sed intus manere,

nere, turbasq; hominum despicere. Præter hæc tenetur afflictiones perferre patienter amando passionis dona, quatenus hæc mediante virtute implantatur in ipsam arborem Crucis Christi, in quâ æternos Vitæ fructus profert.

Q. Adde hîc summam totius præparationis, in quâ velut in speculo repræsentetur forma illuminati hominis hîc paucis verbis complexa; nam multa sunt dicta de Voluntate Dei, quam cuncta facta & instituta hominis per totam Vitam debent respicere, ast quâ non omnes cognoscunt æq; modum, quo vivitur juxtâ divinam Voluntatem, opus est, ut indicetur is aut brevibus verbis describatur? R. Quicumq; desiderat cognoscere Voluntatem Dei, cui se subiciat, noscat oportet, Deum à nobis requirere, ut eum super omnia sincere amemus: hic amor autem qualis esse debeat, explicatur per id, ut respiciendo Deum solum quæramus (putabis fortè in templo per horam unam aut alteram? sanè non! verùm) toto Vitæ nostræ tempore (fortè juxtâ placitum & sine curâ? Non! sed) ex omnibus animæ viribus (fortè datâ occasione doni, loci & modi? Non, quin etiam) in cunctis cogitationibus, (satisne sic? Non! imò &) in omnibus Verbis (fortè dabitur respiratio sub actione humanâ? Non! quia &) in omnibus factis suis tenetur homo intendere Deum sic ut nil fiat ab eo, quod nequeat dici per Deum factum esse. Hoc est primum divinæ Voluntatis requisitum & quidem maximū: alterum huic simile est, nimirum, ut homo proximi sui, hoc est, omnium hominum beatitudinem æquali conatu quærat atq; suam propriâ. Hæc est omnium nostrum obligatio, cuius ratione vel fideles vel infideles servi merito nostro invenimur. Hæc mundo sunt antè omnia prædicanda, si Scripturam tum benè intelligere, tum sincere explicare fas est: nam tunc intelligimus quid velit dictum Christi: Deum tuum coles & illi soli serves, quid vè illud: psallam Deo meo quamdiu fuero: item: Vita nostra cum ipso crucifixa est: quid illud: ut sitis immobiles, stabiles, perfecti: item: ut & corpora vestra sancta sint: quid illud: memento Domini tui semper: item, Cor mundum crea

in me Deus: item: quare pravæ cogitationes ascenderunt in Cor vestrum? quid illud: obscæna verba &c. procul à vobis sunt! quid illud: ut videant vestra bona Opera & laudent Dominum: item: quod Opera vestra per Deum sunt facta &c. Hisce notificatur absoluta Voluntas divina: jam restat proponere modum, quo juxta eam vivitur. Est autem multiplex (varius), utpotè quod homo tenetur.

1. Seipsum internè probare, exactè observare, imò & in silentio auscultare, quid Deus in eo loquatur, quid instituat, quid velit & jubeat. Nam Deus solet de die in diem informare sedulum ac obsequentem hominem, eumq; ducere ac promovere per eum modum, quo discipuli solent in disciplinâ indies proficere in melius.

2. Diversitates devitare, vagasvè mentis discursitationes, tum & in Deo quiescere vacuo animo, hoc modo simul devitat peccata.

3. Non solum suos claudere sensûs, ne vanitates recipiant, sed etiam Deum invocare, ejusq; præsentiam omni loco & tempore usurpare.

4. Habitando in seipso pacem & veritatem cordiculus amare.

5. Humilem, mitem ac divinum se præbere toto suæ vitæ curriculo.

6. Cuncta sibi obvenientia non nisi à Deo recipere, Deum pro his laudare, ac in suis actionibus cunctis glorificare.

7. Mediante humili sui ipsius abnegatione interponere se inter Deum, & inter seipsum, sic namq; subjectus erit tum Deo tum Creaturis.

8. Incessanter suis Oculis præfigere Clementiam Dei suæ oppositam imperfectioni, ut rapiatur in admirationem infensi versus hominem amoris divini, vicissim etiam summæ humanæ perfidiæ: nam sic se omnium hominum vilissimum atq; deterimum reputabit.

9. Summoperè cavere sibi à proprio arbitrio doloq; naturæ, cum teneatur de se profiteri non nisi quantum habet de se.

Eeee

10. Sem-

10. Semper iterare novæ Vitæ exordia in continuâ Veritatis & Virtutum novitate.

11. Exercere plus Vitæ quàm verboritatis cupiendo ab hominibus & deferi & subfannari.

12. Parva peccata (quæ peccatilla per contemptum vocare solent) exiguosq; defectûs magnipendere.

13. Prospicere sibi, ne unquàm anima ejus Deo careat: quidquod omnes homines exemplo ejus emendandi sunt, necessum est perficere opera modo quo potest absolutissimo; sic namq; & non aliter satisfacit cognitioni suæ, maximè autem tenetur fugere actiones, quarum postea pœniteat.

14. In diuturnâ afflictione habere constantem patientiam, & inter tot discrimina ac diversitates animum compositum.

15. Nihil bonorum concupiscere in tempore, quod proprium diceret, tantò minus selectum rerum appetere.

16. Nihil præter Deum in animum suum intromittere, ne præter Deum quicquam in eo inardescat.

17. Cavere sibi ab omnibus hominibus, separatum & ab impressis speciebus alienum ac vacuum se conservare.

18. Animum suum liberare ab Occasionibus, influxum verò Dei immittere sine resistentiâ.

19. Omnibus exemplum probæ Vitæ exhibere, eoq; sæpissimè se juxtà Ideam Vitæ Christi examinare, tum & scrutari, quàm ei similis sit aut dissimilis Vitâ suâ.

20. In Verbis verax, in Vitâ utilis esse, eoq; originem, undè mens ejus immediatè dimanavit, contemplari, quò festinanter in eam remeet.

21. Observare, quis & qualis sit ipse, quò pertineat, quid faciat, cur idem faciat, eoq; allaborare, ut in Virtute ac Veritate adusq; finem Vitæ suæ constanter perseveret.

Tantum de præparatione hominum proborum & progressorum.

In statu naturæ renuit homo servire aliis per Charitatem, pudet eum paupertatis objectione dehonestari: prætereà quoq; nimis multum confidit aliorum præstantiæ. Consimiliter venatur gloriam, aut per divitias, aut per potentes Amicos, extollit se formositatis aut fortitudinis ratione: complacet sibi de suâ prudentiâ aut aptitudine, despiciendo alios seipsum præfert, gloriatur de suis bonis Operibus. Ast omnia hæc tenetur linquere, fugere, & modo contrario vivere. Contrarius autem vivendi modus is est, ut statum suum nemini revelet præterquam pio & prudenti homini: amor sit erga omnes homines, ast conversatio multorum, amicorum, magnorum, juvenum, sæminarum est fugienda, admittitur conversatio modica cum piis, humilibus, & simplicibus, maximè tamen Dei & Angelorum quærenda est communio. Sanctissimi homines quantum in illis fuit, devitârunt Societatem & Conversationes, quia in silentio maluerunt servire Deo. Quantumcunq; etiam se quis custodire cogitat in colloquio, longè tamen tutior est fuga Societatis, quia absq; custodiæ curâ: si Christum imitari expedit, is secedebat à turbâ dato nobis exemplo, quo sua sequamur vestigia.

Ab ipso effectu rerum temporalium desumuntur quinq; rationes pro deferendâ earum voluptuosâ tractatione aut usurpatione. Nam

I. Oblectatio in Creaturis inventa obtenebrat intellectum, quominus Deum resq; æternas cognoscat & amet, quod comprobatur experientia simul & oppositum exemplar sanctorum hominum, qui ab infernis potentiis (sensitivæ) non impediuntur, dum loquuntur, supernis Virtutibus (Mentis) Veritatem retinentibus, siquidem eorum animus jam tempus evadendo contingit æternitatem, ubi veritatem tùm & seipsos in omnibus & omnia in omnibus cognoscunt non obstante distantia virium infernarum aliarumve creaturarum. Quoniam autem duplex iis est intellectio, una quidem transcendentalis, quæ in præcedentibus verbis intelligenda est, altera verò contempla-

tiva,

tiva, quæ scilicet in seipsis veritatem intelligunt cum distinctione & discursu; hinc duplex actionum intellectivarum habenda est ratio, una quidem juxta modum præfatum, altera juxta alterum, cum scilicet sub ratiocinativâ intellectione impediuntur supernæ potestates ab infernarum potentiarum actionibus. Sic nimirum superni Regiminis Vi dirigunt supernæ & modum præscribunt infernis, qualiter scilicet earum operatio perficienda sit. Interim autem & dum hæc præordinatio fit quæ spectat res temporaneas & externas, feriatur Mens ab intellectuione cœlestium abstracta.

2. Amor Creaturarum minuit amorem Dei juxta gradum comparisonis; ita ut quò plus illius, eò minus sit hujus. Cum anima nunquam quiescat sed semper quærat nova, meliora & perfectiora his, quæ perspexit & antiquavit spe inveniendæ perfectionis in hoc, illo, alio, annon indicio id est, nullam Creaturam habere in se cupitam perfectionem, inde quidem sequitur amorem Creaturarum esse penitus extirpandum, præprimis cum jam agnoscamus finem eum, quò tendere, ubi acquiescere debemus, esse solum Deum & præter hunc nequicquam aliud tale.

3. Voluptas à Creaturis profluxa est nauseabundæ peccati amaritudini permixta, quæ si non externo gustu percipitur, tantò magis internè sentitur, dehinc sequitur cupedias creaturarum esse penitus supprimendas.

4. Ut Creatura in se divisa, varia & valde diversa est; ita & delectatio ejus varia est, quod uni placet, displicet alteri, hic quidem delicata cupit edulia, ille externum Corporis ornatum præfert gulæ luxui, alius honorem, alius divitias, quidam scientias cunctis aliis anteponunt. Sic in spiritualibus quærit hic delicias animi in oratione, alter in meditatione &c. quæ & ipsæ valde diversæ sunt; cuncta verò hætenus prodentia, quòd in Creaturarum sphærâ omnia sunt imperfecta, eoq; rotari impulsu necessitatæ vicissitudinis. Nihil autem tam vanum vel malum est, quod aliquo modo non sit aut dici possit bonum vel utile.

varietas Creaturarum est vanitas & malum homini, utilitamen & bonaideò, quia non confert homini perfectam sufficientiam, hominem hætenùs ad Deum ipsum ablegans, quem aliàs non quæreret unqvàm, si mens humana satiaretur à Creaturis.

5. Creatura est tædiosa & molesta juxtà experientiæ testimonium, cùm palàm sit, cunctos homines fastidire tandem cuncta ea, imò sæpè ipsam Vitam, in quibus olim delicias suas quæsierant. Utut ergò Creaturarum tractatio est à principio jucunda & desiderabilis, redditur tamen tandem ingrata & tædiosa, atq; à seipsà exhibet rationem suæ desertionis.

Q. Cùm in qvolibet mundi statu tam multiplex tamq; diversa sit negotiatio, motitatio, nundinatio & inqvies, quâ sese mundus occupat, dic quid hîc sentiendum est? R. Mirum quàm in diverso ponatur omnis necessitas, ità ut omnia excellere debeant, quàm diversus amiçtus, diversus victus, diversa mansionum magnificentia, cùm in his omnibus vel decima pars sufficeret, reliquæ omnes necessitatem excedant, & tempus nihil secius nil nisi perpetua miseria est. Cæterùm hoc tempus debet nil aliud esse quàm transitus ad æternitatem, ut Corpus & anima tantùm queant suo frui consortio. Imò expediret homini fame potius cruciari quàm omnes istas sollicitudines sustinere, maximè eum, quem Deus à mundo abstraxit ad suum servitiũ, decet omni industriâ sese avertere à vanis istiusmodi negotiationibus, quas non exigit necessitas, ac introvertere in se expectando & observando vocationem, quò qualiter vè Deus vocavit eum. Quisquis igitur rejectis impedimentis seu Creaturis omnibus levatum se cum cunctis viribus in ipsum DEUM præcipitat, is Dominum ità permovet, ut continere se nequeat, quin se demittat in hominem. Propterea docuerunt Sancti, hanc Salvatoris demissionem, adventum (inhabitationem) fieri ideò, ut Christus nascatur in homine, eoq; regat in & cum eo Cælum & Terram. Atqui tales homines sunt tantùm illuminati & præparati, quales non sunt qui rebus mundanis adhærent

rent. Nam etsi Lux divina incessanter fulgeat homini, impeditur tamen in suo actu, quominus illuminando accendat eum hominem, qui sensibus & affectibus suis adeo deditus est, ut nunquam emoriatur iis ad Deum totis viribus conversus. Nam dum hoc fit, obducitur velut cataracta mentis oculo, quæ impedit, ne lucis radius illuminet oculum: & istæ damnosa obscuratio vocatur Caligo seu Cæcitas mentis, hinc dixit Christus: si Oculus lucidus, totum Corpus luminosum erit, & vicissim: id quod ad animam applicandum erat. Videndum igitur, unde istæ mentis cæcitas proveniat. Eam ajunt Theosophi provenire à pulvere (cinere) rerum depereuntium, quo mentis oculus oppressus est: nam res mundanæ citò evanescent non nisi favillam volaticam oculis noxiam post se relinquendo. Cinis hic secundum Scripturam est concupiscentia Creaturarum, hoc est, Mundi, Carnis, sui ipsius. Hæc sola est causa excæcationis nostræ, excæcatio verò est causa vecordiae, quæ obstat, ne observemus Vitam nostram. Quod autem ab eâ desidîa impeditur, quominus nos ipsos agnoscamus, fit, ut per ignorantiam hanc avertamur à Cognitione Dei, id quod omnium deterrimum damnum est. Enimverò si Deum non cognoscimus, non amamus eum ex toto corde, mente & viribus, si hoc, non cupimus gratiam Dei in abiectione seu humiliatione Cordis: si hoc, non operatur Dei gratia in nobis (ut potè quæ non respondet roganti nisi in humilitate Spiritûs): deniq; si gratia Dei non operatur in nobis, mirum non est, quod DEUM non sentimus præsentem, tametsi nobis propinquior sit nobis ipsis. Quàm miseraq; sit homo, qui Deum non sentit, ex præfatis cognoscat oportet, undè tam miser est atq; infaustus: sicut enim præfatorum malorum unum ex altero pendet, ita unum alteri tenaciter adhæret.

Redeundo nunc ad Creaturarum desertionem, noscendum est eam non solum consistere in externâ sensuum occlusionem, verum etiam in internâ Spiritûs evacuationem, quæ est desertio Idearum in intimo animæ procreatarum, siquidem docetur,
Corpus

Corpus pariter & Spiritum esse incaptivitatem ducendum, ne dum Caro suis privatur illecebris, Spiritus voluptuose luxuriet in cunctis iis modis & locis, ubi seipsum quærit & obtinet. Hæc denudatio Spiritûs est valde necessaria homini tam hîc quàm ibi olim ad summam veritatem collimare cupienti, cùm fieri soleat, ut naturali Creaturarum cupidine suppressâ surgat concupiscentia spiritualis, qvâ Spiritus per modum objecti se possideat cum desiderio modorum ac Idearum intellectualium. Ista autem concupiscentia valde periculosa est, qvâ velut objecto velo lumen verum impeditur, quominus in homine luceat simpliciter. Sicut enim corpus angulare, obscurum aut coloratû præpedit, ne lumen illapsum naturali splendore in eo luceat, qvin potius receptos objecti Colores unâ transfundat; ita Lumen divinum aut non penetrat, aut suam mobilitatem non diffundit, si Voluptas obsidet Spiritum, naturam ejus & exercitia obscurando qvalicunq; demum modo, sive in cogitando, meditando, sive operando, sive degustando, idealiter seu formaliter, intellectualiter aut intuitivè, qvoad Spiritus requiem aut recreationem, non autem purè & objectivè Deum respicit. Natura namq; complacet sibi in suo assueto, non obstante pristinâ aversione, inclinando ad id tanqvàm ad suum proprium, proindè adducit eò Spiritum, qvò se unâ oblectet desuper. Ad istam classem refertur oratio, jejunium, vigiliæ, corporis castigatio, & qvæ sunt hujusmodi exercitia externa dura, qvibus se Spiritus applicat sub naturæ placito & directione. Verùm cùm Spiritus in actione similium operum teneatur non ea nec seipsû, sed solum Deum respicere, se ipsumq; à possessione eorum sequestrare, hætenùs in modo non excedet humilis homo, qui potius naturam simul revocabit, ut in statu eo abrenunciet unâ suo oblectamento & moriendo nequicquam retineat voluntatis, delectationis, modi, formarum vel Idearum inter operandum, quod ei proprium diceret.

Q. Cùm Filius Dei nil sine causâ dixerit, quæritur, cur divitis Epulonis parabolam per Evangelium mundo prædicari voluerit?



Q. Cùm iis nimis tetricum videatur, quod tam jucundum est, deferere, imò antiquam consuetudinem deponere rem putent esse impossibile. annon merentur conniventiam? R. Imò tantò magis erit impossibile futuram ignis infernalis torturam sufferre. Qui fugiunt passionem profundius labuntur in eam: qui summum Bonum ejusq; suave onus abhorrent, onerantur à Diabolo pergrandibus sarcinis.

Q. Expone damnum è temporis prodigalitate emergens? R. Tempus ob voluptatem perdere id genus damni infert, nimirum, animum turbat, ne intrus maneat, Cor pace privat, gratiam & amicitiam Dei destruit, interioris verò hominis teporem & cæcitatem, sicut exterioris ignaviam causatur. Antequam familiaris conversatio semel hominem intrò conducit, infinites eum prius extrorsum abduxit, & antequam quis indè bonam doctrinam percipit, fuit antecederet sæpissimè pravis Ideis turbatus ac impeditus. Quemadmodum pruina majalis corrumpit florem; ità perdit caducus amor divinum propositum cum salute. Ecquis non consideret tempus, cùm ratio danda est de perduto quovis tempore & de neglecto bono, quando coràm Deo & toto mundo inutiles pravæq; cogitationes juxtim, verbaq; & facta omnia manifestabuntur publicà & clarà prælectione.

Q. Ergone mundus propter fallacem fidem prorsus deserendus est? R. Imò penitus abnegandus vel ideò, quia voluptas ejus impuritas est, consilium Superbia & Avaritia, servitium ejus suave, merces ingrata, flos pulcher, fructus putridus, securitas ejus proditio est, auxilium verò venenum & deceptio, promissio ejus mendacium est, pro lætitiâ dat pœnitudinem, dedecus pro decore, pro fidelitate falsitatem, paupertatem pro divitiis, pro vitâ æternâ mortem æternam. Quisquis ergo in tempore sibi eligit mundi voluptatem, propter quam Deum amittit, is in separatione sui carebit utroq;: incurius enim non commemorat jucunditatem eam, cujus mille anni sunt dies unus, tantò minus tristem sensationem, cujus mille anni sunt



& multas mundanas impuras Ideas & Cogitationes denunciatum? R. Imò Scriptura describit tales sub titulo insipientium, salutem negligentium: id namq; iis accidit, quod dormienti siticulofo, quem frigida aviditas vexat in somno; ita hi cum suas res satis voverint evanescunt omnia, nec remansisseprehendunt aliud quam vacuum manum, tristemvè conscientiam. Annon inferni atrium hoc est, ubi propter exigua voluptatem se privant homines summo ac æterno Bono, cujus ratione in illo die coram amicis, imò coram omnibus Creaturis summo pudore perfundentur? Quodsi nulla merces, nulla gratia post hanc Vitam speranda esset, longè satius tamen esset tam brevi tempore servire Deo puro corde lætoq; animo vel solùm propter hoc, quod ipsa bona Conscientia sufficiens sibi merces est.

Q. Hoc quidem ita dicis, ast nunquid inveniuntur multi qui dicunt: Dominum Deum conjicere servos suos in multas magnasvè afflictiones, quas tolerare nequeunt? R. Quidquid aliqui dicant, verum tamen & expertum est, afflictionem quam Deus Amicis suis mittit, esse onus leve. quatenus idipse Deus simul ferendum in se suscipit, præter id, quod per passionem reddimur Deo accepti, quoniam etiam Deo unitis passio omnis dulcificatur interno solatio.

Q. Ecquis hoc tempore vivit sine passione? R. Fortè nemo: non arces munitæ, non Urbes potentes carent eâ. Si Vestes sericæ splendent externè, cor dolet internè, imò propter caducas res patiuntur magnatormenta, maximoq; conatu comparant sibi infernales cruciatûs. Libenter ergo patiantur Amici Dei, quo sibi Deum comparando æternum bonum conquirant. Nam et si quis à principio quam difficulter se abstrahat à vitâ jucundâ, hæc tamen difficultas cessat in progressu, in fine verò jucundabitur etiam super omnestemporales delicias.

Q. Quibus mediis vel modis obfirmantur, qui mundo relicto ad Deum conversi sunt, ut perseverando proficiant in Vita bonâ? R. Hujusmodi conversis datur sequens consilium, ut scilicet,



quatenus est medium consolans eos, quorum in Deo Zelus est.

Q. Quid ergo restat, ne, quod reliquum diei est, sine quâdam devotione transigatur? R. Unum adhuc suadendum est, quod benè cedet, nimirum, ut homo semper curam habeat passionis dominicæ: hinc valde expediet, ubicumque est vel agitali, quid, alloqui Dominum hoc modo: Amabilissime Domine, Amice cordialissime, veni ad me, affide mecum, ambula mecum, adjuva me & in æternum non separa te à me.

Q. Cum iis qui proximâ Viâ cupiunt progredi ad Vitam æternam, opus sit eò allaborare, quò fiant Christi discipuli, describere laborem sive conatum, qui eò est impendendus? R. Necessarium est observare seipsum, omniq; studio auscultare divino alloquio, ne quâ teducatur homo à propriâ naturâ aut cæcus reddatur à multitudine rerum caducarum. Quicquid enim faciendum & cogitandum est, debet prius in mente considerari, num bonum sit necnè, sub hac attentione fit intus de iudicatio. Quod si quis cupit esse amantissimus Christi discipulus, oportet eum fugere quantum possibile, cunctas Creaturas transitorias, in quibus deest respectus Dei, exceptis iis quæ requiruntur ad hominis necessitatem, sic ut absq; ullâ ope Creaturarum se soli Deo dedicet. Consistit hæc fuga in abstractione à cunctis superfluis rebus & verbis, quorum nulla necessitas est, ab omni externâ recreatione, distractione & familiaritate hominum, à vano cogitatu, atq; ideis rerum externarum & internarum, sic ut naturam suam nuspiam reperiatur; hoc facto futurum est, ut Deus opus suum supernaturale pro placito suo expediat cum tali homine, eumq; insuper perfundat ardenti charitate & gratiâ divinâ, tunc facile cognoscit homo qualem cunq; divinam differentiam. Ecquis enim ignoret, dum seipsum intus observat seriò, quàm facile possit à seipso intelligere, qualiter res atq; opera quædam externa non necessaria sæpenumero inferant animo cæcitatem, ita ut nequeat rectè observare divinam inspirationem, quævis ea opera



Deum intrare in ea non posse. Quemadmodum in vas impuro cinere aut sordidâ quâdam facie impletum non potest infundi Merum aut saporosus alius liquor; ita in veritate dicendum est, quod quò se vertat quispiam, non invenitur aliud quàm falsitas, perfidia, & inquietas in cunctis rebus externis, corporalibus & personalibus. Sic ubi vel maximè putamus magnum conquirere solatium, perdimus internum, dehinc & pace cordis privamur, quàm longo tempore vix comparavimus per abstractionem: internam hanc turbulentiam promeremur nobis non necessariis rebus, verbis superfluis, temporis prodigalitate &c. Undè Cor pariter cum Charitate obligescit, mox sequitur morsus conscientiae, undè homo postea facile ad impatientiam animiq; vehementiam (iram) commovetur. Hæc si quis sedulo perpenderet subito deprehenderet, quàm nuspiam reperiat pacem, solatium vel gaudium perfectum præterquàm in Deo, idq; tunc invenit, cum toto corde se convertit expectando Deum longanimitè ad exemplum sanctorum Patrum & Prophetarum V. T. qui ejus adventum expectârunt patientissimè.

Q. Siccinè censet, si Patres expectârunt, nos tantò magis obligari ad expectationem Dei, cum abscondendo se solatium suum & suavitatem, quâ prorsus indigni sumus, ad tempus subtrahit? R. Imò hoc ipsum dixi esse summè necessarium, cum Deustaliter se versus nos gerat, qualiter videt id nobis bonum ac utile esse, ut scilicet Charitatem ac desiderium nostrum perfectius accendat, alliciat & trahat. Nam Charitas & Misericordia ejus obstat, quominus velit ac possit nobis subtrahere ea omnia quæ tùm ad necessitatem tùm ad Utilitatem nostram faciunt corporaliter & spiritualiter, quoad ei dubio procul defectus nostri quàm optimè constant. Nos autem (quod valdè dolendum est) tam miseri sumus, stupidi & amentes, quàm sæpenumerò quàm minimis rebus nosipfos negligimus, insuperq; cum magno nostro dispendio impedimus, ut cum putamus nos Deo placere ejusq; laudem exaltare verboso apparatu



mousq; gnarus, dic quid sub hâc difficultate sit faciendum? R. Glorificanda est mors Domini nostri Jesu Christi, & magnificandum venerabile ejus meritum, deindè considerandum est breve rapidumvè tempus miseræ hujus Vitæ, uti & infinita fraudulentia infidi, fallentis & malè solventis mundi, quàm sit periculosum hoc tempore conversari cum unoquoq; tùm spirituali tùm seculari, quàm breve sit tempus nostræ peregrinationis habens insuper quotidianam mortis expectationem: deniq; & sedulò est observandum cordis penetrale atq; divinus instinctus, quoniam sic est futurum, ut à Deo edoctus homo plus discat distinctionis divinæ in unâ horâ quàm quod fieri posset à cunctis hominibus in mille annis. Propterea hîc tantum moriendum videtur fore, ut quilibet pretiosum hoc breve tempus sapienter ac fructuosè impendat, nè quâ Creatura ulla, cujus non est mera intentio ad Deum, impediatur aut fallatur adusq; Salutis neglectum. Quantum enim jacturæ quis patitur boni temporalis, tantum posset iterùm recuperari, quod & ipsum non prodest aliquò præterquam ad brevem hanc Vitam; ast in prænobili pretioso hoc tempore quàm leviter etiam vel unicam horam deperimus aut inutiliter transigimus, eam non possumus in æternum repetere, præter id, quod pro eo tempore debemus in æternum carere infinitâ mercede ac lætitiâ, quàm promereri potuissemus interim. Hinc metuendum est, quin non tam benè cessurû sit iis, qui Creaturis caducis nimium adhærent, nimiumvè externa non necessaria curant nova semper vel inquirendo vel audiendo, vel proferendo: nam tametsi Deus per suam immensam misericordiam custodit nos à peccatis enormibus; nihiloseciùs ob infructuosam eam externam deformationem relinquit nos in frigida, irrationabili, in sensatâ Cæcitate, quæ vetat ne progrediendo contendamus ad proximam nostram perfectionem, præter id quod eapropter summum Cruciatum debemus pati adinstar stupidi asini, qui nullum alium modum aut cantilenam discit præter ruditum, suetumvè suum passum, quivè præterea solatium aut dulcedinem aliam nullam



Q. *Ecquis tractat hæc duo seriò vel docendo vel observando?* R. *Tractentur vel non tractentur, hoc ipsum ab omni mendaciorum involucro remotum est, quia breve & captu facile: nam scriptum est, qui quærit invenit: ergo & hoc verum est, qui non quærit, non invenit.* Prius est quærere, posterius invenire. Quis enim est, qui Deum verè amet in vitâ improbâ, quâ Deus vel maximè dehonestatur? Frustrâ sic erat quoridie (adveniat Regnum tuum) quisquis caret regulâ, quâ Deum quærat, gnomone quo eum inveniat.

Q. *Annon hinc sequitur, majorem operam esse adhibendam in adinveniendâ Beatitudine, quàm in comparandâ statûs felicitate?* R. *Nec de hoc dubitandum est: ad quid enim dictum esset, scrutamini, quærite, si sine labore posset acquiri, quod æternaliter beatum est? Quin & consensum suppeditat ratio è consequentiâ comparationis, nimirum: si transitoria felicitas tantam requirit industriam, quò acquiratur, quid postulabit beatitudo, quæ est æternâ? Ad stipulatur huic Scriptura, cum eum conatum comparat cursui & conflictui, hinc opus est, ut homo ab initio scrutando seipsum observet, & sicubi invenit se sive in Carne, Naturâ sive in Spiritu, inventum hoc est commodum proprium, quod extirpare debet, quoniam hæc inventorum rejectio est exitus præfatus. Quod si Deus advenire debet ad operandum opus suum in homine, oportet linquere multiplicitem, quæ Unitati adversa est quocunq; etiam ea referatur sive ad homines, ad mundum, sive ad Corpus, ad Spiritum: id omne quod est creatum à Deo extrâ hominem, tùm & id omne quod ab animâ creatur in homine idealiter, deserat animus necessum est. Non sine ingenti labore est Exitus hic, cum hominem, ut se cum propriis actionibus exuperet, oporteat spretis potentiis ipsam naturam perfringere, hoc est, duos naturæ mores, consuetudines, & omne id, cui mens adhæret, vel à quo potissimum impeditur, abjicere.*

Q. *Cur tanta cura (diligentia) requiritur pro extirpando eo, ad quod natura vel maximè inclinât?* R. *Causa hujus requisiti*

Q. Qualis ergo est verus Exitus? R. Verus Exitus talis est, ut, quantum in homine est, ametur solus Deus, cum & ejusdem gloria quæratur sine ullo respectu suavitatis, utilitatis vel meriti, sic ut quicquid interim agitur, non sibi sed Deo agatur, etiam si in æternum nullâ mercede compensentur.

Q. Annon sic Veritatem dicunt, qui docent opera bona non esse meritoria, non digna mercede? R. Non dicere eos veritatem ipsa Scriptura testatur, cum bona opera quæ per Deum sunt & in Deo dicuntur facta, promissionem habeant meriti atque mercedis, id quod Ecclesia S. hucusque semper credidit & credere debuit: id autem quod negligitur, notandum erat, nimirum hanc ipsam cognitionem meriti ac mercedis debere esse tectam ac sine gloriatione, imò etiam sine ullo respectu vel ideò, quod meritum factorum, imò ipsum Opus bonum non simpliciter proveniat ex homine sed ex promissionis gratiâ primordialiter. Si vè ergò Deus mercedem redderet si vè non, perindè debet esse homini, ne in respectu Dei respiciat unâ mercedem: est enim Deus gratis amandus, quemadmodum & Deus gratis amavit, & salvavit genus humanum. In hac Charitate non est timor ullus, cum timor tantum sit, ubi quis commodum quærît proprium, mercedem aut gloriam, ubi verò nihil eorum quæritur, propellitur timor omnis, quia Charitas hæc sincera est.

Q. Quomodo impertitur merces ei, qui gratis amat & operatur? R. Observet (qui vult) etiam in minimis mercedem quam Deus reddit operibus, attamen id fiat sine jactantiâ necessum est. Nam sæpè sæpius compertum est in eâ observatione, si quædam gloriatio supervenerit, sequutam esse mercedem pænalem, adeoque non boni Operis, sed vel internæ complacentiæ vel jactantiæ pænam: hoc autem castigationis modo facile corrigitur attentus homo. Alioquin si quis modo debito observat Dei opera, reperiet, Deum cuncta ea, quæ homo ad Laudem Dei confert, si vè gloriam si vè commodum quoddam, suo rursus tempore convertere ad hominem, conferendo scilicet ei quasi mercedem decuplo vel centuplo fænore, prout minus & minus homo suum proprium quæsit.



imò si quis est, qui cuncta ea beneficia summâ agnoscit gratitudine, oportet eum junctim ea amorosè considerare sine imaginatione, siquidem id facere possunt benè exercitati. Ut enim picturam diversi diversimodè considerant, quam tamen peritus artifex uno obtutu totam recognoscit; ità & beneficia dominica multi venerantur diversâ consideratione, unus quidem longâ, quia seriatim, alter brevî, exercitatus autem collectivè contemplatur cuncta in uno, quæ contemplatio nobilissima est, quia simplicissima. Convenit autem linquere multiplicitatem, quoniam omnium maxima gratitudo hæc est, evacuare seipsum, quò magis Deus suum summum opus perficere, tum etiam homini suam Voluntatem & omne bonum, semetipsum scilicet exhibere queat. Remotis enim diversitatum obstaculis, majorem quis Deo reddit gratitudinem, quàm si in corde suo separatim recenseat singula unum post alterum beneficia: nam qui sic faciunt, distrahunt animum rerum multiplicitate, seq; taliter impediunt, confundunt, & imaginationibus erroneis illaqueant. Expedi etiam sibi contemplandû præfigere, tum notissimum tum utilissimum quod ei occurrit, siquidem id Deo gratissimû est & gloriosissimum, quod restat non sit sollicitus, num quid in suâ tranquillitate negligat necnè, dummodò se totum internè Deo tradiderit quo opus divinum recipiat, sufficit, etiam si & hoc opus Dei præ amore linquat, nil perdit, quin videt hinc Deum potius posthabere sua, modò ne homini intercipiatur tranquillitas.

Q. An igitur perperam faciunt, qui censent divinum Lumen perid, quod imaginem sub meditatione Lucis æternæ in iis natam considerant, velut trahi ac deduci in Lumen eorum naturale, eoq; ad propriam actionem referri? R. Absurda est ea Opinio & noxia valdè, comprimis cum sic divinû Lumen præsumatur converti in creatum. Interest autem inverso modo linquere superiori potestati tractionem, quo Lumen supernû trahat infernum naturale in suam communionem; eo quippè modo feliciter exit homo etiam à lumine suo propter amorem Dei, ut ambulet in lumine Dei.

citra Voluntatem nil cogitare, quàm nihil somniare. Id autem est necessarium, ut quamprimum observat pravas Cogitationes, viriliter supprimeat eas; secus enim Voluntas accurrens (assensus) imponit reatum cogitationibus: quod restat, si incidenter irruunt cogitationes non advertente nec consentiente animo, nil refert, nilvè nocet, quin etiam bono homini affert Utilitatem promotionis, præparationis, agnitionis & emendationis.

4. Examine opera sua, quænam sit Causa quis finis eorum, nam cum operatur, nil aliud respicere debet quàm solam divinam gloriam & hominum Salutem. Quisquis quadruplici hoc modo est præparatus, is verè dicitur à Deo tractus esse atq; è mundo evocatus, ut sit discipulus Christi: edoctus quippe est externus ejus homo, qualiter inverso modo pareat interno.

Q. Qualiter obstat huic tractioni cura temporalium, præprimis immoderata? R. Impedit quominus reveletur Bonum summum; quoniam Dominus noster abscondit se ab iis, quorum animus sollicitè angitur à jacturâ rerum caducarum, sicut vicissim se manifestat his, qui animum à Creaturis avertunt & hætenus Lumen immittunt, à quo tracti redduntur apti Deum contemplandi.

Q. Cum primi modi tractio sit tantum incipientis ac neo-conversi hominis, quæritur, quænam secunda tractio sit? R. Tractio ea quæ primam mox subsequitur, fit mediante assiduâ contemplatione Imaginis Jesu Christi. Quod si quis primo modo tractus cupit progredi, necessum est trahatur in contemplationem Imaginis Christi, ad quam si suaviter tractus est, observat in se commemorationem virtutum & operum, quibus Dominus noster occupabatur, inter virtutes eas numeratur humilitas, & mansuetudo, amor fervens erga amicos pariter & inimicos, stricta obedientia præstita in cunctis locis ac modis suæ vocationis, insignis Clementia & Beneficentia hominibus cunctis exhibita, paupertas quoq; extrema, quam sustinere non recusat, cuius Cælum & Terra, adeo nil volens possidere pro-



se dedat Domino sine consilio & sine cogitatu, hoc est, sine modo & sine ideali conceptu sic ut Dominum patiat operari se cum liberè tanquàm cum proprio organo.

Q. An etiam sic observatur gloria Dei? R. Quin etiam; imò ad majorem Dei gloriam cedit, si quis paucillo tempore sic Deo redditus manserit, quàm si permultis annis juxtà priores duos modos se exercuerit.

Q. Quonàm ergo est Christiani hominis diligentia impendenda? R. Eò, ut ordinem ac instituta Dei advertat, eoq; præfatos modos juxtà ordinem sive eam quàm sequuntur seriem tractet, ne quàm modorum confusione seipsum impediatur.

Q. Indica nunc etiam viam brevissimam, quæ est paucissimis cognita & trita? R. Ea est tractio tertia, quæ scilicet S. Spiritus
1. Cor. 3. homini datur, quàm etiam panditur janua ad cœlestia Mysteriorum atria, ubi nuda veritas est & perfectio, tantaq; divitiarum multitudo, quàm oculus non vidit, auris non audivit, & in Cor hominis non venit, nec linguis hominum exprimi potest.

Q. Qualiter autem fit hæc magna revelatio? R. Nonnunquam fit per modum tractionis, quandoq; per modum resignationis: Verùm hoc obiter nôsse expedit, impossibile esse, ut quàm ad summam hujus Vitæ perfectionem pertingat, nisi externus homo conversus sit in internum.

Q. Cur autem summam dicis perfectionem, si hujus Vitæ perfectio est imperfectio? R. Cùm suos comparisonis gradus habeat mortalium perfectio, hinc meritò per adjectam voculam (summa) intelligendus datur gradus summus seu eaperfectio, quàm in caducâ vitâ superior nulla est nec esse potest, & hætenus dictio hæc nihil præjudicat perfectioni cœlesti, cujus respectu mortalis perfectio est imperfecta sive longè inferior si comparetur. Idcirco etiam mortalis perfectio meritò vocatur summa cum discretionem, ubi totus homo possidetur à Deo, ubi divitiæ revelantur admirandæ, quæ verbis nequeunt describi, imò quas natura humana nonnisi ad pauca momenta sustinere potest. O quàm imperfecta est natura, quæ vix illuminationem

Etus à cunctis rebus, quarum Deus vera causa non est, qui, quantum in iis, carent imaginationibus, hoc est, Ideis peregrinis affectionum, cupidinis, angoris, sollicitudinis, omnisq; generis curarum, qui deniq; omnia non secundum morem hodiernum in malam, sed secundum morem antiquum, in bonam partem vertunt: Neq; enim frustra scriptum est, mundis esse omnia munda, sic etiam mansuetis & humilibus nil est amarum, offensivum & odiosum.

Joh. 6. Q. Ad tractum redeundo, cum sit necessum, ut trahat Deus hominem juxta illud Christi: Nemo venit ad me, nisi Pater, qui misit me, traxerit illum: Tractio verò hominis per Deum facta videatur quodammodo excludere liberum arbitrium, quaeritur, num Deus trahat omnes in Universum homines uno modo? R. Si Deus traheret omnes uno modo, aut tolleretur liberum arbitrium, aut homo culpæ excideret: cum autem tractio fiat juxta proportionem arbitrii, desiderii & obsequutionis humanæ, hinc uno modo fieri nequit, sed modis diversis.

Q. Quot modis perficitur ea tractio? R. Assignati sunt quidem antecedenter tres modi, sed isti fuerunt singulares partim ex parte hominis, partim ex parte Dei, quia per medium Luminis divini, hinc autem ad tuam quæstionem sunt etiam assignandi alii tres modi, qui sunt communes & tantum in genere observati, præter quos benignus Dominus sibi reservat 6. alios modos, quibus trahere solet, quos sibi elegit esse charissimos; exemplum eorum exhibent Christi discipuli.

Q. De tribus modis vulgaribus quæ habes tradito? R. Tractio primi modi fit per Creaturas, per quas seipsum Deus præbet cognoscendum in lumine creato animarum, id quod S. Paulus indicat dicens: quod ethnici è creaturis Deum cognoscere & revereri debuerunt. Ista autem tractio per Creaturas est saltem nutus & cunctatio Dei.

Secundi modi tractio fit mediante alloquio animæ, ut cum æterna veritas occulto modo se objicit animæ, quæ hoc & non alio modo cognoscit & amplectitur veritatem, prout ait S. Augustinus,



ter sic trahit ? R. Duæ hujus tractûs assignantur causæ , quarum

1. est libera Dei Voluntas , quântantùm quosdam homines eligit , qui sibi sint secreti & acceptissimi , ad eum ferè modum , quo Reges adserviendum quosdam adsciscunt , qui aulico amictu induuntur , alios verò liberè eligunt , qui sint iisdem à consiliis Secretis. Hoc quoad increatam potestatem liberi arbitrii , quod Dei est ; verùm quo ad potestatem creatam liberi arbitrii , quod hominis est , in eâ sita est causa.

2. nimirum quod homo unus præ alio plusminus præparatiōni divinæ auscultat , unus præ alio magis inhæret divino alloquio , vocationem & tractionem Dei avidius observat , eoq; præ cæteris longè majori sedulitate conatur defectus deponere , impedimenta remove &c. & hinc (quod probè notandum) fit , ut unus præ alio magis ; hoc est , juxta mensuram conatûs trahatur.

Q. Ecquid habebant discipuli Christi præ aliis , quorum respectu Dominus eligebat eos seorsim in Amicos ? R. Eorum præcellentia consistebat in eo , quod cordiali pœnitudine periebant remissionem pristinæ rudis ac ignorantia plenæ vitæ , quod suavem doctrinam , sanctam vitam , mortem acerbissimam , immensam charitatem & resignationem Domini nostri sedulo revolvebant , seipsos deferendo & Deo offerendo , ad hæc quod Voluntatem Dei continuo observabant in spe & expectatione , depositis cunctis mediis obstantibus , quantum in iis erat , quod autem deerat eis , à Dei Virtute precabantur obtinendum. Horum omnium respectu tanquàm causâ causante trahebantur singulariter , quo modo etiam hodiè trahuntur , quotquot se sic exercent , qualiter discipuli se exercuerunt.

Joh. 15. Q. Nondum videtur ad quæstionem satis responsum esse , cum obstat objectio , nimirum , quod ea omnia Discipuli non potuerunt propriis Viribus peragere , testimonio Christi dicentis : sine me nihil potestis : consequens hinc est , debuisse eos & voluntatem eorum trahi singulariter ad eas exercitationes ? R.

Verum



creaturarum temporalium eo fine, ut mediante hoc tractu potuerint pervenire ad veram resignationem. Ne autem istis vinculis semel liberati in ea denuò inciderent, mittebat per Filium suum doctrinam quatuor regularum, quæ forent quatuor columnæ Vitæ eorum.

Q. Cum curiosis non sufficiat has regulas nominasse, dic quæso, quales illæ sint, si quæ Curriculum Vitæ cuiquam liceat juxta easdem instituire? R. Apud Evangelistam scriptum invenimus Matth. 10. Non aurum, argentum, non pecuniam circumporteris nec loculum, non duas togas, non calceos nec baculum. &c. Quod si quis rectè consideret eam à temporalibus abstractionem, inveniet eam discipulis fuisse perquam necessariam, si unquam Scholâ æterni Luminis receptis se cupiverint.

Q. Mira dicis: quid ergo Schola sancti Spiritus habet in se? R. Hæc Schola habet quatuor proprietates, quarum

1 est, quod longissimè distet ab omni tempore, non sita sit in tertio Cælo, & quod omnes Cælorum ordines atq; virtutes motrices superet, idq; omne quod habet Symbolum durationis.

2 est, quod nequeat pati vel locum in se concedere ei, quæ vel commune vel proprium sibi queat dici, ideòq; statim conturbet tale quid, si quæ in seprehenderit.

3 est, quod in seipsâ dimoratur, quatenus ibi nec ventus nec pluvia defectuū reperitur, neq; ulla alia mutabilitatis causa.

4 est, quod clara est ipsa, pura & luminosa nec indiget Luce Solis & Lunæ, quarum aliàs proprium est oriri & occidere terramq; obscuritati reddere. Sol namq; æternus illuminat & clarificat eam incessanter.

Q. Siccinè, quæ istæc Schola in quâ discipuli erudiendi erant longissimè distat à campo creaturarum temporalium, quæ tam similes sunt, angustæ, impuræ & inquietæ, necessum erit eam trahi discipulos à compedibus rerum temporalium solutos? R. Omnino id erat necessum, quia sicut dixit S. Hieronymus, tam impossibile est, ut Deus se demittat in tempus & res temporales, quàm impossibile est lapidi habere angelicam sapientiam.

Q. Cui



Quadruplex observatio reddit cognitionem luciderum
qvarum.

1. est, quod veritas & amor (quò tota doctrina Scholæ cele-
stis collimat, quod probè observandum est) non habent Ideas
imò nec extrà animam evagantur: quid quod Pictor etiam
ficiofissimus nec Veritatem nec Charitatem potest ad propriam
depingere, eâ solum de causâ, quod nulla reperiatur earum
Idea, sive extrinsecus sive intrinsecus: quin etiam si qua Idea præ-
diceret ab amore, non verus tunc ibi amor esset, id quod & de
veritate sic est dicendum.

2. quod in cœlesti Scholâ non docetur mediantibus nec
literarum, quia nec ibi librorum apparatus est, qvatenus cun-
ctâ externa hæc sunt longè remotissima. Hic enim veritas
dicitur intus absq; Ideis, quæ & eatenus, hoc est, defectu crea-
tarum Idearum est & manet ineffabilis. Hoc ipsùm observâ-
se humilem Franciscum ex eo colligendum est, quod Fratri-
bus dissuadebat assiduam librorum lectionem, ignaris quoq;
literarum suadebat, ut tantùm super omnia ardentè desiderium
habere S. Spiritum puro corde flagitando sanctam ejus effica-
ciam.

3. Quod ibi docetur Sapientia cum humilitate, sermo cum
lento, vita cum morte, scientia cum oblivione, cujus exem-
plum S. præbet Johannes, qui cùm considerabat fontem æter-
næ Sapientiæ, dormiebat. S. Paulus autem ignorabat, num fue-
rit in Corpore tunc necnè, cùm trahebatur conspectum æter-
næ Veritatem. Ad discipulos id applicando, opus est
privari eosdem cunctis Ideis, quò in præfatâ Scholâ potuerunt
erudiri.

4. Quod ubi locus datur & occasio specierum recipiendarum
ibi quoq; tempus suppetat pro phantasiæ exercitio; secus lan-
gè comparatum est cum Scholâ superni Spiritûs, in quâ ubi
tempus est aliquid, nec Idea efficit aliquid: id autem quod
necessarium est, contactus quidam est, qui fieri potest sine mo-
mento temporis.



quale est aliàs resistens Voluntas aut naturalis inclinatio. Nam si complacitum erat Domino præsidere in iis tanquàm Magister suavis, liber, excellens & integer, à quo discere debebant, aliosq; subsequenter sic informare, id quidem fieri non poterat, quamdiu non erant missi in libertatem solutà captivitate internâ, ut quæ cum libertate, nobilitate, integritate & charitate simul stare nequit.

Q. Qvî factum, quod cunctis Ideis privati discipuli velut à seipsis prorsus abscedentes in statu naturali sic permanferint, ut quâ pro naturæ defunctis haberi potuerint? R. Natura eorum non moriebatur hætenus, quin potius erat magis talis sub resignatione eorum, quàm unquàm aliàs: nam determinatio naturalitatis quâlibetq; Creaturæ facta est juxtà quandam ordinem, qvî Domino naturæ placuit, & ideò habet Creatura naturam eam quam habet, hoc est, juxtà ordinationem divinam. contrà quam si quicquam ageret Creatura, faceret contrà naturam; hinc non erat contrà naturam, quod baculus Moïsis conversus fuit in Serpentem & vicissim, quia id factum fuerat juxtà ordinationem divinam sic quatenus discipuli se totos mancipabant Voluntati divinæ, eatenus reddebantur summè naturales, natura quippè eorum non expirabat in iis, quæ potius exaltata in ordinem rectissimum redigebatur; non minus quoq; Idearū habebant quàm antecederet, sed ac si non habuissent: nam ab Ideis non patiebantur se moveri, quo ad se rursus vel extra Deum se recipiendi causam acceperant. Proinde sensus ejus, quod dictum est, discipulos fuisse privatos cunctis Ideis, clarior redditur ab exemplo Candelæ ardentis, quæ, si meridianæ solis Luci exponitur, non minus lumen suum effundit quàm in obscuro; frustra tamen lucet, quia lumen ejus cum lumine solis confunditur, majusq; lumen minus in se sic rapit, ne à seipso luceat, sed tantum in majus dispergatur. Hoc ad Ideas & ad naturam discipulorum comparative relatum demonstrat, quod quicquid sub exercitio eorum tunc operabantur, divini Luminis erat, quanquàm longè magis quàm antecederet naturales pleni;



vel maximè versatur hîc liberum arbitrium, quatenùs Dei Voluntas plurimùm operatur, ubi dona sua distribuit quando, quantum, & cuicunq; vult, quod æq; ad Apostolos atq; ad alios homines spectat, quod in S. Paulo observatur.

Q. Si quod Apostolis datum est, ad alios quoq; spectat, quaeritur, an S. Spiritus sit tantùm in festo Pentecostes Apostolis in personâ datus? R. Cùm, sicuti Doctores docent, S. Spiritus in personâ detur hominibus toties, quoties donatur iis gratia infundens Charitatem, sequitur Discipulos multoties accepisse S. Spiritum antecedenter: ast quatenùs Spiritui S. ejusq; donis se totos perfectè obtulerant, in hoc respectu dici potest, eos ad diem Pentecostes demum accepisse S. Spiritum.

Q. Quid sexti modi tractio habet in se? R. Sexto modo trahabat & perducebat eos æternus Pater in Scholam sublimem Spiritûs S., quò cùm venissent, confestim pernoscebant S. Scripturæ absconditam profunditatem ac nudam illucentem Veritatem, quæ usq; adeò incomprehensibilis est omni tempore, ut omnem naturalem intellectum cunctorum Doctorum superet.

Q. Quotuplex est doctrina, quam Scholâ S. Spiritûs tradidit R. Septuplex.

Q. Recense quid habes de eâ? R. In eâ Scholâ objiciebatur discipulis

1. Magnitudo Dei & hætenùs infundebatur iis donum filialis timoris, quem toto Vitæ tractu conservabant.

2. Cuncta reddebantur iis possibilia à concessâ indefinente Deum inspectione, unde in eos descendebat donum fortitudinis.

3. Docebantur custodire non tantùm mandata Dei, sed etiam consilium Christi, cum quo accipiebant donum consilii.

4. Gustanda iis præbebatur suavitas secretæ familiaritatis Dei accepto simul dono mansuetudinis.

5. Docebantur qualiter se custodire poterant versando inter Creaturas atq; dignoscere inter lumen divinum & naturalem instinctum, hinc iis dabatur donum artium.

illustrando accendit, imposterum verò nil ejus rei facit, homo autem paulatim sic deferveat, frigescat & rigescat, quid indè discendum? R. Homini probo discendum est, præfatum Dei actum esse lusum & pellectum dehinc citissimè desinentem, quia divinum. Quod si breve hujus actûs spectaculum obtueris, hanc brevitatis causam nôris esse, quia Deus ideò cooperatur ab initio, ut suos doceat, qualiter sit suâ sponte operandum tunc, cùm Deus examinat specimina eorum non illuminando, non vocando, non cooperando amplius. Tunc certe opus est seipsum incitare, & proprio motu, proprio ardore, propriisvè sumtibus Deo servire.

Q. Quomodò in hoc statâ flectitur & reflectitur voluntas humana? R. A principio trahit quidem Deus voluntatem funiculo donorum seu beneficiorum, ità quoq; observat homo voluntatem Dei in Voluntate suâ operantem, undè multimodè lætatur. Ast factâ postea reflexione totum vertitur in adversum, quatenus Dominus Deus noster vult, ut voluntati nostræ abrenunciemus (quod sanè penitus adversum quid est) & ut in summâ difficultate, in gravi passione adipiscamur eum, ut ignotum, ut occultum, ut aversum Deum & tamen verè non aversum.

Q. An ergò tractus divinus nullus est præter eum, cujus sensatio initiantium illectio est? R. Imò præter sensibilem, qui factò initio remittit, & præter subitaneum, notabilem & momentaneum, qui etiam impulsus vocatur, est alius quem nominant secretum, tardum ac perdurantem, vel ideò, quia insensibilis & ignotus est, vix unquam creditus, quia non animadversus. Est autem paulò antè proposita Dei Voluntas tractus hic, quo scilicet Deus modo secretissimo ad seipsum ducere vult hominem contra placitum hominis tamdiu, donec Voluntas naturalis subjugetur divinæ. Est etiam divina Voluntas, ut de velle & nolle nobis nulla cura sit, ut prospera & adversa non flectant arbitrium, ut dum quis accipit, habet vel caret, animus non declinet, utq; missis caducis rebus adhæreamus

mus soli Deo. Beatus mortalis, qui talis est vel efficitur, & iterum beatus dicendus est, quia degustat beatitudinem ipsam in ipsâ mortalitate modo inexplicabili, & hætenus status iste quominus sensationis ac modalitatis, plus autem veræ ad Deum fiduciæ habet, est præferendus Statui amoris & illectionis, quominus essentialis resignationis habet.

Q. Etsi de divinâ tractione nunc satis dictum sit, incidunt tamen mihi quædam circumstantiæ, quæ dignæ videntur quæstione, liceat ergo interrogare ac simul responsum à te requirere super ea quæ sequuntur, ut: quoniam homo vocatur Microcosmus eò quod quâdam harmoniâ symbolizet cunctis creaturis, nimirum quoad subsistentiam cum lapidibus, quoad Vitam cum vegetabilibus, quoad sensitivam cum brutis, quoad mentem cum Angelis; dic annon intelligatur homo per verbum omnia, cum Christus dicit: quando à terrâ ero elevatus, Joh. 12. omnia ad me traham? R. Sine dubio intelligitur ibi tractus hominis, imò & cunctæ Creaturæ sunt media, quibus Deus trahit hominem. Rebus quidem desideriosis pellectum trahit hominem, noxiis & adversis velut quadrigis provehit eum.

Q. Quid si homo, ut sæpè fit, non sentit ullum tractum? R. Suâ culpâ non trahitur, qui vel non orat, vel non laborat, ut trahatur. Rete Domini expansum est super totum mundum, idcirco competit homini ut piscem imitatus incurrat in rete: qui irretitur, sine morâ & capitur & trahitur. Porrigit Deus manum, hominis estprehendere eam, sic namq; trahitur quia volenter. Quod si mens à peccatis & defectibus suis mundata est, trahitur parvo spiritualis Contemplationis adminiculo sursum in Scholam supercœlestis cognitionis, adeoq; comparatur levi plumæ, si nullibi hæserit, sursum tendenti, si hæserit, deorsum vergenti. Hujusmodi animus liberatur à corporali reticulo, & fertur in secretam tranquillitatem, ita ut omnis respectus ejus & arbitrium adhæreat Deo inseparabiliter.

Istæc Spiritus cum Deo adunatio ad hominem relata vocatur transfiguratio, quâ mediante cuncta quæ homo forinsecus

accipit, &ificentur in ipso in quem homo tractus est Deo: idcirco quicquid agit, sive edat, bibat, sive dormiat, vigilet &c. hæc omnia opera sunt summa Laus & gloria Dei.

Q. Dic in quo sita sit summa hominis perfectio? R. In Silentio interno cum suspensis potentiis, in puritate indicibili & in angelicâ similitudine sublimatur animus, ejusq; rei veritas inde constat, quod homo taliter exspoliatur omni disparitate vel dissimilitudine obtento prægusto æternum fruituræ beatitudinis.

Q. Quomodo futurum est, ut homo restituat Deo gloriam sub permanentiâ roboris (duritatis naturalis) & sub paupertate animæ? R. Id eo modo fieri potest, cum scilicet homo quantum per Deum licet, desistit ab omni actione tam externâ quàm internâ & juxta ordinem vel mediatè vel immediatè adipiscitur Deum simul atq; seipsum, deniq; cum etiam cuncta ea bona dona, quæ accepit, Deo reddit ceu alienum debitum. Hoc modo restituitur Deo gloria sua.

Q. Quot gradibus interstinguitur mortalis hominis perfectio? R. Quatuor modis: Primum puritatis gradum attingit homo, si Voluntatem suam cum discretionem decenter (juxta ordinem) habet averfam à cunctis rebus temporalibus. Secundum attingit, qui persistit in pace & requie cordis sui. Tertium attingit, qui animo imperterritò cuncta contingentia à Deo suscipit Deo deditus. Quartum attingit depuratus animus, qui sui & rerum omnium immemor in Deo annihilat seipsum. Hæc summa est & perfectissima puritas.

Q. Dic, qui his nobilibus modis perficitur, qualiter se ad eos habere debeat? R. Non debet sibi complacere in iis Dei operibus, sed in profundâ submissione sive fiant in eo sive non fiant, indignum se peccatorem reputare, interim in Deo acquiescere, donec perficiantur in eo, ad laudem & gloriam secretorum ejusmodi operum, quæ Deus ubi vult, operatur. Quicumq; Deum secretò operantem patitur, nimirum in ratione operis omnipotentiam Patris, in ratione Luminis sapientiam Filii, in ratione conservationis Charitatem S. Spiritûs, is quo ad sensus
 qvi

qui trahuntur, quoad potentias quæ illuminantur, & quoad potestates quæ tolluntur in altum, totus cum Deo unitur.

Q. Cum autem objectum hoc (secretum otium) non semper se sistat præsentem, nimirum sic ut natura id sentiat, præsertim cum homo sæpenumerò se tenuem ac indigum reperit, quæritur, quid faciendum sit tempore carentiæ? **R.** Constantem persistendum est in prædictâ insensibilitate & modo abstracto, nec recurrendum ad pristinæ sufficientiæ media. Nam homo, cujus Voluntas in Deum absorpta est, tametsi non semper sensibilem devotionem vel desiderium habeat, non tamen hac ratione est minus purus vel magis profanus, quoniam Deus tantò tutiorem in Spiritu reddit hominem, quantò naturam ejus magis extenuat, homo quoque sub necessitudine persæpè percellitur timore & afflictione.

Q. Quænam timoris Utilitas? **R.** Si timor non sitingens, hæc ejus Utilitas est, quod tutum facit hominem velut sub antemurali seu propugnaculo, quo conservatur munitus, ne nimis liber reddatur & temerarius, prodigus scilicet boni desertor. Quod si Deus id ità ordinavit, è summâ Charitate factum credendum est.

Q. Cum tractus divinus à nonnullis illustretur à simili Virtutis magneticæ, quæ Magnes ferrum attractum sibi retinet, ferrum verò, cujus natura non est movere se sursum, percepto lapidis tractu non amplius quiescit, sed supra seipsum scandit in sublime, quæritur, an tractus divinus se habeat simili modo? **R.** Id quidem ità dicere licet, quanquam non omnes qui trahuntur, promptè sequantur; quin nec Magnes omnia Corpora ferrea trahit, quia non nisi ea, quæ pondere respondent proportioni: sic Deus trahit alios magis alios minus juxta dispositiones eorum, omnes tamen trahit, quia omnes (quantum in se) salvos habere cupit. Quod autem dona Dei (tractus scilicet & monitio) magnâ disparitate accipiantur & observentur, id non Dei causâ sed hominis culpâ fit: hinc omnes cœcutiunt, qui dicunt non trahi se à Deo, sicut quidem trahuntur aliqui. **Dif-**

fert autem tractus superficialis à fundamentalis juxta diversitatem præparationis & juxta capacitatem subjecti tractabilis: nam multi sunt, qui dona tractus hujus non sentiunt, alii sentiendo non attendunt. Idcirco cum advenit Dominus cum largis suis donis & reperit animum sollicitum peregrinum hospitem tractantem, cogitur recedere ablati secum donis suis, quæ alioquin incessanter donat cunctis iis, qui corda sua Deo conservant in puritate. Non venit Deus ad eum, qui amat alium præter eum, qui maximus est cuncta implens, omnia perficiens. Hinc illæ lachrimæ, hinc & æterna nostra damna. Ad quid enim omnis nostra cura & conatus, si nec ipsos nos, nec DEI præsentiam observamus? inutilis ea admodum est atque poenalis, quia culpata. Contrarium reperitur in iis, qui fundum suum evacuatum servant in puritate, nam ejusmodi fundum tangit Magnes divinus verè ac sincerè, quia dispositum (præparatum); imò cum tactus Dei se habeat juxta nobilitatem (dispositionem) subjecti sic ut quo purior animus, hoc fortior sit tactus, fit, ut tactum sentiat tantò facilius tantoque sincerius sequatur, quanto præ aliis est tactus impensius. Nihil enim tales homines sibi retinent de donis acceptis (in quibus gloriantur debiles) lætitiā mittunt, solatium suspendunt &c. solum sursum scandentes ad Deum, suæque naturæ obliti semper sequentes id quod trahit Numen.

Q. An singulis convenit scrutari, num sint à Deo tacti necne? R. Omnibus convenit sine discrimine.

Q. Quales sunt qui non tanguntur integrè? R. Illi, qui multis modis incipiunt benè sicut & alii multa dehinc & magna bona sperent; ast in progressu deficiunt subito præcipitati in mores antiquos, in curas Creaturarum, id est, quæ naturæ subjacent rerum. Hujusmodi homines quidam comparavit canibus ignobilibus quibus nulla venandi cupiditas est, quia currando non curant feras, sed tantum sequuntur sui similes canes venaticos brevi spatio, venatione & viâ paulò post relictâ vagantes pro suâ phantasiâ. Idem dicit accidere incipientibus
minus

minus prudentibus, qui non progrediendo (proficiendo) sistunt cursum in Vitâ eorum. In Veritate, dicit, breve tempus est, quò morâ factâ captâve voluptate quis cursum suspendit æterno interim Bono relicto tanto quidem intervallo, ut minime queat attingi impofterum. Eapropter quicunq; dimorantur, restant in æternum destituti, donec æternus Deus est in veritate, id quod exemplo quinq; desipientium virginum declarat Dominus in parabolâ.

Q. Ergone vicissim licet nobiles homines comparare canibus venaticis, qui feram è vestigio persequuntur tantâ pernecitate, donec eam capiant spretis interim interjectis remoris (verpibus)? R. Aptâ etiam hæc est comparatio, cum nobiles homines cuncti qui bonum æternum observârunt, nullâ causâ permoveantur cessare, donec id consequantur.

Q. Estne possibile, ut quod per negligentiam est perditum suppleatur tempus? R. Est, dummodò misericors Dominus eousq; concesserit Vitam: hoc ipsum supplementum consistit in eo, ut perniciosum naturæ objectum præfatum cursum interceptiens veloci & constanti aversione, oratione, firmâq; fiducia in Dei misericordiam (in quâ tota nostra salus pendet) abigamus, insuperq; accuratâ sui ipsius observatione immediatè Deo adhæreamus. Medio hoc uno suppletur perditum tempus omne.

C A P. V.

De Coercitione hominis externi.

TRactio Dei supponit in homine aliquid, quod Deo non est placitum, à quo cum abstrahatur Mens, necessum est intelligi quid sit quod causam reddit abstractioni. Est autem id omne quod mundo velut per quandam consanguini-

guinitatem affine est, atq; quodammodò hinc affixum ei. v. g. Externus homo id est, & omne ejus versus contenta mundi desiderium, à quo quis possit ac debeat abstrahi, ostensum est in capite præcedenti. Opportunum ergò nunc erit tractare etiam de homine externo, qui maxime solet cuius tractationi resistere, qualiter queat adeò coërceri ut redigatur in ditionem Spiritûs: quæritur sic:

Q. Cum Homo externus vivat juxtà carnem, juxtà mundum & juxtà tentationes, econtrà internus hæc omnia fugiendo vivat juxtà Spiritum sic ut seipsum vincat in cunctis rebus foris & intus, id quod externus non curat, dic. quæso, quibus mediis (modis) possit subigi ac regi homo externus? **R.** Id Dominus noster Jesus Christus docuit per parabolam quinq; Virginum prudentium & quinq; desipientium, quæ Vitam externi & interni hominis describit. In prudentibus conspicitur vigilantia, patientia, & expectatio, in imprudentibus negligentia, oscitatio & stupiditas. Videndum itaq; est, quid vigilantia & prudentia requirat, quâ mediante regatur externus homo. Quinq; autem modis subactus regitur homo externus, qui & hætenus sollicitè sunt observandi, eorum

1. Consistit in temperantiâ rerum quæ naturalem necessitatem concernunt, quales sunt cibus, potus, amictus, somnus & vigiliæ. Ideò opus est sic iis uti, ut natura dehinc sumat tantum quantum ei est necessarium, ne ad peccandum robur acquirat.

2 est, simplicitatem quærere in omni re, amicti habitu vestium vili & simplici, se gerere simpliciter eundo, stando, loquendo, operando, ubiq; verecundum esse & compositum, mores gestusvè simplices habere.

3 est fugere vana pravaq; consortia, præprimis homines, qui sæpè & audacter loquuntur vanitatem, quatenus oportet eum esse sollicitum suarum rerum observatorem.

4 est, vivere in fudore vulcrûs, hoc est, manibus suis laborare, ne unquam otiosè vivat, quàm dives etiam sit, si quidem otium est ostium ad omnem impuritatem.

5. O-

5. Omnem conatum impendere, quo sensus suos devincat avertendo se à cunctis, quæ fortè accidunt tentationibus, quia viriliter est resistendum, nunquam autem iis consentiendum. Nil magis infervit huc, quam si quis suas tentationes humiliter revelat sancto homini, cujus consilio se conferat ad disciplinam Corporis juxta candidam discretionem & ad orationem devotam. Nam qui seipsos non regunt taliter juxta externum hominem, hi omnes coram Deo annumerantur Virginibus desipientibus.

Q. Quid ergo competit virginibus prudentibus? R. Cum inter eas non solum Virgines, sed etiam alii, imprimis Cælibes connumerandi sint, decet eos ornare se juxta internum hominem, cujus fundamentum est cordis humilitas: nam Dei Fratres & Sorores vocabuntur, qui faciunt Voluntatem ejus & qui sunt cælibes, non debent judicare nuptos, neque desiderare ut aliis placeant in Vita virtuosâ præterquam soli Deo, alioquin sunt Phariseis similes. Virginitas non est mandato imposita, præcepta autem est humilitas. Virgo superba, superbus Cælebs sunt coram Deo longè deteriores & pigriores quam humiles conjugati. Ancilla neminem debet despiciere, omnes autem diligere, non magni se aestimare, sed semper in timore continere. Crescentibus & complacentibus peccatis obrigescit Charitas cum cunctis Virtutibus. Legimus, quod Virgines se-
Apo. 14

quuntur Agnum, quocumque ierit, hoc est, si permanserint in verâ puritate & humilitate: nam si qua deturpantur à superbiâ vel aliis grandibus peccatis, præcedunt longius pii Conjuges.

Q. Ad quid ergo virginitati dantur tanta Encomia? R. Eò quod Virginitas habet originem à Deo ipso, quid quod & Angeli à Deo didicerunt eam, quod ea in Cælo ad inventa est, ibidem quoque mansura in æternum post diem novissimam postque resurrectionem mortuorum. Nam, sicut legimus, in Cælo non nubent, neque nubentur, sed erunt sicut Angeli Dei, æternas nuptias cum Deo habituri, solvi scilicet ab hominibus, solumque alligati Deo ad proferendum fructus æternos. Magnâ tunc po-

LIII

tientur

Matth.
22.

donum ejus, hinc prudens Virgo ob quælibet cunq; dona non pluris æstimat se quàm erat æstimanda antequàm nasceretur, siquidem Deus cum donum dat, donat cum eo simul semetipsum; hoc autem facit ideò, quia in tali homine non impeditur, quin potest quod vult in eo operari. Deus quoq; perficit eos nunquàm desistendo à suâ Clementiâ, si quæ fideles reperit, tales autem & nos sumus, si locum eiccedimus patiendò cum eo, obsequendo ei, & sine philautiâ operando cum eo.

Ad signa quoq; refertur indoles humilis hominis, ut qui se censet indignum loco ubi est vel cum quo est. Infimum quærit locum, & partem vilissimam habet sibi acceptam in rebus concessis vel suæ necessitati dicatis. Nullibi conqueritur de passione suâ, nec super ullâ afflictionem ducit querelam coràm Deo præterquàm sub magnâ anxietate & timore, dum scilicet argetur passio, quoniam à manu Dei recipit hæc omnia: non culpam conjicit in eum, à quo affligitur, quia à Deo assumit res cunctas in justificatione, Deus enim nil unquàm permittit accidere homini propter aliud quid, nisi propter bonum ejus. Virgines præfatæ sic vivunt & moriuntur sine fastidio. Hæc est compendiosa ad Deum & ad Cætum prudentium virginum veniendi via, secùs qui tales non sunt, annumerantur virginibus imprudentibus, tametsi id ipsum non credant. Qui vult in Deo veraciter esse, eum oportet coràm seipso & coràm cun- Joh. 12. ctis hominibus desipere, & quisquis vult suam servare animam, debet eam amittere deferendo hîc vanam gloriam. Porro quicumq; cupit ad veram humilitatem pervenire, eum oportet servare tria sequentia, nimirum humilem resignationem, passionem, & charitatem.

Q. Qualiter potest aliquis addiscere resignationem? R. Taliter: oportet eum non solum deferere grandia peccata, sed etiam in rebus spiritualibus debet nullam quærere voluptatem, ut nec in bono exercitio, puta jejuniis, vigiliis, precibus, lectione, cogitatione appetere solatium, gustum, dulcedinem aut desiderare mercedem: nam & paratus debet esse homo

deferendi jubilationem, contemplationem & similia, cum Deus vult, sicut ei videatur non dari supra se hominem magis vanū, despectum, frigidum & negligentem, quamvis in suis operibus nihil scienter negligere aut otiosè intermittere teneatur. Hoc modo annihilatur homo in seipso, quia amittitur hīc in bonis operibus omnis voluntatis proprietates, philautia, sapientia, arbitratus, affectatio & complacentia propria: sic quò id profundius in eo est, eò veracius, quoniam hanc ipsam submersionem affert ei Deus ipse, & quod Deus est abyssus humilitatis, hactenùs comprehendit eum anima in humilitate profundā, & Deus vicissim sese adunat eidem animæ. Sic immutatur homo in Deum, quasi alius homo factus esset, id quod efficit S. Spiritus qui regit eum.

Q. Qualiter potest quis servare secundum, nimirum passionem? R. Quatenùs passio inservit ad resignationem & humilitatem, opus est, servare eam sic, ut patienter & pacificè quantum potest, homo perferat omne probrum, prosperum & adversum, gratum & ingratum, par & impar, lucrum vel damnum, contemptum, detractionem & similia, quomodocunq; fiant, foris vel intus, etiamsi nonnunquam videatur bonum non esse, sed potius malum, (juxtà suam rationem) aut etiam Virtuti vel salutis adversum. Patiatur ubiq; volenter libenter fidendo Domino Deo, etiamsi non intelligat quare obveniant ei tot & talia: nam sic futurum est, ut inde egregii pronascantur fructus humilitatis. Omnis hīc exarescit Sapientia & arbitrium hominis, cum omnia in melius cedere oporteat, si sustinuerit. Quod si quandoq; videatur ei damnum emergere è rebus temporalibus vel spiritualibus sibi acceptis, nihilominus futurum est, ut per humilem eam cruciantem resignationem se longè promoveat in Deo ad veras Virtutes.

Q. Qualiter potest insuper servare charitatem, ut ea inserviat humilitati? R. Charitas nusquam præclarius exercetur præterquam in abstinendo & sustinendo. Et tamen si verum sit, quod aliquis in charitate possit tam in sublime scandere, ut Deum ample-

amplectatur mediante unitate voluntatis, nihilofeciùs etiam verum est, quod Deus descendit in patientem & resignatum hominem cum omni quod est, & tunc comprehenditur ab animâ amante, ipse verò amplexando rapit in se totam eam. Sic anima seipsam perdit cum revertitur in suam originem, undè dimanavit, at per id secunda redditur in hac Vitâ, quantum possibile, de æternâ Dei fruitione. Et ideo quibus hoc affuturum est, opus habent verâ humilitate, ut & hîc Deum discant contemplari quantum permissum est, adhuc sunt necessaria tria puncta sequentia: Primum est, ut homo habeat sinceram intentionem, puta nil aliud desiderandi quàm Deum, nil aliud amandi quàm Deum, sed soli ei complacendi: sic homo benè contemplabitur. Secundum est, ut beneficia Dei contempletur sustinendo humiliter, seq; ex charitate offerendo totaliter, non autem extollendo se, cum Deus ei dat absconditarum rerum intelligentiam. Tertium est, ut habeat sedulitatem in spiritali exercitio, quo suas cogitationes sursum dirigit ad Deum, qualicunq; meditatione, modo plausibili magisve tractivo, sive sit de Divinitate vel humanitate Christi, sive de sanctâ vitâ, sive de innocenti passione ejus, sive sit aliud quidpiam, quatenus quodlibet punctum S. Scripturæ complectitur in se divinum quendam sensum, qui potest inde extrahi.

Q. Quid, quæso, hinc est concludendum? R. Id, quod homo posset quicquid vellet à Deo impetrare, si haberet id, quod tria præfata puncta in se continent, nimirum veram intentionem cum patientiâ, resignationem ex charitate in humilitate, & Zelum ardentem in exercitio spiritali. Huc autem plurimum adjuvat sana natura, robustum caput & sensus subtiles idonei, & ideo valde proficit in Vitâ spiritali, qui hæc per gratiam Dei obtinet. Cæterum omnes virtutes & opera virtuosa dependent à 6 punctis sequentibus 1 est vera humilitas 2 in passione patientia 3 Resignatio in cunctis rebus 4 vera charitas 5 divina intentio in omnibus 6 Sedulitas in Exercitio spiritali. His observatis devincitur externus homo atq; redit in Unitatem cum interno.

LIII 3

Q. Cum

Q. Cùm alibi edoctum imò & utile sit, ut certis quibusdam modis exerceatur homo externus, ne naturalis ruditas præpediat eum, quominus ad Viam Veritatis progrediatur, dic, quæso, cur hi tam parvipendantur & parabolicè comparentur foliis sterilibus, quæ ventus dejicit, ut conculcata putrescant & infimum vertantur? **R.** Tametsi initiantibus & neoconversis sint valdè utiles & necessarii, non tamen eatenus sunt magnipendendi, quoniam sunt prima rudimenta quæ longissimè adhuc ab ipsâ veritate distant, & quia sunt mediaremotissima, pueris familiaria, hætenùs vilissima sunt: cedunt namq; semper dignitate minora majoribus. Cùm autem degener mundi ætas delicatis filiis imponat, ut quæ magna sunt parvi, quæ parvæ sunt magnifaciant, oportet monere sedulò, ne semper in umbrâ sedeant, sed propius ad lucem accedant ocyus. Sunt enim permulti modorum tam tenaces, ut aliud audire nolint, quin & ab hac amentia nemo valet liberare eos, nam sive ad voluptatem tegendam sive ad custodiendam consuetudinem, certè non sine insigni suo detrimento id faciunt. Hi animi viles sunt ac nusquam progressi, hinc rudimenta eorum dicuntur vilia, cùm fieri queat, imò persæpè fiat, ut qui non satis circumspecti sunt (quam speciosi sunt modales) persistant in omni malitiâ & pravitæ Cordis pariformiter atq; illi qui speciem pietatis habent nullam. Quid quod nonnulli eorum sub specie pietatis proni ruunt in longè graviora crimina, quam quæ patrare possent in seculari vitâ. Indè quidem si quæris, an Species sanctæ Vitæ nil demat poenæ, quæ Vitæ criminosa juxta mensuram aliàs adjudicata est? Cape Veritatem, nempè: eorum damnationem longè majorem, terribilem, horribilem reddi per eandem Speciem Sanctimonix, cùm ea quæ habent Sanctitatis media ad Vitæ æternæ emendationem non ceu par est usurpant, hinc satius iis esset in mundo vivere, cùm fieri sic posset, ut medio exactionis emendarentur, quo carent aliqui eorum in Statu ecclesiasticæ libertatis.

Q. Cùm multi sint homines nil nisi modos externos attendentes,

dentes, quæritur, quæ causa sit ejus facti, num ignorantia an malitia, quatenus neutra videtur locum habere sub multiplici informatione aut verbi divini explicatione? R. Causa ejus refertur in quibusdam ad malitiam, in plerisque; ad ignorantiam, in aliis ad utramque; parum in his efficiente prædicatione verbi, cum sint insensiles, eoque juxta Verbum non satis explorantes, quænam eorum neglecta sit plaga, quoniam defectus & obstacula progressum remorantia.

Q. Nonne potest tam malitia quam ignorantia tolli methodo peculiari tametsi minus usitata? R. Id potest omnino fieri tam publice quam privatim, optimè tamen inter initiandos, noviter conversos & pueros, in quibus viget discendi cupiditas. Summo operè igitur opus est, ut iis statim ab initio imprimatur Syllabus rerum discendarum, quoniam hoc solum medium est præoccupans & malitiam & ignorantiam: id autem quod est discendum, est ipsa disciplina dans Sapientiam, corrigens malitiam. Cernimus enim adultos & obstinatos, cum examinantur, nihil ejus ex ordine scire, quod est sciendum & faciendum, & sic eorum defectus cognoscitur. Necessum est consequenter, ut cognito discendarum rerum indice diligenter instruatur Juventus, quid inter omnia à principio discendum sit, quo maneant in eo exercitio, donec probè didicerint. Tertiò necesse est, ut statim à quo bonum quendam externum modum didicerunt, informentur, qualiter progrediendum sit ad studia altiora, ne hæreant in primis viis, rudi scilicet externâ præparatione, ubi nulla est perfectio. Hæc valde necessaria, præliminaria si negliguntur, neglecta sunt omnia, ordo scilicet & inde pendens perfecta disciplina, nam qui nihil scit nil proficit: si verò Juventuti imprimuntur eo tempore quo apti sunt, fervidi ac seduli, potest magna inde sperari Utilitas, cum fieri nequeat, quoniam aliqui eorum suâ sponte postmodum nitantur progredi: qui multa scit, multa tentat. Quin & in ipsâ bonâ disciplinâ est metus ac periculum, ne multi etiam quam benè sunt instructi, desciscant à disciplinâ & ex toto degenerent mutati in deterius, hinc oritur quæstio: "

Q. Unde provenit istæ mutatio? **R.** Ex in damnosa provenit mutatio, quod qui aptissimè principia disciplinæ christianæ hauserunt, seipsos non custodiunt nec operam adjiciunt progressui, eapropter labuntur in carnis opera, in errores & tenebras, quæ manifestum signum sunt, quod corda eorum aversa sunt à Deo, quia reversa in Ægyptum. Indè quidem patet, quàm necessaria sit progressio & circumspèctio, ne homo inconstantia aliàs redditus excidat tali bono, quod à principio sub industriâ suâ conquisiverat. Cùm inconstantia humana satis explicari nequeat, securus nemo est de conservando bono studio, quod ut feliciter inchoavit, sic infelicitèr perdi potest: eam autem immutationem arcet exercitium in desiderio progressûs continuatum.

Q. Qualis est ea morum immutatio, quæ sequitur disciplinam inchoatam, sed postea neglectam? **R.** Eâ indies cernimus diversimodè deturpari bonæ Spei homines, sive per seductionem sive per naturalem inconstantiam emolliantur animi. Nam qui antecederet desiderio tam ardenti incipiebant, ut etiam oculos ab homine mundano averterent, jam nullo hortatu possunt à sociali commercio avelli. Qui à principio aures à quolibet verbo otioso abstrahabant, nunc nullo imperio coerceri possunt, ut ab inutilibus quæstionibus pariter & multiloquio abstineant. Qui devotionem in silentio & unitate conabantur custodire, subito remittunt, quamprimum cujusdam officii curam externè suscipiunt. Qui non ita pridem ad perfectionem ardentius ferebantur offensi quocunq; joco vel defectu, jam absq; ullo conscientia sensu delectantur obscæno vel nefario sermone parum curando, imò & deridendo proximum indè offensum vel contristatum. Quis numeret eos, qui firmiter sibi proponunt quascunq; sustinere tentationes, quin etiam martyrii tormenta subire, qui etiam dum adhuc requie & pace fruuntur, Diabolum ipsum aut spernunt, aut tentant, quos non cernamus summâ eorum inconstantia atq; pudore factos perversos & obstinatos, quamprimum in pro-

proborum & sanctorum virorum consortio, parvo tantum tempore vivere debuerunt? Imò sunt alii quoque, qui animo ferventi subiciunt se omnis generis duris servitiis ita ut aliorum onera plerumque habeant; at si molestiam tulerunt aliquo tempore, vilescit animus mutato proposito, sic ut communissimum vix queant servare modum, adeò sensibiles interim, morosi & tædiosi facti ægre & magnâ impatientiâ ferunt injuncta sibi onera. Indè non habent scrupulosi quod mirentur, cum vident tot jurgia inter ejusdem communivitatis Socios, qui alioquin exemplo pacis tenentur esse illustres: habent autem quod dicant eos, de quibus magna atque miranda sperabantur cæpta, in vanitatem collapsos esse. Ecce humanam inconstantiam unicuique; stupendam, timendam & cavendam, vel ideò, quod hætenus per totum Vitæ cursum ignoremus damna & pericula, quæ animæ possint olim accidere. Certè ob fonticam eam causam à Christo toties monemur vigilare & cavere, quin ab Apostolo, prospicere, ne qui stat, cadat.

Q. Nunquid prava hæc morum constitutio sive per immutationem sive per habitum, sive per naturam talis deturpat omnes in universum homines, sicut quidem externè apparet? R. Plurimos quidem, non tamen omnes. Notorium namque est, non adeò paucos, probos, devotos ac spirituales homines reperiri, qui ab initio difficulter tolerabant disciplinam, brevi tamen tempore eò profecti sunt, ut summo eorum exemplo præluxerint aliis: tales verè nuncupantur conversi, tanquam qui simul speciem & ipsam Virtutem pietatis habent.

Q. Dic & quid illis faciendum sit, qui quidem boni sunt, non verò usque adeò nobiles? R. Oportet eos præcidere fundum & eradicare defectum, quemcunque malum ordinem sive in appetitu, sive in modis aliis inventum: hoc enim per gratiam Dei tam est possibile quam necessarium.

Q. Estne in hac præcisione observandus etiam modus? R. Est: nam sine eo si fuerit, præciditur non tantum inutile, sed etiam utile quod est naturæ. Et certè sunt aliqui, qui naturam

M m m m

ipsam

ipsam nimiam castigatione castrant & perdunt, defectus vero pravasque inclinationes, quæ in naturæ gremio inveniuntur, intactas relinquant: turpiter hi errant in modo ad perditionem, tales autem plerumque sunt fervidi ac rudes homines, qui tempus maturitatis expectare nequeunt, qui ipso momento quo fundum fodere, purgare, atque ad fecunditatem præparare volunt, ipsos simul fructus carpere præsumunt; attamen destructo bono & laudabili naturæ fundo careant necessum est fructibus, hoc est beatâ, devotâ ac divinâ Vitâ, tunc scilicet cum tempus est collectionis. Licet ergo corpus castigare moderatè & juxta capacitatem, non ultrâ, cum omne nimium vertatur in vitium.

Q. Recense modum, quo sit natura bona tractanda, ut reddatur melior? R. Oportet eam condere (præparare) condimento sanctissimæ Vitæ Christi, cujus tanta vis est, ut vel exemplariter saltem exhibita perficere cuncta valeat, quæ sine eâ manent infecta. Hæc ipsa enim est, quâ homo sustentari debet sine appropriatione, hæc est, ad quam humana ratio flecti atque deorsum trahi debet ad veram, non fictam humilitatem, cujus quidem modus is est, continua scilicet demersio in fundum omnis veritatis, quæ Christus est. Nam hodiè, cras & per totam Vitam suam debet bonus homo sic comparatus esse, ut omnes ejus potentiae, semper attentæ & velut præcinctæ unaquæque in suâ quadrâ observent, ne tam sensus quam ipsa Voluntas sibi ipsis aut nimium familiares fiant aut per superbiam averse, sed ut omnes superioris Regiminis ministræ in suo obsequio morem gerant juxta eum ordinem, quo sunt subiectæ divinæ voluntati, sic ut quicquid fit & non fit, juxta nutum ejus fiat qui solus præsidet. Quid quod stricta hæc observantia sit ex debito concreatæ subjectionis, hinc patet, quàm nihil ejus, quod in servitio præstitit homo, etiamsi totius mundi servitia essent, sibi appropriare debeat, sed potius se sic habere, ac si quæ fecit, ab alio facta essent: nam eo tantum modo potest fieri, ut Deus opus suum divinum irrefragabiliter in eo operetur.

Q. Recense

Q. Recense etiam modum præcisionis & eradicationis? R. Modus is in hoc consistit, ut homo devotus, quò facilius defectus eradicet, seipsum totum scrutetur ac velut circumfodiat quàm diligentissimè fundum suum observando quid ibi reperiatur eradicandum, & si quas ibi invenerit adversas quisquillas, has sine morâ quàm parvæ etiam sint, ejiciat. Ità namq; potest fieri, ut brevi tempore expurgatum ac denudatum fundū æterno Soli exponat illuminandum: quisquis autem observantiam eam ac industriam neglexerit, nihil unqvàm proficiet. Ecce in quo consistat purificationis modus, nimirum (ut sæpè sæpius dictum est) in studio, observantiâ & diligentia.

Q. Quid sequitur illuminationem continuatam? R. Fœcundam reddit stirpem hominis adeò, ut crescat in arborem fructiferam, hoc est, ut homo bonus proficiat evadatq; in hominem divinum, qui tunc nil nisi solum Deum respicit, curat & patitur, hinc nec mundus nec diabolus nec infernus quicquam potestatis in eum habeat. Quo magis etiam Diabolus tali homini adversatur, hoc ipse penitus Deo coarctatur, sic ut si possibile esset eum in infernum trahi, ibidem Deum & beatitudinem inveniri oporteat. Ideoq; divinus homo non habet quod timeat objecta in adversum sibi obversantia, cum nihil sit quod possit ei obstare in lapsum. Per illuminationem quippe continuatam penetratur tandem totus ipse, ut concalescat & inardescat, eoq; cum lumine calefactore suo uniatur penitus. Deniq; qui solem antecederet habebat sibi lucentem, quotiescunq; se prudenter ad eum obvertebat, is eo nunc semper fruitur sine interruptione, indè ergò fieri nequit, quin media spontè elabantur omnia, quæ acunq; etiam sint, sive scientia, exercitatio, sive oratio, Sanctorum imaginatio &c. Dictum autem est, ea spontè elabi, ne quis existimet, ea esse antè tempus abjicienda, imò cum differentia sit facienda inter media bona, quæ provehunt & inter mala quæ impediunt hinc quidem non mala sed bona intelliguntur, quorum elapsus ità homini concedendus est, uti malorum eradicatio ei injungenda. Ubi no-

Mmmmm 2

tandum,

tandum, bona media elabi per singularem Dei gratiam, cum Spiritus hominis à Deo trahitur in altum, hoc est, supra humanum intellectum, quò tantà sub elongatione perdatur omnis discernendi facultas. In eâ duarum substantiarum conjunctione nihil est præterquàm secreta, tranquilla, silens unitas, nec de respectu, humilitate, patientiâ, (qualiter diversæ virtutes nominabantur) quicquam auditur amplius, tunc enim, cum evanescit omnis diversitas, mutatur humilitas Dei; respectus in simplicitatem simplicissimam & essentialem secretam tranquillitatem, quæ vix & ne vix percipi potest. Hoc est permagnum Dei opus, quod perficere Deo placuit in unoquoque; fidelium, ad quod etiam creati, ad quod nati sumus, hætenus quoque; tenemur cum Christo emori mundo, Deoque; in puritate vivere. Si quis ergo est verus Christianus, comparet hoc opus solum cum humanis spontenatis traditionibus, & habebit quò eligat quod sibi est utilius, Deo verò acceptius.

Q. Ad externum hominem nunc redeundo, cui multa externè accidunt, dic quibus cautelis possit homo effugere tot casses & laqueos à Satanâ structos, qui omnes sunt falsa objecta ad decipiendum in cautos oblata? R. Solâ verâ resignatione: nam quisquis affectat nihil, non potest à nihilo decipi.

Q. Cum homines multi mereant tùm aspidi tùm araneis comparari, quorum venenata natura cuncta in se recepta convertit in simile venenum, eò quod aliis vitio vertunt quicquid vel vident vel audiunt, suisque; gestibus brutalibus & verbis immodestis citrà licentiam, & citrà mandatum alios laceffunt, quæritur quali præservativo se muniat aliquis? R. Abstinentium & sustinentium est, id est, tacendum & perferendum: hæc parva medicina resistit cunctis hiscè venenis, quæ solent plerumque; solas inferiores (sensitivæ) potentias inficere, non item superiores (mentis) potestates. Ideoque; cum quis in bono statu consistit expectando S. Spiritum, interim autem à quopiam excipitur duris insulsisque; verbis vel gestibus, necessum est pacatis suis affectibus utut laceffitis patiatur, seq; taliter Voluntati divinæ

divinæ subjectum teneat, sic namq; nil ei nocebit, qvin est futurum, ut & hoc modo præparetur indies.

Q. Quid debet homo vitare in seipso? R. Oportet se præservare ab omni verbo malo, stulto & in tempestivo: siquidem de linguæ refrænatione multa loquitur S. Scriptura, & S. Spiritus docuit Apostolos loqui novis linguis, id quod in Spiritu nobis applicando sic est intelligendum, quasi diceret, oportet antiquam linguam, loquentem malum renovare, fræno regere & studiosè curare, quid loqui homo debeat, quoniam in hoc latet egregium artificium, sine quo nil proficit homo.

Q. Quem finem respicit cauta loquela? R. Si quis loquitur, tenetur prius observare, an quæ proferre vult verba, spectent honorem Dei, deinde emendationem proximi, postremo quoq; propriam hominis pacem. Nam quæ hunc non concernunt scopum, sunt stulti, inutilis, aut noxii hominis verba, quæ non solum in vituperium Dei cedunt, verum etiam sunt venena illa, quæ proximum sæpè lethaliter inficiunt, & ipsum malè sanum loquentem suâ pace privant.

Q. Quale colloquium cæteris magis commendatur, ad quod se homo frequentius componat? R. Utilissimum & necessarissimum est colloquiū cum Deo, (utinam hoc posset fieri incessanter), quia ferè omnis recessus ab eo peccatum est. Tenetur unusquisq; linguâ suâ laudare Deum omni quo potest modo, eiq; debitas referre gratias: & hoc respectu rejecit Bernardus multiloquium externum sive clamorosas verborum nundinationes, vicissim autem laudavit interna Dei alloquia, quò frequentiora hoc laudabilia ea asserendo, quâ solum hoc nunquam dici possit nimium. Hoc ipsum sic esse facile colliget, quisquis perpendit, quantas injurias Deus ab homine patitur, quatenus in cunctis locis cunctisvè modis, in verbis & factis humanis impeditur Deus, quominus possit operari in eâ suâ Creaturâ, quam sine suæ operationis sibi condidit: hæc omnia tolerat clementissimus Dominus, hæc omnia patitur, perfert, silet, parcit, expectat tam admirabili longanimitate, ho-

mo verò excæcatus non considerat, qualiter Saluti suæ obstat; annon, si nihil aliud esset quàm hoc divinæ gratiæ opus, tenetur quilibet circumspèctus incessanter Deo redexhibere gratisimum suum animum.

Q. Quid, quæso, decet homines loqui in conversationibus?

R. Novis linguis loqui decet familiariter, de Deo scilicet, de probâ & virtuosâ Vitâ; neq; enim decet disputare de tam sublimi materiâ, qualis est de Æternitate, Trinitate &c. quæ nostrum captum superat, quantò minus par est loqui falsa, impudica & id genus alia, præsertim, inter pocula, cùm etiam perditissima sui & proximi damnatio pendeat à loquelâ, ut ut cum ratione expressâ, quia contagiosa talis est. Cavendū itaq; non solum sibi est à pravo commercio, sed etiam fugienda sunt colloquia hypocritarum, qui non adeò notabili sed longè perniciosiori veneno quia subtili contaminant penitiora hominis, Spiritum scilicet, incessanter namq; circumambulat communis omnium Adversarius, quò hominem decipiat artificio etiam subtilissimo, quia ad genium (inclinationem) effiçto.

Q. Cùm mores Christianorum hodiè tantoperè varient, vitâq; spiritualis sit rara maleq; intellecta, quæ & à multisignaris ac deceptis perperam ostentetur, necessum est, reduci homines ad certa quædam genera, quorum proprietas per quandam depingatur figuram gratiâ illustrationis, quæritur ergò: quales possunt in tam latâ Christianorum Republica depingi per figuram serpentis, qui reptitione mentitur simplicitatem, veneno odium, volubilitate astutiam prodit? R. Sunt inter Christianos indifferenter multi imò quàm plurimi, qui vitam spiritualement non arbitrantur aliam esse, nisi eam quam inter se communi modo ducunt mutato scilicet vulgari exercitio in habitum & assuetudinem. Itaq; simplicitatem referunt in certo vivendi modo, puta in commodâ corporis nutritione, in lento gressu, externâ benevolentia, attamen dura quævis non sustinent, quia ubiq; suam quærunt satietatem, prætereà invidiose

osè judicant non ipsis concolores, ut plurimùm etiam sequuntur suas concupiscentias quærendo conversationes, familiaritates, blandiloquia &c. & hætenùs opinantur necessarias hæc Vitæ commoditates & Creaturarum usurpationes iis quam maximè licere, quia nec unqvàm Deo displicere, dummodò in conversatione bonâ vixerint fugatis mortalibus peccatis. Verùm hoc modo sæpè cum antiquo serpente labuntur in peccata privata & publica, quibus tùm sibi tùm aliis bonis vehementer nocent: hæc ratione significantur iconismo Serpentis.

Q. An etiam sunt quidam, quorum mores depingit natura Basilisci? R. Omnino: tales autem sunt, qui quidem quoad externam bonitatem ac discretionem sub abjecto habitu promicantem laudantur, verùm tamen pro specie habitûs sunt pariter abjecti animi pleni tentationum impuritatis seu spiritualis incastitatis, cùm non resistent concupiscentiis, sed potius prosequantur voluptates internorum sensuum.

Q. Dic undè proveniat istæ cæmentia? R. Indubium est eam exindè provenire, quia in suis quotidianis exercitationibus non habent eum veri finis respectum, quem debent habere, eâ de causâ concedunt Satanæ liberum aditum tentandi eos graviter, pari de causâ reperiuntur anxii (laboriosi) in tentationibus majoribus sic ut sæpenumerò labantur in externam incastitatem aliosq; defectus pœnales.

Q. Quotuplici signo noscuntur tales? quotuplici etiam, qui his contrarii sunt? R. Utrinq; triplici.

1. Signum est: illi sunt valdè inconstantes aliisq; quorum observant defectus offensi: isti qui verè pii sunt, sunt per lumen divinæ gratiæ constantes sibiq; semper præsentibus, cumq; mentalis eorum oculus sit simplex, hinc non respiciunt aliorum quos reprehendant defectus, hinc etiam fit ut Unitatem internam persentiant quæ illis prorsus incognita est.

2. Signum est: homines fictæ spiritualitatis sunt admodum inventiosi, subtiles, syllogistæ, qui imaginando, speculando & ratiocinando in id incumbunt toti, quò possint altum sapere, ver-

verbisq; demonstrare, quæ postmodum nec ipsis nec aliis sapiunt præ nimiam rerum subtilitate. Cum autem nullus profectus è tam multiplici rerum subtilium ac intricatarum varietate pronascatur, quam tales contentiosi velut saniori doctrinæ nunquam cedentes nimis fervide nec minus obstinate propugnant, indè apparet eos esse literâ inflatos, ut taceam hoc quod spiritualis eorum superbia magis apparet ex eo, quod exercitium virtutis tanquam nimis molestum posthabeant. Ast probi, qui his contrarii sunt, pollent infusâ Sapientiâ, quâ absq; omni difficultate vel prolixitate verum dicunt & probant, hætenus eorum doctrina est simplex & proficua, non alta, non subtilis, non verbosa, non captiosa, non literalis: nam quæ talis est non provehit sed impedit, non construit sed destruit; quæ verò non promovet fervoris incrementum doctrina, piis exosa est penitus.

3. Signum est: illi quorum falsitate intoxicatus est Spiritus, unum hominem plus minus diligunt alio, seq; reputant optimos esse ac sapientissimos, quapropter imponunt aliis suos mores, doctrinam, opiniones & rationes recipiendi velut ipsam Veritatem rejectis iis, quæ non ab iis edocta sunt. O quam sunt noxii aliis exemplo suo, doctrinâ & moribus, qui usq; ad necem propugnant assumpta eorum dogmata, imò & iis infensi satis sunt, qui non externè se admodum eorum gerunt. Citrà necessitatem capiunt media vivendi excessivè, minora peccata quæ passim patrant floccipendunt, non iusti sunt, non recti, non verè humiles. Quod restat, non sunt benefici, non pauperem suscipiunt nec proximum juvant sincero ac sensibili adjumento, non compatientes sunt nec misericordes, eapropter intus in iis ipsis non sentiunt amorem Dei ut nec virtutem veram, quod omnium deterrimum est.

Ast qui his contrarii sunt verè pii, contrario se gerunt modo ubiq; comprimis in dilectione, siquidem eorum Spiritus emittit flores charitatis, quorum odor Cælum & Terram penetrat promiscuè, quia versus omnes homines adusq; Deum ipsum,

ipsum, per id exemplum Christi imitati, qui se totum exponbat pro cunctis hominibus. Sic describuntur homines, qui sunt incasti foris & intus, sive quoad Vitam & Spiritum, qui Speciem præ se ferunt virtute Deoq; relictis, idcirco non ineptè Basilisci iconismo depinguntur.

Q. Annon & inter Christianos sunt, quos aptè natura Draconis depingat? R. Omnes qui spirituali avaritiæ sunt dediti, solent Draconi comparari.

Q. Quotuplices sunt hi? R. Avari Spiritu, qui reperiuntur contrarii pauperibus Spiritu interstinguuntur quadruplici genere, quorum

1 est, quos cernimus sine ordine inclinare ad obtinendum corporis commoditatem, ob quam Solatium mendicant à Creaturis, idq; sic cum recidivâ quotidianâ, quatenus eorum desideria sunt impetuosâ, ignea & quaquaversum discurrunt. Hinc fieri nequit, quin vanis curiositatibus illaqueentur, rerumq; suarum obliti perquirant, glossentur, deferant atq; proscindant omnia. Sub peregrinâ, eaq; vanissimâ sollicitudine distrahuntur eorum cogitationes, mox hâc mox illâc velut undæ à procellis agitatae, & sic de mane ad vesperum, quin recurrente die non uno sed omnibus vanitati datur animus, nec à minimis possunt sibi parcere, quibus non turbetur eorum tranquillitas. Hîc si quis dixerit, ea fieri posse sine peccato mortali, is nôrit non fieri posse sine ingenti damno.

2 est, qui statim atq; iisdem gratia Dei paululum subtrahitur, redduntur valde inconstantes sic ut de faciendâ pœnitentiâ nunc talem mox alium modum arripiant. v. g. Cùm quis proponit sibi hodiè silere, cras loqui, jam omnia linquere, mox sua retinere, nunc hominum conversatione uti, mox solitariè vivere. Adhæc si quis quandoq; cupit multum legere, aliquandò multa meditari, nunc Sacramenti usu fervet, mox iterum deservet. Hæc omnia summam arguunt cordis inconstantiam provenientem ab amore Creaturarum malè ordinato. Si aliquis diceret hîc, eâ cordis inconstantia posse

Nnnn

quoq;

quoque; tentari eos, qui Creaturas non usque; adeo amant, non oportet, hanc inconstantiam habere etiam alias causas, quarum non facta est exclusio, quatenus ea provenit etiam a disproportionato respectu virtutum & modorum externorum ad Dei respectum relato, quod quidem hodieum valde commune est, sicuti tota die observamus transgressiones mandati humani gravius imputari transgressione mandati divini, honorem Creaturarum animatarum & inanimatarum exactiori veneratione perfici quam venerationem Dei, inanibus precibus diutius insisti quam validis &c. summam quidem imprudentiam ac deceptionem; quin etiam si quis Deum respicit sub exercitio suo, non tamen non potest esse inconstans vel eam ratione, quia non solum Deum præponit cunctis virtutibus, cunctisve modis, cum extra dubium sit ab omni inconstantia iri liberatum eos, qui Deum super Virtutes respiciunt & super omnes Creaturas diligunt.

3 est etiam inconstantium sed frigidiorum, qui tametsi Deum diligunt, non tamen eum solum sed simul commodum temporale diligunt, quasi liceat res alienas per Charitatem Dei efficere vel contrahere: exin apparet tam parvam frigidamve esse Charitatem quam magna cordis eorum Vanitas est. Quid quod non advertentibus iis natura secreto quærit suum bonum & utile in cunctis divini cultus operibus, dehinc apparet, quod in seligendis modis deliberent diutius immorati convehendorum consiliorum sollicitudini. Præterea nimium sibi parcant, contemptum averfantur, regimen doctrinæ & correptionis impatenter ferunt, cum tamen ipsi ad regendum ac docendum inclinent si eloquentiæ suæ infructuosæ. Pro parvis bonis operibus cupiunt etiam multa encomia, nec minus invitas virtutes, si quæ iis sunt, publicitus prædicari gaudent summam Vanitatem, ut philautiam prætereant silentio. Annon in talibus occultam superbiam latitare dicendum est tantæ inconstantiae genitricem? summo igitur cum periculo ambulant per angustas semitas mortalium peccatorum, unde si quâ pede vacillante exorbitent, præcipiti lapsu ruunt in infernum.

4 est,

4 est, quos inconstantia tradidit in oblivionem Dei, sui ipsius, veritatis, omniumq; virtutum: is enim est superbiæ effectus novissimus, quod conjicit sibi subditos in anxietatem, quo nesciant quid iis factu opus sit. Oblivionem Dei sequitur incuria exercitii & tædium conversionis, dehinc facillimè relabitur homo in omnis generis peccata, ac si nequicquam cognitionis de Deo habuisset unquam: hoc autem factum verendum est, ut vix & ne vix resurgat, nisi seriò convertat se ad Vitam & Mortem clementissimi Domini nostri. Quod si verò à gravioribus peccatis sibi caveat & tantum intus labe peccatorum affectus maneat, applicat animum ad studia, ad regimen aliaq; multa negotia, quo statum suum exaltet.

Q. Quid si tales, uti sæpè fit, in statum dignitatis evehuntur, quò alios regant, annon plus mali quàm boni infertur communitati? R. Omnino: quoniam per id quod foris apparent constantes & spirituales, inferunt damnum simplicibus ac bonis, qui tunc in suæ inversionis viâ consistunt, exemplo verò superiorum absterri in ipso progressu cursûs sui pedem figunt.

Q. Quodnam est exemplum eorum, quo remorantur perfectum pusillorum? R. Exemplar detrimentosum consistit in eo, quod cultum ac ministerium externum strictè observant non sine molesto labore, & super strictam hanc observantiam, cui obstringunt omnes homines, totum christianæ Vitæ & necessitatis cardinem volvunt, quasi nil utile nil necessarium sit prætereà. Cum autem defectu doctrinæ promoventis subsistant hic boni homines, nec ultra progrediantur tam qui voluerant quàm qui potuerant, quis neget eorum exemplum officere plurimis irreparabili damno. Per id autem quod spiritualiter avari usq; ad Vitæ suæ finem persistunt in superbiâ & perviciâ, quâ non tantum se ipsos, verum etiam alios multos unâ perimunt, figurâ Draconis meritò designari possunt.

Q. Annon inveniuntur etiam inter Christianos quidam, quo-

rum figura desumitur à naturâ Leonis? R. Sic etiam: Nam uti superbum hoc animal est juxta antiquam fabulam toti quadrupedum generi præfectum; ita docent Theosophi superbiam spiritualesse tentationem omnium supremam; eâ ergo figurâ depinguntur, qui in Vitâ spirituali tentationibus acutis irretiuntur, è quibus se sine singulari Dei gratiâ evolvere nequeunt. Cum enim Vita spiritualis sit altioris indaginis, donumq; multis aliis præcellens, sequitur eos esse nimis præsumtuosos ideò quod tantum suo arbitratu non etiam divino adjutorio eam aggredi tentant, quæ præsumptio non nisi superbiæ effectus est: hi quoniam in rebus externis, non autem in Deo defigunt animum, perveniunt nunquam ad finem exoptatum.

Q. Cum naturali propensione Creaturæ cunctæ ad quietem & oblectationem, taliter quoq; pii homines ad Deum ferantur, cur imputatur aliis, quod in semetipsis pariter & in Creaturis sine scitu erroris statum quietum quærunt? R. Ideò tantoperè imputatur malis, quod inde oritur superbia omnium suprema & tentatio maxima, à quâ non facile datur recessus propter bonum appetibile quod è delectatione & quiete naturaliter percipitur.

Q. Quid sentis de eo, quod plerumq; Juvenibus minusvè exercitatis hominibus usu venit, qui bonum sine curâ diem quærunt, eamq; externam quietem & otium cum gaudio suscipiunt? R. Sic sentiendum est, quod totum id quod amplectantur, secundum naturam sit, secus enim si natura impeditur in suâ quiete, non potest fieri, quin tandem in peccatum convertantur omnia. Hæc autem fuga curarum vitæ est, cum sensus hominis sunt liberi & vacui, unde tranquillitas sensuum, dummodo incuriæ gratiâ ab imaginativæ actibus se liberare valeat. Decipiuntur autem omnes, qui se demittunt in tranquillitatem naturalem sub exercitii interni defectu, quatenus non inquirunt nec inveniunt Deum per medium charitatis.

Q. Cum homines quidam reperiantur quorum animus tranquillusest haud dubiè ob naturam temperatam & pacatam, quæ-

quæritur, an eadem sit tranquillitas cum eâ, quam ex intentione quidam in falso supposito æmulantur? R. Utrâq; est eadem, quia quò natura in uno propendet, eò in altero perducit consuetudo, ità quidem fit, ut per assuetudinem acquirant tranquillitatem, qui sibi proposuerunt eam quam de naturâ non habent; qui verò jam possident eam, liberantur à turbis & Idearum multiplicitate, eoq; id assequuntur usû quod aliis est de naturâ. Verùm non invenitur Deus sub hâc ipsâ tranquillitate, quæ merè naturalis est, paganis ac Judæis tam familiaris quam christianis etiam pessimis, imò quæ tantò major ac sensibilibior est, quantò quis omisâ scrutatione conscientia à cunctis actionibus & accidentibus se potest liberare, id quod etiam humana astutia facile perficit.

Q. Annon & bonis commendatur ista tranquillitas? R. Neutiquam! Bonis namq; nulla est tranquillitas, quamdiu perfecti non sunt; sed & perfectorum diversissima est tranquillitatis Conditio; aliàs autem quâ charitas Dei nunquam est otiosa, non potest homo bonus diu immorari naturali tranquillitati (quam non ineptè alii appellant otium) alioquin non Deum sed seipsum quæreret. Quod autem quietem Sanctorum attinget, quæ per Deum & in Deo obtinetur, ea est jucunda omnium rerum exclusio facta cum simplicissimo obtutu in Claritatem Dei incomprehensibilem. Et hæc ipsa sancta tranquillitas activè semper quæritur in Deo ardenti cum desiderio, imò & invenitur sub inclinatione non otiosâ & tametsi obtinetur in charitate ferventiori, nihilominus tamen semper quæritur. Est ergò nec illa quæ perfectorum est otiosa tranquillitas, quia semper interno actui juncta.

Q. Quæritur ergò, nunquid præfata tranquillitas naturalis peccatum sit necne? R. Quatenus cunctis hominibus naturalitè inest, quò velint, si possent, otiosi esse, eatenus non est peccatum in seipsâ, id est, quoad esse; verùm cum sine virtutum Exercitio studiosè comparatur, vertitur in peccatum, siquidem excæcat hominem, quò Deum obliviscatur, seipsum quoq; &

omnia, exindè labitur miser in spiritualement superbiã , puta philautiam &c. quæ Cæcitas ejus dehinc manifesta redditur , quod nonnunquàm arbitratur se Deo adhærere in Unitate, cùm tamen nil minus unquàm fieri queat.

Q. Cùm autem præfata tranquillitas sit falsa, quid sequitur indè? R. Falsò putat homo virtutem exercitium impedire eum, quominus suâ rectè fruatur requie, hoc modo perseveranter resistit influxui & operationi divinæ.

Q. Quomodò vocantur juxtà Scripturam, qvini nisi falsam in naturâ quærunt requiem? R. Hypocritæ vocantur ore divino, quatenus virtute virtutem se putant possidere, cùm tamen virtuti totaliter sint contrarii, quocircà in iis completur verbum Scripturæ: Vos semper resistitis S. Spiritui.

Q. Cùm falsum ex falso nasci soleat, annon è falso hoc otio oritur falsitas alia? R. Omnino provenit indè falsa quædam spiritualitas, nimirum ea quam vocant spiritualement libidinem, quatenus homo qvi sine ardenti versus Deum desiderio tranquillitatem cupit in otio, est aptus ad subeundas omnis generis tentationes. Etenim quatenus à Deo aversus, adq; seipsū conversus est amore naturali, eatenus quærit in semetipso solatium & voluptatem pro lubitu fingendo Ideas acceptas & promittendo sibi futuras delicias, insuper pro obtinendâ suâ commoditate adversa multa patitur. Quisquis taliter facit, seipsum possidet in malè ordinatâ sufficientiâ, non obstante gravi quorundam poenitentiâ quam faciunt tum ad gloriam sanctitatis eorum, tum ad promerendam magnam mercedem, cui ob philautiam etiam succurrit natura, quæ cupida est tam temporalis gloriæ quàm mercedis æternæ.

Q. Cùm tales homines plurimum exorent Deum, nonnunquàm etiam juxtà singulares petitiones utut ineptas exaudiri videantur, scriptum autem sit, Deum non exaudire peccatores, dic quid indè censendum est? R. Rectè adjecisti verbum videantur, cùm non exaudiantur sic, ut Dominus dono gratiæ satsdet iis, sed tantum videntur exaudiri, quoniam cùm evenit

nit id quod suis expetierant precibus, censendum est id permittente Domino effectum esse per Spiritum malignum: sic sunt decepti qui opinantur ea sibi à Domino obvenisse propter merita & beatitatem eorum.

Q. Cùm noverim spiritualiter superbientes homines, internâ Dei gratiâ & solatio carentes, ignorare quantum iis deficiat, exhilarari tamen à quovis externo solatio, nec minus libidinosè propendere ad voluptatem internam, dum putant fore, ut prægustent suavitatem naturæ à Spiritu invertæ, quaeritur, num hæc ad spirituales impuritatem pertineant necne?

R. Hæc omnia sunt & vocantur spiritualis libido, cùm constet eam esse inclinationem ad amorem naturalem reflexū semper ad semetipsum, undè nequit fieri quin commodum proprium quærat semper, ubiq; sive in omnibus.

Q. Cùm mihi occurrerint aliqui tam obstinato desiderio quarundam rerum cupidi, ut potiundarum spe frustrati velut in furorem acti sint visi, dic, quæso, an etiam vobis unquam tales fuerint conspecti? **R.** Et sunt conspecti & experti plures tam depravati appetitūs spiritualis, ut etiam quàm pessimè audierint: tanta quippè est ea inquires, ut nonnulli obsideantur à Diabolo, posteaquàm libidinem suam explere nequeunt non obtento eo quod sive à Deo, sive ab hominibus, sive aliundè, tam pervicaciter concupiscunt. Annon hæc ipsa eorum Vita tota adversa est S. Spiritui?

Q. Ut autem è contrarietate eluceat dictorum enormitas, ostende paucis, quoniam sit ex opposito desideriosus bonorum status? **R.** Quatenus homo bonus se totum simul ac quæ eidem adhærent bona, actiones virtutes impendit ad solam Dei gloriam, hætenus nil sufficit ei satiando præterquàm Bonum summum quod incomprehensibilis Deus est.

Q. Annon divinus & naturalis amor comparatè in aliquo conveniunt? si hoc, quaeritur in quo differant? **R.** Conveniunt in externo operum apparatu tantâ paritate, ut nulla perspiciatur disparitas; verùm in respectu finis interno differunt
to-

toto Cœlo. Nam Spiritus bonus desiderando semper quærit gloriam Dei corde sursum levato, idq; tam privatim quam publicè; ast amor naturalis semper ad seipsum reflexus amat suum potius quàm Deum, indè labitur homo in quadruplex peccatum, puta in superbiam spirituales, in Avaritiam, repletionem & in libidinem, cujus exemplum exhibet lapsus primi hominis, superbix quidem mandati transgressione. avaritiæ verò sapientiæ aviditate, repletionis fructus interdicti esu, libidinis deniq; mulieris compressione. Cuncta crimina hæc ut mox insequerentur philautiam, ita eandem comitantur hucusq; in omnibus seipsos ardentibus.

Q. Cùm satis dictum sit de spirituali superbiâ & avaritiâ, quæritur, annon & plures dentur tentationes spirituales, quæ timendum sit ne ad majorem cumulentur deceptionem eorum, qui sunt superbi & avari facti? R. Adhuc duæ supersunt iis ut plurimum familiares, qui se contemplativos reputant, prioris omnium pessimæ signum est naturalis quies in otio percepta; hujus causâ putant qui decepti sunt, se liberos esse à peccato, Deoq; immediate unitis eò quod & mandata Dei & virtutes activas transcenderint, quibus eatenus hoc otium præponunt pertinaciter, detrectantq; obedientiam in subjectione. Quod autem sic auscultant divinæ operationi eoq; putant operationem Dei intercipi ab actione, reculant operari juxta virtutis requisitum: Et ut eorum otium sit consummatum, Deum nec obtinere, nec orare, nec desiderare, nec amare, nec confiteri, nec laudare, nec gratiis venerari cupiunt. Opinantur autem, eos cuncta jam possidere quæ exoranda erant, ut hætenus sit super vacanea omnis oratio, imò & inconveniens paupertati, quam profitentur, Spiritus; carere quoq; se putant propriâ voluntate postquam possessiones suas deseruerunt sine seipsos implicandi permultis opinionibus, hætenus persuasum habent, superasse eos nunc omnia, quorum causâ mandata & institutiones traditæ sunt. Præter hæc etiam, quod superatis virtutibus se censent solutos operum vinculo, prætexunt

xunt laborem longè graviolem qui depositioni virtutum quàm qui earum acquisitioni impenditur. Tàm magnum eorum argumentum est pro excludendâ obedientiâ & vindicandâ libertate.

Q. Recordor me tales homines vidisse, qui si non ex toto saltem forinsecus obedientiæ formam prætulerunt, ad quid ergo dicis eos subducere se obedientiæ? **R.** Quantumvis tales obedientiam nonnunquam foris simulent, quâ tamen simulata est, nulla est: quid quod intrinsecus nec verbo nec facto cuiquam subiecti sunt, quatenus aperte homines pronunciant tamdiu imperfectos ignarosvè libertatis & paupertatis spiritualis, quamdiu allaborant virtuti acqvirendæ. Indè liquet, quàm opinentur se amplius non posse proficere in virtutibus, neq; peccare, quia erectos super Choros Angelorum & super omnia merita humana. Ad hæc notorium est, quod tales homines qui à suis opinionibus excæcati putant suppressâ voluntate se carni mortuos esse, quoad Spiritum autem in Virâ tranquillâ unitos Deo, sunt execrabili superstitione tentati, sic ut falsò insuper credant iis non esse latam legem, nec imputatum iri ad reatum, quicquid ab iis factum fuerit animo libero, quoad id natura concupiscit, quoad etiam summæ eorum innocentiae libertas competit, ne fortè meritorium eorum turbetur otium (qvies). Quid ergo mirum, si qui pro lubitu suo vivunt absq; conscientia, nunquam solliciti sint de exercitio virtutum, nisi fortè gratiâ hominum, quo videantur ab aliis. Juxtâ vivum hoc exemplar probet sequi velit, num sibi conveniat necnè!

Q. Cùm juxtâ Scripturam sit impossibile, ut ullus mortalis homo antè & post Christum sit vel fuerit sine peccato, verum autem & hoc sit, quod homines modò descripti non fateantur sua peccata sine quibus esse nequeunt, annon sunt iis præferendi publicani & peccatores, suorum criminum Confessores? **R.** Id sacra Scriptura asseverat, cui omninò credendum est, id quoq; eventus rerum probat, cùm sit compertum, tales

Oooo

les converti posse quàm difficilimè, quatenus eorum aliqui ab ipso maligno obsidentur Spiritu; reliqui verò tantâ pollent ingenii subtilitate, ut verbis vix unquàm queant convinci. Hi omnes non sunt absimiles damnatis Spiritibus, quoniam & hi non habent desiderium, non amorem, non confessionem, non devotionem, non gratitudinem, non benedictionem: sunt enim damnati. In hoc saltem differunt, quod Spiritus damnati jam sunt in æternitate, homines verò iisdem similes in tempore adhuc, diem autem non observantes, quâ Dei justitia revelabitur super eos.

Q. Convinci si nequeunt, unde constat deceptos eos esse?
 R. Ipsa Vita Domini nostri unâ cum S. Scripturâ est Lapis Lydius, cujus affricu probatur eos esse deceptos, est quoq; regula, quâ cognoscimus Jesum Christum semper amare, benedicere, desiderare & laudare Patrem suum, atq; per hoc exemplum commovere nos debiti nostri consistentis in ejus imitatione & assimilatione. Is enim tametsi erat & est unitus divinæ naturæ, unde vocatur Splendor cœlestis Patris, nihilominus ad paulo antè descriptum otium nunquàm pervenit; adhæc benedictus noster Salvator, cumq; eo omnes sancti fruuntur ipso Deo in Unitate, quæ ipsa beatitudo est, sic ut eorum desiderium censeatur nunc in æternum satiatum, attamen est atq; manet in iis sine satietate desiderium æternum amandi Deum eoq; fruendi sine fine. Hâc de causâ perfrui eo quo fruendum est, taliterq; incessanter operari est ipsa sanctorum Beatitudo, & talis sive eadem una Vita est bonorum hominum omnium, id est, non nisi juxta mensuram & intentionem charitatis cujuslibet discreta, sicut & est una permanens in æternum justitia.

Q. Qualis est deniq; spiritalis tentatio quarta, sive secunda hominum contemplativorum, qui in personâ parvorum Antichristorum parant Viam ad Apistiam & damnationem? R. Quanquàm & hi sint e genere contemplativorum, distinguuntur tamen à prioribus, quod tametsi in multis inter se conveniant,

ant in quibusdam tamen dissentiunt, ut in hoc, quod illi se profitentur non posse proficere in virtutibus, isti verò dicunt se posse mercedem promereri. Est autem secunda eorum tentatio, quod falluntur falso eo mentis conceptu, quasi sint etiam liberi à qualicunq; exercitio, hætenùs se solum gerunt modo passivo dicentes, opera quæ Deus in iis tanquam in suâ officinâ ac per eos velut cum instrumento appropriato fabricat, præcellere in causâ meriti & mercedis cunctis iis operibus, quæ alii operantur homines æq; in gratiâ Dei. Per hoc autem proditur eorum deceptio, quod tametsi nihil operantur, nolint tamen ipsi mercede carere.

Q. Cùm tales ad patiendum quævis Dei opera se coaptaverint, non mirum est, si sic cum tempore obdurescant, ut quæ illis accidunt adversa, facile tolerant, sic autem observatur, eos in quibusdam mentiri probos homines; quæritur ergò, annon & alia falsitas in iis deprehendatur? R. Id etiam: nam quatenùs cuncta quæ faciunt, divinæ operationi adscribunt, quasi nil nisi quod Deus actum velit, per eos fiat, eò dementiæ perveniunt, quo censeant eorum opera carere peccato, omnesq; eorum impulsûs, motûs & actus bonos vel malos & quicquid inde sequitur, esse institutiones (operationes) S. Spiritûs. In hoc apparet, quod falsi sint & graviter decepti, cùm S. Spiritus nullo modo, in nullo homine unquam excitet vel operetur res inutiles. Vitæ Christi pariter & S. Scripturæ adversas.

Q. Quo signo cognoscuntur tales, si sunt tam prompti errorem suum miris modis interpretandi ac defendendi? R. Noscuntur hi signo obstinati arbitrii, ut qui malint mori quam cedere repugnantî Veritati etiam in minimo puncto suarum opinionum, quas semel defendendas susceperunt.

Q. Cùm è præfatis liquidò appareat morbos hosce spirituales esse deploratos vix unquam curabiles, quæritur meritò, quomodò à morbo quis præservare se queat, cujus vel anceps vel nulla est curatio? R. Ne quis afficiatur hujusmodi lethû inferentibus morbis, muniat se oportet antidoto sequentibus

ingredientibus confectâ. Juxta Scripturam enim & juxta exemplar vitæ Christi probatæ fidei est, quod

1. Nulli homini liceat se subtrahere observantiæ mandatorum Dei, ut nec virtutum exercitationi.

2. Nemo potest adunari Deo in otio sine desiderio & charitate Dei.

3. Nemo potest vel esse vel fieri sanctus sine bonis operibus. quatenus omnes homines ad bona opera obligantur.

4. Nemo potest conquirere in Deo sine divino amore.

5. Nemo potest eidem applicari, quod non vel sentit vel desiderat.

6. Nemo debet suo otio (quiete) impedire vel prorsus excludere operationes Dei, cum quivis propriâ suâ gratitudine teneatur cum Deo cooperari.

7. Nemo debet servire Deo sine laude, glorificatione & gratiarum actione, Deus quippè est conditor Creaturarum omnium omnipotens ac dives sine fine: solus ipse potest dare & auferre pro placitu homo verò donum Dei recipiens potest proficere, crescere & ambulare de virtute in virtutem quamdiu vivit: nam cum operatur homo, cooperatur Deus, cum homo laborat, donat Deus incrementum.

Q. Quodnam autem & quale est opus ipsius Dei? R. Id in seipso consideratum est immutabile & æternum non habens profectum, incrementum, nec largiens meritum Creaturæ divinum opus suscipienti, cum Deus nil aliud operetur quam seipsum, ideoque longè alius est respectus operis divini, aliisque conditio operis naturalis, qualia Creaturæ per Dei potentiam habent velut quid proprium in naturâ, in gratiâ & in gloriâ; & cuncta hæc opera naturalia quanquam meritoria sint & gratiæ Dei tribuantur, quæ tamen naturæ conatum unâ respiciunt, longissimo intervallo distant ab eo opere, quod solius Dei est adeoque nec meritorium, quia divinum, imò Deus ipse.

Q. Cum otium præfatum esse falsum ac deceptorium exin appareat, quod Deus æternum beatus est, tamen nil sui divini

vinī operis operetur in homine otioso, vel in nullo, vel in alio, vel tantum in Creaturā Angelicā, adeoq; ex ipso opere divino nil Sanctitatis accrescat homini, nil emendationis aut meriti, quæritur, undē nostra procedat Sanctitas & Beatitudo? R. Ex eā tuā negatione liquet abundē, non posse beatos nos fieri in otio, ergo non sine amore & confessione Dei, non sine propriis operibus, oportet autem nos sanctos ac beatos effici mediantibus virtutibus & operibus nostris, charitate, confessione, cultu &c. quæ omnia in gratiā Dei cooperante, facta & futura credimus.

Q. Ne quis decipiatur, quæritur, qualiter se queat homo ornare virtutibus intus & extus? R. Vera virtus rectissime potest conquiri juxta Scripturæ institutionem. Ad hæc expedit Deo se tradere cum omnibus actionibus, quia sic pervenitur ad Deum mediatē, medio scilicet donorum Dei promoventium. Id quidem omnium primò faciendum est, quia futurum sic, ut Deus nos tangat activā charitate, se undiquaq; diffundente hominesq; replente. Hæc charitas ideò dicitur cōmunis, quia cunctis impendenda sine delectu: hanc autem conquisitā expedit emanare cum eā, & subsequenter remeare cum laude Dei in verā Charitate, sicq; in pace perseverare constanter & simpliciter. Possibile enim, ut simul per charitatem activam & per charitatem divinam nos ipsos promoveamus in Unitatem Dei, ubi æternum est permanendum. Hoc ipso Charitatis effluxu ac refluxu possidetur vera virtus & non alio.

Q. Quid de communi Charitate dicis? R. Quod ea in multis hominibus hodie dum extincta est, sicut in omni statu reperitur charitas partialis nuspiam perfecta. Quilibet amat seipsum & eos tantum, quibus frui potest. Communis autem charitas quam oportet habere, nihil excludit imitata charitatem Dei, hinc si se posset communicare simul bonis & malis, libenter faceret propter Deum & cum hac charitate debet homo operari.

Q. Cum autem de laude & confessione dixeris, non posse sine iisdem beatificari hominem, quomodo potest salvari contemplatio, quies & tranquillitas? **R.** Unum non excludit alterum, quoniam hæc spectant internum, illa, externum hominem.

Q. Quodsi prægustum quis habuerit immensæ Dei gloriæ, qualis effectus inde sequitur? **R.** Sublimatur mens ejus tanto perè in charitate, gratitudine & veneratione Dei, ut quod minus Deo est, nullo unquam tempore sapiat homini. Nam quicquid creatum est aut potest creari, immensum distat à Deo, ut una cum Angelis perfectisq; Spiritibus merum nihil sint respectu altitudinis divinæ. Hæc supersubstantialis essentia trahit animum humanum tam potenter in sublime supra seipsum, ut eo sub transitu excidat omnis actio laudis & confessionis. Taliter bonæ Vitæ homines desideriosè pertranseunt virtutes singulas, imò & eas transcendunt, prout in specie cernimus à magno Carbonum igne flammam erumpere altumvè petere relicto ignis strue, quoniam opus est ut homo animum suum ab omni cogitatione, imaginatione & operatione sensitivæ sinat liberè elevari supra sua & aliarum Creaturarum opera in immensurabilem altitudinem supersubstantialis Deitatis: in tali homine potest Deus facere opus suum, qualiter & quando vult sine impedimento.

Q. Si verò adeptum hominis elabatur iterum, quæ causa mutationis? **R.** Hæc inde provenit, quod acceptando suavitatem sibi appropriavit, à quo vel maximè sibi cavendum est, si velit perseverare in fundo divino.

Q. Dicitur hoc nobile fundum reperiatur magis in juvenili quam senili ætate? **R.** Ideò quia senes appropriata sua instituta & modos obstinatè retinent, suntq; præ defectu mansuetudinis impatientes & faciles ad judicandum, cum tamen mansuetudo nedum inserviat huic fundo, quin etiam plus operetur intrò quam resignatio, quæ spectat externum hominem.

Q. Siccinè censes quod fundum internum maneat absconditum

tum his, quorum operatio non extenditur ultrà externum animale^m hominem? R. Imò externus sensitivus homo præ ruditate & amentia non potest ad hoc profundum Dei perungere, cum & vulgare sit eum, qui velut rebenè gestâ cum Deo se in sublime pervenisse putat, ne infimum gradum interni sui fundi veraciter agnovisse. Insuper si Deus misericors tales homines introrsum trahere vult, contendunt cunctis viribus, quò Deum superbè extrudant, ac si Diabolus esset suis interim appropriatis modis inhærendo. Per id corrumpunt fructum in fundo interno aliàs nascentem, sicut uredo fruges terræ destruit; & præter id omne accedit malignus Spiritus curiosè per-vestigatum, num aliquid inveniat ibi quod suum est, & si quâ vos invenerit adhæsivos, jam visco tenacius hæret, donec Vitam fallat vosq; prosternat.

Q. Quomodo sunt corrigendi qui suum externum hominem nolunt abstrahere à querelis, inutilibus colloquiis & variis externis actionibus? R. Oportet, ut suum internum hominem soli Deo subjiciant, externum autem humiliter submittant tum Deo tum cunctis Creaturis. Nam sicut fidelis servus attendit sedulo, quò faciat quod mandat Dominus; ita debet externus homo sagaciter internum observare, ut quotiescunq; mandaverit aliquid, obediat ei quantum possibile, in omnibus modis & actionibus: & sic deberent silere, sustinere, vitare, seq; invertere in fundum internum. Ast hoc non faciunt externi homines, qui juxta suos sensuales modos solum operantur, aliosq; insuper eò tractos hisdem externis modis implicant, quod fieri minimè debet.

Q. Dic à quo sit instituta interna hæc Vita & undè imitationis habeat rationem? R. Hæc sancta Vita est solum à Spiritu S. instituta in unaquâq; divina animâ, quæ solum eum intendit, propterea manendum est in mansione virtutum internarum exturbatâ philautiâ & affectatione, quæ semper sustinaculum quærit. Noscenda & imitanda est charitas Christi, quam in cruce exhibuit sub acerbissimâ miserrimâ desertione, cui simi-
lem

lem nullus unqvàm homo habuit & ob qvàm Patri suo acceptissimus erat, cùm clamavit: Deus meus qvare me dereliquisti: tunc enim juxtà virtutes erat verus possessor ejus qvâ utitur nunc, Deitatis, qvæ ipse est. Hæc Christi charitas est, quæ sensum omnem superat, cùm qvòd necessarium nobis erat & videns & volens peramanter passus est. Ad cujus Exemplum si quis dum se desertum ac miserum sentit, persisteret ubiq; in resignatione æquali, esset cœlesti Patri acceptissimus.

Q. Cùm in abstractis talibus hominibus Deus procul dubio regnet, dic, quæso, quid fundum eorum fructificet? R. Ibi nascitur pax Dei essentialis, qvâ semel adeptâ cavendum est, ne adimatur iterum ab Angelis, dæmonibus, vel ullâ Creaturâ.

Q. Quid ergò cum exteriori homine faciendum, qui est in culpâ, ut præcaveri vix queat ademptio? R. In hoc fundo opus est, ut homo interior in potestate suâ habeat exteriorem hominem suppressum tenendo eum Deo singulisq; Creaturis subiectum, insuper & suspectum habendo cui non fidatur. Externus homo regendus est fræno, ne homini interno sit obstaculo in suis nobilibus modis & actionibus, neq; etiam in cupitorum defectibus, cùm fieri nequeat pro tempore, ut homo sit sine cupiditate & oblectamento.

Q. Quomodo potest regi externus homo? R. Sic potest, si virtualis discretio dominium habet ordinando, ut omnis oblectatio sit solum in Deo & propter Deum. Quod ut tantò felicius procedat, implorandum est Dei adjutorium: hoc enim cùm Deus non derogat roganti, fit, ut Deus largiatur ei divinam potentiam quæ fortificat, & sapientiam, quæ illuminat, & Clementiam, quâ penetrat, id quod probè notandum est.

Q. Cùm in præcedenti paginâ dixeris Resignationem spectare tantum exteriorem hominem, videtur materiam hanc exigere, ut aliquid hîc adjicias de resignatione, in primis quia tam cupidus sum nôsse, cur Resignationi tantum tribuatur? R. Hoc ideo fit, quia vera resignatio est capax omnium ge-
ne-

nerationum, donorum & virtutum, quas Deus unquam daturus est; contra mœstitia maximopere obstat, corrumpit vitam, obscurat lumen, ignemq; divinum in corde humano exstinguit. Quisquis per amorem sibi abrenunciat sive in proprietate sive in utilitate, sive in servitio proximi, quocunq; demum in opere, ita ut pure propter Deum seipsum linquat, is in cunctis operibus suæ resignationis similis fit Christo, qui propter salutem aliorum seipsum deseruit patiendò crucis tormentam. Noscendum autem est, resignationem supponere Sapientiam, quæ consistit in edomatione (mortificatione) veteris Adami, adeoq; necessum esse, ut Sapientiæ deditus probet seipsum, num vetus homo devictus & naturalis cupiditas defuncta sit in eo. Nam sicut dici solet: Unius corruptio est alterius generatio; ita fieri nequit, quin mortuo naturali homine oriatur nova generatio, proles scilicet nobilior. Sed novi hominis qualitates sunt humilitas, patientia, obedientia, suiq; abnegatio, quas in se observet sapiens necessum est, si cupit cognoscere, num sit carnaliter mortuus. Probet unusquisq; seipsum, dicit Apostolus, quasi absq; fructu esset, si proba desit. Sed novi hominis qualitates cognoscuntur facile è signis sequentibus, nimirum si homo divinus non solum coram Deo verum etiam coram hominibus in tam profundam humilitatis abyssum se demittit, ita ut se contemnat præ omnibus, nunquam aliis præstantiorem se reputando, id namq; docet Apostolus, undè tam absoluta humilitas verum exhibet signum carnis virtualiter mortuæ. Alterum signum est, si homo se sentit tam patientem, ut quibuscunq; afflictionibus ei obviantibus, sive sint dolor, anxietas, angustia, ignominia, probrum &c. se obviam sistat, easq; intrepido animo perferat nec inquirat undè proveniant, num à Deo, an ab hominibus, cum vel sine suo merito. Nam qui immotus deprehenditur cum laudatur aut vituperatur, nec accusatione vindicat illatam sibi injuriam, is velut defunctum cadaver Creaturis subiectum est ac dicitur. Idcirco dictum est: beati patientes; imò Dominus

Pppp

ipse

ipse vindictam in se transfundat, ne homo vindicando injuriam ultionis igne consumatur. Tertium signum est, si homo à temporalium Creaturarum curam alienus est, ut earum tanquam non entium planè nullam concupiscat, sed totum se Deo dicatum, imò in Deum se totum conversum habeat. Talis homo verè Christum sequitur, qui cuncta deserit præter solam Dei voluntatem, non utendo Creaturis alio fine nisi pro suâ necessitate & pro voluntate Dei. Tria hæc signa sunt Lapis Lydius, quo probatur, num homo creaturis, afflictionibus & superbix mortuus sit necnè, siquidem in prædictorum abnegatione consistit carnis mortificatio. Sed dicent multi præfatam mortificationem esse homini impossibilem, quæ fieri nequit, ne quæ nutritur & fovetur caro afficiat & fallat hominem. Verùm etiam si innumera exempla prostant eorum, qui mandatam carnis mortificationem in effectum deduxerunt, non tamen negandum est, effectum hunc esse planè impossibilem iis, qui nunquam eidem adhibuerunt operam. Quod si mortificatio carnis est tantum effectus externus, quid dicent de passione excellentiori quæ longè difficiliore, quæ ob id vocatur mors spiritualis seu passio informis? hæc namque afficit Spiritum à Carnis vinculis jam liberum. Quam dura sit tentatio, exemplum Jobi declarat, quæ non raro omnem dissolvit patientiam etiam in robustis & probatis. Hic namque requiritur mortificatio Spiritus, ut non solum supponamus Spiritum tentationi absque solatii cupidine; sed prorsus cupiamus etiam mori in eâ juxta exemplar Christi in cruce mortui. Sic enim teste conscientia implemus illud Apostoli, quod cum Christo in cruce mortui sumus, nostrumque Spiritum Solatii expertem in manus Domini tradidimus. Ecce sequelam Christi, quæ in afflictione & cruce consistit, quæ etsi variissima sit, nihilominus qualiscunque afflictio pertinet ad quadraturam circuli, hoc est, crucis Christi. Et quia ipse Dominus hanc viam afflictionis invenit, in eamque relictis vestigiis nobis prævit, constat, hanc viam esse brevissimam (tutissimam) eunti ad Patrem,

trem, quia per Filium, propterea scriptum est in S. Petri Epistolâ, quod (qui peccatum non fecit, pro nobis mortuus est dato exemplo, ut sua sequamur vestigia).

CAP. VI.

De Conversione & Inversione.

Q Valiter sit homini externo necessum coërceri, quò se avertat à Creaturis ostensum est in præcedenti Capite, proximè nunc est tractandum de conversione ejus ad ipsum verum bonum. Eam describit Dionysius his verbis: Ad veritatem se convertere nil aliud est quàm aversio ab amore & cupidine omnium rerum creatarum, & conjunctio sui cum Bono increato æterno. Sunt enim tria magna impedimenta, quæ hominis intercipiunt conversionem, utpotè amor Vitæ caducæ, oblectatio à Creaturis habita & voluptas carnis. Qui ab ambitione & concupiscentiâ capti sunt, si in iisdem ad spatiosum tempus perstiterint, afficiuntur tandem stupore seu insensilitate cordis, sic ut adversitates quaslibet libenter sustineant, modò suâ taliter possint frui voluptate dehinc similes facti antiquis Israëlitis, qui in Ægyptum remeare malebant ad intolerabilem laborem luxuriante animâ Carnes & allium, qualem cibum præferebant cibo cœlesti & requiei magnâ cordis pravitate. Nonnè in nostris christianis completus est typus luxuriantis populi Israëliti, cum priscis carnis Cupiditatibus dediti sumus dedignati observantiam dominicorum præceptorum?

Q. Si vel unica Creatura tantoperè indurat, ne Deus queat ingredi in suam possessionem, quid est dicendum de iis, qui speciem habent, virtutem non habent, qui desertâ aqvâ vivâ non lumen in se nec vitam habent, quales sunt, qui externis modalibus atq; per sensus intrò illatis speciebus tenacius insistent non

divertendo inputidum suum fundum, è quo deberent scaturire vivæ aquæ, qui hætenùs non sitiunt, non quærunt Deum? R. Qvicumq; de inventis & institutis propriis sibi complacent ità ut sibi putent sufficere, dummodò quas intrò per sensus intulerunt species observaverint, indeq; profluxa facta absolverint consueto, cæco, frigido, durovè modo sicut heri & nudius tertius, ità hodiè, cras & in futuros dies singulos, de iis dicendum venit, quod aquam vivam, hoc est, quàm suavis sit Dominus, non degustaverint unqvàm; indè quoq; veraciter subsumendum, eorum fundum esse simile cisternæ, in quâ non nisi putens aqua stagnat de foris intrò illata. Quemadmodum enim aqua in cisternis asservata putret ac putet, ità quoq; superbia, austeritas, ruditas, obstinatio, invidia, maliloquium, judicium excessivum &c. in cunctis iis deprehenditur, qui non sedulò incumbunt depurationi cordis, quærendo potius sufficientiam ab institutis externis. Talium hominum Vita est Deo tam exosa, atq; alia quævis esse potest, quod indè conspicuum redditur, quoniam Deus ipse in tantam injuriam graviter animadvertit convocatis ad judicium non tantùm cœlitibus & Amicis, verùm etiam terrâ & cunctis aliis creaturis dicendo per

Jerem. 25. Prophetam: Attendite & admiramini Cœli, quoniam populus iste patravit duplicem malitiam: Me fontem aquæ vivæ deseruerunt & foderunt sibi cisternas, cisternas fractas non servantes aquam. (Quicquid enim humanarum inventionum ex arbitratu proprio promanat, tam citò deficit quàm leviter prurumpit.) Et ideo dicit Dominus: Incasti fuistis nimium, atq; polluti: hoc est, quod me deseruistis fontem vivarum aquarum & fodistis vobis cisternas.

Q. Annon putentium aquarum receptaculis assimilantur & hi, qui tanquàm simplices ac stolidos derident eos, quibus in suis tentationibus consilio efficaci succurrere tenebantur? R. Tales præ cunctis aliis aptissimè comparantur retinaculis olentium aquarum, quorum, proh dolor! tantus est numerus, ut sit necessum cuivis bono homini persuadere patientiam & silentium.

cùm

cum longè satius sit solatium averfari, quàm derisionis scandalo gravius tentari. Quorumcunq; fundum scaturientis aquæ vivæ fons est, eorum simplex est iudicium sine respectu personarum, in iis non invenitur derisio, contemptus, vilipensio, aut præcox iudicium aliorum, quæ nihil aliud sunt quàm tetri vapores è putridis aquis exhalantes, quin potius divina charitas promanat è corde eorum.

Q. Quales autem sunt, qui sapientes volunt videri, & qui verbis suis pondus, factis speciem addunt? R. Cisternis etiam similes sunt hi, quorum ficta sanctitas externa species est, nam tales comparantur aquæ in receptaculum transportatæ, rupto verò vase profusæ penitus: Impellentibus quippè procellis, imò & ipso mortis aculeo ferientibus animam afflictionibus deperit species fallax omnis detecto fundo sordido. Tanta tunc in hominibus spiritualibus miseria spectanda venit ut tali exemplo terreantur etiam quorum status diversus erat, quia & tutior & laudabilior.

Q. Quid intelligitur in sensu spirituali per immunditiem fornicationis, de quâ Dominus apud Prophetam queritur? R. Per eam indicatur perseverantia in objectis & speciebus caducis adamatis, quarum ratione abutitur homo suis sensibus corrupto intellectu. Enimverò cum deceat hominem per constas Creaturas obversantes sibi aut ad tractandum objectas ultrò ad Deum progredi, fit tamen inverso modo, ut per eas concedat ad eas & inter illas oberret semper. Hæc est pollutio spiritualis, turpis admodum, à quâ benignus Dominus peccantem animam revocare nititur dicens: Convertere, converte ad Dominum Deum tuum; suscipiam te, & infundam vivam aquam (veram pœnitentiam & charitatem) dummodò ex toto corde ad me convertas te.

Q. Annon immensa est & admiranda Dei Clementia, qui non obstante prævaricatione continuâ enormi tamq; acerbâ querelâ & animadversione dignâ, revocat peccatorem, cui condonet, imò quem suscipiat in Amicitiam, si se ad Dominum

Jerem.
2.

converteret puro corde? R. Ità est; & hætenus commendat Deus juxta Apostolum charitatem suam versus nos ingratos &c. ne se excuset quispiam, quod observandum est; sed pari quoque observatione dignum est, quod dicit Dominus: Nisi autem ad me convertimini, futurum est, ut vobiscum eam in judicium. Vocari autem ad judicium nimis periculosum est.

Q. Siccinè metuendum est, ut homo perdat suam causam? R. Quinimò certissimum est Deum in quâvis causâ justificari, omnes autem in judicium vocatos judicari. Cavendum sic sedulò est, ne quis irrevocabilem audiat sententiam his paucis verbis complexam: Non novi vos; cujus causa erat, quia non estis oves meæ. Quæ enim sunt oves ejus, vocem ejus audiunt, nec alium sequuntur, uti dicit Dominus.

Q. Estnè possibile, ut omnis qui vult, convertatur? R. Imò nil magis possibile, quatenus tempus est subiectum potestati humanæ, ità quidem ut quod hodiè in servitute Domini elaboro, cur cras intermittam non sit ratio, culpa sic mea est, si tempus distinguo in meam perniciem, neque juvat mendacium impossibilitatis prætexere, si dies unus & alter me possibilitatis convincit. Nam sicut occasio erat vel fugienda vel arripienda, ità & tempus erat observandum sedulò. Quod autem Voluntatis inversio sit potestati humanæ è dono gratuito subiecta, constat è superioribus. Fateatur sic peccator culpam sibi jure meritoque imputari citrà impossibilitatis prætextum, tanquam otioso ac somnolento, eoque infido operario. Illuminati atque fideles operarii dominantur voluntati, eoque & temporis tantò magis occasione: nam quamprimum animadvertunt occasionem Concupiscentiæ, fugiunt eam, demissosque se in vulnera Christi occulunt amorem & passionem Cordibus suis imprimendo, imò & frontem signaculo Crucis obsignando. Si quæris, quid inde solaminis reportant, respondetur, eos armari sic armis justitiæ, quibus omnes injuriosi temporis tentationes vincunt. Tunc scilicet affectiones & cupidines emoriuntur, cum animi, evacuantur à formis seu Ideis, atque sic conver-

vertuntur in chaos opacum informe, tranquillum à summo Bono undiq; complexum.

Cæterum vacuitatem (inane) animi reducti non immerito vocamus similitudinariè chaos, siquidem per effectum Creationis Idearum & discretionem formalitatum, undè interna virtutum opera conflantur, apparet quantum microcosmus macrocosmi similitudinem referat. Nam cum Imago divina sit purus ac merus Actus, sequitur chaos ejus non trahere moram temporis in respectu ad inanitatem, verum appetere discretionem suæ materiæ & reclusionem formarum absconditarum, undè nequit fieri, quin prodeant infinitæ Idæ informatrices, operatrices, discretrices, coadunatrices & perfectrices informis materiæ, quæ dum non nisi de cœlesti Profapiâ sunt, non valent producere nisi Entia, fructus sive opera cœlestia, sive cœlestibus similia, & istæc operatio novaq; constitutio quam spirituales alias vocant, vocatur Theosophorum nomine inversio sive intraversio hominis, quod etymon videtur oppositum esse extraversioni ejus, quæ terreni. Inversio hæc non rectius potest intelligi præterquam è cognitione extraversionis, undè solemus dicere: Contraria juxta se posita magis elucescunt. In extraversione cognoscimus etiam Hyle seu Chaos sensitivæ animæ, quæ menti (Spiritus) opponitur, ejus appetitus est juxta carnem seu juxta sensitivæ naturam, qui proinde solet in Scripturâ indicari per etymon concupiscentiæ, hætenus quæ indè profiliunt formæ & formata vocantur opera prava, mala, ingrata &c. quia quatenus effectus hi se habent juxta suam causam, hætenus etiam eorum permanentia se habet quoad originem, quæ est caduca & transitoria. Quicquid autem à Deo factum est ad tempus solum (interituum) id non est gratum in oculis ejus simpliciter, sed tantum propter aliquid. Sed id sunt Creaturæ omnes exceptis spiritibus permanentibus; idcirco quicquid à sensitiva productum cernimus, ingratum Deo dicendum, tametsi non includeretur Legis Codicillo quia nihil meriti inest ei, quod permanens dici posset, adeoq;

eoq; & nihil mercedis, totâ ergò naturâ suâ ingratum Deo, quia non procedit ex causâ quia, sed ex causâ propter quid. Porro cùm sensitiva sit Creatura transiens, hinc ejus Chaos, actio & productio non sunt nisi effectus transitorii confimiles iis, qui sunt reliquarum Creaturarum, proindè quæ sunt cœlestia, non potest coëfficere, utpotè quæ non sentiendo ignorat, quæ comprehendendo non curat, saltem in suetâ sibiq; connaturali actione manendo. Est autem hujus sensitivæ proprium cudere in suo Chao simulachra Creaturarum, quarum effigies per organa sensuum oblatas servat, delineat, depingit, illustrat, taliterq; infinitas Idearum congerit naturas, pro quarum ratione, discretionem, confusione, coagmentatione, excussione sibi parat scopos, & pro ratione finium iterum novas Creaturas ideales, quas dum concepit, transmittit velut in suum uterum, ubi colliguntur, coguntur & soventur, qualis actio vocatur cogitatus vel meditatio. Constat ergò, quicquid insensitivâ causaliter productum vel spontè natum est, esse simulachrum mundi aut mundialis constituti, transitorii & ingrati, non nisi extrâ hominem consistentis. Extraversionem quod attinet, est ea appetitus Creaturarum sensibus objectarum, quæ longius ab homine ejusq; constituto distant, nam cunctis motionibus naturalibus fertur homo ad Creaturas fingendo, meditando, discernendo, judicando, proponendo sibi Creaturarum Usus fine commoditatis temporalis, atq; in tali cursu laborat, currit, studet, corpus periculo subjicit, eoq; totam suam mentem velut per consensum trahit ad assensum, sic per integram suam Vitam versatur in externo, circâ externum, cum externo, quin etiam tùm extrâ se cùm est intrâ se, itâ ut in interiori suo consideratus inveniat non nisi innumerabilium externorum congestorum simulachrorû receptaculum. Ecce hominem externum, naturalem, carnalem, miserum, de quo verè dicitur, quod extrâ se ipsum est, quia externis totus quantus immerlus sub periculo submersionis. Ecce extraversionem quam scriptura jubet deponere. Quibus mediis ad depositionem status naturalis perveniatur, est alibi edoctû.

Hic

Hic expedit nôsse, intraversionem assimilari extraversioni, quoad modum operationis, verum in statu Contrarietatis. Nam homo inversus est totus alienus ab extraversione, mundo mortuus sive ab Ideis mundanis vacuatus cujus mens non solum à sensitivâ se prorsus abstraxit, verum etiam eandem secum à mundo abduxit, aut si non prorsus abduxit, ab eâ tamen se hætenus sequestravit. In Chao mentis subito consurgunt Ideæ cœlestes (id quod apprimè notandum est) quæ dum non sunt visæ, habent se per modum revelatæ & creditæ proportionis, suntq; non nisi menti propriæ per fidem Deo gratæ redditæ, undè & qui ex iisdem progeneratur partus non est nisi permanens & æternus, æternus scilicet Dei Filius, Christus. Quod si partus cœlestis est, cœlestes quoq; sint ejus conceptus necessum est; cœlestes autem sunt, quia non nisi revelatæ fidei, & hi sunt verè intrâ hominem, quia ad Deum conversum, imò sunt & creati in eo qui habitat in mente seu potius in quo mens habitat. Quamdiu sic hominis Chaos disgregatur, non nisi formæ cœlestes proveniunt, quamprimùm autem clauditur, obruitur ab irrupentibus externis injuriis, (quæ quidem alternatio est homini valdè familiaris) nec explicatur iterum nisi sedatis procellis & obscurantibus nebulis discussis. Tunc Regnum Dei rursus promicat, & juxta Idearum divinarum explicationem prodeunt species cœlestes, ibi actio (operatio) indefessa, dulcis consideratio, suavis expectatio, voluntas libera, appetitus gratus, spes absoluta &c. Hæc autem cum sint in ipso hominis intimo, eâ de Causâ homo intrâ seipsum conversus non curat ea quæ foris sunt, nec sentit suum Corpus, quod tunc reputatur tanquàm res extrâ se posita, propterea scriptum est; Regnum Dei intrâ vos est. Homo ergo in se inversus objectum suum, circa quod se occupet, habet bonum optimum, quod Christus est, undè sequitur opus esse, ut is qui Christum sibi præfixit, intueatur & contemplerur in se cuncta ea, quæ adhærent eidem. Adhærent autem Christo non tantum vita æterna, sed & dona redemptionis, institutionis, nutritionis

onis &c. In dono nutritionis spectanda veniunt cuncta externa bona ad sustentationem homini collata quò pertinet finis Creationis & Scopus Creaturarum. In dono redemptionis spectanda veniunt cuncta interna bona passionis, meriti & justitiæ Christi. In dono institutionis spectanda veniunt dona doctrinæ suæ, Evangelii, Legis, Scripturæ; imò Speculum Vitæ suæ. Juxtà hæc dona formantur opera Regni Dei (virtutum effluxus) & juxtà se habet internus proventus Idearum in opera perfectæ, grata & accepta properantium. Habet ex his homo quo incessanter se occupet, habet quo vincat peccatum, habet quo sanctus fiat, habet quo justificatus permaneat, habet quo se corrigat, si extravagando lapsus sit. Nam per Considerationem doni nutritionis excitatur gratitudo & charitas, & in hâc motione sunt plures Ideæ & charitativi effluxus. Per Considerationem Redemptionis præparatur humilitas & pœnitentia, & in hâc motione plures Ideæ compassionis, doloris, subjectionis in opera interna & externa se evolventes sub determinatione Voluntatis dominicæ. Per institutionis considerationem introducitur obedientia, & in hâc motione plures Ideæ operatrices quæquaversum subrepentes & in servitutis opera se explicantes sub determinatione jussûs sive is sit Dei sive Ecclesiæ, sive proximi, amici vel inimici. Dicat nunc unus è Christianis, num horum aliquid in se per totam vitam suam expertus fuerit, aut planè nihil? Si unquàm aliquid, non habet quod suæ inversionis prætexat impossibilitatem, falsum enim dicit. Nam si semel per horam inversus fuit, non habet locum impossibilitas, nec pro semper si semel. Sed vix invenietur Christianus, qui asseveret veraciter, se nunquàm fuisse ad temporis momentum inversum, si fuit unquàm Christianus; qui potius fateatur, inversionem fuisse ab extraversione ablatam. Tua ergò, homo, culpa est non Dei, si dona tibi elargita non consideras, nam ut gratè dona consideres, multum temporis impendendum est, quia permulta sunt & plura quàm ut narrentur. Vix tibi sufficiet dies integer, quo
revol-

revolvas id genus bonorum externorum, quæ Deus per Vitam tibi largitus est. Num tibi sufficiet dies ad rememorandum donum informationis tuæ, ut jam taceam donum Redemptionis & speculum Vitæ Christi, ad cujus contemplationem tibi nec dies nec hebdomadæ sufficiunt? Ecce protensum temporis terminum, quo duret tua inversio, grandia locorum spatia, quibus capeffendistotus tuus animus non sufficit. Undè ergò tempus desumes impendendum curæ seculari? Certè tua est electio, dispositio, tua facultas, quia tua voluntas. Huc illud tritum proverbium: quidquid agis, prudenter agas & respice finem.

Q. Dic undè proveniat Conversio? R. Omnis Conversio plerumq; triplici de causâ oritur. Primò, aut propter metum damnationis: secundò, aut propter optatum vitæ æternæ: terriò, aut propter divinum amorem & clementiam. Priores duæ permixtæ sunt philautiâ Deoq; hætenùs non tam acceptæ sicut tertia. Sunt ergò tales Christiani trium generum, quorum 1 est, qui tantùm timent pœnam inferni. Eorum vita tam prava est, ut ipsimet reatûs sui convicti agnoscant, se iri damnatum, si absq; conversione tunc fortè morerentur:) qui si ex revelatione mortis horam cognoscerent, sine dubio differrent conversionem in eos dies). Cùm autem mortis incertum tempus perpendant, non potest fieri, quin tanto metu corripiantur, ut præ internis cogitationum tormentis quiescere nequeant, donec correctâ vitâ pœnitentiam egerint. Hi putant sibi sufficere, dummodò evaserint æternum ignem per fugam Criminum, peccata verò quotidiana non fugiunt, tantominus verâ pœnitentiâ expiant, cùm pœnitentia eorum sit valde exigua, hinc deest iis animus peccata & defectûs superandi mediante debito actu pœnitentiæ, quid quod amor eorum pusillus est, hâc ratione deest iis etiam inclinatio & desiderium virtutes acqvirendi. Mundana ergò & carnalis eorum Vita est, cùm sint & maneant frigidi, pigri, negligentes, vani, leves, hilares, delicati; imprimis non pro necessitate sed pro comoditate

tate suâ vivunt **excessivo modo**, cujus causâ etiam proprium quæstum & comòdum ubicunq; licet, quæerunt, præter id quod gloriam venando intactam suam servare cupiunt famam. In-
 trûs manent obstinati, sibi ipsis relictî, elati, superbi, solliciti, &
 tamen in suis rebus improvidi, extûs verò vulgaribus modis
 & consuetudinibus secularibus addicti eo fine ut ab hominibus
 videantur. Quamprimùm tentatione vexantur, fiunt impa-
 tientes, austeri, contumaces, inhumani, contentiosi: In pro-
 speris suprâ modum lætantur & inflantur, in adversis verò ab-
 jiciunt animum, aliorum defectûs observant, ut judicatos
 eos audacter traducant. Ecquis autem non videt eos summo
 expositos esse periculo, cûm prolabantur in ipsa peccata mor-
 talia, priusquàm advertant? Proindè eorum conversio est me-
 rè externa, & terminata, undè venit, quod Congregationi-
 bus spiritualibus sint graves, & vicissim ipsi graventur ab il-
 lis. Capaces omnium sunt tales homines, quorum ope Dia-
 bolus cuncta, quæ unquàm potest intendere, in effectum de-
 ducat tanquàm per sua organa & mancipia, utcunq; sancti ap-
 pareant foris. Neq; satis id est, quin etiam in cunctis cæptis
 & factis quàm inconstantes sunt, de quibus aptè dubitatur, num
 sint in fide permansuri, partim quod Diabolus perspectos eos
 habet, partim quod eos variis modis pertentat & seducit, un-
 dè fit, ut si quandoq; recogitant, quanto periculo expositi sint,
 quanta sit anxietas, quâ sub mortalium peccatorum prægres-
 sorum servitute torquentur, abjectâ patientiâ in dubia multa
 cadant, & nî Sanctorum Dei amicorum ope, qui aut inter il-
 los tunc aut propè Deum habitant, è tantâ eriperentur anxie-
 tate, haud dubiè relaberentur in pristina peccata, imò eorum
 aliqui præ desperatione revertuntur ad peccata, in primis si præ
 superbiâ tentationes suas verentur revelare, non est, qui illis
 succurrat; hinc peiores unquàm redditi emancipant se Diabo-
 lo. Hæc à Diabolo obsessa mancipia peccatis non amplius
 resistunt, quia tentationes perferre nolunt, compertum quoq;
 est nonnullos eorum amentes factos esse præ gravitate tentatio-
 num.

num. Ubi notandum, si quâ fiat, quod horum aliqui per-
 ptis velut tentationibus circa vitæ finem adipiscantur veram
 pœnitentiam & charitatem, id esse minus vulgare beneficium
 & superabundantis divinæ misericordiæ documentum, hi si sal-
 vantur, vix tantum impetrant, ut transferantur in infimam
 classem seu chorum ultimum Angelorum. Causam ejus e-
 volves ex præmissis esse eam, quod nullum animum habuerunt
 ad Conversionem, quicquid autem Conversionis in iis depre-
 hensum est, ex mero metu, compulsu & sensu damnationis
 factum est, quapropter etiam ægre & vix sunt intromissi in in-
 fimum Chorum Angelorum. Prodest ergo iis, quorum con-
 versio ex metu est, aut qui præ tædio laboris in melius non
 proficiunt, vivere in aliquo mundi statu, in quo subiecti sunt
 variis calamitatibus eorum contumaciam reprimentibus, & ad
 Conversionem eos compellentibus.

2. eorum est, qui non solum infernum, sed omnem tentatio-
 nem metuunt, hæc de causâ non tantum à mortalibus verum
 etiam à quotidianis peccatis, quæ averfantur, se custodire co-
 nantur, hætenus dolent de pristinis peccatis magno cum ge-
 mitu durâq; pœnitentiâ. Eorum conatus etsi major est quàm
 priorum, nihilominus si non progressi in statu eo moriuntur,
 vix extolluntur in Chorum penultimum, nimirum Archang-
 gelorum. Causa hujus impedimenti jam antè indicata est, qua-
 tenus eorum conversio non est ex mero amore, sed à metu
 promeritæ pœnæ extorta, quod insuper Deo non satis fide-
 runt, hætenus caruerunt libero ad Deum aditu, quem alioquin
 parat spes & fiducia habita in misericordiam, passionem & me-
 ritum Christi. Ideo autem merces eorum grandior est mer-
 cede priorum, quia proximum suum bonis exemplis magis
 docuerunt & roborârunt.

3. eorum est, qui non solum infernum, sed etiam qualem-
 cunq; peccatorum pœnam metuunt, hinc ad evadendû quàm-
 libet pœnam abstinent à cunctis mortalibus & quotidianis pec-
 catis, quin & defectus humanos, quàm minimi etiam sint, de-
 vitant,

vitant, hoc autem ut tantò faciliùs præstare valeant, impendunt operam seipsos quantumpote, superandi, quâ ratione multum se occupant in expeditione operum pœnitentiæ atq; virtutum. Ast quia non ultra progrediuntur, quin potius ad mortem usq; in statu eodem permanent, possibile est, ut in virtutum Chorū suscipiantur, non æq; in sublimiorem, idq; ideo, quia ex genere eorum sunt, qui metu pœnarum convertuntur. Attamen plus gloriæ obtinent præ prioribus, quia ad mortificandum suos sensus plus illis insudârunt.

Q. Quales sunt, qui convertuntur à desiderio Vitæ æternæ?

R. Hi reducuntur itidem ad tria genera. Unum eorum est, quos gaudium æternum & oblectatio ineffabilis plus allicit quàm metus inferni, utpotè quod gaudio æterno comparatocum transitorio, rapiuntur in tantam admirationem ac desiderium æternorum cœlestium bonorum, ut mundo sive cupiditatibus mundanis abrenuncient, seq; ipsos Deo serviendum applicent. Hujusmodi homines antecellunt prioribus propter nobilius fundamentum, aptum insuper ad suscipiendam emendationem. Nactâ enim conversione se dedunt exercitio non solum peccata tam parva quàm magna averfando, verum etiam virtutes sibi comparando. Consideratâ Bonorum cœlestium excellentiâ non est tam magnus labor, nec passio tam gravis, quam sustinere gravarentur, quin ad labores perferendos, adq; recipiendam perfectiorem gratiam sunt longè aptiores præfatis hominibus, in quo si obeunt statu potest fieri, ut tanti laboris ac diligentiae respectu suscipiantur in quartum Chorū potestatum, quem quidem ideo transcendere nequeunt, quod sic seipsos, hoc est, quæstum & commodum proprium Bonorū cœlestium (quod fundamentum & scopus eorum est) plus quæsi verunt quàm gloriam Dei. Et quanquàm culpa hæc sit accidentaliter profecta ex naturali imperitiâ & revelatæ cognitionis carentiâ, nihilominus imputatur iis, eò quod media eorum oculis præfixa, hoc est, verbi Dei, sanctorumq; doctrinam & hominum proborum exempla non tantum curârunt, quan-

quantum potuerant & debuerant, unde fuit impeditus progressus exercitii. Nam nōsse debuerant progressum esse potissimum situm in passione & tentatione: sola passio est quæ castigando erudit eos qui non cognoscunt seipsos, quæ reprehendendo revelat hominibus, qualiter cœlestis Boni adeptionem cum proprietate possideant postpositâ Dei gloriâ, seq; ipsos sic plus ament quàm Deum. Quod si obaudiunt verbum prædicatum, si posthabent exempla aliorum velut res familiares, minusvè afficientes, mittuntur iis remedia fortiora, tentationes scilicet & afflictiones, quæ vicem suppleant afficiendo homines valentius tamdiu, donec seipsos præbent, cognoscant, abjiciant, abnegent, Deum super omnia, proximum verò sicut seipsos diligant, atq; sic justitiâ Dei potiantur. Hinc si præfati homines suum transcenderunt statum eoq; progressi fuerunt, ut abnegando seipsos Deum solum respiciant, eleventur in statum altiore, in quo secundi generis homines persistunt; quod si persistunt in amore Dei usq; ad mortem absq; in frigidatione, possibile est, ut perveniant ad quintum Chorum Principatum. Deniq; si in virtute justitiæ, hoc est in passione opprobrii, persequutionis, damni &c. perrexerint, futurum est, ut mirum in modum roborati perducantur de virtute in virtutem, sic ut seipsos amplius contemnant, nesciant, amittant, pace & quiete internâ fruantur victâ scilicet tentatione & passione. Hic status priori adhuc perfectior est, quapropter dicitur possibile esse, ut qui in eodem defungantur, transferantur in Chorum Dominationum.

Q. Dic quales sunt, qui convertuntur propter amorem Dei?
R. Tales sunt, qui considerant Clementiam Dei conferentis homini tot tantaq; dona (beneficia) absq; ullo suo merito: è profundiori istâ consideratione resultat gratitudo & desiderium Deo æternum serviendi sub Voluntatis suæ perfectâ resignatione. Sentit autem unusquisq; se ignorare ea, quæ pro Dei gloriâ juxta Voluntatem ejus sunt facienda, indè cogitur homo cum timore, tremore ac desiderio rogare Deum, & interrogare cum Paulo.

Paulo, quid factu opus sit, quid intermitteri debeat, insuper & ingemiscendo optare futurum, ut Deus operetur in & per eum, quicquid placuerit ei cum Voto se operam daturum, ut Voluntas Domini liberè fiat in eo. Indè liquet, talem hominem non percelli metu inferni nec inescari Cœlestibus cupediis; dolere quidem magnoperè de peccatis suis, non tamen metu pœnæ, sed amore Dei, suæq; infidelitatis pœnitudine, quæ semper convellendo sollicitate eum ad expiandum eam, quapropter non solum inferni pœnam pronunciat justam, sed sibi ipsi vellet adjudicatam, si jus & potestatem in se haberet. Nota verò quod sequitur: Non judicabitur unquam talis homo à Deo; si quæris, unde hoc? R. Quia & justus inventus est judicando peccata sua & pro virili seipsum torturâ affecit mediante actu gravis pœnitentiæ, nam scriptum est: Si nos ipsos judicaremus, utiq; non judicaremur à Domino. Imò si talis homo totius mundi peccata commisisset, nihilominus ei remitterentur instanter, & quod notandum insuper, si moriatur in eo statu, possibile est, ut transferatur in septimum Chorum Thronorum. Thronus enim Dei factus est, quia vas electum ac purgatum. Quod si verò indies in amore & justitiâ cresceret, progredieretur ex eo statu in superiorem & cum Angelis Cherubim ambularet in lumine divino paratus laudare & amare Deum, facere & intermittere cunctaq; pati juxta Voluntatem Dei in seculo & ævo. Hic amor purus & justus est, in quo si perstiterit, possibile est, ut tandem evehatur in Chorum Seraphicum & dicat cum Paulo: Qvis me solvet à Corpore hujus mortis, ut vivam cum Christo? Eò autem si ventum sit, à nullâ curâ nisi proximi tangitur amplius, cujus ratione dicebat Paulus: Cupivi anathema esse pro fratribus meis. Ista sui perfecta oblatio fraternaq; cura placet Deo tantoperè, ut habitare in eo desideret, & prorsus eum sibi adunare, quod cum factum fuerit, homo verè dicere poterit: Vivo jam non ego, sed vivit in me Christus.

Q. Eò quod omnes Christiani gratiam eam, quam è baptismo reportârunt, peccatis suis perdant rupto scilicet fœdere fa-

cto

est inter Deum promittentem & inter hominem spondentem, est gratia gratiæ superaddita, nimirum ut renovato fœdere restitatur homo in integrum (in pristinam gratiam) dummodo ex integro averfus à peccatis convertat se ad Deum ex integro. Est ergo in modo Conversionis & averfionis situm totum negotium, quem procul dubio ignorant omnes ii, qui à Diaboli astu seducti privantur laboris præmio, id autem fit, cum antiqva eorum peccata Conversionis specie obtegit, vicissim veram pietatis virtutem è corde fraudulenter rapit; Deniq; cum tanta sit hujus rei difficultas, ut etiam maxima pars hominum se falso credat esse conversos, quæritur, qualiter quis possit discernere inter verè conversum & non conversum, qualiter & seipsum dijudicare, num sit conversus necnè? R. Ea quæstio cum non sit levis momenti, utpotè quod homo quò magis hoc cognoscit, eò facilius converti potest, dummodo sit bonæ voluntatis, præstat responsi loco describere homines conversos pariter & non conversos, tanquam quod hoc modo facilius potest comprehendi designatum conversionis fundamentum. Signa ergo quibus conversi & non conversi dignoscuntur, sequentia sunt, de conversis prius.

1. Verè conversus homo humilimè confitetur suum nihil, nemini se præfectum aut præ alio æstimatum cupit, sed omnib; subjectum & obsequiosum; simplex in omnibus est, seipsum spernit, in bonum cuncta vertit, in Dei timore cuncta opera quæ per mandatum ei injunguntur, gratè exequitur.

2. Conversi sunt etiam ergà proximum affabiles, amabiles, alterius opera commendantes, deniq; cum amor mutuus efficiat, quod de prosperitate proximi congaudeant & de afflictione ejus condoleant, coguntur ei succurrere in cunctis necessitatibus.

3. Sunt insuper valdè patientes in quâcunq; calamitate quavis diuturnâ, pacifici, hostibus benigni & miti corde quærentes reconciliationem.

4. Inveniuntur misericordes & ad juvandum semper parati,
 Rrrr dant

dant quod habent spretâ caducâ farragine, hilarianimo inclinant ad paupertatem & opprobrium, corde ad Deum elevato reddunt gratias pro custodiâ & sustentatione, curas verò temporales rejiciunt, quò tantò beatius curent Deum & cœlestia.

5. Omnem curam satagunt impendere ad Dei gloriam & proximi commodum, de cætero sunt circumspecti in operum exercitio, ut faciant bonum quantum possibile, taliter in bonâ ergâ Deum fiduciâ perseverant in bono.

6. In capeffendâ necessitate victûs & amictûs observant modum temperantiæ ac sobrietatis subtrahito eo quod erat superfluum. Pauco cibo nutriunt corpus sic, ne luxuriet, omni verò studio præcavent, ne animus largiori potu oneretur.

7. Tâc casti sunt ac verecundi (id namq; exigit divina & angelica præsentia) ut malint mori quàm immorari considerationi Idæ impudicæ, adeò student Cor suum servare in puritate & membra reliqua in firmâ custodiâ, ut hætenùs eâ careant sollicitudine, quam infert læsa conscientia. Et ut suos sensus custodiant eò tutius, castigant corpus vigiliis, jejniis, laboribus, precibus & continuatâ ad Deum devotione, eâ coërcitione tanquàm fræno seqvax redditur Corpus atq; subjectum voluntati. Jam de nonconversis, qui quoad antedicta conversis contrarii sunt. Hi facile dignoscuntur mediante vitioso apparatu, quo se invicem tùm & alios probos aut simplices homines offendunt. Ex his sunt qui

1. Nimium se æstimant, hi opera sua Authoritate quâdam exaltant, cæterùm sunt incapaces subjectionis, quia mandati impatientes, non parvam quoq; operam impendunt magniloquio & multiloquio, quod si quis attentè observat, deprehendet eos gloriari de suis rebus & operibus, effata quoq; sua obfirmare specie sanctæ humilitatis, ne qua suspicione vilescant. Si contemnuntur, vindicant quavincunq; injuriam accerrimâ sensatione. Et quatenus hi omnes sunt gloriosi, obstinati, temerarii, hætenùs sunt omnes imperio Satanæ subjecti, quàm magni etiam sint.

e. Alio-

2. Aliorum pietatem oderunt, invidi sunt, elato animo contradicunt, convitiis ac derisionibus aliorum opera convellunt, quod restat, promptissimi sunt ad puniendum, reprehendendum & maledicendum.

3. Sunt valde iracundi, proximum traducunt, ab aliorum prosperitate cruciantur, præterea discordes sunt, obrectatores, confusi & murmurantes adversus omnes qui non consentiunt illis.

4. Ardenti corde appetunt caducas res & voluptatem quæ-
runt quodcumque & qualitercumque possunt, id autem sic faci-
unt vel furtim vel impudenter ac temere, ut utiis imputetur :
pro factis suis laudem cupiunt & temporalem mercedem quam
etiam nonnulli (sub specie pietatis) pro meritam putant, hos au-
tem clam, palam, omni modo persequuntur, qui eos non sa-
tis venerantur: quod restat, haud raro committunt externam
fraudentiam, dolum vel mendacium, comprimis si causâ
honoris vel conservandi vel conquirendi id faciendum cen-
seant.

5. In plerisque agendis sunt cordis amari, ad bonum semper
ignavi, alias feroces & sordidi, cæterum somnolenti, pusilla-
nimes & dubiosi.

6. Ventrem faginant cibo ac potu superfluo debitum victus
modum excedendo & ut insatiabiles sunt, ita Deo ingrati: ejus-
modi ingluviem non solum ægritudines sequuntur, verum et-
iam immodicæ Cupiditates, & Carnis libidines: non sine stu-
pore cernimus nonnullos ad Crapulam usque fatiatos quærere pas-
sim voluptates, imò luxuriare in verbis, in risu, in jocis, saty-
ricis aut obscænis historiis, discursibus aut novellis: quosdam
verò reperimus ad rixas & pugnas dispositos, alios audimus cla-
mare impudenter vel furenter. Alii repleto ventre obruun-
tur somno, & adeo pigrescunt, ut vix oratiunculam dicere que-
ant, quod ipsum si fit inter eos qui sacris præsunt, non tantum
criminofum sed etiam propudiosum est tam propter datum
scandalum, quam propter neglectam sanctorum sequelam, qui

Rrrr 2.

pau-

pauco victu imò & jejuniis corpus castigârunt, ne sibi aut suis sequacibus darent causam tot atq; tantorum defectuum. Hodie toti S. Ecclesiæ sed falsò imponunt, qvi dum adversus eam rem dicunt, in scandala ecclesiasticorum inquirunt, adeoq; communiter dicunt, spiritali homini non ea sufficere, quæ sufficiunt diviti seculari. Hæc ait Author noster, si par est dicere, qvòd totâ die coram oculis obversatur, non potest fieri, quin tam siticulosi spirituales tantâ Caligine mentis offundantur, ut vix restet, qvi perspiciat extremum periculum, ad quod perducti sunt tentatione Diaboli. Ejusmodi vertiginosos conducit malignus Spiritus ad lacum impuritatis omnisq; immunditiei, qvò rotantes, nutantes, inclinantes eò facilius præcipitet, & hanc Diaboli capturam observamus è Cogitationibus impuris & pravis concupiscentiis, Cæno scilicet qvò corda eorum sædando contaminat, & ideò tales sunt cæci ac vertiginosi, qvia nec cernunt, nec credunt, qvàm turpiter peccando Deum irritent: ut taceam, qvàm vehemens hæc prævæ concupiscentiæ commotio noceat utilitati ac merito, cum reddat hominem ineptum ad bona opera, Deo & cunctis Sanctis perqvàm ingratum. Solùm hoc in hujus pergrandis vitii dedignatione repetera liceat, cunctos eos cæcos, qvi aliquam voluptatem quærunt in Cibo & Potu, consimiliq; Comessatorum Societate, post comessionem corripit lætitiâ inordinatâ, multiloquio, & impudentiâ, undè mens alienatur, omniq; devotione privatur, ita ut cum tempus adest orandi, differat orationem in crastinum, cum aut nequeat aut nolit devotè tunc orare; qvòd si differre veretur, attendat aliquis orationi & deprehendet manifestam Dæmonis collusionem, cum fieri nequeat, qvòd ei præludat in Imaginatione cuncta ea illecebrosa dicta & facta inter comessandum habitâ, ita ut inter orandum cogatur ipse desuper ridere tanqvàm super mimesi-miæ: & tunc non videt cæcus cum ridet, irrideri Deum. O grande piaculum, quâ plagâ expiandum?

7. Non multum curant neq; considerant pravas suas cogitationes.

tationes (imaginationes) licet indè causentur ingentes animæ carnisq; comotiones, quas nec delere nec superare queunt, cum jam accensi sint velut igne gehennæ; quin & haud rarò labuntur in consensum voluntatis, sic ut patrarent omne scelus, flagitium & facinus, si daretur causa vel occasio, tantâ incuriâ explent carnis luxuriam amore sui capti (excæcati). Interdum etiam fit, ut aliqui eorum tam inconstantes, ignorantes ac cæcievadant, ut prænimiâ difficultate Deo imponant ob interdictum carnalis concupiscentiæ, vellentq; futurum, ne Deus delicta eorum vel cognoscat vel ulciscatur.

Ista sunt signa, quibus verè conversi à non conversis dignoscuntur, hæc omnibus nōsse convenit.

Q. Cū omnia hæc se habeant sic, ut à nullo Christiano queant negari, ad quid ergò ea fiducia, quam peccatores hodiè ad eò sibi persuasam habent, ut ejus gratiâ peccata cumulent, veramvè conversionem tanquàm onus grave & sarcinam duram averfentur? R. Temeraria ac deceptorica est ea fiducia, quæ ad interitum ducit improvidos, & quantò nunc mundus deterior est, tantò gravius certiusvè periculum. Unusquisq; ergò videat, qualiter stet, nemo sit audax, nemo securus, quàm benè se nunc habere putet, cumq; homo sit in momenta labilis, circumspiciat se oportet in timore Dei, ut si aversum ac lapsū se sentiat, se verè ad Dominum convertat, cū vacante adhuc tempore profit remedium.

Q. Cū vera conversio non-conversis sit onus grave, sequitur eam conversionem vel non esse onus vel leve saltem: quod si hoc, quæritur, annon hoc onus sit onus, de quo dixit Christus, quod leve sit quia suum? R. Omnino sic est, si pro eo sumitur, quodè conversione procedat imitatio Vitæ Christi: nam ea sequela Vitæ seu Virtutum Christi est Christianis imposita, jugum & onus non-conversis, conversis verò suave ac leve signaculum regiæ gloriæ. Uti ergò dominicum sequelæ jugum est grave (ingratum) carnalibus, ita è gravitatis assertionem cognoscuntur, qui non conversi, id est, carnales sunt.

Q. Cum contradicentes à Veritate ipsâ confundantur, cum est, quò possint referri voces jugi & oneris? R. Cum referatur ad homines singulos, sequitur non ineptè divi hominis conditionem internam & externam iisdem significat ut jugum respiciat internum (spirituale) onus verò externum hominem.

Q. Dic undè interna hominis conditio sit, quovè respiciat. Conditio ea est indè, undè Spiritus hominis est, cujus conditio est omnium nobilissima. Spiritus hominis autem est ex fundo lucidissimo Deitatis, & factus est juxta similitudinem purissimæ Imaginis divinæ, eò ergò respicit ac debet respiciere quia insuper ad eam ipsam suam originem revocatur, de necesse, quin etiam eò trahitur, ut fiat particeps summi Boni. Id quod primum homo tantum proficit in sapientiâ, ut jam cognoscat, observet & consideret, quàm sit à Deo fundatus ac repositus in eo fundo profunditatis, quàm etiam ipse Deus in eo interiori Spiritûs conditorio lateat absconditus, hæc dubio cul beatitudo est.

Q. Quid ergò Utilitatis promanat ab eo, quòd tam occultum plurimisque hominibus absconditum est? R. Satis magna resultat Utilitas ex hoc, quod homo non obstante quod nimis ignoranter animum ad mundana dirigit atque; dehinc in summo vertitur errore & cæcitate, nihilominus è summè nobili initio, ut animus dependet, perpetuam acquirat vocationem, tractat impulsu & reflexu, ita ut non advertente se, cur, quando quibus auxiliis, velut spontè si non coactè inclinet versus suum initium, id quod exindè liquido constat, quod nullibi veram se reperire requiem, nec veram habere sufficientiam ex ullis terrenis, adeò non sufficit homini totus mundus, non mendicantis vilis facultas, non nobili Comitatus, non Regi Regnum, & quis totum mundum regeret, non sufficeret ei totus mundus forsitan nec plures: si quæris, undè hæc vanitas? Procul duce indè, quod tota mundi Universitas & diversitas singillatim circumspiciunt hominem secum ad internum rerum fundum utut recessum

sum, idq; sine scitu hominis: si rogas, dic quare? Dicam, quia hoc omnium rerum fundum est unum ac idem, nimirum idem omnium rerum initium ac finis, Deus. Quiescit solùm anima pura, devota in uno Deo Creatore ejus. Hæc facies hominis interna, hæc nobilis illa conditio, hoc suave hominis jugum est. Si nondum capis, cape plura è similitudine adhærentiæ: adhæret principiatum principio suo, Spiritus Deo, & Deus Spiritui. An Deum quis fert, si Deo adhæret, an Deus fert hominem, cujus Deus est Dominus ejus, cujus cum Deo est Spiritus unus? Sed si homo portat Deum, nonnè jugum Deus est? si jugum, nonnè suave?

Q. Cùm tale quidpiam naturatenùs ad omnes homines referri queat, dic quibus jugum illud suave est? R. Suave tantùm iis est, quorum animus à cunctis creaturis sequestratus & intro conversus est in præfatum Deitatis fundum, quorum etiam externum pondus corporeum leve redditum, hoc est, in ditio- nem Spiritus redactum est.

Q. Cur hiscè tantùm & non in universum omnibus suave est? R. Quia quò suave sit requiritur, ut Deus, qui jam nomine jugi venit, sit immediatè junctus seu unitus Spiritui, sic namq; cum Deo omnis gratia, bonitas & virtus juxtim adest homini, cujus gratiâ homo dicitur omnia posse, omnia ferre & hætenùs ei nil grave est. Cùm autem inter Deum & hominem possit intercedere medium tollens Unitatem, id quoq; fiat creberimè, sic ut nil vulgarius sit præfatâ mediorum interpositione, dehinc liquet, quàm homo præclusâ gratiâ & virtute DEI nil queat, nil ferat, quàm etiam subsequenter sit grave jugum Dei. Hæc mediorum interpositio est cõmunis unicuiq; non-converso, imò etiam natalis omni homini.

Q. Cùm Spiritus hominis statim à quo creatus est consistat in medio quopiam inter tempus & æternitatem, sitq; libertas ei concessa sequendi utriusq; tractum diversum (trahit enim Deus, trahit præterfluens tempus) dic velim, undè fiat, quod homo quia potiori & fortiori, qualis est Deus æternus, videtur tractus

tractus & unitus, admittat medium inter Deum & se, quæ parat eum ab hoc unico bono? R. Id ideò facile imò facit, quia homo liber quidem ad eligendum natus & potest voluntatis dotatus, cæcus tamen ac stupidus est, à primâ beatitudine nil boni ac salutaris intelligens, nec qualiter distat temporale & æternum noscens, dehinc errat in electione, quod ut magnetem temporis rapidum, qui hætenus præ suavi æterni magnetis tractui, ab eo temporis magnete tractus homo imposterum tantò facilius ob quendam applausus Consuetudine & familiaritate profectum, posthabito maiori nobiliori, quem aliquo modo cognovit. Taliter autem remotus homo longius ab æterno, & quod intercurrentibus mediis occasiorem deserit, fit, ut Deum non nisi longissimo intervallo obtueatur & vix intueatur, subsequenter etiam perpendat cuncta ea, quæ ad Deum pertinent, tanquam longinqua distantia, æternitatem obliviscatur, nec nisi tempus, ob viciniam magnum apparet, magnificiat.

Q. Annon à simili possunt clariora reddi, quæ hîc de nobis proferuntur? R. Possunt, & quidem à simili hoc: si inter solem & speculum non datur medium lumen intercapiens, minatur speculum sic, ut solem perfectè repræsentet, & quàm propter distantiam pusillo Corpore. Non aliter minatur Deus animam ac sol speculum, si medium non datur inter Deum & animam; sed ea interest differentia, quod solem & speculum tanto intervallo possit abesse medium lumen, inter Deum verò & inter animam quàm difficile cum mediorum sit infinitus numerus, quæ statim se intercedunt dato quopiam intervallo. Hoc autem diligenter est servandum, quod eo momento, quo removetur ab anima medium intercapiens Deum, fiat illuminatio mentis modum coruscationis, cum Deus nec velit nec possit suum dare lumen, ne id illuminet omne, quod ei subicitur immediate, & hætenus acquirit peccator cognitionem terminis temporis conversionis suæ, juxta & certitudinem rei

peccati & gratiæ adeptæ, quod ipsum vulgò nominatur sensatio Conscientiæ. Ne verò quæ propter hanc provenit probatione incertitudo confundatur cum certitudine præfatâ, distinctio est facienda inter plenam & semiplenam illuminationem & inter eclipsationem, quoad quælibet se habet secundum magis & minus. Ad plenam illuminationem refertur repræsentatio Dei, ut cum Deus in animâ mundâ ac purgatâ suam ipse intuetur Imaginem, quæ sanè Contuitio fieri nequit, si quædam Idea etiam quàm minima deprehenditur in animâ: nam inter lumen & speculum efficit medium omne id, quod homo vix unquam potest discernere, adeoq; præbet obstaculū, Deo quidem nè illuminet, animæ vero ne repræsentet. De mediis verò nulla quæstio est, num sint intelligendæ Ideæ puræ vel impuræ, cum omnium purissimæ & minimæ sint æq; media ac omnes cæteræ qualitercunq; vocatæ, indè quidem latè patet, quanta sit Mentis obscuritas, quàm rara illuminatio, rarior adhuc repræsentatio, hæc omnia tamen veracissima.

Q. Quia Idea hominis Christi quæ hospitatur in animâ est medium, quæritur meritò, an cum dispendio intercipiat divinam illuminationem? R. Idea hæc est omnium Idearum optima attamen & ipsa refertur ad mediationem, hinc etiam Christus nactus est nomen proprium Mediatoris inter DEUM & hominem, sed longè alio quàm subtractivo modo, propterea est alibi dictum ad summam (exquisitam) perfectionem referri quoq; hujus Ideæ Carentiam. Aliàs autem hæc optima Idea purificat animam, dum suâvi ac virtute expellit quas-cunq; Ideas alias sive puras sive impuras, ob hanc quoq; similitudinem recipit anima Lumen à Deo ut Luna à Sole, redditq; obscurum Lumen, ut Luna terræ, indè tamen nulla ipsius Dei repræsentatio speranda est in animâ propter præsentis Ideæ medium. Sed hæc pertinent aliò.

Q. Qualiter autem est comparatum cum iis, qui animæ hanc puritatem ac nuditatem non attendunt, sed potius à multitudine mediorum se patiuntur obrui sic etiam, ne fundum animæ

Ssss

se

se queat pandere? R. Hi molles adhuc homines sunt, per-
carnales, obhinc in summo versantur periculo, quon-
sanctis Viris semper creditum fuit certo indicio esse eos qui
sunt nunquam internum Mentis fundum lustrasse nec un-
degustasse, non fore olim fruituros Bono æterno: quapro-
neminem lateat oportet, non vivere eos juxta regulam
Christiani, qui non ad minimum semel quotidie pro vi-
suis se converterunt in animæ fundum internum.

Q. An ergo id omne quod jugum supra vocatum est,
nullis verè suave, gratum & acceptum est, uti quidem
tur? R. Omnino suave est, imò suavisimum, dulce, dulce
omnem excedens, nempe ijs hominibus, qui cunctis Ide-
trufis everrunt (expoliunt) internum mentis fundum, qui
æternus Lumen suum queat eidem infundere. Deum
contemplantibus redduntur insipida vel amara cuncta mi-
na (transitoria), sicut ex hymno canitur: cibi quotquo-
quam sunt, animæ non sapiunt, tu dulcescis solus, ô si mi-
saperet, cunctas præ te sperneret dapes vanitatis. Abs-
amarum est, tecum fel dulcedo est: item: heu, noxia su-
xica, quæ sine Jesu dabis. Et ejus rei dari potest ratio,
sit indubium, eam ipsam summi Boni dulcedinem statim
velut gustando percepta est, tam fortiter attrahere hoc
desiderium, ut carnea Corporis moles soluta exiccetur,
nequit fieri, quin ipsa divina Imago repræsentata ex-
quascunq; alias Ideas.

Q. Qualiter autem assumetur in mundo, si quis post
ratione statûs (Idolo mundi) aut fateatur, aut saltem ita
rat, quo sentiant alii, mundana negotia ei molesta esse,
Etas verò delicias picrocholas, annon ab omnibus ludibri-
bebitur tanquam ignarus, stultus & conversatione indig-
R. Esto! sic namq; mundus tractat sibi contrarios velut
suos sed peregrinos: Tu ergo qui Filius Dei cupis esse
vita conversationem, intrà te ipsum te recipe, & si quã-
ris stoliditatem mundi, non erubescere simul stultum agere

tempus veniet, quo dum alii agnoscent suam inter lamenta stultitiam, tu gaudebis tuâ de stultitiâ, eamq; reperies fuisse olim sapientiam.

Q. Cùm multi homines abundant Bonis temporalibus, suisq; sint officiis onerati quàm plurimi, annon hæc omnia impediunt, quo minus debito modo disponatur homo? R. Alibi satis superq; dictum est, dona Dei non impedire, si possidentur tanquàm non possideantur, quatenus quis potest uti iisdem eo modo, quo alius, cujus non sunt, ea intuetur, quanquàm & hic peccare possit, si bona alterius suis oculis trahit ad Usus suæ concupiscentiæ, desumptis indè speciebus & rationem & intellectum ejus exercentibus haud parvo suo damno. Ideò autem caduca bona impediunt, quia homo quotidie habitos indè conceptus ad partum promovet, genitasq; soboles in suam proprietatem assumit. Satis aliàs dictum est, si posset quis verè liber, nudus ac pauper esse quoad Ideas & proprietatem, possibile quoq; esse, ut nullum indè, etiamsi Regnum esset, nocumentum percipiat. Si quis ergò neglectâ creaturarum sollicitudine vivit liber & vacuus, si quoq; necessaria Vitæ subsidia in Dei timore capit, non dubium est, quin cum licentiâ & capiat & habeat ea. Qui verò mediis Vitæ caret, Deo fidat necessum est, cùm semper compertum sit, Deum nunquàm deserere in se sperantes, imò tantum abest ut deserat, ut potius per creaturas irracionales fidentem sibi nutriet. Ità namq; Deus curat suos, ut minus eos deserat quàm æternitatem, quin & in summâ egestate succurrit iis ex improviso, suoq; auxilio, quo nullum aliud magis præsens erat, docet se solum esse eum, qui in occursum festinat ad juvandum & nutriendum eos.

Q. Ecquid his accidit, quî divino adhærent magneti à tempore longius recessi? R. Qui cunctis mediis idealibus excussis Deo soli adhærent, portant suave Domini jugum sine molestiâ: & quatenus evacuatum, abstersum atq; politum eorum fundum est, non potest fieri, quin incessanter divinum jubar illuminet eos, totosvè Deo relictos à mundi curâ & à seipsis

abstrahat. Indè fieri certum est, ut quos divina sibi pavit voluntas, contemplantur cuncta ea quæ ad æterni pertinent tanquàm in proximo ac præsentì, oblitis murebus velut longissimè distantibus: hi quæ divino sub amensiles. quodammodò facti sunt, perferunt passiones vniando, dehinc & comprehendì potest, quí fiat, quod habent cum omnibus quia & cum hostibus.

Q. Quid habes de homine externo quoad eum vox respicit? R. Encomium hujus oneris habeo, quo C ipse id prædicat cum dicit: Onus meum leve est. Onus sti est quælibet cunq; passio, calamitas & afflictio, quæ u externo homini accidit aut potest accidere.

Q. Imponitur nè onus Christi unicuiq; Christiano de sitate, an solùm iis, quibus leve est? R. Non solùm hi cunctis Christianis imponitur onus Domini, de necessitatem, quatenus omnes amici & Sectatores Christi oport Exemplum Magistri esse Crucígeros, at ea Crux onus mnes Christiani sunt vocati ad imitationem Christi & psequens ad portandum Crucem, quilibet suam, & c hanc esse cunctis portandam testantur etiam ii, quibus grave est, ità ut se hinc spirituales opinentur effectos.

Q. Danturnè qui abjecto onere possunt se Cruci sub quandò volunt? R. Sunt quidam, qui maximo suo dant possunt facere sed tantum ad tempus, at nemo per tota tam exactè valet eadem carere, nemini quoq; licet. C Veritate quæ homo homo est, humana pati necessum est, ne quocunq; se vertat homo, hæc Via est, quam aggredi te & nulla alia, quascunq; quis peragrat ambages, omnesi versum Crucibus obsitæ sunt; sic namq; decrevit æterni pientia, ut sphæra humanæ Vitæ sit interstinctæ quatuor diametris decussatim in Centro coëuntibus, eamq; altitu profunditatis & latitudinis ceu mundi rotantis figuram sus est, imò tulit ipse Author ejus tam characteristice mysticè.

Q. Dic quid ad onus hoc pertinet, quod omnes qui DEO servire cupiunt, ferre debent? **R.** Huc pertinent cuncta iudicia simul ac permissiones divinæ, hæc ipsa omnia patienter ferre convenit homini quocunq; modo in eum irruant, sive inferantur à Deo sive ab hominibus, opportuno aut importuno tempore sive defungantur lectissimi amici, cognati, parentes, filii, sive perdantur bona singula & universa, honor item, imò solatium divinum vel humanum, internum vel externum, quæcunq; possunt unquam amitti, ea amissio (parva aut magna) est onus externi hominis sentientis, imaginantis, hætenus affectionibus subjecti.

Q. Dic ergo qualiter se unusquisq; gerere debeat ad tanti oneris susceptionem? **R.** Cuncta divini oneris genera ferenda sunt leviter & hilariter, imò quod superest cuncti defectus proprii, quos non devincere potest homo, sunt quam humiliter cum poenitentia perferendi in resignatione propriæ Voluntatis, nam scriptum est: humiliamini vos subter manum Dei potentem &c. Quisquis enim defectus, quos superare non potest, humiliter ac diligenter reduxerit ad Voluntatem Dei, is inde capit fructum beatitudinis.

Q. Dic quibus onus Dei leve est? **R.** Leve admodum est cunctis iis, qui spontè se subdunt iudiciis Dei sic ut primò, quæ Deus vult iis affutura patiantur juxta Dei Voluntatem hilariter perseveranter, & confidenter, attamen humiliter, secundò ut cum verà sui & omnium creaturarum abrenunciatione Deo rursus offerant, quæ à Deo vel habent vel accipiunt: sub onere Dei persistunt tales immoti nequicquam ejus persentiendo, cujus ratio hæc est, quod Deus ipse onus perfert quasi suum, efficiendo taliter, ut homo à seipso exeat, cum Deus intrat in eum ad ferendum onus ac perficiendum opus. Hæc quoq; ratione futurum, ut, si possibile esset, imponerentur ei quæ toti mundo adjudicata sunt onera, tam leviter ac hilariter ferat ac si Beatitudo ipsa in iis sita esset.

Q. Dic quibus onus Dei grave est? **R.** Cunctis iis grave est,

qui se contrario modo ad onus Dei habent: tu ipse ergo, cato, quoniam illi sint.

CAP. VII. *De Cruce.*

Q. E præcedentibus cum pateat onus Dei esse Crucem quam Christus pro signo impositam voluit cuius, qui verè sequuntur eum ad Crucem usque, pediet hoc capite seorsim tractare de Voce & Crucis, ne quid videatur deesse doctrinæ de Suavitate onus Christi, imprimis cum ab ipso Christo Crux adeo committitur, ut ejus susceptionem per quam amanter suaserit sequentibus eum, hanc ratione cupio pernoscere Utilitatem ejus, quam hic exponere ne graveris? R. Per Crucem debemus reficere reponi in sublimem eam excellentiam, in quam eramus æterno, hinc dignitati Crucis exprimendæ verba desunt.

Q. Quid hic intelligis per Crucem? R. Per Crucem hic intelligendum datur gloriosissimus homo Christus, qui incomprehensibiliter sublimius est elevatus supra omnes sanctos Angelos, supra omnem eorum lætitiā & beatitudinem sicut supremus locus ejus est in summo; ita vult etiam habere in nostro supremo, hoc est, in nostrā summā, intimam perceptibili charitate ac intentione, proinde dicit: Quando a terrā elevatus, omnia ad me traham.

Q. Quænam sunt ea omnia, quæ voluit ad se trahere? R. Sæcula nostra terrena obsessa rebus terrenis (cupidine creaturarum) quod etiam refertur superbus noster atque terrenus animus, qui est obsessus philautiā & adhæsiōne sufficienti temporalis nostrorum sensuum, hæc omnia desiderat trahere post se, dummodo in nobis elevetur & magnificetur in oculis nostris. Omnes quippe creaturæ sunt parvæ, re
caducæ

& pro nihilo reputantur ab iis, in quibus Deus
 Hinc Dominus trahere cupit potentias infe-
 riores in superiores (sensitivam in Mentem) ut cum inferio-
 ribus elevaret superiores in seipsum. Dum autem hoc fit, inten-
 det ultra nos trahere post se in suum supremum & inti-
 mum, id quod etiam factu opus est: nam si in suum ten-
 deret deo, oportet me hic eum recipere in meum;
 est mei tantum est ejus, compar scilicet com-

Annō Crux sancta in talisensu oblivioni nunc tradita est
 ut internum hominis fundum ei prorsus præcludatur
 amalletur amore creaturarum, qualis quidem pericu-
 hoc tempore adeo dominatur in hominibus, ut corda
 cum creaturis perdantur? R. Hæc summa Cæcitas, summa
 est, quam unquam humanus sensus potest prehen-
 quia si posset sciri, quid subsequi debeat, non posset fie-
 præ timore & irâ Dei contabesceret homo. Hæc au-
 quis curat? quis inquirat? quin potius posthabitâ omni
 rudine spernuntur hæc ceu mera fabula, & interveniente
 rudine solent homines ea susq; deq; habere tanquam lu-
 quotidianum, sic ut in contemptu eorum nonnulli insuper
 aucupentur. Hæc igitur summæ desipientiæ specta-
 sancti non nesciant, dubitandum non est, quin dum-
 modo possent, clamando, plorando cruentas lachrymas eapro-
 effunderent, quatenus & vulnera Christi de novo laceran-
 lamentabili facto, quod scilicet humanum Cor, pro quo
 sanguinem suum pretiosum, nec non florentem suam
 cum sanctâ animâ tradidit, adeo probrosè aufertur ei, ut
 inde expulsus habeatur.

Q. Quod si quis hæreat hic ambigendo, num fidem his ver-
 tribuat? R. Tota Scriptura plena est verborum in sensum
 concedentium. Christus dicit: Nemo potest duobus Matth.
 servire, aut enim unum diligit & alterum odio ha- 6.
 Et iterum: si oculus te scandalizat, eripe & abjice eum. Matth.
 Sic 7.

Matth. 6. Sic etiam: Ubi thesaurus tuus, ibi etiam Cor tuum est. His autem sic se habentibus dispiciendum est unicuiq; quantum sui cordis Deus habeat, an Deus sit ejus Thesaurus. S. Augustinus ait: si terram amatis, terra estis, nam anima plus ibi est, ubi amat, quàm ubi Corpori Vitam communicat. Imò & Paulus 1. Cor. 13. dicit: Si linguis Angelorum loquerer &c. Charitatem autem non haberem, nihil essem. Idcirco maximoperè necessum est, ut homo conversus cum magnâ gratiarum actione & cum dilectione actuali ardentè se exerceat in oratione, quatenus ea exercitatio aliàs facilimè solet deficere, cum & tempus sit periculosum & natura ipsa nunc non tam robusta prout priscis fuit seculis. Aut enim cunctis Viribus Deo est adhærendum, aut impedimentis cedendum, quæ omnia collabi faciunt, non sic erat ab antiquo: hætenus indiget homo forti sustinaculo quo mediante custodiatur à lapsu tam periculoso, cujus autem indiget, id accipit compendiosè mediante ardenti oratione.

Q. Quid si in oratione nihil sensibilis solatii vel suavitatis percipiat homo, annon videtur hinc orationem frustrari efficaciam? R. Non expavescat homo ideò, quoniam tale solatium & jucunda perceptio plerumq; est externi hominis sensatio, imaginationis effectus. Cum homo facit quod facere debet, si simul intus deseritur, id superat omnem perceptionem (sensum) quem potest unquam habere. Cum omnes potentie hominis ad Deum expansæ sunt, ipse homo verò derelictus in obscurâ frigidâ obduratione se constitutum sentit, si tamen eò aspirat, quò posset Deum amare modo perceptibili; crux ea exuperat cunctas alias Cruces. Nam amarissima ejusmodi egestas & miseria ducit hominem longè proximius ad fundum vivæ veritatis, quàm omnis perceptio vel degustatio. Quid quod Marc. 17 Christus ipse dixit: Deus meus, ut quid me dereliquisti? Et Matth. 26. antedecenter: Pater non mea sed tua Voluntas fiat. Hinc animus non est perdendus, quia & ipse Salvator dixit: Qui me vult sequi, abneget seipsum, tollat suam Crucem quotidie & sequatur me. Crux ea est Christus crucifixus, qui

qui nasci debet per omnes potentias, per intellectum, Voluntatem; imò per hominem externum, per sensus scilicet, maxime autem per quatuor sequentes. Prima est externa concupiscentia (facultas concupiscibilis), per eam oportet nasci Crucem. S. Paulus enim dicit: Qui Christum attinent, crucifixerunt carnem suam cum omnibus concupiscentiis suis, hæ namq; fræno regendæ sunt. Secunda est facultas irascibilis, per quam Crux ea nasci debet, ut se in omnibus rebus homo contineat censendo alium plus juris habere quàm ipse habet, deindè etiam ne contendat, sed potius discat silere & esse mansuetus in humanitate, undecunq; adversum obveniat. E. g. si quis est vel solus vel in Congregatione & audit alios circa se plurimum garrere, tacere raro, discat indè se abstrahere, pati & ad se convertere, quoniam nemo fit Magister in arte, nisi prius didicerit eam; ità quoq; discendum est, qualiter in omni adversitate viriliter pugnet. Reliquæ duæ superiores potentia, per quas crux nasci debet, sunt subtiles, intellectus scilicet & desiderium Spiritûs intus. Breviter: per hominem internum & externum oportet Christum amantissimum nasci in nobis & ex nobis, indè futurum, ut & nos renascamur in eo tanquàm fructus Spiritûs ejus, sicut scriptum est: 1. Pet. 1. oportet esse sicut infantes noviter nati.

Q. De Cruce jam dictum est, explica nunc etiam, quid in hoc sensu significet Vox omnia, quæ Christus ad se trahere voluit? R. Ad hanc quæstionem paulò antè responsum est, hîc ergò tantum repeto, de homine posse dici quod denotatur per omnia, quatenus cum omnibus habet aliquam similitudinem aut comparisonem.

Q. Siccinè & exaltatio Crucis est homini necessaria? R. Omnino: quoniam inveniuntur multi qui Crucem inveniunt, quoad à Deo satis potenter trahuntur ad Crucem mediante variâ passione; ast passio hæc non debet solum inveniri, sed etiam exaltari. Quod si homo seipsum sæpius observaret in se conversus, non deforet Cruci, quin adhuc vigesies quotidie inveniat

quoddam incidens & accidens excrucians, quo crucifigatur; aut cum non studeat exaltare Crucem, non rectè procedit hætenus. Sunt enim omnia Crucis onera elevanda & in Deum transportanda sic ut cum iisdem pro Cruce libenter assumtis cor evehatur in Deum. Sic homo trahitur in Deum, qui omnia post se trahere vult, cum exaltatur.

Q. Sunt autem homines, qui Crucem hanc ferunt forinsecus, nempe mediantibus externis bonis exercitiis, legunt, vigilant, jejunant, taliterq; Servitium Domino nostro faciunt, annon hiscè censes Cruci satisfactum? R. Neutiquàm! Servitium hoc est nimis tenue ac jejunum, quia tantum externum. Nunquid ea propter tantum Deus creavit hominem? Tametsi hæc opera sint in se valde bona, nihilominus desiderat Deus singulariter Amicitiam & Unionem cum homine: istiusmodi verò homines, etsi Crucem forinsecus portant, præcavent tamen omni studio, ne quàm in eos penetret, quâ inde non verentur quærere temporis otia, delicias, commoditates & qualemcunq; distractionem, ubicunq; versantur. Interim tamen expedit iis ferre Crucem, quatenus Crux custodit hominem à multis vitiis, peccatis & malitiâ, dehinc & magnam pœnam aufert, fortè etiam infernalem.

Q. Quid dicis ad totam eam Domini enunciationem, cum dixit: omnia ad me traham? R. Qui plura simul trahere vult, aut in fasciculum colligat ea aut alio modo conjungendo coagminat in unum, postea trahit; simili modo facit Dominus noster, quoniam ab initio congregando componit distractum hominem separando ab eo omnem extravagationem ac dispersionem sensuum, potentiarum, verborum & factorum, cogitationum quoq; intentionis, imaginationis, desiderii, concupiscentiæ, rationis, intellectûs, voluntatis & amoris; & cum hæc omnia sunt ritè recollecta trahit Deus hominem post se. Omnis delectatio, sufficientia &c. Cui homo adhæret foris & intus, debet auferri antè omnia; aut ea abstractio est Crux pergrandis, tantoq; gravior, quanto adhæsiō ea firmior est.

Neq;

Neq; enim ulla oblectatio aut amor creaturarum, quàm sanctum quamq; divinum quid videatur vel vocetur, excipitur, quin omnis emori debet, si unquam exaltari atq; in Deum trahi quis debeat, imò hoc ipsum est tantum primus seu infimus gradus in homine externo.

Q. Ad Crucis in homine interno exaltationem dic quid sit necessarium? R. Necessum est, ut homo abstrahatur ab omni internâ suavitate, ab omni deliciosâ adhæsiōe Spiritûs, imò & ab eâ, quæ à virtutibus solet progigni; & tametsi in his ferre nequeat abesse quæpiam delectatio, adesse tamen non debet appropriatio.

Q. Quid est hoc loco sufficientia & delectatio? Fortè quod aliquis vult & potest jejunare, vigilare, orare, aliaq; rigida peragere exercitia? R. Ut exercitatio hæc fiant cum delectatione Deus non concederet. Quid putat homo de istâ Dei permissione, quod una dies ad æquum non respondeat alteri, quod potius id quod hodiè plurimum promovet devotionem, cras nihil efficiat, quin hominem sinat à phantasiis & incidentibus cogitationibus, è quibus nihil fit, exagitari atq; longissimè extravagari? Verùm observa consilium hîc: Homo susceptâ Cruce à Deo sustineat passionem, quoniam futurum est, ut suavis reddatur Crux, si Deo oblata feratur in verâ resignatione & gratiarum actione, & sicut dixit Mater Domini: magnificat anima mea Dominum, & exultavit Spiritus meus, in Deo salutari meo; ita debet homo laude glorificare Deum in omnibus rebus, sive auferat, sive largiatur, prout vult. Nonnunquam est aliquis in fundo suo purus, quoniam autem vult multa cognoscere & percipere, adhæret rebus cognoscibilibus: hîc debet operam impendere veræ resignationi indignū se reputando perceptione & cognitione; plus etiam debet diligere Crucem tentationis quàm florem suavitatis, cum homo semper teneatur Crucem habere. Nam & Christum oportebat pati & sic in suam gloriam introire. Quicquid igitur occurrit aut adversatur homini in suo interiori, sive sit illuminatio sive degustatio,

statio, est deferendum, prætereà nil intentandum nec inquirendum quid sit, quoniam ad suum Nihil refugiendum.

Luc. 9. Q. Quid sentis de eo, quod Christus post inunctam Crucis Suspensionem hæc verba adjecit, & sequatur me? R. In aliis locis Scripturæ requirit Christus à nobis sequelam sui, sed hoc loco tantum volunt ea imitationis verba, ac si diceret; cum cruce oportet sequi Christum, non cum bonis diebus, lautitiâ scilicet &c. Exemplum hujus præbuit S. Apostolus Andreas, cum dixit: salve Crux desideratissima, quam toto corde dudum desideravi, auferte me ab hominibus & reddite mihi Magistrum meum. Istiusmodi cruciata sive cum cruce sequela non est instituenda uno die & altero intermittenda, siquidem opus est, ut quilibet incessanter observet tum seipsum, tum omnes incidentias, cogitationes, undecunq; causentur foris & intus, imò etiam peccatorum atq; defectuum numerum, sic nimirum ut, si quâ septuagesies per diem caderet, toties surgendo revertatur, atq; ad Deum conversus totalem peccatorum suorum elapsum procuret ocyus. Non inde turbetur cor necessum est, sed potius noscendum, ista omnia accidere non ad inferendum damnum, sed potius ad participandum agnitionem sui Nihili, ut scilicet homo seipsum contemnat in verâ resignatione, quâ pusillanimitas (cordis dolor) quæ huc non pertinet, pellitur, hoc ipsum fieri potest, si in se deprehendit bonam ac præparatam erga Deum voluntatem. Cum homo non sit infallibilis, oportet eum acquiescere in omni præfata Crucis passione, nam & ad id quod Paulus ait: Iis qui Deum diligunt, cuncta cooperantur ad bonum: addit glosa hæc verba; peccatum etiam. Idcirco ad Deum est in silentio confugiendum, intusvè manendum, non autem statim circum vagandum conquestum, quin etiam S. Matthæus sine informatione seqvebatur Christum impræparatus. Sic etiam, cum homo se deprehendit in defectu, non est, ut Crucem extendat immoderatus adversus suos exteriores Sensus, sed potius Veritati est permittenda crucis determinatio, ipse verò permaneat

Rom. 8.

Matth.

9.

maneat fidelis in suâ quiete. Non enim inest damnabile quid his qui Deum libenter amarent, sicut iis est, qui petulanter se convertunt ad creaturas caducas, hâc ratione illos tantum occupat exercitatio quædam. Attamen in veritate hîc traditur cognoscendum, quod quisquis scienter volenter obsessus est à creaturis, quâ causa peccati existit, damnationis reum se efficit. Porro cum Dominus dicit, tollat Crucem suam, superaddit voculam quotidie. Crux ea & abnegatio pluribus Amicis Dei imponitur, sic ut dici nequeat, qualiter se linquere debeant in cunctis modis, ubi se inveniunt. Nil valet, quod non habet pretium; qui parum ferit, parum metet, id autem soli Deo faciendum est. Sed quid juvare eos potest adhortatio totalis mortificationis, qui suam antiquam nolunt deserere consuetudinem, qui potius foris cum suis sensibus tenaciter adhærent ac veteri sui exercitii modo? Dominus autem dicit: sequimini me. Servus non præcedit, sed sequitur suum Dominum non juxta suam sed juxta Domini Voluntatem. Et si quâ aliud exemplum erudiens non haberemus præterquam id, quod est notissimum, quam scilicet mundani servi & servæ nil ferè habeant propriæ voluntatis, quatenus omnis eorum potentia & diligentia directâ est juxta Dominorum voluntatem & juxta servitium, ea certè doctrina esset sufficiens: quin sicut oportet emori & corrumpi granum, cum fructum ferre debet; ita & hominem oportet emori propriæ suæ voluntati totaliter, ac si eam nunquam habuisset. Nam cum homo se Deo dedere vult, necessum est id fieri ubiq; in absolutâ Voluntatis privatione.

Q. Cum homo sit quasi triplex, utpotè animalis juxta sensus, rationalis & Deiformis, quomodo potest id huc applicari?
R. In supremo, intimo, hoc est, mentali oportet hominem se vertere & componere cum igne divinæ abyssî, cui se mancipet modo deserto, inferiores duos homines rationalem scilicet & sensualem conculcare debet juxta Bernhardum, ut homo brutalis cum suis concupiscentiis abstrahatur à rebus quas cum

amore possedit. Quàm dura Crux ea sit quis non pernoscat? Nec minor Crux est, ait idem, externum hominem trahere in internum, nimirùm à visibilibus & idealibus rebus in fundum. Pro Cruce suâ debet homo suscipere omnia accidentia & Crucis, quæ in inferiores duos homines incidunt & quæ videntur eam impedire inversionem, & sive à sensibus sive à ratione gignantur, sunt demandandæ inferioribus potentiis, ipse verò cum omnibus viribus eas transcendendo se in sublime conferat juxtà exemplum Patriarchæ Abraham, qui sacrificium Deo facturus solus cum Filio ascendebat in montem relicto servo & asino subtus in Colliculo. Nam juxtà hunc modum relinquendus est homo carnalis, qui merus asinus est, imò etiam servus, qui naturalis ratio est, hæc verè servit in hoc negotio, quatenus ducit hominem ad montem hujuscè ascensionis, ubi uterq; remanere debet, homo verò ascendat solus cum Filio (mente) in sanctum sanctorum ad offerendum Sacrificium & occulendum ibi mentem in latebras abyssi divinæ, de quâ dicit Psalmus: Domine abscondese eos in abscondito vultûs tui. In eâ absconsi-

pc. 30. one transfertur Spiritus creatus in suum increatum, quòcùm pertigerit homo, nil curat quicquid sit vel quid acciderit externo ejus homini sive passio, egestas &c. Ejusmodi homi-

Joh. 12. nes sequuntur Dominum nostrum, sicut dicit: Qui mihi servit, sequatur me, & ubi ego sum, ibi Minister meus erit. Nevè erremus, sed noscamus ubi sit, his verbis edocuit dicens:

Joh. 14. Ego sum in Patre & Pater in me est.

Q. Ex his cognoscitur magna Crucis Utilitas; non minor erit dignitas ejus: tu ergò adde hîc quid habes de dignitate Crucis? R. Nemo potest dignitatem Crucis satis expendere aut dignè eloqui. Inter alia fugatur malignitas Diaboli ejusq; calliditas per s. Crucis potentiam, hoc est, per duram & acerbam passionem Domini nostri Jesu Christi, quoniam & dominicæ passionis applicatio efficit, ut verbum Dei, quod sancti homines & Prophetæ prædicârunt, in homine permanendo fructificet; prætereà trahit passio Domini semper & suaviter Cor ho-

hominis post se in verâ humilitate mediante ardenti divinoq; amore. Id enim conveniens est, ut sicut Christus volenter passus est, ita & nos patienter sequamur eum pro virili, cum eo spiritualiter capti, ligati & judicati. Salvator noster affigebatur Cruci nudus sic ne filium tegendo corpori superfuerit, vestibus ejus in conspectu suo expositis forti. Unde verè noscendum ac notandum est, quod, quisquis cupit ad suam venire perfectionem, eum oporteat carere omni quod Deus non est, ita ne hilum sibi retineat, præter id, quod etiam quæ deferuntur cuncta, oporteat ludendo & illudendo perdi sub vituperii, stultitiæ & hæresis insimulatæ passione. Oportet hominem in altum extollere Crucem suam, quoniam scriptum est in libro revelationis: quod adventuræ sunt plagæ magnæ haud multum absimiles iis, quas secum afferet dies novissimus, & quancquam dies iste nondum instet, nihilominus completum est tempus prædictas plagas præcedens, & expectamus plagas singulis annis, imò quavis die ac horâ, eò quod nesciamus quando venturæ sunt. His autem accedentibus futurum est, ut tantum hi salventur, qui sunt signati literâ T, id est, signaculo Crucis in frontibus eorum. Quicumq; Crucem Christi non habet in se & coram se, procul dubio non erit salvatus. Ast quid aliud potest intelligi per Crucem quàm passio & cruciatus? Neq; enim parcit Deus magnæ rationis & prudentiæ hominibus, nec etiam contemplativis, vel secundum beneplacitum proprium operantibus; cum solum his parcere jubeat, qui sunt signati Cruce, id est, qui patiuntur. Non dixit ad eos, quos ad sequelam sui invitat: sequimini me cum contemplatione, sed cum passione intelligendum erat.

Q. Cum autem hoc tempore nemo facile reperiatur qui propter Deum pati vult, quilibet etiam putet se magna tormenta sustinere non posse, cum etiam humana infirmitas adeo magna. Zelus verò quo prisco tempore accensi erant homines, nunc adeo extinctus sit, ut nemo ferè se aggravari sinat propter

pter Dominum, dignare, quæso, candidè dicere, annon inveniendus sit novus Crucis modus, quo quidem homines Crucem meritoriam habeant, sed eam non sentiant; sic enim non de fore censeo, qui eam cupidè suscipiant? R. In hâc etiam quam petis re nolo tibi deesse, quin potius indicabo Crucem aliquam tantæ virtutis, ut hominem eam susipientem, hætenus reddat quàm optimum, eoq: præservet, ne ulla eum plaga ferire queat; & hæc ipsa est, quæ prout cupis, magnis tormentis caret. Enimverò unusquisq, seipsum amando respicit, externa quoq; horremus exercitia, jejunia, scilicet, vigiliæ & similia, quæ tametsi non sint ea Crux, de quâ quid dicere proposui, nihilominus haud parum ad eam inserviunt, cujus respectu quilibet totidem talia exercitia usurpare potest, quot sibi eò servire judicat, quoniam ad eam Crucem, de quâ dicam, suscipiendam neminem excludit sive ætas sive infirmitas, quapropter potest unusquisq; eam Crucem tollere, atq; cum eâ sequi suum Salvatorem.

Q. Jam ergò, si lubet, describe Crucem eam? R. Crux ea quæ levior est aliis, est conformata è quatuor lignis, quorum unum spectat summitatem, alterum profundum, duo reliqua sunt utrinq; ad latera extensa. Supremum lignum est ardens divina Charitas: Brachium sinistrum profunda humilitas est, quæ affigitur cum incuriâ hominum, sui ipsius, & rerum quæ accidunt cunctarum; ast ea incuria est aliud & latius quid quàm contemptus, cui plerumq; inest superbiæ quidpiam. Brachium dextrum est vera interna puritas: brachium hoc affigitur Cruci mediante voluntariâ Carentiâ cunctarum rerum, quæ possunt puritatem turbidam ac impuram reddere intus vel extus. Infimum ejus seu fulcimentum est perfecta obedientia, quæ acclavatur cum plenâ resignatione ejus, à quo se deprehendit possideri, quoniam opus est, ut ubicunq; se invenit, ibi se propter Dominum ilicò deserat (ut ut difficile sit) nè quâ seipsum possideat tam in operando quàm quiescendo. Ea Crucis ligna conjunguntur in medio, ut unam effigient Crucem, idq;

idq; mediante petitione: fiat Voluntas tua: id est, perfectâ cum abnegatione liberæ suæ voluntatis propter Dominum.

Q. Quid est hoc loco notandum circa brachium sinistrum seu humilitatem? R. Id quod S. Augustinus dicit: Homo qui ambulat in veritate, securus redditur in passione. Oportet hominem annihilari penitus in animo suo sicut & in omnium hominum oculis: prætereà debet abstrahi ab omnibus ejus fulcimentis unâ & ab eo quod est & habet liberè concedendo, ut in conspectu ejus diripiantur ea ad lulum, sicut vestimenta Christi direpta fuerunt ludentibus in pretium. Oportet eum contemni; illudi, probro affici, oportet etiam vitam ejus pretio elabi ac pro stultitiâ haberi, sic ut omnes qui simul versantur cum eo, judicent, odio prosequantur, erroris aut hæresis clam palamvè insimulent eum. Cæterum cum vel ipse videat vel aliàs non nesciat hoc, non est, ut in acceptum id habeat contradicendo aut excusando se, tanquam nimis malitiosè alter injuriam sibi intulerit; sed potius opus est, ut se indignum reputet, qui, quoad miser homo est, à tam prænobili homine contemtui habitus convellatur: hæc namq; est Crux, cui si se submittere ac parvipendere noverit, sequetur Christum cum eâ veraciter.

Q. Quid circa brachium dextrum? R. Est illibata sinceritas, quæ affigitur cum spontaneâ carentiâ sensuum voluptatis, earumq; rerum quæ Deus non sunt, maximè earum quæ puritatem possunt commaculare.

Q. Quid circa inferius fulcrum? R. Per id significatur vera erga Deum obedientia, quæ acclavatur cum verâ resignatione, sic ut se spontè submittat ubiq; divinæ voluntati.

Q. Quid medium? R. Est libera humanæ voluntatis resignatio in Voluntatem divinam, quoniam opus est, ut quàm magnam passionem Deus vel homines ei immiserint, patienter eam perferat propter Deum exhilarando & inclinando se versus Crucem passionis sive sit merita sive immerita.

Q. Sed si quis dicat: infirmus sum, non possum sustinere? R.

Uuuu

Noscen-

Noscendum est, hominem habere duplicem voluntatem, superiorem & inferiorem, id est, Mentis & sensitivæ. Naturalis sensitivæ Voluntas vult semper passione carere; secus Voluntas Mentis dicit cum Christo: Non mea sed tua fiat Voluntas ubiq;. Caput Crucis est amor Dei qui fulcrum non habet aliud, præterquam merum abitum, obitum, id est, desertionem tam Dei quam Creaturarum, cujus ergo dicendum esset, Deus meus, ut quid me dereliquisti. Venerabile Caput Domini nostri Jesu Christi non habeat, quò se reponebat. Ità si homo in suâ disconsolatione haberet amorem divinum pariter & suavem Dei perceptionem, ad quid curaret totius mundi adversitatem?

Q. Quid est, quod Christus respondit cuidam sancto homini inquirenti in causam tam horrendæ passionis Amicis Dei illatæ? R. Sic Dominus respondit ei dicens: Homo inclinat semper ad voluptatem sensuum, & ad detrimentosam commoditatem, quapropter obsepio cunctas vias ejus, ut solus ipse sine ejus sufficientia.

Q. Ignosce curiosam, aut non inutilem quæstionem, nimirum, an sit possibile, ut eorum qui Vitam æternam consequi cupiunt aliquis sit sine Cruce? R. Caput divinæ Charitatis pendebat à ligno deorsum inclinatum, hinc nequit fieri, quin semper portet Crucem, qui cupit esse pius. Crucem oportet eum habere qualisqualis ea sit, acerbæ tamen passionis: non datur homo tantam adeptus eloquentiam, quâ posset aliquem à Cruce absolvere, nam patiendum est. Quocunq; potest, fugiat, qui vult, vel quod lubet, faciat, non nisi patiendum est. Quid si quâ Deus ad tempus suffulciat Crucem humero suo, partemq; graviores ipse bajulet, tunc quidem fit, ut homo se liberum censens existimet nil unquam passum esse. imò interim oblivioni traditam ignoret passionem: attamen quamprimum Deus suum subtraxerit brachium, redit pondus passionis ad suam gravitatem, in suam acerbicatem & intolerantiam. Hoc universum prætulit benedictus Dei Filius modo omnium gravissimo,

visfimo, eum feqvuti funt reliqvi Cruciferi omnes, Amici Dei dilectiffimi. Hæc Crux eft currus ignitus, qvofuit Elias in Cœlum transvectus.

Q. Sed qvid ad id, qvoddicunt in hunc modum. O fi purus ac innocens effem, nec meis peccatis promeritus effem, libenter paterer propter Deum fpe frætus fore, ut inde fructuofa reddatur & utilis paffio? R. Homo peccator poteft taliter pati, ut ea paffio fiat magis proficua feu meritoria ei, qvàm homini innocenti.

Q. Quomodò hoc? R. Notato exemplum: Cùm qvis intentat saltum eximium, tot paffibus graditur retrorſum, qvot putat curſum reddi poſſe velociorem, qvo peracto ſaltat viriliter; fi verò ſaltum protendere cupit, non veretur numeratis retrò paffibus curſum ſaltui proportionatum elongando intentare. Ad modum præfatum debet ſe gerere bonus homo, ut ſcilicet ſe ſemper indignum æſtimet ac obligatum Deo cunctiſvè creaturis, cùm ſic futurum ſit, ut ſine dubio potentius atq; prolixius ſaliat in Deum, in æternum divinæ Veritatis bonum. Quò magis fundatè ſe qvis cognoscit in fundo ſuo ſe contemnendo (verè annihilando) non cum gloſſis ſed ex corde ſe tranſferendo, eò propius ſalit in Deum, converſione ſcilicet ſuâ in Deum redditâ perfectiore.

Q. Cùm ab inſigni Cruce tam internus qvàm externus homo ſæpè confundatur, annon hîc ſupereſt remedium? R. Supereſt remedium qvodduplicis generis eſt, ſupernum & infernum. Supernum qvidem eſt iudicium & divina permiſſio, qvâ Deus homini vel adjudicavit pœnam vel permiſit, ut ſubeat Crucem & Paſſionem: infernum autem eſt oblatio ſui & tranquilla perpèſſio. Sic namq; confuſio omniſin ordinem reducit, & homo per Creaturas cunctas manifeſtatus redditur Deo.

Q. Qualiter autem poteſt homo ſibi proſpicere, ne Deum, Corpus, Animamvè per Crucem amittat? R. Oportet eum.

1. Obſervare iſeipſum, 2 voluntatem, requiſita ſeu mandata

Uuuu 2

Do.

Domini, 3 Crucem, quâ Deus hominem præparat, cunctis hæc ideò, ut homo seipsum tanquam alienum atq; concretum Talentum fideli dispensatione tractet.

2. Summoperè sibi cavere sub suis externis actionibus, à modis propriis & singularibus, imò (quod probè notandum) à cunctis conceptibus eum contristantibus & illaqueantibus: hic quidem animi defectus est hodiè valdè familiaris hominibus contemplationi deditis, attamen valdè noxius & non nisi à Dæmone illatus.

3. Carere voluntate suâ in cunctis rebus, ità ut verè pauperes inveniantur, tamen si ipsum Deum haberent.

4. Committere se cruci, quam Deus imposuit iis in omni tempore, loco & statu, sive in claustris, officiis, sive in conjugio. Nam quò acerbior Crux est, eò suavior hominis in Deo Resurrectio: nobilissima ergò Crux est & efficacior, utiliorq; cunctis in universum concionibus aut præstantibus orationibus.

5. Subjicere se manui Dei, & pati divinum Opus in patientiâ.

6. Corpus tractare & juxtà necessitatem nutrire, idq; gubernare ordine bono atq; decenter.

7. Moderatè se exercere tam internis quàm externis iis exercitationibus, quæ aliàs solent naturam turbare, confundere, destruere, ineptam rudemvè reddere, neq; immodicâ castigatione in proprium Corpus sævire, quoniam interest hominis capacem esse, quò Deus requiem suam inveniat.

His probè observatis securus est de seipso, nec Deum nec seipsum amittet.

Q. Verùm notabilis occurrit hîc difficultas, quâ homines non satis instructi sæpenumerò gravari solent, quæ datâ occasione hîc submovenda videtur. Est quædam Crucis species, cum homo angitur internè immodico creaturarum amore, quæritur ergò, quid tunc agendum est, cum toleranda sit Crux? R. Crux ea est ponderosum onus, homo quoq; dignus, cui

cui subveniat aliquis, ne succumbat. Datur autem consilium hoc, ut homo efficiat, quò careat creaturarum præsentia, nam dicitur absens carens: qui bonum cogitat, malum non cogitet necessum est, quod quis non habet, eo non utitur, quo tempore quis hoc vult, eo nequit velle aliud, qui Deum amat, seipsū non amat: careat ergò in mente suā cunctis creaturis, quæcunq; , qualescunq; , quàm sanctæ deniq; videantur, sive sint Amici, cognati, parentes, maritus, marita &c. quæ velut naturæ glutine compactæ cohærent aliàs. Eam namq; creaturarum fugam sequitur permutatio anxietatis in gaudium liberæ conscientia, Crucis quoq; in fructum Salutis.

Q. De dignitate Crucis jam eruditus sum: restat ultimam inquirere, quid sentiendum sit de vulgari quâdam opinione, quoad multi sunt Christianorum, qui cupiunt Paradisum impetrare eo modo, quo Latro cum Christo crucifixus & salvatus eum impetrâsse creditur? R. Si modum consideramus, quo Latro salvus factus est, invenimus perpauco ad eum modum acquirere beatitudinem. Sive ergò respiciat aliquis ad admirandam Latronis fidem, sive ad passionem Crucifixionis, neutrum veraciter de hujusmodi cupidis dici potest. Ea quippe fides est tantò mirabilior, quantò pro ejusdem celeritate fuit & firmior & per spem atq; charitatem vivacior, non minus etiam inter immensa quassati Corporis tormenta perfectior reddita, insuperq; signaculo mortis obsignata. Ecquis est, cujus fides celerrimè crescens per charitatem operosa ac per cruciatūs Crucis ad mortem usq; acerbissimam deprehenditur probata? Certè quisquis talis est, expetat cum latrone Paradisum, imò & conquirat. Ajo autem multos eoq; plurimos esse, qui præter mortuam quam habent fidem Latronis fidei dissimilimam, dum adhuc carent crucifixione & mortis tormentis, Paradisum sibi vendicant, aptitudinem eam summā superbiā & cæcitate, imò & iniquā comparatione sibi persuadentes.

Q. Annon sufficiat habere fidem conformatam ad Exemplum
Uuuu 3 ejus,

ejus, quæ Latroni erat, cum corporalis Crucifixio non attendatur in causâ Salutis? R. Quoniam homo diversis constat partibus, corpore scilicet, Animâ & Spiritu, quicquid de unâ tantum parte dicitur, dicitur de diverso, quicquid autem de toto dicitur, de omni parte dicitur. Ast Crucifixio de toto homine dicitur apud S. Paulum, ergo etiam de corpore, ergo corporalis Crucifixio est etiam attendenda. In comparatione ad Personam Christi, qui totus fuit crucifixus, refertur etiam crucifixio hominis Christiani ad totum hominem, hoc est, ad Spiritum & Corpus. Sive ergo seorsim est ac dici potest Crucifixio solius Corporis, aut suspensio solius Spiritûs, sive conjunctim (non quidem quoad exaltationem utriuslibet in ligno cruciformi, sed quoad passionem acutam & cruciantem multam) certum est, omnem fidelem christianum esse cum Christo crucifigendum, sive ad partem Corporis sive ad partem Spiritûs, sive ad totum, qualiacunq; sint tormenta & passionēs, quas legimus non esse condignas æternâ gloriâ, oportet esse cruciferos, oportet esse Cruci appensos allegoricè. Hæc enim est Voluntas Christi jubentis tollere Crucem suam & sequi eum (id est, ad appensionem). Idipsum voluit Paulus, cum dixit:

Gal. 2. Cum Christo crucifixus sum. Ut autem Crucifixio Domini erat longè gravior & ignominiosior quàm crucifixio latronis; ita fuit etiam longè nobilior & gloriosior, erat enim hic innocens Dei filius, ille Latro. Ideoq; is ipse qui per suam gratiam fecit nos fieri filios Dei, non Latronum, imposuit suis sequacibus non quidem Crucem homicidæ, sed crucem suam, ut scilicet cum Christo ipso crucifigamur in cruce Christi, non in latronis Cruce. Idcirco si quis averfatur Crucem Latronis unâ & fructum ejus, eligat sibi Crucem Domini, è quâ indubitata Salus racematim dependet juxta promissionem & perceptionem, videlicet Botrus expressione fundens vinum Sanguinis. Latronis Lignum aridum & exsuccum, Vitæ verò lignum est perpetuo Rore vivo irriguum, fecundâ ejus venâ scaturiente in Vitam æternam. O quàm hoc Lignum est

est præferendum ligno latronis Salutem adepti non è suâ, sed è vicinâ sibi Cruce Domini. Non ergò obaudiatur id, quod faciendum hortatur Scriptura, nimirum, ut allaborent fideles vivere talem vitam, per quam honoretur Deus, quod fieri nequit, nî Crux unâ & mors Christi appareat in ipso nostro Corpore ad Conversionem tam nostram quàm proximi. Observandum potius est omnibus, in primis iis qui ad præfatum exemplum appellando cupiunt salvari non cum piis & sanctis Amicis Dei, sed cum publicanis, adulteris, & latronibus, tametsi multæ sint Cruces & juxtâ quatuor dimensiones corporum proportionaliter emensæ, unam tantum esse Crucem, in quâ facta est nostra omnium salus: si petis nomen ejus, crede eam esse & vocari Crucem humanæ Christi naturæ, per quam communicatur nobis agnitio Crucis omnium supremæ, hoc est, divinæ ejusdem naturæ, quæ etsi sit immensæ altitudinis, profunditatis, incomprehensibilis longitudinis, ac latitudinis, est tamen sine Cruce, quia infinita, sineq; torturâ, quia impassibilis. Verum ne malè audiat mutuata à Latrone comparatio, proderit subjungere aliquid de hominibus, qui quoad Conversionem & Crucifixionem comparantur vel ei, qui à dextrâ, vel ei qui à lævâ Christi fuerunt suspensi Criminatores. Cum enim Crux adjudicata sit omnibus, ab ejus onere non eximuntur mali, damnati, quibus ut cunctis aliis sua Crux est, vel major vel minor, si minima sit, ea tamen mors est, sic ut non sit sine Cruce, quanquàm bonorum Crux major, Christi omnium maxima sit.

Q. Cape ergò initium à Cruce & latrone ad lævam Salvatoris suspenso, atq; dic, qualiter qui similitudinem habent damnationis, se gerunt ad Crucem, ut rei fiant damnationis, quatenus è Scripturâ cognoscitur à Vitâ improbâ pendere damnationem? R. Per hanc figuram depinguntur homines, quorum status apparenter bonus est, sic ut videantur pro merito suo pendere in Cruce exercitationis externæ ac strictioris observantiæ, adeoq; luere meriti pœnam, non tamen ad justitiam.

Q. Dic

Q. Dic cur hæc proferas, cum ista Crux nihil utilitatis habere videatur præter formam externam? **R.** Ideò dicuntur hæc, quia ea speciei forma nil habet utilitatis nilq; justitiæ. quamdiu tales homines ad similitudinem latronis non emoriuntur obstinationi nec aliis suis vitiis & defectibus peccaminosis, in quibus perseveranter & vivunt & commoriuntur. Qvis ergò non videat miserrimum horum statum, quâ omnis eorum conatus duraq; Vita est vana, insuper & futurum, ut cum latrone damnato in Cruce moriantur, à Cruce ad infinita alterius Vitæ tormenta descendant.

Q. Cum quælibet Crux habeat suas quatuor dimensiones, quarum singulæ possunt portendere aliquid: dic, quæso, quid per altitudinem Crucis ad lævam erectæ intelligi possit? **R.** Per altitudinem crucis potest intelligi spiritualis superbia & complacentia, quâ æmulantur supremum Angelum lapsum, à quo per simile peccatum seducuntur sic ut super alios elatos se reputent longe meliores: hoc vitium exercent quovis tempore, & de hoc suavi eos decenti exercitio sibi complacent, indè quoq; cernimus eos despiciere cunctos quorum Vita non est conformis Vitæ & factis eorum. Annon decebat superiores eandem cum inferioribus humilitatem exercere juxta verbum Christi: Major vestrum sit minimus, & qui præest vobis, sit vester Minister? Annon decebat cum Rege in personâ summi Domini dicere: Vermis sum non homo; & cum publicano: Esto mihi propitius peccatori? Per id autem quod cogitant: Ego sum, adjudicantur societati ejus, qui extollendo se volebat Deum non superiorem sed æqualem pati.

Q. Ecquid ergò intelligendum datur per Crucis istius profunditatem? **R.** Uti truncus ligni erat infixus tenebroso terre fundo; ita & profunditas peccatorum detinetur abscondita in falso & tenebroso animæ fundo, quatenus inversioni, perscrutationi & evacuationi cordis immundi nullam adhibent operam. Defectus hic uti turpissimus, ita quoq; periculosissimus est, quia sub eo in cæcitate permanent nunquam ad circum-

cum spectionem perveniendo, hos itaq; subsistere cernimus in solo externo exercitio non sine tædio ac morositate insigni. Quid quod hîc allegare licet, quàm penitus ignorent Mysteriû Unitatis (adunationis Dei) de quâ tametsi quid audiant vel etiam legant, non magis tamen id curant quàm vanum insomnium, adeo non inquirunt, non allaborant noscere, quod maximè attinet salutem eorum. Quid ergò juvat lectio aut perceptio rerum spiritualium (divinarum) cum nec initium nec finem earum intelligant?

Q. Annon ex iis sunt, qui plurimum laborant cum sensibus externis ad oris usq; lassitudinem, cum lectione frequenti integra psalteria defoliant, adhuc frequentiori sphæularum confectione Rosaria conficiunt sine igne? R. Absint jocosæ quæstiones, hîc seria tractantur: ex ucca opera suis condigna operatoribus sufficiunt, quæ sola ut perficiant, linqvunt Deo tum adunationem, (adhæSIONem) tum quicquid huic simile est, tanquàm non sua, sed aliena, imò & ipsam beatitudinem.

Q. Ast si intercidant quæ quæstum, utile ac honestum attinent, num ea etiam Deo linqvent contenti suis orationibus? R. Nil minus cogitandum, cum plurimi consenescant in curâ temporalis & incuriâ æterni commodi. Honestum ac utile præponunt devotioni, & quidem sine insigni differentiâ, cum utriusq; in comparatione non sit diversum usq; meritum.

Q. Quid si eorum Commoditas non prosperè succedat semper, quin potius carendum sit eâ, dic quid inde sequatur? R. Hoc fulmine iæti fiunt amentes & rabiosis similes: ecce vanarum finem operationum.

Q. Suntne tales peiores aliis, in primis ob malum exemplum, quo simplices corrumpunt? R. Deterrimi omnium sunt sine dubio, qui elabuntur à vitâ spirituali simul ac Virtute pietatis, cum fieri neqveat, quin sæpe sæpius peccent lapsu tam profundo, ut etiam in fidei articulis nutando sacra dogmata in dubium revocent.

Q. Ultrò pergendo dic, qualia opera intelligantur sub latitudine ejusdem Crucis? R. Ea, quibuscum itur in viâ latâ & tritâ ad infernum, & qui operantur ea, vivunt juxtâ Carnem, non ju-

X x x x

xtâ

xtà Spiritum. De Viâ Cœli dicitur, quod sit angusta, dehinc sequitur, semitam hanc esse rectam, adeoq; citiùs pertingi ad ejus terminum, contrà sequitur eos, qui semitâ hâc non procedunt, non pervenire ocyus illâc, cùm iis qvi rectam Viam negligunt, necessum sit per ambages longè lateq; oberrare, ubi timendum, ne cum jacturâ temporis simul & diem perdant, atq; de nocte perdantur ipsi. Hîc verè applicari potest, quod dicitur: periculum in morâ. Nocturnis hiscè Viatoribus confimiles etiam sunt, qvi semper & ubiq; utile seu propriam commoditatem quærunt, quod aliud nil est quàm quærere seipsum in omnibus. Qvod si eorum Vita passionis Cruce carere posset, hic solus optatus eorum, hæc sola beatitudo esset.

Q. Nonnè decet æternum infelices integrè perfrui saltem temporali felicitate? R. Neutiquàm! His quoq; Crux est pro omni injustitiâ gravis admodum, qvin & infixâ in conscientiâ eorum, hætenùs eam semper secum portant, cùm nec refugium habeant ad Deum, quem spernunt, nec ad mundum ipsum, qvi eos non curat. Hæc ergò auxilii carentia est ipsum inferni initium, vita aspera, Crux dura. Enimverò amarissimæ passioni subjiuntur, qvi passionem averfantur, imò futurum est, ut temporalis passio desinat in æternam, nî convertantur.

Q. Dic quid illius Crucis longitudo intelligendum proponat? R. Longitudo ejus indicat, quod perseverando in Vitâ improbâ suam conversionem prorogant usq; ad finem Vitæ.

Q. Dic undè damnosa hæc procrastinatio? R. Provenit ea è summâ eorum ingratitude: summâ dico, quia Deus ejusmodi hominibus plura eoq; majora suæ gratiæ beneficia contulit quàm aliis, insuper & variis monitoriis correptionibus occurrit iis adusq; sensibilem perceptionem, quæ omnia tamen impari ingratitude posthabuerunt nil mali unquàm veriti, neq; ex Corde ad Deum conversi. Huc applicandum est illud Pauli dicentis: ad pœnitentiam non renovari eos, qui exciderunt è statu illuminationis ac degustationis donorum divinorum, Deiq; Filium de novo crucifixerunt. Confer adjectam
ibi

ibi similitudinem, quâ tantum indicare voluit, timendum esse ne omnes ii perdantur æternâ maledictione, qui gratiam Dei in iis abundantem, manifestisq; divinæ amicitiae ac familiaritatis documentis contestatam excutiunt animo obstinato, nec specimen ejus fructuosum edunt. Hæc est perniciofa Crux, cui consimiles per Vitam suam appensi & tandem in eâ defuncti deprehenduntur.

Q. Cum multa eaq; vera sint dicta tam de significatione quam de figurâ Crucis Latronis maledicti, videtur hîc esse dicendum aliquid de Cruce, quæ fuit erecta à latere dextro Domini. Dic ergo, quales Latro præsignificaverit homines, quidvè portenderint quatuor Crucis dimensiones? R. De isto Latrone dicitur, eum sustinuisse in Cruce pœnam suo merito condignam, ejus tamen supplicium fuisse conversum in gloriam & beatitudinem. Figura hæc potest applicari iis, qui patienter ferunt afflictiones tanquàm justam suorum meritorum pœnam, imò & causam Conversionis. Consideratâ enim præteritorum peccatorum multitudine & jacturâ tantî temporis in voluptate Corporis & animæ perditâ convertunt se magnâ cum pœnitudine & dolore à peccatis ad vitam bonam relictis propter Deum cunctis desideriis, hoc fine fit, ut quam suis factis dignam sustinent Crucem patienter tolerant, nec parvam indè utilitatem & solatium capiant.

Q. Quæ est ista, de quâ dicis solatii plena utilitas? R. Annon insignis est utilitas, quâ Crucis passio flectendo hominem perducit ad fidem, qualem in muliere Christus vocabat magnam seu efficacem, imò & ad spem firmam ergà ineffabilem Dei amorem & misericordiam? Quid autem magis potest solari hominem peccatis concussam quàm suave Christi alloquium, quo conscientias onustas convocat ad se promittendo iis Paradisum & gratiam? Hujusmodi erat Latronis fides & fiducia in Christi promissionem, quâ assumebatur in gratiam, ad exemplum eorum, qui pari modo in Casu necessitatis ob subitanam conversionem recipiendi erant.

Q. Ne his diutius immoremur, dic breviter, quid hujus Crucis profunditas queat significare? **R.** Respondeo interrogando pariter, quid est profundius humilitate, quâ quis Latronis ad exemplum fatetur suo merito pati quod patitur, quâ etiam Vitorum suorum agnitione humiliter se subjicit hominibus aliis nemini prælatus? Quisquis ergo ab isto Latrone discere cupit, discat hoc necessum est, nimirum, ut in quâcunq; sibi adjudicatâ passione recogitet se reum esse longè gravioris imò & infernalium pœnarum omnium, quibus pergrandia ejus vindicentur peccata.

Q. Dic quænam utilitas ex istâ lectione percipiatur? **R.** Ingens exindè resultat fructus, cum fieri nequeat, quin ex eâ reatûs agnitione sentiatur gravis Conscientiæ percussio, atq; ad infimum infernum prostratio, tunc neminem contemnit homo nisi seipsum, neminem judicando damnat nisi seipsum. Annon profunda ista humiliatio egregia utilitas est?

Q. Quid altitudo istius Crucis indigitat? **R.** Per eam indicatur animus à Curis externis abstractus atq; ad Deum sursum elevatus sine contemplationis cœlestium Mysteriorum. Quisquis indè cupit aliquid discere, discat animum suum erigere in altum æternitatis ad contemplandum moraliter virtuosam Domini nostri Vitam, mortem itidem amaram, resurrectionem, ascensionem & Regnum ejus æternum; sic namq; futurum est, ut onus Christi, Crux scilicet passionis suæ reddatur leve, quod enim altum petit, grave non est.

Q. Quid Crucis ejusdem portendit latitudo? **R.** Amorem latissimum, quia verum, erga Deum scilicet, proximum & quamlibet Creaturam. Huc pertinent, qui orant tam Corde quàm ore non solum pro seipsis, sed & pro cunctis hominibus, amicis & inimicis, oratione eorum quæquæ versum pertingente. Ex eo igitur, quod se cuilibet studiosè in adjutorium offerunt, redundat ea Utilitas, quâ Deum quem suis peccatis antè dehonestatum irritaverant, reconciliant, adeoq; in iis impletum Scripturæ Verbum verificant, hoc est, charitatem & misericordiam tegere multitudinem peccatorum,

Q. Quid per illius Crucis longitudinem significatur? **R.** Per eam significatur Augmentum seu productio bonorum operum, in quibus se cum discretione exercent, qui studium virtutum sibi seriò proponunt ab eo tempore, quo hominis antiqui renovationem cognoscunt consistere in Iustitiâ & Sanctitate Veritatis. Nam in hoc exercitio fit progressus, proventus, approximatio, cujus ergò dicitur: fidelem crescere & augeri de die in diem, donec totus homo renovetur: istius exercitii medio penetrant homines omnis generis passiones perruptis tentationum Casibus sic ut ipsi demum persentiant, quàm juxta Apostolum præsentis hujus seculi afflictiones in iis operentur supràmodum æternam gloriæ mercedem.

Q. Annon hæc omnia sufficiunt cuicunq; bono Christiano, quos credimus ultrà pervenire non posse? Quid ergò restat, si optimi comparentur cum Latrone: nunquid Dominus ipse significat neminem, qui Crucem ejus ex æquo suscipiat & cum Domino crucifixus dici mereat? **R.** Ad primum; præfata non sufficere unicuiq; bono Christiano juxta effatum Scripturæ momentis omnes ut ad perfectionem ducantur: ad alterum: non rectè credere eos, qui dicunt, non ultrà posse perveniri, imò non credunt, sed putant: quousq; autem perveniendum sit, tradunt cum Scripturâ dogmata Ecclesiastica. Restat ergò Crux Domini laudatissima non derelicta planè sed ab amicis Dei pro modio æmulata. Cum enim Scriptura jubeat non cum latrone crucifixos mori, sed cum Domino, susceptâ scilicet Cruce dominicâ omnium suavissimâ quanquam amarissimâ (nonnullis amara sunt gratiora dulcibus) hoc sensu intelligimus, quinam è Christi Sectatoribus proximè respiciant Crucem ejus, nimirum perfecti homines, quos Deus glorioso Filii sui dono dignos efficit, dum eos conjicit in varias afflictiones, adversitates, tentationes, & singulares mæstitias, hoc modo propinando iis Calicem, è quo bibisse dicitur Christus ipse Filius Dei unigenitus. Condignum est discipulum sequi Magistri sui Vestigia, eademvè per Crucis Viam intrare

in Regnum cœlorum, quam perambulavit ipse præcursor Dominus Regni sui.

Q. In quo applicatur hiscè profunditas Crucis Christi? *R.* In perpetuo filiali timore, cum non solum liberum Deo regimen concedunt in semetipsis, verum etiam sollicitius curant, quominus Deum offendant.

Q. Quid autem per altitudinem significatur? *R.* Spes (firma fiducia) de Salute habita non quidem causâ meriti, sed causâ fidei & resignationis fundatæ in humili Spiritu divinâ Charitate perfuso.

Q. Quidvè per latitudinem? *R.* Charitas sincera ergà Deum & homines, quos tantâ industriâ per Dei gratiam diligunt, ut
Eph. 4. servent Unitatem Spiritus per vinculum pacis. Uti ergò ab omni vitio & scandalo sibi cavent, ita quoq; proximum juvant, innoxii aliàs multumvè pro Salute animarum perpassi.

Q. Quid ergò per longitudinem? *R.* Cœlestis ambulatio, cum sint parati tum ad quamcunq; passionem sustinendam, tum ad quamcunq; divinam operationem suscipiendam temporaliter ac æternaliter, quod restat, sunt solum queruli de propriâ voluntate, quod ob defectum naturalem ex toto nequeant eam substernere, ut ut cum Christo dicant: non mea, sed tua, Pater, fiat Voluntas.

Q. Quò deniq; perducit ipsa Crux Domini? *R.* Ad ipsius divinæ naturæ Crucem, quam suis amicis applicandum desiderabat Apostolus.

Q. Dic quid Apostolus voluerit intellectum per quatuor easdem Crucis dimensiones improprie sic dictas? Dic quid per longitudinem? *R.* Æternitatem infinitam. Quid per latitudinem? *R.* Immensam ejus Clementiam. Quid per altitudinem? *R.* Summam omnipotentiam. Quid per profunditatem? *R.* Profundam ejus Sapientiam.

Q. Quinam è numero mortalium pertingunt ad Crucem eam omnis passionis expertem? *R.* Illi tantum, quorum Crux accedit in comparatione ad Crucem humanæ Christi naturæ, velut è præfatis liqvet.

Q. Ecquis ergò modus est quo appendantur manibus pedibusq; Mentis, hoc est, cruciformiter immensurabili Cruci Dei? **R.** Modus iste consistit in hoc, ut Carnis opera devitent omnia directo ad omnem iustitiam desiderio: nam sic dicuntur affixi manibus mentis Cruci divinæ naturæ. Adeum autem modum pertinent etiam sequentia requisita, nimirum ut semper sint solliciti de explendâ Voluntate Domini, quod fit, si fugiunt omnia quæ oculis Dei displicent, nam hætenus dicuntur etiam dextro pede Cruci affixi. Quod restat, opus est, ut discant tenere medium inter infelicem beatitatem & beatam infelicitatem, ne recedant ab istâ, vincantur ab illâ: nam sic dicuntur etiam sinistro pede acclavati in eâ Cruce detineri, quò diutius, eò beatius.

Q. Nunquid restat considerandum aliquid in termino hoc? **R.** Id restat, ut mente suâ compatiantur Deo de & super injuriâ eidem illatâ ab initio mundi & inferenda usq; ad novissimum diem: sic enim futurum est, ut, qui ad augendam Dei gloriam tantoperè ab hominibus dehonestatam, cum Christo se crucifigendo tradunt, unâ cum Christo custodiantur velut pupilla oculi, ne quâ impunè afficiantur ignominiâ.

De Cruce nunc satis, pergendum itaq; est ad eam præparationem, quâ antiquus internus homo renovatur, ut aptus sit ad elidendum sive superandum quascunq; tentationes.

CAP. VIII.

De Renovatione hominis interni.

Q. Dic quid habes de Renovatione hominis? **R.** Quod habeo, hiscè trado: Renovatio hominis debet semper fieri eo fine, quò Deus veraciter & perfectè pos-

possit suam in nobis habere Oeconomiam. Quod ipsum cum homo impetrare debeat, oportet, ut natura abnegando supprimatur in omni adhæsiōe, nempe ubi se adhærere sentit, sive sint Amici, Cognati, sive aliudquid, quod potest extrinsecus naturæ placere, aut in quo natura sibi assumit voluptatem, lætitiā, solatium in sensibus, verbis & factis, cuncta hæc sunt extirpanda. Inservit huc Exercitium temporale, puta vigiliæ, jejunia & similia, in quantum humana natura potest sustinere ea. Interim & hoc est advertendum, quod infida natura quærit seipsam occultè, & sæpè capit homo voluptatem, ubi putat se tantum capere necessariam sustentationem. Hinc omnem debet impendere operam, ut tale quid in seipso perscrutetur. Emori cunctis inordinatis cupiditatibus, in cibo, potu, in visu, auditu, stādo, ambulando, in verbis & factis excruciat naturam valde perè. Attamen & hoc dicendum est, si tam hostiles ac bestiales rerum malè ordinararum cupiditates veraciter in nobis mortificatæ essent, non nisi gratus Deo odor essent juxta Paulinam doctrinam. Sublatis enim naturæ impedimentis impletur in homine id, quod scriptum est: Ipse facit sibi è nubibus currum & ambulat super pennas venti: hoc est, cum homo terrenam inclinationem in seipso totaliter mortificavit, tunc Deus locum suum ponit in eum. Triplicium autem pennarum mentionem facit Scriptura, quarum medio utitur Deus, cum ambulare vult, nimirum pennarum columbæ, aquilæ & venti. Pennæ columbæ significant homines sinceros, qui in sanctâ simplicitate persistunt sine felle judicii & prave suspicionis, & sine eorum quæ in aliis hominibus videntur malâ interpretatione; hinc tales sunt taciturni, benevoli, hætenus sequentes mansuetum innocentem Agnum Christum Dominum nostrum. Ipse igitur Dominus noster super quolibet transcensu eorum ambulat in omni desiderio, charitate & intentione eorum.

Q. Quid pennæ significant Aquilæ? *R.* Cum Aquila in altum volet sic ut visum hominis effugiat, hinc Aquila significat talem

talem hominem, qui viribus suis internis & externis volat ad sublime absconsionis Dei. Ast cum expandendo quis internum suum & externum hominem cum omnibus potentiis extendit pro virili, tunc petit altum confitendo ac diligendo tam sublimiter, ut nullus sensus eum sequi valeat. Super tam nobilium hominum pennis ambulat Deus.

Q. Quid ergo denotant pennæ Ventis? R. Cum Ventus sit adeo pernix ac subtilis, ut sciri nequeat, unde veniat & quo vadat, hac ratione denotat hoc loco Ventus internum, sublimem, juxta Deum formatum hominem, qui omnem sensum & intellectum transcendit sic, ut omnium hominum intellectus in cunctis eorum operibus nequeat comprehendere aut sequi eum. Volat itaque in suam originem, in suum increatum, ibidemque Spiritus sit Lumen in lumine, in quo aliquo modo extinguuntur cuncta alia lumina naturalia, quatenus infusa lumina quæ unquam luxerunt in homine existunt sicut tenebræ si comparantur præfato Lumini. Nam sicut Sol splendore suo suffocat cuncta stellarum lumina; ita divinum lumen cum fulget in fundo animæ extinguit cuncta creata lumina, quæ hætenus luxerunt in homine. Tunc Spiritus Deiformis magnopere clarificatur in fundo, qui extra hunc actum aliàs in comparatione ad immensitatem divini Luminis est tanquam tenebræ, quatenus cunctarum creaturarum Intellectus se habet ad hoc lumen sicut hirundinum oculi ad radios solares: infirmis enim oculis aspicienti solis orbem apparebit Sol sicut tenebræ tunc præ immenso solis Lumine, tunc præ infirmitate oculorum. Dehinc dixit paganus Philosophus: Deum esse tenebras in animâ post cuncta lumina, eumque cognosci cum ignorantia mentis: id quod nobis Christianis propudiosum valde est à quodam pagano dictum esse. Quid ergo nos agimus miseri? Cum quibus qualiter vè versamur? In Evangelio legimus Zachæum conscendisse arborem sicomorum ad videndum Salvatorem. Itaque quidem devotus homo desiderat videre eum, qui tot mirabilia fecit in eo; ast ad videndum eum nimis parvus est. Quid au-

Yyyy

tem

Matth.
10.

tem faciendum est ei? Oportet conscendere sicomorum : id est, oportet facere cuncta ea, de quibus paulò antè dictum est, nimirum emori debet naturæ & sensualitati, & vivere Vitam interni hominis, super quem ambulat Deus. Hoc quidem huius mundi prudentibus videtur esse stultitia maxima, imò inveniuntur, qui integras bibliothecas perlustrant, librorum agmina pervolvunt, studentq; diligentissimè ad exoptatam usq; ingenii Satisfactionem, quibus omnibus tamen nobilium istorum Vita videtur esse summa stultitia. Uti autem stultitia est, ità quoq; beata stultitia est, quam Deus elegit testificante Christo & dicente : Gratias tibi ago Pater, quod tale quid (beatam hanc stultitiam) abscondisti præ sapientibus & prudentibus mundi & revelasti parvulis. Hanc sicomorum oportet cum Zachæo conscendere omnes homines, qui Deum temporaliter ac æternaliter videre cupiunt modo omnium nobilissimo. Dominus autem ad Zachæum : descende, dicebat : ità & nos oportet descendere, hoc est, ne guttam indè nobis reservare, sed potius simpliciter submergi in proprium Nihil, in nihil valere, nil posse. Tunc fit, quod sequitur, nimirum, oportet Deum venire in tuam domum, sicut factum est Zachæo, & hoc est de necessario. Quod si quis jam Sicomorum conscendit, seu cui æterna Veritas illuxit, ipse verò nil ejus sibi appropriavit, id indè venit, quod adhuc quodammodo in luto naturæ hæreat, & quod natura atq; Dei gratia simul adhuc in eo operantur, cujus ratione nondum ad veram resignationem pervenit. Quicquid autem operatur natura, semper maculosum est, nec est perfectum absolutè. Hunc igitur hominem jubet Dominus descendere, hoc est, seipsum totum abnegare, ut ejus natura emoriatur in omni modo, quo possidet seipsum cum proprietate. Sic Deum oportet venire in domum ejus necessario, quo facto facta est Salus domui tam nobili.

Q. Si Deus Adventu suo Salutem domui, hoc est, Menti affert, dic ad quid domus ea postmodum inserviat vel inservire debeat?

R. Oportet ut fundum hominis internum fiat pura domus orationis,

tionis, quatenus mens propriè ac verè est sanctum templum Dei. Ex hoc templo sunt antè omnia expellendi Mercatores nundinas facientes, quales sunt Ideæ, phantasiæ, omnis Creaturarum sufficientia & propria Voluntas. Deindè oportet templum hoc lavari lachrymis pœnitentiæ in charitate Dei, ut purum sit ac sincerum. Noscendum itaq; est, mentem humanam tunc esse Deo gratisimum templum, cum expurgata est, expulsâ scilicet omni inæqualitate; Contrâ verò si non purgata est taliter non potest Deus habitare in eâ, quia anteqvàm fiat pura de Deo cogitatio, incidunt 40. aliæ Cogitationes rerum temporalium, quæ turbant & repellunt puras cogitationes, & ideo vocantur mercatores in sensu spirituali.

Q. Exponere libeat hanc Mercaturam? R. Qvicunq; liberâ suâ Voluntate vivit in voluptate, commoditate & sufficientia creaturarum, is habet mercimoniam (nundinationem) id quod à contrario evadit perspicuum. Procul dubio enim si quis desiderat, ut Deus habitet in eo cum suâ gratiâ, & ut Deus cum homine operetur opus suum, de necessario oportet eum à se expellere semel & semper omnia media & inæqualitatem, omnem amorem, sufficientiam & concupiscentiam Creaturarum, quarum Deus non est vera causa. Et si quis diceret: media decem non esse magis detrimentosa quàm unum, hoc est, quod decem hominum familiaritas, amor & amicitia minus noceat quàm unius, is satis ineptè sentiret, siquidem longè facilius unus quàm decem superantur. Nihilominus cum quâdam exceptione notandum est hoc, defectus decem, quos homo agnoscit ac pœnitendo confitetur, non tam esse noxios (periculosos) quàm unicum eum, quem non vult agnoscere, non confiteri, non emendare, in quo potius obstinatè si non contumaciter perseverare cupit.

Q. Quid faciendum est homini, ne tam deficiat contumaciter? R. Oportet eum semper humiliter expavescere coràm Deo propter defectûs occultos, seq; subjectum divinæ miserationi reputare defectuosum, quo ipso haud dubiè futurum est,

ut eum divina gratia juvet. Nam in periculo grandi vertantur, qui contumaciter insistant defectibus cum excusatione sui ipsius, eoq; timendum est, nè quàm deficient penitus: Cavendum ergo hîc est à morte æternâ. Si quis interrogaret hominem etiam sanctissimum, an tantum plorasset quantum debebat, non aliud responsum reportaret quàm quod non: quin procul dubio annecteret Verba sequentia dicendo: Ego nec partem millesimam lachrymarum effudi, uti debui, propterea veraciter incipiam deflere peccata & defectûs meos.

Q. Si sancti hoc habent, quod quasi jam primum flere incipiant, an hinc plorandum est semper? R. Imò sic & non sic. Nemo videatur sibi virtutem aliquam comparasse aut ullum defectum superasse. Quod si internum templum purgatum, atq; ex eo Mercatores expulsi sunt, hoc est, si quis everterit omnem Creaturarum sufficientiam (ubi seipsum cum voluptate, gaudio & solatio possedit) tali modo, ne cuncta hæc vel liberè vel volenter accipiat, quærat, suæq; voluptati reservet, tunc omnia rectè se habent. Et si quàm istiusmodi Mercatores cum suis nundinis iterum diverterent ad suum templum, subito expellat eos necessum est, quin si quàm præter voluntatem & permissionem ejus moram ibi traherent, oportet noscere quod nihil noceat homini adversus Dominum nostrum. Quamdiu etiam permanserint ibi, nihilominus per idem ostium exire debent, per quod intrârunt, præter id quod etiam malum ibi inventum secum exportare tenentur, eoq; purgare prænobile templum, & sic si sine permissu hominis fit, non solum non nocet ei, verum etiam expurgat & præparat eum ergà Dominum nostrum. Quemadmodum Aurum nitidius redditur, quo magis uritur; ita fit & homini prænobili in suo passionis objecto suâq; tentatione. Quò magis impuræ, malignæ & improbæ sunt tentationes; hoc magis inde purificatur homo, quatenus quod contra liberam voluntatem fit, in eo non potest esse mortale peccatum, per id potius præparatur homo ad meritum validius & ad fructum Vitæ æternæ.

Q.

Q. Siccinè temptationibus sua etiam laus est? **R.** Est secundum quid, quoniam pugna non est, ubi hostis non est. **S. Paulus** dicit: Non coronatur, nisi qui viriliter pugnaverit, & qui ad finem usq; perseveraverit. 1. Tim. 2. Repetendum enim hoc est, quod quicquid præter liberam voluntatem fit, quàm pravum vel impurum etiam est sive superbia, avaritia, incastitas sive aliud quidpiam, nullatenus contaminat hominem, sed potius purgat & præparat eum ad singularem Dei gratiam. Propterea talis homo sit bono animo, lætus, non tristis, non pusillanimis, quando subindè tentatur impuris, imò pravisimis cogitationibus, quas, si citrà Voluntatem incidunt, sinat rursus excidere.

Q. Si autem potissimum incidunt sub oratione & in Conversione ad Deum, quid tibi videtur? **R.** Incidant ergò! homo verò Deo committendo patiatur humiliter & resignativè ejusmodi tentationes, impuras putidas fæditates propter Deum. Nam homo potest se hîc tam humiliter pati propter Deum, eoq; ad tantam pervenire gratiam, ut ei multum deesse videretur si non calcâset hanc Viam. Ast interest hominis in tali objecto & passione non nisi cum solo Deo agere, corde benigno tolerare, neq; seipsum eapropter cruciare intus vel extus; siquidem Deus ipse cùm visum fuerit, indè liberabit eum, imò pro tam cruciante tentatione cum seipso millecuplum exhilarabit. Propterea & perferendū est placidè & veritati humiliter satisfaciendum, quicquid acciderit non moveat hominem, quoniam qui vult ereptum se aut cupit adjutum, auxilium non accipiet nec à Deo nec à Veritate. Iis verò qui diligunt Deum, omnia in bonum cedunt. Rom. 8. Ideoq; opus est, ut mens humana sit templum Dei & domus orationis, ad orationem autem requiritur devotio.

Q. Cùm jam sit explicatum, qualiter mens debeat esse templum Domini, hoc verò domus orationis, undè sufficienter ostensum, interni hominis renovationem ejusq; cum externo adunationem sic fieri, dic, quæso, quid hoc loco juxtà tuum sensum devotio sit, quæ requiritur ad orationem? **R.** Com-

munem sensum tradit ipsa etymologia, quasi vovere se Deo dicat devotio. Est quædam Actio, quâ Deo se mens alligat cum voluntate paratâ ad Dei servitium, hoc est, cum DEO se quis taliter devovet, habet devotionem ubiubi est, sive in quolibet opere bono, quod de Deo cogitando dirigit erga Deum in puro Dei respectu. Neq; enim necessarium est homini semper jubilarè, magnâve frui dulcedine (quamvis & hoc sit merum accidens) dummodò devotio perseveret in homine, hoc est, interna cum DEO adunatio (alligatio): sic brevi pertingit homo ad Regnum, quod est in eo ipso.

Q. Cùm mentionem facis Regni quod est in homine, non possum quin te detineam hîc obiter, quò doceas aliquid de Regno eo, de quo dicit Dominus, Regnum DEI intrâ vos est?

R: De hâc materiâ satis tractat primum Caput primæ Sectionis, quò te remitto, hîc tantùm respondeat tibi S. Hilarius, qui dicit tria requiri, cum quibus in Regnum internum perveniat homo, primum est vera fides, secundum rationalis Dei cognitio, tertium interna devota Oratio.

Q. Cùm veram fidem hîc commemoras, dic, quæso, annon cuncti Christiani fidem habent? R. Quemadmodum in Cæmeterio quamplurimi sepulti jacent mortui, ita quoq; inter Christianos sunt multi homines, qui vivere videntur per fidem, & tamen veraciter sunt mortui.

Q. Quænam ergò est viva (pura) fides hoc loco intellecta? R. Eanil aliud est nisi favor vivus versus DEUM, qui verè scaturit à fundo interno, dimanatq; ad Dominum DEUM simul ac ad omne quod est divinum, id quod se sic habet: Hominis est cùm videt vel audit, quod fidem concernit, sive sit de Deitate æternâ, sive de humanitate Christi, sive de SS. Trinitate, sive aliud quidpiam quod credit S. Catholica Ecclesia, ut obinde in seipso sentiat verum mentis assensum (vivam fidem) monstrantem ei sincerè quid DEUS est, & ut id longè clarius insit ei quàm quod Doctores cuncti docere queunt vel probare. Et talis homo vivit in Regno interno, undè viva fides veraciter sca-

scaturit tanquàm ex proprio fonte suo. Sunt autem, pro dolor! multi homines, qui quidem adhærent Vitæ fidei, ast parva nubecula est, quæ movet & obtegit eos. Pari modo ac si Splendor solis esset res viva seipsam movens, si nubes sese interponeret, evanesceret Vita; sic nubes peccatorum posset exigua esse, quæ Vitam eam in homine obtegit vel aufert, quoniam est valdè infirma in eo. Contrà verò, si in electis Dei amicis exoritur peccati nubecula (quatenùs cuncti homines sunt fragiles) nihilominus Sol divinus æternus penetrat eorum Vitam sic, ut subito revertantur ad suam originem.

Q. Quænam est Causa hujus Conversionis? R. Ea, quod sunt irradiati in verum fundum DEI, eapropter revertuntur statim, ausu firmato penetrantes per cuncta ea, in quibus DEUM non simpliciter ac veraciter inveniunt, semper quoq; fugientes id quod Deus non verè infert in fundum animæ internum (mentem). Reliqui homines cum labuntur, tergiversantur, non revertendo ad Deum in ipsis, & si quæ se invertunt, inveniunt intus mortuum (canem mortuum): efferatur, ajo, quia mortuus est, putet, putret, est antiquus, tepidus, aridus, mortuus homo, cui pergrave omne quod est divinum, quod Deum spectat: beatus tamen esset, si tantum adhæret Vitæ & Charitati Christi utut fortuitum quid esset, cum posset servari adepto Regno cœlorum, si sub obitum Vitæ præfata inveniretur adhæsiō. Verum quàm facile fit aut fieri potest, quod tales homines labantur in gravia peccata, quia non habent vel modum vel viam redeundi ad se, ut taceam, quod sunt timidi, minusq; tuti, semper versantes inter externa, undè tam vani fiunt, aridi, frigidi, aut tepidi, ac in se tam alieni & elongati, ut deplorandum sit. Secùs vivi homines, qui verè habitant in Vitâ Veritatis, persentiunt hanc Vitam & Veritatem DEI intus: proindè quicquid Amicis DEI foris occurrit, quod est divinum, excitat internam Vitam cum ardenti divinâ Charitate & cum eorum beneplacito, quale quid nil aliud facit. Hi habitant in Regno Dei interno, ubi gustant dul-

dulcedinem Dei, quæ cunctis iis abscondita est & esse debet, qui non veraciter perveniunt in hoc fundum sive in Dei Regnum internum.

Q. Explicatâ nunc verâ fide quæritur, quid sit notandum de altero requisito, quod est rationabilis Dei Cognitio? R. Non est ut procul eas quæsitum eam, quoniam invenitur in hoc Regno intrâ hominem, ibi revelat se, ibi lucet hoc lumen, ut in internum hoc Regnum perveniat homo per Jesum Christum, qui verum est ostium, per quod intrare debet homo in id Regnum, hujus enim gratiæ particeps fieri debet, de quo verè dici possit: Regnum DEI intrâ vos est. Isti
 Luc. 17. inveniunt hîc puram veritatem, quæ manet cunctis iis incognita, qui non in eo fundo habitant, dum se à Creaturis caducis, in quibus non invenitur DEUS, non avertunt. Isti inveniunt (ut dicit Dionysius) id, quod est suprâ Intellectum, suprâ sensus, cogitationes & rationem, hoc est, inveniunt lumen in lumine. Proindè noscendum est Doctores diligenter pervolvere libros, præfatos verò homines legere verum vivum librum, in quo omnia vivunt. Nam Cælum & Terram vertendo (legendo) inveniunt miranda miracula Dei, dehinc progrediuntur ad differentiam sanctorum Angelorum, pergendo deniq; perveniunt ad literam supremam SS. Trinitatis, nimirum quatenus Deus Pater Filium suum Jesum Christum ab æterno genuit, & in æternum gignit, quoad etiam æternum Verbum in Dei Patris Corde ab æterno genituram egit, qualiter Spiritus S. semper ab utroq; fluit (procedit), qualiter etiam SS. Trinitas se semper effundit in omnes beatos Spiritus & quomodò hi rursus diffundunt se in eam in actuali beatitudine. Hæc enim est beatitudo, de quâ loquitur Filius Dei
 Joh. 17. dicens: Pater, hæc est Vita æterna, ut te, qui solus es verus Deus & eum quem misisti Jesum Christum agnoscant. Hæc est vera Vita in templo Dei interno, prænobilis purus verus Iesus, qui omnibus electis Dei Amicis conceditur. Hic est adeptum Regnum, hîc sedet supremus Rex in suo amæno palatio,

palatio, & hîc est vera præsentia Dei, in quâ omnis adversitas & passio evanescit. Qui hoc expertus est, solus habet scientiam, nemo prætereâ, quoniam in tali modo absconditum manet cunctis hujus mundi doctis & artificibus. Proptereâ qui in hâc Vitâ idipsum sentit potissimum, ac proximè inest tali fundo, is quoq; in Vitâ æternâ quàm proximus erit Deo, quin etiam beatissimâ hiscè hominibus in quibus Deus perfectissimè laudabitur, potissimum id revelabitur.

Q. Quodnam tertium est requisitum, quo mediante homo perducitur in Regnum Dei internum juxta S. Hilarium? R. Hoc est oratio devota, quæ est ascensus (elevatio) mentis ad Deum in Vitam æternam, de hâc sufficienter alibi dictum est: in sensu verò spirituali, devota oratio est adunans inversio Spiritûs creati in Spiritum Dei increatum, quæ fit sub proposito quod ab æternitate excelsæ Deitatis movetur. Tales homines sunt veri adoratores, qui Patrem adorant in Spiritu & Veritate, hos Pater incessanter desiderat juxta effatum Christi. Semper hi quoq; accipiant id, quod à cœlesti Patre precantur, semper etiam inveniunt quod quærunt, quoniam in eorum oratione invenitur & amittitur.

Q. Quid, quæso, amittitur sub oratione? R. Templum amittitur & Spiritus & omne id, de quò paulò antè dictum est.

Q. Quo vadunt ea omnia? R. Omnia dimanando in Deum concluduntur in eo, imò fiunt cum Deo unus Spiritus, uti S. Paulus dicit; Qui Deo adhæret, fit unus cum eo Spiritus. Quid ^{1. Cor. 6} verò id sit, & qualiter sit, melius potest percipi quàm Verbis explicari. Hinc omne quod dictum est vel dici potest de eo, est adeò impar atq; exiguum in comparatione ejus quod est essentialiter, atq; est punctum toti Cœlo comparatum.

Zzzz

CAP.

CAP. IX.

De Tentatione.

Fertur proverbio: vexatio dat intellectum. Commendatur per id vexatio propter Utilitatem, quam affert secum exercendo scilicet, corrigendo & informando hominem simplicem ac rudem, quò rebus suis impofterum cautius prospiciat. Pari encomio prædicanda est tentatio, quæ Christianum crassum ac desidem agitat exercendo & accendendo eum, quò se pernici fugâ ad Deum recipiat. Sunt ergò tentationes Christiano perutiles eoq; desiderabiles nec unquam averſandæ, cum sint nil aliud quàm media conductiva & incentiva è ſingulari Dei gratiâ homini obviam miſſa. Tentatio venationi comparatur, quatenus afflictuſ Christianus dum quærit auxilium, ad Deum refugit currendo & anhelando, donec pertingat ad fontem retrigerii, quo ſitim æſtuantis animæ reſtinguat inſtar Cervi aquarum flumina ſitientis, dum Canum inſectantium catervâ impetitur: hæc ratione dicebat David: Pl. 41. quemadmodum Cervus fontes deſiderat, ſic anima mea clamat ad Dominum: anima mea ſitit Deum, Deum vivum. Ety mo ſitis utitur etiam Chriſtus, cum dicit: Quicumq; ſitit, veniat ad me & bibat aquam vivam. Iſtæc autem ad vivum fontem convocatio non ceſſavit hucusq;, cum indies renove-
tur & perennatura ſit uſq; dum homines advenient, ut quos Deus ſitibundos cupit, omnes ubere ſui Amoris vena inebriet. Quæritur ergò

Q. Quid eſt ſitis animæ & undè provenit? R. Incurius quilibet Chriſtianus nôrit, animæ ſitim eſſe internum (mentale) deſiderium verſus Deum cum averſatione creaturæ, idq; provenire ab igne amoris, quem Spiritus S. à quo gratioſè venit viſitatum animam, accendit, hætenus ſentitur non nunquam repente incaleſcere totum corpus, ac ſi ab abſcondita flamâ interna

ternâ concalescens esset. Adeo tunc amoris Vis intenditur, ut Mens præ desiderio langueat, calore igneo hinc velut arefacta sitire dicitur anima non obstante diversissimo desiderii modo. Est namq; triplex hominum genus habentium hoc desiderium, quorum primum est, qui in exercitio pietatis incipiunt, secundum eorum, qui in eodem proficiunt, tertium eorum qui jam pro modio suo perfectiores seu aliquo modo perfecti sunt, & pro disparitate talium ordinum dispar quoq; est hoc desiderium, sitis scilicet animæ, quam hinc intolerabilem, magis & minus tolerabilem cognominare liceat: id tamen omni generi commune est, ut dum amant (sitiunt) ignorent quid desit, ad instar eorum qui amant profano infano amore, hi causam defectus seu confusionis eorum indicare nesciunt. Utitur autem Spiritus S. ut plurimum folle tentationum, cujus sufflatu accensum mentis igniculum augendo in flammam rapidam sublimet. Cæterum ut homo Christianus cognoscat tum effectum tum necessitatem tentationum, comprimis majorum, convertat animum opus est ad similitudinem, unde figuratum velut è figura suâ comprehendat, quam Author noster in Cervo à Canibus venaticis fugato proposuit: tam vehementer enim agitur homo à gravibus tentationibus, qui se à mundo & grandioribus peccatis jam avertit, pieq; vivere incepit, quemadmodum Cervus in venatione per montes & nemora potenter fugatur. Et quod notandum est, sicuti velox hoc animal, quod velut ad fugam natum videtur, dum nititur caninam evadere appetentiam, adeo incalescit, ut præ intolerabili & quod præ aliis animalibus habet, impari aquæ desiderio penè deficiat; sic quoq; homo per sequentium hostium truculentiam fugiens tantoperè à septem peccatis mortalibus eum impetentibus affligitur, ut penè deficiat præ desiderio. Est ergo tentationis perpeffio nil aliud quam peccati deviatio, cum nulla tentatio vexet talem, qui consentiendo in peccata tentationem potius præoccupat. Considerent hinc ignavi Christiani, quid iis præter fidem factu opus sit,

Ecdl. 2. sit, cùm scriptum inveniamus: Qui Deo servire cupit, præparet se adversus tentationem. Magni interest observare insidias, pluris adhuc interest munitum ac præparatum esse ad resistantiam: nam qualiter serviet Deo, qvi captus, vinctus, & excæcatus est? Capitur autem à peccato, qui non resistit ei fortiter: is autem & sine resistantiâ capitur, qui non insidias exploravit.

Tentationes sunt vel majores vel minores, majores sunt peccata mortalia, hostes robusti & manifesti venaticis Canibus comparati: minores sunt peccata quotidiana & defectus, hostes scilicet despecti & occulti, qui oblatratoribus latentibus comparantur: plaga ab his inflicta est latens & neglecta, adeoq; vix unquam sanabilis. Sunt Christiani qui viriliter peccata mortalia superârunt; attamen cùm hostium latentium insidias, quales sunt conversatio, lusus, humana Amicitia, temporis perditio, pretiosus habitus, splendidus domuum apparatus &c. non observant, decipiuntur, quia ex improvise offenduntur, hæc etiam offensio, quæ non usq; adeo sentitur, redditur singulis horis deterior ad instar vulneris putridi sensum amolientis & hætenus irremediabilis. Enimverò tametsi qvilibet Christianus, mortalia peccata agnoscit, liberè quoq; reatum eorum confitetur, plurimi tamen eorum sunt, qui parvos defectus, puta colloquia familiaria, socialem conversationem, lusoriam oblectationem & demum qualemcunq; corporalem delectationem minimè curant, tantominus ad injustitiam referunt, cùm ergò hi à nominatis quotidianis peccatis se patiuntur offendi, non mirum est, si Dei gratiam & devotionem non sentiunt, eoq; ad ipsam divinam Vitam nunquam perveniunt. Est namq; Vulnus eorum insensile quia neglectum & putrefactum. Dehinc satis constat, quàm parvæ tentationes sint nocentiores magnis, si homines inadvertentes minusve præparatos offenderint; indè quoq; constat Christiani requisitum, quo tenetur esse circumspectus quaquaversus sciscitando, ubi lateat hostis, quò vel Viam ei præcludat, vel fugâ illu-

illudat, siquidem per experientiam constat, quædam peccata non posse per resistantiam vinci, sed solum per fugam, atq; per id verificari, quod jam dictum est, nimirum tentationes parvas majoribus sæpe nocentiores esse, cum ab istis sibi cavet homo dum illas negligit: sic intelligimus quàm circumventio prævaleat Violentiæ (viribus). E præfatis percipit rudis Christianus, quid de tentationibus tenendum sit, quibus cognitis dicendum restat, qualiter sint oppugnandæ, si fortè tam sint atroces, ut imparem se sentiat viribus. Homo se sentit frequentius tentari à suâ Cupidine & quidem tam impetuoso molimine, ut Casum suum quem prævidet evadere nequeat: tantò major est tentationum potentia, quantò minor virium internarum Copia. Id cum quotidiana doceat experientia, desumunt multi causam indè opinandi, quod nequeant servari mandata interdictionis, nec Spiritus hætenus prævaleat tentationi; insuper quoq; fit, ut hoc supposito liberum derideant arbitrium, imò & tentationibus cedant: patrato namq; peccato infulsè prætexunt impotentiam & fragilitatem naturæ. Crassum errorem hunc cum S. Scripturâ expugnat piorum hominum sanctimonia, qui, quoad liberâ voluntate expetunt tentationum deviationem, testantur cum primitivâ atq; modernâ Ecclesiâ, Deum probatâ eorum Voluntate tum & virili resistantiâ ultrò iis ipsis assistisse & compugnâsse, quò etiam gravissimas tentationes facilius superârunt. De devictis pusillis tentationibus probatum exemplum sæpe sæpius rudibus proponunt prospecti ac exercitati homines, si fortè ad exemplar eorum sese componerent. Est autem contrà majores tentationes, quas fragilis homo non valet superare, probatissimum remedium Arbor crucis & passionis dominicæ, quam si tentatus homo subito fortiq; perpensione impresserit memoriæ, liberabitur etiam subito & potenter ab hostili invasione. Quicumq; remedium hoc neglexit hætenus, utatur eo summo studio, sic veritati celebratissimæ perhibebit testimonium celebre. Qui verò notum hoc remedium posthabent, eorum desperata res est damnosavè Religio,

qualitercunq; etiam pretioso divini Verbi pigmento inficiatur. Nobis sufficiat testimonium devictarum tentationum, quod omnes excusationes tollit, hactenus obligans omnes ad parem pugnam, par exercitium, imò ad parem victoriam: id namq; Christus voluit, cum dixit: Vigilate & orate &c. ne adversarius inveniat quem devoret. Sunt autem prudentiores quidam, qui etsi compertum habeant, semetipsos etiam per Dei gratiam superasse tentationes mortalium peccatorum, nolunt tamen concedere minorum evictionem, cum scriptum sit: nescire hominem, quoties peccet quotidie. Verum & hi ex parte tantum dicunt, & ex parte non dicunt Veritatem. Cum enim nemo diffiteatur, non omnes in universum defectus ne quidem agnosci tantominus præcaveri posse, magnam tamen cum veritate docet S. Ecclesia cum Scripturâ, tentationes parvas seu defectus & peccata quotidiana multa posse devitari sub conditione bonæ voluntatis & circumspectionis; quod ipsum etiam pii atq; prudentes Christiani suo exemplo & exercitio testantur, qui, dum Deum & proximum valde amant, ejusq; ratione Deo & proximo humiliter præstant obedientiam, præoccupant tot atq; tantos defectus, quin & per singula precationum diurnalium tempora, quas animo composito & devoto ad Deum sincerè fundunt, non patrant peccata aliis non orantibus non amantibus interim communia, sic ut dici possit, eos devitasse peccata intercidentia multa per solam præventionem & bonæ voluntatis ac exercitii medium: reliqui defectus pusilli referuntur ad naturæ fragilitatem, quam nemo mortalium valet excutere, nec hactenus præ se ferre absolutam perfectionem. Nunc ergo cognoscimus mundanæ impietatis Causam proximam, id est, neglectum exercitium pietatis, remotam quoq; Causam, hoc est, posthabitam charitatis & moralitatis christianæ doctrinam; adhæc cognoscimus etiam, qualiter tentationes minores pleræq; sunt expugnandæ, utpotè quod earum devictio in solâ hominis Voluntate, in proposito & exercitio fundata est. Enimverò quisquis majores tentationes

me-

mediante præfato remedio expugnavit, is longè facilius minores superare potest, ut qui præhabito sub exercitio quodammodò pervenit ad Charitatem Dei: per singulas enim tentationes impetitus & calefactus jam tantò ardentius sitit fontem aquæ vivæ, tantovè propius per eas tentationes ad Deum provehitur, indè porrò fit, ut tùm experientiam tùm prudentiam adeptus suis nunc rebus melius provideat, peccata & defectus penitus scrutetur, quæ studio & operibus orationis & charitatis avertat aut præoccupet. In tali suo stadio currit ad Deum velocius, hoc est, ad eum scopum, ubi nil aliud invenit, præterquàm veritatem, gaudium, pacem, justitiam, solatium &c. quæ omnia peccatis adversa sunt, hætenùs minores tentationes plurimas dicitur superâsse.

Q. Quid autem est hoc, quod quosdam invenimus homines, qui ad deviétionem majorum & minorum tentationum pervenerunt, iisdemq; ad tempus caruerunt, quos tamen subindè novis tentationibus iisq; gravissimis tentari deprehendimus? R. A divinâ directione pendent tentationum iterationes, incrementa & decrementa subphysicarum etiam Causarum concursu, at quanquàm sic procedat per integram hominis Vitam, non tamen fit sine evidenti refectione, quam interval- lum sive interpolatam quietem vocant. Est autem tam quies quàm iteratio quædam pietatis obfirmatio, cùm scilicet homo per pristinas tentationes exercitatus & fortificatus est, aptior dehinc redditus ad sustinendas iterationes, indè procedit Constantia, bona Conscientia & Sanctimonia. Et Deo interpolatæ quietis & refectionis ratio est, nimirum ut hominem sub onere magnarum tentationum jam succumbentem erigat, adq; sequentium invasionum eviétionem præparet, indè sanè cernimus hujusmodi hominem tantò valentiorē redditū, quantò magis fuit afflictus. Deo quoq; iterandarum tentationū ratio est, nimirum, ut homini ad Deum fugienti fontemvè aquæ vivæ e corde Dei scaturientem sitienti tam in tempore quàm in æternitate cœlestis potus magis imagisq; dulcescat: id omne cùm è puris-

sunt reducendi per Dei misericordiam, quò discant quàm nulla sit naturalis eorum potentia. Ab eo namq; tempore quo Deus se parum abscondit, non tantùm nil digni electi efficiunt sine insigni difficultate, verùm etiam necquicquam opprobrii propter Deum queunt perferre. Indè quidem perspicua redditur naturalis hebetudo, quatenùs à seipsis tanquàm à seipsis nil magni præstare valent. Hæc disciplina est, hæc eruditio Domini benigna, quàm discipuli fideles ad ulum revocant, & ideò benignus noster Dominus visâ attentione reddit iis gratiam suam, quò magis magisq; præparati ad perfectionem ducantur; perceptâ enim gratiâ mox revertuntur ad humilitatem & tranquillitatem.

Q. Suntne sic præparati homines perfecti aut sancti aut aliter vocandi? R. Boni quidem & electi possunt vocari, non tamen strictè sancti, minimè perfecti, utpotè quod præparatio eorum vix est incepta, quia in homine externo adhuc instituta. Quoad autem constat, mentem solam, vacuam, mundam, esse dominicum thalamum, sequitur perfectum tantùm posse dici hominem, in quo Deus liberè habitat, perspicuum quoq; exin redditur, perfectum dici non posse, cujus non est absoluta præparatio, nimirùm quatenùs immunda & repleta ejus mens est, cujus circà externi hominis purificationem adhuc versatur præparatio. Utut autem externus homo præparatus est, non tamen in eo Dei sedes est, ignobile quippè id habitaculum est, angusta nimis Officina pro tanto Dei operantis apparatu evolvendo adeoq; inepta. Tabernaculum Dei est fundum internum, Imago scilicet seu similitudo ejus propriissima. Necessum itaq; est homini, qui Deum cupit invenire, ut quærat eum in domicilio proprio, hoc est, in potestatibus Mentis, ubi Deus opus suum propriissimè perficit; ast hujus Operis perfectio est ipsa hominis perfectio, non alia, cui illa deest, ista quoq; deest, quia utraq; non diversa sed eadem est.

Q. Cùm autem devictio tentationum sit celebris inter Crucige-

cigeros, qui hætenus verè sequuntur Christum crucifixum, dic undè quis possit cognoscere, num sit Discipulus seu verus Imitator Domini Jesu Christi necnè? R. Id ex erroribus suis cognoscere potest, qui omnes ad quatuor potissimum genera tentationum reduci queunt, quarum unam vel plures si quis in se repperit, deceptum se noscat esse, nam veram virtutem non habet, quia tantum speciem fallacem.

Q. Annon ad quatuor hæc genera tentationum pertinent etiam peccata mortalia? R. Non: peccata mortalia sunt manifesta Opera damnationis; eò autem pertinent saltem Vitia dubia & opinionibus septa atq; Specie pietatis tecta.

Q. Undè autem tentationes, dubia scilicet & scrupuli, ut jam vocantur, progignuntur? R. Hujusmodi tentationes impetunt eos, qui Deum non amant super omnia, indè namq; fieri nequit, quin sint incurii divinæ gloriæ, virtutum, imò ipsius Dei, atq; tales sunt capaces omnis generis tentationum recipiendarum, quatenus infirmi & ignari sine scitu perfacile in multos errores abduci se patiuntur.

Q. Dic undè tentatio primæ generis causatur? R. Communissima ea tentatio provenit ab indomitâ naturâ iis omnibus communi, qui vivunt juxta Cupidines Carnis, maxime quoad sensus, huc speciatim referuntur desideria visûs, auditûs, loqvacitatis, cibi & potus selecti & lauti, varii vestitûs, sufficientiæ, commoditatis, inclinationis: desiderium itidem complacentiæ, comparandæ amicitæ, pactorum contractorum mediantibus verbis, factis, literis, nuntiis seu donis: deniq; & desiderium variationis, varietatis, multiplicatis & multitudinis rerum, quibus omnibus decepti homines non Deo sed Diabolo placere gestiunt.

Q. Cùm autem frequenter occurrat, ut qui prænumeratis modis juxta Carnem & Sanguinem vivunt, putent se sanctos esse, eoq; parvipendant naturales (quos sic vocant) hosce defectus velut innoxios quia Sanguine Christi absterfos, dic quid dehinc sentiant veri Dei Amici, quorum vita contraria est il-

mundo vivere circumspicere, cum nemo sit olim responsurus pro alio nisi pro seipso. Qui credit in Deum, tenetur etiam Voluntatem Dei observare, juxtaq; suam vocationem innocentem vivere.

Q. Si quâ nesciverit Voluntatem Dei, quid faciendum est homini? R. Quilibet Idiotâ tenetur petere informationem à talibus viris, quos S. Spiritus magis illuminavit quàm alios eoq; vocavit ad docendum: prudentiores Scripturam habent Magistratam.

Q. Posito autem illuminatos viros unquam deesse, quid convenit facere? R. Ad Deum confugiendum est, qui procul dubio dono dabit, cujus quis indiget, dummodò constanter in pio cæpto permaneat. Hoc nî suffecerit, notetur sequens consilium, quo quis vel maximè tanquam per regulam ad Deum promovebitur, nimirum: Inter ea omnia, quæ dubia movent, id sedulò est perquirendum, quod est naturæ omnium acerbissimum, hoc est, quò natura omnium minimè inclinât, quia abhorret, id ipsum postquam inventum est, perficiendum est sine hæsitatione. Qui causam ejus nôsse cupit, eam nôrit hanc esse, quia per unamquamq; mortem efficitur, ut Deus de Cælo veracissimè sit, vivat & crescat in tali homine. Nam qui cuncta propter Deum deserit, ei redditur Deus simul ac cum Deo omnia, & qui sic studiosè perseverat in Veritate, is quoq; in tempore mortalis Vitæ acquirat à Deo remunerationem. Hæc de primâ tentatione.

Q. Dic nunc quoniam sint hi, qui secundâ tentatione seducti oberrant? R. Omnes ii, qui spirituales videri volunt & non sunt, qui formâ externâ humiles, sancti & paulo antè descriptis contrarii apparent, ad quorum Classẽ referuntur multi eorum, qui habitu abjecto incedunt, qui relictis suis bonis cunctisq; Amicis perpetuè pœnitentiæ gratiâ duram ac operosam Vitam ducunt.

Q. Quàm dura hæc Verba auribus meis! Annon paulò antè prioribus contrarios vocasti Amicos Dei, qui iam includis eos
in

perbiæ Crimine, ut taceam quod tale quid iis sine deceptione contingere nequit, qui parvipendunt id genus Vitæ & doctrinæ, quam præci sancti tradiderunt, qui potius novas indies ac incognitas Vias quò tutius eant, sibi quærunr.

Q. Quid oritur è respectu, qui majori ex parte ad sui ipsius, minori autem ad Dei gloriam vergit? R. Indè oritur species ficta, falsa ac dolosa Vita, & qui sic versantur, gerunt sese externè ad aliquem novum seu singularem modum, quò sanctitatis ratione sibi comparent aliorum benevolentiam.

Q. Quid porro requiritur ad strictam pœnitentiæ regulam simulac ad virtuosam Vitam? R. Eò requiritur profunda Cordis humilitas, sine quâ permixtum virtuti vitium, veritati falsitas cernitur. Quicunq; instar Phariseorum Sanctitatem & Encomia aliorum æmulantur invidio Corde, seipsos quoq; prudentes & alios imprudentes censent, non sunt humiles, sed superbi, non prudentes sed imprudentes, eoq; decepti ac dolosi.

Q. Cur vocas imprudentes eos, qui aliis tùm sapientiâ tùm prudentiâ se longè putant præcellere? R. Non tantùm propter pravam eam opinionem, sed maximè propter aliam causam pro imprudentibus habendi sunt, nimirùm, quia omnem suæ salutis rationem ponunt in sola externa opera, quæ quidem deceptio tam gravis est, ut si permissione divinâ aliquandò contingat iis visio, Imago aut apparitio Dæmonis, futurum sit, ut glorientur tanquàm de singulari divinæ gratiæ opere. Hæc certè Dei permissio est ipsa traditio perversi Spiritus ad maiorem perversionem conversioni semper obstantem. Hæc est secunda tentatio, quâ Satanas seducit eos, qui resignatione relicta seipsos possident inordinato amore.

Q. Quales sunt qui tertiâ tentatione capiuntur? R. Hæc cum valdè subtilis sit, suadente & consulente maligno Spiritu labuntur in eam decepti, utut astuti aliàs & ob ingenii promptitudinem laudati. Tales namq; ut Speciem pietatis referant, astringunt exercitio naturam in lumine suo tunc florentem

R. Omnino obest salutē, cū sit ea ipsa subtilis tentatio de quā tractamus, quā illō facit, quō homo superbus deceptus privetur salutē. Uri enim in Theologiā morali opponuntur mundana cōlestibus, temporalia æternis; ita & tractatio unus est alterius tractationi opposita, sic ut velut rerum incompatibilium utriusq; id est, mundanarum & cōlestium rerum tractatio nequeat simul in eodem numero Spiritu fieri, siquidem unum est verum, alterum falsum, & tametsi detur vicissitudo, ea tamen reprobatur. Qui ergo gentiliū sophisticationibus adhærent, jure meritoq; comparantur prophanis Deum non agnoscētib; & hujus comparisonis fidem faciunt eorum mores & actiones, eò quod propriam quærunt gloriam tam verbo quā factō, tametsi superbiam suam non deprehendant ipsi. Non minus apparet eorum superbia in formā externā, cū sint immersi Curis, occupati negotiis arduis & molestis, quod ipsum testatur vultus eorum instabilis & gloriosus, apparet quoq; ex luxu (lautiori Corporis nutritione) & in multis aliis, quā cupidi sint venerationis & exaltationis. Exin perspicua est facta tentatio tertiā doctis & ingeniosis hominibus familiaris.

Q. Dic qualiter homines quartā tentatione decipiantur? R. Tentatio hæc omnium maximē est formidanda, quatenus simplices ac juvenes tam longo intervallo arcet à virtutibus, ut de conversione eorum actum videatur; taliter seductos cernimus eos, qui relicto virtutum exercitio desides incumbunt otio Spiritus parum vel nihil curantes bona opera tam externa quā interna, puta Cognitionem, arbitrium, desiderium, & quæcūq; ad ipsum Deum provehant exercitia. Eorum Fides nulla est, nulla Sequela Christi: Christus autem, qui unā cum suis Angelis nunquā est sine voluntatis & charitatis operibus, exemplum nobis factus est, ut eum sequamur insistendo vestigiis ejus. Rectē ergo dicuntur non sequi Christum, qui abjectis virtuosis occupationibus & sequestratā Charitate observant naturale silentium tantā firmitate, ut desuper ob-

hominibus, quò sit & appareat humilis, quoniam futurum est, ut suprà humilitatis fundamentum, si voluerit, ædificet Culmen pietatis & probæ vitæ tantò quidem nobilioris quantò humilioris. Hoc omnium primò faciendum est homini: deinde necessum est applicet animum ad Dei mandata, quæ sibi præfigat custodienda omnia, quamdiu vixerit, qualitercunq; obstrepant hodiè, qui id in controversiam trahunt eum evidenti multarum animarum perniciè. Exindè enim discit, quàm necessaria sit obedientia ratione recta, quo cunctis obediat hominibus inter quos vivit sub hâc conditione, si pacis, virtutis seu mortificandæ proprietatis quidpiam indè redundet. Indè quoq; discit, quàm necessaria sit solertia, fidelitas & amor mutus ergà omnes, item mansuetudo, patientia, misericordia, ut cuncta hæc in eâ formâ, quam S. Scriptura, Amici Dei, imò & animi rectitudo probat, seriò proponat sibi facienda pro viribus & cum ratione. Hic modus communissimus est, quo Christiani debent anrevertere Diaboli seductiones: de minus vulgari modo sunt plura dicta alibi.

Q. Cùm mentio facta sit modi subtilioris, quo fideles Deo redduntur chari, non abs re erit pauca adjicere, utut de eo uberius tractatum est alibi, quæritur ergò, quo modo quis Christi imagini magis conformis reddatur? R. Is modus est usurpandus in silentio non quidem corporali sed mentali, cùm scilicet homo, qui jam effectus est victor tentationum, descendit cum Christo in abyssum Deitatis, rursus vè libero animo se tollit in altum ad amandum & collaudandum Deum in Christo Jesu cum omnibus Sanctis & Angelis ex nunc & usq; in æternum. Hæc Deo gratissima invocatio Trinitatis in silentio facta convenit homini, ut cum eo habitet S. Trinitas cum plenitudine donorum & gratiæ, adeoque perficiatur virtualis ad Unitatem divinam reflexio. Hâc namq; sub Unitate conclusam manus Spiritus cum Dei bonitate quasi eodem flumine penetrando Cælum & Terram, Gratiâ, Gloriâ & omnia, qui modus plurimis secretus vocatur invocatio S. Spiritus,

ritus, adunatio Dei & amoris immensi fruitio. Sub hoc amoris vinculo percipitur Utilitas & opulentia Spiritus adimplens hominis interiora desideriis, imò & infinitis deliciis. Quicumq; eò pertingunt, dicuntur orare in silentio & invocare voce occultâ justitiam simul & amorem Dei, quò eos absorptos abscondat in illâ abyssò, ubi suas proprias actiones amittit omnis Spiritus.

Q. Dic quid ibidem revelatur? R. Tunc revelatur obscura tranquillitas & inanitas excedens modum, quæ est mors vitæ corporalis & nova Spiritus vita, & iste est usus summæ beatitudinis, quod æternum tunc incipit silentium tam in transi-tione Spiritus quàm transformatione naturæ, siquidem in ipsâ Personarum Unitate nec profertur, nec percipitur verbum ullum. Ad hanc abstrusam Triunitatem nemo pertingit sine Charitate ut nec sine exercitio virtutum in justitiâ.

Q. Cum hinc dilucidè appareat, qualiter tot tantæve machinationes Satanæ queunt subverti, appareat etiam, quàm sint decepti omnes, qui manifestâ sub falsitate, spirituali silentio substituunt silentium & vacuitatem naturalem, quæritur: annon possibile sit, ut aliqui per gratiam Dei pertingant ad sublimiorem hunc gradum Charitatis, tametsi in exercitio virtutum non æq; dignè se gerant juxtâ descriptum vulgarem modum? R. Quamquàm ubi divina abundat gratia possibile sit, ut simul cum uno dono dentur plura testante exemplo Paulinæ Conversionis & apostolicæ illuminationis, ea tamen exempla hodiè expirârunt, sic ut eò respiciendum non sit; verùm cum gratia juxtâ scripturam detur pro gratiâ, possibile est, ut etiam multi acquirant ilicò eam Charitatem, dum modò per gratiam Dei piè atq; prudenter vulgari modo usi fuerint: id namq; est secundum voluntatem Domini. Quod autem paucissimi homines eò perveniunt, indè provenit, quod pleriq; ignorent modum mortificandæ Carnis, Sanguinis & Voluntatis propriæ, reliqui verò qui ejus notitiam habent, vel aver-satum dedignantur, vel durum nimis ac difficilem vel prorsus

indignum eum judicant, ideoq; dicendum, rebus sic stantibus esse impossibile, ut alterum contingat sine supposito prioris.

Q. Ergone quorundam Sanctitas est tantum imaginaria, vana scilicet seu umbratilis Species? R. Rectè ominaris, sic enim est, cum nemini liceat Sanctitatem vel tantillam sibi arrogare, tantominus sibi nimium fidere. Ipse namq; Sanctitatis respectus sæpenumerò nil nisi naturalis inclinatio ac desiderium congenitum est, proprio arbitrio, insuperq; novis inventionibus fulcitum propter inconstantiam naturæ, quæ desideriorum expletionem & voluptatem quærit in suis exercitationibus, maxime si homo nondum excesserit ætatem quadraginta annorum, inde sine controversiâ dicendum est, bonorum hominum exercitium etiam sine scitu eorum esse adeò naturæ permixtum, ut cum censuerint se juxta Spiritum velle sanctè vivere, ea tamen opinio includat solius naturæ inclinationem & proprietatem nondum subactam.

Q. Quid requiritur ad improbæ Vitæ mutationem? R. Regeneratio ad id requiritur, nimirum ea, quæ per receptam in nobis Verbi nativitatem perficitur, tunc enim initium Vitæ spiritualis & templum Dei nostri factum est in nobis eoq; necessum, quia possibile, ut nos in eo castigemus operibus pœnitentiæ & sancto exercitio tamdiu, donec per gratiam Dei vincamus ac propulsemus Vitam caducam, fonticam & consequenter ea quæ Deo & virtuti adversantur sive in cogitatur, verbo sive facto vitioso consistant, donec etiam tam potens reddatur nostra Charitas, ut per eam evehamur ad eandem sui ipsius altitudinem, sic namq; futurum est, ut Charitatis bonum diffundatur per totum internum hominem secundum plenitudinem omnium deliciarum. Sub eâ nostrarum potestatum evectione præparatur libertas eorum, quò Deum possint laudare, amare, colere omni modo sine impedimento aliquo Diaboli, Mundi vel Carnis.

Q. Cum potestates mentis præfato modo dominantur in homine, dic, qualiter se gerant sensitivæ potentiæ, quas inferiores

quem S. Augustinus exprimit l. 1. de prædest: Sanctorum in-
 quiens: Quid est, ipse Spiritus interpellat, nisi interpellare
 facit gemitibus inenarrabilibus, sed veracibus, quoniam veri-
 tas est Spiritus? Ipse enim est, de quo alibi dicit S. Apostolus:
 Misit Deus Spiritum Filii sui in Corda nostra clamantem Ab-
 bah Pater. Et hic quid est clamantem, nisi clamare faci-
 entem &c. Ubi intelligimus, & hoc ipsum esse donum Dei,
 ut veraci Corde & spiritualiter clamemus ad Deum. Ecce
 quo modo per Spiritum S. præparatur nec non dilatatur fun-
 dum internum.

Q. Quid autem tunc faciendum est, cum homo sub inter-
 nâ & externâ eâ pressurâ, quâ major esse vix potest, diutius
 detinetur & quamvis gemitibus inenarrabilibus adficientiam
 Dei imploret, nemo tamen est, qui exaudiat? R. Oportet se
 totum dedicare Deo, quò magis magisque præparetur, sic enim
 desiderium ejus augetur supra modum. Si quis ergo est, qui
 in omnibus passionibus internis & externis se patienter, man-
 suetè ac humiliter posset tradere divinæ Voluntati usque ad mor-
 tem sine ullâ refragatione, profectò is rectâ viâ immediate
 duceretur in ipsum Deum, utpotè quod istæ sui ipsius abne-
 gatio & vera perseverantia (immanentia) in fundo vero per-
 ficitur cum firmâ fiduciâ, quapropter & fides in quâ hæc fi-
 unt, velut multa efficiens ab ipso Domino magnoperè comen-
 datur. Introitus iste (intromissio) in bonum æternum non
 fit veraciter nisi mediante abnegatione sui ipsius eorumque om-
 nium quæ homini propria sunt tam quoad Spiritum quàm
 quoad naturam: hoc namque invenitur esse ibi, ubi quis abne-
 gat omne.

Q. Quod si quis est, qui à peccatis grandioribus aliquot an-
 nis abstinerit, seq; multum apud Deum effectum putaverit
 sic, ut aliorum precibus coadjuvantibus cupiat contrahere in-
 timiorem cum Deo & sanctis suis Amicitiam in æternum, queri-
 tur, an etiam in suo proposito erret necne, utpotè quod de-
 siderium hoc appareat vulgariis hominibus perquam ju-
 stum

sistit in suâ sinceritate, ejusq; tentationes de foris eum impetunt, quia non è fundo erumpunt exceptâ tantulâ inclinatione, quam Diabolus in eo reperit. E. g. Est homo naturatens pronus ad iram, Diabolus advertit hoc, eò igitur impendit omnem suam astutiam & nequitiam. Eo quidem labore non indiget ad seducendum mundanum hominem, cum tales astutum sequantur. Ast illis applicat simile quid, quod pueri invicem solent facere, cum unus alterius vesti circaccircum injicit nodos hamatos herbæ personatæ (Lappæ); ita inimicus, cum hominem invenit ad iram proclivem, subito injicit ei speciem ejus materiæ, quæ potest eum irritare, mox aliam, & sic porro, donec homo ultimatum effervescat præ irâ, seq; clamando gerat ac si quem vellet percutere aut transfigere. Quod si talis homo ad se redire posset, seq; coram Deo præcipitare in fundum profundum humilitatis, imprimis si cum hominibus reconciliatus componat se sic ut sine excusatione delabatur in suum Nihil inq; in suos graves defectus, futurum esset certocertius, ut sub hoc actu subito exciderent defectus coram Deo sicut nix dissolvitur à solis Calore, nec non & factâ reconciliatione cogeretur inimicus discedere. Homo insuper si sapienter in hoc se gerere satagit, plurimum depuratus ad sublimiora præparatur.

Q. Quomodò tentantur perfectiores, priusquam ad summam perfectionem perveniant? R. Quid hîc sit sentiendum non omnes homines attinet, imò nos miteros oportet expavescere, dum volumus eloqui vel audire res tam sublimes quarum nulla nobis obtigit experientia. Qui simile quid experti sunt, cognitionem ejus habent, nihiloseciùs tamen non possunt de eo nuntiare aliquid. Job ait: Spiritus (ventus) præcedebat antè me, undè horripilatio supervenit mihi. Post eâ stabat unus coram me, quem non noveram, imago coram oculis meis, & vocem audiivi velut suavem auram. Gregorius per ventum præeuntem intelligit sanctam humanitatem Domini nostri Jesu Christi, & per imaginem quam videb

feas hinc velim, si homo tam purus esset, quàm fuit cum natus est, hoc est, nullius actualis peccati reus, si tamen ad vivam proximam veritatem pervenire cuperet, oportet eum transire per istam Viam in verâ resignatione, aliàs non eò pertingeret. Per ignem, qui sequebatur Commotionem, intelligitur Charitas ardens, quæ Sanguinem absumit & medullam, quâ homo penè extra se rapitur. Ast quid censendum est de eo, quod remansit adveniente Domino in blando eo spiramine? Cum Deus venit in hominem, posteaquàm præcesserunt momentia, velocia, fortia, tantas commotiones & subversiones facientia & postquàm ambustum est quicquid in miserâ naturâ & spiritu est, quid tunc existimas ibi esse? Certè nî Deus naturam hanc sustentaret modo supernaturali; tamen si mille hominum robore polleret, non posset sustinere mirameam lætitiâ, non obstante quod ultrâ momentum non durat. Momentum autem id prætereuntis Dei erat tam forte quàm pernix, quod etiam Eliam coëgit pallio tegere faciem.

Q. Dic quid per ea hîc debeat intelligi? R. Per speluncam humana impatientia, per ostium obtutus divinus intelligitur: quod autem Elias pallio faciem obtexit, per id intelligendum datur momentum id, quàm breve etiam sit, esse cunctis Creaturis exuperantissimum, naturæ humanæ incomprehensibile ac intolerabile, nam Dominus Deus est hîc in Veritate, hinc etiam dulcedo quæ degustatur hîc, exuperat omnem suavitatem cunctarum rerum desiderabilium, transcendit omnes sensus & intellectum, extendit se longè ultrâ Vires in abyssum, & sicut oculus lippus non tolerat Claritatem solis, sic infinities minus potest natura ob suam infirmitatem tolerare id, quod hîc sentitur. Quicquid hîc dici, aut sensu intellectuè comprehendiposset, quàm bonum quàm ingens sit, est tamen tam alienum, dissitum ac dissimile ei, quod in veritate est, ac si Carbonem quis lumen solare diceret esse. Hîc nascitur vera & essentialis pax quæ omnem sensum superat, idcirco quicquid hoc sentit, hâc pace fruitur, & hæc præservat quominus facile

& exempla Christi in suâ excellentiâ generantur. Proinde dicit S. Paulus: absit mihi gloriari præterquam in Cruce Domini nostri Jesu Christi: sic & Job: c. 7. dicit: desideravit anima mea suspendi, & ossa mea mortem. Hoc ipsum eligebat præ omni bono, quod Deus ei fecerat. Suspendio talis hominis in Cruce est in maximâ torturâ, eò quod Deus ejus pendit in Cruce propterea. Cæterum & in densissimâ caliginerelinquit Deus ejusmodi homines, qui & hætenus in extremâ miseriâ deferuntur penitus.

Q. Ast quomodo se habet potentia desideriosa, quæ ab ardenti Charitate tantoperè accensa erat, nunc verò adeò præcipitata est atq; privata omni sensibili solatio? R. In succursum tunc ei appropierant Candor & discretio sic alloquendo eam: Ecce inamorata, hæc est hæreditas, quam Deus legavit diligentibus se, nimirum mens Deo plena & corpus seu natura plena passionis. Quò magis aut minus ardet Charitas, hoc magis vel minus placet hæreditas, sanè plus quam omne posset placere solatium. Desiderabilem hæreditatem quam Jerem. 3 Deus amicis suis promisit per Prophetam, quò quis nobilius possidet ac diligit, hoc & potentius beatiusvè possidebit æternam hæreditatem, quam & sancti Martyres adepti sunt mediante ardenti Charitate. Sed homines, de quibus noster sermo est, se putant jam incepturos esse, ideoq; sentiunt cum incipientibus. Hinc seriò deplorandum est, quod verum hoc purumvè Bonum non magis quæritur, quod potius sub rerum vanitate negligitur.

Q. Cum Vita nostra sit plena tentationum, ita ut omnes Sancti eam non Vitam, sed tentationem rectè nuncupaverint, quoad una cum præteritis, alia sit in expectatione, dic, quæso, quare Dominus Deus noster sic homini imposuit? R. Eapropter facit hoc Dominus, quia vult ut progrediendò feramus fructum, maximus verò fructus & promotio est sita in tentatione. Exin sugenda est occulta spiritualis dulcedo, sicut mel è genere florum spinoso colligitur. Sic qui non habet tentationem nihil

autem est, cum intus surgit levis cogitatio, quam quidam vilipendunt tanquam rem exiguam parvique momenti quia evanescens; atramen hanc cogitationum suppressionem negligunt maximo eorum damno, cum non semper evanescant, sed sæpe sæpius centuplum fænerentur mediante Imaginatione fortem impressionem earum efficiente, & tunc non facili deletur cogitatio, cum statim eam sequatur oblectatio & sic porro assensus Voluntatis, quæ in delectabili re sensâ & cognitâ semper quiescere vult. Et siquidem hominis minus exercitati vires non sunt tantæ, quibus hostis jam stratâ viâ ingressus rursus expellatur, inde fit, ut hostis indies fortior, homo verò imbecillior reddatur, quod ab exemplo patet, nam tantominus valet undis quaquaversum irruentibus resistere, qui aqualiculi scaturiginem non potuit obturare. Dirigitur autem omnis tentatio à Deo ad salutem hominum juxta facultates iisdem donatas, quapropter aliqui majores tentationes persentiunt sub initium conversionis, alii sub finem, nonnulli per integram Vitam cruciantur, alii leviter affliguntur. Hinc animus non est abjiciendus in quavis tentatione, sed potius impensè orandum, quò Deus assistat homini tentationem juxta vires emensam perducendo ad finem salutarem.

Q. Quotuplex est tentatio? R. Duplex, una carnalis, quæ dominatur in regno animali externorum scilicet sensuum & quidem suo tempore, ut cum tentatur externus homo ad quærendum voluptatem in Creaturis sive sint amici, cognati sive alii mortales homines, item in curioso ornatu, pretioso vestitu, gemmis, libris, artificiosis instrumentis, magnificis habitationibus, cibo ac potu delicato, vel in aliis caducis Creaturis, quarum varietati & vanitati tenaciter ac petulanter adhæret. Sunt quidem sensus nonnunquam ab hac adhæensione liberi, sæpè tamen tentatur homo supra modum in carne & sanguine, in phantasiâ & pravis Cogitationibus, verùm tentationes tales non nocent homini, quantumvis sint valde impuræ ac detestandæ, id quod testatur S: Gregorius, cum in-

quit:

commodius ad suam dilectionem trahere possit. Aliis e-
 contra dulcedinem eam subtrahit, qui cæteroquin diuturno
 durovè exercitio dediti sunt, ejusq; longè digniores, ut id
 præteream, quod Deus nonnullis eam subtrahit per totam vi-
 tam (reservatâ iis æternâ remuneratione). Attamen subtra-
 ctionis hujus causa est, quod spiritualis noster progressus sum-
 maq; beatitudo non est sita in Voluptate prænominatâ, sed in
 fiducia internâ Dei; adhæsione, in abjectione etiam & in ob-
 latione sui ad æterna Dei servitia, propriis sumtibus, uti dici
 solet, obeunda, si quâ possibile esset. Hoc non obstante ho-
 mo juvenis ac incipiens concessum sibi reputet exorandi
 Deum, quò largiatur ei perceptibilem hanc gratiam, per quam
 in Fide & Charitate fortificetur: hoc autem noscat, quod quis-
 quis devotionem eam pacemq; exhilarantem (quæ dona Dei
 sunt) propter seipsum plus amat, quàm ipsum Largitorem,
 certocertius prolatur in spiritualem abundantiam grandem-
 vè perfidiam, quam clementissimus Dominus cum perfectâ
 sui ipsius abrenunciatione non est de nobis promeritus.

Q. Quid spiritualis est Avaritia? R. Est, cum homo semper
 plus cupit quàm ei necessarium est in Vitâ temporalis pere-
 grinationis. Qvonam provideat sibi iter faciens nisi eo, quò
 mediante satur contendat ad domum suam? Si magno cedit
 dolori plura quàm opus est cupere in verâ paupertate exter-
 nâ quantò majoris doloris causa erit intus in paupertate Spi-
 ritûs? Non magis pauper erat, quàm qui desertus erat à cun-
 ctis Creaturis & à cælestibus rebus Christus Jesus, qui sibi ipsi
 in summâ miseriâ relictus clamabat: Deus, Deus ut quid me
 dereliquisti? Id omne autem factum ad nostram admonitio-
 nem, ut inde solatium acquiramus in nostrâ paupertate ad
 eandem resignationem.

Q. Sed obstant plerumq; dicendo: Nî propriâ meâ Culpâ
 id perdidissem aut neglexissem, non dubium est, quin longè
 facilius sustinerem, nunc autem cuncta ipsemet pessum dedi,
 quid putas hîc regerendum? R. Non perdant, qui sic dicunt,

animum: an id quod scriptum est obaudiunt: iustum de die septies cadentem surgere? an verò putant fore, ut semper stantes inveniantur? Conceditur eorum propriâ culpâ neglectum aut promeritum esse, nihilominus longè melius est, ut clementissimi Domini (qui nescit humanam infirmitatem, qui Culpam quotidie septuagies septies ignoscit) gratiam implorent, non autem seipsos per pusillanimitatem postponant. Surgat qui lapsus est, accedat cum filiali fiduciâ ad Patrem suum, sicut fecit filius perditus, ore & corde humiliter dicendo: Pater peccavi in Cœlum & coram te, & non sum dignus vocari filius tuus, fac me sicut unum de mercenariis tuis. Annon faciet nunc Pater, quod fecit tunc? Propter peccata tua non permutabit se cuius thesaurus est proprius, parum enim est ei remittere peccata, si ei confideris. Non est abbreviata manus ejus, ne quâ te salvet. Idcirco caveat sibi unusquisq; à spirituali avaritiâ, siquidem quò minus habens accedit ad Deum, hoc magis acceptus est ei, imò tam gratus, ut eum ditare velit uberius.

Q. Dic nunc, quid sit spiritualis superbia? R. Est, cum homo ob suos defectus non vult confundi in seipso, quin potius ubiq; sibi parcere cupit, ne supprimatur uspiam, indè sarpesepius fit, ut suæ excusationis ratione utatur inutilibus ac noxiis Verbis, quasi non esse deberet is, quem liceat corrumpere, nolitq; advertere eum qui se cum simplici veritate non potest justificare, tantominus justificari à mendacio quod in propinquo sæpè est. Longè autem præsertur homo humiliatus temerario, qui suâ se putat justitiâ excusare & justificare. Audi homo, quid est justitia nostra tota, annon, ut Esaias ait, est sicut pannus menstruatus? Quando fuimus tam Esa. 64: justii unquam? & quando sumus futuri tam justii (si Deus requirat rationem) ut coram eo queamus subsistere? Nos reos oportet procul dubio confiteri, omne bonum juxtim & justitiam nos divinæ gratiæ acceptum ferre. Dominus autem persæpè præparat hominem mediante infirmitate, si quâ sub-

indè coram Domino prostratus humiliat se, quatenus DEUS vult, ut omne genu se flectat coram eo, omnisq; lingua pro acceptis virtutibus reddat ei gloriam & gratitudinem: indè perdiscimus secretam sæpè in nobis superbiam esse, undè rerum immoderatio & actiones illicitæ promanant. Quisquis autem se custodire laborat à spirituali superabundantiâ, avaritiâ & superbiâ, is nequit elabi è Viâ Domini, neq; errare in suâ internâ exercitatione.

Q. Cùm sic abundè tentationum necessitas & causæ sint explicatæ, nonminus operæ pretium esset hîc aliquid adjungere de modo se præservandi à triplici eâ tentatione, hinc quid morari te jubet, ne faceres pande? R: Nil vetat, quominus dicam, nec moram traham, quin quod requiris expediam. Notandæ autem sunt sequentes tres regulæ, earum

prima est: non Spiritus malignus, non ipsa natura possunt efficere qualemuncq; adversitatem, quæ intus adoritur hominem, utpotè quod eâ mediante trahitur aut cogitur ad similitudinem (conformitatem) humilitatæ Imaginis Christi ejusq; Sanctorum; indè ergò sequitur à Deo provenire eam, siquidem Deus est summum bonum & à summo bono non nisi bonum profluit: omne quod DEUS dehinc elargitur, & quod ad eum rursus tendere debet, à DEO provenit, quemadmodum rivi omnes ad suam originem, undè effluerunt, resfluunt, omnesq; res exhilarant se in reditu suo. Ideirco sequitur verum esse, quod omne id, quo homo à tali conformitate abducitur, proveniat à Diabolo, qui pro distractione continuo se occupat. Nam Christus ait: qui non est mecum, contra me est, & qui non congregat mecum, spargit. Hæc regula opponitur primo spirituali vitio, quod antecederet fuit appellatum superabundantiâ.

secunda est: quicquid homini intus occurrit, quo ipso propius & notabilius impellitur aut colligitur ad Cor, id est, ad simplicitatem animi sui in perfectâ fiduciâ & charitate ergâ paternam Cle-

Clementiam, non verò erga sua propria opera, merita vel arbitratum, id est à Deo. Quisquis seipsum semper agnoscit esse egenum medicum (quanquam opera sua appareant pulchra) & quò potentius approximat Cordi suo, hoc longius remotum se invenit à virtutibus. Reperiet sic in seipso, quod nil est aliud quam Vas destructum non pertinens ad gloriam Dei, sed ad æternam damnationem, quod ideo à solâ divinâ gratiâ impleri debet: & si quis Deo adhæret se non defendendo cum seipso, hoc opus procul dubio à Deo est, quo pellitur homo introsum ad agnoscendum propriam suam paupertatem. At ab instinctu Dæmonis & naturæ privatur homo omni bono virtutum ejus, quod fit, si homo non agnoscendo seipsum putat habere id, quod non habet, & dicit, sicut scriptum est: Dives sum & non indigeo, interea nescit, (dicit Apoc. Scriptura) quod nudus & pauper sit. Hæc regula est adversus spiritualement avaritiam.

tertia est: quicquid occurrit homini, undè intima ejus perceptio minuitur ac humiliatur, ita ut seipsum flectat subter manum Dei potentem & subter omnes Creaturas in verâ humilitate seipsum abnegando & supprimendo, hoc ipsum procul dubio à Deo est. Nam sicut Lucifer & sui sodales superbiendo se extulerunt, eaq; propter è Cælo ejecti sunt; ita nos conductu reciproco perducimur in Cælum propter nostram humiliationem & prout uniuscujusq; conductus est, taliter facit, docet, adq; suam similitudinem trahit omne quod potest quodvè trahi potest. Malignus Spiritus est in obsequio suo proposito elatus & superbiæ suæ magnanimitate & voluntate tam induratus & contumax, ut se nec unico momento velit humiliare adipiscendi Regni cælorum causâ. Ab eo edocti consimile quid faciunt superbi, qui suis fidunt sensibus adversus omnem sensum & rationem aliorum, propterea spontè prolabuntur in pugnam & contrarietatem adversus proximum, undè inqvies multa & labor Cordis resultat, quâ frangitur fraterna Charitas.

homines fortes, juvenes, superbi, qui Vitam suam devoverunt mundo ad servitium, non aliam à mundo hinc reportarunt mercedem, quam quod tradiderit eorum corpora in escam vermibus, Diabolo animam in opprobrium. Longè alià fruuntur mercede, qui Deo serviunt sustinendo passionem propter Deum; nam hi non solum Regnum cœleste (Vitam æternam) accipient, sed unà Deus ipse merces eorum erit. Ecce quàm sit ubiq; passio, sed magnâ cum disparitate. Afflictio est homini perquam utilis & salutaris, quatenus ab eâ pertunditur obduratum pectus humanum, molliusvè redditur quàm naturatenus est, sic ut homo eo facilius agnoscat & perpendat suam miseriam spe non in caducas sed permanentes res positâ. Illata calumnia inservit homini ad humilitatem, præservat ab ambitione, ab humanâ fiducia & solatio. Animus afflictus tristatur, gemit, orat, vitæq; pertæsus abrenunciat omnibus, mortem expetit, DEI solatium & præsentiâ quærit cognito quod mundo nulla pax sit.

Q Siccinè ad exemplum Christi decet passionem quamcunq; humiliter perferre propter Deum, sicut Christus eam pertulit propter nos? R. Imò ad ejus exemplum respiciendum est tanquam ad Normam, quò faciamus ei quod fecit nobis ob eandem rationem. Nam caput nostrum Filius Dei passus est opprobrium, paupertatem, miseriam, imò mortem ipsam solum propter nos. Annon qui membrum Christi est, pudore summo à passione sese eximat? in mundo nemo vixit unquam qui tot probra dedecora & vituperia in se derivari passus esset, sicut passus est Christus Caput nostrum, qui adhuc pati paratus est, si propter nostram salutem necessum foret, quanquam (sic loquendo) spirituali modo adhuc quotidie subeat Crucis passionem, quotiescunq; Vulnera, Mors & Passio ejus execrandis Verbis dehonestantur, ut taceam quævis alia mortalia peccata, quibus passio ejus nonnisi renovatur.

Q.

Q. Ergone Deus patitur? R. In Deum non cadit passio, nec ulla tristitia. Dicimus quidem Deum offendi, irasci, contristari &c. quæ passiones propriæ sunt animæ in corpore suscitæ à Causis sibi contrariis: de Deo autem dicuntur alio sensu. Nam Deus quæ Deus non patitur, sed quæ homo, sive in homine divino est, patitur, hoc est, per Creaturam. In hoc respectu peccatum Deo tam est acerbum, ut supra omnem modum condoleat non tantum de unius sed de totius mundi peccato. Nunc homo cogitet, quantus Dei amor sit, si vel compassioni vel dolori æquipollere debeat, quo solo ad expiationem tam pretiosam permotus sit. Nulla ergo advenit Deo passio nisi è peccato, quia cætera quæ bona sunt, DEO placent. Idcirco in homine divino querela, tristitia & passio propter peccatum incessanter durat per totam Vitam, unde ratio desumitur, cur Christo per totam Vitam suam erat secreta passio: hæc enim est proprietas in homine à DEO suscepta, quam DEUS efficit, & recipit in homine, quia DEO valde placet velut res difficilima homini. Cognitio hæc descendit à lumine veritatis, nec hominem passivum inflat: & hæc est interna passio, cujus exemplum exhibet Propheta, cum dicit: quis dabit Capiti meo Jerem.
8. aquam & oculis meis fontem lachrymarum, ut defleam diebus ac noctibus &c. Est & externa passio à morbis, affectibus & sensibus inducta, quæ ab homine quoad mortalis tolli nec potest nec debet.

Q. Quare requiritur in homine passio, & quare passibilitas præ impassibilitate, dolor præ indolentiâ approbatur? R. Ideo, quia in statu mortalitatis impassibilitas non est nobilis atque gratus vitæ status, quantum ad DEI placitum; Vitam autem dolore (passione) perfusam esse DEO gratam & charam perdiscimus è Vita CHRISTI, quæ antè mortem ejus merè passiva fuit, Vita alioquin nobilissima Deoque gratissima, quæ secus se habuisset, si indolentia DEO acceptior fuisset. Inde

Indè simul discimus, juxta Voluntatem Dei non posse ullum hominem antè mortem suam ad indolentiam pervenire, quatenus passiva Vita in Veritate est optima ac nobilissima in Christi Vita conspicua: quæ si talis non esset, in Christo passio non fuisset, si impossibilitas præstantior esset, procul dubio ea Christo perfectè bono non defuisset.

Q. Dùm sæpè homo de Corporis sui afflictione conqueritur, annon solatium quærit & auxilium inter amicos? R. Querela hæc insigne Spiritûs Vitium est, qui nec promeritam pœnam nec mortem nec infernum recogitat, cujus respectu omnis afflictio exoptanda, omnisq; labor imperterritè suscipiendus erat, siquidem afflictio est talis hominis culpâ, quatenus peccati malitia, quâ homo captus ac excæcatus est, præpedit quò minus penitiùs conspici queant Bona cœlestia, idq; dat Causam doloris atq; internæ mœstitiæ. Quæ verò Cognitione sui & pœnitudine provenit mœstitia, est salutaris admodum. cùm hominem hætenus à mundo secernat, bonum quoq; est homini se dignum reputare multifariâ Calamitate, indignum verò divino solatio. Duplex autem solatium capessit homo, humanum & divinum, sed rarius utrumq; simul. Christianis familiare est carere humano & abundare divino solatio, quin & tutissimum, utilissimum est externâ prosperitate simul & humano destitui solatio. cùm è vestigio substituat divinum solatium, quo si quis ad tempus caret vel saltem id non persentit, suâ culpâ fit, nimirum, quia externum mundi solatium cupit postpositâ animi requie. Cùm autem omnes dicantur suos pati manes, cunctos quoq; suis vexari incommodis constet, notandum est, quod nulla passio sit magis proficua, quàm ea quâ propter Deum quis patitur, quod patitur. Qui cupit Bona & officia, qualia videt à quibusdam in gaudio possideri, is cupit, quod averſandum erat, quia timenda inutilis passio, cùm nihil possideatur sine timore & sollicitudine. Si Vita caduca ipsa est miseria, quid erit Vita tot curis immerſa, maximè cumulatæ pro ratione latitudinis officio-

officiorum atq; bonorum? Non est humanæ Beatitudinis abundare opibus, quorum suffecerat minima portio: quin & ipsa Vitæ sustentatio, requies & vigilantia, cura & labor, quibus omnibus mortales per vitam carere nequeunt, summam homini spirituali afferunt molestiam, ne dicam miseriam, non solum ideo, quod vix eorum aliquid sine peccato fertur aut agitur unquam; verum etiam quod per id internus homo velut ab Hoste oppressore continuo affligitur, inq; suâ vel actione vel passione turbatur. Quamdiu in tenui corpusculo hospitatur anima, non vivitur absq; peccato, molestiâ & afflictione: ideoq; dolet homo pius de amissâ beatitudine & patienter expectat, donec cum vanitate mundi transeat ipsa immortalitas, redeatq; cum novâ vitâ pristina gratia. Hactenus causam habet juxta Sanctorum exemplum deferere id omne, quod mundo spectabile est, & è contrario curare solum cœlestia. Contrario modo se gerunt infidi homines, quorum Cordatenaciter adhærent caducis mundi rebus, eatenus nil nisi mundum atq; terrena sapiunt, quin etiam tantâ voluptate degustant ejus obsonia, ut Regnum cœlorum cum mundo permutatum vellent æternum.

Q. In quo est sita humilis hominis passio? R. In triplici Aspectu 1. est perfecta separatio à cunctis Creaturis abstractis à Deo in tempore & æternitate. 2. Vera humilitas externi & interni hominis. 3. Sedula Cunctio semper in Deo elevati. ^{† animi}

Q. Annon distinguis passionem? R. Imò passio distinguitur in eam, quæ est naturæ, dependens à primo hominis lapsu, & in alteram, quæ cruciatum est.

Q. Dic quid de primâ habes? R. Est implantata naturæ passio, quâ homo proclivis est ad defectus, hanc debet homo tanquam sibi adversam omni studio fugere, in quantum Deo contraria est. Ex hac resultat altera passio, nempe tortura & cruciatus: hæc debet homini esse perquam accepta, quatenus accidit propter exemplum & imitationem Domini nostri Jesu Christi, qui semper in acerbissimâ passione vixit.

Eeeee

Divi-

Divina verò Clementia permittit sæpenumerò, ut fragilitatis passio cadat super hominem eo quidem fine, quo diro sub lapsu cognoscat seipsum, diligere discat, seq; in eâ torturæ Viâ volenter constituat. Quodsi quis posset in eâ Viâ se relinquere, id valdè bonum esset: in beatissimâ ergò istâ torturæ Viâ discat homo semper dispicere ad suam infirmitatem, id est, quâ nihil est, nil facit. Quisquis hanc Viâ benè didicerit, tamen si nil aliud agendo inspiceret incessanter in suum Nihil, ei divina gratia veraciter innasceretur.

Q. Cur autem dicis hominem nil esse, nil facere, cum sit & Creatura & operetur indies? R. Sensus ejus hic est, quod homo habet à seipso, hoc verè dicitur esse suum & non hoc, quod à se non habet. Atqui nil habet à seipso, ergò nihil suum est, in hoc dixi esse inspiciendum ei. Quod autem est & quicquid est, id omne solius Dei est immediatè, quia à Deo provenit tam magnum quàm parvum. Licet præterea concedi debeat, hominem habere aliquid à seipso, nihilominus idipsum est corruptio omnis boni sive interni sive externi, undè non habet gloriam sed perditionem, quicquid autem adest boni, suum non est. Idipsum nunquàm è corde mittendum est, quin potius considerandum humanum Nihil & pronitas ad quamvis malitiam, in quam & laberetur, si suam natura libertatem haberet. Hinc magnâ industriâ opus est se cognoscendi, quò suum vergat fundum, intentio, Charitas, Sedulitas, an fortè succreverint Zizania, cum fundum aliàs simpliciter Deum intendere oporteat, nil aliud. Adhæc scrutandus est externus Vitæ cursus, verba, opera, mores, apparatus, Conversatio & amictus omni modo, & sicubi se invenit aberrâsse, subito se hætenus habet accusatum coràm Deo in verâ pœnitundine & gemitu interno: est enim valdè utilis iste gemitus. Tali exercebantur Apostoli, non quidam propter peccata eorum, sed propter ingentem oscitantiam neglectum vè hominum, ac propter desiderium, quo ergà Deum incessanter ferebantur. Sic cum objicitur homini obtutus seu momentaneus æternitatis gustus, subnascitur
in

Illuminatus homo cognoscit Utilitatem ex Revelatione, hinc passionem non sentit tam exquisitè ut alii, imò ipsa passio est ei dulcis ac divina sensatio, quam comperit sibi nonnisi per Deum advenisse: hâc ratione tam gratum ei est opprobrium quàm gloria, amaritudo quàm dulcedo, & quàm aspera sit afflictio, justum tamen sentit eam reduplicari meriti sui causâ. Hoc autem noscat rerum ignarus, hominem, qui nil nisi Deum quærit, cupit, Deovè adeò redditus, ut nil nisi Deum sapiat, tam gratè ac amanter recipere Deum in amarissimâ afflictione quàm in dulcissima quiete. Per gustum hunc divinum intelligunt divini homines eam passionis demulsiionem, quâ homo doloris acerbicatem non tam exquisitè sentit, prout aliàs in naturâ sentitur, atq; sic à simili intelligendum tradunt, per aliquem modum quo infirmi sumto anodyno dolores non sentiunt, vel per eum modum quo homines in spiritu abrepti Corporis vellicationem aut læsionem non sentiunt, tolerare divinos homines passionem minori sensu, obindè hoc loco sæpè inducitur etymologia amaritudinis, quæ aliàs pro ratione admixti Sacchari obtunditur, itâ factâ comparatione, omnis in universum passio & ipsa mors tetrica per Dei compatiens præsentiam mitigatur. Id illustratur ab exemplis sanctorum Martyrum, qui summâ patientiâ sustinuerunt crudeles torturas, quorum & aliqui absq; ullo sensationis tristici signo occubuerunt. Ibi protectò Lux luxit in mediistenebris cujus fulgor per sensum gustûs comparativè expressus est: gustum hunc ajunt non posse abesse ab eo, qui pro solâ Dei gloriâ patitur. Inter nos autem qui hiscè perversis seculis non tam exercitati sumus, gustus hic vel planè non vel admodum rarò percipitur; ast in quibusdam adhuc hodiè reperitur, quod tametsi Deum non manifestè sentiunt gustando, tunc tamen sentiant quid analogum, præprimis cum pro Dei gloriâ cuncta pati resolverunt, id quod certo indicio est, eos possibiliter ad gustum perventuros esse si indefessam operam adhibuerint prælucente gratiâ Dei. Qvod

attinet, præmemoratum gustum, quem homo tunc sentit, cum propter gloriam Dei deserit rem seu opus bonum propter aliud quod melius est, is merces est seu fructus centuplicis fœnoris, quem Christus iis promisit, qui propter Deum deseruerunt id quod desiderabant, ideoq; non est externus fructus, sed intus in Spiritu deprehensus. Quanto enim Spiritus est Corpore nobilior, tanto spiritualis gustus est nobilior quacunq; suavitate rei cum proprietate possessæ. Hic nota, cum saporosissima istæ sensatio in amore, amor vero in voluntate consistat, non potest fieri, quin utraq; gaudeat eodem privilegio. v. g. si homo hanc Dei sensationem sincero animo etiam in se cupit deprehendere, qualiter eam in sanctis Dei Amicis obtruetur, etiam si eam a Deo non adipiscatur, nihilosecius tam verè in se habet eam cum non sentit, ac si per sensus discretionem eam sentiret; dummodò desiderium tunc divinæ Voluntati dedicaverit. Nam & hoc desiderium, utut bonum sit, est suo modo humana proprietas, quia ab exemplis accensum suapte naturâ fertur ad bonum aliorum, ideoq; in hujus voluntatis abrenunciatione plus situm est gustus atq; mercedis, quam in ipso desiderio sibi proprio vel in quacunq; aliâ re. Quidquid enim Boni à DEO flagitare licet (sive corporale sive spirituale) id omne in Deo invenitur, proindè tùm passio tùm ipsa rerum destitutio sustinetur in Deo, hætenus longè utilius imò nobilius est pati quàm operari in Deo, & major imò maxima Sanctitas fundatur in passione, ceu per quam cuncta reliqua exercitia, opera & gesta supernaturalia Sanctorum superantur. Verùm hîc multi pedem figunt ac meditantur, quî fiat, quod alii ad sanctitatem, ad passiones & exercitia duriora perveniant, quò ipsi nequeunt pervenire, utut amoris paritatem, undè promanant, cupiant: Hunc scrupulum excutit doctrina de bonis operibus, quæ cunctis inservit, qui per afflictiones probantur, quantum pati velint ac possint cum Deo. Ut autem scrupulosi hîc sè fatishat, operæ pretium est iisdem

hoc loco indicare, quid observare debeant: nam duo consideranda sunt, amoris Entitas & amoris opus seu species amorosa. Ipsa Entitas amoris est mentis potestas, ob Unitatem ternarii potestatum ipsi Voluntati naturatenus inseparabiliter unita, imò in ratione Essentiæ cum Voluntate unum, hinc infallibiliter sequitur, tantò plus amoris ei esse, quanto plus bonæ Voluntatis habet, tamen si non percipiat occultum eum mentis thesaurum, cuius ergò prohibitum est proximi iudicium quatenus tam suam quàm proximi amor & bona Voluntas abscondita soli; DEO scrutanda sunt. Alterum quod observari debet, est opus seu luminosus amoris effluxus, cuius sunt Confessio, Laudes, Jubilatio, interna meditatio &c. quæ forinsecus longè lateq; lumen quoddam diffundunt, hæc utut bona sunt, si Lucis veræ lumen sunt, quoniam tamen cum effectibus naturæ aut falsitatis (quoad externam speciem) conveniunt, nec hætenus discerni queunt, non sunt opus omnium optimum. Possunt enim hæc opera peragi etiam absq; amore sive ex hypocrisi, sive ex naturali ad ea pronitate sive ex persuasionem, sive è glorioso rituum processu sensus alliciente; posset etiam suavis iste gustus, si Deus permetteret, à Dæmone causari, quo sic decipiatur homo, ut speciem referat loco virtutis putando id se habere quod habet minime, falsoq; fidendo propriæ vel aliorum persuasioni, hoc ipso deniq; fit, ut aliis tutius vivat in eâ deceptione suamq; damnum nunquàm recogitet, sicut per falsam eam fiduciam cernimus integras nationes esse deceptas. Indè cognoscimus, cur non sint opus omnium maximum: hætenus est benè explorandum, num opera nostra proveniant à Deo necnè? Deindè etiam est considerandus finis, ob quem Deus ea largitur, quoniam experientia docuit, dona hæc sæpè numero dari homini eo fine, quo sustentetur longo annorum curriculo in Vitâ & Opere bono, atq; ad altiores perfectionis gradus elevetur. Nam à quo ardentius amat homo, paulatim evanescit ea externorum suavitas. Verùm tamen si homo sit ita obfirmatus, ut cum solatio interno semper fidelis DEO maneat, non ta-

men desistendum est à perquisitione ulteriori, quoniam amor hic probandus est, num verus sit ac integer necne: & si quæ veritas inventa fuerit, non tamen est omnium optimum. Enim verò cum Charitatis opera sint inæqualia, quæ unum alteri prævaler, difficulter pernoscitur, quodnam sit majus altero, & quodnam est quod præ necessitate majoris agendi tunc deferendum est, in nullo ergo consistit optimum. Majus autem est id, quod altero magis videtur necessarium sive Spiritum sive Corpus attineat, & hoc modo sæpè externa opera internis majora sunt, quorum ad actionem hæc ratione festinanter currendum est postposito altero, id quod persimile planum redditur v. g. Si Spiritus hominis in Deum jam est immersus, non majus hoc spirituale opus est illo, quo quis pauperem, famelicum, vel nudum obvium cibo reficere vel veste operire tenetur: sed hoc externum tunc temporis majus est interno spirituali, quocirca meditatio ut ut intentia sit, tunc intercipienda est per indigentis succursum amorosum. Interceptio hæc est species resignationis, quæ id quod nobis dulce ac suave est, relinquimus propter observantiâ mandati divini, & sic reduplicatur merces, imò centuplici remuneratione redditur homini tam propter observatum mandatum, quàm propter desertum saporosum solatiū. Indè quoque perspicuum redditur, quæ ratione mandata Dei sunt præponenda qualicunq; exercitationi, quàm magna etiam ea sit. Et quoniam Deus mavult, ut succurramus membris Christi, sit licet cum intermissione divinæ servitutis (quale exemplum præbet parabola evangelica: quæ bovis è puteo extractione in sabbatho commendat) non est censendum, per quælequale genus beneficii negligi hoc vel hoc bonum, quoniam id omne quod consulto sub exercitio intermittitur, cum tanto fænore à Deo rependitur ac ipsū opus necessitatis. Exemplum intermissi operis contemplativi ob aliud majus superveniens charitativum habemus in Paulo, quæ tam amasse fratres perhibet scriptura, ut pro iisdem cupiverit de voveri non quidè juxta amorē Christi quem cunctis aliis rebus semper præferebat, sed juxta præfatū solamen divinæ contemplationis.

Exter-

Externo enim solamine postposito semper manet amicis Dei internum solatium, solatium scilicet universale divinæ voluntatis nunquam suspensum per passionem, nunquam auctum per relevationem, quia in datis ac perditis idem ipsum perfecti boni gaudium.

Q. Annon sunt multi, qui solent obstrepere religiosis ac probis hominibus dicendo, tam fragiles naturatenus esse homines, ut impossibile sit ad amussim observare Charitatis regulas, tantò minus edere opera, verba & cogitationes mandatis divinis congruas, hanc ob rem irritum reddi conatum immodicum, hypocrisis documentum? R. Quàm impudica sit communis hæc objectio, quilibet facile pervidet, cui quodlibet Verbum Domini vel in tantillo pretio est. Dicitur est alibi, hominem suis vitiis planè mortuum, atq; relicto seipso ad Deum integrè conversum non posse Deo carere unquam in quovis verbo ac opere. E præposità verò objectione patet, contentiosos nunquam exuisse vitiosum habitum, adeoq; nec unquam possedisse Deum in cunctis viis operationum suarum: eorum periculum summum est, quoad lineam iudicio iam judicati sunt, qualitercunq; in libertatis curriculo mundum peragerent, utut persuasione propriâ inebriati vociferentur, se esse filios Lucis, hæredes Vitæ æternæ. Hi nôsse debuerant rem longè aliam esse ipsam actionem è voluntate productam & cogitatum vagum citò evanescentem. Nam utut hic à suis Causis provenit antè voluntatis assensum, ita quoq; à causis contrariis expellitur, antequàm alienet mentem, quo respectu solus cogitatus quæ talis, non est peccatum, nec nocet Sanctitati, cum perit. Christus non carpsit motum primum cogitationum, sed reprehendit ascensum earum, cum sine voluntatis assensu non imitantur in mentis penetralia; alias sub motu vago possunt comparari igni fatuo, & in Scripturâ per levem paleam à vento dissipabilem exprimuntur. Et sicut nullum triticum absq; paleâ est; ita nec homo absq; vanis cogitatibus, à quibus nec ipsi sancti immunes fuerunt, utpo-

bus utitur, corroborat corpus debile, sensus obtundit & inferiores potentias inditionem Spiritûs reducit, per quam superiorum virtutum ac inferiorum virium Unionem totus homo ad sanctitatem pertingit teste Scripturâ. Qvicumq; cupit à Deo amari, ei singularis cupienda est passio, qvoniam descripta Crux invenitur in flammâ divini amoris, qvapropter qui Dei amorem recipit, recipit simul Crucem seu passionem, amorem verò si tenet usq; ad mortem, verè beatus atq; perfectus erit. Nam passio voluntariè suscepta & sustentata cum patientiâ suavisissimam in auribus DEI reddit harmoniam, cum scilicet Corporis Vires sunt à passione oppressæ, mentis verò potestates devotâ ac patienti submissione quiescunt, cum Spiritus S. superiores virtutes regit, S. Angeli verò forinsecus demulcent sensus, viresq; Suavitate spirituali reficiunt, velut exemplum Christi docet, ad quem reficiendum Angelus missus fuerat. Status hic tranquillitatis vocatur in Scripturâ devictio Carnis, eoq; duplex est, una sensuum, altera sensationum: de priori est alibi dictum, posterior huc spectat, estq; tantò gravior, quantò intensior passio, & quæ sub inclusivâ prioris obtinetur Victoria, est tantò excellentior, ejus respectu victores vocantur Heroës; imò si talis Victoria cum Vitæ jacturâ, cum Sanguinis profusione, ut sæpius factum est, obigit, appellantur testes cruenti (Martyres), imò in sensu mystico velut in scenam producuntur cum habitu purpureo, quemadmodum qui solebant induti chlamyde roseâ seu rubicundâ ostentari Heroës. Heroibus suis purpuratis prævit ipse Rex, Dominus noster sub cruentâ processione, in cuius admiratione hæret Propheta dicens: Quis est, qui venit ab Edom rinctâ veste de Bazra; quare ruffum est indumentum tuum? Sic legimus, gloriosum hunc Regium amictum non quidem Angelis, sed DEI Filio, suisq; sequacibus collatum esse, qui Dominum suum in conflictu viriliter seqvuti sunt, nunc verò devictâ passione per patientiam coram Altissimo agminantur.

tim ambulant in magnâ gloriâ. Singularem hanc Regiamvè dignitatem & gloriam dedit eis Deus propter duram passionem & incredibilem patientiam, qualem Angeli hoc merito carentes non obtinent. Discendum hinc est, eos omnes, qui glorioso hoc æterno habitu olim indui cupiunt, non nisi probandos esse passionem & torturâ, num sint capaces, quemadmodum juxta Scripturam Christum ipsum oportuit in gloriam introire per passionem. Etenim si nos in omnibus Christo similes reddi tenemur, ipse quoque passionem omnium durissimam sustinuit, sequitur, in tantum nos similes ei reddi, in quantum nostra passio quoad magnitudinem & solatii Carentiam responder passioni Christi. Erat autem patientia ejus sic modificata, prout scriptum est: oppressus fuit ipse & afflictus & non aperuit os suum, sicut pecus ad mactandum ductus, & sicut ovis coram tondente se obmutuit & non aperuit os suum. Ad hæc immotis oculis & artibus ad acclavandum manus pedesque, caput verò dumeto implectendum liberè tradidit, atque quod probè notandum est, solatium & remedium naturale non expetivit, & hinc è passione raptus est in gloriam &c. Consimilem patientiam in martyribus conspectam fuisse tradunt Historiæ, qui hætenus inventi sunt digni qui ambulent cum agno quocumque ierit. Prout autem apud Deum non dies est, & anni ejus non deficiunt, ita non solum eo tempore cupivit constantes summeque patientes Heroës, sed adhuc hodiè consimiles cupit habere, quorum etiam gloriam credimus æqualem præfatorum antecessorum nostrorum gloriæ, si devictâ occasione passionem perversi hujus temporis patienti animo pertulerint Deo dediti homines. Imò ob inenarrabilem gloriam, quam anima in suo Caduco corpore per temporaneam passionem præ Angelis impetrare valet, si homo illuminatus ad plenum cognoscere posset, quam sic Deus amet animam, optaret tolerare passionem omnium acerbissimam ipsum vitalem fomitem extinguentem. Neque dubitandum est, si homo intus & extus admissas quasvis tentationes sine omni solatio posset perferre, quin D E U S è sua

immensâ bonitate juxta optatum hominis ei imponeret passion-
es omnium horridissimas, eas scilicet, quas Filio suo crucifi-
xo imposuit. Siquidem in tolerantia desperatæ passionis la-
tet mysterium, nimirum quod per eam intra horæ spatium per-
venit homo ad sublimiorem perfectionis gradum, ad quem per
bona opera toto anno non potest ascendere; imò hujusmodi
patientia respondet æterna gloria, & ea non immediatè per
Deum in homine præparatur, verum mediatè per homines
malos, crudeles, traditores, quibus Deus ceu instrumentis
Artificis constantis & polientis utitur. Multi sub diuturnâ pas-
sione undiq; requirunt solatium; verum hi sunt effæminati, im-
belles milites, fugaces & attoniti, quidam etiam tales fiunt ex
pravâ occasione & falsâ doctrinâ. Qvod si quem probum sum-
meq; afflictum defungi videmus sine manifesto solaminis in-
dicio, hunc facile judicamus, quasi corona vitæ saltem glisceret
sub solatio, cum nôsse debeamus, hanc Vitam non esse solatio di-
gnam, sed passione, undè si vita sub passione obit, jam facta
est suam mercedem, nam & totalis nostri vasis purgatio (ab-
stergio) debet fieri cum extinctione vitalis luculæ, in quâ scin-
tillat fomes peccatorum. Id cum in morientis Christi per-
sonâ credendum proponatur, nemo miretur, quod eo tempore,
quo homo se Deo in suâ passione offert, solatium ei inter oran-
dum non mittitur, utpotè quod adhuc indiget præparatione
(purgatione) antequàm Deus sua pretiosa transfundat in eum.
Est autem proborum hominum genus triplex, unum quidem
reliquis perfectius, qui possunt passionem perferre ad mortem
usq; sine solatii appetentia. Iis succedunt debiliores, qui qui-
dem passionem cum patientia perferunt, non tamen sine inter-
ventu solatii. Hujusmodi infirmis non propinatur Calix me-
racioris, sed diluti debilis potûs, hoc est, internum solatium
interpolatis lachrymis permixtum, atq; id obligit iis ex abun-
dantiâ gratiæ, si quâ oraverint assiduè, respectu hujus inadver-
tenter sitienti animæ adfertur ea refectio non ab ipso Domino,
sed à Servis ejus, Angelis scilicet. Tertium genus est igno-
bilibium,

aut hujus gehennæ temporalis æstus, aut aquarum multarum inundationem, quibus mediis informis redditur, hoc est, sicut per ignem incineratur, ita per aquam dissolvitur, & ideo balneum divini amoris æquiparatur ignis effectui quoad potentiam. Nonnunquam invenitur homo tantoperè afflictus & tentatus, ut non solum sexcentos homines malos, sed, quod mirum est, multos probos nôrit nominare, qui eum pariter affligunt; dehinc videmus exemplum præparationis. Nam uti Deus hanc animam, quam sibi proposuit transformare, omnino vult præparari, ita si aliter fieri nequit, permittit bonis ac malis eam præparandi etiam sub immaturo judicio. Hoc quidem ideo sic fit, quia passio electorum non est vulgaris, sed tam mirabilis sæpè numero, ut omnem humanum captum superet: & hinc tam necessaria est, ut nisi homines præstarent vicem instrumentorum, Angeli substituendi essent, ceu docent quædam historiae. Mirum ergo non est, si cernimus probos homines affligere afflictos, quatenus & hi sunt instrumenta suppleant locum malorum, imò uti dictum, necessaria propter electorum præparationem. Dehinc etiam fit, ut post inundationem factam per DEI gratiam agnoscant errorem, necnon cognoscant præfatam Electorum præparationem & immutationem: hujusmodi errores nec curat nec punit DEUS, quia consilio suo permisos ad majorem utilitatem.

Q. Quid decet animam impari passione adeò tortam ac tostam? R. Convenit fructum suæ passionis edere, qui consistit in eo, ut per orationem Deo suo offerat hanc benè meritam passionem, jungendo eam passioni Domini nostri, quâ junctam gratiam inveniat in oculis Dei Patris; hoc ipsum probatur per exemplum Latronis cum Christo crucifixi. Hoc enim solatii habet anima perpurgata, quod Dominus noster intrat in animam sub ipsâ amarissimâ passione, eam è corpore migrantem secum rapiendo in gloriam æternam, tametii accessionem Domini sui anima inter angustias conclusa tunc

portio sit, q̄ualis distribuitur janitori aut famulo fideli. Nam etli sublimiores gradus non conscendunt, non tamen prorsus elabuntur, q̄uia per obsonia succosa à Deo alliciuntur, ne se avertant penitus. Consistit autem hic famulatus in operibus misericordiæ, orationis ac devotionis, & qualiter in tali servitio operandum sit atq̄; studendum, ut promoveantur ad altiora officia, istam encheirisin docet caput de bonis Operibus. Interim debilibus atq̄; plebejis opus est confiteri Domino, qualiter in Viâ latâ ambulant, velut inter rosas & lilia, hoc est, in securitate, cùm Dei Filii studeant permeare viam angustam spinis ac tribulis septam. Et q̄uia possibile est plebejos tales præparari à Deo, promoveri ac evehi in militiam, necessum quoq̄; est, ut ipsos se & omnia q̄væ possident Deo offerant, & ad pugnam & passionem se resolvant. Nam hæc est etiam resignatio, q̄vâ potest effici, ut Deus suam effundat gratiam in animam sibi oblatam & dedicatam, eamq̄; sic præparando, uti visum ei est, transmutet, hoc est, è servo Duce[m], ex ancillâ Reginam tandem faciat.

Dedicatio hæc, q̄væ paulò ante nominata est, vocatur externa, quatenus externum hominem, q̄voad Corporis sensus & actus ab animæ sensitivæ potentiis rectum, taliterq̄; à mente ejusq̄; internis abstractis actionibus & passionibus interstitum concernit; & quoniam sunt homines, uti dictum est, q̄vi quidem patientiam habent in passione minori, non tamen perfectam in graviore, hoc est, non cum oblatione sui exercitam, nihilominus ea virtus eorum utut defectuosa adhuc est, vocatur simpliciter patientia, q̄uia & afflictî homines, dummodò suam abnegârunt voluntatem, sunt aut volunt & conantur esse patientes. Patientia est medicina universalis cunctorum morborum, q̄uia Virtus est potens sustinere quascunq̄; afflictiones, infirmitates, torturas, persequutiones, probra, convitia, injurias pari animadversione, & quoniam nemo potest veraciter frui pace absq̄; singulari patientiâ, idcirco nuncupatur ea virtus opus pacis, q̄vâ de causâ dicit Christus: Beati

Beati pacifici. Eximia quædam purgatio sita est in patientia, quæ homo magis dolet de alterius malitiâ, quàm de illatâ sibi Vi & injuriâ, quædam etiam purgatio est, quæ homo sibi ipsi subtrahit aliquid, ut alteri benefaciat, purgatio etiam est condonare & benefacere hostibus: dicendum hætenus est non purgari in futuro eos, qui modis prætatis purgârunt vitam suam. Patientia si deest, parum valent opera quævis: petenda ergo à Domino est patientia, quò aliorum defectus patienter perferamus, cum & nostri defectus ab aliis sint perferendi. Si fortè semel, bis aut ter monueris aliquem, aut reprehenderis, satis est, quia nondum adest tempus conversionis ejus, si quæ non obtemperaverit. Non est in potestate hominis sic esse ut optat, idcirco diversi sunt mores, diversa hominum vitia, quorum si quosdam unquam concordēs in bono uno eodemque inveneris, ab uno bono taliter effectos eos veraciter pronunciaris. Vitium penè maximum est ab aliis pœnam Culpæ exigere, quam sibi eximere cupit. Huic non est absimile, petitioni alterius repulsam, suæ verò exauditionem adjudicare. Hodie tritissima consuetudo est propriam libertatem sciscere, alterius verò Cervicem legis jugo subdere. Quis non pervideat proprium commodum præferri, curam autem amoremvè proximi sic posthaberi? Id ipsum est quod totum mundum occæcat, Deo quæ exosum reddit, quia contrarium. Si quidem cum nemo sit sine culpâ, onere vel defectu, nemo sibi sat prudens sat potens, hanc ob rem jussit Deus alterum ferre alterius onera: hinc naturatenus convenit homini ferre, juvare, erudire ac solari proximum suum; nam & in hac occasione redditur manifesta qualitas, virtus seu potentia hominis. Aliàs solent & hi qui Vitæ suæ subsidia nimia sollicitudine à Creaturis procurare satagunt, suas quoque tentationes multis querelis considerare aliis, censendo angustias animi Creaturarum ope tolli posse. Errorem hunc nimis vulgarem castigat Deus in suis amicis vel ideò, quia sanctam eam Vitæ exercitationem posthabent, quæ vocatur tolerantia jugi divini. Initium perfectionis

Ggggg

est

est adhærere soli Deo incessanter in silentio & patientiâ cujus-
 cunq; passionis. Is namq; Deum amat, qvi per Deum afflictio-
 nes patienter sustinet. Si mens sub carnis tentatione ac hu-
 miliatone tranquilla est, mitigantur simul Corporis dolores,
 imò sub ipsâ persequutione & ignominiâ nescio quæ suavitas
 & supernaturalis lætitia sentitur, velut experientia docet; id
 quoq; sic esse contrarius testatur eventus, qvoniā sat co-
 gnitum est, cruciatus Corporis sub impatientiâ gravius in-
 valescere. Dixi patientiam esse medicamen morborum; qvin
 & dicendum est, eam esse amuletum intercipiens ipsam im-
 patientiæ accessionem. Est & scutum cordiale, quo mu-
 niatur homo, ne irascibilis vis concitet furoris procellam, qvo-
 tiescunq; externis aut internis occasionibus tentatur, qvali-
 ter quidem in malè ordinatis fieri solet. Qvicunq; ad-
 monitioni DEI in mandatis ejus contentæ pro virili non
 obtemperant, hi voluntati DEI non satisfaciunt, tantomi-
 nus animum suum ad sustinendum quasvis adversitates Deo
 offerunt; & istæc contumacia impedit, quominus homo in re-
 bus divinis se exerceat. Clamant ergò contrà perfectionis
 institutum & propositum dicendo: non est justus, nemo perfe-
 ctus, omnes homines sunt peccatores. Attamen per eam de-
 clamationem nemo excusatur, siquidem inventum est summo
 nostro pudore, non solum nos nihil posse, nihil valere, verum
 etiam nihil facere, nihil valere, nil pati velle. Impatientia in
 adversitate hominis conspicua non reddit hominem malum,
 sed quod deterrimum est, absconditam prodit malitiam, ac pra-
 vam voluntatem, ob quam falsitatis inventionem usavenit in
 Scripturâ proba seu examen à simili ignis desumptum, cujus
 potentiâ metallum purum à Scoriâ sequestratur. An ali-
 quis hîc dixerit, sanctos Apostolos & Martyres non fuis-
 se justos, perfectos? Annon sunt, qvi id Scripturæ di-
 ctum objiunt, quod scilicet in Sanctis ejus fuit inventa
 stultitia? Hî quosdam lapsûs Sanctorum sibi accommo-
 dant, qvo suam continuatam exculpent malitiam, subrutâ
 omni

patientes? Verùm ad exemplum Christi eamus: perpendatur ejus dirissima passio, mors ignominiosissima, flagellatio ac vulneratio, sudor sanguineus, infernalis agonia: perpendatur hanc passionem absq; reficiente medio, sine solatio fuisse absolutam; sed perpendatur quam optimè, quod, qui hæc omnia passus est, fuit ipse Creator, Deus, imò Redemptor, Amator, Benefactor eorum, qui ejus passionis causa extiterunt. In hac Consideratione latet arcanum patientiæ & imitationis, hoc est, desiderium passionis & similitudinis. Utinam cuivis possibile esset cognoscere, quæ & quanta Deus in humanâ passus est naturâ, cum sic futurum esset, ut homo proponeret tolerare omnia sive ignominiam, persequutionem, torturam sive mortem ipsam, quoniam non majus beneficium est aduersitatis impositione, utpotè quod per eam in veritatem deducimur. Si quæris quid nobis redditur pro passione ob gloriam Dei susceptâ, tametsi minimâ? Responderetur, ipse Deus. Dicendum ergo denuò, non posse conferri beneficium prævalens afflictioni. Hic quidem putant multi rem bene gestam esse, dummodò in universum omne meritum sive ex passione, sive ex actione credatur obtinendum, rejecerint; verùm quàm malè humanæ passionis meritum exauthorant, dum meritum passionis Christi commemorant, tam malè supprimunt distinctam explicationem eorum, qui passioni humanæ tantum remunerationis donant, quo merito Christi gloriosissimo nil unquam derogatur. Hinc manifestum fit, contentiosos non solum turpi invidiæ passione excarnificari, verùm etiam Scripturæ Spiritum obscurare. Nam sicut semper edoctum est, nullam passionem esse utilem sine fructu dominicæ passionis, ita quoq; Scriptura satis abundè testatur, Deum Datorem omnis boni doni velle minimè, ut gratis patiamur & operemur, velle autem ut passio & actio nostra fructibus suæ passionis & actionis abundantissimè compensetur, dehinc securi sunt, qui fructus passionis à merito dominicæ passionis decerpere cupiunt. Ipse enim tam verè fructus est pas-

sionis

fionis nostræ, imò corona nostræ victoriæ, quàm verè exemplar patientiæ nostræ factus est olim. Per hoc autem quod Ipse in nobis est fructus & corona factus, intelligitur, qualiter homo fit Deus Deo, quia & Deus homini homo factus est: id quidem ut ad plenum intelligatur, expedit nôsse, quod sicut Filius Dei modo nobis abscondito usq; ad Crucem habitabat in humanâ naturâ; ita & nos oporteat naturam nostram abscondere in petrâ divinæ naturæ sic ut homo quoad divinam Vitam non nisi Deus, hoc est, sine humano defectu appareat. In eâ naturarum absconsione consistit magna perfectionis ratio; nam uti Deus Pater faciem suam abscondebat à Filio in monte oliveti simul & in Cruce relicto eo ad mortem usq; sine solatio (auxilio); ita & faciem suam ad momentum abscondit ab eo, quem longo dehinc tempore exercuit in lumine gratiæ, sic ut jam solus laborare ac pati videatur non aliter ac si discrimen inter Deum & hominem factum esset. Istæ afflictio gravissima est vel ideò, quod non ab hominibus, sed ab ipso Deo provenit nullo sequente auxilio in tantâ angustia, ut ut DEUS imploretur. Tunc quidem probatur quàm pugnax sit, quantumvè robor ejus, qui solus pugnat sine succursu, undè tunc dicitur cum Christo: Deus meus ut quid me dereliquisti. Jam cape Mysterium absconsionis. Nam cum pugnantes taliter omne solatium, auxilium & succursum tùm Dei tùm Creaturarum postponunt totaliter oblatis divinæ Voluntati, hætenus abscondunt se fugaciter in divinam naturam, ita ut planè nihil sint, atq; istæ absconsio est omnium optima confessio. In hac annihilatione contemplamur divina media, nec tantum mundus contemnitur, sed etiam deferuntur ipsa media & species virtutum non quidem per contemptum, sed per commutationem in ipsam virtutum essentiam, quæ efficit, ut virtutes non per media sed suâ sponte imposterum ex nobis tanquam ex fonte suo derivent. Nunc demum consideranda est Utilitas, quam vera patientia suo contribuit Corpori. Nam ubi vera residet patientia, ibi quies est affectionum, nulla sensibus

CAP. XI.

De Vocatione.

Q. Quare Vocationem subnectis passioni? R. Quia Deus indefinenter vocat hominem varimodè sequitur hinc vocari etiam hominem per passionem, quod è sequentibus patebit, non ergò abs re erit, existimo, adnectere materiæ de passione tractationem de vocatione. Vo. at autem Deus hominem per Exercitium tanquàm per quod informat eum, ad Exercitium autem pertinet actio & passio, de quibus satis dictum est: percussus homo observat plagas undè veniant, & propter quid ei obveniant, cùm sentiat non casu eas contingere, sed potius per jussum ac directionem aliquam incognitam ei, hoc ità se habere dictat fonti Conscientia. Deus autem nonnullos ad pœnitentiam vocat mediante paupertate & ægritudine, alios multis adversitatibus, quosdam doctrinâ & exemplis proborum hominum, alios internis admonitionibus, quosdam vi compellit, alios duritate, & alios mitiori conscientiarum disciplinâ. Nam homo creatus est ad laborandum, ad serviendum & patiendum, sicut scriptum est in libro prophetico: Ut avis ad volatum, ità homo ad laborem conditus est. Et in Epistolâ apostolicâ: Homo creatus est ad Opera bona. Indè perspicuum fit, non ad otium, non ad voluptatem, quæstum, non ad gloriam suam esse conditum à Deo, nec ad lætitiâ, quin potius ad tristitiâ: hæc namq; virtutis proba est, ut stipula & scorix deflagrent, opus verò ut aurum repurgatum restet inconsumtum, nimirum ut cedat mollities, evadente homine in virum fortem, durum ac omnia perferentem. Id fit per modum transmutationis, quâ homo exutâ sive exustâ carnis cupidine in novam & perfectam Creaturam permutatur. Quàm rara sit

fit hæc immutatio, quia difficilis, constat ex paucitate eorum, quos aliquando & vix aliquando cernimus cum multis conversari, & tamen in vitæ rectitudine, mansuetudine, patientiâ, imò & quâvis aliâ virtute constanter vivere, tandemq; in pari fidelitate obdormire.

Q. Quî potest protendi conversatio sub tam contrariâ vitæ actione, seculo nihilominus subsistente juxta modum? R. Non potest id fieri nisi mediante spontaneâ mundanæ prudentiæ resignatione & conversione ad stultam ignorantiam, obsecritatem & vacuitatem, id quod indicatur in Scripturâ per simplicitatem, stultitiam; desertum, peregrinationem &c. Quisquis in Conversatione pro minimo ac stulto haberi cupit, fruatur pace; qui verò aliud quid præter Deum quærit, puta qualiter aliis placeat &c. Is aliud nil obtinet quàm anxietatem & dolorem.

Q. Quid est notandum circa Vocationem? R. Quatuor sunt observanda hîc: 1. Qvis sit qui vocat & impellit. 2. Quomodo vocet. 3. Qvò vocet. 4. Qualiter dignè debeamus obtemperare vocationi.

Q. Ad primum quis est, qui vocat? R. Cœlestis Pater per omnia quæ habet, est & potest, vocat & allicit ad seipsum, media autem ea sunt Charitas, Bonitas & ipsa essentia ejus. Deus enim verè & semper tam desideriosus est nostri, ac si totum ejus esse & ipsa beatitudo sita esset in nobis. Quicquid Deus in Cœlo & Terrâ creavit per suam sapientiam, id eo fecit fine, quò nos per ea tanquàm per Voces vocet ad se in nostram originem.

Q. Quot modis vocat Deus homines? R. Tribus:

1. Nonnullos vocat per medium ignominie eo fine, ut se convertant ad Deum corde puro ac sincero. Et circa hunc modum dici satis nequit, quàm mirabilia sui ordinis opera Deus exerceat, quæ homini humili & grato ea contemplanti magnam judiciorum Dei notitiam suggerunt, secus fit illis, qui maximo eorum damno sensualiter ea judicant.

2. Alios

opus perfecit, dic quid postea? R. Hoc facto debet festinare, quò redeat ad internam quietem & vacuitatē, quod si non statim succederet, convertat se ad opus internum meditando ineffabilem Dei Clementiam, admirabiles modos effluxus ejusdem in homines, maxima facta incarnationis Verbi, passionis & mortis. Hoc enim modo cum magnā charitate & gratitudine manat homo in Deum. Ast tamen si hæc exercitatio sit valdè bona, quā hominē excitat ad desiderium, Zelum & Sedulitatem, nihilominus valdè impar est internæ quieti & silentio, ut taceam quod aliqui hic errant pari modo atq; in externis operibus, cum species (Ideas) in se rapiunt. E.g. Cum quis sic operatur intus cum quodam successu, inde verò sibi parat sufficientiam cum beneplacito, per id impeditur, quominus queat pervenire ad veram paupertatem Spiritus, tenaciter enim hic inhæret suavitati divinæ gratiæ sistendo graduin, cum tamen istæ actio nil aliud esse debeat, quàm Via ad summum illud bonum quod Deus ipse est. Nuspiam ergò debet homo adhærere, nec se nec suum alicubi, sed tantum divinam gloriam & Voluntatem quærere.

Q. Quid ergò nascitur ex utrâq; operatione, externâ scilicet & internâ, si juxta ordinem procedatur? R. Inde nascitur bonum excellentissimum, hoc est, interna quies animæ, quā mediante pertingit homo ad obscuritatem divinam abstractis formis & speciebus, ubi cum Deo utitur pari requie. Huc olim ducebantur Moses & Elias, de eâ quoq; loquitur Liber Sapientie c. 18. huc insuper debent inservire omnes modi, omnia facta hominis.

Q. Cum autem & circa hoc objectum multi errent, cum naturalem quietem substituunt, seq; cum beneplacito eò applicant, annon remedium superest ad extirpandum errorem? R. In hoc consistit remedium, ut homo cautè persistat in timore interno, in humilimâ sui abnegatione, præteritos ob errores susceperit se semper habendo, ad Deum quoq; statim confugiat rogatum humiliter, quoad eum adjuvet in suâ anxietate. Nam quod homo desiderat in hac necessitate esse vacuus & simplex, id eum perducit ad suam purificationem.

Hhhhh 2

Quod-

DEUS reddit hominem sibi acceptabilem, perspecto postea modo eo, qui eum præ cunctis aliis conducit ad DEUM, tenetur conductum hunc sequi electivè. Verùm utcunq; iste exercitationis modus est exercendus per media Idearum in statu formali & formato, non tamen censendum est modum eum esse proximum Vitæ spirituali tantòminus divinæ. Hæc namq; modum habet cunctis aliis longè superiorem, quem vix & ne vix obtingit, qvī implicatus est officiis aut facultatibus, quia non cuivis est datum mysteria nôsse Regni DEI. De Vitâ divinâ alibi dictum est, ad quam pervenit homo solum per modum summum cunctas Ideas formasvè transcendentes, cum animus pertingit in solitudinem Unitatis, quò Dominus electos suos perducit ad loquendum cum iis sine obstaculo. Qvisquis ergò non potest eò pervenire, tenetur seipsum hîc linquere, functionem suam fideliter obire, Voluntati divinæ se subicere, atq; nonnisi DEUM simpliciter respicere. Nam tametsi non omnibus sit præparatum diadema, quâ non omnes evadunt Victores, non tamen despondeat bonus homo animum, siquidem & infimus beatitudinis gradus satis beatus est. Enimverò in domo Patris nostri multæ mansiones sunt, diversa autem gloria beatorum. Dixi autem alibi, desidiam hominis improbari, quâ homo beatitudinem credens præstat se segnem in cursu aut pugnâ, cum dicat Apostolus teneri nos omnes inchoare cursum & validè intendere, quò videatur quis alteri prævaleat; idcirco non sufficiat homini suæ functionis observatio, currat simul quantum potest, pugnet quantum valet, nam præmii species habent se juxta meriti qualitatem. Hîc nihil derogatur merito Christi, cum id extendat se super omnes totius mundi vocatos; ast totus mundus non est Area Heròum armis suis ad pugnam paratorum, nec stadium est Cursorum, utpotè quod qui electi sunt ad currendum vel pugnandum suo contribuntur circulo longè sequestratis Spectatoribus ad spectandum & imitandum spectaculum convocatis. Quapropter hîc adjungendum est,

est, quot qualibusvè modis ad Vitam divinam sivè ad Scopum præfixum perveniendum sit. Primus & infimus modus est per hominem externum sivè per corpus, secundus per animam, tertius per Spiritum, quartus per Unionem Deiformem. In corpore est magna difformitas sensuum, potentiarum, membrorum, viscerum, quodlibet etiam propriam suam habet substantiam, qualitatem, officium & actum. Anima verò cunctis iis præsidet regimine suo: hæc etiam suas habet diversas potentias, quibus exequitur actiones quaslibet. His omnibus longius excellit Spiritus seu mens, quia cuncta mundana, imò tempus ipsum transcendit æternitatis incola. Deniq; præter hæc omnia datur Deiformis Unitas, quæ est supereminens divina similitudo & imperceptibilis eoq; indicibilis proximitas Dei in mente habitantis. Per quatuor ista media quadruplici modo contendit homo ad scopum Vitæ divinæ, nimirum per transformationem Corporis in animam, animæ in Spiritum, Spiritus in Deiformem Unitatem. Et quanquàm non omnes attingant quartum modum, convenit tamen omnibus eo insudare, ut colliment quo possunt, quamvis alicubi subsistant. Incumbit autem unicuiq; rectâ viâ ambulare & ab initio scrutari externum hominem, hoc est, propensiones, consuetudines, mores, verba, facta, gestus, hoc est, totum suæ vitæ statum, quæ omnia tenentur juxta Scripturam capere, capta ligare, vinciri, incarcerare, inclusa domare ac reformare. Enimverò uniuscujusq; vita requiritur esse similis vitæ sanctorum, cujus causâ dictum est à Christo: sancti estote, perfecti estote, sicut & Pater vester sanctus, perfectus est. Idcirco vana & profana verba tam severè sunt interdicta, ne vel audiantur inter Christianos. Cura & traductio alieni operis indicat inclinationem malignam, consuetudinem pravam, mores corruptos, verba prophana, opera iniqua, deniq; statum Vitæ Deo prorsus perosum, quæ & hætenus severè prohibita sunt; ea ergò hoc magis usitata nunc deprehenditur, quò acrius reprehenditur. Cura aliena est occasio

stendum Concupiscentiæ & quidem fortiter ac incessanter, quò prava frangatur consuetudo & subsequenter præpediantur peccata. Nam durum ac difficile est priscam adultam consuetudinem deferere suamvè Voluntatem vincere; quapropter multi aut absterrentur antequàm incipiunt, aut in progressu remittunt non obstante eorum dejectâ fide jactantiâ. Verùm si prior pars ab initio modicum laboraret, altera verò in progressu majorem operam impenderet, omnes optatum finem leviori negotio conquirerent. Quisquis autem minora pericula vincere renuit, quomodo poterit majora superare? Hodie magni aestimatur, si quis arma tantùm manu teneat, hoc est, si partem aliquam antiquæ devotionis retinere potest; attamen si semper debiles pueri invenimur, non crescimus in Virum fortem. Exigua citòq; desinens devotio est, quæ tantùm externis ritibus absolvitur, cum tamen devotio, pietas & Correctio singulis diebus augeri debeat.

His omnibus probè observatis possibile est, ut Corpus cum suis viribus, sensibus & actionibus Nobilitatem Spiritûs acquirat, plusq; spiritualis quàm corporalis proprietatis suis in locis exhibeat. Corpore subactò & à Creaturarum adhæsu soluto, ligato & concluso incumbendum est sedulo, quò totū id quod animæ est capiat, & sursum ducatur in ditionem Spiritûs. Anima sensitiva est forma substantialis (corporis); idcirco naturatenus nil aliud respicit quàm Corpus sibi substratum, hinc semper occupata est, quò suum formatum perficiat, perfectum conservet, regat & pro Utilitate ejus quæcunq; existimat necessaria media congerat è penuario naturæ, taliter quidem juxta scopum naturæ mortem utcunq; avertere nititur, dum timet sui anihilationem, quam naturaliter sentit, tametsi non cognoscat eam nisi per rationis medium interveniens. Iste respectus animæ ad Corpus appellatur respectus inferiorum, quia & omnis actio sensitivæ deorsum flectitur, sive sit vitalis, motiva, illuminativa, sive sit virtualis, ut inclinatio ad fidelitatem, honestatem, justitiam, misericordiam &c. Sive sit sensualis prudentia, discretio rerum creatarum,

rum, sensarum aut imaginatarum, sive actio discursiva ratiocinii. Nam in his omnibus judicat juxta præscriptum naturæ, juxtaq; subjecti sui dispositionem, hætenus quod sibi utile est, reputat bonum, inutile verò & grave malum, nec est sollicita de suâ origine, quid antè fuerit, quid post futurum sit; quæ nescit non cupit, nec extrâ sensuum limites fertur, quare non quærit Authorem sui, num Deus sit necnè, tantòminus quis qualis Deus sit, quid coràm eo bonum sit quid malum; sed solum interna corporea lustrat in sensibilibus, visibilibus formis & imaginibus sese oblectans. Hoc minus principale humani corporis principium postquàm est eruditum per Spiritum, deberet se cum omnibus suis potentiis & viribus, quibus corpus secum trahere potest, sursum vertere ad Spiritum sanumvè Intellectum, nullamvè illuminationem hætenus admittere, nullam suavitatem degustare nisi rerum intelligibilium & cœlestium. Ità convenit inferno principio elevare se per medium rationis & jungere se principio superno, ubi cum intellectu simul supra tempus fertur visâ Spiritûs Claritatē. Et taliter fieri potest, ut juxta postulatam Apostoli totius hominis versatio sit in Cœlo. Qualiter autem anima eò perducatur, suo loco videatur.

Supernum hominis principium est substantia formalis, omnium Creaturarum simplicissima, clarissima, permanens, hinc propriissimo suo nomine vocatur Spiritus, à quibusdam animus, communiter mens, ab ethnicis vocabatur anima rationalis. Est autem de naturâ Spiritûs semper sursum tendere, sursum operari, ideoq; hoc magis principale principium dicitur esse longè supra animam elevatum. Respectu hujus dicitur Spiritum non contemplari inferiora, sed solum superiora, quin & pro ratione naturæ & potestatis ejusdem compertum est fieri, ut homo fidem & doctrinâ, postquàm per gratiam ei objecta est, facile recipiat, concipiat & conservet, fieri etiam postea, ut spiritus animâ & corpus erudiat, moneat, impellat, exerceat & perficiat, inprimis divino adjutorio mediante de Spiritu ergò & hoc dicendū est, quod cum per Corporis luxuriantis molestiam deorsū tractus,

obrutus, captus, ligatus, soporatus, & ad peccati consensum persuasus est, suapte naturâ feratur ad evasionem, ad pugnam, ad redemptionem, pari modo se sursum statim recipiat in editum æternitatis locum, quamprimùm divinâ mediante disciplinâ perculsus, à somno revocatus, correctus, adjutus, novoq; robore fortificatus est. Ad istam eruptionem, quâ sponte suâ fertur ad sublimia, non indiget loco, nec tempore, quia solutis vinculis naturatenus semper sursum vergit spiritualiter sequestratus. Huic oportet uniri animam, ut cum eo simul volet sursum absq; discrimine, sine controversiâ. Qualiter autem Spiritus à Captivitate suâ liberetur, alibi passim invenitur.

Nunc ergo ulterius scandendum est ac perspiciendum, quid sit id quarti modi nobilissimum, quod spiritum hunc incomparabiliter superat. Est autem omnium supremum Deiformitas seu Unitas divinæ imaginationis, per quam & in quâ producta est imago Dei. Hic ratio succumbat necesse est, suum vè Lumen obscuret quiescendo, feriando, se invertendo, Spiritus autem omnem suum actum cohibeat, seq; integrè ad instar muti ac cæci præcipitet in vastam obscuritatem infinitæ occultæ Deitatis. Quisquis eò pervenerit sic, in Nihil conversus est quoad Spiritum; quod si voluerit enarrare, quid in abyssu tenebrarum invenerit, obmutescet ratio nil aliud cognoscendo, nil aliud dicendo, nisi inventum hoc esse rationi prorsus ignotum, informe, innominabile: quid autem non sit, narrabit his verbis, non esse mundum, non locum, non tempus. Cum autem veraciter ibi fuerit Spiritus, dehinc pernoscimus, eum tunc extrâ mundum, tempus, extrâ seipsum, hoc est, in proprietate æternitatis, fuisse delibatum beatitudinis confectoria. Isti sunt quatuor modi ad Vitam verè divinam perducentes, qui quidem omnes à paucis & tantum à spiritualibus viris usurpantur, quibus vocatio, occasio crebraq; exercitatio accessum paravit: paulò frequentius aliqui ad tertium modum perveniunt, major fidelium pars hæret in principio, & ne primum quidem modum integrè observat, idcirco non habet perfectum gaudiū, quod

quod habent, qui quartum exercent modum. Perfectum dico cum distinctione, id est in positivo non superlativo gradu. Enimvero hic datur gaudium perfectum, ibi vero perfectissimum, ob hanc diversitatem S. Paulus perfectionem temporaneam vocat imperfectionem, non quod non perfecta sit ratione Boni assequuti, sed ratione durationis, siquidem æternæ Vitæ gaudium non est transitorium sed perenne, hoc est per stabilitatem obfirmatum, in æternum non convertibile. Gaudium vero hujus Vitæ est momentaneum, hoc est, in puncto temporis præterfluentis rapidè conversum. Et propter instabilitatem ac subitanæ mutabilitatem nil ejus comprehenditur, utut aliàs quodammodo degustando posset comprehendere, si homini datum esset toto animo cunctisq; actibus suis se conjiciendi in stabile æternitatis ævum. Deinde etsi juxta prædictam distinctionem gaudium verè dicatur perfectum, imperfectum tamen dici potest alio respectu, quatenus eorum hominum, qui Sanctitatem quartimodi (perfectam) habent, unus alterum superat, sic ut dici debeat, quamvis hic modus vocatur colligatio sive demersio in Deum, eum tamen diversos gradus recipere, nimirum juxta id, quod ille hominis accessus ad Deum purior est, veracior, intensior & concitator, & hi perfectionis gradus in ipsâ perfectione imperfectionem aut saltem comparisonem efficiunt. Verum ipse præfatus accessus non impetratur ullo externo opere, nec etiam internâ actionum pluralitate: tutissimus omnium accessus est per ipsum Dominum Salvatorem nostrum, per passionem ejus pretiosissimam, hoc est, per Filium in ipsum Patrem, Deus autem purus & simplex est. Convenit ergò in eo, quem Lux divina illuminare debet, obscurari qualem cunq; Lumen, quatenus divinam Lucem nemo videre potest nisi visu carens, adeoq; Spiritus itidem purus ac simplex esse requiritur, vacuus à cunctis Ideis in quibus se sensualiter contemplari potest, si appetit adunari Deo, imò si cupit intelligere Sanctitatis suæ obscuritatem. Tantum de vocatione &

vocatis, à quibus pergendum est ad Electos, qui observatâ vocatione per modos & gradus præfatos operati sunt Salutem; Istâ electionis perfectio cuilibet probo Christiano necessaria quàm sit difficultatis plena per illud Christi effatum indicatur: multi sunt vocati, pauci verò electi.

CAP. XII.

De Electis beatis & non beatis reprobatis.

Q. Quod omnes homines naturatenus desiderant æternam beatitudinem, an hoc sufficit iis ad electionem? **R.** Id genus desiderii est prorsus insufficiens, quo homo non quæ Dei gloriam, sed quæ suam utilitatem saltem concernunt, quærit. Si quis autem noscere cupit id quod defectuoso sibi sufficit, is nōrit necessum est sufficere ei tempus omne, quo suum exolvat debitum. Est autem debitum nostrum hoc, ut Dei quæsitæ præsentiam respiciamus in cunctis vitæ nostræ actionibus, mentisvè potestatibus. Id namq; exposcit Charitas, quoad amando Deum transcendam⁹ nos ipsos & omnia in tempore, cum omne tempus & nostrum & summum sit, quod bene impendamus juxta voluntatem ejus propter quem omnia fieri debent. Ubi Deus est, ibi tempus omne suum est.

Q. Cum multi homines frustra prægustum Vitæ æternæ desiderant, frustra q; querulenter, quod nihil divinæ præsentiae intra seipos deprehendant, ut Deum exorent hætenus, annon hi rectè faciunt, si tædio orationis & operationis capti desistunt à cæpto? **R.** Non rectè faciunt, qui murmurant præ tædio, cum ipsa ratio suadeat progressum operationis causâ præsentiae Dei sive perceptæ sive non perceptæ.

Q. Cum tempus omne nos obliget ad quærendum Deum ubiq; & in omnibus, præprimis in nobis ipsis, an etiam attendendum est ad tempus præcisum (incertum tamen) quo Deus manifestat

stat se nobis? R. Ad tempus revelationis dominicæ non spectat omnis dies, sed tantum determinata hora Deo soli cognita; hinc etiam soli Deo committendum est hoc temp⁹, nec anxius inquirendum. Equidem indubium est, Deum esse verè præsentem iis qui colunt eum quancquam secreto ac imperscrutabili modo; idcirco quærentes eum incessanter continuato exercitio, inopinatò eum tandem inveniunt.

Q. Quis finis est omnium modorum, rituum, operationum, quas homo probus exercet cottidiè? R. Omnis nostri conatûs finis est ac esse debet solus respectus Domini Dei nostri, qui Regnû suum in nobis obfirmet: hæc ratione cunctis devotionis exercitiis tantû accedit Utilitatis & Sanctitatis, quantum ipsa contribuunt ad prælatum Domini nostri respectû & gloriam, quæ cæteroquin inutilia prors⁹ sunt. Externa quippè exercitia (ut passim satis superq; dictum) sunt tantum primæ præparationis Viæ, in quibus Regnum Dei non invenitur, ast si cum fundo interno in unum puritatis effectum coeunt, advenit Regnum Dei quandoq; perceptibili quodam modo, testante intus Spiritu.

Q. Quid ergò dicis de homine bonæ Voluntatis, qui nec mortaliter peccat, nec ullam ob causam patrare cupit quidpiâ, quod Dei Voluntati adversum sentit? R. De tali sic dicendum est, quod conservatur in sanctâ fide ad electionē. Verum hoc unumquemq; nôsse oportet, si quis præsentiam Dei ejusq; Regni aliquo modo in se percipere cupit, necessum est fore, ut Deo præsentem purum mentis fundû offerat sic ut nil ei sapiat præter Deum, hæc ipsa devotio sola vera est.

Q. Cum propter ingratitudinem & somnolentiam Majorum nostrorum puniverit Deus mundû tantâ statuum rerum & cunctarum confusione, imò permiserit ipsam Christianam Remp: tot vanitatibus, opinionibus, seductionibus & litibus lacerari, sic ut pleriq; nunc anxii & dubii vivant de suâ beatitudine, alii verò rejectâ fide ad tantam impietatem deflexerint, ut timor Dei aut nesciatur aut irrideatur, & omnes à Mose & Christo prædictæ afflictiones velut ex imbrium Catarractis super orbē terrarū effusæ sint,

sint, quæritur meritò: an omnes beati uno modo aut diverso salvantur, quo signo etiam electi à reprobis internoscantur? R. Non uno modo salvantur beati, ut nec uno modò damnantur reprobi, adeoq; diversis signis etiam internoscuntur. Omnia autem beatitatis signa elucet è Vitâ fidelis Christiani, quicquid alii clament de fide solâ, de quâ nemini licet judicare, sicut quidem de conspicuâ formâ Vitæ Christianæ: hoc ipsum testantur multa Scripturæ loca, comprimis Catalogus verborum Moſis Deut. 28. quæ ibi legantur: Et Ps. 50. Ut quid assumis Testamentum meum per Os tuum &c. Imò & Christi effatum: non omnes qui dicunt, Domine, Domine &c. & plura alia. Omnibus quidem qui Christum ejusq; verbum confitentur, una basis, unum fundamentum, una terra est, fides scilic: quæ tamen alicubi sterilis, alibi fertilis, reperitur: hæc etiam diversos reddit fructus juxtâ diversitatem sementi, vel raro vel ubere proventu juxtâ diversum culturæ modum. Quæ fructum non reddit fides, sterilis terra, mortua fides est, de quâ hîc nihil dicendum. Dicendum igitur est de fructibus quos profert fides diversos, quorum in bonitate ac ubertate magna invenitur disparitas. Hi verò fructus in genere sunt opera seu actiones fidelium aut morales, modales, externæ, aut internæ spirituales, connexæ aut discretæ, omnes tamen è fundo laudabili productæ, quia omnes in fide, à fide, per fidem, & propter fidem: quoniam in fidei supponitur fides constans, non interpolata, intercepta, sed firma, protensa & crescens, ità ut cum de actionibus dicitur, intelligendum sit, eas in fide factas esse. Quis enim in Christiano vel vilissimo præsumeret opus bonum sine fide, quod mereat dici opus infidelis? talis nutatio erat priscis Christianis planè incognita, hinc nec discussa istæ differentia. Supposito autem fundamento fidei in unoquoq; baptizato declaranda est Vita beatorum hominum juxtâ diversitatem regiminis seu regulæ ejus. Diversos modos juxtâ electionem vivendi depingit Author noster per similitudinem novem petrarum seu graduum, per

quorum ad exemplar seipsum possit probare & observare, in quoniam eorum reperiat se, quid desit ei, quid eum impediat, quovē caprus teneatur. Nunc ergo gradus hos perlustrando & incipiendo ab ultimo, perspicendum est, quales ibi in mortis viciniâ sive in obscuro & infimo gradu periculo proximo inveniantur.

I. In primo gradu inveniuntur homines, qui fugatis peccatis mortalibus in Dei timore vivunt. Timor Dei est primus apparatus ad similitudinem Dei, quam sine exceptione omnes qui Dei gratiam quærant, gestare debent, quatenus omnes qui per peccatum amittunt eam similitudinem quam Deus unice desiderat, Dei quoque gratiam hætenus perdunt. Proinde qui Dei imaginem sædando atrâ peccati fuligine infumant, extergunt rursus atque clarificant eam mediante absterfivo timore Dei, hinc per amplexum irradiantis divinæ gratiæ fiunt iterum participes ejus: in hoc namque gradu quæritur illuminatio divina. Hic autem gradus cum à supremo longissimè distet, hæc ratio illuminatio, quam homo tunc recipit, est modica & nebulæ instar obscura, in eo igitur gradu orabat David dicendo: Domine illumina oculos meos, ne unquam in morte obdormiam. Ejusmodi homines versantur adhuc in magno periculo, sic ut vix discernere possint mortem ac fugere. Eorum salus dubia est adhuc, eo quod sensus eorum sint circumvallati multis tentationibus, animus quoque mundanis negotiis implicatus, actiones directæ ad quæstum, laudem, favorem, honorem & oblectationem, quapropter eorum ambulatio sit adhuc super eam Basin, quâ ipse rictus inferni velut ostio clauditur. Quis ergo est, qui non pervideat hanc habitationem esse barathro proximam? Et quantumvis causâ perrosi discriminis Spiritus inferni non habeat in eos potestatem aliam nisi quam ipsi per peccata mortalia conferunt ei, insignem tamen semper spem habet damnationis eorum, quoniam & permultos incautos taliter

ter piscatur infernali ore semper hiantē. Nam si parumper inquirimus in causam occasionalem hujus piscaturæ, occurrat statim incuria & oscitantia multorum, quem hostis sine tædio attentè observat, siquidem commoditatem quærunt & oblectamentum sensuum arbitantes se posse servire duobus Dominis, Deo & Naturæ, adhuc cohonestari cupiunt nomine probitatis, tamq; tenaciter suis inhærent modis, ut melius quid nolint scire vel assumere, inde fit, ut actiones suas segniter perficiant sine debito puro respectu Dei. Nemo ergo miretur, quod horum quamplurimi labantur in peccata mortifera, nimirum in Casses & laqueos Diaboli. In hoc etiam statu sunt multi, qui lapsis his antram præbent peccandi, qui & ipsi cum peccatoribus præcipitantur in locum eundem. De iis autem qui inciderunt in Casses Diaboli, hoc est imprimis notandum, nonnullos eorum pergere in suis peccatis, tantoq; magis mancipari potestati maligni Spiritûs: eorum status est miserabilis, quia in mortis articulo nonnisi cum summâ difficultate possunt evadere ac superare summum periculum: alii iisdem quidem retibus infernalibus implexi sunt, ast mediante verâ pœnitentiâ, confessione, & Vitæ emendatione effugiunt perruptis hostis retibus, alii verò præ socordiâ tanquam fascino ligati ibidem subsistunt. Nonnulli autem eorum, qui struâs insidias cautè observant, invadunt naturam severâ pœnitentiâ & emendatione potenti ita quidem, ut eam Vim vix tolerare queant, rejectis insuper tum propriâ naturâ tum cunctis Creaturis suum convertunt animum ad Deum tam sollicitè ac sincerè ut nequeat fieri, quin statim à Deo in statum sublimiorem evehantur. Ad eos autem redeundo qui omnes promiscuè adhuc in classe infimâ reperiuntur & sine peccatis mortalibus vivunt, cum veritate dici potest, eorum esse paucos in Comparatione ad illos peccatores, qui foris sunt & nihiloties Christiani volunt nuncupari & videri. Hi autem infimi (postremi) homines

si sine peccato mortali sub Vitæ obitum reperiuntur, salvantur ita quidem, ut multâ magnâque mercede sint carituri in æternum, insuperque gravem aliquam tormento igniformi similem passionem subituri, eò quod non fuerunt mortui concupiscentiæ peccatorum quotidianorum, & quod valde exiguum fuit eorum exercitium, labor & amor erga Deum. Idcirco esset optandum fore, ut quilibet agnoscat immensam pœnam, quâ tandem mulctabitur omnis ea delectatio, per quam natura hominis demulcebatur ad Dei despectum; sic namque multi permoverentur ad abstinendum unâ à peccatis quotidianis. Hic sistat gradum homo bonus ac circumspiciat, cum quibus hodiè versatus est, quibuscum heri conventum frequentavit. Verisimile est eum fuisse converlatum cum multis foris errantibus, cum paucis verò infimo gradui insistentibus, ultroque provehi renitentibus. Tàm securè ambulamus per viam Lethi, aut subsistimus in ipso limine orci, qui procul fugiendo ad limina Cœli scandere debemus. Magna, proh dolor! hodierna Christianorum miseria est, quâ quilibet secum benè actum credit sub iplo voluptatis usu, quam tamen præstat deferere, eò quod nusquam vera pax, nusquam verum gaudium præterquam in solo Deo reperitur. Noscere ergo debet unusquisque, neminem ad æternum gaudium posse pervenire priusquam cum summâ prudentiâ vicerit naturam suam totumque se funditus Deo obtulerit. Ex his apparet, quàm sit periculosum vivere in statu (gradu) infimo, cui vicina est sedes Satanæ, id ergo cum probè adverte-rint, qui persistunt.

2. In secundo gradu, magno perculsi metu progrediuntur in proximum ac tutiorem statum. Tales jam impulsam ac ductam D E I seqvendo forti animo seipsos ab omni mundi vanitate abripiunt: Cum autem adhuc indigeant mediis, quærent societatem bonorum ac perfectiorum hominum, quorum consilio & exemplo eruditi emendentur.

Mul-

Multum enim situm est in fido Conductore, qui viæ & artis gnarus est, cujus fidelitati committat se initians, cum & de Deo dicatur, eum cum Sanctis sanctum esse, cum perversis perversum. Hujusmodi homines cum duriori Vitæ exercitio se magis fatigent quam primi gradûs homines, hinc plus illuminantur, adeoq; frequentant publicas conventiones, loca sancta visitant tum ad colendum Deum, tum ad audiendum Verbum Dei, quod dum fit, mirè permoventur ad averfandum causas peccari. Quod autem non ita procul distant ab hiatu inferni, subnoxii sunt Diaboli tentationibus quamplurimis, comprimis pigritiæ ac socordiae, quò sæpenumero fit, ut ibi subsistant nequicquam proficiendo in lumine & exercitio virtutum. Hæc de causâ manent valdè defectuosi, devitant solum Crimina & graviora peccata quotidiana, de minoribus ac occultis defectibus non sunt solliciti, quam multi etiam sint subriles mille artificis laquei, sanè & alius inde nascitur magni momenti defectus, nimirum tædium & lassitudo in operando, & adipiscendæ excellentioris virtutis incuria. Ut malum ex malo, ita defectus è defectu gignitur; hîc quidem incuriam sequitur Cupido Commoditatis, quapropter averfantur pugnam, cursum, passionem, & cum molestiam sibi nolunt inferre, confirmantur ab hoste in vanâ opinione taliter, ut putent devictis multis voluptatibus se debiles factos non obligari ad majora, & quod fiduciam putant in meritum & satisfactionem Salvatoris positam compensare defectum, non observent instinctum hunc esse Diaboli. Num autem eorum opinio cum an sine instinctu maligni Spiritûs, dignoscet facile quicumq; perpenderit effectum, qui hanc opinionem subsequitur. Per eam namq; concipiunt complacentiam Vitæ & statûs, ita ut interrogati, num sublimiores perfectionis gradus conscendere animiq; graviora exercitia subire velint, respondeant, manere se malle in eo statu, in quo servire Deo possunt æq; ac alii, derisui habentes exercitia

graviora. Profectò sic censent se aliquid esse, valere, omniq; bono consilio posse carere, & quamvis dicant se nil valere nil esse, à ratione tamen clam decepti non deprehendunt quàm sibi adulantur, quàm statui, gestis, & vanæ libertati confidunt, ideò quidem, quia non intelligunt necq; persentiunt, qualiter eorum modi inferantur per sensus in imaginativam, quâ mens captiva indies magis abalienatur. Taliter autem deprehenditur fundum eorum internum, quod aliàs virtutes exerere debebat, plenum philantiæ & proprii arbitrii, proclives quoq; reperiuntur ad lapsum & patratum vitiorum atq; defectuum spiritualium, quâ ratione à Dei amicis ad altiores gradus compelli nequeunt metu ne redditi peiores è stadio penitus elabantur. Propter quid autem Deo sint chariores prioribus, est, quod naturam valentiori impetu oppugnârunt, dummodò non retrolabantur, sed aut subsistant aut progrediantur. Si verò firma iis esset in Deum fiducia, intrepidus animus, bona ac perstans Voluntas tùm Creaturas abnegandi, tùm Deum è cunctis viribus amandi, semper quoq; adesset divinum auxilium promovendi eos, imò possibile esset tunc fore, ut brevi tempore attingant gradum supremum.

3. In gradu tertio morantur boni homines, qui victis mundo, Carne, sensibus, socordiâ, sollicitudine & voluptatibus &c. Omnem impenderunt operam in exercitio virtutum, bonarum cogitationum, verborum & actionum laudabilium, sicut & in moderatâ Corporis castigatione. Summa eorum exercitatio est externa (jejunium nempè, vigiliæ, amictus abjectus, pilosus, oratio frequens modificata) estq; bona & laudabilis operatio, eò quod provenit ab obedientiâ, à metu cruciatuum purgatorii & à desiderio Vitæ æternæ; verùm quâ tantùm externa est, eoq; vel à metu extorta vel à cupidine promissi boni profecta, est adhuc valde defectuosa & imperfecta, quamobrem multi crudi Christiani exhibant eam tan-

tanquam opus sine fide aut quid superfluum, quo ut destitui queant, in ipso fœtido mundi Cœno in quo volutantur salutem sibi spondent. Tales autem nōsse debuerant, intermissionem hujus exercitii esse defectum longè majorem, si ipsa laudabilis & in divino Verbo fundata exercitatio est adhuc debilis ac defectuosa. Utut autem defectuosa, cum tamen non est defectus ipse, sed potius bonum ac laudabile exercitium, restat scire, homines taliter occupatos esse Deo longè acceptiores prioribus vel eâ de causâ, quia strictiori Vitâ actiones magis molestas perficiunt. Ut autem è defectu eorum quis discat, quid deponendum sit quid conquirendum, est operæ pretium paucis hîc enumerare ea quæ defunt bonis iis hominibus defectus suos ad plenum non cognoscentibus. Primo ergò sciendum est, eos adhuc in eâ cæcitate detineri à Diabolo, quâ exercitationum spiritualium sublimitatem, mortificationem sui, adde cordis puritatem non agnoscunt, quam ob rem dicimus, eos plus quærere & amare se ipsos quàm Deum, cujus tamen gloria solùm quærenda est. Exin secundo venit, ut retineant amorem & inclinationem naturalem ad voluptatem sensuum, ad gaudium spirituale, ad Conversationem cum familiaribus, Amicis, Cognatis &c. imò eorùm cæcitas est tantò gravior, quod putant, eos posse tali amore liberè perfrui, qui tamen damnum occultum & grande periculum secum trahit. Adhæc ut semper tales nonnisi in eodem stadio currant, efficit ingens eorum cura cordisvè intranquillitas, quâ miris modis illaqueati impediuntur, quominus ad exercitium interni hominis se queant applicare; indè quoq; pronascitur aliud grave incommodum, nimirum, quod taliter eorum cogitationes confunduntur vel disperguntur, pollutâ scilicet: mente ab impurâ cupidine, sollicitudine aliisq; tentationibus, quæ plerumq; sequuntur amorem malè ordinatum, id est, seipsum & Creaturas spectantem, id omne autem efficit, ne valeant internæ exercitationis excellentiam assequi.

4. In gradu quarto consistunt boni homines, qui non solum externæ Corporis castigationi, puta Vigiliis, Orationibus, Jejunio &c. incumbunt; verum etiam per S. Spiritus assistentiam diu noctuq; occupantur internis spiritualibus exercitationibus, gemitibus, compassione & desiderio, quantum possunt perferre. Hi tamen etsi prioribus quodammodo perfectiores, sunt tamen defectuosi adhuc respectu reliquorum ordinum. Defectus eorum produntur per id, quod sine resignatione vivunt, eoq; in toto eorum exercitio plus querunt sensibilem pacis suavitatem & affectionem, quam nudam Dei Voluntatem, hunc itaq; defectum internum comitatur lapsus externus, ambitio scil: & inflatio, quatenus de illuminatione & spirituali eorum qualitate gloriantur, eos quoq; qui sub tentationum jugo fatigati sudant, præ se contemnunt. Indubium autem est, hominem pertinacem, quamdiu talis est, non posse unquam ad veram Cognitionem Dei, tantominus ad Coadunationem ejus in hac Vitâ pervenire. Atqui bonos eos homines in propriâ suâ prudentiâ plerumq; obstinatus persistere, hætenus quoq; nec sibi emori nec se oblatos abnegare velle exin probatur, quia tametsi inter orandum tam se & sua quam cuncta aliena divinæ Voluntati offerant, imò & quascunq; afflictiones, passionem, opprobria, paupertatem &c. propter Deum perferre spondeant; sunt tamen inconstantes, quoad tentationis tempore, quamprimùm iis subtrahitur devotio aut cum iis accidit afflictio, probrum, damnum, injuria &c. Confestim produnt sensibilem ac vitalem eorum naturam, quæ jam defuncta aut insensilis esse debebat: per hanc inquam, impatientiam, murmurationem &c. testantur se philautiam nutrire occultam, cujus ope pax & desiderata quies inescat & allicit bonam Voluntatem Deo alioquin oblatam. His tamen hominibus divina adest gratia, cum ex iteratâ tentatione innotescat, quam frequenter Deus lumen resignationis in eos effundat, si fortè tantum efficeret, quo sibi resi-

resignent ipsis, nam qui benigne recipiunt hoc, profecti in melius promoventur. Interim tamen non feriat hostis, quin omnem impendit operam eos capiendi mediante commoditate, prout experientia constat, quam multos liget Diabolus proprietatis fascino, cum palam etiam sit, cunctos illic subsistentes modificare sua exercitia mediante naturali proprietate. Ut autem id hostis efficiat, incitatur magna ratione, notum habens, Deum mox esse tracturum tales homines ad opera occulta & sublimia, si summam in subiectione sui; Spiritus humilitate demergant se in Deum.

5. In gradu quinto divertunt chari homines, semper occupati in exercitio naturam contranitentem debellandi, peccata & voluptates mortificandi atque ferventi cum amore Deo soli adhærendi. Amabiles illi homines pro virili vivunt in puritate Cordis, eamque puritatem ad mortem usque servare cupiunt, quo fine suppressam Voluntate offerunt ac reddunt Deo in simplicitate cordis quaecumque habent, possunt, volunt, ac impetrare queunt unam cum cunctis Creaturis. Adhæc (quod probe nunc est notandum) subjiciunt se mandatis Dei & Ecclesiae, imò & cunctis hominibus quibuscum conversantur obediunt obsequendo scilicet cuilibet mandato, quod virtutis, pacis & mortificationis objectum esse cognoscunt, nec percontantur pro more indomitae plebis, num sint mandata Dei an hominum, num obligati sint ad parendum necne? Verum priusquam inquirent, expedierunt jussum, noscentes perquisitionem hanc esse vitium pravæ Voluntatis & signum rudis ac inepti, indocilis, si non pagani, & saltè Christiano nomine indigni hominis. Quin & præfati chari homines suam præstant obedientiam de die in diem cum intensiori Conatu, mortificatione carnis, sanguinis, sensuum, imò & voluntatis propriae, hoc est, totius hominis, idque non solum juxta modum propriarum inventionum, verum & (quod notandum) juxta eum modum, cui obstringuntur Vi mandati divini aut institu-

ti Amicorum Dei. Quisquis eorum vestigia sequi cupit, attendat diligenter, quibus mediis eousq; progressi sunt, ut curam suam eorum acquisitioni impendat. Nam si cuilibet præsuntuoso licet ambulare & vivere juxta suum arbitratum, inanis est christiana Sapientia, supervacaneum omne mandatum & consilium Verbi divini. Hi verò chari homines, cum minimum divini Verbi apicem reveantur, amplissimam quoq; in eo inveniant doctrinam mortificandæ suæ Voluntatis, vitandæ humanæ prudentiæ, hætenus diffidunt sibiipsis non audendo quicquam juxta arbitratum, scitum & actum proprium moliri: hæc ratione (notato) quærunt non quidem vagum quendam Spiritum, sed verum Dei amicum, cui divina Via perspecta est, ei se concedunt obediendum in cunctis monitis, suavis & jussibus legitimis. Hujusmodi propositum est hodiè valde inusitatum, imò vix cognitum, hæc igitur Rudiorum christianorum inscitia cum admodum probrosa sit, satius est eam hoc loco præterire. Sufficiat indicasse homines prænumerati gradus esse Deo longè acceptiores cunctis aliis priorum ordinum Religiosis vel ideò, quia hi soli inter eos inventam jam calcant viam suæ Originis, quæ Deus est. Cæterum quàm chari Deo sunt, quàm tamen ad sequentium ordinum perfectionem nondum pervenerunt, jure meritoq; dicuntur defectuosi. Manifestus eorum defectus est inconstantia & exercitiū exiguitas: Cum enim Voluntas eorum sit nondum extincta penitus sed semiviva adhuc, imò nec ipsum mortificationis desiderium profundius radicum, quod non nisi per diurnam exercitationem (qualis non est eorum quæ brevis est) nanciscitur firmitatem, hinc nequit fieri, quin sæpiculè debilitentur, vacillent atq; per inconstantiam ad mores pristinos devolvantur. Fit inde peripicuum, cur pauci ad hoc cæ gradus perveniant, nimirum quia maxima hominum turba hanc ipsam exercitationem rejiciunt. Ast ordo præfatus suscepta sua prosequitur exercitia, & si quandoq; abinde exci-

exciderit, reversus tamen longiori temporis tractu persistit in opere resignationis vel ideò, quia ubiq; se Deo sine recalci- tratione Cordis obtulerunt, hinc aliquando evenit, ut Deus eos per tramites virtutum secretissimos cunctis mortalium in- cognitos conducat propter amorem, quo voluntatis propriae expertes complectitur.

6. In sexto gradu perstant suaves homines, qui præviâ longâ exercitatione simulac. ardenti desiderio se totos subdide- runt Deo, superioribus, Dei amicis & vicariis abjecto amo- re sui & Creaturarum, qui insuper parati sunt constanti ani- mo perseverandi sine ullo scrupulo in omni afflictione ad mor- tem usq;. Eo namq; Luminis divini splendore illustratur intellectus eorum, ut agnoscant omnes eorum Casus, adver- sitates & passiones à Deo permitti ad salutem animarum. Eam quoq; ob rem eunt sibi comparatum solatium spirituale, cognitionem & suavitatem divinæ amicitiae, nimirum ut me- diante hoc auxilio alleviatur onus passionum, & sic in donis Dei cum animi oblectatione & quâdam proprietate conqui- escunt. Quis autem non pervideat quæstum hunc esse do- cumentum defectûs, cum hætenus eorum intentio non sit pura (merè divina)? Non pura, quia in graviore passione tamdiu fluctuant animo, donec spiritualem assistentiæ resecti- onem juxta desiderium suum à Deo impetrârunt. Hic di- ceret aliquis, si divinum solatium notabile gratiæ donum, omne verò bonum donum à Deo sit expetendum, sequitur, im- meritò divini doni desiderium vocari defectum. Ast quan- quam petitio donorum Dei permessa, eorum quoq; deside- rium sit bona intentio, noscendum tamen est, permessa hæc esse ob imperfectionem, ignorantiam & pigritiam nostram, quæ tam potenti medio corrigenda est, inde autem nemo per- suadeat sibi absolutam perfectionem. Et ut defectus (præ- fata imperfectio) clarius innotescat, noscendum est, per do- num solatii moveri Deum, ut ab opere suo desistat mutatâ

voluntate, deinde etiam intercipi veram firmamve sui abnegationem, eoq; impediri hominem, ne Deo concedat operationem, quam sibi Deus in homine absolvendam proposuerat. Nostre id defectus signum evidens est? Notum & esse debet cuivis Christiano, in S. Literis fundatam esse defectus hujus emendationem atq; edoctum, hominem obligari Deo sic, ut ex toto corde calamitati qualicunq; subjectum se DEO tradat, qui juxta voluntatem suam liberè agendo trahat eum quo modo, quavè viâ visum fuerit ei. Comprimis id ita esse agnoscunt suaves isti homines, verum id ipsum, quod pari dignatione perpendendum erat, non satis agnoscunt, hoc est, occultam quandam naturalem inclinationem & inordinatam subtilem Concupiscentiam, cui emori nolunt hactenus, hinc non tam diligenter laborant, quò misso solatio se liberè qveant passioni subdere: sic autem cum firmitus suo adhærescant gradui, hoc obstat quo minus progrediantur per singulas virtutes & beatitudines eos, quæ adhuc prostant exercendæ.

7. In septimo gradu se sistunt sancti illuminati homines, qui præviâ præparatione, multâ exercitatione, sanctoq; desiderio firmiter sunt implantati, cor suum servant hi mundum, vacuum seu liberum ab omni alieno amore tam sui quam Creaturarum. Eodem quoq; vultu respiciunt utiliter prospera & adversa, hoc est, sine distinctione, quia sunt paratissimi ad ferendam Crucem Domini propter ipsum Dominum nostrum. Quod si quis capere hæc nequeat, norit utentem adæquato medio haud difficulter posse assequi rem ipsam desideratam. Sancti isti homines longo tempore usi sunt hoc conducente medio, quod consistit in abnegatâ vel suppressâ naturâ juxta conductam discretionis, nunc ergo & imposterum nil aliud per totam Vitam appetunt nisi divinæ Voluntatis obsequiatam sub internâ exercitatione quam sub externâ operatione, sive in cunctis modis. Eorum amor & intentio habet se ad amorem Dei sicut se habet umbra solis lucentis ad motum Corporis illu-

illuminati hinc inde se moventis, quæ corpus locumatum immediate sequitur. Si corpus dominicum est mobile hæc umbrosum à Luce divinâ collustratum, nemo non intelligit, qualis sit sanctorum, qui umbram referunt, sequela seu imitatio Christi, hoc est, immediata & inconfusa; directa hæc sequela est, quæ alio vocabulo supra exprimebatur per *implantationem* & *irradicationem*, cui synonymum est *vocula adhesio* (*adunatio* &c.) Splendor talium hominum refert singularem coram Deo Claritatem, qui eos donis singularibus & perfectis ceu lumine multo ac magno illustravit, hætenus eorum lumen nequit à Caligine passionum obscurari. Imò (quod est notandum) in afflictione inveniunt requiem, & sub tentatione progrediuntur ad maiorem Spiritus perfectionem, hoc quidem sic possunt perficere, quia à nudo amore in quo diutius perstiterunt, didicerunt non solum magna præstare sed & maiora tolerare. Hæc ratione de die in diem præstantioribus à Deo locupletantur donis, ita ut eorum memoria miris modis ac speciebus incidentibus impleatur & recreetur, intellectus clarificetur, Voluntas autem ab igne divini amoris subito accendatur. Diceret aliquis, si tanta iis est sanctitas, nulla remansit iis imperfectio. Atamen dicitur in veritate eos nondum esse absolute perfectos, defectum suum ignorant ipsi, qui provenit ab ipsâ satietate seu superfluitate donorum, quâ nonnunquam improvidi homines ab occultâ eorum inadvertentiâ circumducti abutuntur in tantum, quantum sine suo scitu gressum sistunt cum quâdam animi refectione in donis Dei placide morando ac sine tantilli solatii sacramento utendo, id quod defectus cujusdam indicium est, cum & sensibili hæc oblectatione aliâs adinstar mortuorum carere debeant, si summam cupiunt adipisci perfectionem.

8. In gradu octavo decumbunt sancti & oblati homines, qui præ amore flagranti se tam sincere divinæ Voluntati obtruncant, ut nil remaneat iis mundani desiderii, sive inclinationis

ad Creaturas vel dona Dei, quod possit iis proprium dici. Et quanquam non deficient iis dona Dei nec bona temporalia, hæc tamen nunquam permovent eos intus in fundo animæ, eò quod id tam liberum est & vacuum curis, ac si nihilum possiderent, indè venit, quod cuncta Vitæ subsidia à Deo sumant pro exigente necessitate, residuum tanquam non suum reddant Deo contenti cum eo quod Deus cum iis agendum sibi proposuit. In iis adimpletur jussus Apostoli dicentis: ut offeratis vos Deo sanctam & acceptabilem hostiam: eoq; fit, ut redamantur à Deo amore magno tanquam ii, qui longo conatu ad cœli limina ascenderunt, Deo jam præ cunctis aliis viciniore facti. Causâ hujus facti onerat Deus eos bonorum suorum cumulatione, quanquam ea non quæsierint, & ostendit iis mirabilia magna per medium formarum seu Idearum: per medium dico, quia immediata ea revelatio atq; conspectus Dei denegatur iis adhuc vel eâ de causâ, quia voluntas eorum est adhuc occultâ quâdam & intuitivâ curiositate prædicta, quæ tamen penitus mortua esse debuerat, ejus causâ deprehenduntur recipere dona Dei secretissimâ quâdam proprietate iis ignotâ; hæc inadvertentia facit, quominus agnoscant se inæquali desiderio, majori nempe eadem accipere, minori verò iisdem carere solere. Subtilis iste defectus etsi ab iisdem non advertatur, quatenus in abditis naturæ recessibus profundè delitescit, nihilominus tamen Deo satis superq; obvius est, causamvè Deo reddit iisdem non satis fidenti. E. g. Si Deus gratiam spiritualem vellet iisdem subtrahere, non potest id facere confidenter, id est sine metu lapsus eorum. Idcirco exhibet Deus clementiam suam eo fine, quo debilem hominem eo modo ac medio trahat ad Vitam perfectam. Etenim cum sanctitas & perfectio non consistat in donis Dei, nemo habet quod sibi perfectionem adscribi permittat, etiamsi cuncta Dei dona accepta ferat; idcirco oportet eum hominem, qui niteretur perfectiorem attingere sanctitatem,

tatem, emori quoque; omni spirituali gratiæ, hoc est, omni donorum divinorum internâ applicatione, appropriatione, attributione & oblectatione sic carere, ut si omnia possideat, videatur se nihil accepisse. Id autem competit ei facere, nimirum ut animo humilimo suscipiat admirandam Dei Clementiam peccatori exhibitam, miretur, laudet, & glorificet eam, dona verò à Deo accipiat sine ullâ scrutatione purè ac simpliciter propter Deum semper paratus iisdem carendi, vicissim etiam quascunq; tentationes patienter sustinendi.

Octo isti gradus (classes) sunt ea series beatitudinum, quas Christus commendavit: quisquis earum cognitionem habet, Matth.
5. facilius discernere poterit inter eum qui perfectior, quivè imperfectior est alio. Ea quippè est forma juxta quam examines se fidelis quousque; pervenerit, ubi hæsitet, ut arrepto medio conductivo procedat ulterius. Sicut enim tota via perducens ad Regna sublimia est eo fine divisa in gradus, quò Viatori reddatur aptior; ita quoque; Deus peregrinanti potentiâ dedit, (quam indies auget) eundi, progrediendi, scandendi, altioraque; loca perendi. Ignavus, somnolentus, & juxta Viam stertens æquiparatur servo Talentum defodienti, contra Viator promptus fidei, probo & vigilanti servo comparatus laboris sui præmii reportabit.

E præfatis patet, omnes horum ordinum homines adhuc defectuosos, defectus quoque; cuilibet eorum esse proprios, unum verò præ alio juxta suum gradum plusminus defectuum, plusminusvè perfectionis habere. Sic enim unicuique; constat, quò altiores sunt gradus, eò nobiliores censerî homines iis incumbentes, eò quoque; chariores Deo, quò minus iis humanæ imperfectionis & impuritatis, hoc est, divinæ dissimilitudinis inest. Hunc dicunt aliqui, qualem cunq; impuritatem ac defectum, quam parvus etiam sit, in seculo non agnitum nec dimissum, iri olim expurgatum per modum ignis purificantis vel ideo, quia Deus purus est impuri nil intromittens in Regnum suum; verum

1. Exuici hi sanctissimi Dei Amici sunt, quibus testatur Apocalypsis, ex multis Calamitatibus eos venisse; horum externa forma prodit id ita esse. Nam superata naturā per media ardentis orationis, perfectæ resignationis, perpetuæ exercitationis, nec non erumpentis in amorem Dei desiderii perdidit corpus vires, caro succum nutritium, ossa medullam, venæ cruorem, animo interim nec advertente neq; curante naturæ dispendium, quia confortato à Spiritu qui liberè nunc suā in iis utitur potestate efficiendo, quò natura & operetur & patiatur supra naturam. Nil namq; poterat iis ferre solatium nisi solus Deus per ipsum Deum, quid quod in ipsum Deum tam arctè sunt & firmiter implantati ceu palmes Viri, hætenus nil potest eos separare à Charitate Dei nec vita nec mors &c. Charitas Dei vicissim in iis tanta est, ut ocyus eos comprecantes exaudiat Deus præ mille aliis.

2. Tam purè Deo se tradiderunt in fide, ut iis nunc nulla restet concupiscentia nisi adimplendæ Voluntatis & Gloriæ divinæ.

3. In omni rerum caducarum ceu alienarum usu carentattributione & oblectatione contenti cum beneplacito divino, sive Deus det sive auferat, non optant aliud nisi opus Domini, quod iis tam bonum apparet atq; suave, quàm acerbum & grave aliis videtur. Attamen

4. Plus averfantur prospera quàm adversa terrefacti à colato iis divino solatio, quod eorum desiderio contrarium est, quatenus nonnisi Christum imitari ejusq; imagini internè & externè se conformare cupiunt mediante calamitate, contemptu, ignominia, anxietate & solatii defectu. Quo fine

5. Omni diligentia considerant ineffabilem anxietatem, ac in summis Cruciatibus patientiam & oblationem Spiritus in Domino nostro tum expressam, cum amor ejus conflabatur cum naturā tanto nisu, ut ope expers & solatio ac superata naturā nobilem sui Corporis succum sanguineum reddiderit ab-

Mmmmm

sumti

summi sudoris vicarium, tumq; visam, cum derelictus in cruce luctam acerbissimam cum victoriâ æternum gloriosâ totiq; mundo salutari commutavit. Tanta ergo quæ comparari nequit Domini nostri passio profundo vulnere sauciat eorum corda tantovè dolore afficit, ut semper quasi passionem siti-ant parati dominicam passionem glorificandi vel simili vel aliâ morte acerbissimâ & ignominiosissimâ. Posito ergo super solam hanc Domini redemptionem fundamento fidei, nec non ornato eo amoris reciproci decore sub Voluntatis propriæ abnegatione, in humilitate.

6. Sustinent tentationes plurimas & maximas, quarum pleriq; Christianorum nesciunt reddere rationem, cur scil. Deus auferat sanctis suis cuncta sua dona relictis iis nudis ac miseris, ac si propitium Deum nunquam habuissent. Summas quoq; tentationes sustinent eò facilius, cum censeant se omni afflictione & passione dignos, nil magis desiderando quàm expiationem impotentiae in defectu perfectæ imitationis Christi conspicuæ: quapropter cupiunt etiam ab omnibus Creaturis illudi, vituperari, rejici & supplantari.

7. Insuper & sine neglectu observant divina opera, illuminationes, influxus & visitationes Domini, non obstante tantâ eorum ad crucem & passionem inclinatione, quin ob insignem amorem, quæm Deus in iis accendit sine scitu eorum, offerunt se ipsos ubiq; & in omni opere tanquam viva S. Spiritus organa, ne gratiæ Dei reperiantur inmemores.

8. Quantum ad opera cum nemine contendunt, nec ulli pal-
mam præripere cupiunt, dum Opera sua extremâ cum humili-
tate cunctis Creaturis postponunt, quâ de causâ Deo quàm
maximè placent vel propter tantum ac solum humilitatis ve-
ræ fundamentum.

9. Se ipsos simul & cuncta mundana creata, quantum in iis, amiserunt penitus, in iis quoq; defuncta sunt cuncta opera & effectus rationis, quorum olim Authores exstiterant, sic itaq;
apprimè

apprimè dicuntur mundo seu fato cessisse, id est, clauso in æternum animo mundum sibi aversum decessisse.

10. Nec se nec sua quærunť aut respiciunt, quia quæstum ac omnem voluptatem cum sterquilino concularunt, imò nec ulli se manciparunt nisi soli bono, quapropter solam admirantur immensam Dei Clementiam misero peccatori exhibitam. Utinam considerabilis hujus admirationis & æstimationis divinæ Clementiæ etiam inter nos esset sine fine duratio.

11. Adorant Dominum utrâq; adoratione, hoc est, non tantum in Spiritu, verum etiam in veritate, nec hætenus curant insultum & astutiam Diaboli, cum promptè jam evaserint ad resistendum complacentiæ seu subtili oblectationi, quâ eos capere hostis ambit. Nam Satanas solet etiam supremos sanctos tentare cunctis modis, si quâ suâ arte falleret eos, verum in tam extenuatis ac perviis tentationum jacula locum non inveniunt, quo hæreant infixæ, hætenus quoq; sine noxâ permeanť.

12. Divino amore pleni amant omnes in Deo homines tam impensè, ut exoptent qualem cunq; expurgationis torturam subire in vicem animarum examini rigidiori destinatarum. Sunt enim adeò illuminati, ut cognoscant, quo malo capiantur homines, ac de defectibus hominum possunt sat copiosam doctrinam cum discretione tradere cunctis imperfectis. Imò cum noscant, quàm se horrendis peccatis polluant homines severissimo judicio hinc pereundi, nullâ cruce magis afficiuntur ad mortem usq; quàm ingenti compassione cum peccatoribus habitâ, parati sic pati multa magnaq; pro iisdem tormenta, si Deo visum esset modò omnes impetrarent agnitionem tantæ beatitudinis in Deo sitæ.

Enumeratis nunc beatitudinis sive electionis gradibus, ac evolutis ordinum & vitæ sanctorum imaginibus, quæ terminantur per interventum mortis & transferuntur è tempore in æternitatem, expediret quædam annexere de ipso ter-

mino agonis paucis exoptato, permultis vero diro, truci ac tremendo, qui irrevocabili statuto sistit rotantis temporis circuitum, vultuq; inexorabili præcludit omnem regressui viam: studio verò prætermittitur hîc ejus tractatio & rejicitur ad finem operis, eò quod terminus hic etsi in se diversus, non tamen modificatus est juxta diversitatem præfatorum statuum, tùm etiam quod modustam diversus unà cum suis Causis soli Deo cognitus est, utut referatur ad status præfatos in respectu ad præmium ilicò subsequens. Quoad electionem patet è præfatâ 9. graduum doctrinâ, ad Vitam beatam requiri sensus religatos, id est, à carne mundoq; revocatos & ad Deum elevatos, requiri simul incuriam rerum caducarum, tædium conversationis, præter hæc requiritur etiam paupertas Spiritus & cogitationum in formas cœlestes transmutatio.

Q. Expone, quæso, etiam octo beatitudines, quas Christus ideo deprædicavit, quia constituunt quasi integrum complexum perfectionis, à primâ ergò incipiendo dic, quid in se habeat quod Christus dixit: Beati pauperes Spiritu, quoniam eorum est Regnum Cœlorum? R. Propterea posuit Christus eam beatitudinem primo loco, quia est caput ac initium omnis perfectionis. Hæc verba qualitercunq; quis intelligat aut vertat, oportet tamen fundum hominis esse nudum, vacuum, inops & liberum, si Deus debeat in eo operari quàm propriissimè, quoniam sine Deo nec esse potest, si vacuum est.

Q. Quot modis accipitur ea paupertas? R. Quatuor modis constat eam posse accipi. Nam primi modi pauperes sunt nolenter volenter tales, & hinc de iis non est severè judicandum, quoniam Deus ipse parcat eorum defectibus valde gratiose propter paupertatem eorum.

Secundi modi paupertas est eorum, quibus non adeò deficit subsidium necessarium; de eâ dicit S. Thomas, quod ea quoq; sit expetenda, & tantum ejus acceptandum, quantum liquet esse homini auxilium & promotio ad libertatem & vacuitatem

tem animi. Nam palam est, mentem quorundam esse longè puriorem ac sinceriores, cum corpus habet necessariam sustentationem, quàm si quotidie eam sollicitius quærere oporteat. Qui justâ suæ sustentationis veniâ utitur cum gratitudine, est magis liber ac vacuus, quàm qui eam quærere debet. Ast si quis advertit, se inordinatè esse obsessum ab eâ, eoq; nec virtutes, putà temperantiam, liberalitatem, humilitatem, puritatem &c. exercere, necessum esset, ut cuncta deferendo cum pauperibus fiat pauper forinsecus.

Tertius modus paupertatis est, cum homo usq; adeò amat Deum, ut nedum nil hætenus impediat eum, sed multò magis omnia suggerant ei auxilium & promotionem, sicut dicit Paulus: quod iis qui Deum amant, cuncta cooperantur ad bonum: tunc ^{non} movetur homo ab omni eo quod Deus non est, quin etiam quæcunq; tangunt ejus fundum, non impediunt, ne quâ permaneat pauper, vacuus & liber: hi ajunt cum Paulo: tanquàm non habentes & omnia possidentes; Quoniam & Regnum possidere possent sine damno interni hominis. Rom. 8. 1 Cor. 6.

Quartus modus paupertatis est, quâ quis ex Charitate proficitur, paupertatem foris & intus vel ideò, ut juxtà exemplum Domini nostri Jesu Christi sequatur eum in suâ merâ paupertate sine curâ vel adhæsione ullius rei intus & extus. Ejusmodi pauperes habent solum immediatum refluxum mentis in suam originem sic, ut quàm citò excursus aliquis sive elapsus fit inadvertenter, fundum statim persentiat eum, eoq; subito invertatur. Hæc est omnium simplicissima paupertas, cujus summa nobilitas in hoc est sita, ut, de quo dictum, refluxus sit non impeditus, sed liber & vacuus, ad eum modum, quem habent pauperes nunc & in æternum beati.

Q. Quid de secundâ beatitudine habes, nimirum: beati mansueti, quoniam possidebunt terram? R. Hi uno gradu propius accedunt ad beatitudinem, quoniam per paupertatem removentur impedimenta, per mansuetudinem verò

Mmmmm 3

pro-

Tit. 1.

proximè in fundum divertimus dehinc ejectum omnem rancorem & iracundiam, sicut scriptum est : Puris sunt omnia pura, & mansuetis nil est amarum. Qvod autem bonis sunt omnia bona, id bono ex fundo procedit. Gentes prisco tempore martyrio præparabant amicos Dei, nunc autem tormentis eos afficiunt tùm Christiani apparenter boni, tum & vicini eorum, ità ut usq; in fundum penetrent vulnera. Si quis se vertit ad Deum, ajunt, eum non esse sanæ mentis, item infirmi sensûs hominem appellant, singularistam, impostorem. Huic accidenti vadit obviam mansuetudo, quâ homo conducitur in fundum ad seipsum, per id monstrando, qualiter non hominibus, sed Deo acceptum ferat; indè quoq; fit, ut homo in pace queat dicere: ad quid nocere possunt omnia, quæ faciunt mihi homines, cùm Deum habeam amicum & patronum? Taliter possidet mansuetus suam terram, quò vivat in pace, quidcunq; etiam cadat super eum. Contrà qui hoc non facit, perdit cum virtute pacem, & potest vocari oblatrator, id est, qui rabidum Canem æmulatur.

Q. Quid censes de tertiâ, quæ est lachrymantium, ut qui promissionem consolationis obtinent? R. Duo sunt genera plorantium; Unum eorum est, qui patiuntur, alterum eorum, qui desilent sua peccata. Sunt autem & prænobiles Dei amici, qui sua peccata deploraverunt, hætenûs omnium beatissimi: his non est opus plorare amplius, nihiloseciùs plorare non desinunt, quia acerbo ploratu desilent peccata & defectus proximi. Legitur S. Dominicum, interrogâsse quendam e suis sociis, ad quid ploraret adeò? Eo autem respondente: Chære Frater, peccata mea desileo: regessisse Dominicum dicendo: non sic, mi Fili, peccata tua sufficienter deplorâsti, nunc potius desile peccata eorum, qui ea desilere nolunt. Sic namq; Amici Dei deplorant peccata mundi ejusq; malitiam. Cùm Deus ostendere judicium suamq; iram effundere vult super peccatores, prout sunt comminatae plagæ magnæ per ignem, aquam,

aquam, tenebras, Carestiam, terræ motus &c. Orbem terrarum variè terrentes, adfunt amici Dei, qui suis continuis lachrymis Deum placando præconceptas pœnas intercipiunt, ita ut Deus nobis parcat expectando nostram emendationem. Verùm si intermissâ emendatione frustra expectaverit, longè graviores pœnæ sunt subsequuturæ. Suspensæ sunt nubes, quas Lachrymis suis Amici Dei sustinent; ast certocertius est, nî fiat emendatio fore ut delabantur ingenti impetu, eoq; novissimum diem revocent in memoriam iis qui nunc fruuntur pace, tunc autem immensum gravati turbabuntur subverso interim Verbo & Cultu Dei; Deus autem noscitur conservare suos.

Q. Ad quartam quid habes? R. Salvator dicit: Beati, qui esuriunt & sitiunt justitiam. Raram hanc Virtutem pauci homines verè obtinent, nimirum sic, ut omnis eorum appetitus fames & sitis nil aliud intendat, quærat atq; degustet præterquam justitiam. Ast ubicunq; hæc esset, ibi abesset sive favor sive invidia versus seipsum, versus amicos, versus suum honorem, nec Laus nec Vituperium, nec falsum vel præcox judicium promanaret è favore aut invidiâ. Ubi hoc fundum inveniretur, laus ei competeret, eò quod homo conscendisset gradum tam nobilem, ut nil nisi justitia sapiat ei: de tali homine censendum esset, quod sit beatus.

Q. Quid tibi videtur de quintâ: beati misericordes, quoniam am invenient misericordiam. Scriptum est: Misericordia Pl. 44 Domini super omnia opera ejus: idcirco misericors homo est verè divinus. Misericordia nascitur è charitate & benignitate; quapropter veri Dei amici sunt longè magis misericordes & tam versus peccatores quam versus afflictos longè clementiores quam alii homines qui charitatem non habent. Nascitur autem misericordia ex eâ charitate, quæ inter nos invicem est exercenda, quam si non habemus, requirer eam Dominus in novissimo judicio; sic ubi non invenit necessariam

Vir:

Matth. 25. Virtutem, ibi denegabit suam misericordiam, uti dicit in Evangelio, ubi omnem perfectionem prætereundo damnatis solùm id objicit, quod non misericordes fuerint.

Matth. 7. Q. Ergone misericordia solùm sita est in munusculis aut elemosynis? R. Non solùm; verùm etiam sita est in omni eo, quod proximo accidit vel potest accidere. Quicunq; id omne non cum verâ charitate, & compassione intuetur, nec qualem-cunq; calamitatem ac defectum misericorditer suffert, timendum habet, ne quâ Deus misericordiam suam deneget ei, quia scriptum est: Eâdem mensurâ, quâ mensi fueritis remetietur vobis. E quibus Verbis sequitur cavendum sibi esse, ne judicet proximum, qui non vult damnari in æternum.

Q. Sexta beatitudo, quod sunt beati pacifici. dic quid in se habet? R. Annexum dicto est de iis, quod filii Dei nominabuntur. Homines qui verâ pace potiuntur, sunt omnium gratissimi, qui & eâdem privari nequeunt: exutâ enim totâ eorum Voluntate Vitam & actionem omnem contulerunt in Deum in prospero, in adverso, in tempore & æternitate (non quidem humano more, sed modo supernaturali, divino, in virtute Patris, in Sapientiâ Filii & in Charitate Spiritûs S. cujus lumine totaliter perfunduntur) sic ut si possibile esset, vellent seipsos deserere, ac intus & foris effluere in proximi dilectione, quatenus ubiubi tanguntur, nil nisi charitas & pax reperitur. Hi sunt pacifici ex Corde. Pax quæ omnem sensum superat occupat eos adeò, ut nequeat extirpari, hinc jure meritoq; vocandi sunt Filii Dei, & quicquid Filius Dei habet de naturâ, id iis datur per gratiam, quin & pacifici verè in Deo & ex Corde Dei nascuntur, ergo & pax ea nusquam nisi in Deo generatur, in nullis verò institutis, regulis, modis, in externo nullatenus, non obstante quod tales pacifici insultibus subnoxii queant pati ingentes impetûs juxtâ sensûs externi hominis varimodè.

Q. Quid

Q. Quid sibi vult septima beatitudo, nimirum beati puro Corde, quoniam Deum videbunt? quid est Cor purum? R. Est, cum homo liber & ab omni sollicitudine Creaturarum solutus vivit, in tali invenit Deus fundum vacuum, liberum & à Curis cunctis expurgatum, hinc est futurum, ut qui tales sunt, visuri sint Deum in Veritate. Istæ autem puritas vitiatur, si homo petulanter Cor & sufficientiam suam convertit ad terrena ibidem quiescendo, cum certum sit fore, ut quantum quietis sibi sumit aut invenit extra Deum, sive in eo quod Deus non est, tantum se separet à Deo. Sic obscuratur in eo Vultus Dei, ne Deum queat videre in modo ejusdem quietis. Propalàm indè fit, quàm Carnis puritas forinsecus inserviat puritati Cordis, prout Paulus allegat Virginitatem dicendo, Virginem curare, quod Dei est, cum sancta sit Corpore & Spiritu, qvale quid habere aut facere nequeunt uxorate. Igitur quemadmodum amittitur pulchritudo Corporis sub externâ ejusdem mutilatione, ita dissolvitur integritas Deiformis Spiritûs mediante voluntariâ Communionem cum iis rebus, quæ non sunt ejus imago vel origo, eò quod hujus medii ope sic obscuratur Spiritus, ut suam Originem videre nequeat in fundo suo, cujus gratiâ creatus est, hoc est, è quâ profluxit: undè autem profluxit, eò refluere debet, nimirum in suum principium ad intuendum Deum Oculis mentis (Spiritûs). - Hinc plurimum laudanda est puritas, quia habet continuatum introitum in Deum. Oportet enim sponsam Christi ita se gerere, ut nulli desideret placere uspiam præterquam soli Deo, si quâ vult esse & vocari sponsa ejus.

Q. Dic quid nos doceat octava beatitudo, quâ prædicantur beati, qui per sequutionem patiuntur propter justitiam? R. Quid boni in se contineat hujusmodi passio, non potest dignè dici. Nam Deus benignus qui suos amicos destinavit ad intimam suæ beatitudinis vicinitatem, cum videt eos, non vivere

Nnnnn

uti

uti decet & par est, efficit, ut expiati per diram passionem perveniant ad salutem nolenter volenter; annon immensa hæc est & ineffabilis Dei bonitas? Annon hinc obligatur homo reddere Deo infinitas gratias, nimirum pro eo, quod aliquid pati debeat Causâ salutis? Quâ ratione autem se eâ gratiâ indignum reputare debet, hâc etiam spes magna in Deo concipi debet acquirendæ tantæ dignationis, quâ imitando eum per passionem reddatur similis ei. Proindè ait Bernhardus: Exigua passio patienter perpeffa præcellit multis magnisq; bonorum Operum exercitiis. Sic S. Thomas inquit: non esse passionem tam parvam, quam quis & foris & intus sustinet, quæ non haberet imaginem quandam venerabilis passionis Domini nostri.

Q. Daturne exuperans passio aliis magis vicina Saluti? R. Tametii passio, de quâ dictum est, in se sit incomparabiliter utilis, sit & fructuosa, nihilominus datur alia, quæ supereminet atq; proximior eoq; nobilior est, nimirum cum homo intus patitur Deum. Nam quantum distat Deus à Creaturis, tantum superat ea passio cuncta Opera, quæ possunt peragi. Ideoq; Deus summe diligendus est pro eo, quod æternam beatitudinem reposuit in quandam passionem Dei. Sic autem est, ut Opus sit Dei & non nostrum, in eo Deus accipiendus est, quia homo naturatenus plus potest pati quàm agere, plus accipere quàm dare. Singula dona præparant aptum vè reddunt desiderium accipiendorum infinitorum donorum, dummodò quis vacuatâ & quietâ mente in se expectaret Opus Dei, & loco concessò Deum in se pateretur, quò suum excellens Opus queat in eo perficere. Deus enim est merus actus, Spiritus autem in seipso mera passio; idcirco si homo maneret in suâ dignitate, seq; æqualiter mereq; subiectum Deo teneret, ita ut Deus opus suum in eo abolveret sine ullo impedimento, hæc mira beatitudo esset. De electis nunc est pergendum ad non-electos.

Q. Quid

Q. Quid sentis de iis hominibus, qui vivunt juxta Voluptatem (desiderium) Cordis eorum, qui tamdiu degunt in pace, quamdiu locupletantur Opibus, Gloriâ, Amicis &c. ac si eorum Vita deberet esse æterna, quin observatis insuper horis multum orant putantes sic se quàm benè gessisse, cum nemo audeat vel unico Verbo iisdem contradicere? R. Tales sunt magis deplorandi quàm excusandi, tanquàm qui re non benè gesta in suâ propriâ tantùm resident justitiâ, propter quam sibi persuadent pacem & securitatem, damno quidem eorum maximo, cum tamen (si non seipsos deciperent) toto die in aliis compertum habeant, quàm cuncta eorum bona, quibus delectantur, nonnisi temporanea sint & transitoria. Nam factâ per DEUM Visitatione, quâ mori jubet eos, non ferriatur tunc præsens inimicus, quin festinanter obsidionem facit circumvallando eos vallo maledictæ desperationis sic quidem, ut ruendo contendant in eam Viam, quam vel maximè vitare cupiebant. Neq; de DEO quicquam possunt cogitare præ continuato hostis insultu, quod mirum non est, quia nec DEUS fuit unquàm in illis, non DEO confisi, non dedicati, intenti potius fuerunt temporali felicitati sensuumvè suffectui. Destructo hinc fundamento (quod Diabolus, facillè diruere potuit) ruit quoq; pax desuper structa.

Q. Dic quid subsequitur? R. Sequitur intolerabilis, æterna inquietudo, quàm nemo potest satis deplorare. Omnis Cupiditas Carnis, Oculorum, Superbia &c. non est à DEO, sed à mundo juxta id 1. Joh. 1. Mundus autem præterit cum suis cupiditatibus, solus tantùm manet in æternum, qui fecit Voluntatem DEI. O si vel semel possent cognoscere aliquid de rigidissimo extremo judicio & de carentiâ pacis æternæq; quietis! Enimverò si corpus & anima hominis est Templum DEI, neglectus verò ejusdem tam est supinus, ut

Nnnnn 2

anima

anima ejusdem Culpâ fiat spelunca latronum, qvî poterit DEUS habitare inter latrones? an poterit intrare in talem speluncam vel in tabernam mercimoniarum, quæ profanissimæ sunt, cum sanctæ debeant esse?

Q. Dic obiter, quid mercatura & mercatores denotant in sensu spirituali? R. Uti in sensu communi mercatores sunt, qui id quod habent, dant pro eo quod non habent; ita in sensu spirituali nil magis proprium est homini quam Voluntas; cum eâ negotiantur homines emendo delicias rerum temporalium, in Cibo, in Potu, in Vestibus, ornatibus, in iis-ipsis, in beneplacito aliorum, ubiubi Occasio se exhibuerit ad aliquam Voluptatem, quâ tempus terant, quâ se exhilarent, quò benè sit illis, blandiuntur sibi dicendo, nil nocent hæc, non Deum offendunt, Deus indulget ea nobis. Ast certocertius est, eos toto hoc mercaturæ tempore, quo liberam suam vendunt voluntatem, se indies procul à Deo elongare, quatenus divinum solatium tantæ teneritudinis est, ut se nullatenus cum quoviam terreno solatio compatiatur.

Q. Eheu! quid profers hîc, ignorasne qualiter totus mundus deditus est tali mercaturæ, emtioni scil. rerum mundanarum, & venditionis Voluntatis suæ, quid regerat tibi mundus pro tali encomio? R. Quid mundus ad me? Tantò magis caveat sibi, qui mundo perosus Idolum ejus non reveretur: noscas etiam, perpaucos dari fortes Viros, qui DEO se ausint exponere, cum omnia sint plena naturæ sui; arbitrii, omnes ferè quærant seipsos in cunctis rebus. Utinam cum DEO contraherent oblatâ scil. DEO Voluntate, cujus mercaturæ exoptatissimum finem reportarent, id est, beatitudinem.

Q. Quid comparat sibi mundus, cum putat pacem oblectantem

stantem esse mercem lucro suo dignam? R. Superius audi-
visti, mundanos indè acquirere perpetuam inqviem, tortu-
ram Conscientiæ, & quid deficiat iis ignorare, quoad animus
incompositus est, sibiipfi Oneri & Martyrio, templum eo-
rum est plenum mercium nundinalium, quas nolunt ejicere,
tantominus seipfos deferere.

Q. Ad quid superaddis Verba seipfos deferere, annon suf-
ficit abrenunciare amicis, facultatibus, bonis &c? R. Non
sufficit, imò nil est hoc, nî etiam seipsum abneget homo
juxta Scripturæ effatum ita ut tam se sit carens, quàm fuit
tunc, cum à Deo profluxit.

Q. Cum autem animæ fundum (Mens) tale sit, quod
habet relationem ad DEUM, undè sitis (desiderium) ejus
furgit, quæritur, cur adeò nil ejus in ejusmodi hominibus
(non electis) percipiatur? R. Id adscribendum est sum-
mæ eorum corruptelæ, ut qui fundum id deferunt, negli-
gunt, omnemq; animæ sitim impurâ aqvâ restingvunt,
dum solum Creaturarum usum appetunt. Idcirco nul-
lum gustum è rebus divinis capiunt, amissus est appeti-
tus, repletus stomachus, eoq; paulatim feruntur in mortem
æternam.

Q. Si Vitæ suæ curriculum tali modo absolvunt homines,
quid tandem obvenit iis circa obitum? R. Apertis tunc
Mentis oculis cum vident tum naturalem suam nobilitatem
eos totaliter corrupisse, tum subter immensâ eorum stultitiâ
& vanitate neglexisse bonum ineffabile suumvè fundum de-
vastasse, labuntur in tantam anxietatem, quæ cunctas alias
longè exuperat.

Q. Ut autem defectûs hujus gravitas velut ab oppositorum
Nunnn 3 juxta-

fructu interim cessuram. Non sic, non sic ô homines.

Q. Sunt autem multi, qui dicunt, in sanctâ Ecclesiâ sumus fruentes sanctâ Communione, oramus, legimus, num deerit his aliquid? R. Deest iis nimis multum, quoniam id omne sic faciunt sine Charitate, ac sine devotione, hoc est, disperso Corde cæcè ac frigide, ut quis miretur desuper, nec sequitur emendatio.

Q. Sed regerunt dicendo: Nos confitemur D E O peccata nostrosq; defectûs? R. Ejusmodi Confessio est saltem verbalis & verbosa: neq; enim habent firmam Voluntatem emoriendi cordiculus cunctis suis peccatis ac defectibus, & tamen Sacramentum Eucharistiæ percipiunt, nil prodest iis, quin magis expediret, si ab usu ejus abstinerent.

Q. Nihilne juvant conciones ac privatæ dehortationes eorum, qui è sincero Corde iisdem periculosum statum eorum ob oculos ponunt? R. Non solum nil juvant, quin etiam fieri solet, ut qui sincerè dehortantur eos, contemnantur, derideantur, novarumvè inventionum arguantur: quid ergò futurum est iis, si seriâ non fecerint pœnitentiam? Procul dubio faciem D E I non intuebuntur.

Q. Tales cum sæpè dicere soleant, illibenter velle eos male agere, quis non putârit, eosdem nonnisi benè facere? R. Quod sic dicunt, ad benefacta referendum non est, cum ambulent cum D E O modo frigido, crasso, in murmure, in sensu brutali, legunt & orant ore externo, Corde verò, charitate & intentione (propter quam solam Dominus

